

62651 / B

MEDICAL SOCIETY
OF LONDON



ACCESSION NUMBER

PRESS MARK

HOFFMANN, F.

WG

G. J. 14

FRIDERICI HOFFMANNI
CONSILIARII REGIS INTIMI, ARCHIATRI, ACADEMIÆ
ET ORDINIS MEDICI SENIORIS
OPUSCVLA
PATHOLOGICO-
PRACTICA

SEV
DISSERTATIONES SELECTIONES
ANTEA DIVERSIS TEMPORIBVS EDITÆ
NVNC
REVISÆ ET AVCTIORES

DECAS I.

- I. De ætatis mutatione morborum caussa & reme-
diis.
- II. De morbosorum generatione in corpore
humano.
- III. De putredinis doctrina ejusque amplissimo in
medicina usu.
- IV. De usu anatomies in praxi medica.
- V. De morbis fœtuum in utero.
- VI. De dentibus, eorum morbis & cura.
- VII. De bile medicina & veneno corporis.
- VIII. De salubritate febrium.
- IX. De situ erecto in morbis periculosis valde noxio.
- X. De crifium naturae earumque explicatione rationali.

DECAS II.

- I. De certo & rationali mortis in morbis præfagio.
- II. De duodeno multorum malorum causa.
- III. De ignorata uteri structura multorum in me-
dicina errorum fonte.
- IV. De morbis certis regionibus & populis propriis.
- V. De læsionibus externis, abortivis, venenis ac
philtris.
- VI. De metallurgia morbifera.
- VII. De inflammatione ventriculi frequentissima.
- VIII. De morbis hepatis ex anatomia deducendis.
- IX. De pulsum natura, genuina differentia &
usu in praxi.
- X. De generatione mortis in morbis.

INDICE RERVM PRÆCIPVARVM.

HALÆ MDCCXXXVIII.
Prostat in OFFICINA RENGIERIANA.



PRÆFATIO.



Sic non minus, quam graviter antiquissimus medicinæ parens HIPPOCRATES *Libr. de Arte* prodidit: *divinam esse artem medicinam, at propter ignorantiam eorum, qui eam exercent, & propter eos, qui temere de medicis judicant, rem esse vilissimam & omnium opprobrio expositam.* Mirum certe est, ne ullam quidem artem, vel disciplinam tam temerariis & perversis patere judiciis, imo probris & calumniis, quam professionem saluberrimam, cujus fundamenta Deus ipse in natura remediorum, in mechanismo corporis nostri, inque ratione humana posuit ac stabilivit, & quæ omnes, cum ingenuas, tum mechanicas, quas
):(homo

PRÆFATIO.

homo instinctu quodam divino in necessitatem, commoditatem, vel oblectationem excogitavit artes, longissime exsuperat. Quid enim nobilius, quid præstantius, quam corpus sanum & integrum servare, morbos fugare, mortem arcere & vitam ad naturalem terminum producere? Nihilominus, non modo *Hippocratis* ævo, sed & omni postero tempore cum propter ignorantiam eorum, qui medicinam temere exercent, tum propter iniquitatem judicantium divina hæc ars res vilis, imo contumeliosa fuit habita. Etenim in nulla professione, tanta multitudo & ignorantia artificum conspicitur, quam in medica, quæ tamen, tam propter acerrimum, quo pollere debet medicus, judicium, quam propter earum rerum, quas accurate scire debet, copiam merito haberi debet difficillima. Quisque enim vel ex infima etiam plebe hisce temporibus se medicum profiteri, vel medicinam adversus certum morbum jactitare non erubescit. Sed hi fere sunt, ad quos pertinet sapiens illud effatum HIPPOCRATIS, quo *L. de Arte*, multos fama & nomine medicos, re vero & opere perpaucos esse, perhibet, quodque in *L. de vet. medicina* fusius ita exponit: *sunt opifices alii quidam mali, alii vero multum præstantes.*

tes. Ut enim aliarum artium cunctarum opifices plurimum inter se differunt : sic etiam in medica evenit arte. Quodsi autem causas tam ingentis medicorum multitudinis & licentiæ practicæ curatius scrutamur, vix alias deprehendere licet, quam quas vere non minus, ac eleganter prodidit PLINIVS L. 29. c. 1. cum ait: in hac arte sola evenit, ut cuicunque medicum se profitenti statim credatur, cum tamen periculum sit in nullo mendacio majus, nulla præterea lex, quæ puniat inscitiam capitalem, nullum exemplum vindictæ: sed discunt periculis nostris & experimenta per mortes agunt & medico tantum hominem occidisse summa impunitas est. Unum idemque sentit HIPPOCRATES libro citato, qui arguit hoc, quod in civitatibus arti medicinali nihil supplicii, quemadmodum aliis, excepta dedecoris nota, decernatur.

Quum itaque cuivis pro suo arbitratu, medici personam induere, eiusque vultum, gestum, habitum & scientiam, fingere licitum sit; hinc vulgus hominum ineptum & ad judicandum proclive medicum bonum a malo, peritum ab imperito minus recte novit distinguere, sed illis maxime fidit ac assentitur, qui alios contemnunt, magnaue arcana venditantes ingenio & loqua-

citate aliis sunt superiores. Elegans hac de re ex-
 tat locus in præfatione CORNARII Tomo II. *Ae-
 tii præfixa: videas, inquit, quosdam loquacitate ac
 mira litigandi contentione apud ægros se efferre ac
 gesticulando obtinere, quo putentur rem ipsam &
 morbum optime tum nosse, tum curare posse, cum in-
 terim alius ad hanc rem simul adhibitus ob maturio-
 rem considerationem, vel linguae parsimoniam præ illo
 nihil scire putetur, & contingit sane ita ignorantem
 temeritatem a vulgo probari, ditari ac in honore es-
 se, maxime cum fortuna etiam huiusmodi hominibus
 favere conspiciatur, ut aliquando æger convalescat.*
*A prudenti vero medico omnis abest loquacitas, omne
 præceptum consilium, hunc potius ratio, deliberatio &
 prudentia ad rectum iudicium & inventionem tuti ac
 idonei remedii reddit.* Neque profecto medicus
 vere peritus iudicii acumen, quod ad medicinam
 omnino requiritur, multiloquentia solet osten-
 dere, vtpote hæc felicitis memoriæ soboles est, ad-
 modumque raro cum solido iudicio consistit.
 Hinc optime CELSVS *remediis, non eloquentia sa-
 nari morbos docuit, & sapiens antiquitas ideo artem
 medicam dixit mutam, secundum illud VIRGILII*
*Scire potestates herbarum usumque medendi
 Maluit, & mutas agitare inglorius artes.*

Dein-

PRÆFATIO.

Deinceps ignarum & inconditum vulgus medicorum præstantiam judicare solet ex ipsorum assiduitate. Vulgaris enim est persuasio, in solis remediis omnem medendi residere vim, & medicum omnis felicioris sanationis esse causam, cum tamen natura maxima ex parte sanet, & medicus tantum naturam, quæ remedium vires varie moderatur, adjuvare debeat. Perperam itaque vulgus illum medicum, qui semper ægris assidet, vel eos frequenter visitat, præstantiorem iudicat iis, qui non tanta assiduitate se commendant. Tametsi vero præcipuum medici munus in eo versetur, ut morbum præsertim inter initia decenter exploret, ejusque vires ac progressum, maxime si fuerit acutus, probe scrutetur: nihilominus tamen nimia assiduitas & perpetua illa non officia, sed servitia in morbis, ubi nullum adest periculum, eoque tempore, ubi in acutis nulla contingit mutatio, medico honesto merito sunt suspecta, quia plerumque produnt, quod ægrum fallere & lucrum ab ipso captare, vel etiam tali servitiorum genere se commendare velit. Sæpius vero id accidit citra omnem fraudem, solius medici ignorantia, dum hic cum ægro existimat, se esse naturæ ac morborum magistrum &

PRÆFATIO.

medicamenta omne in medendo absolvere punctum, cum tamen, ut iam antea diximus, natura hac in re principes tueatur partes, quæ optime in acutis ordinem ac tempora sanationis desiderat, paucis remediis contenta. Hæc autem tempora, hos motus, huncque ordinem naturæ prudenter medicus debet attendere, expectare & immatura vel violenta medicina nullo modo turbare. Minus recte igitur homines plus opis ac auxilii a medicorum perpetua assiduitate, quam ab aliis, qui honeste suo funguntur officio, sibi pollicentur. Hinc non sine ratione ab eiusmodi medicis sibi cavendum esse scribit SIDONIVS APOLLINARIS L. 2. c. 22. his verbis: *sunt medici quidam parum docti, sed satis seduli, qui languidos multos officiosissime occidunt.* Et VERVLAMIVS de augmento scientiarum p. 110. *Et si ex opera medicorum quotidiana, quam in visendo, assidendo, præscribendo, agrotis præstant, putaret quispiam, haud segniter illos curationem persequi, atque in eadem certa quasi via insistere; tamen, si quis ea, quæ præscribere atque administrare solent medici, accuratius introspeciat: inveniet pleraque vacillationis & inconstantia plena, & quæ ex tempore cogitant & in mentem illis veniunt, absque certo aliquo præviso curationis tramite.*

In

PRÆFATIO.

In eo quoque imperita plebs a vero discedit iudicio, quod remediorum copia adversus morbos pugnandum esse arbitretur, ideoque pluris æstimet medicum, in formulis præscribendis copiosum, quam eum, qui pauca in curatione adhibet remedia, quum tamen potius certum & indubitatum ignorantia medicæ signum habendum sit, si quis in omni morborum genere multa & varia præscribit medicamenta; siquidem natura & morbificæ causæ pauca tantum desiderant, sed selecta & accommodata. Quid enim aliud est, morbum tollere, quam eius causam removere; causa vero diversissimorum effectuum non varia, sed sæpius simplex est, adeoque non multa, non varia postulat auxilia. Deinde cunctatione, mora ac tempore opus est, ut quæ vitæ corporique infensa sunt, emendantur ac ejiciantur, quod sæpissime solam naturam sine ullo medico ullaque medicina perficere videmus in plebejis, rusticis, gentibusque medicis destitutis, & iis, qui a medicina abhorrent: hi enim frequentissime ex acutis passionibus, febribus tam benignis, quam malignis, inflammatoriis, variolis, morbillis &c. solius naturæ ac temporis beneficio, quiete ac abstinentia citius evadunt meliusque

PRÆFATIO.

usque eluctantur, quam divites, potentes, magnates, & principes, qui vel decem medicos asfidentes habent, & singulis horæ quadrantibus medicinam accipiunt, quæ tantum abest, ut juvet, ut potius naturam plerumque impediat, turbet morbumque deteriorem reddat. Aureus sane hanc in rem exstat *aphorismus* 19. JOANNIS DAMASCENI *ad filium*: *medicamenta tibi sunt certa & pauca usurpanda, eaque, quibus maxime usu fidere possis. Nam si volueris multa assequi, multiplici sensuum varietate eo venies, ut nulli tuto confidere possis.* Rectissime quoque VERVLAMIVS *copiam ac varietatem remediorum ignorantie filiam* appellat, optimeque docet, quantum in iudicando ii delinquant, qui copia præscriptionum & remediorum multitudine præstantiam medici æstimare & metiri solent.

Est porro error decumanus, & pervulgatus, quando de medicorum dexteritate ex successu curationis, qui plerumque non tam scientiæ medici, quam aliis causis debetur, iudicium formare solent. Nam si quis convalescit a morbo, scientissimus medicus iudicatur, quanquam nihil ab eo gestum sit, quod opem tulerit, sed ipse potius imprudenti methodo celeriores sanationem impedi-

PRÆFATIO.

pediuerit. Contra ex vulgi iudicio parum peritus censetur medicus, si ægrotus quidam longiori morbo, quem leuem arbitrari solent, detentus e vita discedit. Hinc si quis eos sanat, quos pro moribundis incondita hominum turba habuit, statim summis effertur laudibus, & licet præter vile confortans, vel emulsionem perlatam, quæ parum ad rem fecit, nihil adhibuerit; magnam tamen adipiscitur famam & sanationem præstitisse dicitur singularem omnibusque numeris absotam, ita prorsus, ut omnes urbis plateæ his clamantium vocibus personent: en! medicum incomparabilem, ægrum sanauit, quem omnes fere & singuli pro mortuo habuerunt. Longe vero aliter sentire solet vulgus de medico prudentissimo rerumque medicarum vere perito: hic enim si ægrotum suæ curæ commissum amittit, qui morbo malignæ indolis acuto laborans a nemine putabatur moriturus, mox ingens existimationis suæ periculum incurrit, & licet exquisitissima remedia præscripserit, omnibusque industriæ neruis contenderit, ut vitam ægri conservaret; innumeros tamen habet obtrectatores, qui, ut nomini suo maculas inspergant, pleno ore clamant, ægrum perversa ratione esse tractatum, & plures euasisse, qui eodem morbo longe periculosioribus sympto-

):():(

pto-

PRÆFATIO.

ptomatibus fuissent tentati. Quodsi vero contingit, ut talis æger secundum vulgi expectationem e morbo euadat, parum certe vel nihil a medico factum esse iudicatur, utut propter prudentiam in medendo adhibitam multum laudis, multumque gloriæ mereatur. Proh! dolor itaque medici existimatio a vulgi opinione, vel potius errore dependet, quo imbutus existimat, medicum in morbum ita agere posse, ut in habenam, quæ ad arbitrium adducitur, vel remittitur.

Sequitur jam novus proponendus error, qui in eo consistit, quod vulgus iis remediis, quæ ultimo administrantur, totum curationis successum attribuere soleat. Ita ubi in principio febris intermittens, urgente plethora, incisa fuerit vena, saburra primarum viarum emetico evacuata, & obstructions primarum viarum per incidentia reserata; febris vero accessio nondum desiit, & novus accedens medicus aliquot chinæ dosibus impetum & accessionem febris retundit: tunc huic remedio curatio febris unice assignatur, & felicitas medici in medendo summe prædicatur. Pari modo, si inter initia & progressum febris acutæ omnia facta fuerint ex arte, & circa diem criticum alius medicus pulverem pretiosum cordialem aureum præscribat, quem mox sudor sequitur, vi-

rium.

PRÆFATIO.

riumque recuperatio, & pulsus mutatio; protinus huic medico ejusque remedio totius febris curatio adscribitur; cum tamen hæc omnia inter morbi initia data nil omnino opis tulissent. Ita etiam porro, si de fructibus quid fuerit degustatum, vel esculentum minus consulto assumptum, atque postmodum quis ægrotet, alioque morbo vexetur, tunc causa solum putatur illud erratum in diæta, aliis infinitis antecedentibus rebus noxiis non adjunctis. Enimvero probe hoc loco tenendum est, naturam sicuti in morbo curando, ita etiam in eodem producendo opus habere certo tempore. Etenim humores pravi pedetentim ad morbum vel paroxysmum efficiendum accumuluntur, eo usque, dum determinatam quantitatem ac mensuram nacti fuerint, ad quod vel minima additio in fine sufficit, & tunc morbi causa potens efficitur, quæ agere in corpus possit, quæque effectibus morbofis producendis apta sit. Ubi facile perspicitur, ea omnia, quæ antecesserunt, pro sua etiam parte agere & egisse: nam uti in arbore præcidenda centum securis ictus inflicti non supervacui habendi sunt, cum centesimus primus arborem deturbaverit; ita quodocunque circa crisin morbi acuti adhibentur remedia, minime ipsis virtus curatrix debet

PRÆFATIO.

adscribi, quoniam per omne tempus morbi materia peccans prius debuit temperari, maturari & ad expulsionem, vel resolutionem præparari, quod non medicinæ, sed tempori potius est attribuendum. Interim felix prædicandus est ille medicus, qui ad mali inclinationem accedit: nam licet nihil omnino præstiterit, nihilominus auctor prosperi dicitur eventus.

Cæterum mentio quoque est facienda ingentis, vulgati & singularis erroris, qui non modo plebis, sed & medicorum quorundam non adeo solidorum mentes occupat, dum persuasum sibi habent, in medicamentis ac remediis, quæ adversus morbum usurpari solent, omnem sanationis residere efficaciam. Quod præjudicium fere universale & naturæ humanæ quasi ingenitum, fons ac origo est illius stolidæ ac perniciosissimæ empiriæ, quæ inter omnis generis homines regnare solet. Quisque enim, si quando observat, in certo morbo remedium cum fructu usurpatum, statim in similis generis morbo eiusdem applicationem suadet. Et a tali empiria nemo fere, cuiuscunque etiam ætatis, sexus, vitæ generis, & dignitatis sit, deprehenditur immunis, sed quisque fere medici officium affectat, quum tamen res longe aliter se habeat: utpote vis & efficacia sanandi non tam in remediis eorum-

PRÆFATIO.

rumque activitate, quam potius in corporis nostri actione & reactione consistit & quærenda est. Unde etiam tanta effectuum varietas ab uno purgante, opiato, roborante vel mercuriali remedio pro diversitate subjectorum mirifice ratione dispositionis & motus humorum, ratione sensibilitatis & solidarum partium ipsiusque roboris inter se differentium in uno eodemque morbo resultat, adeo, ut ejusdem remedii, eadem sæpe dosi propinati effectus corporibus quibusdam sit benignissimus, aliis vero perniciosissimus. Ex quibus jam clarissime intelligitur, experientiam solam, ut perversa multorum fert opinio, non facere medicum, quia toties fere variat, quot sunt individua; sed solidam & sanam medici rationem exquisitumque judicium, quo morbi circumstantias remediique vires, experientia dudum cognitæ cum morbi & causarum morbificarum indole, nec non subjectorum dispositione comparare, & inde methodum applicandi remedia desumere novit, quam maxime requiri. Nam quemadmodum in jurisprudentia non sola legum scientia facit jurisconsultum, sed earundem facta cum prudentia & judicio ad facti speciem applicatio: ita idem valet in medicina, ubi non remediorum cognitio eorumque virtus perspecta efficit medicum, sed potius eo-

PRÆFATIO.

rundem ad certum morbum & subjectum applicatio: ubi minima circumstantiarum mutatio variam remediorum indicationem postulat. Quicumque itaque hæc bene consideraverit ac perpenderit, is non temere in morborum curatione cuivis commendanti remedia fidet.

Deinde quoque recensendus est ille receptus multorum error, quo medicus omnis generis morbos, etiam periculosissimos sanare posse putatur, cum tamen professio nostra salutaris valde limitata & angustis agendi terminis sit circumscripta. Utpote remedia, quibus ceu instrumentis artifex utitur, certa activitatis gaudent sphaera, ultra quam non licet progredi. Quare, si causa morbi major sit virtute naturæ ac remediorum efficacia, ipsa manet invicta & destructionem machinæ subinde infert: adeoque inscitiae & erroris res plena est, plus desiderare a medico velle, quam ipse per potestatem suam præstare potest. Verissime hanc in rem scribit HIPPOCRATES *in vet. medicin.* *Non exigenda ab arte, quæ non proficitur: nam quorum facultatem tum per naturæ, tum per artium instrumenta consequimur, eorum nos opifices profiteri possumus, aliorum non item. Si quid igitur homini contigerit, quod medicinæ instrumenta superat,*

PRÆFATIO.

perat, id ne sperandum quidem est ab arte medica vinci posse. Si itaque res medico non ex voto succedit; si morbi vehementia remedium vires superat, non protinus culpa in artem est rejicienda: nec mirandum, adeo multas tam acutas quam chronicas passiones esse insanabiles. Quo vero illustrior res fiat exemplis, versantur nobis ante oculos nonnulli ex chronicis inveterati, habituales, vel hæreditario jure ad nos devoluti morbi, quorum curandi ratio vel nulla, vel valde difficilis ac imperfecta est. Quis enim inveteratum hypochondriacum affectum, nodosam podagram, verum ascitem, veterem pulmonum exulcerationem, renum, vel vesicæ calculum, hæcticam, asthma convulsivum cum hydrope thoracis iunctum, scorbutum, guttam serenam, longam surditatem, cachexiam ex viscerum induratione ortam sanare & feliciter profligare novit? & nonne satis esse debet, illorum impetum convenientibus remediis mitigare & parumper retundere. Equidem libri medicorum, botanicorum & chymicorum in hisce rebellibus morbis complura vehementer jactant & commendant remedia atque arcana, quæ tamen ubi applicantur, vana tantum spe hominum animos lactant, turpiterque fallendo, omnem spem ac expectationem destituunt.

Neque

PRÆFATIO.

Neque porro medicus, multum præstare arte sua valet in febribus acutis, malignis, inflammatoriis, ipsaque peste, ubi certe naturæ benignitas optima solet esse medicatrix: nam si fibræ motrices debito gaudent robore ac tono, si vasa sunt capacia, neque humorum ac sanguinis nimis destructa temperies & crasis est; tunc morbi acuti sæpissime sua sponte, certo ordine ac tempore cessant, & violento illo extraordinario febrili motu, sæpe ipsa causa huius motus pernicialis, successu temporis emendatur, corrigitur atque expellitur. Unde apparet, parum tali in casu medicum sua arte posse proficere, nisi quod tantum ea, quæ naturæ oneri sunt, quæque salutarem eius ordinem ac motus impediunt, inter initia statim removeat, vel exsuperantem sanguinis quantitatem venæsectione demendo, vel primas vias a copia excrementitiarum sordium leni emetico, vel laxante liberando: omni reliquo tempore nihil fere agendum est, nisi ut æger ab omnibus alimentis & medicamentis valentioribus abstineat, in quiete & placida diaphoresi se contineat, & potum subinde diluentem ac humectantem adsumat. Exemplo sit truculenta pestis, morborum facile acutissimus & periculosissimus, quæ omnia fere remedium, etiam magnifice commendatorum genera respuit, optimeque

osten-

PRÆFATIO.

ostendit, medicum certe parum, vel nihil selectissimis suis alexipharmacis posse præstare, sed quia ab ea liberantur, homines beneficio naturæ, abstinentia, quiete, & temperamento sanguinis alexipharmaco maxima ex parte servari. Perquam dignum observatione est, ante ducentos annos Anglicum sudorem, pestis speciem, per complures Europæ partes diram edidisse stragem, nullo remedium genere quicquam opis afferente; donec tandem optimum & promptissimum hoc annotatum fuit auxilium, si quis tali sudore correptus se in lecto quietum per viginti quatuor horas continuit, nihil vel alimenti, vel medicamenti assumfit, neque manum, vel pedem refrigerandi causa extra stragula protulit, neque multis stragulis se onerari passus est: qua methodo plures certe non artis, sed naturæ beneficio convenientique regimine e gravi hoc morbo evaserunt.

Ex hisce dictis jam liquidissime intelligitur, non tantam artis nostræ esse potentiam & facultatem, quanta non modo a vulgo, verum etiam a principibus & magnatibus judicatur, neque in manu nostra ea esse reposita, quæ nonnulli empiricorum gloriantur. Non igitur immerito, me iudice, exsurgit hoc loco quæstio: quænam in potestate medici sint, & quænam efficere possit? Quamvis

):():():(

vero

PRÆFATIO.

vero huius loci & nostri instituti ratio non ferat, fusius hæc persequi, breviter tamen strictimque mentem nostram exponere lubet. Primo autem multum præstare potest medicus in morborum præservatione, utpote tam acutas, quam chronicas passiones, & ea omnia, quæ perniciem, vel destructionem inferre machinæ possunt, a corpore maturius potest arcere. Deinceps & illud potest efficere, ut homo sine singulari dolore, ægritudine, vel molestia illum humanæ vitæ terminum possit attingere, qui ipsi pro temperatura & dispositione humorum, fibrarum motricium, robore & peculiari mechanisimi corporis structura est destinatus. Idque poterit obtineri, quando non tantum salutaribus rationis ac morum præceptis nocentissimos animi affectus docet moderari, sed &, ad ordinatum sanguinis & humorum circulum conservandum, qui omnium functionum secundum naturam causa ac fons est, convenientem alimentorum, elementorum & aliorum remediorum usum suadet atque commendat. Multiplici enim experientia habemus confirmatum quod ii, qui sanam ac probam vivendi rationem ignorant, vel despiciatui habent, aut regulas medicorum diæteticas temere aspernantur, non ætatem solum in
misc-

PRÆFATIO.

miseriis, sed & omni morborum inquinamento consumant, neque minus vitæ sibi refecent longinquitatem & præfinitos a natura terminos sibi circumcidant: sicut contra ii, qui ductum ordinemque naturæ & præcepta medica prudenter servant, ac notitiam sui corporis habentes, ea probe tenent, quæ vel profunt vel nocent, vitam suam sine morboris injuriis diutius poterunt producere. Hæc igitur sunt in manu artis nostræ, ut scilicet convenientia sanitatis præsidia subministrare & superflua corporis excrementa ejicere possimus: quorum tamen unum si deficit, via ad morbos paratissima est, cum e contrario si hæc duo observantur, corpus integra fruitur sanitate & in debito virium robore diutissime conservatur. Verum enim vero, quotusquisque est, qui hæc recte attendit, considerat, & ad animum revocat? Quisque enim pro suo arbitrio, nullis adstrictus legibus, vivere cupit, omnia salutaria vitæ ac sanitatis præcepta contemnens; sique in morbos graves incurrit, mox a medico poscit sanationem, imo quasi curari jubet; unde tandem moritur uti debet. Ex quibus jam clarissime apparere arbitror, quam graviter vulgo a vero aberrant, qui tantam potestatem quosvis fere morbos tollendi medicis assignant, & plura ab illis exigunt, quam hi efficere possunt. Optandum potius vehementer esset, ut, qui sanitatem ac vitam tueri volunt, mature medicum consulerent & salutaria ab ipso præcepta exigent. Utinam vero quoque medici plus laboris & operæ studio sanitatem conservandi impenderent, eumque in finem pro varia climatum, locorum & vitæ generis, conditione non tantum alimentorum, sed & elementorum aliorumque re-
medi-

PRÆFATIO.

mediorum naturam, ac vires ex phycis & medicis addiscere allaborarent; sed eo proh! dolor res devenit, ut saluberrima hæc doctrina hodiernis temporibus maximo cum mortalium detrimento fere prorsus neglecta atque contempta iaceat.

Et hæ sunt præcipuæ de perversis vulgi judiciis circa medicos & medicinam meditationes, quas cum benevolo lectore communicare & præsentî huic operi præfationis loco volui præmittere. Continentur in eo dissertationes selectiores, pathologici potissimum argumenti, quæ diversis antea temporibus editæ, nunc fere penitus distractæ ægrius haberi possunt & maximo-pere desiderantur: unde Vir egregius & de republica litteraria bene meritus Dnus Vick permotus, iteratam harum editionem, ut ipsi concederem, valde a me petiit. Neque ego, cum nullam unquam publico inserviendi occasionem prætermiserim, honestis optimi viri desideriiis deesse potui, sed his potius omni modo satisfaciendum ratus, singulas dissertationes in hocce volumine contentas, quibus olim præcipua veræ pathologiæ capita illustrare & genuinæ medendi methodo accommodare annisum sum, denuo revisi, correxi & variis passim additamentis auxi; ea spe, fore, ut ii omnes, quibus salutarem medendi artem cum prudentia & bonis ægrorum rebus exercere volupe est, ex his meis laboribus insignem percipiant fructum, & saniozem pathologiæ scientiam, quæ unicum rationalis therapiæ fundamentum constituit, sibi acquirere & hanc cum praxi coniungere discant.



DISSERTATIO MEDICA I.
DE
ÆTATIS MUTATIONE
MORBORVM CAUSA ET
REMEDIO.

§. I.



NGENS quidem morborum, quibus mortalium genus subinde affligitur, est numerus; sed immensa quoque Numinis misericordia factum, ut innumera passim in universa rerum natura ad eosdem tam arcendos, quam sanandos, prostent auxilia. Etenim non modo illa tria sic dicta natu-

ræ regna amplum suggerunt apparatus rerum, quæ salutarî & medicinali pollent virtute, sed & ipsa elementa, quæ omnium naturalium, & maxime vivorum corporum, constituunt naturam, ejus indolis ac virtutis sunt, ut accommodatam adversus multos & difficiles morbos præbeant medicinam, testantibus id clare satis puris aquarum fontibus, maximeque iis, qui acidularum & thermarum nomine insigniuntur.

(Hoffm. Opusc. patholog.)

A

tur.

tur. Catholicum illud, aëreo-æthereum, quod vitam fovet ac sustinet, fluidum, tam salubrem in sinu fouet facultatem, ut multæ longæ ac rebelles sint passiones, quæ non nisi aëris mutatione sanescunt. In ipsis alimentis, quibus omnes ad vitam & sanitatem servandam perpetuo indigemus, vis recondita est medicinalis, & jam pridem vel experientiæ suffragio in comperto habemus, deprompta ex diætetico fonte remedia in vincenda morborum difficilium pertinacia, iis quæ e pharmacia petuntur, Galenicis æque ac chymicis, longe esse anteferenda, uti quidem vinum, lac, serum lactis, jura & gelatinæ carniū, decocta avenacea, hordei, axungia animalium, olea expressa, planum faciunt testatumque.

2. NEQUE vero tantum in iis, quæ extra corpus posita sunt, salubris & medicamentosa latet virtus, verum, ita etiam a summo opifice sapientissima illa corporis humani structura est fabrefacta, ut ad morbos expugnandos non mediocre symbolum conferat, eaque propter ipsi quandoque morbi medicina sint & adversus morbos præsidium. Luculento exemplo sint febres, in quibus motuum intensiorum beneficio sæpenumero non modo causæ, quæ febrem excitando perniciem intenterunt, amoventur, sed & multæ graves & chronicæ passiones, uti epilepticæ, convulsivæ & spasmodicæ, abiguntur & corpus firmiorem sanitatem, majus robur majoresque vires acquirit. Quod quidem sicuti in febribus, nec non sanguinis excretionibus, a varia conditione varioque motu fluidorum evenit; ita non minus in structura, conformatione atque textura solidorum singulare latitat artificium, quod in medicatione morborum præcipuum sæpe curationis punctum absolvit. Emicat id, ut mittamus alia, sub mutatione ætatum, cujus magna vis est tam ad inducendam morborum dispositionem, quam eorundem sanationem; utrumque non aliam ob causam, quam ob mutatam sub ætatis periodorum temporis decursu solidorum fabricam atque texturam. Quod penitus nosse, quum in arte nostra magni sit momenti, dignum curatori indagine mihi visum fuit hocce argumentum fusius evolvendum.

3. IN perquirenda igitur salutari mutatae ætatis adversus morbos efficacia, haud abs re erit præmittere nonnulla, de proxima hujus effectus causa, solidis nempe corporis nostri partibus earumque natura, actione atque ad vitam & sanitatem tuendam, ad morbos ingignendos eosdemque rursus abigendos potentia. Veteres, ac inter hos maxime GALENVS, cum iis, qui ex posteris pressius ipsius vestigiis institerunt, neglectis plane solidorum vitiis, a fluidorum tantum labe, intemperie, vel corrupta ac depravata indole, omnium fere morborum ortum ac causas derivarunt. Hinc si monumenta eorum, qui post GALENVN per multa sæcula medicinam opere & sermone agitarunt, evolvimus, vix quicquam aliud in explicanda morborum generatione invenimus, quam sanguinis abundantiam & inopiam, bilem flavam, vel atram, aut pituitam eminentem, vel horum quatuor humorum intemperaturam, vel eorum putredinem, vapores intensos & præternaturales humorum in partes fluxiones, quibus postea medendi methodum accommodarunt, unice in corrigendis, vel evacuandis, intemperie, aut vitio laborantibus humoribus, occupatam. Reliquæ, quas in dogmatica morborum disquisitione tradunt causæ, mera grande sonantia sunt nomina, humidum radicale, calidum innatum, potentiæ attractrices, expultrices, retentrices, antipraxiæ viscerum, idiosyncrasia, sympathia, venenata qualitas, & id genus plura, quæ tamen ad intelligenter explicandam morborum genesin & invenienda congrua adversus hos præsidia, nullius plane usus sunt atque momenti.

4. JAM quidem priscis medicorum facile condonandum, quod in vitæ, sanitatis & morborum causis eruendis cœcutierint, & alienas prorsus foverint opiniones, quum ipsos non modo exquisitior corporis humani structuræ notitia & genuina partium functio, sed & vitalis ille humorum in circulum abiens motus, omnium in corpore actionum fundamentum, latuerit. Nostri vero temporibus, post divinum illud circuli sanguinis multaque alia præstantissima inventa, in luce

palpare non amplius licet, sed ægre merito ferendum, quod pathologica doctrina a plurimis recentiorum, superiori etiam adhuc sæculo, non melius fuerit exculta, quæ tamen unica & vera rationalis & tutæ therapix basis est. Fuerunt enim, qui, licet non ex quatuor morbosis Galenicorum humorum, ex aliis tamen non minus gratis suppositis fluidorum vitiis, morborum duxerunt incunabula, acido scilicet & viscido, pituita, bile & acido, acrimonia varia, falsedine, dyscrasia salino-sulphurea, scorbutica impuritate, morbificis fermentis, succorum crassitie, plenitudine, venenata qualitate, spirituum obfuscatione, fixitate, male posthabito perverso habitu & vitio solidorum.

5. NEQUE etiam nostro hoc ævo ferendum esse existimamus, quod docti quidam & celebres medici in explicandis medicis rebus, & maxime quidem morborum ætiologia, nova quædam principia, seu mavis nomina, quæ plus essentiali substantiarum spiritualium & intelligentium, quam rerum corporearum quadrant, obtrudere & infelici fidere introducere contendunt, dum vitæ & mortis, sanitatis & morborum causam, quin hos curandi facultatem, in spirituali quodam, interno vitali sensu, cognitione & intentione prædito ac motus ad certum finem, certo gradu dirigente principio constituunt, & inter materiales morborum causas, exclusa fere omni falsa pathologia, præter humorum abundantiam, admittunt fere nihil. Ens enim ejusmodi metaphysicum & deprompta inde abstrusa principia, ex sententia nostra nullius sunt usus, eo quod minus sufficiunt clavis & distinctis in pathologicis eliciendis conceptibus, qui tamen ad omnem veritatem & demonstrativam cognitionem requiruntur, neque etiam formandis accommodis curandi indicationibus serviunt. Hinc rectius utique ejusmodi amplectenda esse principia censemus, quorum ductu ex causis proximis, sensui & rationi obviis, in pathologicis ratiocinatio & in therapeutice medicatio adornatur, quæ potissimum suppeditat, solidorum & fluidorum, e quibus corpus coagmentatum, natura, vis atque operatio mutua

tua intimius cognita, quam recentiores mechanisimi nomine efferunt.

6. Et profecto iusta nobis suppetit causa reprehendendi eos, qui ad occulta ejusmodi principia & sterilia nomina confugiunt, quum ex perquisitiore solidorum cognitione, plurima in medica doctrina perquam facile ac commode enodari & ad rationes revocari queant. Adducemus in exemplum inevitabilem moriendi necessitatem. Hæc quidem inventu non adeo difficilis est iis, qui rerum corporearum naturam calent; illis vero, qui hac destituuntur, abstrusa mirum videtur, ut etiam ad speculationes a corporis natura plane alienas delabantur, quasi tum energia principii vitalis vacillet, deficiat istudque a motu in corpore suscitando desistat. In corpore potius, non spiritali ente, causa interitus quærenda, mutata scilicet structura solidorum, quæ regunt, movent & impellunt fluida, quæ saluberrimas secretiones atque excretiones sustentando, mortem morbosque avertunt. Jam ipsis sensibus manifestum est, carnes, tendines, ligamenta, ossa, vasa, longe flexiliora, porosiora esse & molliora in junioribus, in annosioribus vero & decrepitis duriora, compactiora & solidiora, ductibus & poris coarctatis, reddi; unde vel domestico experimento constat, longe intensiori coctione annosiorum animantium carnes indigere, quam juniorum, ut mollescant. Quum igitur ingravescente ætate fibræ non modo rigidiores & duriores evadant, sed & pori, ductus & canaliculi angustentur & coalescant, ex necessitate utique mechanica fit, ut utilissimæ nutritioni, viribus ac robori servientes in corpore functiones, secretio scilicet roscidi nutritii succi, fluidi spirituosus in cerebro & spinali medulla, liquoris chylosi in villosa intestinorum & seminalis in testium canaliculosa substantia, minuantur ac sufflaminentur. Dein, quum pariter minima illa vascula, quæ impurarum & superfluarum partium emissioni maximeque cuticulari excretioni serviunt, lapsu temporis collabantur minusque patula sint, remanent recrementa ac vitales succi inquinantur.

Vtrisque vero junctim pensitatis, non mirandum est, morbos ipsamque mortem sensim necessario gigni atque demum induci, quemadmodum id latius, primus quod sciam deduxi in *med. rat. system. tom. I. Sect. I. cap. I. nec non dissert. de fato physico & medico.*

7. COGNITA hac necessaria mortis, in mutata solidorum textura constituta causa, in proclivi est rationem reddere, quare ante diluvium adeo longævi fuerint homines, ob subtiliora scilicet, tenuiora & temperata a crassioribus & feculentis partibus immunia, quibus usi sunt, elementa, quæ post universalem inundationem inter se commixta, impuriora facta atque corruptioni magis obnoxia. Facile exinde quoque causa elucescit, quare incolæ regionum montanarum, qui subtiliori ac puriori aëre, aquis & alimentis purioribus fruuntur, uti in Helvetia, Bohemia, & in Italia Alpibus vicino tractu, graviores ætate fiant iis, qui in depressis locis aërem & alimenta infecta atque inquinata hauriunt. Neque minus id ad usum hinc decerpere licet, quod ad vitam sanam & longam conciliandam nihil aptius sit aëris puri & temperati, potus limpidi ac tenuis & ciborum mollium ac facilis solutionis usu, lenibus frictionibus & inunctionibus poros simul apertos servando & perspirationem eliciendo.

8. QVAM singularis porro utilitatis exquisitior solidarum partium & aptitudinis earundem ad motum tam recipiendum, quam propagandum sit cognitio, ad plurima in pathologicis clare & distincte explananda, luculenter confirmant morbi sic dicti hæreditarii. In vulgus quippe notum est, parentes phthificos, hypochondriacos, calculosos, podagricos, epilepticos, melancholicos, quin haud raro hydropicos & cachecticos, gignere infantes ad eosdem morbos proclives & iisdem plerumque obnoxios. Huius causam si quis idearum seminalium, spirituum, vel principii vitalis peculiarem labem, vel dispositionem suggerere velit, is certe verba dabit sterilia, quæ ad intelligenter explicandum & invenienda remedia usus sunt plane nullius. Fundamentum potius nativorum ejusmodi mor-

morborum in vitiata staminum, fibrarum & vasorum, e quibus corpus coagmentatum est conformatione, illarum nimia sive laxitate, sive stricture & tensione, ac horum nimia vel amplitudine, vel angustia, ab ipsis parentibus connata, reperiendum. Hæc vero qui novit atque perpendit, facile judicabit, morbos per nativitatem in liberos translatos, difficulter sanationem recipere, eo quod omnium sit difficillimum, solidæ cujusdam partis conformationem aliam facere & immutare. Habebit quoque perspectum, a parentibus morbofis prognatis, exquisitam vitæ victusque servandam esse rationem, ne delitescens solidæ partis labes ex fluidorum vitio invaleseat & in morbum erumpat apertum.

9. EADEM hæc alia atque alia solidorum quoad habitudinem fibrarum, vasorum, pororum, nervorum ac minimorum ductuum, in unionem & cohæsione, textura atque structura, vera præterea causa est, quod unus altero robustior, facilius ægrotet, facilius quoque vel difficilius sanescat, nec non ratione animi mobilior sit, vel torpidior & ad hos vel illos animi affectus magis, vel minus proclivis. Verbo: hæc solidorum structuræ diversitas, est causa diversitatis operationum in functionibus animalibus, vitalibus & naturalibus. Vulgo quidem, secundum GALENUM ipsiusque sectatores, hæc temperamenti, sive sanguinis & humorum temperiei & intemperiei adscribuntur, sed absonam & a veritate alienam hanc esse opinionem, vel ex eo clare patet, quod actiones illæ, quæ temperamenti, sanguineo, cholero, melancholico & phlegmatico, vulgo tribuuntur, mutare & corrigere arduum & vix sit integrum, quod tamen, si natura & temperies fluidorum earundem causa esset, facillime, mutato aëre, victu & vivendi genere, fieri posset. Contra ea ipsa experientia uberius confirmat, nihil magis tam ad mutationem ipsius sic dicti temperamenti & actionum corporis secundum ipsam naturam, quam etiam ad morbos ipsorumque productionem conferre, quam ætatem eiusdemque vicissitudines. Ratio pariter in procinctu est, quia videlicet labentibus annis

annis, interea temporis solida, per quæ fibrosa stamina, membranas, vasa, nervos, ligamenta, tendines & ossa intelligimus, immutantur, eaque propter in motu, tam progressivo, quam secretorio & excretorio, ipsa quoque temperie fluidorum, ingens contingit mutatio.

10. ANTIQVISSIMA hinc iam priscorum Philosophorum fuit sententia, certis annis & quæ ex his conficiuntur ætatibus, occultam & plane peculiarem inesse virtutem immutandi hominis valetudinem & corpus ad varios morbos ipsamque mortem disponendi. Scitum potissimum hanc in rem est VERVLAMII effatum: *hæc intestina illa calamitas, quam nulla ars, nulla humana industria effugere, sed ne reprimere quidem potest. Etenim si cui ob ortu temperato vel ÆSCVLAPIVS præsit, qui illum ab iis, quæ foris sunt, aut quæ intro sumuntur causis, salvum & incolumem sic tueatur, ut nullum inde corpus detrimentum capiat; is tamen a semetipso suaque sponte magis magisque conficietur consumeturque, donec extremum vitæ spiritum edat. Illuc dum contendit, plurimas hoc interim spatio mutationes necessario sustinet. Has qui annorum spatiis & intervallis dimensi primum discreverunt, simul ætates appellarunt, ut sit ætas id vitæ curriculum, quo luculenter corporis constitutio per se suoque nutu mutatur.*

11. MAXIME omnium vero septenario multum detulerunt numero, & annos numerantes septimum quemvis vocarunt climactericum, quasi singulorum lapsu homo tanquam per gradus & scalas ad perfectionem viriumque robur, & retrogrado postea cursu ad decrementum rursus vitæque interitum vergeret. Nec sine ratione. Potiores enim in corpore humano mutationes exserunt se ad ductum numeri septenarii. Scilicet ter septima hebdomade embryo in utero primum motum edit & sex septima ad partum est paratus. Infante in lucem edito, septimo mense dentes exitum moliantur atque erumpunt; bis septimo mense stomachi ea firmitas facta, ut cibum capere & digerere possit; ter septimo mense pedes in incessu, & lingua in loquela officio fungi incipiunt; septi-

mo anno primi decidunt dentes, mentisque & sensuum internorum operationes cum ingenii viribus sese primum exerunt; bis septimo anno pili in pube crescunt, in feminis menses exsolvuntur, in testibus quoque adolescentum spermatici liquoris secretio inchoat, & utrisque potentia generandi accedit. Inde ad ter septimum usque annum corpus in longitudinem & caput in magnitudinem excrescit debitam, barba in mento comparet, & animæ facultates sese magis produnt. A vigesimo quinto ad trigesium quintum annum, corpus in amplitudinem extenditur, ossa magis solidescunt, membra nanciscuntur firmitatem ac robur, & corpori maxima est agilitas animoque & ingenio vigor. Tum perstat idem corporis robur ad quadragesimum usque nonum annum, quo sensim diminuitur, in feminis mensium fluxus subsistit, in viris potentia generandi deficit, & ingravescente magis ætate, sub senectute successive vires decrescunt animi, ingenii & corporis, actiones vitales, naturales & animales labascunt, donec demum penitus concidant.

12. PROPRIUS vero nostrum institutum & scopum maxime medico-practicum tangit, quod ab hac solidarum corporis nostri partium, quoad texturam, structuram & conformationem, in figura & magnitudine per ætates, sive certas annorum periodos, facta immutatione, peculiaris in certis partibus cuius ætati propria ad producendos morbos emergat dispositio. In quo quidem illud in primis observatione dignum videtur, quod hinc oriundi ætatum morbi a capite & superioribus incipiant, & postea per gradus quasi ad inferiora descendant, & collum, fauces, pectus, præcordia, hypochondria, imum ventrem, pelvim & partes extremas occupent. Ratio huius observati in proclivi & hæc esse videtur. Scilicet, quemadmodum sapiens natura, in efformando embryonis utero inclusi corpusculo sic versatur, ut primum caput cum cerebro ipsaque spinali medulla, postea thoracem, abdomen & partes externas ad perfectionem suam perducatur, ita etiam

eadem hæc extra uterum occupata primo omnium est, ut caput ad iustam suam magnitudinem & perfectionem provehat, postea pectoris elaborationem intendat & œconomiam motuum vitalium recte instruat, ac demum ad reliquas inferiores partes rite perficiendas & ad iustam magnitudinem ac proportionem traducendas omnem laborem atque operam conferat. Hæc autem quum nonnisi expandendo & dilatando debito modo canales & eorum diametros, tonum & robur fibris motricibus conciliando & maiori sanguinis ac humorum copia affluente perfici queat; neutiquam mirandum est, si hæc omnia non secundum regulam, ordinem & proportionem rite fiunt, sed humores plus iusto ad partes ampliandas & nutriendas adducuntur, iique minus temperati & mobiles sunt, vel forsan a debitis suis viis deflectunt & alias sedes aliæque loca occupant, varias ex humorum stagnationibus, stasibus, morbosas affectiones in partibus pullulare ac infestare.

13. Is autem est naturæ processus & hic morborum ætatum proventus. In infantibus caput quam maxime tam quoad externas, quam internas partes patitur. Tunc enim variæ in facie exulcerationes, achores, favi, in ore aphthæ, in oculis & auribus humiditates, in narium cavo coryzæ observantur, nullaque ætas tam facilis & prompta est ad concipiendam levi ex causa, uti ex solo lactentis matris terrore, epilepsiam, quam hæc ipsa infantilis. Circa mensem septimum, quum ordinario naturæ cursu dentes prorumpere incipiant, a dolore & vellicatione nervosarum in gingivis fibrarum, totum systema nervorum per consensum irritatur & valide afficitur, unde in difficulter dentientibus pavores, vigiliæ, febres, convulsiones epilepticæ, oppressiones pectoris, ventris tormina, cum nimio alvi profluvio, vel interdum eius constrictione, observantur. Qualia generis nervosi præternaturalia pathemata, ob summam in infantili corpore imbecillitatem, a lacte copioso, stagnante, corrupto, corrosivo reddito, quam facile proveniunt & plures etiam, infantes interficiunt.

ficiunt. In pueris dein usque ad decimum quartum annum, tinea in capite, tumores glandularum in collo, in nucha parotides tumefactæ, acres oculorum defluxiones, aurium & narium fluxus interdum purulenti, tussis ferinæ, convulsivæ, inflammationes anginosæ, in quibusdam scrophulæ observantur. Ob ligamenta quoque adhuc valde laxa & flexilia luxationes, in humeris præsertim & vertebriis dorsi, & gibbositates facile, accedente causa quadam externa violenta, proveniunt. Et quum in hac ætate valde dulces & temperati sint humores, quibus lumbrici in intestinorum tenuium anfractibus promte nutriuntur & succrescunt, ab horum morfu importuno sæpe epilepticæ & convulsivæ artuum agitationes infestare solent.

14. CIRCA decimum quartum postea annum, sanguis paullo tenuior, calidior & copiosior redditus, efficit, ut pili prorumpant in pube, ut testium quoque fabrica elaboretur inque eorum minutissimis canalibus succus lymphaticus spirituosus seminalis secernatur, in feminis vero uteri vasculosa compages ampliatur, canales tortuosi explicentur, sanguinem superabundantem recipiant eundemque nimis accumulatum demum eructent. Circa hanc ætatem, quæ pubertatis nomine venit, maior vigor maiusque robur accedit partibus solidis, vox etiam sonora redditur, sique sanguis non liberum per uteri oscula invenit exitum, sed refluit & regurgitat ad ventriculi & intestinorum tunicas nerveas, nec non vasculosa abdominis viscera, gravia & varia sæpe femellas premunt incommoda, ut sunt vagi æstus, inappetentia, virium deiectionio, corporis lassitudo, tabescentia & id genus plura. A decimo quarto ætatis anno usque ad vigesimum primum, quæ adolescentiæ periodus, in subiectis habitu corporis spongiosiori, pluribusque & exilibus vasis præditis, eaque propter ad plenitudinem succorum ipsa natura proclivibus, sanguis paullo maiori impetu fertur ad caput, unde in adolescentibus dolores & exæstuationes capitis, aurium tinnitus, narium

ficcitates & hæmorrhagiæ, dolores quoque oculorum, immo interdum phrenitides, præsertim ab incitatori ad studia impetu, vel gravi animi affectu, suboriri & hanc ætatem graviter infestare solent.

15. IN iuventute, quæ a vigesimo quinto usque ad trigessimum quintum annum porrigitur, in thoracis cavitate plures sedem obtinent passiones. Tum quippe præter tusses siccas & defluxiones acres salsas ad epiglottidem & arteriam asperam, hæmoptyses, pleuritides veræ & spuria, vomica, tubercula pulmonum, abscessus, phthises, hæctica, tabes, asthmata convulsiva, cordis vehementes & crebræ palpitationes sese produnt. In iuventute enim cordis atque arteriarum maior potentia motrix elastica systaltica succrescit, pulsus fit validior, ipseque sanguis magis attenuatur & intestino valde fervet motu, inde uberior sanguinis calidi portio, quam promte & facile in arterias laterales, quæ ordinario lympham vehunt, urgetur, & vel stasin ibi concipiendo firmam, vel nimium distendendo & aperiendo vascula, jam nominatos morbos excludit. Observatum quoque per frequentem dissectionem corporum morbis defunctorum est, in juvenili ætate concretiones polyposas membranaceas in vasorum cordi vicinorum cavitate, frequentissime generari & ad pectoris morbos, præsertim funestos & incurabiles, multum conferre, atque cordis contumaci palpitatione, pulsu intermittente, inæquali, ingenti spirandi angustia, anxio & pressorio in præcordiis dolore, ceu certis indiciis, sese prodere. Quod autem in juvenili & virili ætate familiares fiant polypi, quam in aliis, hæc videtur ratio, quod tum validiori cordis & arteriarum impulsu, crassiores & graviores sanguinis & succorum partes, longe facilius & arctius compingantur, coeant & concrecant.

16. POST annos juveniles sequuntur viriles, quos nonnulli a trigesimo quinto ad quinquagesimum usque nonum annum computant. Hac in ætatis periodo, summus vigor & valor partium

tium solidarum, promptior quoque succorum progressivus motus & calor intensior est, unde fit, ut accedentibus aliis causis externis sanguinem nimium commoventibus, vel etiam subito in motu sistentibus, febres inflammatoriæ, acutæ, ardentes, phreneticæ, erysipelaceæ, arthriticæ, nephriticæ oboriantur. Hoc quoque temporis spatium, ob incrementem perfectum jam corporis incremento, succorum copiam, in dispositis sanguis per hæmorrhoidalia vasa effertur, minusque rite exsolutus, varia inducit incommoda, moliminum hæmorrhoidalium nomine passim nota. Postea notabiliter, in sexu præsertim sequiori, decrescit ac minuitur vis systaltica vasorum infimi ventris, neque amplius prodit mensium fluxus, cessatque vis generandi, tum pariter in viris, ab anno scilicet quinquagesimo sexto, ad sexagesimum tertium, lentior fit sanguinis circuitus per hepar & sanguinea corporis viscera, ac non modo in feminis, sed & viris, exsurgunt illi morbi, qui a motu lentiori & segniori progressu sanguinis per viscera eorumque ab humoribus stagnantibus infarctu proficiuntur. In viris maxime, qui antea hæmorrhoidali fluxui assueti, eundem non amplius experiuntur, pullulat nephritis, calculus renum, icterus, colica convulsiva, cachexia, hydrops, quartana, morbus niger, hæmorrhoides coecæ, vel etiam nimium fluentes, mictiones cruentæ, nec non apoplexia.

17. Post annum sexagesimum tertium, ad septuagesimum septimum & quæ sequuntur annos, tonus solidorum longe magis frangitur, partes incipiunt siccescere, rigescere tubulique angustari. Hinc vero perspiratio minuitur, remanent impuri succi, quibus sanguis & succus nutritius inquinatur & ingens fit acrimoniæ salinæ proventus, qua serum imbuitur, ut morbi seniles & decrepitæ ætati familiares inde pullulent, quales sunt marcor cum rugis, scabies sicca, pruritus circa anum, virium languor, dysuria, stranguria, tenesmus, vesicæ calculus, impotentia virilis, podagra nodosa. Quin succrescit sensim dyscrasia scorbutica adeo corruptiva, ut par-

tes extremæ in senibus etiam leviter læsæ , facile tangantur sphacelo, vel hic etiam sponte oriatur.

18. PER omnem igitur ætatis flexum peculiare quidam morbi, ob ipsam corporis, maximeque solidarum ipsius partium, mutatam habitudinem, infestant, quos inter nostris quidem in oris frequentissimi sunt, quos hæcenus enumeravimus. Nec tamen dubitamus, quin in aliis locis & regionibus, longius a nobis remotis aliaque temperie gaudentibus, aliæ adhuc ætatum passiones, & hæc quoad symptomata a nostris diversæ, sint solennes. Patet hoc ipsum iam ex HIPPOCRATIS monumentis, qui quidem *Secl. III. aph. 24.* ad 31. morbos cuivis ætati proprios atque consuetos longa enumeravit serie, & primus hanc veritatem ipsa experientia habuit perspectam; sed non omnes, quorum mentionem iniicit, in iis, qui zonam temperatiorem incolunt observantur, nec iisdem, quibus in calidiori tractu, incedunt pathematibus. Neque etiam censendum est, in omnibus ætatibus, omnibusque individuis, semper ita exacte præsto esse hos morbos, ac diximus, sed experientia utique testatur, pro temperamentorum, solidarum partium & habitus corporis varietate, majori, vel minori fibrarum sensibilitate, diversa etiam vitæ victusque ratione, vel anticipare, vel postponere, majori aut minori vehementia invadere, nec non has, vel illas partes magis occupare ac detinere.

19. QVEMADMODVM vero quævis ætas ad ingignendos certos in his vel illis partibus morbos conspicuam vim habet atque potentiam; ita vicissim notatu dignum est, quod hæc, vel illa vitæ periodus, a pathematibus quibusdam, reliquis solennibus, secundum suetum naturæ ordinem, immunis sit. Sic experientiæ calculo constat, infantes & pueros capitis quidem morbis & epilepticis maxime convulsionibus frequentissime affligi; ab insultibus tamen paralyticis, apoplecticis, nec non ab affectibus soporosis, hemiplexia, vertigine, melancholia & insania, liberos esse. Ratio hæc subesse vi-

se videtur. Postremi hi capitis affectus a nimia sanguinis & humorum congestione, a spasticis partium imi ventris, vel etiam externarum constrictionibus producta, ortum trahunt, eo quod inde vasorum cerebri nimia fit distensio, sanguinis in iisdem stagnatio, infarctus, eorundemque demum ruptura cum subsequente humoris effluxu. In infantibus vero & pueris humores magis serosi, quam ipse sanguis redundat, partesque solidæ flaccidiores atque remissiores sunt, ut sanguis non tanto impetu ad caput possit urgeri. Pari ratione in puerili & infantili ætate constituti, a pleuritide, tam vera, quam spuria, hæmoptysi, phthysi, hæctica, pulmonum abscessibus, vomitis & inde resultante tabe ac tussi purulenta, minus instantur; eo quod omnes hæ passionēs, & abundantiorē, & tenuiorem sanguinem, cum intensiori in vasa thoracis impulsu requirunt, quæ in teneris eiusmodi non præsto sunt corporibus. Neque etiam infantia & pueritia spasmodicis præcordiorum & hypochondriacis, hæmorrhoidibus & inde oriundis incommodis, nephritidi, calculo renum, arthritidi, chira-græ, podagræ, ictero & scorbuto patet. Tum enim corpus magis perspirabile est, quam in virili & senili ætate, humores quoque tenuiores expeditius feruntur per viscera abdominis, quam si spissiores facti sunt sub senio.

20. CONTRA ea adultior ætas hoc habet singulare, ut non facile corripiatur morbis infantum, tinea scilicet, achoribus, favis, tumoribus colli & parotidum, aurium fluxu, item epilepsia & motibus artuum convulsivis. Senum etiam grandævorum pathematibus minus patent, qui ætate consistunt & vegeti sunt. Potissimum periculum sphaceli ex causa interna ipsis non imminet, eo quod in ipsis succi magis defecati promte circumaguntur & ipsarum quoque fibrarum tonus vegetior est. Nec ulcera scorbutica cacoëthea hos tam frequenter detinent, quam senes, in quibus ob excretionēs minus rite succedentes cutisque spiracula minus pervia, humores impuri & sulphurea falsa diathesi imbuti, facile ulcera
fordi-

sordida inducunt. Qui vero ætate magis sunt provecti, nec hæmoptysi, nec phthisi, nec febribus ardentibus, nec synochis, nec malignis, facile implicantur. Neque etiam hos torquent familiares illæ juvenibus ac viris, in nostris maxime septentrionalibus oris, stricture ac spasmus diaphragmatis & ventriculi cum pathematibus ex vitio hypochondriorum, vel systemate nervorum præter naturam affecto. In juvenibus quippe major adest toni intensio, fibræ magis tensæ & ad dolorificas spasticas crispaturas magis proclives; in senibus vero ob rigiditatem fibrarum & fluidi nervei, quod sensum & motum dispensat, inopiam, non tantæ, nec tam promptæ corrugationes & stricture in nervorum & fibrarum systemate oboriri queunt. A vermibus quoque senes non experiuntur incommoda, ob succos valde acres, falsos & impuros, qui verminosæ progeniei minus favent, sed potius adversantur. Non minus grandævi a peste aliisque contagiosis morbis raro tentantur, quia eminens apud ipsos prima in regione acor, & in venis acrimonia falsa, subtilitati & tenuitati, qua contagium motu intestino sese propagare solet, multum resistit ejusque deleteriam vim reprimit atque infringit. Tenendum tamen in genere: hæc omnia ita quidem communi maximeque solenni more accidere, extra ordinem vero, licet rarissime, fieri omnino posse, ut regula patiatur exceptionem, ac senes puerorum, vel juvenum & virorum, hi vicissim senum morbis obnoxii sint, tum maxime, quando eminens error in diætâ & vitæ ratione admissus fuerit, vel hæreditaria dispositio, aut alia quædam externa valida causa accesserit.

21. SICUT autem porro ætatis mutatio magna pollet potentia ad inducendam corpori morbosam dispositionem; ita eundem annorum vitæ decursum hanc iterum tollere, per ipsam constat experientiam, adeo, ut id, quod pueris, adolescentibus & juvenibus molestum fuit, ingruente senio, cesset atque expiret. Testatur id luculentis verbis HIPPOCRATES *Sect. 11. aph. 20. quibus, inquit, quum juvenes sunt, ven-*
tres

tres humidi, his senescentibus siccantur, quibus vero juvenibus seci sunt, his senescentibus humectantur. Rationem huius observati veteres & inter hos, optimus ille HIPPOCRATIS interpres, MERCVRIALIS, hanc afferunt: in juventute intemperies calida acerrimæ bilis procreatrix est, a quo læviora fiunt intestina & alvus fluxa, in frigida vero senectute, pituita eminet, cessat alvi laxitas & durities succedit. Contra ea ubi in juvenili ætate, ob perspirationem auctiorem & firmiorem ventriculi atque intestinorum tonum, alvus sicca est, accedente senectute humectatur, ob lentiolem tum factam & impeditiolem perspirationem. Angustatis enim & siccatis in senili corpore vasorum & cutis spiraculorum osculis, succi non rite eadem subeunt, sordibusque perspirandis præcluditur exitus, quo fit, ut humida hæc recrementa ad alia corporis excernicula refluant, ibidemque collecta molliant, humectent & exeant, ex quo utique causa petenda, quod senes multum tussiant, spuunt, mingant, per alvum deliciant, crebriusque catarthis & coryzis exerceantur.

22. ADVERSUS ipsos etiam morbos mutata ætas præsidio est, eosdemque felicius, quam ulla medicina abigit. Illustre hanc in rem HIPPOCRATIS est testimonium *Sec. III. aph. 28.* ita habens: *plurimæ affectiones pueris judicantur partim in quadraginta diebus, partim in septem mensibus, partim in septem annis, partim ad pubertatem accedentibus. Quicunque vero pueriles morbi perdurant, nec desinunt, quum ex ephebis egressi sunt, aut feminae, quum menstruales esse inceperunt, consenscere consueverunt.* Potissimum de epilepticis motibus idem gravis auctor hoc passim asserit, quod per ætatem sanentur, ab hac vero non abacti, ægrius vel plane non tollantur. Sic enim *Sec. II. aph. 45.* disertis perhibet verbis: *juvenibus comitialium liberationem faciunt mutationes, maxime ætatis, & aeris, & regionum victuumque. Sec. VI. aph. 7.* ita prodidit: *quibus epilepsiæ ante pubertatem contingunt, mutationem accipiunt, quibus vero accidunt viginti quinque annos natis, iis plerumque commoriuntur.* Et *lib. prædict. art. XVI.* hæc habet:

(Hoffm. Opusc. patholog.)

C

bet:

bet: *difficillime a morbo sacro liberantur, in quibus a puero contigit morbus, & simul ad virilem ætatem pervenit.* Eadem pariter CELSI sententia est, qui *lib. II cap. II.* hunc in modum facit: *si quæ genera morborum in infantem inciderunt, ac neque pubertate, neque primis coitibus, neque in femina primis menstruis finita sunt, fere longa sunt.* Hinc etiam de CALIGULA Imperatore narrat SVETONIUS, eundem ætatis beneficio, ab epilepsia fuisse liberatum

23. Si causam rimamur huius effectus, hæc utique videtur veri simillima: desiderari scilicet ad gignendum epilepticum morbum, non tantum certam in fluidis intemperiem, sed & peculiarem pravam in solidis, præsertim cerebro eiusque valis, membranis & nervis dispositionem, ut non modo humor morbo excludendo aptus, ibi subsistere sedemque figere possit, sed & systema membranarum & nervosarum partium ad concipiendos spasmos & contractorios convulsivos motus habile sit atque dispositum. Jam vero humidiora cerebri & nervorum stamina ante pubertatem facile admittunt humorum stagnationem, atque etiam ob teneritudinem ad convulsivas motiones mobilia sunt magisque proclivia, eaque propter, ante septimum præsertim annum, uti recte notavit DVRETUS, & epilepsiæ & horrendæ interdum artuum convulsivæ tractiones, agitationes & distensiones invadunt, quæ tanto gravius tantoque diutius infestant, quanto magis a causis externis, inordinato & incongruo victu, animi motibus, aut mentis fatigationibus foventur. Superatis autem pubertatis annis, quando ab admixto sanguini & lymphaticis succis genituræ virilis, ut ita loqui liceat, spiritu, ceu fermento, omnes solidæ corporis partes, ipsaque cerebri stamina, tonum intensiorem majusque robur adipiscuntur, excretionibus quoque, harumque potissima perspiratio, liberius succedunt, evenit, ut vel naturæ beneficio sua sponte, vel adhibita quadam leni medicina, truculentæ illæ passionες desinant atque expirent. Recte enim HIPPOCRATES *lib. de morb. sacr. art. 13.* hanc rationem reddit: *postquam, inquit, vigin-*
ti an-

si anni præteriere, venæ plenæ sunt & cerebrum magis compactum est atque adstrictum, quare non defluit in venas humor; si vero defluxerit, sanguinem non superat, multum ac calidum existentem. Quod si vero facta hac per ætatem partium solidarum & fluidorum progressus mutatione, epilepsia post vigesimum quintum, & qui sequuntur, annos, persistit, vel etiam tum demum oboritur, vix perfecta speranda est medela, ipso iam fidem faciente CELSO lib. II. cap. II. sic differente: morbus comitialis post annum vigesimum quintum ortus ægre curatur, multoque ægrius is, qui post quadragesimum annum cæpit, adeo ut in ea ætate aliquid in natura spei, vix quicquam in medicina sit.

24. Neque vero tantum in epileptico malo, verum etiam in aliis gravibus & difficilibus capitis morbis, illa quæ annorum lapsu in corporis partibus contingit mutatio, auxilio est, in phrenitide scilicet, melancholia, paralyti, insania, memoriæque debilitate, nec non convulsivis artuum motibus. Ea enim, probe monente MERCVRIALI in prælect. Patav. perpetua quasi HIPPOCRATIS fuit consuetudo, ut quando uno exemplo plura similia docere vult, illud semper seligat, quod frequentius, difficilius & notius est. Vnde quum in allegatis locis exponere sibi sumsit, quantum in morborum curatione valeat ætatis mutatio, epilepsiam in exemplum produxit, neutiquam exclusis aliis morborum convulsivorum speciebus, nervorumque & capitis affectibus, in quibus functiones animales & sensitivæ turbantur. Sic igitur concludendum: si in epilepsia, ubi omnes functiones sensuum internorum penitus perduntur, ut superato insultu nec præteritorum memoria supersit, ætatis mutatio medelam præstat, multo magis convulsiones & convulsivi motus aliique capitis, qui sensus internos non adeo lædunt, morbi eadem cedent.

25. Nobis certe plurima nota sunt exempla puerorum, qui a vermibus, adolescentulorum, qui ab immatura venere, iracundiæ affectu & studiorum intemperantia, in convulsivos artuum motus, phrenitides & insanias inciderunt, & adhibi-

tis quantumvis spectatæ virtutis remediis, acidulis, antepileptiis, cauteriis & balneis, graviter iisdem detenti fuerunt, post annum vero decimum, nonnulli etiam post vigesimum primum, sponte, sine medicina, accedente præsertim aeris mutatione, prorsus convaluerunt. Novimus quoque, impuberibus quibusdam tantam fuisse memoriæ membrorumque imbecillitatem, ut nec distincte loqui, nec firmum tenere gradum, nec memoria quicquam comprehendere potuerint, superatis tamen pubertatis & maxime vigesimo primo annis, membris externis vigorem ac firmitudinem, intellectui quoque ac memoriæ aciem accessisse, pristinaque penitus evanuisse vitia. Similiter multi animo obversantur casus de tinea capitis, falsis ad oculos defluxionibus, glandularum colli tumoribus, aurium fluxibus, pertinacibus coryzis & acribus ad epiglottidem destillationibus, quæ omnem medicorum eluserunt operam, post pubertatis autem periodum, præsertim juncta loci victusque mutatione, vel sponte cessarunt. De quibus tamen omnibus historias, quarum nobis suppetit numerus, hic inferere, brevitati studentes, superfedemus.

26. QUAM variis, difficilibus & contumacibus passionibus femellæ pubescentes, antequam mensium experiuntur profluvium, attententur, res tam clara est, quam quæ clarissima, omnes tamen hæ affectiones, simulac tributum lunare decimo quarto anno persolvunt, expirant penitusque disparent. Paucos ante dies veritatem huius observati nobis confirmavit generosa puella. Fuerat hæc prima ætate floridi semper adipectus & vegeta, accedente vero decimo tertio anno, tussim continuam, vomitionem, lassitudinem totius corporis, inappetentiam, lentum calorem ac gliscentem febrem, incurrebat, quæ secta in pede vena magis incresecebant, donec ipsa natura, medicamentis temperate balsamicis, laxantibus & stomachicis adjuncta, menstruum sanguinis stillicidium inducens, exoptatam afferret medelam, prioribus penitus evanescentibus pathematibus. Adolescentes crebrioribus nocturnis pollutionibus diu afflictos mirumque debilitatos

novi-

novimus, qui nihil levaminis a probatæ alias virtutis præli-
diis experti, sed vigesimum primum annum ingressi, le-
nissimis remediis, maxima ex parte sponte, ab hoc libera-
ti sunt incommodo. Pari ratione sunt nobis inter exempla
juvenes noviter matrimonium ineuntes, qui semen non con-
tinere potuerunt, sed ad contactum feminae illico dimiserunt,
elapsis vero aliquot annis, molestum hoc & in conjugio in-
festum pathema discessit prorsus atque evanuit.

27. NEQVE etiam hoc loco prætereundum est id, quod
ad illustrationem & confirmationem huius nostri argumenti
apprime facit observatum. Multis scilicet exemplis confir-
matum habemus: virgines nobiles sævis & rebellibus sic di-
ctis hystericis, spasmodico-flatulentis ac convulsivis pathe-
matibus fuisse exagitatas, nec prius ad sanitatem potuisse per-
duci, quam quum viro collocatæ eandem expertæ sunt. Pri-
mis enim coitibus, quibus etiam CELSVS *lib. II. cap. 2.* ma-
gnam solvendi morbos tribuit virtutem, plane peculiaris in
solidis & fluidis partibus inducitur mutatio. Spiritus quip-
pe, ut ita loquamur, genituræ virilis, elastica & expansiva
facultate pollens, in interiora uteri admissus, occlusa va-
forum oscula aperit atque expandit, ut liberior sanguinis per
uterinam compagem fiat circuitus, ac in ipsis fibris motricibus
novi oscillatorii & systaltici motus ac impetus oboriantur,
quorum ministerio subacti & emendati morbidi succi dese-
runt latibula, eliminantur, & restituto simul debito sangui-
nis progressu, sanitas redit.

28. HÆC autem omnia, quæ hætenus pluribus exposui-
mus, apertius confirmant, vix ullam inter medicas doctrinam,
tantum lucis in causarum, quæ morbos gignunt, investigatione
& hos arcendi ac curandi ratione, afferre, quam hanc, quæ
de morbis ætatum horumque vera origine, tractat. Hæc
enim luculenter docet, præcipuas & proximas morborum
causas non tantum a fluidorum vitiis & perversis motibus,
verum etiam, & quidem potissimum, a solidorum labe eo-
rumque prava dispositione, textura & conformatione depen-

dere. Hæc idemtidem tradit, in sanandis etiam morbis, præsertim longioribus & difficilioribus, medicationem non tam ad humorum correctionem & emendationem, quam potius ad solidorum vitia corrigenda & submovenda, ab artifice perito per congrua & efficacia auxilia esse dirigendam. Nam profecto, vix dici potest, quantum ad morbos tam arcendos, quam curandos valeat, illa, quæ in solidis corporis partibus contingit mutatio. Hac quippe non modo fibræ & membranae nervosæ & musculosæ aliam texturam, structuram & conformationem adipiscuntur, ac vel subtiliores & teneriores, vel crassiores ac densiores, vel etiam magis tensæ, aut remissæ redduntur, ut alios motus oscillatorios & systalticos, eosque vel majores, vel minores, edant, sed & ipsa vasa & canales fluida vehentia, tum contrahuntur, angustantur & clauduntur, tum elongantur, ampliantur & aperiuntur, ut novam plane figuram atque flexuram nanciscantur, & fluidorum motum aliter etiam dispensent ac dirigant.

29. Et certe, quod tamen obiter tantum hoc loco tangimus, medicamenta, & ipsa quoque venena, testatum faciunt, adeo immutari posse ab ipsis solidorum naturalem conditionem, ut universi corporis integritas inde graviter luat. Novimus exempla, quod a rebus, quæ venenatæ sunt naturæ, ut emeticis, mercurialibus, arsenicalibus, narcoticis, opiatis, validius quoque adstringentibus, debitus solidorum, maxime ventriculi, intestinorum & nervosarum partium tonus, penitus fuerit labefactatus atque destructus, ut corpus postea nunquam sanitatem perfectam recipere potuerit, sed semper infirmum, causarium ac debile manserit. Hinc vicissim illum medentum præstantissimum & peritissimum merito censemus, qui per remedia, quæ immediate & proxime in solida agunt, eorundem vitiis auspiciato succurrere morbosque depellere novit. Absolvitur hoc tam salubri effectum tantopere celebratorum specificorum, si quæ dantur, adversus certos morbos virtute & efficacia: referenda huc quoque illa magnarum virium pharmaca, emetica, antimonialia, sudorifera, mercuria-

curialia, anodyna, vesicantia, balnea, quæ imprudenter usurpata, maximam solidis affricare possunt labem, vitæ sanitatisque periculo stipatam, provide contra atque perite adhibita, præsentanea & efficacissima pollent salubri facultate.

30. INTER ea vero, quæ ex hac rationali morborum ætatum disquisitione in usum medico-practicum elicienda, hæc adhuc merito referri debent. Scilicet tum felici & fructuoso labore curationem rebellium morborum, capitis præsertim & nervorum, medentem aggredi, quando instante hoc termino accedit, quo solidorum in melius fit ob ætatis rationem mutatio, ipsaque natura molimen secundat, uti maxime est, anno septimo, decimo quarto & vigesimo primo. Quando vero superatis his annis, infantiles, pueriles, vel juveniles morbi nihilominus eadem persistunt atrociam, nec solvuntur, certo est indicio: eosdem fore maxime diuturnos ac contumaces, quin plane insanabiles. Recte enim MERCVRIALIS prælect. Patav. pag. 271. scribit: *illis temporibus natura in motu est, & sua sponte materiam morbi expellit, cui si Medicus auxilietur remediis, quibus ars utitur adversus hos morbos, & illi non superantur, tunc non amplius, natura veluti quiescente, curantur, sed in longum protrahuntur.* Dein artis operibus manum admoturus discat hinc: epilepsiæ aliorumque gravium morborum curationem in ætate infantili & puerili, non tam in eo positam esse, ut per pharmaca fluidorum vitia, pravam scilicet qualitatem ac intemperiem, vel eorundem nimiam molem corrigat & mutet, quam potius, ut solidis partibus aliam schesin & texturam, per congrua medicamenta & specifica sic dicta antepileptica inducat, quæ tum certe non prorsus laude sua defraudanda, eo quod infantili ætate nondum adeo firmatus solidorum tonus emendationem facilius, quam in senescentibus admittit.

31. DEMVM, quum hi ætatum morbi tam rebelles sint tamque multi; quisque vel ultro perspicit, plus utique studii atque operæ impendendum esse iisdem præscindendis ac avertendis, quam quidem huc usque a medentibus factum; id quod

quod etiam detectis & cognitis veris eorum causis perficere non adeo est arduum. Scilicet pueriles morbi & infantiles à nimia fibrarum laxitate & succorum nutrientium abundantia proveniunt; ideoque recte concluditur: ad arcendos ipsos temperata nervina, roborantia & blanda laxantia atque diuretica optima esse præsidia. Affectiones, quæ adolescentes, juvenes, nec non viros detinent, sanguinis calidioris copię, intensiori solidorum motui nimięque humorum ad certas partes congestioni, ortum debent. Hinc ad declinandum earum insultum apprime conferunt, tam diætetica, quam pharmaceutica, quæ nimium æstum & ebullitionem sanguinis contemperant, ut sunt aquea diluentia, nitrosa, nec non tempestivæ sanguinis missiones, rejectis omnibus calidioribus, sudoriferis, exagitantibus, validioribus purgantibus, vehementioribus quoque animi corporisque exagitationibus. In senio qui infestant morbi, a nimia fibrarum siccitate & rigiditate, tubulorum angustia, & secretionum atque excretionum impeditiori successu pendent. Omnia igitur intemperata, tam in victus, quam pharmacorum administratione evitanda, nimis videlicet calida, frigida, acida, salsa, tanto magis exsiccantia, adstringentia & tonum fibrarum minuentia; contra ea salubritatis laudem ferunt merito omnia temperata, ex medicamentis diaphoretica, laxantia, nutrientia, stomachica, roborantia, ex alimentis, quæ facile digeruntur, vimque emolliendi, humectandi & temperandi habent. Quod si vero jam impetunt ac præsto sunt hi morbi, non penitus omittenda sunt remedia, nec concedendum, ut morbus libere sæviat, sed occurrendum potius iis, quæ causam leniendo ejusque vim sensim infringendo, naturam adjuvant, semperque, quo ipsa vergit, ducunt.

DISSERTATIO II.

DE

SALIVM MORBOSORVM
GENERATIONE IN CORPORE
HVMANO.

§. I.

TOTAM rerum naturam salibus diversissimi generis esse refertissimam, & non tantum in macrocosmo sed & in microcosmo ex diversis mixtionibus, combinationibus, nec non efficacissimo motus instrumento nova quotidie progenerari & produci, eaque invicem converti ac immutari, & ubivis ferme salia in producendis effectibus atque phænomenis præcipuam causam existere, nemo, nisi qui hospes in physicis, chymicis atque medicis est, in dubium vocabit. Natura enim nunquam quiescit, sed perpetuo vicissitudines & alterationes parit. Motus enim, qui per vocabulum naturæ hic exprimitur, semper statum rerum mutat, mixtiones, conjunctiones ac separationes efficit, & diversissimas ex uno subjecto formas producit, adeoque verus ille salium genitor est dicendus. Hic enim ex insipidis & salium expertibus solo actu immateriali producit sapida & magnæ efficaciae corpora. Ita ex insipida aqua pluviali & tenera terra vegetabilia suum augmentum sumunt, & sulphure ac salibus diversi saporis ac virtutis imbuuntur, quæ non nisi terrei & aquei principii variae a motu alterationi, divisioni, attritioni, & translocationi debentur. Animantia nullo alio succo quam insipido, sensu medico, dulci ac gelatinoso roscido nutriuntur, nihilominus, analysi chymica teste, salium volatiliū ac sulphuris maximam quantitatem largiuntur. In artificialibus, chymicis ac physicis mediante fermentativo putredinoso motu nec non ignis & caloris efficacia, aërisque libero accessu,

(Hoffm. Opusc. patholog.) D ex

ex corporibus mixtis, diversi generis salia volatilia, fixa, acida, spiritus sulphura non modo de novo produci, sed & invicem transmutari possunt, quod innumeris experimentis, si temporis & instituti ratio posceret, comprobare possemus.

2. PRIMOGENIVM autem & simplicissimum sal quod natura primum producit, & quod fons est reliquorum omnium nostra sententia est tale sal, quod ad acidi naturam accedit, hoc varia mixtione cum corpusculis terreis & aqueis, & pro varietate intestinæ ætheris agitationis in varia salia convertitur, sicuti id olim deduxi & demonstravi. In aere videtur tale sal acidæ indolis manifestissime, dum in terris pinguibus calcareis concentratum & mixtione denuo cum subtilissimis hujus terræ partibus intime sociatum abit in sal sulphureum, elasticum, inflammabile, quod vocatur nitrum. Aluminosas terras jam sale privatas coctione, per annum libero aeri commissas, denuo magnam quantitatem aluminis præbere, res est certissima. Neque ignotum est, mineras sulphureas, quæ in Anglia & Hassia reperiuntur, in aere diu retentas in elegans vitriolum concreescere. Præterea quoque manifestum in aere acidum ostendit experimentum, quodocunque sal alkali vel cineres clavellati sicco & sereno aeri per longum tempus objiciuntur; tum enim sal mediæ naturæ, amaricantis-saporis instar tartari vitriolati in satis ingenti quantitate generatur, quod debita encheiresi commode potest separari. Hoc sale universali imbuti maxime sunt venti orientales & septentrionales, serenitatem atmosphæræ nostræ inferentes, quare hisce flantibus, præsertim tempore æstivo, longe uberior dictorum salium est proventus, ac si austrini vel occidentales dominantur. Et hinc etiam probabile est, incommoda & morbosas dispositiones, quæ corpora humana accipiunt a diu regnantibus hisce ventis non modo ab eorum rigiditate, siccitate, sed & a materiali simul influxu dependere.

3. TANDEM etiam acidi salis copiam in atmosphæra nostra

stra ostendit aliud singulare phænomenon nempe fulguris & fulminum productio: hanc sobolem esse sulphuris, quoad naturam atque effectus vulgari ac minerali ex omni parte similis nullum subest dubium. Odor etiam sulphureus penetrantissimus, inflammabilitas, sulphur in aere præsens esse minerali analogon abunde demonstrat. Unde autem id habeat suam originem jure meritoque venit in quæstionem. Vulgaris sententia est, hoc ipsum ex subterraneis cavernis & speluncis evaporare, & in atmosphæram mediante calore elevari. At vero non sine ratione dubitandum est, solarem calorem tantæ esse efficaciam, ut ex intimis terræ meatibus sulphureas partes a mineris separare possit, quæ non nisi ingenti ignis, uti notum est, tortura sequestrantur ac sublimantur; sed potius statuo sulphur hoc, quod fulguris materiam constituit, esse valde affine minerali, & ex mixtione de novo in aere produci ac generari. Certum enim est, quod ex resinosis corporibus cum oleo vitrioli mixtis, debita encheiresi sulphur perfectum inflammabile possit obtineri, & tale quoque eduxi & sublimavi, quod in omnibus tam colore quam consistentia inflammabilitate, odore, simile est vulgari minerali, ex opio & oleo vitrioli per destillationem in retorta. Quum itaque in aere acidum illud universale ad naturam acidi sulphurei & vitriolici multum accedat, inque maxima quantitate ibi generetur, nec non exhalationes resinosæ, ex arboribus resiniferis nunquam deficient, præsertim fervente tempore æstivo, hinc veritati consentaneum est, ex harum cum acido intima mixtione concretum propullulare sulphureum. Ex quo consequitur, non modo salia, sed & ipsa sulphura in macrocosmo posse progigni.

4. QVEMADMODVM autem in toto macrocosmo, inque animantium ac vegetabilium regno, magna copia salium productorum conspicitur: ita etiam naturam microcosmicam ad generationem salium & sulphurum valde idoneam deprehendimus atque dispositam. Notatu autem perquam dignum est,

quod utut homo vescatur multis rebus acido imprægnatis, utut etiam aerem, continuo hauriat, qui salis huius universalis non expers est, nihilominus acidi salis vestigia extra ventriculi regionem in corpore sano non reperiantur, quandoquidem omnes hominis partes tam fluidæ quam solidæ exsiccatæ & igne tractatæ, copiam salis volatilis & olei, non autem alterius generis salis momentum suppeditant. Quod autem animale regnum salium volatilium copiam ministret abundantissimam, non aliæ causæ adscribendum est, quam motui intestino aereo-æthereo, qui in animantium succis actuosissimus & vividissimus est, & acida spicula cum oleosis mixta, quæ in alimentis sufficientissime deprehenduntur perpetuo attritu, divisione, subtilisat, & ex fixis partibus summe volatiles, ex acidis vero alkalinas reddit. Quod autem ex acido & oleo item ex rebus sale volatili expertibus, rapidissimus motus ignei & aerei fluidi, sal volatile quoddam progignere queat, clarissime docet fuligo, utpote ligna in vase clauso cremata nil nisi acidum, stagma & oleum fundunt; quod si autem in aere aperto accendantur & vapores concentrentur in fuliginem, & si hæc denuo in retorta destilletur, sal volatile vere urinosum in ingenti copia inde prolicitur.

5. TAMETSI autem in iis partibus, quæ proprie ad humani vivi & sani corporis constitutionem spectant, nulla alia salia quam volatilia oleosa arte produci possint, nihilominus quæ secernuntur & ex homine excernuntur, salibus præsertim mediis tartareis, ammoniacalibus, sulphureis foeta & imprægnata sunt. Nullus enim ferme humor est excepto muco, qui secretioni & excretioni ad extra destinatus est, qui non participet de manifesta falsedine plus minus cum sulphure mixta. In sudore, bile & urina, nemo negabit falsedinem: salivam etiam recondere tenue quoddam salinum elementum, variis evinci potest experimentis. Ex dictis igitur patet, salia ut extricata & in se considerata libera, non esse principia constitutiva corporis nostri vera, neque
ad

ad nutritionem vel ad spiritualescentiam proxime idonea existere.

6. VERVM enim vero, concludere quis ex dictis poterit, si salia non constituunt & ingrediuntur corporis nostri humores, alimenta & medicamenta, quæ salinæ proſapiæ ac virtutis sunt, esse noxiosissima & potius ex corpore excludenda, quam in illud recipienda. Neutiquam tamen hæc succedit argumentatio, sed potius statuimus, sine salibus nec vitam nec sanitatem fartam tectamque servari posse, unde non modo in alimentis, sed & medicamentis præcipuum ea ipsa inveniunt locum. Monstrat experientia, quod ii homines, qui a pane, quod subtile continet acidum, qui a sale communi inter cibos, qui ab acidis, acris condimentis, vino etiam abstinent, & nil nisi insipida nutritiva ingerunt, ægritudinibus atque variis incommodis perpetuo sint obnoxii, adeo scorbutico sic dicto morbo, alvi quoque obstructionibus, catarrhis, rheumatismis & multis chronicis morbis, viscerumque obstructionibus plus pateant, quam illi ipsi, qui excessum in dictis hisce rebus committunt. Certe sal commune balsamum corporis nostri est, & non tam saporis causa adjicitur, quam ut defendat sanguinem & humores a putredine. Neque minus acidum blandum in pane, item condimenta aromatica sanitatem egregie conservant ac tuentur. Ex medicamentis salia tam media quam alkalia fixa & volatilia ad sanitatem recuperandam principem locum obtinere, uno ore peritiores medentum affirmabunt.

7. ETENIM, utut non ea præsertim, quæ acidæ & falsæ indolis sunt, ingrediantur fluidas vel solidas corporis nostri partes, nihilominus quoniam irritando ac stimulando fibras motum accelerant sanguinis & humorum, excretiones quoque per debita emunctoria promovent, viasque apertas servant, visciditates solvunt, neque minus humores ad fluxilitates disponunt, atque etiam ciborum dissolutionem adjuvant, omnino egregie sanitati ac vitæ velificantur. Et hæc est ratio

tio cur ipsa natura quosdam humores a sanguine secretos uti v. g. salivam, lympham intestinalem & gastricam nec non bilem principio salino refertos, antequam excernantur, usui impendat, & cum alimentis denuo misceat non modo ut debite dissolvantur, verum etiam ut chylus extractus & sic conditus eo melius per vasa & emunctoria corporis postea propellatur. Salia itaque ad sanitatem custodiendam egregie conferre extra dubium est.

8. E re itaque erit jam demonstrare, qua ratione ipsa salia morborum causas constituere possint. Meretur autem hunc in finem perpendi insignis & celebris locus scite ab HIPPOCRATE in *tr. de prisca medicina* notatus. *Est, inquit, in corpore humano & amaram & salsum & dulce & acerbum aliaque sexcenta, quæ pro copia & viribus habent facultates. Et hæc quidem mixtione & mutua inter se contemperatione neque cernuntur, neque quenquam molestia afficiunt. At ubi horum, quicquam secretum fuerit & per se exstiterit, tunc & conspicuum fit, & hominem molestia afficit.* Hæc & alia si præpotentia fuerint & supra naturam humanam, adeo ut ab ea superari non possint, id lædere censuerunt & tollere conati sunt prisci medici. Quo textu prudentissimus senex salia, quæ ordinario sive materiali proxima aptitudine, sive formali actu insunt humoribus, quamdiu probe inter se temperata & mixta sunt, non judicat pernitiosa, sed tantum si excessu peccant, si extricata, intemperata & præpotentia sint, ut naturæ humanæ non respondeant, adeoque nec bene vinci & evacuari possint, tunc hominem lædere & morbos parere edixit. Operæ itaque pretium esse arbitramur, paulo curatius inquirere, qua ratione salia tam copia quam qualitate ac virtute corpori nostro infensa adeoque morbosa generentur atque producantur. Jam autem si omnia externa, quæ materialiter in corpus nostrum influunt, & ad ejus constitutionem faciunt, examinemus, liquidissime deprehendimus, primo aerem salium esse minus expertem, ut in superiore-

rioribus deduximus, deinde in plurimis etiam esculentis & & potulentis non tam materiali dispositione, sed potius ipso actu formali salia & sulphura sapore & virtute satis conspicua insigni in copia adesse. Namque nullum ferme cibum assumimus, qui non salino vel aromatico sapore sit imprægnatus: in cerevisiis & vinis manifestum inesse acidum neminem latet. Quod si itaque intempestive inque nimia & excessiva quantitate salia diversi generis, fixa & volatilia vel acria sulphurea ingerantur, quis dubitabit, sanguinem & humores non inde salina potentia imbui atque imprægnari.

9. VERVM restat adhuc alius modus, quo salia in corpore nostro possunt accumulari, nempe per motum intestinum, quo agitatissimo sanguinis & humorum partes inter se cidentur ac volvuntur. Nam natura microcosmica ex insipidis & omnis salis expertibus salia per dictum modum, fabricat ita, ut quo major ille, vehementior atque intentior sit, eo major salium progenies cernatur. Animantia omnia utut ferme insipidis vescantur, nihilominus eorum excrementa salibus abundare notissimum est. Tempore æstivo cum omnia calent, in febrili quoque intensa sanguinis commotione universa, quæ secedunt excrementa per alvum, urinam sulphure & sale extraordinarie abundant, adeo, ut in hæctico morbo tota ferme sanguinis & humorum massa in excrementa viscosa salinæ ac sulphureæ indolis resolvatur. Ex hisce dictis itaque patet, salia quoad quantitatem non tantum per externam immisionem, sed & per specialem in sanguine ex insipida materia mediante motu generationem in corpore posse augeri.

10. JAM autem, quum salia, uti supra dictum est, non directe corporis nostri materiam & succos bonos ingrediantur, utut officium quoddam, si in moderatione sint, adhuc præstare possint; quare provida natura certa construxit colatoria

toria ac quasi cribra ex diversissimis canaliculis ratione diametri & structuræ composita, per quæ illa salinæ indolis excrementa ratione consistentiæ crassioris vel tenuioris diversa ordinario secernuntur. Inter hæcce autem emunctoria principem obtinet locum cutis, quæ ratione fibrosæ arctiorisque structuræ tantum halituosum idque tenuissimum serum falso sulphureum transmittit. Renes canaliculis paulo amplioribus aqua, muco ac oleosa pinguedine salia terrestria tartarea evehunt. Secretoria adhuc majoris diametri hepatis vasa secedente prius fluxili per vasa lymphatica lymphæ, crassum salino-sulphureum biliosum humorem ex sanguine per venas viscerum abdominis reliquorum redeunte sequestrant. Hæc sunt solennia illa ac præcipua salium sulphureorum emunctoria, quæ si non rite suo funguntur officio, id est secernenda non secernunt & excernunt, vel quod sanguis non debito motu ad ea appellat vel quod ipsa obturata, infarcta obstructa sint, fieri aliter nequit, quin remanente illa excrementorum salino charactere imbutorum colluvie vitales illi fluores, qui dulces, temperie benigni esse debebant, falsi acres & intemperati evadant, & sic foecundam matrem ac materiam morborum constituent. Talis sanguinis status dicitur cacochymia, vel impura falsa sulphurea dyscrasia. Et quoniam ipsa salia ratione indolis assumptorum ipsiusque aeris multum inter se variant, atque pro mutua inter se facta mixtione & motu intestino differente, proque diverso vitio emunctorii plane dissidentem atque alienam indolem & facultatem nanciscuntur; hinc non adeo mirandum est, si acria caustica salia ex aliis benignis producantur.

II. Quod quidem adsertum, ut eo clarius pateat, consultum fore arbitror, id ipsum notabilioribus quibusdam confirmare observationibus, quas inter maxime omnium memorabilis est CVII. quæ exstat in Dec. II. A. II. M. N. C. ubi ex vena in brachio secta sanguis exiliit, cujus unica guttula ad denudatum brachium cecidit, cum maximo doloris & ardoris

ris sensu, ut vulneratus ad ejulandum fuerit coactus. Ex-
 ufferat enim non tantum cuticulam excitata in ea vesicula,
 sed etiam subjectam cutim cum eschara, phlebotomum autem
 in cuspide livido tinctum colore tam friabilem reddidit, ut
 levi attritu in particulas abierit, unde iuvenis per alvum, u-
 rinam, vomitum, tussim, non tantum sanguinem sed etiam ca-
 runculas membranulis & venulis conspicuas egressit. SEN-
 NERTVS *Tr. de Consensu & dissensu Chymicorum Lib. I. C. XVI.*
p. 16. Urinam scorbuticorum lintea corrodentem vidit, item
 DORING *Tr. de scorbuto p. 109.* Sanguinis admodum caustici
 etiam mentio fit in BONETTI *Medicina septentrionali part. II.*
L. II. Sect. 22. obs. 2. Porro urinam acerrimam indusium bidui
 spatio erodentem annotat *Salmuth. Cent. 2. obs. IV.* Neque minus
 memorabilia sunt, quæ scribit *D. Wolfius* de lacte ex mamma
 puerperæ profluente, cuius acrimonia mammarum propinqua
 loca erodit & ulcera ipsis induxit, ut fuerit opus vasculis ad-
 motis excipere illud, & subinde ex illis effundere. Vid. *obs.*
LXXII. Dec. II. anno VIII. M. N. C. Plura exempla excremen-
 torum & humorum sale refertorum infra recensebimus.

12. PLACET jam brevius determinare quænam copiosæ
 salium generationi in corpore nostro maxime velificentur;
 inter hæc autem principem locum obtinet plenitudo sive ni-
 mia humorum copia, quæ semper ratione virium motricium
 sive roboris musculorum in quovis individuo debet mensura-
 ri. Quod si enim proportio illa inter movens & mobile læ-
 ditur, adeo ut copia sanguinis & humorum resistat potentia
 ac virtuti loco motrici, musculorum, ita ut non satis valide &
 velociter pro debita conservanda crasi circulentur humores,
 fit ut ob tardio rem motum a fluiditate & tenuitate sibi debi-
 ta defleant, & crassi, rudes & viscosi evadant. Lenti autem
 & crassi humores obstructionum postea promptissimi fiunt fa-
 bri, dum in minutissimis capillaribus tubulis hærent, illos
 obstitant, infarciunt, unde emunctoria & colatoria publica
 excrementitios humores non rite separando inutiles falsas

lcorias, impuritatem & cacochymiam efficiunt. Et hinc fluit ratio, quare morbis ex intemperie & dyscrasia falsa ortis ii, qui sedentariæ vitæ dediti sunt, & qui sunt mollis spongiosi habitus corporis & delicatulis cibis sese saginant, catarrhis, defluxionibus, rheumatismis valde sunt obnoxii. E contra agricolas, bajulos, nautas laboribus deditos rarius cacochymia & ex hac obortis morbis videmus vexari, utpote abstinentia, exercitatio & motus corporis plethoram absument, humores attenuat, fluxilesque reddit, sicque ab intemperie falsa præservat. Spectat huc aphorismus HIPPOCR. *XI. Lib. II. veritate ac utilitate commendatissimus. Corpora impura quo magis nutriveris eo magis læseris.* Per impuritatem hic intelligitur intemperies viscido salsa, quæ ex emunctoriorum obstructione & officio neglecto, ordinario solet oriri. In tali itaque corpore, ubi magna alimentorum & succorum copia oneratur, augentur cruditates, obstructiones, & inde crescit intemperies & cacochymia.

13. DEINCEPS verissime monet HIPPOCRATES *de prisca med.* non modo ex plenitudine, sed etiam ex inanitione gravia oriri mala, estque ex iis præcipuum magna succorum impuritas. Quod si enim ex sanguinis defectu, qui ob varias causas & maxime ob enormes effusiones fieri potest, pauci spiritus generantur, & ubi pauci spiritus, languidus ac imbecillius motus est, necessario hinc consequitur, circulum sanguinis, & debitam quoque secretionem inutilium falsarum partium fieri languidiorem; præterea sub defectu sanguinis ipse non ad vasa capillaria in extremo habitu corporis & in emunctoriis potissimum sita non potest contingere: unde cum ea non sufficienter expanduntur, & aperta servantur, sed cum tempore subsident & contrahuntur, fit ut scirrhescentiæ & callositates atque obstructiones viscerum inde oriantur, quæ immedicabiles magnæ impuritatis & scorbuticæ quoque generatrices certissimæ fiunt. Præterea dantur adhuc aliæ causæ, quæ proventum salium morbosorum secundant. Et hæ sunt certi

certi morbi & inter eos præsertim febres, quæ cum magno motu ac calore sunt stipatæ. Mediante enim febrili percalida commotione & succi corporis alias benigni ac lenti copiosa, manifesta & excrementitio sulphurea imbuuntur falsedine. In tertianis quidem continuis id manifesto conspiciere licet, in quibus mirabile omnino est, quanta biliosi humoris copia per alvum, imo per vomitum, & urinam, quæ a bilis miscela saturatissime tincta est, indies egeratur, quæ de novo semper ex motu intestino adaucto generatur; quod vel ex eo clarissime efficitur, si chinæ chinæ debita dosi atque administratione vel alio quodam remedio sistente ac roborante febriles paroxysmi per aliquot dies compescuntur: tum enim mox copiosæ istæ per alvum & urinam eiectiones cessant. In hectica pinguis illa saturate rubicunda urina, sputum perpetuo falsum, fæces acres & foetidæ nullum alium quoque agnoscunt ortum, quam quod intestina illa vehementi calida particularum sanguinis commotione, terreum illud ac mucidum sanguinis insipidum sulphuris ac salis schema induat. Nil frequentius in praxi est, quam quod mox post febres perpeffas, graves colici dolores, rheumatismi, tusses catharrhales defluxiones falsæ asperam arteriam & oculos infestent, scabies itidem & ulcera oriantur, quæ nullam aliam causam agnoscere videntur, quam quod sub paroxysmis morborum & vehementibus humorum commotionibus falsedo insignis biliosa in sanguine fuerit producta, quæ nisi debite temperetur, & per congrua evacuatoria eliminetur, multas passiones excitare potens est.

14. TANDEM etiam medicamenta multum conferunt ad salium in corpore augmentationem. Quod si enim alimenta falsis rigidis partibus plena, nec non calidis sulphureis particulis stipata corporis partibus & maxime solidis infesta sunt, ut catarrhi falsi, raucedines, oculorum defluxiones, odontalgia inde oriantur, arthritici paroxysmi incrementum accipiant, & scorbutica ulcera omnia inde exacerbentur, quid-

ni etiam medicamenta, quæ adhuc activioris indolis sunt, falsa & acria augebunt intemperiem sanguinis falsam? Toties observavimus in scabie præsertim sicca, in scorbuticis & arthriticis doloribus, in odontalgicis etiam affectibus omnia remedia, quæ notabili falsedine, calore, acredine notata fuerunt, aucta semper pathemata fuisse & dolores, rosiones, exulcerationes atrociores exinde factas. Etenim non solum salia manifesta sed & spirituosæ ad salium morbificorum genesis symbolum suum addunt. Si enim motus intestinalis concitior salia producit, facile exinde fluit, omnia calida & spirituosæ, quoniam motum hunc sanguinis calidum mirifice augent, salibus quoque producendis ac generandis apta & idonea esse.

15. CVM autem salia in microcosmo, uti notum est, non unius ejusdemque sint indolis, & viribus quoque & effectibus mirum quantum dissideant, neque in statu sano & morbo inter se conveniant; hinc perutile fore judicamus, accuratius paulo determinare, cujusnam naturæ salia in corpore humano præter naturam abundare ipsique infensa esse possint, quæ certos morbos foveant atque progignant, quænam porro certis individuis ratione ætatis, temperamentorum, habitus corporis, vitæque generis valde distinctis, magis vel minus sint familiaria, & quibus partibus hæc vel illa salia, plus vel minus noceant. His enim perspectis eo melius ac felicius in enodandis & explicandis morborum & symptomatum causis ipsaque medicina cum ratione applicanda progredi poterimus. Ante omnia vero circumspiciendum est, quænam speciatim salia in corpore humano, live in statu secundum live præter naturam versetur, reperiantur. Primo autem asserimus, sal acidum purum, liberum & extricatum sapore & virtute tale in corporis nostri succis, qui motu circulari circumvolvuntur, non inveniri. Ea enim acidi conditio est, atque indoles, ut propter spicula sua, quibus constat, acuta, facillime cohæreat, & sese intime fixis terrestribus

bus immobilioribus &, pinguibus particulis, quibus solet ir-
retiri, & quas in motu suo intestino sistere solet, associet: un-
de dependet ratio, quare acida concentratiora cum terreis
oleosis pinguibus mixta coagulentur, & in massam sive sali-
nam sive in resiniforme vel aliud crassum magma coagmen-
tentur, unde etiam sal acidum in copia ingestum, quando cum
sanguine nostro miscetur, naturam suam non retinet, sed
pro varia partium inter se facta miscela, vel in sal neutrum sal-
sum ammoniacali simile, vel in tartareum vel in acre trans-
mutatur. Quapropter nullus facile artifex ex sanguine vel
partibus solidis animantium producere poterit acidum for-
male. Equidem mentionem facit *Cl. Vieusens* in pe-
culiari epistola ad Lipsienses acidi, mediante argilla ex san-
guine humano exsiccatum ignis calore propulsi. At vero pro-
be monitum est a *Cl. Pittcarne* in Dissertationibus ex argilla,
quæ per se propter sulphur, quod alit minerale, acidum stagma
fundit, hujus spiritus acidi ortum esse derivandum. Non
negamus acida sanguinis & humorum crasin invertendi nec
non partibus solidis & nerveis nocendi efficacia pollere, ni-
hilominus formale acidum tale morborum causam proximam
& immediatam, uti communis est opinio, constituere, & ad
hoc absumendum ferme totam medendi methodum debere
esse directam negamus, quod olim jam deduximus.

16. DEINCEPS neque in corpore humano purum datur
alkali, sive fixum sive volatile. Acida salia magis sunt uni-
versalia & pura exstant in mineralibus ac vegetabilibus, al-
kalia autem præsertim fixa magis artis sunt effectus, & purum
sal volatile urinosum sine prævia putredine & sine combustione
nunquam offenditur, multo minus sal alkali fixum, quod tan-
tum per combustionem ex vegetabilibus neque ex omnibus,
sed ex iis tantum, quæ sal acidum, particulas terreas & sul-
phureas in debita mixtione custodiunt, in abundantia para-
tur. Hinc alkalia sive fixa sive vegetabilia sint, mixturæ san-
guinis sunt plane contraria, sicuti patet clarissimo exemplo

ex chirurgia infusoria desumto, ubi liquore alkalino sive urinoso sive fixo in venam animalis vivi injecto, non secus ac ab acido liquore infuso, mox animal interficitur, ea tantum differentia, quod sanguis fluidus & floridissimus ab injectione salis volatilis urinosi, fixus autem coagulatus & crassus nigricans ab infuso acido fuerit repertus.

17. PRÆCIPUA autem salia, quæ tam in sano corpore, quam in eo, quod indolis morbosæ est, occurrunt, potissimum sunt media neutra, & quidem vel tartarea vel acria salsa, quæ tam copia quam volatilitate & tenuitate, differentes morbosos, exhibent effectus. Quemadmodum autem in superioribus & alibi etiam latius deduximus, acidum quasi primam reliquorum salium in macrocosmo esse matrem & originem: ita etiam statuimus, acidum salium plurimorum, quæ in corpore humano tam in statu naturali, quam præternaturali reperiuntur, præcipuam esse causam. Tametsi enim illud purum in sanguine & vitalibus succis non reperiatur, nihilominus in primis viis & maxime ventriculi & intestinorum canale in statu secundum & præter naturam illud purum deprehendere licet. Nam acidum naturale temperatum ac modicum ventriculo & primis viis non est hostile, sed potius appetitum, digestionem & alimentorum resolutionem egregie adjuvat, unde etiam acida remedia, qualia sunt vinum, succi acidi & panis, qui subtile acidum recondit, ventriculi actionem egregie juvare & promovere solet. Quod si autem acidum illud propter nimis acida ingesta nimium & excessivum sit, vel si humores in ventriculo diu morantes & peregrinum acorem induant præternaturale illud fit & morborum causas ministrat.

18. Ad generationem autem hujus salis acidi excessivi dispositi sunt maxime infantes lactantes & pueri. Lac enim, uti notum est, facillime mora acorem concipit, quod etiam accidit in ventriculo infantum, si nimium lacte nutriuntur, illudque per alvum non bene excernitur & hoc præcipua morborum,

borum, quibus infantes subiecti sunt, causa est. Tormina & erosiones in intestinis, maximeque in colo efficit, unde alvi adstrictiones spasmodicæ, epilepticæ & convulsivæ agitationes corporis dependent. Quod autem acidum in iis delinquat, ex eo apparet, quod plerumque feces viridissimo colore, qui ex bilis & acidi mixtura nascitur, tinctæ sint. Nam acidum corrosivum v. g. spiritus vitrioli cum bile mixtus viridem colorem inducit. Quapropter infantilibus in morbis egregiam efficaciam præstant omnia alkalina, terrea, absorbentia, oleum tartari per deliquium, tincturæ tartari & clysteres oleosi demulcentes. Porro in ætate puerili, sexu foeminino & tempore autumnali, maxime ob esum fructuum horæorum ingens acescentia in primis viis præsto est. Vnde deducimus, quod ad crustam lacteam, achores capitis, ad fluxiones in auribus & oculis infantilis ætas valde sit proclivis. Acidum enim in sanguinem delatum lympham coagulat, falsam reddit, glandulas obstipat, transpirationem impedit & prædicta mala certo certius infert. Qua de causa etiam omnia, quæ acidum in primis viis absorbent, quæ humores temperant, fluxiles reddunt, humorumque excretionem promovere, dictis in affectibus emolumentum præstant egregium. Verminosa dispositio, quæ ætati puerili infanti & adolescentibus per quam familiaris est, idemtidem lentiori, acescentiæ atque corruptioni humorum debetur. Utut enim acida penetrantia vermibus noceant, lenia tamen bene ferre possunt: ubi autem acidum in primis viis hospitatur, ibi bilis, quæ antidotus vermium est, deficit, ibi calor est temperatus, ibi alvi contenta ex intestinis non sufficienter propelluntur, nausea oritur, saliva in os fluit, phlogoses laborantes patiuntur, & quandoque forti appetitu gaudent. Quoniam itaque acidum ad vermium generationem confert, hinc hypochondriacorum intestina, præsertim in sexu sequiori ascaridum copia sæpius scatere deprehendimus.

19. ACIDVM porro exsuperans inque primis viis congestum

stum ex acidorum nimio usu maxime in phlegmaticis, phlegmatico melancholicis, vitæ sedentariæ & lucubrationibus addictis, ac imbecillibus subjectis pathematum hypochondriacorum causa remota præcipua existit. Notum namque est, quod alvi adstrictio & obstructio plerumque præcedat vel etiam comitetur malum hypochondriacum, quæ tamen a nulla remagis, quam ab acidis assumptis fovetur. Acida porro in sanguinem delata impediunt transpirationem, serum reddunt viscidum & ad motum ineptum; unde circulatio per viscera præsertim abdominis fit tardior, & sic obstructions hepatis, lienis, indeque dyscrasiæ falsæ, acres, corrosivæ, spasmorum autores, promptissime generantur. In hypochondriacis autem acidum corrosivum prima in regione plerumque oberrare, non modo ructus sed & vomitus acidi virides patefaciunt, idque vera causa est, quod purgantia etiam fortiora emetica effectu suo sæpius frustrentur, & martialia sicca assumpta mox nigerrimas fæces efficiant. Et hinc quoque deducenda est pulverum martialium energia, utpote qui præcipitando & absorbendo primarum viarum acidum, atrocium pathematum levamentum afferunt egregium.

20. ILLVD autem observatione dignum est, quod, utut frequentius tales ægroti absorbentia assumant, adeo ut omne acidum absumtum videatur, nihilominus acor in os mox regurgitet, & priora parhemata repetat. Hoc vero mea sententia exinde deduci debet, quod, tametsi acidum in intestinis sit saturatum, illud tamen, nisi excernatur per alvum propter affluentem ex glandulis intestinalibus novam lympham, mora acidam factam, quæ coagulatum jam in partibus terreis acidum resuscitat, mox resuscitatur; non secus ac videmus, oleum vitrioli sali communi affusum, vel spiritum vitrioli saccharo saturni admixtum ex ipsis leni ignis calore acidum rursus expellere. Unde optimo consilio post absorbentia & martialia assumpta subjungi debent evacuantia, ut simul illud acidum evacuetur. Rarum est quod refert *Ill. Boyle in Chymi-*

Chymista sceptico p. 68. de milite hypochondriaco lapides & frustula devorante & ita consumente, ut alvi excrementa arenosa secuta fuerint lapidibus ab acido stomacho in arenulas resolutis.

21. QVOD autem de hypochondriacis dictum est, illud etiam de hysteriis valet. Acidum enim plerumque est huius morbi causa remota, & postea etiam malo iam suscitato humores serosi ad acescentiam valde inclinant, qui rodendo, vellicando, digestionem turbando, flatulentias, cardialgias multaue alia incommoda pariunt. Febrem lentam post intermittentes curatas sæpius observavimus, adeo ut metus fuerit hecticæ, nisi præsentissimum levamen a lenioribus emeticis ægrotantes fuissent experti. Ita pariter aliquot exempla in praxi notavi, ubi colluvie humorum viscidorum viridum evacuata, calor febrilis mox fuit mitigatus & dolores pedum ostocopi remiserunt; quod medicamentum aliquoties repetitum, saburram removendo, febrem felicissime curavit.

22. DEINCEPS acidum in prima regione coacervatum in phlegmaticis, phlegmatico-melancholicis, maxime in sexu foeminino, & sub vita sedentaria disponit ad mensium suppressionem, quæ mille malorum origo est. Quotidianæ enim est experientiæ, ad ordinarium sanguinis fluxum inhibendum, chlorosin & cachexiam inducendam & innumera mala proferenda, feminis præter acidorum & aceti &c. usum nihil esse nocentius. Hæc enim in sanguine delata, ejus sulphur, quod matrix vitalis caloris ac spirituscentiæ est, figunt, deprimunt, enervant, lentiores humorum cursus efficiunt, & sic caco-chymiam viscido falsam impuritatemque magnam, pathematum variorum productricem ingenerant: quam ob causam & illi, qui ordinario patiuntur fluxum hæmorrhoidalem, omni studio sibi cavere debent ab intempestivo acidorum usu præsertim tunc temporis, quando fluxus instat. Ex iis jam patet, utut non semper causa materialis morbo-

(*Hoffm. Opusc. patholog.*)

F

rum

rum proxima sit acidum, ex remotis tamen principem locum obtinere.

23. Denique acidum in massam sanguinis & humorum delatum, & cum partibus sulphureis terreis nuptum, degenerat in sal falsum, quod si non rite per universale illud sanguinis evacuatorium cutim nec non per renes secernitur & e corpore exterminatur, ulteriore commotione intestina acris simul factum & ad glandulas subcutaneas delatum, facit ibi rosiones, pruritus tenuissimarum fibrillarum, dilacerationem variasque exulcerationes, scabiem, phymata, & cutis defœdationes. Et scabies ista humida in adolescentibus vitæ sedentariæ deditis, præsertim si fructibus horæis ventriculum onerant, nullam aliam habet causam, quam acrium salium erodentium in sero viscido abundantium quantitatem. Longe autem molestior scabies sicca est, & in melancholicis, ac senibus, quibus serum roscidum deficit, insigni ut plurimum pruritu stipata. Quapropter in utroque casu omnia, quæ salia diluunt, eorum acrimoniam temperant, emunctoria, præsertim cutim aperiunt, indicatissima & certissima sunt præsidia. In humida autem scabie valde proficui deprehenduntur pulveres absorbentes circa tempus noctis adhibiti. Externe saturnina, terrea & quæ leniter exsiccant egregiam foenerant utilitatem, ut perspicuum exinde fiat, quare in dictis affectibus cuncta, quæ salibus motum & acredinem conciliant, ut sunt spirituosæ, calidiora, falsa, &c. majores & acerbiores inducant erosiones.

24. CVMQVE acidum secundum nostram sententiam sit fundamentum reliquorum salium morbosorum, hic pro differentia sanguinis & succorum in varias non modo species transmutatur, sed & pro diversitate partium, quas affligit, peculiares producit morbosas adfectiones. In ætate juvenili & virili, præsertim in sanguineis & sanguineo cholericis excretiones per transpirationem impeditæ, & alimentorum acido exsuperantium crebra assumptio, inque edendo intemperan-

perantia, morbos a sale acri proferunt; ex quorum censu sunt arthritidis vaga, rheumatismi, odontalgiae, catarrhi, tussis, diarrhoeae. Hasce ægritudines plerumque esse epidemias, & sub certis anni temporibus & tempestatibus dominari, constans est experientia. Præcipue autem generantur post coeli statum austrinum & humidum, quem si boreales venti vel frigora excipiunt, protinus una nocte dispositos dictæ passiones invadunt, vix aliam ob rationem, quam quod sub coeli statu humido spirituum, qui ex aere sumunt pabulum vigor pereat, partesque fibrosæ & musculosæ flaccescant, sicque ob lentiores sanguinis circulum copiosa impuritatum excrementitiarum fiat collectio quas maiori motu & impetu facto venti boreales, qui rigiditatem partibus solidis, elasticitatem fluidis conciliant, sive in emunctoria sive in partes membranaceas hinc inde pellunt; unde postea, quum proportio ratione quantitatis vel qualitatis cum eorum poris non respondeat, fiunt stimuli, rosiones, quas sequuntur, stases, congestiones, dolores, febres aliaque symptomata. In coryza sal tenue acre per sternutationem ipsumque gustum sese exserit efficacissime. In odontalgicis defluxionibus, quæ sæpius dimidiam partem capitis occupant, non raro tam salsa acris lympa per nares & fauces defluit, ut valde acris percipiatur. Haud aliter comparatum est cum iis fluxionibus, quæ oculos cum rubore & tumore infestant, ubi sæpius tanta acredo sese offert, quæ non tantum gustu percipi potest, sed ipsam quoque cutim faciei erodit. In arthriticis & rheumaticis doloribus sal tenue biliosum corrosivum plerumque peccat, & insensibilissimis partibus cruciatus maximos suscitatur. Salinum autem in his affectibus esse principium ex eo argumentari licet, quod a transpiratione prohibita, vinorum potu & acidorum assumptione nec non magna ciborum intemperie, in subiectis debilioribus, veneri deditis & otio assuetis perfamiliares sint isti morbi, qui per leniora diaphoretica, transpirationem liberiores promoventia, per

temperantia, demulcentia, lac & serum lactis curantur; quum contra omnia falsa, acria, calida, tam ex alimentorum quam medicamentorum classe summe deprehenduntur hostilia.

25. IN diarrhœis, quæ plerumque sunt epidemiæ & ab intercepta transpiratione in intemperantiæ deditis corporibus suscitantur, sal biliosum falsum ex habitu corporis ad intestina præcipitatum, rosiones, irritationes nimiasque excretiones producit. Quis autem hic vellet dubitare salinum acre stimulans, sulphureum principium esse accusandum? quoniam omnia purgantia, quæ diarrhæam artificialem efficiunt, ob principium tale salinum sulphureum acre operantur. Monstrat id quoque ipsa cura, dum omnia demulcentia, acrimoniam temperantia, incrassantia & quæcunque transpirationem in cute liberiores & expeditiores reddunt, opem ferunt præcipuam: quod etiam valet de dysenteria, ubi tanta corrosivorum humorum sæpenumero indoles est, ut ipsæ membranulæ intestinales plane erodantur.

26. ULTERIUS acidum in senili ætate & in sanguine terrestri crasso, sub diætâ viscida & dura exsuperans degenerare solet in sal tartareum, quale ex terra fixa, oleo & acido conflatur. Hoc si non debite per congrua evacuatoria eicitur, varias tartareas calculosas, præsertim in renibus & vesica, tam urinaria quam biliaria producit concretiones. Præterea stranguriam efficit, quæ ideo senibus & calculosis valde est familiaris. Quod si autem tale sal tartareum resolutum ad glandulas & membranas articulorum pedum præcipitur ibique hæreat, dolores lancinatorios & podagricos causatur. Podagra enim, præsertim fixa, nodosa, tophacea, omnium consensu, a sale tartareo fixo terreo oritur; unde ratio dependet, quare hypochondriaci & calculosi podagra facile afficiantur: quin imo juncturarum ligamenta a sabulo tartareo ibi subsistente erosa in sectionibus cadaverum sæpius fuerunt reperta, imo ex ipsis tophis quandoque tartarea terrea materia exenta. Neque rei medicæ peritos fugit, in
arti-

articulis podagricorum sæpe colligi & quandoque vesicatoriorum usu effundi summe corrosivæ indolis liquorem ; & quod acidorum & viscidorum abusus, calculosam & podagricam dispositionem corporibus ingeneret ; unde omnia antacida terrea & quæ salina tartarea excrementa ex corpore educunt, nimiam calculosæ vel etiam podagricæ materiæ genesin impediunt.

27. NVLLVS autem morbus maiori ferocium salium copia stipatus est, quam ipse scorbutus. Vnde hic morbus oriatur, non nemini in medicis paullulum versato notum est, quod nempe ex defectu spirituascentiæ sanguinis, ejusque tardiori circuitu, viscerum obstructione & hinc vacillante excretionum negotio pronascatur : quare foecundissima scoriarum salino-sulphurearum progenies fit, quæ dolorum, ulcerum malignorum, spasmodicarum contractionum, nimiarum defluxionum & excretionum, præcipuam causam materiale fovet. Et sicut ex alimentis, sale copioso præditis hic affectus potissimum nascitur : ita quoque per ea ipsa exacerbat. Plura autem sunt, quæ clarissime docent, in scorbuto mirabilem salium peccare copiam. Argumento potest esse sola urina, quæ saturato rubicundo colore tincta mingitur ; & , quoniam salium copia scatet, ponderosior est sani hominis lotio, & non modo evaporatione facta, sed & per præcipitationem cum oleo tartari per deliquium, magnam copiam mucidæ substantiæ exhibet. Urinam in salem lixiviosum coagulata[m] vide in *Act. N. C. Dec. I. A. II. p. 162. 141.* crySTALLISATAM describunt identidem *Miscellanea Dec. I. A. VI. & VII. p. 93.* arenosam *Dec. I. A. II. p. 35.* fabulosam perhibent *Dec. II. A. X. p. 44.* & urinæ corrodentis exemplum *Dec. II. A. VIII. p. 157.* Urinæ viridis RHODIVS meminit *Cent. III. observat. 21.* Et quoniam falsugine succi corporis nostri referti sunt, hinc omnia ea, quæ diluunt & temperant, plus efficaciæ in medendo spondent, quam omnia volatilia, acrida & spirituosas, quæ dum, experientia teste, salia acuunt, iis-

que penetrantiam addunt, & exacerbationem symptomatum efficiunt. Eam ob causam cavendum quoque est, ne scorbutici tractentur mercurialibus. Notum enim est, hæc ipsa salibus corporis associata insignem acquirere corrosivitatem & causticitatem, unde sævissima non secus ac a formali veneno nasci solent symptomata. Luem quoque veneream & virulentam gonorrhœam a principio caustico oriri nemo facile negabit, ubi tamen notandum, quod in hoc morbo non modo salia simpliciter vi rodente caustica agant, sed simul intestina putredinosa motione in partes solidas & corporis nostri succos grassentur, adeo ut abominandæ istæ, quæ his affectibus familiares sunt, partium & ossium erosiones non tantum a sale erodente, sed & a motu putrefactorio destructivo sint deducendæ.

28. PROBE autem hoc loco tenendum est, quod salia, quæ in scorbuticorum sanguine ac succis regnant, non sint domestica neque unius eiusdemque generis, sed statuimus potius, salia illa impura in corpore retenta, toties facta, repetita & aucta intestina motione, fermentatione & variarum partium inter se mixtione prorsus in alterius schematis salia mutari, quæ lixivii acris calcinati salis & similium qualitates & vires exserunt.

29. TANDEM etiam in variis morbis sal tenue, causticæ & acris indolis accusandum venit, quod ob penetrantiam & subtilitatem, stimulando hinc inde fibras nerveas & per corpus vagando, maxime noxium & perniciosum est. Talismodi generis sal extra corpus deprehendimus in validioribus purgantibus, emeticis, in venenis quamplurimis, in cicuta, cantharidibus, araneis, bufonibus, arsenico, mercurialibus &c. Et quemadmodum secundum nostram sententiam acidum primum salium constituit fundamentum, ita quoque asserere non dubitamus, tale causticum volatile primum suum ortum ab acido habere, quod vel ex eo apparet, dum salia alcalia omnium purgantium & causticorum vim, debi-

debita commixtione facta, egregie infringunt atque enervant. Tale sal quoque generatur in corpore nostro & in variolis, morbillis, purpura manifesto conspicitur, licet gradu virulentiae & acredinis valde differat. Cognoscitur ejus effectus ex cutis erosione pustulosa, pruritu maximo, ex vomitu, diarrhæa, cardialgia, urina cruenta, stranguria, ster-
nutatione, tussi & salivatione, quæ sæpiusculè eruptionem in cute antecedere solent & comitari. Porro etiam nos certiores reddit de hoc sale ipsa cura, quæ maxime in dilutione & spiculorum acrium contemperatione versatur; contra omnia, quæ humidum absumunt, salia commovent, exagitant, pernitiocissima sunt, & præsens damnum inferunt. Inter morbos quoque, qui ex principio summe subtili caustico oriuntur, merito referenda quoque venit pestis, quæ halitu summe tenui solet propagari. Et quoniam mox vertiginem, syn-
copen, anxietates, nauseam, cardialgias, imo in ipso ventriculo, uti nota sunt exempla, escharas producere solet, de causticitate non dubitandum est. Venena enim, quæ simili principio operantur ex vegetabilibus & mineralibus, iisdem symptomatibus infesta sunt, tantum quod hoc venenum, quoniam ex regno animali desumptum est, facilius intestina
motive propagetur, quod circa alia venena non accidit. Neque mihi pestis & febrium petechialium miasma agere videtur, corruptionem putredinosam sanguini introducendo, utpote in sanis corporibus, quæ etiam pestis invadit, succi, qui in circulatione perenni existunt, non tam in instanti in putredinem rapi possunt. Nullum enim fluidum, quod fortiter movetur, ad putredinem concipiendam aptum est, neque etiam tam subito ea in corpus potest introduci, ut prædicta symptomata statim ab ea producantur. Præterea carbunculi & bubonis pestilentialis exortus id ipsum clarius videtur demonstrare: hæret enim ibi principium summe activum lancinans, summosque dolores procreans, quod spasmodi-

modica contractione sanguinis stagnationem efficit putredinemque sphacelosam inducit. Morbi autem maligni, qui a causa interna fiunt, plerumque ex dispositione sanguinis putredinosa originem suam agnoscunt. Tandem etiam tale virulentum sal penetrans & causticæ indolis generatur in corpore nostro ex sordibus recrementitiis retropulsis, sive id fiat per externa refrigerantia, repellentia, sive per anodyna aliaque perperam administrata remedia, & locum maxime habet in scabie, in achoribus capitis, variolis, morbillis, purpura, arthriticis, podagricis doloribus, erysipelate &c. quod in dissertatione de generatione veneni in corpore humano fusius deduxi.

30. Ex hætenus dictis & adductis clarissime apparere arbitror, plures ac graves morbos foveri ac sustentari a salibus, & ex illis non solum oriri, verum etiam per remedia falsa exasperari. Neque tamen in ea sumus sententia, ac si tantum salia materiam morborum internorum præbeant, sive eorum omnium causam constituent. Multæ enim & gravissimæ ægritudines excitantur, ubi principium salinum nullum invenit locum, quandoquidem ex stasi, extravasatione & motu humorum impedito, inflammationes, spasmi, dolores, convulsionες, febres, sensuum motuumque abolitiones fiunt frequentissime, ipsa quoque putredo ac corruptio, quando partes corporis visceraque infestat, pathemata summe periculosa excitat, adeo, ut in morbificis causis non modo ad qualitatem salino-sulphuream, sed & ad quantitatem peccantem & motum præsertim impeditum, & putredinosum sit respiciendum. Inter ea tamen negari non debet, nec commode potest, salia ex morbificis causis esse excludenda. Equidem varia prostant dubia, quibus hæc doctrina possit labefactari, quæ brevibus adhuc perpendere lubet. Palmarium est, quod dicant: si salia morbosa præsentia sunt in certi individui sanguine, cur non omnes tales morbos, qui fiunt a salibus, v. g. podagram, scorbutum, calculum, scabiem, diarrhæam producant, cum ta-

men

men calculus, arthritis, podagra sint morbi certarum tantum ætatum. Verum enim vero non omnia promiscue salia quoslibet morbos progignunt: alii enim foveantur ab acido, alii a falso sale, alii a tartareo fixo, alii a caustico. Neque deinceps omnis ætas, vel omne temperamentum & quodcunque vitæ genus ad talia salia, quæ ad certum morbum gignendum requiruntur, sunt disposita, nec omnes partes corporis æqualiter sunt constitutæ, ut æque facilius adficiantur a causa morbifica salina; sed cum partes differunt structura, accidit etiam, ut principium quoddam noxium huic parti non noceat, alteri grave damnum inferat. Quemadmodum itaque morbus quidam salinus, non a quocunque, sed certo tantum & determinato sale proficiscitur, & quævis ætas, temperamentum, vitæ genus certa etiam salia proferunt: ita etiam non cuivis ætati, temperamento, vel vitæ generi omnis morbus salinus quadrat. Nam ad morbi cujusdam genesis non una causa remota ex naturalibus & non naturalibus sufficit, sed plures in unum principium materiale morbosum debent conspirare. Postremo etiam hoc solet urgeri: si salia morborum sint fabri, eaque morbosa in corpore semper sint præsentia, cur non semper etiam affectus morbosos prodant, cum tamen experientia doceat, plurimos morbos periodice recurrere & plane quandoque intermittere & remittere. At vero non semper sequitur: posita causa poni & sequi etiam effectum. Habemus præsentissimum exemplum in purgantibus, quæ caustico quidem sale intestinorum fibrillas irritant, nihilominus tamen in corpus ingesta, excretiones per alvum & tormina non continuo, sed temporis certo intervallo efficiunt, adeo ut intermedio tempore nihil incommodi & molestiæ ab iis mentiatur, salis hujus purgantis licet non desit in irritando efficacia. Quis autem est, qui exinde velit argumentari, si talem irritationem non perpetuo sequitur effectus excretionis; ergo sal in purgante non perpetuo in intestina agit. Patet itaque, salia in corpore per-

(Hoffm. Opusc. patholog.)

G

egri-

egrina posse consistere, ut ut non semper ex ipsis fluat operatio: nam ad certum effectum seu motum & excretionem præstandam, semper inter movens & inter mobile requiritur proportio, quæ si deest nullus sequitur motus. Deinde opus est dispositione ad receptivitatem causæ agentis, imo non modo receptivitas, sed & dispositio ad reagendum debet considerari. Hinc, ponamus exemplum, quodocunque causa acris stimulans in eadem activitate præsens, nec dolorem nec spasmum, nec excretionem efficiat, tunc culpa non in ipsam causam materiale est reiicienda eaque neganda, sed in id quod modum recipere & reddere debet, nimirum fibras spiritu animali turgidas. Minime itaque video, si fibræ membranaceæ & musculosæ post diuturnos spasmos ad tempus in robore ac tono suo debilitentur, &, quum spiritus non amplius æquali nisu in eas influant, relaxentur, cur motus non possit feriari, præsertim cum aperte perspiciamus, in fibris nimium relaxatis & non sufficienti copia spirituum turgidis nullum motum reddi nihilque sentiri: contrario autem, si rursus successive spiritus influunt & ad partem debilitatam tendunt, utique hos vim motus sui rursus imprimere. Hæc mechanica si probe attendantur, non amplius difficile erit iudicatu, cur præsentibus licet causis morbificis motus morborum non semper præsentis sint, sed certis temporibus quidam ex iis revertantur. Quod autem nonnullis individuis spirituosæ, etiam in excessiva quantitate assumptæ, item acria volatilia non manifestum damnum vel morbos salinos dictos inferant, nulla alia ratio est, quam quod in sanis corporibus, ubi humores sunt fluxiles inque perpetuo motu & evacuatoria aperta constituta, superflua hæc salia partim per alvum, partim per sudorem & urinam rursus ejiciuntur. Deinceps sæpius accidit, quod error in rebus non naturalibus commissus uni individuo non noceat; imo & hoc accedit, quod ætas, temperamentum, anni tempus, cælum aliaque externa symbolo quali quodam in eundem lædentis causæ effectum conspirent, atque

atque tunc promptissime effectus morbosus sequatur, quod tamen minime contingit, si ita sint comparata, ut effectui ac operationi morbosæ peccantis materiæ sint contraria.

31. PAUCISSIMIS adhuc attingere iuuabit, quæ ad præseruationem & curam morborum a sale oriundorum aliquo modo spectant. Primo itaque monendum arbitror, cum acidum & viscidum sanguinis motui progressivo valde resistit, & sic plurium excrementorum salino-sulphureorum in sanguine accumulationi occasionem & simul materiam eorum præbent, hæc esse fugienda; & quoniam ex nimia succorum abundantia nascitur cacochymia, hinc abstinentiam & motum convenientem, item, si opus est, venæsectiones & purgationes debito tempore institutas mirifice ab istis morbis præservare judicamus. Porro quoque omnia ea, quæ sanguinem fluidum & tenuem reddunt, quæ circulum debite promouent, transpirationemque liberam servant, ea & curant & ab iisdem præservant. Nec denique negligenda sunt medicamenta, quæ obstructions glandularum & viscerum veteres potenter reserunt, ex quibus eminent, martialia, antimonialia, sulphurea, thermæ acidulæ, utpote quæ ad eradicandos diuturnos istos morbos effectum spondent præsentissimum. Sed hæc circa hanc materiam, dixisse sufficiant.



DISSERTATIO III.
DE
PUTREDINIS DOCTRINA,
EIVSQUE AMPLISSIMO IN MEDI-
CINA VSV.

§. I.

SI quis demonstrationes conficere & veras ac solidas phaenomenorum & effectuum, qui in medicina obveniunt, rationes apposite & intelligenter reddere velit, is plures ex physicis veritates antea cognitae perspectasque habere debet. Veritatem enim adhuc incognitam detegere, vel doctrinam quandam clarius explicare nemo facile poterit, nisi illud, quod quaerit vel explanare instituit, ex veritatibus jam notis cognitisque scienter eruere didicerit; quandoquidem veritatis ea est indoles isque character, ut non modo mentem ad assensum cogat, sed & frugifera sit, seque multiplici usu propaget, & uberrima aliarum veritatum sit genitrix. Uti vero quævis disciplina ulterius excolenda suas ipsi congruas & respondentes supponit veritates atque principia domestica: ita doctrina medica, si in formam scientiæ redigi debet, non nisi veritatibus & fundamentis physicis jam jam detectis & publicam assensionem habentibus, ad ulteriorem perfectionis gradum evehitur. Dicit enim vix potest, quam eximio usu atque utilitate studium anatomes paulo diligentius excultum, quod mechanicam corporis humani structuram eiusque partium contextum monstrat, neque minus paulo subtilior rerum physicarum & chymicarum per experimenta instituta contemplatio atque motuum ex mechanicis scientia incrementis artis medicæ provehendis inserviant. Nisi enim quis hisce disciplinis earumque principiis atque præceptis probe imbutus sit,

fit, is certe nunquam solidas, quæ intelligi & demonstrari possunt, causas in medicina afferre, vel solidi quid in explicandis rebus præstare poterit. Nam qui his destituti sunt scientiis, illi loco demonstrationum & veritatum, nomina tantum rerum, obscuros & confusos terminos, qui intelligi nequeunt, in medium proferunt, atque adeo sermonem in medicina, non vero medicinam tradidisse videntur. Qui vero speculationum suarum fundamenta ex hypothesebus depromunt, ii quidem melius agunt, & veritates quasdam in aprico ponunt, quæ tamen tantum sunt probabiles, & omnibus phænomenis explicandis minus sunt idoneæ. Optima itaque ea est in medicina philosophandi ratio, ubi quis ex simplicibus, claris atque jam probatis rerum principiis physicis, chymicis, mechanicis, vitæ, mortis, morborum & sanitatis restituendæ causas dare atque investigare conatur, & partim analytica, partim synthetica methodo incedit, dum motuum in genere causas, leges, materiæ indolem ac vires ex selectis quibusdam phænomenis atque experimentis in physicis deducit, & ex his deinde per synthesein motuum microcosmicorum causas, leges, sanguinis & humorum indolem, constitutiones & vires tradit & derivat. Quam vero insignem usum atque eximiam utilitatem veritates in physicis ac chymicis jam cognitæ in rebus medicis explicandis præstent, exemplo putredinis fusius ostendere atque demonstrare allaborabimus.

2. CVM itaque nobis constitutum sit, quam eximium doctrina de putredine in medicina habeat usum, & quam scitu hæc ipsa necessaria sit omnibus, qui hac in arte proficere volunt, pluribus argumentis paulo plenius atque uberius tradere. Primo omnium consultum nobis visum fuit, putredinis indolem, causas & effectus ex ipsis physicis & chymicis fontibus paulo altius accersere, ut postea hujus doctrinæ utilitas in applicatione rerum, quæ ad medicum spectant usum, eo clarius innotescat. Ordinem vero ab ejus non tam nominali, quam

reali definitione, eo quod omnes rerum definitiones ejus indolis atque usus sint, ut ceu principia demonstrationum considerari debeant. Corporis igitur putredo nihil aliud est, quam intima partium, ex quibus mixtum corpus constat, ex unione & nexu suo dissolutio cum foetido & volatili halitu juncta, totam mixti crasin, proprietates & vires immutans.

3. CORPORVM dissolutio rectissime in superficialem & intimam sive radicalem distinguitur: in illa tantum corpus in tenuissimas partes, ex quibus aggregatum est, dividitur atque discerpitur, quarum singulae adhuc suam indolem atque virtutem, nec non proprias & específicas qualitates ac vires retinent. Exemplo poterit esse solutio auri cum aqua regis adornata, in qua etiamsi aurum in stupendae exiguitatis particulas seu atomos fuerit resolutum, quod exinde patet, dum ejus aliquot guttae integram libram spiritus vini alio sapore imbuere possunt, tamen ex praecipitatione, quae fit cum sale quodam sive lixivioso, sive volatili, corpuscula haec auri naturam perfecte in se retinuisse apparet. Intima vero & radicalis solutio ea habetur, qua partes corporis e nexu, & situ suo dimoventur, atque arctissima mixtione, a qua essentia & specifica corporum differentia dependet, penitus exsolvuntur, ut in aliam prorsus texturam & habitum transformatae, novas plane qualitates atque vires induant. Atque ejusmodi intimae solutionis exemplum solutio ciborum in ventriculo & intestinorum canale exhibet, in quo a subtilissimo illo menstruo universali microcosmico salivali, & caloris animalis influxu intima alimentorum mixtio & textura ita dissolvitur atque destruitur, ut sapore, odore, colore, consistentia & caeteris omnibus qualitatibus ablatis novus chylus & foeculentiae alvo eliminandae exsurgant. Pariter intimae solutionis exemplum conspiciamus in fermentatione vegetabilium, dum dulces uvarum & fructuum horaeorum succi beneficio fermentationis dulcem & temperatam suam naturam plane deponunt, & in liquorem acido-spirituosum sive vino-

vinosum inebriantem immutantur. Ad hanc itaque solutionis intimæ classẽ referri etiam debet putredo, cujus natura & effectus in eo consistit, ut corporis mixtionem & ab hac dependentem formam, qualitates atque vires plane extinguat.

4. CAUSA hujus dissolutionis intimæ tam fermentativæ, quam putridæ, est motus intestinus partium humidarum & copiosus materiæ agitativissimæ calidæ influxus. Nam sicuti nulla unquam potest fieri sine humido corporis solidi solutio, ita etiam sine aqua, quæ primum humidum est, nec fermentatio, nec putredo perficitur. Est enim aqua universale menstruum, quod non modo poris corporum sese altius insinuat, sed etiam, quia ejus partes in continuo intestino motu constitutæ sunt, eorum partes, quæ variis modis mixtæ & unitæ sunt, disjungere, & de loco ac situ suo deturbare potest. Multo vero felicius id præstat, ubi a calore adjuvatur, qui non nisi rapidior materiæ æthereæ coelestis motus est, magna expansiva, a centro ad circumferentiam propellente, potentia instructus. Humidum itaque in materiam fermentescibilem & putrescibilem dum agit, partes tam salinas, quam sulphureas & terreas resolvit, in se recipit, easque in similem fluiditatis motum abripit.

5. UT ut vero fermentatio & putrefactio in eo conveniant, quod utraque a motu intestino humidi & calidi elementi fiat, tamen differens valde est earum effectus. Nam fermentatione spiritus sulphureus inflammabilis, putrefactione vero spiritus urinosus volatilis producitur, & inde fit, ut putredo semper foetorem comitem habeat. Deinde notandum est, animalium succos nullam admittere fermentationem, neque ex iis spiritum inflammabilem vinosum præparari posse, cum vegetabilia hac sola gaudeant prærogativa, quæ tamen non secus ac animantia putredinem concipiunt. Ratio vero, cur animantia eorumque partes tantummodo putrescant, nunquam vero ex iis per fermentationem elici inflamm-

flammabilis spiritus possit, unice in vegetabilium differente ab animantibus mixtione quærenda est: quandoquidem hæc in suam mixtionem præter oleum etiam acidum admittunt, quod etiam ex iis distillatione elicitur, cum in animantibus tale non reperire liceat, utpote quæ magis oleo & terra subtiliori volatili, quæ igne falsedinem induit, foeta sunt. In fermentatione itaque vegetabilium a motu intestino calido primo solvitur acidum tartareum, quo, dum deinde in partes sulphureas & oleosas incipit agere, non modo mutua hac actione & reactione effervescentia concitatur, sed & copiosus penetrans vapor exsurgit atque in auras fertur, & denique mutua combinatione partium acidarum & oleosarum acidospirituosus sive vinosus liquor emergit. In putrefactione vero, ubi acidum deficit, principium oleosum & sulphureum una cum salino volatili statim abripitur, neque ab acido figitur aut corrigitur, sed libere cum tetro foetore avolat inque auras diffatur; utpote experimentis chymicis certo constat, foetorem ab oleoso sulphureo principio & sale volatili proficisci. Clarissimum exemplum habemus in sulphure minerali, quod inodorum est, si vero igne cum sale lixivioso funditur, ingratum accipit odorem. Eodem modo si sulphur minerale cum calce viva & sale ammoniaco destillatur, spiritus perpetuo fumans elicitur. Quod si itaque sal volatile oleosum foetidum ex animantibus elicere velimus, opus est, ut ea vel putrefactioni subjiciamus, vel igne fortiori, ut comburantur, tractemus, ita & oleosæ & volatiles partes a contextu aliarum partium, in quibus irretitæ hærebant, liberantur.

6. DIXIMVS in superioribus, humidum & calidum esse præcipua motus dissolutorii in putrefactione & fermentatione instrumenta, adeo, ut absque illis neutra harum perfici queat. Ex hisce jam sequitur, corpus in putredinem alias valde proclive, non meliori ratione ab ea defendi salvumque & integrum servari posse, ac si humiditatem & calorem removea-

moveamus. Qua de causa etiam fit, ut corpora probe exsiccata nunquam putredini & corruptioni subjecta conspici re liceat. Carnes suillæ & bovinæ, per fumi halitus & aeris flatum exsiccatæ, non facile putrescunt: quod si vero maceratione in aqua humiditatem recipiunt, sub calido mox aere facile ruunt in putredinem. Frigoris quoque ea est peculiaris indoles, ut corpora a putrefactione tueatur, idque non alia ratione quam quod motu quodam rectilineo partes premat & arctissime inter se jungat, ut e situ suo non facile possint dimoveri, cum potius calor id habeat, ut motu vorticoso & circa axem poros ampliet, expandat, & partes a centro ad circumferentiam propellat.

7. CVM vero humiditatis absumentio varia ratione possit perfici; varii etiam modi dantur conservationis corporum a putredine. Ita constat experientia, rectificatissimum vini spiritum conservandis corporibus maxime esse idoneum, si in eo detinentur, & quidem ob hanc rationem, quia videlicet humiditatem, quæ vegetabilibus & animantibus inest, ex interioribus eorum poris & partibus promte imbibit & absorbet, hinc etiam corpora antea mollia indurescunt; felicius vero res succedit, si aliquot vicibus novus spiritus dephlegmatus affunditur. Et ut ut per olea destillata & per balsama liquida corporum balsamatio, sive a putredine conservatio, adornari queat, tamen iis omnibus rectificatissimus spiritus longe multumque anteferendus est, eo quod penetrantioris est naturæ, atque in intima corporum facilius, quam corpus resinofum balsamicum, sese insinuat.

8. PRÆTEREA alius adhuc datur modus, corpus a corruptione præservandi, nimirum per salia, inter quæ maxime eminent sal commune & alumen, quæ egregie etiam humidum recipiunt, quo absunto fibræ carneæ duriores redduntur. Hæc salia quo magis sunt pura & exsiccata, eo felicius hunc præstant effectum. Et quoniam alumen propter copiosas particulas terrestres simul constringentem faculta-

tem obtinet, qua partes inter se invicem firmiter uniuntur & connectuntur; hinc beneficio lixivii, ex alumine & sale communi præparati, omnia humani corporis viscera per plures annos integra conservari possunt.

9. NOTANDUM est, humida corruptibilia, si continuo agitantur motu, non facile in putredinem abire, stagnantia vero & putrescentia, uti videmus in aquis paludosis, facillime corruptionem admittere. Etenim calor & humiditas dum continuo in particulas quiescentes agunt easque afficiunt, facilius earum mixtionem dissolvunt ac destruunt, ac si locum & situm suum perpetuo mutant, ubi actio & mutatio caloris magis est transitoria, quæ contra in quiescentibus magis constans & permanens est. Videmus etiam, vegetabilia humiditate imbuta atque in ingentem molem ac acervum congesta, longe facilius incallescere inque putredinem abire, quam si sparsa jacent, ubi a putredine immunia manent. Cujus rei hanc subesse rationem putamus: si in acervum collecta fuerunt, effluvia a motu humidi & intestini calidi excitata in liberum aerem evehi & exspirare nequeunt, sed coercita, conclusa & in se quasi redeuntia, motum intestinum putredinosum accelerant, tantum abest, ut eum imminuant. Nihil vero magis corruptionem a rebus corruptibilibus arcet & incipientem aufert ac dissipat, quam liberioris aeris, præsertim sicci & frigidi, afflatus ac transitus. Denique & illud observatione perquam dignum est, quod putredo incipiens se valde multiplicet ac subito se disseminet ac diffundat; agit enim instar seminii seu fermenti, quod in similem putredinosum motum congeneres & vicinas maxime partes cito abripit: quemadmodum id clare videmus in rebus fermentescibilibus, ubi parum fermenti massæ farinacæ vel vegetabilium succis additum, eos mox in similem fermentationis motum conjicit.

10. EVOLUTA sic paulo ex fontibus physico-medicis putredinis natura, genesi atque effectui, longe facilius jam erit hæc,

hæc, quæ jam diximus, in corpore nostro ad usum medicum applicare, in quo illud singulare & plane mirabile occurrit explicandum; quare animantium corpora, inque iis contenti succi, in se & sua natura putredini concipiendæ admodum apti, humido & calore adhuc præsentē, & quamdiu viva animalia existunt, eam non subeant, sed integra, salva & a corruptione immunia persistant, cum tamen statim post mortem celeriter in putredinem ruant. Atque in eo conservationis vitalis ratio maxime posita est, cujus causam utique paulo exquisitius investigare diligentis ac sciscitabundi medici est. Falluntur ii quam maxime, qui in spiritu aut balsamo quodam vitali & calido innato hujus admirandæ conservationis causam quærunt. Quandoquidem pro veris causis hic tantummodo allegantur termini, qui rem nullam significant, & hinc quoque nihil explicant. Falluntur etiam, qui sale & sulphure, quod vitalibus inest succis, id conservationis negotium confici autumant. Indubia namque & plane infallibili constat experientia, neque salina, neque spirituosā, neque medicamenta balsamica, copiosius etiam in corpus humanum assumpta, tantum valere, ut avertere putredinem, possint ut potius ad hanc promovendam non parum conferant. Videmus enim corpora scorbuticorum, quorum succi salinis & sulphureis partibus abundant, facillime in corruptionem sphacelosam incidere; quapropter utique hujus durationis vitalis aliæ afferendæ & investigandæ sunt causæ. Jam vero observamus, sanguinis & humorum valde corruptibilium massam, quamdiu perenni ac jugi progressivo motu ac circuitu per compagem corporis mere vasculosam circumvolvitur, a corruptione esse immunem; quamprimum autem hi ipsi humores, extra motum & circulum positi, in partibus solidis quiescunt aut subsistunt, paratam ipsis esse putredinem, quæ mox sese diffundit, atque ad vicinas partes adhuc sinceræ serpens, iisdem mortem & sphacelum inducit. Et quandocunque etiam ipse sanguinis circuitus penitus suf-

flaminatur ac tollitur, quod fit in morte, e vestigio sequitur putredo, ceu mortis indivulsa comes ac pedissequa, nisi a frigore vel causa alia externa violenter arceatur.

II. Ex hisce apparet, solum sanguinis itum ac reditum esse præstantissimum illud balsamum, quod corpora animantium a corruptione defendit atque tuetur, quo motu salvo atque integro corpus omnes putredinis injurias eludit. Id vero maxime omnium inquirendum venit, utrum hic sanguinis fluxus ac refluxus solo progressivo motu id perficiat, an potius aliæ causæ cum hoc motu in circulum eunte ad hunc effectum præstandum conspirent, quod vero maxime videtur consentaneum. Nam per continuum & perennem illum sanguinis circulum & progressum motus partium, sanguinis mixtionem constituentium, intestinus calidus, qui dissolutoria est naturæ, valde increscit, & sanguinem ac succos temperatos non modo consumit, sed & sensim paulatimque in salios sulphureos & excrementitios convertit. Ex quo patet, illum ipsum progressivum motum ad destructionem potius, quam conservationem sanguineæ mixturæ, tendere, id quod clarissime intensior in febribus æstus testatur, ubi ob velociorem sanguinis motum major fit intestina partium agitatio & major accenditur calor, qui & corpus & ejus succos atque vires non modo consumit & destruit, sed & eos in copiosas excrementitias partes, quæ partim per cutim, partim per urinam & alvum foras debent proscribi, resolvit. Accedit & illud, quod cum aere, esculentis & potulentis plures a mixtura sanguinis alienæ & in corruptionem pronæ partes in succos vitales subinde irrepant, quæ si intus retineantur, non possunt non ex sua natura mixtionem sanguinis nativam & benignam turbare atque destruere. Insuper sub ipso etiam vitali actu & motu perpetuo corruptibiles aptasque ad putredinem inducendam materias in sanguine generari animadvertimus. Quare ipsa ratio dicitur, quod hæ partes vitæ infensæ, ne damnum mixturæ sanguineæ inferant, continuo

tinuo separari, secerni & e corporis sphaera eliminari debeant.

12. Et inde quoque est, quod naturæ benignitas in artificiosissima animantium structura tot innumera efformavit secretoria & excretoria organa, quorum ope non modo fixioris, sed & mobilioris & agilioris naturæ, & falsæ sulphureæ, aqueæ & aeræ indolis excrementa continuo & non interrupto actu a sanguine & humoribus vitalibus sequestrantur. Quem in finem conditum est a natura vastum illud viscus, hepar, quod in secernendis scoriis sulphureis adustis salivis & ferosis partibus nunquam non occupatum est. Tum innumera-biles hinc inde in corpore glandulæ extant, conglomeratæ quæ ex infinite parvis tubulis coagmentatæ laticem subtiliorem valde fermentescibilem, salivæ naturæ, continuo secernunt, qui officio suo defunctus e corpore eliminatur. Cutis tota tubulosa & porosa universale & publicum quasi est emunctorium, quo serosæ & sulphureo-falsæ sub humoris specie excrementitiæ partes foras proscribuntur. Renes feri falsi sulphurei crassioris colatoria sunt, ac per intestina crassa fœculentæ sordes & alvi purgamenta evacuantur.

13. VERVM enim vero, ad mixtionem humorum vitalium conservandam, non sola sufficit perpetua partium inutilium separatio, sed opus est alio adhuc ad vitam & sanitatem tuendam præsidio, de quo altum apud autores nostri ævi est silentium, idque in nova succorum blandorum & temperie gaudentium accessione positum est, qui in locum eorum, qui corrupti secesserunt e corpore, surrogari & substitui debent. Ex quo apertissime videmus causam, quare homines & animantia, ne putredinem intus concipiant, atque ut vitam tueantur, alimenta semper assumere debeant, ex quibus rursus boni nutriendisque viribus apti, temperati, dulces succi, quales sunt chylosi lactei, generentur: nam sine eorum accessione & novo affluxu vita & vires diu durare nequeunt. Igitur vita conservatur, & mortifera putredo a corporibus a-

nimantium per assumpta & excreta, per ingesta & egesta optime avertitur. Ubi in genere notari velim, in adultis, & quæ non amplius indigent auctione, corporibus excretiones æquales esse debere ingestis, si prospera & æquabili valetudine gaudere velint.

14. FIRMVM itaque & inconcussum sanitatis fundamentum, in eo consistens, ut omnis materia corruptioni proxima & quæ corpori interitum & destructionem minatur, continuo removeatur, plura eaque utilissima corollaria & theoremata in medicum & practicum usum nobis suppeditat. Primo ex hisce jam allatis veritatibus mortis, & quæ eam sequitur, putredinis, vitæ insensibilis rationem formalem & proximam causam elicere possumus, quæ est destructus sanguinis motus & progressus, indeque enata putredo & corruptio, quæ vice versa plerumque est causa totius circuli destructi atque ipsius mortis: quandoquidem frequenti & paulo attentiori corporum, morbis sive acutis, sive chronicis defunctorum, dissectione constat, manifestam semper & conspicuam mortis causam reperiri, dum vel viscus aut pars nobilis interna, vel etiam plures partes, per vim morbi ab extravasato vel stagnante humore corruptæ & putredine vel sphacelo tactæ apparent. Frequentissime vero accidit, ut in iis, qui subita morte extincti sunt, vel morbis gravibus chronicis, difficilius paulo cognitionis, perierunt, ex variis fibris & membranis concreta corpora, quæ medici polypos nominant, intra majora vasa & potissimum cordis ventriculos, vel etiam duræ matris sinus reperiantur, quæ liberum sanguinis iter impediendo turbandoque vitam tollunt.

15. QUVM itaque præcipuum medici officium in eo versetur, ut vitam longam præstet, corporis integritatem servet, ac denique mortem præmaturam & morbos ad eam ducentes avertere quærat, non aliter certe id fieri potest, quam ut putredinem & corruptionem a partibus internis & externis arceat. Hoc vero non meliori modo ipse perficere potest

potest, ac si omne consilium & operam eo dirigat, ut sanguinis circulum liberum per universi corporis tubulosam structuram conservet, omniaque impedimenta huic motui contraria removeat.

16. PLVRA vero sunt, quæ liberum hunc sanguinis progressum pervertendi atque impediendi potentia valent: quorum in numero præcipuum locum tenet nimia sanguinis & humorum abundantia, quæ vi multum resistente nimiaque expansione elaterem fibrarum cordis eiusque auricularum infringit atque minuit, ut valde tarda & segnis fiat progressio, ex qua tandem, nisi cito succurramus, humorum stagnationes, viscerum infarctus, obstructions, indurationes, humorum extravasationes, & partium corruptelæ putredinosæ vel apostematicæ prodeunt. Hac tarda sanguinis & humorum progressionem excretiones imminuuntur, præsertim ea, quæ fit perspiratione, & maxime humorum biliosorum, qui magna in quantitate quotidie in hepatis tubulis, secernuntur unde ingens cacochymia, sive varii generis impuritatum in sanguine fit proventus.

17. QVAM infesta vero est conservationi nostræ vitali plethora, tam frequens quoque & familiare iis est vitium, qui spongioso habitu præditi laute vivunt & dulci otio & quiete fruuntur; maxime vero omnium foeminæ præ viris plus sanguinis quam ad nutritionem & vitam est necessarius, colligunt. Ne igitur exuberans illa sanguinis & humorum copia sanitatem lædat, vel vitæ periculum minetur, sapientissimo structuræ machinæ nostræ artificio factum est, ut a stagnatione & copia humorum talis præter naturam & ordinem motuum fiat in vasis & partibus nervosis dispositio, cuius beneficio natura ab infensa sanguinis redundantia se liberat, in tenera ætate ordinario per nares, in foeminis per uterum, in viris per ani venas certis & statis periodis superfluum, qui in vitio est, sanguinem evacuando. Quandoque itaque solennes & salutare eiusmodi minuendæ sanguinis

guinis plenitudini dicatæ excretiones variis de causis deficient, minuuntur, vel cum violentia quadam cohibentur, ilias malorum exoritur, ita ut nisi cito succurras, corpus omnis generis morbis tam acutis quam chronicis pateat, quod in *Tom. II. Medicinæ ration.* fusius exposui. Vidimus non semel foeminas sanguine abundantes, ex cohibito per terrorem mensium fluxu, accedente refrigeratione, vel validiori purgante admissio, brevi tempore ex sphacelosa partium corruptione extinctas, ubi statim post mortem totum corpus intumuit, foedissima putredine cum magnis vesicis hincinde emergentibus correptum.

18. ECQUIS itaque ex his, quæ jam a nobis dicta sunt, non intelligit, a sola sanguinis benigni abundantia putredinem & mortem generari posse; ad quam avertendam non convenientius est auxilium, quam sanguinis missio, vel excretionum consuetarum sanguinearum restitutio. Quod si quis autem venæsectionibus non sit adsuetus, vel ab iis natura abhorreat, & talem agat vitam, talique victu fruatur, qui nimix copix sanguinis ingenerandæ convenit, natura vero in excretionibus otiosa vel iners sit, vel plane deficiat, hunc oportet alio modo tractare ipsique prospicere, ne in gravem vel etiam lethalem a putredine oriundum morbum incidat. Ea enim, quæ nimiam sanguinis & humorum copiam detrahunt, pro ratione circumstantiarum, adhibenda sunt, cujus generis sunt labor & exercitatio corporis, abstinencia, cibus & potus tenuis, balneum, laxantia, infusa theiforma, & decens aquarum mineralium, ut thermarum & acidularum, usus.

19. QVÆSTIO jam incidit, num etiam ex inopia & defectu sanguinis putredo lethifera in corpore humano ejusque partibus subnasci possit? Equidem diversi generis causas diversos & dissimiles effectus producere debere, judicandum videtur; attamen in negotio vitali causas morbi contrarias in eundem effectum & generationem unius morbi conspirare posse, variis exemplis confirmare possemus; sed satis jam
nobis

nobis erit hoc loco demonstrare, quomodo nimia sanguinis abundantia & nimia ejus inopia corruptionem lethiferam humoribus partibusque solidis inferre possit. Diximus supra, sanguinem luxuriantem facillime in vasis stagnare & facile quoque impurum reddi, ob imminutas ab eadem plethora secretiones & excretiones, quæ sanguinem a sordibus impuris & inquinamentis, in corruptionem pronis liberant & tuentur. Idem pariter fit a sanguinis boni defectu; nam quemadmodum ab ejus naturali & convenienti quantitate omnis generis tubuli aperti servantur: ita ab ejus inopia concidunt, coeunt, angustantur, vel tandem penitus occluduntur, unde nec benigni alibiles succi ad solidas partes accedere, neque sufficiens fluidi mobilissimi in cerebro generari potest copia, unde vires ingens capiunt decrementum. Accedit & illud, quod impulsus sanguinis a corde & arteriis earumque debita diastole, qualis observatur in pulsu, a sufficienti quantitate sanguinis proficiscatur, sub cujus defectu non potest aliter fieri, quam ut pulsus valde fiat debilis & languidus, ipseque sanguis per vasa minima capillaria viscerum non debite propellatur, sed hinc inde in visceribus, ut sunt pulmones, lien, hepar, subsistat, & corruptiones, cachexiæ, febres lentæ & hæcticæ sequantur.

20. NON vero expeditior ad putredinem & ex ea oriundos morbos via est, ac si viribus per immodicas sanguinis profusiones, per gravem antecedentem morbum, aut diuturnos animi affectus, tristitiam, vel etiam famem, consumtis, homines nimia voracitate & avidissime ciborum copiam ingerunt, qui cum nec possint a natura corporis valde languida satis recte digeri & utile ab inutili secerni, ingens non solum fit vitiorum humorum in prima regione colluvies, sed & valde impuris & corruptibilibus succis vasa ob impeditas excretiones replentur, atque ad febres malignas putridas, vel etiam hæcticas lentas, magna fit dispositio. Observatione quoque certa & indubia constat, morbos perniciales illos castren-

(Hoffm. Opusc. patholog.)

I

ses,

ses, febres nempe malignas petechiales, morbum Hungaricum, diarrhoeam atque dysenteriam mali moris autumnali maxime tempore, & quando castra relinquere cœperunt, gravissime militiæ deditos affligere, & longe lateque infesto contagio serpere. Cujus rei non alia subest causa, quam quod æstate sub diurno calore, nocturno frigore & continuis fatigationibus, vigiliis, fame, vel etiam corruptis esculentis ac potulentis & vires & bonum sanguinem amiserint, & huius loco venas & primas vias multis corruptis succis confertas habeant, qui ad putredinem subeundam admodum sunt faciles, atque in febribus acutis lethalem ut plurimum sphacelum partibus internis inprimunt.

21. EXPOSITA sic horum, qui malignitate infesti sunt, morborum causa, quæ est succorum & sanguinis benigni defectus, & ex eo contractus perquam facilis ad putredinem transitus, exercitator quisque & intelligens medicus clare & evidenter jam perspicit, nihil periculosius esse, quam ex morbis vel aliis de causis imbecillia corpora, quæ juxta *Celsi* effectum morbis putridis patent, nimia ciborum, præsertim qui mali succi sunt, copia replere; sed præstat tali in casu sensim paulatimque absumtum sanguinem reparare, & cruditates inde evenientes vel per regionem alvinam, vel per cutim clementer evacuantibus educere, & insuper digestionis negotium ac stomachi vim concoctricem temperatis roborantibus & stomachicis acuere & corroborare, qua methodo longe optime graves ex putredine & corruptione humorum metuendæ ægritudines possunt præcaveri.

22. DATVR adhuc alius modus celerrime in sanis etiam, integris florentisque ætatis corporibus mortiferam putredinem inferendi, idque fit per subministrata venena, præsertim ea, quæ sunt causticæ indolis, quorum in numero sunt arsenici factitii tres species, vel etiam purgantia acriora, aut emetica ex antimonio validiora. Hæc nimia dosi data, nisi cito convenientibus auxiliis violentissima eorum operatio impediatur, bre-

brevi tempore per truculentissimos partium nervosarum spasmos & per illatam partibus nobilioribus putredinem enecant. Cadaveribus dissectis statim sphacelosa maculae in ventriculo & intestinis cum teterrimo foetore oculis sese offerunt; utpote huius generis venena vehementissime partes nerveas & vasa ventriculi constringendo, inflammationes in sphacelum abeuntes producant, qui eo infestior vitae est, quo plus nerveo-membranasas partes obsidet, ut sunt ventriculus & intestina, quae cum systemate earum partium, quae exquisitissima sensatione & vivido motu instructae sunt, amicabilem habent consensum, similesque in motus inordinatos eas rapiunt. Id vero maxime mirandum est, quod valde frigida potio in corpus, calore & sudore diffuens, ingesta perniciosissima sit & venenum æmuletur, non raro sphacelum & mortem, cum celeritate quadam inferendo: & quamvis non semper tam funestus sequatur eventus, habemus tamen aliquot exempla in promptu, solum frigidum potum, corpori calefacto immissum, mortem intulisse, ubi dissectio corporis viscera sphacelosa ostendit. Ita ante aliquot annos Serenissimus Princeps quidam, in florentissima ætate constitutus, a vehementi corporis exercitatione totus sudore perfusus, duas mensuras frigidae cerevisiae simul & semel hausit, inde summo languore, nec non anxietate praecordiorum conatuque vomendi & frequenti animi deliquio correptus, quarto die convulsionibus obiit, ubi post sectionem non modo pars ventriculi sphacelo correpta, sed & lien & sinister pulmo in foetidissimam & instar atramenti nigerrimam, putrilaginem resoluta fuerunt reperta. Cum enim viscera ex vasorum minutissimorum congerie fere tota sint conflata, quam facile locum & occasionem dant stagnationibus & infarctibus sanguinis patent; copioso itaque accedente ad sanguinem, ob calorem & motum valde tenuem & fluxilem, actu frigido liquore, non mirum est, si sanguis statim in coagulum densetur, inque vasis firmiter inclusus putrescat. Non

datur hoc in casu præsentius auxilium, quam si mature & tempestive post ejusmodi grave diæticum erratum motu, sive equitatione, sive vectione, corpus exerceatur, assumpta prius ingenti quantitate potus calidi sive theiformis ex floribus bellidis, chamomillæ vulgaris, cardui benedicti, veronicæ, scordii &c. quo infensum illud vitæ coagulum impediatur, sanguinisque liber circuitus per vasa promoveatur. Vnde videmus, quam simplicia, efficacissima tamen sint ad mortem tristissimam avertendam præsidia.

23. INTER affectus, ex putredine funestos, morbus ab Hippocrate niger dictus jure meritoque debet recenseri, quo incidente non modo per superiora humores atro colore tincti, sed & foetidissima purgamenta per alvum secedunt atque feruntur. Notandum hic est, vomitum cruentum & nigrum rarius esse lethalem, si vero sanguis copiosior ex venis intestini ilei ruptis ad stercora intestini coli delabatur, ibique non statim ejectus, sed subsistens, in motum putredinosum cum ipsis alvi excrementis abripitur, intolerabilis foetor fit, qui brevi hominem exanimat. Nam, nostro judicio, qui ex hoc morbo extinguuntur, non ex profusione sanguinis, quæ non tanta est ut valde debilitare, vel ipsam mortem inferre possit, sed ex sola putredine, quam sanguis cum excrementis mixtus constituit, vita privantur. Siquidem foetidissimus ille vapor naturæ humanæ inimicissimus est, utpote qui ob subtilitatem suam intime ad fluidum, quod membranosas ac nervosas partes animat, motusque & sensationes gubernat, inficit, contaminat, ac penitus destruit, unde est, quod vires, quarum origo non alia nisi subtilissima & purissima humorum constitutio est, mox vacillare & tandem penitus deficere incipiant, quemadmodum id in sphacelo & cancro exulcerato externarum partium videmus, ubi non nisi putredo, ad intima penetrans, spirituum animalium agilitatem tollendo, homines jugulat.

24. INTER morbos, qui putredinem, vitæ hostilem, foveant

vent & maligni vocantur, sunt maxime pestis & febres petechiales, quæ interdum vehementia pestem superant, licet contagio pesti sint inferiores; siquidem hi ipsi miasmate, quod non nisi putredinosum fermentum est, propagantur & cum corpore communicantur. Nam quemadmodum exigua moles massæ, jam jam putredine correptæ, rebus corruptibilis indolis admixta, protinus eas putredine inficit & sese mirifice propagat: ita etiam tenuissimus ex peste vel ex febre petechiali infectis emissus & ab aliis corporibus aeris vehiculo susceptus vapor, partim immediate per patulos oris & nasi tubulos ac poros ad ipsam sanguinis massam, partim etiam cum saliva deglutita & alimentis ad ipsas primas vias transit, celerrime se multiplicat, & totam humorum massam tandem coinquinat, pessima symptomata producendo. Quod vero dictorum horum morborum essentia & natura in putrefactione consistat, id summa virium omnium prostratio, pulsus valde debilis & inæqualis, carbunculorum & bubonum abscessus, exulcerationes foetidissimæ, excrementa alvina foetentia, & maculæ per totum corpus dispersæ nigræ & lividæ, quæ non nisi sphacelationis species sunt, & corporis post mortem intumescencia satis abundeque indicant. Et ut ut hæc miasmata etiam sanos & qui temperatum sanguinem in venis alunt, homines infestent, id tamen ordinario observare licet, quod in corporibus cacochymicis, quorum prima regio pravis humoribus obseffa est, majorem vim atque perniciem exercent, eo quod humores offendant jam ad putredinem & corruptionem pronos, cujus naturæ maxime sunt salivales, qui facile in motum fermentativum coniiciuntur. Atque ex hisce jam facile patebit ratio, cur pestis maxime in pauperes grassetur, & quare illi, qui fame premuntur & inordinato victus generi adsueta sunt, hisce putridis morbis quam maxime sint obnoxii. Dysenteria, variolæ, morbilli, purpura si malignitatis speciem referunt & plures necant, non aliunde malam indolem suam, quam

I 3

quam a pravis humoribus & succis ad putredinem inclinantibus & corruptis atque a pravo corporum habitu, accipiunt.

25. EVOLUTA sic pestis & malignorum morborum ac februm natura, quæ vel in ipsa putredine, aut facili in ipsam transitu consistit, facillimum jam erit prudenti medico, apta remedia & commodam iis utendi viam ac methodum tam ad præservationem, quam ad curationem invenire. Nullum enim ad præservandum tutius ac convenientius est auxilium, quam bona diæta & prudens vitæ regimen, ne nimia alimentorum, præsertim corruptibilium, copia ventriculus oneretur. Deinde circumspiciendum est, ut salutare, quibus sanguis optime depuratur, excretiones expedite fiant & rite sese habeant. Ita enim miasma, sibi simile non inveniens, vel plane nihil operatur, vel feliciorum progressum & exitum morbi efficit. In ipsa curatione cane pejus & angue vitanda sunt illa, quæ motum intestinum sanguinis & humorum augment, uti sunt omnia sic dicta alexipharmaca & calida bezoardica ac spirituosæ, quæ ad putredinem diffundendam & accelerandam plus juvant, tantum abest, ut eam impendant. Exulent quoque omnia alcalina, volatilia, foetida, oleosa, quippe quæ non nisi putredinis producta sunt; contra vero acida, quæ figendo partes oleosas & volatiles, putredini mirifice resistunt, longe optima in peste sunt medicamenta. Quo spectant etiam terrea bezoardica, & quæ blande corpus in diaphoresi conservant, utpote cum non præsentior via sit ad putredinem, quæ jam incepit, removendam & partes subtilioris & fermentescibilis naturæ evacuandas, quam cutis emunctorium, inter quæ primas tenent analeptica, quæ vires restaurant & circuitum sanguinis promovent. Terrea vero & bezoardica id habent peculiare, ut sanguinis mixtionem quodammodo conservent, & quo minus tam cito dissolvatur impendant.

26. SPECTANT etiam ad morbos malignos febres hecticae,

cæ, quæ ex putredine non tam activa, sed lentius procedente & quasi domestica & vires depascente nascuntur: has ipsas ex abscessibus corruptis & in sphacelum abeuntibus visceribus, hepate, pulmonibus, ortum traxisse, anatome corporum his morbis defunctorum testatur. Et hæc partium internarum corruptela causa quoque est, quare difficilem vel plane nullam hæc febres sanationem admittant.

27. DENIQUE nec illud prætereundum est, quod pleræque ex acutis febres non alia ratione, quam putredine, mortem inferant: testantur id sectiones statim post mortem institutæ, ubi intolerabilis foetor, qui non nisi ex putrefactione oritur, deprehenditur, & plerumque etiam ventriculus & intestina vel alia viscera nobiliora sphacelo correpta inveniuntur. Cum vero ingenerandæ putredini & sphacelationi internarum partium nihil magis resistat, quam stasin sanguinis impedire & illius æquabilem circulum conservare: quare omnis medentis intentio eo dirigi debet, ut ea medicamentorum genera præscribantur, quæ sanguinis progressum conservant, vires restaurant, & transpirationem promoveant, qualia maxime sunt temperatæ mixturæ bezoardicæ, quæ e.g. aquas florum acaciæ, ceraforum nigrorum, cardui benedicti, rosarum, cinnamomi sive vino, acetum destillatum, syrupum acetositis citri, mixturam simplicem, cancrorum lapides, antimonium diaphoreticum, cornu cervi philosophice præparatum, cinnabarin nativam vel vulgarem complectuntur, quarum usui diutius insistendum, neque concedendum est, ut alvus diu clausa maneat, quia putridæ fordes, ex universo corpore ad intestinorum canalem translatae, ibi per confermentationem pejores factæ, fomitem putredinis præbent. Hoc vero artis & consilii est, ita prospicere primarum viarum evacuationi, ne plus detrimenti inferamus. Nunquam tamen huic scopo fortiora stimulantia inserviunt, sed non nisi blande & leniter laxantia & intesti-

na

na eluentes clysteres adhiberi debent, idque non omni, sed remittentis morbi tempore.

28. JAM oritur quæstio pragmatica, an camphora, quæ putredini tam vehementer resistit, ut etiam ad sphacelum & gangrænam externam nihil ipsa præstantius inveniatur, & hanc ob causam alexipharmacorum princeps vocetur, ad cohibendam putredinem tuto usurpari possit? Nos hac de re ita sentimus: camphora oleum quidem est subtilissimum, sed coagulatum, admodum evaporabile, in eo tamen ab aliis oleis destillatis differt, quod hæc longe majorem æstum sanguini conciliant, quam camphora, quæ mox transpirat, cum illa ob viscidam naturam & tenaciorem contextum diutius poris & partibus immorentur, quod experimento confirmari potest: nam a drachma dimidia camphoræ, in drachma una spiritus vini soluta, & interne a sano homine sumpta, refrigerium potius in internis partibus, quam æstus percipitur, nec pulsus intenditur vel urina rubicunda fit; si vero viginti guttæ olei cinnamomi vel caryophyllorum, in spiritu vini prius solutæ, assumuntur, notabile caloris & pulsus augmentum observatur. Plurimum itaque, imo summopere in malignis commendamus interne camphorata tam ad inflammationes, quam malignas febres sanandas, idque non ex theoria vel vana speculatione, sed ex solida ratione & experientia suademus, quæ observatio in usu omnium remediorum, quæ virtute excellunt, & efficacia insigni pollent, merito adhibenda est. Nimirum sub vigore & exacerbatione morbi, si cutis vel omnia excretoria spasmo contracta sunt, & interiora valido æstu uruntur, præsertim si corpus simul juvenile est & spirituosius assuetum, ab iis abstinere præstat. Commodissime initio usurpantur, si opus est, per vomitum prima regione purgata, cum pulvere bezoardico cinnabarino & ad aliquot grana admixto nitro purificato cum regimine sudorifero. Novi plurima exempla, ubi quidam maligna
con-

contagiosa febre certis indiciis videbantur correpti, qui hoc remedio mature semel vel bis adhibito, subsecuto sudore, ex toto a malo hoc liberati sunt. Tempore remissionis sub cute madida, pulsu debili, viribus prostratis camphora additis bezoardicis acidulis magno erit adversus malignitatem præsidio; urgente delirio nihil præstantius est nitro, si modico camphoræ armatum fuerit. Viribus insuper a vehementia morbi exhaustis, ut pene vacillare, nec sanguini movendo sufficere videantur, aliquot grana camphoræ, in oleo amygdalarum dulcium solutæ, egregie iis restaurandis conveniunt. Deinde in febribus, ab inflammationibus partium internarum subortis, camphora refracta dosi ad granum dimidium vel unum pro dosi cum nitro miscenda & repetitis vicibus usurpanda est, qualem pulverem in gravi peripnevmonia summo cum fructu sæpius usurpavi.

29. SEQUITUR nunc, ut paulo diligentiori prosequamur indagine, quare scorbutici vel etiam senio confecti tam facile ex levi causa externa, vel etiam sine hac, ex interno sanguinis vitio in sphacelum fere semper funestum prolabantur. Dicimus id fieri ob sanguinem valde in putredinosam corruptionem pronum atque proclivem, siquidem scorbutus est summa sanguinis impuritas, sive cachochymia, a copia partium salino sulphurearum, quæ ob imminutas excretiones remanent, humores benignos & temperie gaudentes inquinant &, eorumque mixtionem destruunt, suborta. Sanguis itaque ejusmodi impuritatibus repletus, quam facile labitur in putredinem, quare etiam fit, ut in scorbuticis sæpius oris, faucium vel etiam aliarum partium pravæ cum ichore foetido exulcerationes incidant, gingivarum caro tumida fiat & putrescat cum summo oris foetore & lividis ac in coeruleum colorem vergentibus maculis, inferiores corporis partes corripientibus, quæ non nisi levioris sphacelationis indicia sunt. Non itaque mirum videri poterit, quare ex levissima causa sanguis in partibus subsistens in putredinem sphacelosam mortiferam abeat,

(Hoffm. Opusc. patholog.)

K

at,

at, & cur a causa, ut loquuntur, interna oriens sphacelus nullam admittat sanationem. Etenim sanguis in corruptionem proclivis a putredine, partem quandam jam obsidente, protinus totus inficitur, ut medicamenta etiam efficacissima periculum avertere nequeant. Senibus etiam & internarum & externarum partium sphacelatio valde est familiaris, idque ob hanc rationem, quoniam ii cum scorbuticis multum habent commune, siquidem ob densitatem & rigiditatem fibrarum, quas per ætatem contrahunt, omnis generis secretorii & excretorii tubuli angustantur, & minorem accipiunt diametrum, unde secretiones laudabilium humorum, succi nutritii in poris partium appositio & succi fluidissimi in nervosas partes influxus labascunt, totiusque corporis robur & partium vigor minuitur, corpus siccum atque aridum fit lentoque marcore contabescit. Cum vero etiam in hac ætate declinante ob coarctata emunctoria & excretiones imminutas falsæ & acidæ in primis viis accumuluntur sordes, hinc sanguis fenum salibus scorbuticis repletur, indeque est, quod pruritus, scabies sicca, urina rubra, calculosæ concretiones in renibus & vesica, tophaceæ in podagra, catarrhi, tusses, rheumatismi, stranguriæ, partium exulcerationes huic ætati solennes & familiarissimæ sint. Jam apparet ratio, quare etiam cum scorbuticis illud commune habeant, ut eorum partes tam internæ, quam externæ sphacelationi sint obnoxia. Vidimus a levissima externarum partium læsione, v. g. a vespæ punctura, a leviori contusione a discissione clavi pedis sphacelum in senibus obortum: vidimus etiam decrepitæ ætatis viros, ex dolore cardialgico, colico, a levi errato in diætâ concitato, brevi mortuos, dubio procul ob nullam aliam rationem, quam quod in iis partibus, quas dolor occupavit, stasis sphacelosa suborta fuerit.

30. QVAMOBREM, quoniam humorum cacochymia & scorbutus, item ætas senilis tam gravibus iisque putridis & periculosis morbis patent, si quis se immunem ab hisce malis
fer-

servare velit, is ab omnibus, quæ impuritatem sanguini inferunt, sibi cavere debet; maxime omnium vero ipsi senes, qui jam semiscorbutici sunt, ab omnibus iis, quæ scorbutum ingenerando apta sunt, abstinere debent, cujus generis sunt cibi ex mari, qui non adeo congruos corpori nostro succos præbent, carnes & cibi fumo indurati, falsi, & omnia ex alimentis rancida, corrupta & semiputrida, alimenta valentioris succi, ut sunt legumina, vita sedentaria & omnis laboris expers, aer nebulosus, frigido-humidus, gravis, aquæ graves, asperæ vel semiputridæ, habitatio & dormitio in locis humidis, diuturna cura & tristitia, excretionum consuetarum neglectus, nimius usus acidorum & spirituosorum, quæ omnia uti nunquam utilia & imbecillioribus maxime nociva sunt, ita quam maxime, ut senes ea evitent, necesse est.



DISSERTATIO. IV.

DE

VSV ANATOMES IN
PRAXI MEDICA.

§. I.

Qui ad civilem prudentiam animum adplicuerunt, hisce in eo maxime elaborandum est, ut præcipuam illius partem, geographiam recte adsequantur, eo quod hujus studio illa doctrina mirifice augetur atque illustratur. Parem in medicina utilitatem præstat anatomia seu corporis humani notitia, qua ornatus si quis artis nostræ sacra accedit, non potest non feliciter iisdem operari. Non sufficit vero in geographiæ studio, locorum situs & positus eorumque fluvios & montes nosse, nisi & cetera, quæ hanc doctrinam inprimis commendant, ingenio comprehendantur. Scire enim oportet, quale sit incolarum ingenium, quales mores & instituta, quibus artibus, quibus commerciis iidem delectentur. Scire porro oportet, quibus copiis regio adfluat, quinam plantarum atque animantium sit proventus, quænam aeris aquarumque conditio, quales denique lapides & mineralia intra abstrusa terræ viscera ibi recondantur. Hæc ubi quis in geographiæ studio observaverit, ubi in hisce posuerit operam, is certe singularem sibi inde fructum in addiscenda politica pollicebitur. Simile quid in anatomia adnotandum est, cujus exquisitior ac elegantior cognitio non nudum unius alteriusve visceris situm, non magnitudinem, non colorem, non figuram ordinemque intestinorum complectitur, sed latissime fines suos extendit. Necessarium enim est, peculiarem summoque artificio compositam cujusvis partis structuram, curatius nosse, quemque illa usum, quod officium corpori præstet, quæ illi connexio cum aliis membris

bris fit, qualemque vim ac virtutem mirabili plane ratione ceteris iisque remotis partibus infundat, probe tenere.

2. ATQUE talis anatomiae scientia, firmissimum utique fundamentum est, quo medicina tuto inniti potest universa, & quo revulso, rationalis medicarum rerum explicatio vacillat, praxis periclitatur, imo tota denique medicina corrui. Equidem anatomiae in chirurgia usus adeo exploratus est, quem nemo temere, nisi in arte medica parum versatus, negabit; hæc enim medicinæ pars, si recte feliciterque debet exerceri, exquisitam externarum partium postulat cognitionem, adeoque anatomiae beneficio plurimum præstat & ad summum evehi potest fastigium. De eo tamen a medicis, qui exercendæ magis arti, quam eidem cognoscendæ vacant, posset dubitari, num anatomia in praxi usum aliquem polliceatur? Nos, absit invidia verbis, ita omnino censemus, medicum solidum peritumque anatomia maxime fieri, adeoque illa carere minime posse. Quod ut uberius, præsertim nostro sæculo, quo post spissas superiorum temporum tenebras clarior scientiis lux adfulsit, confirmetur, usum anatomies in praxi hac dissertatione adseremus, dignitatem hujus argumenti paulo fusiore stilo persecuturi.

3. REM ipsam itaque adgredimur, eorum primum argumenta consideraturi, qui de anatomiae excellentia secus judicant, parum illi in praxi medica utilitatis tribuentes. Hi quidem ut suam confirmant sententiam, in corpore nostro naturam, per quam animam intelligunt, constituunt. Ex hac omnes motus, ceu primo fonte profluere, penes hanc omnium effectuum, qui in corpore accidunt, arbitrium esse existimant, cum ipsum corpus mere passivum sit organon, & ad recipiendos illos motus tantum dispositum. Illam esse dicunt, quæ corpus salvum ac integrum præstet, quæ a morbis tueatur, quæ si tentaverint morbi, eosdem depellat. Quippe hanc, quum exquisita corporis notitia prædita sit, certo ordine, mensura, tempore, gradu ac loco certumque in

finem agere, ut non modo servando corpori, sed & morbis, si qui infestent, propulsandis sufficiat: siquidem plebeji & imperitissimæ etiam gentes, quæ nec herbas, nec alia in auxilium morborum nossent, solius naturæ beneficio convalescerent. Ex quo concludunt, in eo maxime medico esse adlaborandum, ut solius naturæ virtutem, vias ac intentionem, neglecta corporis, quod mere passivum se haberet cura, cognoscat. In cujus quidem rei confirmationem illud adjiciunt, & fuisse olim & floruisse medicinam, cum anatomia & physica parum excultæ fuerint: imo medendi scientiam in nonnullis superasse nostri temporis sollertiam, licet illius ætatis medici, simplicibus contenti, metalla & mineralia ceterosque remediorum adparatus ignorassent. Et de anatomia quidem, ut ejusdem laudes imminuant, addunt, summum etiam omnibusque numeris absolutum anatomicum, licet omnes musculos eorumque texturam promptissime intelligat, in eorum tamen curatione, si quid vitii in illos incidat, æque minus proficere, quam illum, qui nec primoribus labris hanc medicinæ partem degustaverit. Animam enim esse, quæ partes corporis componat, quæ mirabilem illam texturam molliatur, quæ, si quid fractum, si labefactatum sit, restituat & medeatur, frustra medico succurrente. Quum itaque in animæ potestate hæc omnia sint reposita, nihil ex anatomia commodi in praxin medicam redundaret.

4. ENARRATIS igitur his argumentis, quæ contra anatomiam adferunt, propositi nostri ratio exigit, ut discussis illis, anatomix dignitatem atque amplitudinem ab illorum objectionibus vindicemus. Ac primum quidem paucis dicendum videtur, quid per naturam veterum intelligi debeat. Majores utique nostri, alioquin sapientissimi, licet & ingenio & longo rerum usu plurimum valerent, rationali tamen medicina & naturali scientia, ne dicam, inferiores nostrò sæculo erant, sed illa plane destituti salutarem artem solis effectibus & experimentis metiebantur. Inde est, quod illis

tem-

temporibus medicina rudis traderetur, quia nobilissima doctrina de corporum natura & motu sepulta quasi jacebat, chymia vero plane ignorabatur, ut ideo quoque venia tribuenda sit illius sæculi simplicitati, quæ tot somnia & inaudita nomina nobis reliquit. Varia enim iactitabant entia activa, materiam passivam inertem statuebant, & corpus nostrum ceu merum instrumentum intuebantur. Animam porro vel naturam ens incorporeum & sapiens, ratione instructum, omniumque, quibus corpus valet, motuum rectorem ac principem credebant. Quod fundamentum cum adfererent, necessarium omnino erat, ut, cum principium incognitum obscurumque esset, omnis etiam scientia ac demonstratio collaberetur. Ex qua autem re quantum detrimenti ars medica ceperit & quantum e contrario praxeos incrementum inde impeditum fuerit, cum præsentis sæculi luce non obscurum esse potest, tum a nobis infra explicabitur. Etenim quum ex principio incognito nec virtutes nec effectus rerum corporearum, quæ mirabili tamen modo in nos agunt, explicari atque demonstrari potuerint, facile adparet, quantæ illis temporibus incubuerint tenebræ, quoniam in medicis rebus exponendis maximam partem ad ignotam naturam, ceu asylum unicum confugiebant. Majori ergo jure nostro sæculo gratulandum puto, quo saniori philosophia edocti sumus, omne corpus, qualecunque etiam sit, in actione esse, & per motum nihil aliud, quam *exsuperantiam* actionis virtutisque in duobus corporibus significari. Duo enim corpora dum activa illa vi, quæ ab initio a summo conditore ipsis indita & impressa est, sibi invicem resistunt, alterumque alteri cedit, motus existit, & ubi æqualis harum actionum vis contigerit, quies oritur; imo ipsi motus, qui singulari ordine, mensura, proportionem atque tempore fiunt, non aliunde quam ex sola corporum inter se agentium resistantiumque combinatione & situ eveniunt. Mirabile enim est, quam eximii effectus vel ex solo corporum situ producantur. Cujus quidem rei
sua-

simplex exemplum esse potest vectis, nam ad ordinatos corporum motus non opus est incorporeo externo principio, multo minus prudentia quadam naturæ, quæ movendi instructa sit facultate; sed ipsis etiam corporibus potentia data est motrix, quæ pro illorum dispositione & augeri & imminui potest.

5. QUVM proinde in rebus arte factis tam mirabiles tamque accurati effectus ex sola corporum actione profluant, multo magis id accadat necesse est in illis machinis, inque absolutissimo illo opere, quod summus ille artifex Deus composuit. Hominis enim corpus, quod divina effinxit manus, tanto nobilius tantoque excellentius est ceteris machinis, quæ humana solertia molitur, quanto excelsior augustiorque homine Deus, benignissimus ejus conditor celebratur. Hoc itaque corpus, quum compendium quasi sit omnis artificii, pulcherrima ratione constructum, omnibus fere legibus mechanicis, staticis, hydraulicis, opticis respondet, adeoque omnes motuum species cum admiratione sui repræsentat. Eo magis hinc adnitendum est medico, ut ejusdem machinæ texturam diligentissime scrutetur & exploratam habeat rationem motuum, qui in corpore excitantur, & quos aer, cibi & medicamenta corpori conciliant. Quæ ubi recte quis comprehenderit, naturæ indoles latere minus poterit, atque ex attentiore corporis contemplatione facile adparebit, illam vitæ ac sanitatis esse autorem eandemque medicamentorum operationes ceterosque motus moderari. Atque si hoc modo natura, uti etiam debet, intelligitur, firmissimum habemus munimentum, cui tota medicina recte insistit, aliorum somniis erroribusque non commovenda. Neque hac ratione ignorare potest medicus, quid benignior, quid peior sit natura, quid vita, quid sanitas & morbus, quid ipsa denique mors denotet, neque fallere illum potest curationis & virtutis in medicamentis ratio.

6. QVODSI

6. QVODSI igitur natura, uti veteribus dicere placuit, morborum *medicatrix* adpellatur, nihil aliud intelligitur, quam ipsum corpus, singulari artificio ad certos motus edendos constructum. Quippe hoc solidarum fluidarumque partium, ex quibus constat, beneficio nec non virtute elementorum ciborumque motus promptos ac ordinatos edit, qui non vitam solam tuentur, sed & ad tollendas morborum causas plurimum conferunt. Quare ut hæc pulcherrima corporis fabrica recte cognoscatur, ut abditæ etiam partes oculis pateant, anatomix diligentissime opera danda est, eo quod hæc unice adcuratam corporis nostri tradit cognitionem. Deinceps corporis machina nec subsistere nec vitam tueri morbosque elidere potest, nisi externis præfidiis, aere, victu remediisque sustineatur; unde facile quisque videre potest, medicinæ necessitatem exinde comprobari. Hæc enim succurrit naturæ, hæc motus, quos molitur, considerat & moderatur, hæc quid secundam, quid adversam valetudinem præstet, perspicit, eademque providet, ut quæ inimica corpori sunt, evitentur. Et licet multi dentur, qui prosperam ac diuturnam vitam etiam sine medicis consecuti sunt, minime tamen sine medicina i. e. sine remediis, sine victu commodo ad eandem pervenerunt. Quo minus quis eo insolentiæ processerit, ut temere adfirmare audeat, solam naturam sufficere morborum curæ, cum illa sola in pluribus acutis & chronicis morbis curandis parum vel nihil valeat, nisi medici manu adjuvetur. Minime itaque sufficit, hunc longo rerum usu variisque experimentis eruditum esse, vel ea, quæ prosint vel noceant, quibus signis morbus infestet vel desinat scire, sed oportet eum quoque rationes expendere, & his innixum morbos judicare, eorum eventus prædicere, & curationem prudenter instituere. Quam quidem viam si quis ingreditur, hanc curationis methodum si servat, in arduo sanitatis negotio adeo non erraverit, ut salutarem ægrotis opem non sit præstiturus. Satis enim constat, experientiam nudam &

(Hoffm. Opusc. patholog.) L medi-

medico & ægrotanti sæpius imponere, ideoque sub tanto causarum concursu rationem adhibere præstat, ut vera causa inveniatur. Inde medicina emergit rationalis, quæ philosophiæ præceptis rite instructa longe anteponenda est ei, quæ angustis experientiæ terminis circumscribitur. Rectæ vero rationi superstructa medicina non ea solum, quæ in re medica occurrunt phænomena, ex certis principiis deducit approbatque, sed ipsam etiam praxin adjuvat, saluberrima ministrans præcepta, tutam ac facilem medendi viam inveniendi. Equidem non negandum, medicinam experientiæ suos debere natales, solidæ tamen rationi acceptum ferendum est, quod eadem liberalius jam floreat, & ad hoc, in quo jam constituta est, fastigium emerferit. Ad hanc autem medicinam rationalem ut perveniamus, anatomia summe est necessaria, sine cuius præsidio frustra illam nobis pollicemur.

7. EQVIDEM anatomia directe & immediate ægrotos non curat, plurimum tamen confert, ut curatio tutius jucundiusque perficiatur. Quam in rem eleganter scribit CORNEL. CELSVS in præfatione p. 13. *Quam, inquit, multa sint, ad ipsas artes proprie non pertinentia, tamen eas adjuvant, excitando ingenium artificis.* Itaque ista quoque rerum naturæ contemplatio, quamvis non faciat medicum, aptiorem tamen medicinæ reddit. Pari ratione nec anatomia medicum constituit, eundem tamen ornat & adjuvat, & salubribus præceptis, quibus in praxi egregie proficere potest, instruit. Nam ad errores in praxi detegendos, ad adplicanda remedia, & ad prudentiorem prognosin nihil utilius commodiusque est ipsa anatomia. Quæ omnia in nostra dissertatione uberius exsequemur.

8. PLACET vero initium capere a divino illo ceterisque omnibus longe præstantiori invento, sanguinis circulo. Ex quo divino munere detecto quanta medicinæ lux adfulserit, & quam atroces inde tenebræ ab hac arte depulsæ fuerint, non difficile est judicare. Nam cum ex accuratiori corporis
inspe-

inspectione pateat, sanguinem ceterosque humores partium solidarum musculorumque pulsu ac tono continuoque per innumeros tubulos motu circumvolvi, manifesto inde, quid vita sit, edocemur. Ex quo simul intelligi poterit anatomiae praestantia, si perpendere velimus, quantum veteres, qui utilissimae huius artis culturam neglexerunt, in definienda vita adeo hallucinati fuerint, ita prorsus, ut mera sibi somnia & nugas de re tam necessaria imaginati fuerint; unde est, quod causam vitae, animae vel naturae actionem in corpus, spiritum vitalem, cordis flammulam, calidum innatum, quatuor humorum temperiem, spiritumque insitum & influum esse statuerint. Quae figmenta cum nullius sint usus, uno quasi ictu conciderunt, sanguinis circulo in lucem prolato, qui quamdiu corpus perenni flumine perluit, ipso sensu teste, vita adesse dicitur. Hujus quippe salutaris motus officium est, ut corpus corruptioni alioquin valde opportunum, salvum & ab omni labe integrum praestet. Neque enim ignorare oportet, vitam corporis nostri proprie ac formaliter non esse durationem seu conservationem mixti, quoniam, si hac ratione vita sustineretur, lapidi vel pani etiam, quamdiu huic mixtio sui constaret, vita tribui posset; sed vita rectius est perennis actio & motus, cuius praecipuus effectus est, ut a tetra corruptione corpus praeservetur. Scilicet, uti putredo nihil aliud est, quam motus intestinus ab externo principio excitatus mixturamque partium destruens, ita etiam nulla re perinde inhibetur, quam motu intrinseco, qui a progressivo promovetur. Isque motus circumfuso aeri, externaeque eius in intimam sanguinis mixtionem ac crasin actioni mirifice resistit, siquidem corpus statim ejus injuriis patet, simulac fluidae partes illius conquiescunt. Incredibile vero est, quantum utilitatis egregium hoc inventum, ut rei medicae universae, ita maxime pathologiae & therapiae attulerit. Quippe ex hoc discimus, nihil vitae esse infestius, nihilque valetudinem magis adfligere, quam ea, quae hunc salutarem sanguinis

L 2.

guinis

guinis motum impedire, vel turbare ullò modo valent. Unde haud sollicitè circumspicienda causa est, cur frigus vehementius corpori adeo sit inimicum, cur frigidus potus corpori æstu soluto ingestus spiritum sæpius elidat, hominemque exanimet. Patet etiam exinde, cur concretiones polyposæ intra oscula vasorum cordis pulmonumque hærentes, sanguinis iter intercludendo, repentina inopinataque morte suffocent. Ex eodem sanguinis motu ratio nobis constat, cur venena corpori tam sint infesta, quod nostro quidem iudicio vix alia ratione accidit, quam quod spasmodum atrocitate vasa contracta perennem sanguinis circulum interceptant. Cognoscimus porro inde, omnia acida, viscida & alimentorum copiam vitæ corporique esse infensam, quod vitalem corporis succum crassum vel copiosum reddendo, liberum ejus motum cum præsentis valetudinis damno remorantur. Quæ cum ita sint, facile nobis inde optima valetudinis vitæque prorogandæ præcepta elicere possumus; quippe is, qui vitam diuturnam prosperamque adpetit, hujus inventi beneficio facile videt, in eo sibi elaborandum maxime esse, ut perennis ille sanguinis motus salvus incolumisque conservetur. Unde vitanda sunt, quæ sanguinem coagulant, aut quæ eundem, ut propter abundantiam minus rectè vasa transire possit, nimium augent. Sicut contra illa unice commendari debent, quæ vitalem hunc laticem fluidum reddunt, uti sunt salia volatilia, aromatica, infusa herbarum balsamicarum calida, quæ motum debitum corporis optime tuentur. Imo exinde iudicatu facillimum est, sanguinem, si nimium adfluat, esse imminuendum, adeoque sanguinis missionem ceu summum præsidium, merito hoc fine adhiberi.

9. DEINCEPS quoque ex anatomia, ceu fonte uberrimo, facile causam haurimus, cur omnibus mors certa atque necessaria, nec ullis evitanda remediis impendeat. Vita nempe, quæ perpetuus fluidorum motus est, non temperie tantum fluidorum absolvitur, sed solidarum maxime motu velut ful-

fultura quadam sustinetur. Jam ubi adpropinquat senectus, fibræ motrices sensim indurescunt, crassæque & immobiles fiunt, pori occluduntur, & vasa opplentur; unde fibræ, tenuissimo nervorum fluido parum recte animantur, rigidæ minusque flexibiles & sanguini per corpus propellendo fiunt ineptæ. Accedit, quod spiraculis in cute obstructis, excretiones retardentur, sordibusque intra corpus ad accumulatis cacochymia primum, mox ipsa mors inevitabili sorte consequatur. Quod dum adcuratius consideramus, facile nobis vitam diuturnam consequendi suppetit ratio, optimeque perspicitur, eo præcipue adnitendum esse, ut succi corporis subtiles tenuesque semper maneant, ne fibræ inde crassitudinem & rigiditatem induant, porique obdurentur. Cui fini mirifice inservit motus & exercitatio corporis, qua fluida corporis nostri egregie conservantur. Referri huc porro debet aer subtilis & temperatus, aqua levis & tenuis, item vinum tenuissimum ac temperatum, victus, qui non multum terrestris compactæque substantiæ habet, levis & facilis animique tranquillitas. Hæc ubi diligenter custodiuntur, ubi ad has leges valetudo componitur, non potest non illa protrahi diutissime. Neque eodem fine omittenda est crebrior venarum sectio, quæ quantum ad vitam producendam valeat, ex hoc invento idemtidem comprobatur. Satis enim constat, hoc remedio sanguini, qui copia sua redundat, rectum per corpus cursum restitui, cum alioquin propter abundantiam crassior factus, suum per corpus iter tardius explicet. Neque verendum est, ut hoc remedio vitalis ille fons exhauriatur, siquidem compertum est, veteres non ad uncias, ut hodie fieri solet, sed ad integras libras sanguinem sine ulla singulari noxa detraxisse, Galeno id bene adnotante.

10. Anatomix porro beneficio exploratissima nobis est formalis mortis causa, quæ, utcunque etiam e vita tollat hominem, intra quatuor omnino classes concluditur. Adest enim vel inflammatio partium nobiliorum, uti meningum, pulmonum, ventri-

culi, ac intestinorum; vel sanguis aut serum extra vasa secessit, uti in cerebro, thorace, & abdomine fieri solet. Vel etiam viscus porro aliquod corruptum est, vel polypus intra cordis pulmonumque vasa hærens, liberiori sanguinis cursui obicem ponendo, hominem strangulavit. Hisce quatuor causis omnes omnis temporis homines extincti sunt, & quotquot eorum incideris, unam ex his semper reperies. Et inflammatio quidem in acutis, corruptio viscerum & feri sanguinisve extra vasa secessio in chronicis morbis mortem adfert, polypus vero repentinæ mortis causa plerumque observatur. Quæ quidem causæ & illud demonstrant, mortem nihil aliud, quam sanguinis circuli esse eversionem. Et ex eadem contemplatione sequitur, illum, qui mortem præcavere tentat, eo respicere oportere, ne partes corporis internæ inflammentur, ne labem & obstructionem viscera contrahant & sanguis vel serum extra vasa sua delabatur.

II. IDEM fundamentum, quo nihil in re medica præstantius utiliusque est, clarissime causas sanitatis explicat & abunde satis comprobat, illam haud aliunde, quam ex libero & moderato sanguinis humorumque circuitu & justa excretionum progressionem derivandam esse. Ubi enim sanguis tranquillo placidoque & disposito cursu per corpus fertur, tunc non modo diversa illa elementa invicem recte miscentur, sed inutilia etiam, & quæ tam copia quam qualitate nocent, extra corpus ejiciuntur. Ita omnes actiones secundum naturæ ordinem & regulam procedunt, ita sanitas & ejus vigor conservatur. Errant proinde, qui vitam in excretionibus versari adserunt, quod vita, nulla excretionum habita ratione potest desinere, imo experimentis constat, plurimos mortalium sub ipsis excretionibus interire. Quapropter rectius adfirmamus, sanitatem a sanguinis circulo dependere, qui ubi valet, & ordinate corpus transit, excretionem etiam illibatas præstat, quæ contra, languescente illo, vel per morbum imminuto intercipiuntur. Neque enim quisquam

quam morbus est, ubi excretiones non adfligantur; imo sæpe ægrotos non tam his impeditis quam nimium procedentibus decedere videmus, uti quidem in acutis passionibus, in hectica, dysenteria similisque generis morbis observare licet. Atque ideo is medicus officio suo convenientem se gerit, qui in curatione morbi non sanguinis tantum circulum, sed excretiones etiam, præsertim transpirationem intuetur.

12. QUVM vero fluida corporis nostri sæpius de die corpus transeant, & natura ubique congrua excernendis sordibus emunctoria constituerit, ut eadem aperta semper serventur, providere oportet. Ita enim sanguis subtilis, purus ac temperatus redditur, & quæ fomitem morborum præbere poterant, ex corpore eliminantur. Inter hæc autem emunctoria, quorum plura in corpore sunt obvia, primas tenet cutis, & quæ hujus ope per invisibilia foramina, ut CELSVS inquit, perficitur transpiratio. Hæc quid corpori præstet, quantumque conservandæ valetudini inserviat, vel exinde conjicere licet, quod per hanc plures cum mole tum virulenta qualitate noxiæ sordes exeant, quam per reliquas excretiones omnes. Ex quo manifestum est, nihil æque morbis occasionem præbere, quam si excretiones supprimuntur, maximeque sordium exspiratio inhibetur. Unde recte curat, qui, cum origo causæ ipsum non fallat, excretiones restituit, & obstructa emunctoria, malignis sordibus promptum facilemque exitum moliendo, recludit. Longe vero optimum est, motu auctiore id perficere, qui cum in acutis passionibus, præsertim febribus præsens sit, facile ratio patet, cur, qui ejusmodi malis detinentur, solius naturæ beneficio, medico parum admodum iuvante, plerumque sanescant. Intenfior enim ille motus causam morbi expellit, emunctoria referat, humoresque resolvit, & intra breve spatium valetudinem reddit. Quod aliter evenit in longis morbis, in quibus dum tarde cunctanterque motus fiant, arte excitandi augendique sunt, ut naturæ imbecillitati hoc modo succurratur.

Ideo-

Ideoque in ejusmodi malis juvant sudorifera, martialia, amara, salina, purgantia, item thermæ & acidulæ; quorum remedium virtus unice exinde deducenda est, quod fortiori motu obstructions solvant, & excretionibus restitutis fluida in ordinem ac numeros redigant. Par ratio est, cur motus, cur aquarum salubrium thermarumque potus, item aeris cælique clementia egregie diuturnos morbos allevant, plurimumque in iis evellendis valeant.

13. AT cum nobilissimum hoc inventum veteres ignoraverint, minus mirari debemus, varios eos in praxi errores commisisse. Ut alia omittamus, notum omnino est, quam solliciti, imo religiosi fuerint in venis incidendis, falso persuasi, hanc vel illam venam proprie capiti, cordi, hepati vel certæ parti esse consecratam, eamque in hujus partis morbo pertundi oportere. Quæ somnia, procedente tempore, quo anatomia subtilius cœpit excoli, plane exspirarunt; siquidem edocti sumus, duplicem tantum V. Snis usum, evacuatorium atque derivatorium celebrari; quorum ille in adfluentia sanguinis adhiberi debet, parumque refert, quam venam aperias: in hoc vero, seu derivatorio sufficit, in superiore vel inferiore corporis parte, prout morbi ratio exigit, sanguinem educere.

14. Ex anatomia quoque constat, quatuor illos humores eorumque intemperies ceu morborum causas falso a veteribus fuisse propositas. Illi enim humores nusquam in corpore adparent, adeoque ruat necesse est illorum medicina, quam in tam lubrico fundamento constituerunt. Inde enim est, quod illorum medicamenta maxima ex parte purgantibus validis absolverentur, dum purgantia, uti vocabant *electiva* sibi fingeant, ex quibus aliud bilem, aliud melancholicam vel pituitam educere arbitrabantur. Ac licet facile concedamus, ex his etiam remediis, uti in ceteris alterum alteri præstare, & in certis morbis certisque subjectis elidendæ morbi causæ magis convenire, sicut hac de re latius olim
egi

egi in *dissertatione de medicamentis specificis*, minus tamen probanda est illorum sententia, quod hæc sanguinis circulo, ex quo unice vitæ morborumque ratio fluit, manifesto ad- versatur. Nam quod validius fortiusque purgat, illud omnes humores, quicunque corpori insident, seu visceri seu biliosi sint, ejicit, unde & in eo peccabant, quod tam frequens ipsis fuerit valentissimorum purgantium usus. Galeni enim, maximeque Hippocratis ætate non locus erat clementioribus laxantibus, sed helleboro, colocynthide, scammonio & elaterio similisque commatis purgantibus ægri torquebantur. Quæ tamen medicamenta, experientia teste, corpori nostro sunt perniciosissima, tantum abest, ut singularem opem adferant. Hæc enim intestinorum tonum ac robur, quod ad tuendam vitam summe necessarium est, solvunt, spasmodicis membranarum constrictionibus vires infringunt, bilis balsamum evacuant, & humorem, qui per cutim secedere debebat, ab ambitu corporis ad centrum provocando, salutare excretionum opus interturbant. Neque alia hujus erroris causa fuit, quam anatomiae ignoratio & contemptus, quæ postquam suas eluctata est tenebras, & hos errores denudat, & ut ab iis caveamus, saluberrime nos instruit.

15. DEIN, quid ingens illa medicamentorum copia, quæ in immensam prope sylvam excrevit, aliud demonstrat, quam in- tempestivum in praxi studium & vanam industriam? Quid enim volunt tot cordialia, hepatica, splenetica, uterina, antepileptica, anthelmintica singulisque corporis partibus dicata remedia, nisi ut aperte contestentur, medicum, cum in tanta remediorum adfluentia versetur, ne paucorum quidem vires satis intellexisse. Paucis enim selectisque auxiliis curantur morbi, quæ dum ignorarunt veteres, necessario tantam remediorum molem, tamque ineptas, inutiles & contrarias confarcina- runt species. Accedebat, quod eorum ævo generosa reme- dia nondum innotuerint, ut sunt salia volatilia, salia neu- tra, rectus anodynorum usus, item quæ ex marte, antimonio

(*Hoffm. Opusc. patholog.*)

M

& mer-

& mercurio adparantur medicamenta, unde & chronicis malis expugnandis parum apti erant, aut quid in ejusmodi morbis auxilii adferebant, id victu, abstinence, sanguinis missione, frictionibus, balneis, exercitationibus, aeris mutatione, ferro denique & igne præstabant. Neque mediocriter curam iuvabat ipsa coeli ratio, sub quo degebant præsci medici; quippe in locis illis calidis, ut in Græcia & Italia non tam altis radicibus defixi morbi inhærebant, adeoque vel mediocri accedente cura evincebantur. In acutis vero passionibus ut ubique plus natura, quam ars sibi vindicat, ita nec dubium est, quin apud veteres ejusdem beneficio cælique & aeris clementia celeres isti morbi fuerint curati. Quod itaque non simili remediorum segete nos indigeamus, quodque facilis, tuta paucisque auxiliis curandi ratio nobis contigerit, anatomiae in acceptis ferendum esse iudicamus. Nam cum in omni valetudinis genere id maxime medicus debeat curare, ut proportio ad vasa & vires, temperiesque & mixtio humorum conservetur, & ut iidem in suo circulo retineantur, excretionibus rite procedentibus; facile conjicere licet, quam pauca ad hoc ipsum perficiendum requirantur remedia.

16. PROPOSITA igitur jam sanguinis circuli in praxi utilitate, pergimus ad ceterarum partium considerationem, quam illæ in praxi usum promittant, explicaturi. Sistemus vero primum velamentum corporis nostri cutem, cujus texturam si ex anatomia penitus inspicimus, vulgi circa eandem errores facile evitare & egregie inde in curatione adjuvari possumus. Desinunt in cutem varia vasa, tendines & nervi, quibus intertextæ sunt minimæ glandulæ seu villosa corpuscula, eo fine, ut serum crassum, falsum agilissimumque aereum principium inde separetur. Quam structuram si practicus recte intelligit, ex facili videre potest, per cutim, quæ tenuissimis partibus excernendis constituta est, colluviem viscidam & biliosam, in primis viis residentem inique prorsus expurgari. Ubicunque igitur ejusmodi humoribus ven-

ventriculus & intestina turgent, uti quidem in febribus intermittentibus, in quartana, in hysterico & hypochondriaco morbo accidere solet, sedulo fugere oportet medicum calidiora, & quæ sudorem fortius provocant medicamenta. Hæc enim alvum, quæ tamen maxime moveri debebat, omnino non movent, ut eandem potius adstringant, sordium colluviam a centro ad totum ambitum corporis pellendo eademque cum sanguine commiscendo. Idem pariter summa cum cura vitandum est, si bilis ex subita iracundia suas egressa alveos ventriculum vel intestina inundavit, quippe si calidioribus commota ad sanguinem transit, veneni naturam atque noxas æmulatur, cum præsentis ægrotantis discrimine. In tali itaque casu recte suo defungitur officio medicus, qui molem istam humorum ventriculo & intestinis insidentem per congrua loca lenibusque laxantibus evacuare satagit.

17. MINVS contra hanc evacuandi rationem congruere, cum salinæ, causticæ & subtiles sordes sanguini & lymphæ sunt admixtæ, eadem anatomica observatione erudimur. Hisce enim per cutim parari debet exitus, ideoque curandum, ut pori conveniente calore & remediis aperiuntur. Idque in omnibus morbis, ubi ejusmodi sordes peccant, animadvertere oportet, quales sunt erysipelas, scabies, purpura, petechiæ, variolæ, morbilli, arthritis, podagra &c. præsertim si exanthemata retro in corpus abierunt. Quæ omnia confirmant, medico, qui minister naturæ esse debet, in hoc addiscendo nihil melius quam anatomiam opitulari. Quoniam autem cutis propter nervos ac tendines, qui in illam terminantur, mollissimi exquisitissimique est sensus adeoque facillime constringitur, practico exinde illud succurret, vitanda esse diligentissime, quæ poros stringunt & salutarem corporis transpirationem impediunt. Idque inprimis observare oportet, ubi impuris falsisque sordibus sanguis abundat, sollicitèque providendum est, ne acris & noxia materia, quæ per cutem exspirare debebat, imprudenter intra corpus & ad

sanguinem retro pellatur. Quo fine abstinendum est a frigidis, ab unguentis, emplastris, humidis, ceterisque quæ cutem contrahunt omnibus: quod observare maxime convenit in exanthematicis malis, in scabie, arthritide, tinca capitis, lepra, erysipelate, item in sudoribus criticis, quia metus est, ne incauto talium rerum usu in perniciem ægrotum præcipitemus.

18. PROXIMA cuti pinguedo est, a cujus contemplatione non sine fructu artem exercens dimittetur. Nam hæc cum alias partes liberalius, alias parcius investiat, exquisitam tradit rationem, qua externa remedia seu topica, ut vocant, recte adplicari debeant. Ita v. g. parum is adlevabit ischiadicos dolores, qui natibus vel femori auxilia externa admovet, quoniam ob abundantiam adipis musculorumque crassitudinem medicamenti vis adfectam partem minus penetrare valet. Neque melius fecerit, qui stomachi morbos repressurus emplastra stomachica abdomini vel sterni imponit, quod hæc remedia ob pinguedinem, qua abdomen turget, parum ibi operantur. Illud proinde ex anatomicis præceptis tenere oportet, adplicandis topicis eas convenire corporis partes, quæ minus robustioribus musculis & nimia pinguedine conteguntur. Quare optima sunt nervea & tendinosa loca, uti plantæ pedum, volæ carpique manuum, tempora, nucha, commodumque etiam est, sub axillis, sub genibus ejusmodi remedia imponere, unde mirificam illorum vim per totum corpus experimur. Ubi itaque in æstu ac fervore nimio refrigerandum corpus est, præstat his partibus, quas recensuimus, acidula clementerque reprimentia admovere, quorum usu corpus egregie refocillatur. Idem fieri oportet in compescendis febrium spasms, quo in casu roborantia & subadstringentia emplastra nuchæ temporibusque & manuum carpi non sine fructu adplicantur. At ubi confirmandum est nervosum genus, juvat idemtidem nucham, suturas capitis & tempora blandis balsamicis & corroborantibus fovere. Ubi vero tor-

pens

pens nervorum vis excitanda, vel viscosus humor intra partem aliquam defixus avertendus est, vesicatoriis nuchæ adplicatis optime id perficitur. In lue porro venerea & scabie, quæ mala opportuna sæpe salivatione tolluntur, optime tutissimeque movetur saliva, si sub axillis ejusmodi remedia imponuntur.

19. PARI felicitate ac prudentia in adhibendis topicis uti poterit medicus, si accuratiorem umbilici notitiam sibi adquisiverit. Notum quippe est, circum umbilicum, qui per se sensibilissimus est, lineam albam poni, in qua concurrunt tendines eximii, ut clare inde eluceat, hanc partem corporis subtilissimo omnino sensu præditam esse, ideoque cum toto corpore conspirare. Memorabile enim est, omnes partes corporis nervosas, si validius irritantur, vel alio modo adficiuntur, totum simul corpus, ob nervos mutuo perpetuoque nexu per universum corpus dispersos, commovere. Quare non mirandum est, remedia umbilico admota, virtutem suam non intra spatium illud continere, sed eandem in remotissimas etiam partes diffundere, eximiis per umbilicum nervis discurrentibus. Ita vel domestico experimento constat, butyrum insulsum avellanæ magnitudine umbilico inditum infantibus alvum movere. Imò quoque si vermes intestina vexant, inunctus felle taurino inspissato cum unguento de arthanita & oleo colocynthidis mixtò umbilicus intestina ad vermes ejiciendos stimulat. In colica convulsiva, gravissimo alioquin malo, mirifice sedantur atrocissimi dolores, si aliquot zibethi granis umbilicus illinitur. Neque minus levamenti expectandum est in urinæ suppressione, si umbilicus oleo terebinthinæ diligenter fovetur, quippe urina inde mirifice cietur, cum arteriæ umbilici vesicæ lateribus jungantur.

20. FACILIS autem partium interiorum morbi ac curationes in notitiam venient, si quis earum sedes atque situs recte consideraverit. Scimus igitur, ventriculum maxima ex parte ad sinistrum latus inclinare, orificiumque illius superius

spinæ dorsi adnecti, cum inferius contra cordis scrobiculo contegatur. Ex quo manifesto adseritur, acutissimum illum dolorem, qui perperam a corde adpellationem traxit, ex ventriculo omnino provenire, & cardialgiæ sedem non in sinistra ventriculi parte, quæ male illi dolori adsignatur, sed in dextra potius residere. Præter ipsum enim situm doloris, qui sub scrobiculo cordis urit, vel exinde etiam id adparet, quod bilis, quæ frequenter hunc adfectum excitat, huic quam sinistro orificio vicinior sit, unde etiam ii, qui hepatis obstructione laborant, frequentissime hoc malo detorquentur. Jam cum ipse dolor ad dorsum usque pervagetur, necesse est, ut sinistrum etiam osculum simul patiatur. Ostendit igitur anatomia, emplastra, externa spirituosa, balsamica & quæ ventriculo corroborando sedandisque doloribus inferviunt, scrobiculo cordis & sinistro lateri sub costis spuris esse adplicanda. Perspicimus etiam inde, optime hunc adfectum levare posse ab iis remediis, quæ humorum acredinem temperant, & flatus bene discutunt. Quoniam porro ventriculus, uti ex anatomia constat, sub diaphragmate situs est, sæpius accidit, ut a sola ejus inflatione summa excitetur anxietas spirandique difficultas; quo in casu ignarus anatomie medicus vehementer erraverit, si pectoralia dulcia & emollientia adhibet, in pulmonibus causam mali positurus, sed remouenda potius est causa, quæ est crassa pituita & inflatio, spasmique ventriculi sunt tollendi, quod leni sæpe emetico laxantibusque optime peragitur.

21. COLI situs & sinuosa ejus textura, quam ex anatomie contemptu ignorabant veteres, & ipsos & plurimos ex recentioribus ita tefellit, ut tumores maxime sinistri lateris, qui ex flatibus & scybalis intra flexuras coli detentis in malo hypochondriaco nascuntur, ex lienis vitio arcesserent. Hi si didicerint, sub diaphragmate jacere lienem, eundemque propiorem esse spinæ, facile tam gravem errorem evitassent. Notum enim est, hypochondriorum dolores, ardores, tumores-

res-

resque sub costis spuriis, maxime in sinistro latere adpare-re. Accedit, quod lien minore sensu polleat, & propter magnitudinem, qua molestus plerumque est, gravativo fixoque magis dolore vexet, cum in hypochondriaco malo acutior quidem dolor, sed qui citius transit, omnino observetur. Quæ cum ita sint, clare patet, in curatione illius mali clysteres carminativos, & qui acrimoniam humorum diluunt, nerve-asque coli membranas deliniunt, ceteris omnibus remediis merito anteferri. Quo loco nec prætereunda sunt emplastra carminativa, quæ sinistro lateri imposita, tonum coli robo-rando, eximium in hoc malo præstant adlevamentum.

22. INGENIVM medicorum, qui paulo rudiores in anato-mia sunt, aliud interdum malum torquet, quod ex colo idem-tidem proficiscitur. Quandoque enim accidit, ut in dextro latere circa ilii costam subitus & atrox dolor cum contuma-ci alvi adstriktione invadat. Cujus mali causa inde petenda est, quod coli ibi principium situm sit, idque eodem loco ex satis robustis membranis atque ligamentis constet, ut eo prom-tius stercora sursus protrudere possit. Ubi vero imbecillio-ribus personis ex morbo graviore tonus ac robur hujus inte-stini imminutum fuerit, flatus & excrementa ibi retenta illud distendunt, tumorem mentiuntur, summisque cruciatibus æ-grotum conficiunt. Causa igitur mali demonstrat, unice hic auxilio esse cataplasmata carminativa, ex seminibus & herbis carminativis parata & aptissimum quoque esse, clysteribus o-leosis intestina eluere, quod hi, dum coli principium sube-unt, sordes egregie emolliunt & foras ejiciunt.

23. GRAVISSIMI sæpe dolores circa umbilicum infestant, qui in ilio existentes perverse pro colicis a quibusdam medi-cis, qui expertes anatomiae sunt, habentur. Frequens certe hoc malum est, frequentius tamen Hippocratis sæculo, qui sæpe hujus, colici autem doloris nunquam meminit. Idque inde accidere videtur, quod coeli beneficio in Græcia hæc passio, u-ti & hypochondriacum malum facile evitari potuit. Proin-de

de in cura valde expedit, hunc intestinorum situm recte perspexisse, quia verendum alioquin est, ne frustra huic morbo medicinam moliamur. Nam cum in colico dolore clysteres omnino convenient, minus tamen in ilii dolore eosdem juvare tanto minus dubitaveris, quanto clarius est, clysteres ultra coli valvulam nunquam pervenire. Quare in hoc adfectu frustra ad clysteres pervenitur, sed conducit potius, externe emplastra & unguenta, interne oleum amygdalarum dulcium cum oleo anisi mixtum adhibere. Recte etiam dantur theriacalia & quæ ex castoreo parantur, medicamenta, quoniam hisce spasmodum ferocitas egregie sedatur.

24. QVI intestini recti situm, & huius arctissimam cum vesica connexionem tenet, eum non fugere poterit ratio, cur in urinæ difficultate, præsertim si a læsione vel calculo accidat, perpetuus tenesmus adsit, & in eodem malo alvus sæpe superne delabatur. Reddet idem & facile rationem, cur versa vice in tenesmo vesica ad reddendam continuo urinam stimuletur. Tali itaque in casu probe examinandum est, an vesica, an intestinum rectum laboret, ne, fallente causa, secus cedat curatio. Male enim vesicæ admoverentur remedia, si recto intestino malum inhæreret.

25. ÆQUE necessarium est vesicæ situm perpendere. Posita hæc est in ipso sinu sive pelvis superiori parte, jungiturque ossi, quod pubi subest. Hæc speciosas copiosasque & carneas fibras ostendit, quarum contractione urina redditur, quæ contra, ubi ex nimia humoris copia vesica distenditur, fibrarumque elater relaxatur, ibi suppressitur. Unde in allevando hoc malo discimus, pubis regioni admovenda esse remedia, quæ fibras ad contractionem sollicitant, ut hoc modo urinæ fluxus restituatur. Proinde non contemnendæ virtutis in hoc malo sunt olea, uti scorpionum, juniperi, item allium, cepa tosta ceteraque remedia, quæ collapsum vesicæ tonum excitant & corroborant.

26. Ad vesicam ureteres feruntur, qui obliquo itinere
supra

supra musculos psoas posteriori vesicæ parti inferuntur. Hi cum ex fibris musculosis & tendinosis contexti sint, a calculo intra illos desidente acriter irritantur. Quo igitur ab hac etiam anatomica contemplatione doctior recedat medicus, scire omnino licet, vitandum hic esse oleum juniperi, terebinthinæ, balsamum sulphuris & illius generis auxilia, quæ pellendo juvant, quoniam in hoc malo relaxare oportet partes spasmo constrictas, quo majori commodo ad olea expressa, ut oleum amygdalarum dulcium, nucis moschatae, oleum liliorum albor. scorpionum, seminis papav. carvi & cetera transire convenit, quippe hæc lumbis & ureterum regioni illinita mirifice dolores consopiant.

27. EIVSDEM momenti utilitas exinde ad curandos morbos fluit, quando egregios illos nervorum plexus, varias arterias, venas & tendines consideramus, qui circa dorsalem ultimam & primam lumborum vertebra mesenterio implicantur. Inde enim facile auguramur, acutum illum dolorem, qui in principio febrium intermittentium in variolis, morbillis, item in passione hysterica ceterisque acutis passionibus adoritur, non a renum calculo derivandum esse, uti plerumque solet, sed a plexibus potius nervosis mesenterii merito deduci. Quippe si hi distenti & vellicati fuerint a flatibus intra intestina hærentibus, vel a sanguine ibi stagnante, dolor in spina dorsi, germanice in Kreuz oritur. Peritissimum olim practicum in extinguendo hoc malo frequenti in usu emplastrum spermatis ranarum cum oleo hyoscyami & camphora habuisse novi. Contra narcoticis adstringentibus remediis, item saturninis emplastris pro auxilio perniciæ ægrotis potest accelerari. Et eiusmodi quoque remedia ad sedandum menstruorum fluxum adhibita eundem non tam cohibuisse, quam cum summa perniciæ plane intercepisse, sanguine ad alias partes vi medicaminis inclinata, sæpius mihi observare licuit.

28. DESCENDIMVS jam ad intimam viscerum fabricam,
 (Hoffm. Opusc. patholog.) N ut ex

ut exinde doceamus, quantum lumen facemque praxi anatomia præferat. Ut a pulmonibus igitur initium faciamus, satis liquet, hoc viscus, cum ex meris vasis constructum sit, sanguine mirifice abundare, quippe per hoc innumerabiles vasorum propagines flexu multiplici & tortuoso serpunt, continuo itinere bronchia amplectentes. Ipsa quoque arteria pulmonalis, qua ex dextro cordis ventriculo in pulmones sanguis effunditur, majorem amplitudinem refert ipsa aorta. Præterea pulmonalis vena tot mirabiles ramos per hoc viscus dispergit, ut, si injiciatur liquida cera, insignis vasorum numerus insipientium oculis se offerat. Quod argumento esse potest, eos morbos, qui pulmones male habent, maxime ex sanguinis stagnatione ejusque per hoc viscus motu impedito provenire. Loquuntur id hæmoptysis, peripnevmonia, pleuritis, phthisis ceterique fere morbi omnes, qui in hoc viscus incidunt. Quibus recte perpenſis, evidens est, in pulmonum malis venæsectionem non succurrere solum, sed necessariam omnino esse, & cum ad ipsam curam tum ad præſervationem singularem præſtare opem. Atque hinc satis commode cernimus, omnia remedia, quæ sanguinem, qui intra hoc viscus coit, solvunt fluidumque reddunt, in pulmonum malis merito prædicari. Inter quæ remedia excellent infusa calida, quæ ex herbis balsamicis, & subtile sal nitrosum continentibus, parantur. Perſpicuum etiam inde est, in ejusmodi malis nihil infestius nihilque perniciosius esse, quam acida adstringentia, styptica, viscida, & quæ sanguinem in cursu suo impediunt, adhibere. Et quoniam pulmonem aspera arteria intrat, eaque interius membrana nervosa circumdatur, hinc necesse est, ut omnia acida & acria in pectoris adfectibus, quippe noxiosissima, sollicitè fugiantur. Hæc enim non tantum majorem sanguinis copiam alliciunt, quæ tamen jam præsto est, sed quod pessimum est, sanguinis etiam motum sistunt.

29. SEQUITVR, ut hepatis structuram oculis subjiciamus, quod

quod viscus, si ullum aliud, sanguine turgēt, & varia vasa, quorum numerum inire difficile est, ostendit. Imo ipsæ glandulæ, quæ hepar subeunt, nihil aliud sunt, quam innumera vasorum propagines, quæ a vena portæ & cava ortæ membranaceas cellulas ovalis figuræ convolutæ efformant, uti probe adnotat vir omni laudis genere abundans *Vieussens in novo vasorum systemate p. 119.* Glandulæ enim hepaticæ, muscum quasi exprimunt, qui ex variis vasculis varie intertextis & cohærentibus invicem coagmentatur. Quodsi itaque perpendimus, in hepar maximam sanguinis partem ex liene, omento, ventriculo ceterisque intestinis per venam portæ exonerari, hanc vero debito carere pulsu, facile intellectu erit, hoc viscus maxime stagnationibus sanguinis & iis malis, quæ inde sequuntur, obnoxium esse. Fatiscentem enim sanguinis motum per hoc viscus excipiunt obstructions vasorum, infarctus atque indurationes, & plurimi ex chronicis malis inde oriuntur. Nam si per venam portæ pariter ac per cavam clausum est sanguini iter, repetit viscera, unde exierat, & ad lienem, pancreas, mesenterium ceterasque partes derivatur. Quo fit, ut, dum ibi residet, vasa distendat, membranasque nerveas irritans varia spasmodica mala & obstructions excitet. Inde lymphæ extra vasa elabitur, inde tumores, hæmorrhoidum fluxus, vomitus cruentus, morbus niger & alia tot malorum agmina adoriuntur. Ut ejusmodi igitur mala a corpore arceantur, ex anatomia prudens medicus sine ullo negotio intelliget, caput curationis hoc esse, ut sanguinis motus per hoc viscus liberior reddatur. Unde auxilio sunt acidulæ, thermæ, aquæ salubres liberalius epotæ, item omnia amara, salina, salia fixa neutra, & ut breviter dicam, omnia, quæ fluidum sanguinem præstant, quæ robur solidis addunt, sanguinisque circulum pristinæ integritati restituunt. Cumque sanguis uberiori copia accumulatus, uti sæpe fieri solet, vehementer noceat, non arduum est judicare, sanguinis detractionem malis hujusmodi egregie auxiliari, eo quod

hæc sanguinis abundantiam, quæ extendendo vasa infestat & obstructions parit, salutari eventu imminuit.

30. PORRO in anatomia hepar diaphragmati adnectiprehendimus, quod singulari providentia ab autore naturæ eo fine factum est, ut diaphragmatis motu, quod respiratione crebriore fit, hepar simul concussum sanguinis motum imbecillio-rem alioquin adaugeat. Quod indicio esse potest, salubrem medicinam in ejusmodi morbis motum esse, & merito exinde gestationem, vecti- onem, equitationem ceterasque motus species ægrotis imperari. Si quis ulterius etiam perpendit, vasa hæmorrhoidalia, quæ secundum coli longitudinem & rectum intestinum exporriguntur, a trunco venæ portæ quam remotissima esse, omnem vero adscensum ad perpendiculum, uti dicunt, difficulter peragi, non potest non inde intelligi, quod, cum sanguis difficiliter per venam portæ abdominisque viscera transeat, facile stagnet, & ruptione vasorum facta, præsertim si spasmi insuper corripiant, sanguis per venarum ora profundatur. Utile inde est, in ejusmodi adfectu solidas partes roborare, sanguinisque motum per diluentia restituere, omnibus interdictis purgantibus ac-ribus, aloeticis, & adstringentibus, quippe quæ intestinum rectum irritando, in pejus salutarem alioquin hunc fluxum conjiciunt.

31. SATIS jam dictum de hepate, ideoque ad ipsum uterum digredimur, cujus penitior consideratio non parum momenti adfert ad curandas muliebris sexus passiones. Est uterus, anatomia teste, viscus idemtidem sanguineum, quod præter musculosam fibrosamque substantiam insigni vasorum multitudine abundat, quæ ex hypogastricis spermaticisque vasis flexuoso itinere in eum deferuntur. Et cum vasa hæc variis nexibus invicem sibi alligentur, atque implicentur, fieri omnino oportet, ut sanguis propter anfractuosos istos canales, præsertim ubi mole nimis turget, minus expedito circuitu per hanc partem volvatur. Ex his facile adsequi possumus,

sumus, quod, si sanguis ibi stagnet, minusque recte per tortuosos venarum anfractus revertatur, gravissima omnino mala impendeant. Quippe effusiones inde sanguinis, concretiones sanguineæ viscidæ, quæ polyporum nomine veniunt, & innumera denique mala, velut ex foecundo matris sinu enascuntur. Inde quoque frequentissimi abortus, hydropes, tumores, cachexiæ, obstructions, & quicquid denique malorum sequiorem sexum adfligit, oriuntur.

32. QUÆ cum ita sint, liquido affirmant, summo studio ea omnia vitanda esse, quæ sanguinis motum retardant, uti acida, styptica, adstringentia, quia his omnibus hæc mala exasperantur. Usui contra sunt, quæ sanguinem subtilem, floridum tenuemque efficiunt, partesque solidas firmant, ut vitalis humor eo promptius salutari flumine corpus irriget. In quem censum referenda sunt balnea, salia volatilia oleosa, amara balsamica, quæ medicamenta tempestive prudenterque adhibita, in dictis adfectibus opem certe non contemnendam pollicentur. Neque aliter sentiendum velim de venæsectione, quæ ab abortu ceterisque malis egregie tuetur.

33. LIENEM jam accedimus, ex illius textura, quid anatomia praxin juvet, perlustraturi. Adnotavit jam olim D. SPIGELIVS, variisque experimentis hodiernum adseruit anatomicorum, quos nostra ætas tulit, facile princeps RVYSCHIVS, lienem ex copiosissimis vasis arteriis & venis componi. Quod nonnullos ex recentioribus eo adduxit, ut viscus hoc pene vasculosum & quasi sanguineam glandulam existimarent. Nos certe inde facile videmus, lienem aptum esse natum sanguini, qui crassior ad illum accedit, attenuando, ut subtilior longe floridiorque ad hepar deferatur. Quibus cognitum manifestum omnino est, quanta noxa valetudini imminet, si lien obstruitur, si intumescit, & sanguine infarcitur, quia inde sanguis crassus & viscosus ad ceteras partes transit, & dum per angustias vasorum non bene progreditur, ibidem desidet variaque mala machinatur. Ex quo in praxi illud

annotari potest, contra ejusmodi mala nihil æque valere, nihil paratius eadem tollere, quam ea remedia, quæ sanguinem fluidum reddunt, vasa recludunt, obstructions referant, tonumque solidorum corroborant. Hisce enim efficitur, ut languens sanguinis motus excitetur, & expeditius iter suum absolvat, & illibato cursu in orbem feratur. Ad discutendum ergo viscosum sanguinem prodest potus salubris aquæ liberalior, & in promptu est ratio, cur thermæ & acidulæ in ejusmodi morbis juvent, omnibusque auxiliis longe sint superiores. Jam cum etiam solidarum partium tono circulatio sanguinis adjuvetur, hic vero tonus distentione vasorum languescat, facile adparet, leniter adstringentia, uti sunt martialia & sic dicta splenetica, in hujusmodi adfectibus non esse negligenda.

34. INTER sanguinea viscera merito & renes numeramus, quorum cognitio in praxi utilissima minus a nobis debet præteriri. In his enim secretio seri falsi a liberiori sanguinis circulatione per hoc viscus unice dependet, quem sanguinis motum per renes celerrimum esse duobus maxime compertum est argumentis. Primum enim arteriæ emulgentes non multum distant a corde, in quo systole articularum vehementissima est, deinde liquida, quæ intra corpus adsumuntur, brevi spatio per vesicam descendunt. Idque in calido inprimis potu accidit, uti infuso Thee veronicæ item cerevisia tenui, ex quorum potu copiosa mox urina effunditur. Quæcunque igitur mala renes vexant, uti sunt ulceratio, inflammatio, calculi dolor, urinæ suppressio vel profluvium, ex sanguinis stagnatione proficiscuntur. Discere inde potest practicus, sanguinis abundantiam, seu plethoram horum malorum causam esse, adeoque iisdem optime sanguinis detractatione subveniri. Discimus etiam inde, thermas, acidulas, item infusa calida ex herbis veronicæ, hederæ terrestris, & aliaquæ coagulatum sanguinem dissipant, in renum malis convenire.

35. PECULIAREM etiam animadversionem desiderant membranaceæ corporis partes, quia multum interest harum structuram, quippe quæ subtilissimo sensu instructæ sunt, a medico intelligi. Sunt vero hæc viscera, quæ ex membranis maxime constant, ventriculus, oesophagus, intestina & vesica. Nempe ex anatomia colligitur, eas partes, quæ ex membranis constructæ sunt, parum sanguinis vehere, easdem vero multis nervorum ramis fibrisque carneis eo fine instructas esse, ut & contrahere & relaxare se possint. Quibus de causis ad spasmos promptæ paratæque sunt, unde sanguis per pressas ac impeditas venas segnius progrediens facillime stagnat, & pestifera inde mala producit. Videmus enim inflammationes exinde ortas periculosissimas quoniam partes nerveæ totum genus nervosum propter incredibile illud nervorum commercium simul irritant & adficiunt, ita, ut gravissima symptomata plerumque conjungantur; quippe huic malo adfunt febres acutæ, vigiliæ, cibi fastidium, internarum partium ardor, externarum frigus, inquietudo, convulsiones, animique alienatio. Emergit etiam inde hoc, quod quo nobilius præstantiusque sit membrum, eo gravior ac periculosior existimari debeat inflammatio, tantoque magis adniti, ut mature imbecillitati jacentis succurratur. Cujus doctrinæ ratio demonstrat, ad defendendum ab hoc malo corpus ea expedire remedia, quæ tonum atque vires harum partium tuentur, & nec adstringunt nec nimis relaxant. Inter quæ laudare juvat nervina, temperata balsamica, item infusa herbarum calida, salia volatilia oleosa, essentias alexipharmacas &c. Opus etiam est, ut sanguis, si abundat, detrahatur, & contra omnia purgantia, vomitoria, styptica, opiata, ex victu acida, viscosa & quæ frigore corpus vexant, removeantur, eo quod eiusmodi res, fibras ad spasmos sollicitando, facile hoc malum provocant.

36. UT speciatim vero strictimque aliquid de ventriculo dicamus, dignitas & amplitudo hujus visceris exigit. In quo

quo cum cetera tum hoc inprimis memorabile est, quod in superiore cavitate sinistrae partis vasa sanguinea brevia tenuissima membrana muniantur, carnea & villosa exinde tenuissima ibidem existente. Ex quo dilucide liquet, cur in malo hypochondriaco & obstructione lienis haec vasa copia sanguinis distenta facile rumpantur, & per os copiosum sanguinem effundant. Qui cruentus vomitus familiaris etiam feminis esse solet, non alia de causa, quam quod sanguis, qui per menstrua exire debebat, retentus & ad ventriculum delatus vasa haec primum distendat, deinde plane disrumpat. Porro fundus ventriculi & inferius ejus osculum, item duodenum crassa admodum & villosa tunica teguntur, qua nervea, eaque sensibilis tunica investitur, ut ideo minus mirari debeamus, cur haec intestinorum partes reliquis sensu omnino cedant, cum anatomica demonstratio illas tunica hac destitutas doceat. Quod prudenti quidem naturae instituto factum esse constat, ne bile vel alimentis, quae in his partibus maxime morantur, irritata haec tunica sanitati sit molesta. Unde & in praxi illud intelligi potest, salina purgantia & quae clementer alvum provocant, nihil in ejusmodi morbis proficere, ubi moles acidæ vel biliosæ materiae ventriculi fundo, duodeno, jejunique principio insidet; quippe haec partes, sensu hebetiore praeditae stimulos ejusmodi remedium non sentiunt. Nihil vero educendis his sordibus, quae altius inhaerent aptius est, quam lenia emetica; etenim haec sulphure & sale subtili caustico, quo constant, villosam tunicam penetrant, & nerveam irritando, facile spasmodicam in his partibus contractionem efficiunt, unde sordes, quae intra eas desident, vi remedii eliciuntur.

37. DVM de duodeno loquimur, non inutile fuerit, texturam ejus accuratiorem, paucis adhuc satis exploratam, breviter explicare. Imitatur duodenum sacculum & parvum quasi ventriculum refert, ea naturae providentia, ut bilis ex ductibus suis in hoc intestinum effusa longius ibi morari possit,

fit, quo eo melius cum cibis, quod ad sanitatem apprime necessarium est, commisceatur. Quæ cum ita sint, nihil est dubii, quin ex hoc sacculo magnum morborum fiat proven- tus, si bilis copiosior ibi hæret, & si præsertim motus languet mora longiore corrupta virulentam naturam induit. Cer- tum omnino est, & urgeo unice, quod scio, hujus rei animad- versionem, in hoc sacculo gravissimorum malorum causas con- tineri. Quo præcipue intermittentes tertianas ardentesque & biliosas febres, item dysenteriam, diarrhoeam & cardial- giam referre licet. Delitescit etiam ibi materia maligna, quæ in sanguinem postea translata variolas, purpuram, varii- que generis dolores suscitatur. Ex quo haud temere colligi- tur, non exoptatius præstantiusque in ejusmodi malis, vel u- bi ab iisdem metus est dari præsidium, quam ut leni emetico ille morborum fomes exhauriatur, ne evacuatis diligenter sordibus, sanguis iisdem commaculetur. Pertinent huc et- iam nitrosa absorbentia abstersiva, quæ proxime in materi- am morbi agunt, ejusdemque aculeos infringunt.

38. NEFAS foret necessarium corporis nostri humorem, bilem hoc loco præterire, cujus copia in corpore merito mi- randa est, cum in amplissimo hoc viscere generata per duo itinera intestinis infundatur. Cujus quidem rei non alia causa est, quam quod hic humor summe necessarius sit corpo- ri, dum duodenum & prima intestina subeundo, cum chylo miscetur, contentaque ad exitum proritat. Unde & com- mode addiscimus, bilem plurimum sanitati conferre, ean- demque si corrupta est, aut deficit, varia mala excitare. Quod argumentum cum proluxa dissertatione persecutus sim, super- vacuum esse existimo, huic diutius immorari. Illud tamen exinde commodi in praxin fluit, omnia, quæ bilis defectum, ejusdemque temperiem & balsamicam amaritudinem resti- tuunt, optima valetudinis tuendæ esse præsidia. Quapro- pter digna laude sunt amara extracta absynthii, centaurei mi- noris, cardui bened. extracti aloes & huius census alia. Sicut

(Hoffm. Opusc. patholog.)

O

enim

enim bilis secundum naturam constituta, intestinorum motum roborat, & excretionem alvi debito motu adjuvat, acidumque & viscidum incidit, & sic a frigidis maxime morbis corpus tuetur: ita nec dubium est, quin amara, adjectis balsamicis, in ejusmodi malis insignem præstent usum. Jam nec ratio deest, cur hæc remedia cachexiæ, hydropi, malo hysterico & hypochondriaco egregie opitulentur.

40. NON alienum jam erit, de lymphæ circulo, & quid idem in praxi præstet, paucis differere. Et primo quidem scire oportet, lympham seu tenuissimam lectissimamque feri partem, ab arteriis separari, per vasa vero lymphatica ad ductum thoracicum & ad cor revehi, ea intentione, ut sufficiente humore sanguis irrigetur. Ex quo illud attendimus, debito fluido corpus inprimis nostrum sustineri. Chymicis enim staticisque constat experimentis, vitalem nostrum fontem unam tantum partem solidi, undecim vero humidi continere. Proinde fluidum omnino præcipuum elementum est sanguinis, quo hic conservatur, quo ita diluitur, ut per angustos vasorum tubulos commode pervolvatur. Neque ignotum inde esse potest, quid fluidum, etiam copiosissime adsumtum ad bonam valetudinem faciat, quod quo levius, quo subtilius & tenuius sanguinisque mixtioni non alienum est, eo præstantius jure habebitur. Quem in finem sagacius examinare aquas debet medicus, ut sciat, quæ in potum maxime dandæ ægris sint, & quæ valetudini conducant. Neque minus inde perspiciet, ad sanguinem crassum resolvendum nihil æque valere, quam humidi abundantiam & hinc in pertinacissimis etiam malis, uti sunt, quæ ex obstructionibus viscerum & sanguinis viscositate nascuntur, acidulas & thermas optimam ferre opem, sed ut maiori in copia hauriantur, necesse est.

41. ANATOMICA lymphæ contemplatio illud etiam docet, lymphæ cursum, quem retro instituit, esse difficillimum. Cui negotio ut solertia naturæ succurreret, vasa lymph-

pha-

phatica multis diverticulis instruxit, dum glandulas conglobatas, per quas transeunt vasa lymphatica, fibris nerveis corroboravit, ut earum robore & impulsu tanto promptius lymphæ cursus ad cor peragatur. Inde etiam est, quod sollertissimus vasorum lymphaticorum scrutator NVCKIVS recte eas cum siphonibus conferat. Quodsi itaque hic motus languescit, si lymphæ viscida sit, vel vires deficiunt, ipsa lymphæ circa glandulas subsistit, easque obstruit. Ipsa vero lymphæ dum conveniens ipsi motus deest, corrumpitur, vappescit & multis iisque gravibus malis occasionem subministrat, qualia sunt, quæ ex impuritate lymphæ fiunt & deformando atque erodendo cutem se produnt. Inter quæ lepra, herpes, pustulæ, scabies, scorbutus, lues venerea &c. numerantur. Considerata igitur ejusmodi morborum causa, quam sine anatomia nunquam adsequimur, commode medicus admonetur, in iis curandis lymphæ imprimis circuitum esse restituendum, i. e. glandulas obstructas esse aperiendas, ut lymphæ motus augeatur. Ideoque in ejusmodi casu non venæ sectiones, non purgantia, non absorbentia vel salia juvant, sed validiora oportet adhibere, quæ penetrant, quorum textura salva & incolumis manet, & quæ stimulando fibras, vasa & glandulas recludunt. Hæc autem regnum minerale suppeditat, uti sunt sulphura metallorum, antimonialia, mercurialia, quorum mirabilis in glandulas & lymphæ motum vis non satis potest deprædicari.

30. LYPHÆ circulus si impeditur, præsertim ab hepate obstructo, vasa lymphatica intumescunt primum, deinde etiam rumpuntur, unde serum extra vasa in copia delatum varias hydropis species producit, quæ pro diversitate partis diversis nominibus insigniuntur. Ex quo manifesto demonstratur, ægre hos morbos curationem admittere: quam difficile enim sit, indurata viscera emollire & disrupta consolidare vasa, non multa indiget probatione.

31. ACCEDIMVS jam ad cerebrum nervorumque systema, ut & ex horum consideratione anatomiae in praxi usum confirmemus. Et veteres quidem has partes frigidas appellarunt, non quod ipsis non calor suus constet, sed quia cum aliis membris collatae pauciore sanguine perluuntur. Sensus porro in se & sua substantia caret cerebrum, unde & facile elucet, minus conferre his partibus sanguinis in corpore paucitatem, sicuti videmus, sub sanguinis missione, sub largiore ejus fluxu animum deficere, manifesto documento, his partibus inde suum quasi pabulum subtrahi. Discimus exinde, calidiora cerebro imprimis esse amica, quia haec, membranarum robur addendo, circulum sanguinis celeriores promptioresque per cerebrum efficiunt. Quare non laude carent sic dicta cephalica, uti sunt olea destillata ex herbis aromaticis parata, item balsama apoplectica & salia volatilia oleosa. Nam si membranis cerebri minus roboris inest, facile in iis sanguis detinetur, unde gravissimi adfectus proveniunt. Hujusmodi sunt apoplexia, aphonia, melancholia, visus auditusque difficultas, gutta serena, incubus, insomnia terroris plena, affectus soporosi, sensuumque & motuum imminutio. Quam egregie autem morbos roborantia depellunt, tam infeste contra cerebro sunt eiusmodi res, quae nimiam laxitatem frigus torporemque ipsi inducunt: Quo ex numero sunt vaporosa, aer humidior, copiosior somnus, animi adfectus & imprimis moestitia, & quaecunque sulphure vaporoso caput feriunt, ut fere opiata, narcotica, nec non acida, refrigerantia fructusque autumnales. Prosumt contra salia volatilia oleosa balsamica, ex quibus eminet balsamum nostrum liquidum, quod cum ex optimis & genuinis oleis, quae difficulter alibi reperias, compositum sit, in cerebri nervorumque adfectibus cum mirifico levamine in subsidium vocatur. Pari ratione inde admonemur, in malis, quae ex capite nervorumque obstructione proveniunt, uti paralytis est, externa remedia balsamica non tam debilitato membro, quam principio nervorum & nuchae recte superimponi.

32. SUPERESSET iam ut in amplissimam de nervis doctrinam excurreremus, sed sufficet, paucis hanc doctrinæ partem attigisse. Certe si quid ex anatomia medicum scire expedit, nervorum mirabilem structuram & consensum accurate teneat necesse est. Nisi enim hac ornatus est notitia, non discernere potest, unde originem habeant symptomata, & quæ mala per consensum tantum adficiant. Unde quos errores in praxi admittere possint medici, non difficile est intellectu. In genere enim monendum est, causam morbi curandam esse, & finire facere eum medicum, qui ignarus anatomiae, neglecta causa ad symptomata oculos deflectit. Symptomatum vero non alia ratio est, quam quod partes nerveæ intime inter se conspirant, unde mirificus iste consensus excitatur: nam mirabile certe est, quod una parte nervea commota, totum simul corpus concutitur. Ita a graviore remotæ etiam partis dolore, a nervo vel tendine læso, a dolore calculi, a dolore colico, ilii &c. febres, deliria, convulsiones & alia atrocissima proficiscuntur mala.

33. INTERCOSTALIS ramus & par octavum omnes fere corporis partes pervagantur, ex quo plerumque accidit, ut capitis adfectus, epilepsiam, apoplexiam, item contusionem capitis, vomitus, diarrhoea, asthma, alvi constrictio, urinæ suppressio & præcordiorum spiritusque gravitas excipiant. Idem in passione hypochondriaca vel hysterica evenit, in hac quippe si a flatibus, vel ab acri materia plexus nervosi mesenterii, ventriculi & pulmonum nervi trahuntur, strangulatio faucium, cordis palpitatio, vertigo, capitis dolor, animi defectio, cervicis dolor, asthma, catalepsis & convulsiones imminet. Nihil ageret hic medicus, qui symptomatum habitata ratione contra hæc remedia pararet, cum tamen, si causam satis perspectam haberet, tanta malorum moles unico sæpe carminativo clystere, vel antispasmodico medicamento possit removeri. Dolori ex calculo sæpius vomitus, colicus dolor, stupor femoris, testis retractio, quandoque etiam,

quod magis terrere potest, epilepsia, & summa præcordiorum anxietas iungitur, quo casu non alia causa subest, quam quod intercostales & paris octavi nervi vesicam atque renes ingrediuntur. Neglectis itaque symptomatibus, ad calculi dolorem cura hic convertenda est medico, quo levato & cetera mala exspirabunt. Ad quem scopum impetrandum balnea, unguenta oleosa & blanda anodyna commendamus, ut relaxatis viis dolor sopiatur.

34. *ÆQUE* necessaria observatio est circa vermes, qui si intestinum ileon occupant, membranam eius nerveam arrodendo, sævos in pueris spasmos & convulsiones excitant. Quæ tamen symptomata facile cessabunt, si medicus, cognita malorum causa, remedia recte suppeditat, & lumbricos per anthelmintica enecare satagit. Erosionem vesicæ a calculo infesti sæpe dolores, tenesmus, cibi fastidium, vigiliæ, sudoresque frigidi consequuntur. Si ad causam mali, anatomix beneficio, animum advertimus, facile adparebit, ad propellenda tot mala curam in submovendo calculo defigi oportere; quod optime impetramus oleosis & balneis, vel si nimium urget malum, de calculo perita manu extrahendo est cogitandum.

35. *LONGVM* foret, & reliquarum partium meminisse, quæ ex mirabili illo nervorum vinculo, quo invicem arctissime connectuntur, gravissimis tormentis cruciantur. Ex re tamen nostra erit, pauca de hoc argumento adduxisse. Ita dentium dolorem, dentitionem difficilem in pueris, atrocissima mala, ut diarrhoea, tussis, febres, alvus adstricta, præcordiorum gravitas, convulsiones & alia comitantur: quæ symptomata cum tantum non opprimant ægrotum, statim remittunt, sedato dolore, vel evulso etiam dente, qui negotium facessabat. Mirum vero est, quam atroces cruciatus inflammatum ventriculum comitentur, quia hæc corporis pars eximiis instructa nervis totum simul corpus adficit. Inde ab adsumto veneno, ab acri materia intra ventriculum laten-

latente cardialgiæ intolerabiles, deliria, anxietates funesto sæpe eventu excitantur. Internæ porro partes, maximeque pectoris regio, exæstuant & velut flamma extormentur, externæ contra frigent, pulsus denique venarum inæqualiter moventur: quæ symptomata cum gravia & truculenta sint, medicum quidem terrere quam maxime possunt, omnia tamen decedunt, si ventriculo consulitur, ejecto per olea vel per lac veneno, five materia acri convenientibus auxiliis attemperata. Neque minus in vulneribus tendinum id evenit, quippe nonnunquam ex læso manus vel pedis digito, ex clavo imprudenter exciso, ingens malorum agmen concitatur. Tum enim spasmi cynici, convulsiones, dolores & alia symptomata exercent, quæ summum sæpe periculum ægroto minantur. Remittit tamen hic symptomatum furor, si tempestivo remedio nervorum dolor mitigatur.

36. In hysterica passione, solemni feminis malo, ægræ velut apoplexia vel fulmine tactæ prosternuntur, dum ob nervos paris octavi & vagi, qui uterum subeunt, membranæ cerebri simul adfectæ spasmio corripuntur. Ut taceamus reliqua mala, quæ, quum infesto agmine in hoc adfectu ægrotas adpetant, non aliunde proveniunt, quam quod nervi continua serie per totum corpus eiusque partes extenduntur.

37. Ex hoc mirifico nervorum consensu accersenda sæpe ratio est adfectuum, in quibus bilis non immerito arguitur. Nam cum plexus hepaticus nervorum & qui ad vesicam felleam fertur, pylorum, pancreas & duodenum simul percurrat, ratio in promptu est, cur irritato ventriculo bilis cum ex ductibus tum ex cystide prorumpat, & quare icterus ipsum ventriculum simul adficiat, ad nauseam ac vomitum eundem stimulando.

38. URETERVM quoque & vesicæ magna est consensio, quod iidem nervi per has partes indissolubili vinculo pervagantur. Unde si ureterum principium ex calculo vel spasmio

mo dolet, non raro, urinæ suppressio, stranguria & frustra-
nea mingendi cupiditas adsociatur.

39. SED satis jam huic argumento de nervorum consen-
su immorati sumus, quod tamen, si omnia persequenda es-
sent, diutius nos moraretur. Interim & ex hoc habebit
medicus, quod discat, & in quo proficere possit, ut cau-
sam morbi a symptomatibus recte discernat. Ceterum qui plu-
ra de hoc legere cupit, adeat diligentissimum hujus rei
scriptorem *CL. Vieussens*, qui effusiore stilo hanc de nervis
doctrinam pertractavit. Licet vero omnia, quæ adduxi-
mus, satis superque anatomiae in praxi usum comprobent,
chirurgia tamen, si in hujus contemplationem descendere
placeret, magis eundem comprobatura esset. Hujus enim
effectus inter omnes medicinae partes evidentissimus est, cum
contra in internorum morborum curatione dubitari sæpe
possit, medicinae an naturæ beneficio secunda valetudo con-
tigerit. At in ea artis parte, quæ manu curat, oculis sta-
tim deprehenditur, medici inprimis manu aegrum adjuvari.
Vnde facile adparet, quantum ex chirurgia laudem ferre
possit medicus, qui anatomica corporis scientia imbu-
sus hanc ad usum rite transferre novit. Plura de anatomiae
in chirurgia usu non addo, quum hæc materia tan-
tæ sit dignitatis, ut peculiarem postu-
let tractationem.



DISSERTATIO. V.
DE
MORBIS FOETIVM IN
UTERO MATERNO.

§. I.

TAM misera ac ærumnosa generis humani conditio est, ut non modo innumeris malis per vitam homines crucientur, verum etiam, ut intra carceres uterinos adhuc conclusi foetus, antequam vitali hac aura fruantur, & lucem aspiciant, a malis atque ægreditudinibus non immunes sint. Ita nihil familiarius est, quam ut foetus in utero, ex gravi præsertim matris affectu, convulsionibus & inordinatis membrorum agitationibus, matre id abunde persentiente, distorqueantur. Insuper ipsa experientia addocet quotidiana, peculiaribus morbis eos in utero affligi, & afflictos in lucem prodire. Tanta vero matrum cum foetibus, quos utero gerunt, est consensio, ut hi illis intime compatiuntur, adeo, ut non modo, ad omnem gravem animi affectum matris, tristitiam & iram, teneræ foetuum fibrillæ, in anomolos motus concitentur, sed quod magis est, a forti imaginatione eorum, quæ in sensus inciderunt, formatio partium plane impediatur, turbetur, ac vitietur, similesque characteres ac imagines, quas mater in cerebrum recipit, tenello infanti certis in partibus affricentur. Ex quibus abunde dilucescit, magnam esse sympathiam ac affinitatem matris cum foetu quoad partes spirituosas impetum facientes, sive ipsam animam, ut loquuntur, sensitivam. Similis quoque consensus manifesto deprehenditur, inter fluidas, humidas, ac solidas matris partes: unde si ipsæ conceperunt vitium & dyscrasiam, ipsi infantes mox in utero labem inde luunt, similibusque morbis afficiuntur, vel extra uterum

(Hoffm. Opusc. patholog.)

P

rum

ruin degentes ad eosdem affectus, qui successu temporis sese exserunt, dispositi sunt. Hæc omnia cum profundius paulo mecum meditatus fuerim, placuit affectus hos morbosos, qui infantibus in utero familiares esse solent, recensere atque evolvere; præsertim cum hanc materiam speciali labore tractatam nondum mihi videre contigerit. Spe nitor firmissima, fore, ut opus hoc, & labor, non sine utilitate, atque emolumento proximi esse possit.

2. PRINCEPS autem nostra erit intentio, ex fide dignis auctoribus & observationibus historias atque exempla afferre variorum morborum, quibus foetus in ipsius uteri ergastulo laborarunt, & afflicti fuerunt, quorum postea ortum ac causas specialius, quantum fieri potest, inquirere, & qua ratione in posterum averti possint, exactius paulo perscrutari lubet. Primum autem morbum variolarum, quo gravida corripitur, sæpe in ipsum foetum transire deprehendimus. Ita *Hildan. Cent. IV. Obs. 56.* duo insinuat exempla foetus nempe masculini, itemque foeminini variolosorum, qui a matre tali morbo laborante, prodierunt: similem casum refert *Thom. Bartholin. Cent. IV. histor. 50. ubi anno 1656.* in Dania illud accidisse tradidit. *Forestus* quoque auctor fide dignus observavit *libro 5. Obs. 44. p. 196* foetum a variolis non fuisse immunem. Ita etiam *Mællenbroccius in Miscell. Natur. Curios. Dec. I. p. I. p. 131.* hanc dedit observationem; generosi cuiusdam viri uxor, cum ante variolis laborasset, filiam peperit vestigiis variolarum conspicuam. Unde liquet ipsam adhuc in utero materno, simul cum matre, variolis fuisse affectam. *Miscell. Not. Curios. Dec. II. An. VI. Obs. 61.* hanc recensent historiam: iuvenula quædam gravida, dum detenta esset variolis, enixa est foetum, in toto corpusculo variolis plenum. Plura evolvi possunt exempla in *Dec. I. AN. I. Obs. 53. ut. Rhodii Cent. III. Obs. 83, in Bartholini Cent. III. epistola 85.* At vero illud non perpetuo contingere, ut mater variolosa infantem in utero talem quoque reddat, præclare ostendit.

ostendit *Borrachius in Act. Med. Hafniensibus vol. V. Obs. 75.* adducens exemplum infantis, qui sine variolis a matre, quæ gravissime istis laboravit, exclusus fuerit. Prout etiam fœtum in claustro materno hærentem variolis corripit matre ab iisdem immuni, *Joh. Fernelii testimonio in primis constat, qui libro II. de abditis rerum causis Cap. 12. Sæpe, inquit, deprehensum, prægnantes maturos fœtus edidisse hac lue per-fusos, quarum aliæ nihil omnino foris, aliæ non nisi multis post diebus, incommoda senserunt, idque proprio suo exemplo Francisc. Mauriceau lib. I. de morbis gravidarum cap. 2. comprobat.* Morbillorum morbo infantes quoque in utero materno affligi identidem experientia comprobat. Ita Baronissa de K. ultimo imprægnationis mense corripiebatur morbillis periculossissime, restituebatur quidem feliciter per convenientia auxilia, attamen fœtus, qui statim prodibat, maculas rubras ostendebat, *vid. Dec. II. An. III. Obs. 97.*

3. MAIUS adhuc & atrocius malum est, lues venerea, quam ex corporibus gravidarum transfusam in fœtus legimus, qua de re consuli possunt *Dec. II. An. VI. Obs. 61. & Mons. Gervais Ucay, vid. Problem Curieux XII. dans le nouveau traite de la maladie venerienne.*

4. PERQVAM familiaris quoque & communis morbus est ipsis fœtibus cum matre icterus, quem puerum in utero matris contraxisse *Panorolus Pentecost. IV. Obs. 44. p. 137. recenset.* Curiosa est observatio *57. Kerkringii*, quam narrat hoc modo: mater ictero laborans, octavo gravitationis mense peperit mortuum puerum, sed ita flavum, ut de cera factus, non partus humanus videretur, sic, inquit, eum potestatis meæ factum seco, pro sanguine humorem fellis instar flavum reperio, eumque diligenter, lagena exceptum servo: ad ossa ut perventum, ea sicerant, eodem humore, eodemque colore flavo imbuta, ut si non ipse secuissem corpusculum, illud mihi, atque arte tinctum fuisse putarim. Est penes me etiamnum plena isto sanguine lagena, est sceleton ipsius pueri,

non minus rara sui compositione, quam colore isto visendum. Vix credes fucum abesse, nisi sinceritatem meam ex aliis, quæ hic narro, & in museo servata ostendo, comprobaveris vid. *Obs.* 57.

5. QVOD attinet ad febres intermittentes, eæ ipsæ quoque, si matres gravidæ illis laborant, in prolem transire solent. In huius rei confirmationem meretur adduci egregius locus ex *Fernelio*, qui exstat *Path. lib. I. cap. XI.* si gravida medio gestationis tempore quartana febris afficitur, partum edi, qui diu postea quartana febris conflictabitur, atque si nono ea mense phrenitide prematur, prolem gigni in pleuritidem proclivem, quemadmodum & eius, cui abscessus ex octavo mense præruperat, filium in omnem vitam habuisse purulentas aures, unde intelligi potest, non modo prima conformatione ex semine, verum etiam toto gestationis tempore, tum ex materno sanguine, tum ex aliis humoribus, atque alimentis morborum proclivitates in fœtum contrahi. Similem observationem conspicias in *Dec. II. An. 5. Obs.* 44. foeminam nempe cuiusdam militis invaserat pertinax quartana altero statim mense, ultimis mensibus ante & post paroxysmum embryonem maxime inquietum, tremulum, & ab uno in aliud latus sese volutantem manifeste sensit, ut tristem sibi met ipsa prædiceret eventum, tandem superato eodem terribili paroxysmo circa decimam vespertinam peperit filiolum, quæ una eademque hora, una cum matre febre ista misere affligebatur, & tenerrimo corpusculo, septimam usque in septimanam, gravissimos hos sustinuit insultus. Huiusmodi exempli ipsemet quoque memini quod ante 10. annos in consulis primarii Ascaniensis uxore gravida quartana laborante notavi, cui remediis opem tuli; quæ filium enixa est, per longum tempus eadem febre correptum. Illud autem observatione erat dignum, quod brevi post partum matrem deseruerit, *Dan. Puerarius* medicus testatur, *Genevæ*, recensente *Barthol. Cent. IV. Ep.* 86. p. 488. observatos a se infantes, qui in utero materno

erno febricitarunt, certissimis cum indiciis, & quorum demortuorum totius corporis habitus maculis quibusdam rubris & lividis distincti fuerint. Meretur quoque adduci hic historia, quam recenset *Gockelius Dec. II. An. VI. Obs. 131.* Fœmina quædam binos ante puerperium menses, tertiana exquisita laborans, curata vero, justo tempore puellam peperit cum cuticula pustulosa, quam paulo post plenaria velut excoctio exceptit, haud secus, ac si fervida aqua macerata esset cutis, cuticula vero regenerata fuit medicamentis oleosis, in specie oleo lini tepefacto.

6. HYDROPICVM quoque tumorem in fœtum ex vitio matris derivari posse, experientia testatum facit. Ita uxor gravida ex ingenti terrore propter incendium fiti molestissima urgetur, quam cerevisiæ secundariæ largiori potu abigere tentavit, decimo autem post die enixa est filiolum hydropicam, quæ, medicamentis nihil quicquam conferentibus, paucis post diebus hydrope periit. Hydrocephalus, uti est affectus familiaris & quasi proprius infantibus, ita prostant exempla, eum in utero jam radices suas sumsisse. Sic *Blancardus in Collect. Phys. Med. Cent. 1. Obs. 73. fol. 65.* se in septem mensium abortu inter duram ac piam matrem magnam aquæ sanguineæ latentem quantitatem animadvertisse memorat. *Balduin. Rusæus de extractione fœtus Cap. 23.* se puerum quendam vidisse hydrocephalo laborantem scribit, cui mortuo in lucem prodeunti caput toto corpore fuit gravius. *Ioh. LEDERIVS Miscell. Curios. Dec. II. A. II. Obs. 178.* exemplum habet pueri masculi, cui recens nato caput hydrocephalo obsidebatur, cuiusque non multo post mortui cerebrum non excedebat calami scriptorii crassitiem, quo separato, loco ventriculorum offendisse se, ait, amplam quasi vesicam limpidissima & insipida aqua repletam, quantitate uncias L. excedente. Simile exemplum exhibet *Frid. RVYSCHIVS in thes. anatomic.* adiuncta icone elegantissima.

7. RECENSENDVM quoque est egregium exemplum de
P 3 vesi

vesicæ calculo, qui in ipso infante intra uterum concretus fuit; ante viginti nempe & quod excurrit annos, Serenissimi Ducis Zeizensis Mauritii uxor ex renali calculo magnos subinde dolores perpeffa, peperit filiam principem, quæ mox a partu atrociora tormina experta fuit, præsertim in mictione, tertia septimana moriebatur, aperto corpore in vesica inventus fuit calculus instar nuclei mali perfici maioris. Nullum hic dubium est, iam in utero, lapidem accepisse sua rudimenta ac principia: extra uterum enim, tam brevi temporis spatio tantæ magnitudinis lapis gigni vix poterat.

3. NULLVS autem affectus familiarior solet esse proli in utero, quam epilepsia, utpote subinde experiuntur gravidæ, a vehementi animi motu seu terrore seu ira ingentes iactationes ac volutationes fœtus in utero, ut sæpius ipsæ exinde deficere videantur. Multo magis autem illud ipsum apparet, si mater, quæ utero gerit, sævissimo hoc morbo corripitur. Memorabilis hinc est casus, quem insinuant *Miscell. Nat. Cur. Dec. I. A. III. Obs. 106.* foemina ultra quartum mensem gravida epilepsia corripiebatur crebra, effluebat ei postea e pudendis albicans humor teterissimi odoris cum ipsorum tumore anxietate ingenti, inguinum doloribus, & summa virium prostratione; existimarunt fœtum esse mortuum, mox autem motum fœtus percepit ægra vehementissimum & simulac fuerunt propinata epileptica, convulsivum motum fœtus sensit, tandem convulsa his graviter in paroxysmo peperit filium, & ab eo tempore, nec mater, nec filius sensit insultus. Maiorem adhuc considerationem meretur observatio, quam allegatam habemus *Dec. II. A. IV. Obs. 15. Misc. N. Cur.* Foemina ultimis gestationis mensibus, de molesto admodum & sæpius recipiente fœtus motu conquerebatur, præsertim cum inde ita defatigaretur, ut non raro animi deliquis proxima, hic motus subsultorius suos quasi rythmos observans, quoties percipiebatur, toties matris abdomen percutiebat, singulis diebus ter ad minimum

nimum hunc paroxysmum illa sustinebat. Effectum tandem est medicamentis acredinem obtundentibus, ut cessante motu hoc convulsivo, fœtus absque violentia naturaliter sese moveret, sanusque aliquot post septimanas in lucem mitteretur.

9. ULTIMO loco memorandum etiam aliquid est de malo, quod non adeo raro contingit: quando nempe infantes in lucem eduntur intestinis, vel etiam visceribus extra naturalem abdominis cavitatem propendentibus, in abdomine circa umbilicum facta ruptura, tale quid ante XII. annos observavi Halberstadii in infante, qui nascebatur sine apertura ani, & sine distinctione sexus, magna autem moles intestinorum, flavo obscuro colore tinctorum, propendebat extra corpus, quæ erat intestini coli portio, cum dimidia parte ilei, mirifice erant expansa, & succo foetido, obscure nigricantis coloris referta tertio die moriebatur infans, baptismo prius accepto. Similis casus ante aliquot annos Querfurti a Dn. SCHAVMBVRGO Practico & Physico ibi egregio animadversus est. *Blancardus lib. de morbis puerorum Obs. XI. lib. I. fol. 299.* meminit infantis, qui intestinis extra abdomen propendentibus natus erat. *Et Elzbulzius de conceptione tubaria* ita scribit: foemina primipara vivum enixa est puerum prope umbilicum in sinistro latere rotundo tumore, & caput infantile magnitudine multum superante, deformatum. Ut vero appareret, quid intus aleret tumor ille, apertio fuit concessa, ubi portionem magnam intestinorum inclusam deprehendimus, copiosa flavescente aqua abdominis viscera, cæterum naturaliter se habentia nec ulla labe deturpata, circumfluente. Innotuitque una cum peritoneo tendinosam illam musculorum abdominis partem, quæ lineam albam constituit, fuisse disruptam, sicque per datam portam erumpentibus intestinis extensioni aptam cutis substantiam cessisse. Dantur etiam exempla, ubi a causa externa & violenta fœtibus in utero læsio quædam ac vitium acce-

accedere potest, maxime in conformatione partium solidarum. Ita historias legere licet, ubi infantes pronati fuere cum umbilicali hernia, sive potius eius prominentia, quæ nihil aliud solet esse, quam umbilicalis funiculi maxima dilatatio, nam aperto hoc, illico in conspectum venit peritoneum. Vitium tale evenire potest, si gestationis tempore lapsa fuerit mater, vel ventrem duro corpori admoverit: quæ de re legi meretur *Stalpart. van der Wiel Cent. II. Obs. 23.*

10. RESTAT iam, ut etiam hoc loco quædam recenseamus exempla, quibus corroborari ac demonstrari possit, perversum ac concitatum spirituum animalium motum per graves animi affectus insigne damnum & atrocia symptomata inferre posse fœtibus. Sicuti autem nullus perniciosior generi humano affectus, & præsertim gravidis est, quam terror: ita etiam ultra modum infestus solet esse tenerrimis in utero fœtibus, Ita in *Miscell. Curios. Dec. II. A. X. Obs. 18. Sommerus* recenset historiam, ubi mater sexto mense prægnans, gravissimo terrore perculsa, omnibus viribus destituebatur, & omnis fœtus motus per viginti quatuor dies disparebat, ut inter propriarum virium extremam iacturam de vita fœtus actum esse mater indubie crederet. Interim continua analepticonum interna & externa applicatione, post tres septimanas fœtus tremore quodam intercalari animulam superesse adhuc docebat, & semper cum matris anxio dolore, post hæc successive veri fœtus motus redibant. Memoratu quoque digna est *Obs. 83. Dec. I. A. II. Miscell.* grævida nempe circa initium noni mensis inopinato metu percellitur propter incendium in urbe, dum illa ab eo temporis momento male se habere cœpit, motumque infantis per triduum nullum sensit, sequentibus vero diebus admodum debilem, variis usurpatis roborantibus octavo die peperit filium bihorium tantum viventem, cuius totum sinistrum latus a capite usque ad calcem colore flammeo conspiciendum erat. Recensenda hoc loco etiam est *Obs. 61. Dec. I. A. II.* dum nempe grævida

vida partu iam instante & valde consternata, ut in lipothymiam incideret, paucis diebus elapsis filium curvis manibus ac pedibus enixa est.

11. TANDEM etiam animam, specificè per varias ideas obiectorum externorum & fortem impressionem matris characterisatam, similes effectus & stupenda phænomena in infantibus producere, res est in foro medico notissima, & nolumus in huiusmodi exemplis numerosissimis recensendis prolixiores esse, sed potius candidum lectorem remittimus ad *Marci a Kronland lib. 1. idearum operatricium Cap. IV. Saxii Gammarologiam Curiosam lib. 11. Cap. IV. p. 596. ad Thom. Fienum de viribus imaginationis. Schrad. Disp. de viribus imaginationis maternæ in fœtum, it. Harderi Apiarium p. 340. ad. A. 1. Dec. III. Miscell. Obs. 117. it. Stalpart van der Wiel. Cent. II. Obs. 36. de nævis maternis.*

12. VARIE superius adductæ ægritudines & affectiones, quibus conflictantur fœtus in utero materno, ita sunt comparatæ, ut exactissimam consensionem atque harmoniam & communicationem matris cum fœtu addoceant. Utpote tota formatio, nutritio, vita, ac sanitas infantis in utero dependet a vita & sanitate matris; sine matris enim arctissima unione progigni ac produci nunquam fœtus poterit. Tanta autem est communio, ut anima matris cum anima fœtus conspiret, & nullum dubium est, quod sensationes, perceptiones, ac passionēs in matris anima excitatæ transeant quoque in ipsum infantem, sicuti id perversæ phantasie effectus luculenter loquuntur. Consentit quoque motus spirituum seu fluidi tenuissimi nervei in matre cum motu spirituum in infante, seu similis spirituum motus matris efficitur in infantibus, quod liquidissime conspicitur in motibus convulsivis, irregularibus spirituum agitationibus ministerio affectuum animi, qui in omnibus similes sunt in ipsis infantibus. Quocirca eo minus dubium erit, quod motus & circulatio sanguinis, eiusque temperies ac crasis in matre, ex-

(*Hoffm. Opusc. patholog.*)

Q

etc

Et quoque correspondeat cum sanguinis motu ac temperie in infantibus, adeo ut si hic temperatus placide & æquabiliter moveatur, talis circulatio & motio quoque in ipsis fœtibus deprehendatur, & vice versa, si intemperies subest, si motu agitur sanguis irregulari morbofo, eundem quoque teneri in utero infantes experiantur.

13. QVIVIS tamen hic facile perspiciet, quicquid vitii in motu ac crasi contraxerint spiritus ac humores in matre, id gravius persentire infantes, adeo ut quod illis præsentaneam noxam non infert, hisce maximum damnum, ac læsionem affricet. Quod etiam manifestissimum apparet in vehementi ac firma impressione ac phantasia matris, quæ tenellis fibrillis ac staminibus suam determinatam motus efficaciam imprimat, minime autem partibus matris robustioribus ac validioribus. Unde etiam familiare est, a terrore incommodum mox accedere infanti, quale quid matres in tanto gradu non percipiunt. Sed propositi nostri ratio postulabit paulo accuratius consensionem illam matris cum fœtu, inquirere ac indagare.

14. PRIMVM autem pro certo ac comperto habendum est, sicuti omne animal, ita etiam præstantissimum omnium hominem progigni ex solido principio, nempe vesicula membranacea, cui tenuissimus lymphaticus, spirituosus liquor inclusus est, & vocatur ovulum fœmininum, in quo omnia lineamenta ac rudimenta animalis compendio præexistunt, quæ tandem expansivo similis materiæ genitalis motu intestino fecundata, succi nutritii debito accessu evolvuntur ac visibilia redduntur. Equidem diversissimæ inter eruditos de abstruso & a sensu remotissimo formationis negotio prostant sententiæ. Quæ quoniam tantum probabilitate nituntur, inter se, ut cum iis rebus accidit, non exacte conveniunt, minime autem has omnes adducere & examinare nostrum propositum est: perpaucis tamen non possumus non commemorare, eorum sententiam nobis minime arridere, qui existimant, in ovario

Evæ

Evæ totum genus humanum delituisse : neque nobis concipiendam esse recentiorum quorundam opinionem, quasi Deus corpuscula innumera organica, quæ servire possint propagationi vegetabilium & animalium, in prima creatione produxisset stupenda exiguitate donata, eaque hinc inde in fluidis natæ sicque in corpora recipi. Non enim perspicere possum, quomodo conciliari cum hisce hypothësis possit, quod infantes non tantum lineamentis & partium conformatione valde similes parentibus generentur, sed & dispositionem ad similes morbos, inclinationes, vitia, & virtutes acquirant, & postea, quod maximum est, quod sola phantasia matris evertere, immutare, & deturbare possit totum formationis negotium, etiam in fœtu jam aliquot menses adulto & vitali. Multo minus autem nobis persuadere possumus, quod productio prima organicorum horum corporum ex principio fluat interno, notitia, intellectu, intentione prædito, quod secundum has spirituales affectiones dirigat ac moveat materiam; quoniam secundum nostra principia hæ affectiones sunt tantum propriæ substantiis immaterialibus & libere agentibus, non autem corporeis & ex necessitate quadam suas operationes edentibus. Tacemus, quod ratio, intellectus, ac voluntas per se nullum jus quoddam habeant seu directionis, seu immediatæ motionis in corpora, sed saltem quod ea potentia seu potius imperium limitatum ex singulari beneplacito ad certos actus tantum homini a Deo sit concessum. Statuimus ergo animam, quæ format corpus, quæ illud conservat, quæ varias ac específicas motiones in ipso efficit, esse fluidum tenuissimum in actuoso motu existens, quod veteribus ætheris ac ignis nomine venit. Hoc enim, non ut in crassiori mechanismo, simplices tantum ab agentibus externis recipit motuum impressiones, & ex his facit reactiones, sed ut tenuissimum, innumerabiles específicas secundum numerum & ordinem impressiones ab organicis creaturis a Deo in creatione prima constructis recipit, retinet, & secundum hos motus organicos & regulares commovet & disponit ap-

tam præsentem materiam. Hæ sunt nostræ rationales cogitationes, & si quis meliores afferre poterit, nobis nemo, nisi iniquus censor, vitio vertet, si illas deferimus, & alias amplectamur, quod omnes ingenui viri semper in physicis & probabilibus fecerunt. Ex hoc principio facillime deducemus, quæ ratione non modo morbosæ partium dispositiones, fluidorum temperiei vitia, inclinationes transfundantur in liberos, verum etiam, quo pacto motus in anima adsuefacti vel firmissime ab objectis externis in sensoriis impressi potentiam agendi certas in materiæ partes, retineant. Hæc omnia autem fieri mechanice, id est, physice, naturaliter, & ex quadam necessitatis lege in corporeis substantiis, libere & aperte dicimus ac profiteamur.

15. IN ovulo autem fœcundato, corpus organicum infantis, utut exilissima mole latet, ulterius nempe extendendum, evolvendum, atque visibile reddendum est. Nam exiguitas corporis ordini atque organicæ partium conformationi nihil derogat. Videmus id manifesto in minimis insectis, v. g. acaro, qui non nisi oculo armato exacte conspici potest: in quo tamen & musculos & canales, cavitates, humores, ac spiritus, summo artificio ac ordine compositos esse nemo physicorum facile in dubium vocabit. Quin imo in primorum mensium abortibus observare sæpenumero licuit embryones instar formicæ natantes in crySTALLINA lymphæ, vesicula conclusa, qualem observationem perelegantem notavit *Cl. Bergerus in Lib. de Natura humana. p. 468.* Ante omnia itaque opus est, ut augeatur hoc organum extensione, & continua succi nutritii, blandi, gelatinosi, lymphatici accessione. Hujus autem copia a matre subministratur, adeo, ut non secus, ac aliæ matris partes, totum infantile corpus succo alibili, & quidem delibatissimo, nutriatur. Ingens quidem adhuc viget inter physiologos controversia, qua ratione & quibus viis humor ille alibilis matris communicetur cum ipso fœtu, ubi alii, & quidem veteres mediantibus vasis umbilicalibus

libus ex placenta transferri istum succum ad corpus fœtus asseverarunt. Deinceps surrexerunt alii, qui non tantum per umbilicum sed per os nutriri infantem humore intra amnium collecto, profitebantur. Recentiores autem, ex quibus primum nominandus *Stalpart. van der Wiel*, repudiata veterum de nutritione fœtus per umbilicum sententia, unice contendit, fœtum nutriri & crescere succo tantummodo per os sumto. Temporis autem ac instituti ratio hic non permittit, exactam trutinam præsentis argumenti instituere: nihilominus non possumus non fateri, admodum dubiam nobis apparere nutritionem solummodo per os, quoniam in ipsa membrana chorii ac amnii accuratissime inspecta nulla vascula arteriosa vel venosa, aut alia conspiciuntur, hinc qua ratione succus possit hic advehi, penetrare non possumus. Accedit maxime illud, quod provida natura, in elaborando secundinarum corpore primo tempore sit admodum occupata, ut non incrementum singulare fœtus animadvertatur, antequam placenta uteri insignis molis fuerit uterò annexa.

16. STATVENDVM itaque potius esse existimamus, placentam eum in finem maxime esse formatam, ut recipiat ex osculis arteriarum & glandulosa uteri substantia lymphaticum probe digestum alibilem succum, eumque, si non datur alia via, per poros venularum ab extra intro spectantes cum sanguine fœtus intime misceat ac uniat. Præter hunc usum alium adhuc placentæ uterinæ assignamus, qui in eo consistit, ut vicem gerat pulmonum, non ut sanguis refrigeretur & ventiletur, sed ut transeundo per capillaria innumera vasa, attritione intima facta exacte, quoad sua principia misceatur sicque tenuis, fluidus, spirituosus ac calidus evadat, utpote pulmonum usum non refrigerare sanguinem, uti veteres statuerunt, sed spirituascentiam ipsi conferre a præstantissimis viris, SYLVIO, MAVROCORDATO, CHARLETON, BORELLO, SWAMMERDAMIO, BOHNIO probe notatum est. Nam si accurate perspicimus placentæ substantiam & structuram,

ex meris membranaceis cellulis & innumeris vasorum ramificationibus affabre conflata est, & quoniam paucus vel plane nullus sanguis pulmonum vasa intrat, necesse fuit, ut in illud viscus, illorum vices gerens, derivaretur sanguis; ubi tamen non negandum, quod simul ibi roscidi & lymphatici succi accessione, per glandulas ac poros communicati, ad vitam & nutritionem sustentandam imbutus redeat ad tenellum infantem. Merito autem talem usum placentæ negamus, qualem nonnulli affingunt, existimantes, aereas partes, per eam sanguini inspirari, quibus certe non opus fuit, cum humores, subtili aeris elastici portione iam subactos & retentos a matre recipiat infans. Cæterum tamen non inficiabimur, non impossibile esse, ultimis inprimis mensibus, succum quendam, qui continetur intra cavum amnii & variam habens originem, qua de re consuli potest Bohnius in Circulo anatomico, in patentiore oris, œsophagi & ventriculi cavitatem impelli & per totum corpus sic distribui. Nam per os aliquid humoris ab extra in intestina ingeri copia succorum, quæ observata fuit in superius memorato infante, qui clausa alvo & urethra intestinisque extra abdomen proponentibus natus fuit, perspicere licet, utut non ad nutriendum corpus specificè ut opinamur destinatus sit.

17. Ex dictis illis facile colligitur, magnam intercedere consensionem matri cum foetu, ratione huius nutritionis, cuius materiam infans recipit a matre. Quamvis enim non immediate sanguis maternus per arteriosos vel venosos canales ex matre derivetur ad corpus foetus, neque spiritus animales seu fluidum nerveum immediate & directè feratur ex matre ad infantem, nihilominus cum succus ille, quo alitur, & extenditur & vitalis fit infans, delibatissima & defœcatissima sanguinis materni sit portio ac quasi quinta essentia, spirituum animalium copia sufficienter perfusa, (nam non crudum, non indigestum, non actuositatis expers esse debet, illud quod nutrit, sed optimum, subtile, depuratum
spiri-

spirituosum ac temperatum;) ratione huius succi maxima illa consensio matris cum fœtu, non tantum in rebus corporeis, sed in immaterialibus ac specificis motionibus fiat necesse est. Nisi enim in succo illo alibili, qui per placentam fœtui committitur, insit fluidum elasticum animale, quod in cerebro ac nervis maxime subsistit, non possemus causas atque ortus ducere ac derivare passionum atque pathematum, quæ fiunt ex terrore, vel ira matris in ipsis fœtibus, neque phantasiæ matris effectus in infantibus utero conclusis rite explicare. Equidem non diffitemur, harum rerum explanationem, quoad *τὸ dicti* admodum esse difficilem, quoniam hæ res a sensibus alienissimæ, & subtilissimi mechanismi sunt, hinc temerarium hic esset pro simplici & nuda veritate, meditationes hac de re venditare, & usque ad extremum vitæ halitum defendere, sed sufficiat si modo non tale aliquid statuamus, quod sano conceptui refragetur, quod non misceat principia inter se, & tollat spiritus stricte sic dicti, & corporis summe necessarias differentias.

18. STATVIMVS itaque animam, quæ format, movet & conservat corpus in animantibus tenuissimam esse fluidam substantiam motus agitativissimi. Omnes autem vires cuiusvis substantiæ creatæ immateriales sunt, id est, ipsi effectus, qui fluunt ex creaturis in alias creaturas non sunt materiales, non extensi, satis tamen activi, adeo, ut non nisi immateriali ratione concipi queant: & sicuti crassum corpus vim alterius immaterialem in motu recipit, & secundum hanc reagit, id est, novum motum inchoat: ita quo tenuiora & fluidiora sunt corpora, eo magis sunt apta, ab aliis corporibus innumeras impressiones in se recipere, & propagare, uti id manifesto videmus in vorticibus luminosis, sonoris, qui ex instanti per acrem & ætherem ferri solent; quid ni etiam exinde colligendum erit talem mobilissimam substantiam, veteribus igneam dictam, in fibrillis cerebri ac nervorum existentem, innumerabiles impressiones motuum ab obiectis
exter-

externis in variis sensoriis recipere, & secundum has, positis omnibus requisitis, ordinatos & determinatos motus efficere. Et quemadmodum in fluidissimis corporibus excitati motus luminosi, perniciosissime transfunduntur ac propagantur per magnum spatium, ita etiam motus in anima, seu fluido mobilissimo suscitati per totum corpus penetrant, inaginem & impressionem specificam efficiunt, quale quid percipimus in animi affectibus totum corpus alterantibus, ut ideo nullum dubium sit, speciales, & quasi sigillatas in certa figura ac magnitudine vires has motrices immateriales per totum abripi corpus, non sine operatione & activitate, nisi valde sit resistens mobilis materia. Et hac ratione explicari debet radiatio illa spirituum, qua CARTESIUS exponere solet phantasie effectus: hinc perspicuum erit, ad effectus istos stupendos, qui per phantasiam accidunt infantibus, deducendos, non opus esse ut advocemus in subsidium proprietates ac potentias spiritibus stricte sic dictis competentes, nempe intellectum, intentionem, directionem ac notitiam.

19. MORBI autem, qui ex humoribus seu materno sanguine & sero oriuntur, non aliam agnoscunt originem, quam succum nutritium matris, quo foetus nutritur, a temperie ac indole sua blanda debitaque mixtione deflectentem: quod si enim vitales matris fluores impuri sunt, variis excrementitiis salinis & sulphureis sordibus viscidis deturpati, quod fit ex vitio diætæ, circulatione debiliore, & excrementorum secretionem in matre impedita, non potest aliter fieri, quin succus nutritius infantis similis naturæ ac indolis fiat, eosdemque imo graviores effectus morbosos in infante, quam in matre producat.

20. SED ut paulo specialius progrediamur in explicandis ac enodandis affectuum infantum in utero causis operæ pretium esse existimamus. Primum quod attinet ad morbum variolarum, hic infantes in utero facile corripere potest, si mater eodem laborat: etenim a sale tenui, sulphu-

phureo, caustico a massa humorum & sanguinis, quin imo a partium solidarum, quibus implicitum diu latuit, nexu ac involucris liberato, originem suam ducit; quod vehiculo lymphæ per totum corpus distribuitur, & spasmodicas contractiones, anxietates, irregulares sanguinis & spirituum motiones efficit, donec relaxata cute vigore motus musculorum, præsertim cordis, ad habitum corporis propellatur. Idem causticum principium, mediante lymphæ communicatur quoque ex facili ipsi foetui inque eo similes commotiones morbosas excitare aptum est, donec etiam vigore cordis intrinseco relegatur ad relaxatam infantis cutem. Eodem modo morbillorum morbus, qui ex simili mitioris tamen acrimoniæ elemento constat, pronascitur, & vitium præcipue in sero ac lymphæ complectitur. Multo magis autem putredinosa ingens destructio lymphæ ac sanguinis in lue venerea & accumulatio multarum salino-acrium causticarum partium infesta ac exitialis erit tenellis infantibus.

21. *QUARTANAM* ex matre transire in foetum curiose superioribus observationibus notatum fuit. Nam febrem, maxime intermittentem, esse irregularem spirituum commotionem, & fibrillarum musculosarum spasmodicam, præsertim in principio, externi habitus corporis constrictionem, quam postea citatus ac vehemens motus cordis & arteriarum, & consequenter progressivus motus sanguinis velocior, plane tamen inæqualis, sub vigore morbi & æstu subsequitur, ut symptomata ac phænomena satis testantur, notissimum est. Revertitur autem hic motus per periodos, & quidem quarto die, quoniam materiæ febrilis, procul dubio causticæ, acris, salino sulphuræ indolis ad spasmos spiritus stimulantis activitas, quæ in certa quantitate ac qualitate, antequam motum inordinatum in spiritus inchoare queat, consistere debet, ad vigorem & statum illum requisitum, propter sanguinem valde viscidum, qualis solet esse in quartanis, non prius pervenire & efficaciam nocentem exserere potest, quam

(*Hoffm. Opusc. patholog.*) R die

die quarto. Ex quibus iure meritoque concludimus, cum similis sanguinis & succorum viscida intemperies quartanæ nutrix & sustentatrix in infantibus deprehendatur non secus ac in matre, nec non principium illud materiale sulphuræ acris indolis, quod ex transpirationis impeditæ, vel excretionum prohibito officio generatur, tali ratione communicari etiam cum ipso infante. Unde ratio in promptu erit, quare infans in lucem editus diu adhuc febri hac corripitur possit.

22. Qua ratione autem icterus matris in infantem derivetur, res adhuc facilius conceptu est. Tinctura enim bilis flava, sulphuræa non in sanguine sed in lymphâ ac sero conspicitur. Iam si firmiter supponamus, non sanguine, sed succo lymphatico, nutriri fœtum in utero, necesse est, ut flava hæc tinctura a lymphâ non tam facile rursus separanda, amandetur etiam ad ipsum infantem, eiusque corpus simili colore afficiat. *Amatus Lusitanus curationum medicarum Cent. V. fol. 71.* refert; mulierem quandam ab epoto medicamento, cui admixtus crocus erat, duas puellas coloris lutei peperisse. Experimentum etiam fecit *Cl. Hertod*, cani gestanti in utero alimenta croco copiose condita offerens, catelli erant de nigro ad albedinem variegati coloris, excepta abdominis regione, hinc inde sese volutantes, in quibus albidiores cutis particulæ, plenarie croceo colore tinctæ fuerant.

23. CACHECTICAS & hydropicas gravidas fœtus in lucem edere œdematoso tumore turgidos, observationes supra adductæ loquuntur. Ratio etiam huius rei facilis videtur: etenim hydrops ex spiritus ascentiæ defectu, circulatione sanguinis & consequenter transpiratione impedita, & glandulosorum viscerum infarctu a seri copia, nascitur. Qualis autem sanguis & lymphâ matris, & qualis spirituum constitutio, quale robur partium, talis etiam spirituum, humorum, ac solidarum partium dispositio ac status erit in ipso infante, & consequenter similis ad morbos proclivitas. Ex hisce quoque non difficilis explicatio est, quare calculosæ concretiones in vesica,

sica, quibus affligitur mater, in infantibus etiam recens natis deprehendantur, utpote ex sero, tartareis, terreis salibus ad coagulationem aptissimis, imprægnato, in substantia renali, vel vesica læsa promptissime calculi generantur, tale serum tartareum ad infantem transire & similes effectus edere posse, res omnis dubitationis expers est.

24. EPILEPTICI insultus & omnes spirituum inordinatæ commotiones, spasmos & convulsiones hinc inde in partibus dispositis efficientes, lubentissime ex matre proficiscuntur in infantem, motus enim facilius penetrat, quam qualitas vitiosæ materiæ; unde quotidiana docet experientia, ad omnes animi commotiones, & nervosi generis pathemata vehementia, debilitari & affici ultra modum infantes; & quamvis nervi non pertingant ad ipsum infantem, fluidum tamen illud elasticum actuosissimum, quod in nervis existit, transit in succum alibilem & sic cum infante communicatur. Si enim lac & salivam ingreditur illud fluidum, quidni etiam in succum corporis nostri puriorem, subtiliorem transibit. Iam autem morsus animalium rabidorum, ira percitorum, luculenter comprobatur, spiritus communicationem habere cum saliva, & terror quoque nutricis, qui sæpenumero sugentibus infantibus lethalis est, clarissime demonstrat, a commercio spirituum ipsum lac non esse immune.

25. DARI etiam casus experientia abunde docet, ubi gravidæ laborant ex vehementi morbo foetusque edunt vitales & primo intuitu sanos, qui tamen brevi post graviter ægrotant & moriuntur. Ita proxime talem nobis historiam communicavit *Excellent. Dn. Lichtenhanus, Archiater Saxonicus*, referens, illustrem matronam partui iam proximam correptam fuisse variolis, tunc temporis epidemice grassantibus, quæ die ab invasione tertia præsentem enormissimam hæmorrhagiam enixa est foetum vivum quidem, & nullis maculis conspuratum, qui tamen sexta post nativitatem die, convulsionibus moriebatur, sphacelo in visceribus hinc inde apparen-

te. Non potest enim aliter fieri, quin matris succi vitales conspurcati similem characterem sanguini fœtus imprimant: qui autem non illico, successive tamen, virulentiam suam prodit.

26. ULTIMO loco subjungenda quædam sunt circa signa, ex quibus iudicium formare licet, fœtum in utero esse imbecillem seu morbosum: & audiendus hac in re primo omnium est *Hippocrates* qui *Seç. V. Aphor. 52.* scribit. *Mulierì utero gerenti, si lac fluat e mammis copiose, fœtum imbecillem significat. Si vero firmæ solidæque mammæ fuerint, valentiozem conceptionem indicant.* Hic canon non destituitur suo ratio- cinio, & experientia quoque corroboratur. Quod si enim gra- vidæ ultimis mensibus præter morem solitum magnum afflu- xum lactis sentiant ad mammas, indicium est, non tanta in abundantia amplius sanguinem cum succo fluere in uterum, sed ex quadam causa præternaturali vasa uterina compressa, & constricta esse, ut hac ratione intercipiatur illius affluxus. Hinc necesse est, ut impetus copiosi sanguinis ad mammas, ceu corpora flaccida distensibilia, derivetur; unde, materia spirituum & alimenti infantibus subtrahita, necessario hi debent fieri imbecilliores. Ex adverso etiam si mammæ in gravidis nimis fuerint extenuatæ, pariter indicium est fœtus imbecil- lioris & intermorituri, sicuti id in subsequenti *aphorismo* ma- gnus *noster Hippocr.* præclare confitetur: nam si mammæ, quæ alioquin a motu fœtus ad extremum usque gestationis tempus, a lactis copia, solidæ esse debent, non sensim & pedeten- tim, sed subito extenuentur, indicium maximum est, oport- ere subesse causam & vehementem mutationem in sanguinis & spirituum motu præcessisse, dum vel ipse in aliis partibus stagnat, inflammationem parit, vel ob defectum spirituum & virium, chylus non generatur, vel ad mammas vehitur; uno verbo, omnes extenuationes gravidarum subitæ periculi non sunt expertes. Quod etiam innuit laudatissimus *Hippocr. aph. 55. ejusd. Seç.* dum inquit, quæ gestantes uterum febribus corri-

Corripiuntur aut vehementer sine evidente causa extenuantur, eæ difficulter cum periculo pariunt, aut abortientes periclitantur. Nam extenuatio illa non leve vitium in sanguine, & robur destructum indicat. Vbi enim cacochymia est, ibi non potest consistere virium robur: quodocunque autem corpus matris vitiosis humoribus abundat, vel intestinus calidus depascens humidum motus in sanguine custoditur, fieri non poterit, quin mater & fœtus sit imbecillior. Quandoque autem accidit, ut mulieres gravidæ extenuentur, quia fœtus nimium consumit alimoniam matris; unde etiam non sine ratione scribit *Hippocr.* quod tales fœminæ cum periculo pariant, quia causæ necessariæ ad partum facile tolluntur, ut sunt robur matris, viæ apertæ, molles, ac lubricæ.

27. PRÆTEREA vel excessivus vel deficiens motus infantis in utero, signum est certissimum vel morborum vel imbecillis fœtus. Motus enim plane languidus vel nullus si percipitur, extremam debilitatem significat, qui ex imminuto affluxu boni succi ex matre, & defectu spirituscentiæ in sanguine, nascitur; si autem nimia & vehementes observantur commotiones & iactationes membrorum infantis in utero, infallibile indicium est, convulsionibus agitari tenera membra.

28. POSTREMO ea consideranda quoque veniunt, quæ magna facultate pollent fœtum morbosum in utero efficiendi. Ex omnibus autem hic obtinet principatum aer, & quidem tempestas aeris, præsertim in hyeme, nimis humida, austrina, succedente vere sicco & aquilonio. Magnæ considerationis hac de re est *Aph. XII. Sect. II. Hippocr.* Si hyems, inquit, austrina & admodum pluviosa fuerit, ver autem siccum & aquilonium, mulieres, quibus vere imminet partus, ex quacunque causa abortiunt, aut si pariunt, imbecilles aut morbosos partus edunt: ita ut vel ipsi statim intereant, vel tenues, vel valetudinarii vivant. Ratio hæc esse videtur quando hyems flatibus meridianis, austro nimirum, Africo,

euronoto, & libonoto constat, & coelum iusto magis pluviosum, transpiratio & circulatio sanguinis in gravidis, quæ ordinario plethoricæ sunt, languidior & depressior est, tali vero ratione, copiosi, pituitosi, crudi in corpore generantur humores, qui, accedente aere frigidiori, vento aspero boreali, ex ambitu & cortice corporis ad interiora ipsumque uterum magis trahuntur, & urgentur. Unde dum nimiam relaxationem uteri, infarctum & sanguinis impeditum motum efficiunt, non modo causam præbent abortus, sed & infirmum & morbosum reddunt infantem. Aeris itaque tempestates in culpa sunt, ut fœtus reddantur morbofi, & ut certum anni tempus noxium ac funestum quibusdam prægnantibus sit. Egregie hoc insinuat *Thom. Barthol. Hist. Anatom. Cent. III. Hist. 59.* Primis anni 1654. inquit, mensibus satis calidis, post æstatem æstuantem Hassniæ plerisque prægnantibus male cessit graviditas, calidioris coeli vitio. Petechiis enim plurimæ occubuerunt, & gravidarum periculum secuturam pestilentiam præsagiebat. Infectus certe & intemperie quacunque vitiatus aer a matre attractus facillime tenellum fœtum vel in utero enecat, suffocat, vel si robustior est, ut inquinatum sibi que noxium aerem fugiat, ante statum tempus expellit. Hinc aliæ prægnantes eadem hyeme primis mensibus abortierunt, aliquæ postremis, magno propriæ vitæ discrimine, aliæ petechiis infectæ, una cum fœtu expirarunt, aliæ epilepsia convulsæ, quæ sine intermissione miseras comprehendens paucarum horarum spatio e medio sustulit.

29. SECUNDO loco & ciborum assumptio, excessus vel defectus, sive nimia satietas & abstinencia, matrem & fœtum ad morbos disponere solet. Nimia enim alimentorum copia, gravidis semper est insalubris, quæ sua natura ad statum plethoricum & cacochymicum inclinant. Succorum enim copia non ritè subigi, circulari, & a superfluis evacuari potest. Unde impurus alibilis succus nascitur, qui totum nutri-

nutritionis negotium in fœtu pervertit. Nimia autem abstinentia, vel inedia, subtrahendo spiritibus & corpori necessarium pabulum, non potest non esse fœtibus summe exitialis. Meretur hic adduci, quod IOHANN. MEYRSIVS Vir Clariss. lib. 1. de urbe Leidensi Cap. XII. p. 58. habet, dum ingentem famem, qua istius urbis incolæ tempore obsidionis Hispanicæ afflicti fuerunt, latius describit, & inter alia hæc refert: ægrotantibus & puerperis, quæ lactarunt, in dies singulos buccellatum ad quartantem libræ adpensum, nonnullis in ipso utero fœtus inedia extinctus & abortum multæ fecerunt. Ante omnia acidorum usum esse noxium annotarunt Medici, vid. GARMANN. A. II. Dec. I. Obs. 149. fructus horaei & crudi penitus ab usu excludantur. Infantes enim nasci exinde solent laborantes defluxionibus catarrhalibus, narium obstructione, anxia respiratione, ut de vita periclitentur, qua de re vide *Miscell. Cur. Dec. II. A. X. Obsv. 83.*

30. AFFECTVS animi immoderatos & intempestivos, quod concernit, quantum ii noceant corporibus humanis, & imprimis tenellis matrum fœtibus, dijudicari facillime poterit. In instanti enim hi ipsi labem inferunt fœtibus, & nulla causa solennior est, & celerius abortum procurare solet, quam vehemens terror, & diuturnus mœror, angor, & tristitia.

31. HISCE iam discussis, e re fore iudico, quædam addere ex therapeutico fonte, quibus tam matri, quam fœtui infirmo succurrere possimus. Non autem nostri propositi est, curam specialem cuiusvis affectus, quo gravida laborat, texere vel commendare, sed saltem eo nostra tendit intentio, qua ratione fœtus imbecillitas averti, & si ea præsens sit, emendari possit. Primo omnium itaque moderationem & mediocritatem in sex rerum non naturalium usu commendatissimum sibi habeat gravida, & occasiones affectuum & phantasmatum omni modo ac studio evitet, sique sanguine abundans est, necesse est, ut plethora & cacochymia avertatur

tatur circa medium gestationis tempus per debitam venæsectionem, quæ solet intempestivam fœtus expulsionem præcavere. Alvus quoque quotidie respondeat, eaque ad suum officium revocanda ope clysteris emollientis, sive leniori rhabarbarino passulato assumpto pharmaco.

32. DENIQUE studeat maxime omnium virium conservationi, cui fini ex fonte pharmaceutico inserviunt analeptica, mitiora aromatica, carminativa, balsamica, essent. ambræ, si ferri potest, cum balsamo vitæ nostro & spiritu nitri mixta; item pulveres ex C. C. præparat: coralliis, unicornu animali, ebore; externe aquæ vitæ, hungariæ, balsam. & spiritus apoplect. regioni abdominis sunt applicandi. Si vero convulsionibus videtur infans in utero agitari, aquæ antispasmod. ex floribus, pulvis marchion. specificum cephalicum Michael. mixtura simplex, propinanda erunt. In univ-
ersum autem tenendum, ab omnibus fortioribus purgantibus, sudoriferis, medicamentis calidioribus, opiatibus, penitus abstinendum esse, quocunque etiam affectu laboret gravida; sed potius blande ac temperate semper agendum erit, ne damnum ac noxam inde infans in utero contrahat.



DISSERTATIO VI.

DE

DENTIBVS EORVM MOR-
BIS ET CVRA.

§. I.

QUEMADMODVM nulla ad constitutionem machinæ nostræ artificiosissimæ faciens pars est, quæ non luculentissime ineffabilem magni opificis sapientiam atque benignitatem demonstret: ita etiam dentes, illorumque ordo & structura opus identidem Dei miraculosum ostendunt. Primum circa illorum naturam illud maxime occurrit notabile, quod cunctas animantis partes duritie & durabilitate vincant longissime. Unde etiam, TERTVLLIANO teste *lib. de resurrectione*, antiqua pietas dentes ob perennationem post multos centum & mille annos sub terra voluit recondere, pro indegrando corporis in resurrectione seminario. Quæ de re latius videri potest GALENVS *de ossibus p. 480.* Deinde, quando admirandum illum ordinem & perpulchram seriem, qua in utriusque maxillæ extremitatibus lyræ ad instar positi sunt, contemplamur, non possumus, quin & in hoc providentissimæ naturæ solertiam admiremur. Ita enim ipsos locatos conspiciamus, ut superiores cum inferioribus committi queant, non tamen omnes simul & semel, ut variari actus possint incisionis & contusionis ciborum: commissis enim molaribus, anteriores superiores transgressi, inferiores tegunt, coeuntibus anterioribus, hiant molares, quiete & actione utrinque mutua intercedente. Mirabile hoc artificium, sufficiens jamdudum visum fuit GALENO *loc. cit.* naturæ calumniatores, qui artificiosa ejus opera fortuito atomorum concursui adscribebant, exinde refutare. Concinnum & longe utilissimum hoc organon sive molam microcosmicam, sine
(Hoffm. Opusc. patholog.) S qua

qua masticatio alimentorum, quæ tamen vitam longam, bene monente HELMONTIO in *tractatu de victus ratione*, multum facit, legitima fieri nequit, in præsentî, paulo penitius perscrutari, illorum naturam, structuram, connexionem & usum, nec non qua ratione lædi, & quibus remediis restitui queant, expendendo, apud animum constituimus.

2. OMISSO autem omni curioso & prolixo, minusque utili nominis scrutinio, saltem, quod dentes quasi edentes olim nominati fuerint, sub principio statim dentium descriptionem quandam exhibebimus. Sunt itaque dentes partes corporis osseæ, ex substantia duplici, una durissima & quasi lapidea, altera molliori, ossea tamen constantes, intus cavitate quadam instructæ, maxillarum alveolis per gomphosin inarticulatæ in usum masticationis, melioris loquelæ & ornatus. Primum itaque notandum: dentes gaudere diversa substantia, exteriori, quæ est durissima, instar lapidis, utut de natura lapidis non participet. Experimento enim clarissime ostendere id possumus, dum integer dens humanus, immisus sufficienti aquæ fortis quantitati per aliquot horarum spatium promptissime dissolvitur, remanente paucissima, glutinosa, quæ sulphurea & pinguiuscula dentis portio videtur, substantia. Solutioni quando ad saturationem debitam affunditur oleum tartari per deliquium, candidissimum exsurgit magisterium in usibus medicis cum illo, quod ex dente apri, aut ungula alcis fit, conveniens. Hanc chymicam mechanicam non instituere & perficere licebit cum silicibus & lapidibus genuinis. Est autem tam dura & solida exterior dentium substantia, ut sub vehementiori attritu & concussione cum ferro scintillulas copiosissimas edat, quod tamen tantum valet de dentibus molaribus grandiorum animalium, qui propter magnitudinem magis resistunt. Lapidea hæc dura pars observatur tantum in illa portione dentium, quæ extra gingivas prominet, & instar corticis & involucris investit osseam dentis partem: radices quippe dentium, quæ in alveolis

&

& sub gingivis latitant, osseæ tantum naturæ, & hinc non tam candidi, splendidiq[ue] coloris sunt, quam externa pars, prominens libera a tegmine. Durissima autem est externa, ut non tantum ab omni injuria & læsione immunis sit, verum etiam, ut incisioni & confractioni durorum alimentorum eo melius interservire queat. Materia interior ossea facilius propter poros laxiores dissolvi & consumi potest, unde etiam externo cortice duriore tegitur, ne forsan particulæ acres corrosivæ ciborum illam ipsam lædant ac destruant. Hæc itaque est, quæ in carie maxime læditur & afficitur: cortex enim raro ab acri corrosivo succo consumtus visitur totus, sed saltem quoad partem. Deinde differt etiam silicea dentium pars corticalis exterior ab interiori, ipsa structura: in illa enim obliquo situ in circellos terminantur striæ; altera autem interior, mollior, & præcipua, qua dentes constant, pars ex multis fibrarum planis secundum longitudinem sibi firmiter superinductis constructa est. Patent singula plana resolutione facta per longam ossium macerationem; integræ namque osseæ reticulares bracteæ evelluntur, qua de re legi meretur MALPIGHIVS in *anatomie plant.* p. 19.

3. DIXIMVS in definitione, cavitatem quandam reperiri ipsis in dentibus, quæ etiam luculentissime se ostendit, quando secundum longitudinem per medium dentem dissecamus, ubi observamus, singulas dentis radices cavitate esse donatas, quæ autem satis insignis est in ipsa basi, seu ea, quæ ex gingivis eminet, parte. In cavitate enim dentis, ex quocunque animante ipse sit, semper & perpetuo reperitur substantia quædam mucosa, membranacea, seu funiculus quidam mucosus, forma vesicæ oblongæ ex tenuissimis vasis sanguifluis, membranis nerveis, & glutinosa quadam substantia compositus, qui etiam usque ad extremitatem dentis pertingit, ibi membranulis quasi magis constrictis quodammodo durior & rubicundior apparet. In foetibus & pueris ipsa hæc cavitas satis ampla ac magna est, tenui squama, notante EVSTACHIO

tr. de dentibus ad septimum annum instar favorum apum circumsepta, quæ tamen in adultis magis imminuta est. In pueris hoc cavum refertum est mucosa materia, circumsepta membrana, quæ quoad exteriorem superficiem rubicunda, interius magis alba apparet, & hic ipse mucus tandem convertitur in ipsam dentium substantiam, & genuinum illorum nutrimentum existit. Videmus enim, quo magis dentium substantia solidescit, ac firmior evadit, uti in adultis, eo pauciores deprehendi hunc mucum, & vice versa in infantibus, quorum dentes ex tenuibus lamellis constant, copiosum reperiri. In vitulinis dentibus, & maxime in illo, qui vulgo *der Milch-Zahn* dicitur, hanc materiam commodissime oculis lustrare licet, in superficie ejus vestigia sanguinis sub rubedine aliquali subinde se repræsentant, quam etiam compressa materia mucosa manifesto evomit.

4. HISCE decursis, placet iam formationem & generationem dentium paulo penitius inspicere. Hic autem primo annotandum venit, dentes omnes, non secus ac reliquas partes, statim in utero accepisse rudimentum, ibique iam dum esse efformatos. *Αὐτοψία* enim anatomica hic omnem exsuperat rationem. Pulcherrime scribit EVSTACHIVS *de dent.* c. 15. se plures maxillas foetuum, tam abortivorum, quam maturorum aperuisse, ibidemque dentes incisores, caninos, & tres molares adhuc molles, tenuissimo interstitio osseo disiunctos observasse, quibus singulis folliculus mucosus & tenax, extrema parte perforatus, unde mucro dentis pullulantis procedit, fuisset appensus. Imo his artificiose separatis, novus iste, licet exiguus, adhuc ordo absconditus latuit, qui quasi germen est pro renovatione ordinis prioris, uti latius id dicto loco describit; imo posteriores & extraordinarios dentes, quos sapientiæ communiter vocant, in calvariis demortuorum adhuc latuisse, testis est ANDREAS VESALIVS *de corp. hum.* l. 1. cap. 11. Eadem ratione COLVMBVS l. 1. c. 10. in abortibus septem & octo mensium, item in recens natis

natis demortuis exiguos dentes in suis alveolis invenit, & ex ipsis eruit. Ex hisce dictis facile intelligitur, nullos de novo dentes creari, quando priores decidunt, sed deiectis prioribus, latentes saltem succedere; unde fabula est, in senio de novo creari quosdam dentes, quando nimirum decrepitæ ætatis homines, vel cum summo vel sine dolore pariunt dentes. Historias vide in M. N. C. *Dec. II. anno IV. p. 73.* SCHENCKIO *observ. med. p. 215.* LAVRENTIO *in anat. p. 728.* SEBIZIO *disp. de dent.* EVSTACHIO *loc. cit.* BARTHOLINO *in anat. p. 728.* HELMONTIO *arcan. Paracels. p. 740.* Ceterum illud notabile est, incisores præ ceteris in foetibus laminam seu squamam candidam solidiusculam, caninos vero minorem, nec ita solidam possidere; molares autem tenuissimam, & fere chartaceam: quare non mirandum est, si quidam citius, quidam tardius, suum adipiscantur complementum, & eodem ordine, quo in utero quoad rudimenta sunt, distincti egrediantur. Vid. EYSSONIVS *de ossibus infant. cap. 3. p. 51.* Apparent autem ordinario in homine primum incisores, mense septimo, vel serius, decimo, item post anni cursum: canini nono aut decimo mense, maxillares vero ante secundum annum, & secundo anno producantur, nonnullis citius superiores, nonnullis inferiores. Decem autem in utraque maxilla rursus excidere solent, quatuor nempe incisarii, duo canini, & quatuor maxillares, & excidunt quarto, quinto & sexto anno. Novi vero seu succedentes, vel circa septimum, vel circa decimum quartum annum erumpere solent. Conferatur huc BARTHOLINVS *in anat. p. 728.* VERHEYEN *anat. p. 224, 225.* & FORESTVS *lib. 14. observ. 3. in scholiis.*

5. DICTVM antea fuit de materia dentium alimentari, quod sit mucosa. Deprehendimus id ipsum non tantum in puerorum dentibus, sed magis adhuc in foetibus & abortibus, ubi tres sese partes exhibent, folliculus membranofus, aut potius mucosus, totum dentem includens, fa-

cile ab eo secedens, a basi æque ac radice perforandus: radix mucosa, pellucida, vasis scatens, compressa sanguinem sudans, cavitate notabili prædita, successu ætatis a circumferentia ad centrum magis magisque offescens, ita tamen, ut levis cavitas semper remaneat; & basis ipsa candidæ squamæ tenuis & excavatæ similis. Vid. BLASIVS *in anatom. contract. pag. 100.* Mucosa & glutinosa hæc materia verum pabulum ac alimentum dentium est, quo crescunt, extenduntur, & soliditatem acquirunt. Solida produci ex fluidis experientia multiplici comprobatum constat. Testantur id ossa corporis solidissima, quæ nonnisi ex succo terrestri, fluido tamen, sanguinis ortum suum habent; lapides crescere ex aquis stillaticiis in subterraneis fornicibus, notissima apud curiosos res est. Aquam communem liquore certo petrifico affuso, successu temporis, quoad partem indurescere ac in lapidem converti posse, nostrum est experimentum. Eadem ratione nullum dubium est, mucosam illam materiam in dentibus contentam cedere in substantiam ipsorum osseam. Comprobat inter alia hoc ipsum analysis chymica, dum mediante machina, quæ ab inventore dicitur Papiniana, nostra autem industria longe maiori perfectione & effectu splendet, non tantum omnia ossa, sed & ipsi dentes brevi spatio emolliri, inque succum gelatinosum resolvi possunt, remanente terrestri quadam mucosa substantia, ut adeo hac ratione elementa ossium clarissime demonstrari queant. Certissimum enim est, non secus ac alias corporis solidas partes ipsa componi ex succo gelatinoso; terrestriori tamen & crassiori, cum minus solidæ ac molliores partes, v. gr. fibrosæ ex fluido gelatinoso succo, in quem etiam omnis caro machina Papiniana resolvitur, consistunt. Originem mucosa dentium alimentaris materia habet ex ipso sanguine, & advehitur mediantibus ramulis arteriolarum minutissimis, ex carotide externa oriundis, per ipsius dentis poros. Antea jam dictum fuit, materiam hanc mucosam in dentibus re-
per-

pertam membrana contineri fatis valida, quæ copiosissimas vasorum sanguiferorum & advehentium, & revehentium ramificationes repræsentat. Intensa autem huius membranæ rubedo præcipue apparet in infima parte, cavitatis dentis brutorum. Ratio hinc facile deducenda est, quare e dente carioso serum sæpius sanguineum exstillet, sive suctione evocari queat, manifesto indicio: sanguifera vasa in ipsam dentium cavitatem penetrare. Mea itaque sententia ex poris arteriolarum cribratur & transsudat succus lymphaticus pellucidus, qui in membranæ cavitatem effusus, illic subsistit, & successive concrescit, quoniam vasa dubio procul lymphatica, quæ iuxta SCHENCKIVM *anat. part. hum. corp. p. 2. c. 6.* cavitatem dentis intrans, tenuiorem & liquidiorum partem absorbent & revehunt, remanente crassiore, & ad concrescendum aptiore, quæ primo in superficie & circumferentia longo transpiratu solidescit, cuius postea interstitiis, novus succus affusus, tandem successu temporis maiorem soliditatem conciliat. Revera enim osseæ dentis partes nutriuntur succo, qui per poros advehitur. Videmus nutriri ossa, quoniam tendines & cartilagines temporis diuturnitate osseæ redduntur, & ossa mollissima in infantibus durissima tandem evadunt. Osseus denique succus, qui ex ipsis ossibus fractis transsudat, facillime concrescit, & ad callorum generationem, quibus mediantibus ossa glutinantur, facit. Statuendum itaque esse existimamus, ossa non tantum ad iustam mensuram augeri, sed ad senium usque nutriri, dum nova semper materia alimentaris per vasa sanguinea accedit. Et hæc est ratio, cur accessu novæ materiæ in infantibus aucti & extensi dentes, tandem protrudantur ac ex gingivis appareant. Dentes autem continuo crescunt, alioquin ex continua attritione & manducatione cito forent contriti, sicut gutta cavat lapidem: quantum ergo atteruntur, tantum rursus augescunt. Quando autem dentes vel deficiunt, vel excidunt, succus ille pro dente augendo in alveolum vacuum dela-

delatus, ipsum ossea substantia replet, gingivali carne, etiam duriore reddita, ut dentium vices aliqua ex parte supplere possint.

6. PERSPECTA hætenus dentium generatione ac nutritione; restat iam, ut explicemus, unde dentes ceu ossa sentiendi vim obtineant. Sentiunt autem dentes non eatenus, quatenus ossei sunt: absurdum enim esset, ossibus sensum adscribere velle, qui adeo duri sunt, ut vix igne ac ferro sint domabiles, sed quatenus singulis dentium radicibus per porulos minimos in hominis adulti præsertim incisoriis & caninis vix conspicuos, in maioribus autem brutis satis observabiles, tenues nervorum surculi, qui ex quinta secundum enumerationem recentiorum prodeunt, implantantur. Nervuli hi cum vasis sanguineis ope membranæ velut in funiculum constricti sub dentibus decurrunt, & dentium cavitatem ingrediuntur. Horum nervosorum surculorum, utut minimorum, sensibilissimorum tamen gratia dentes duntaxat, evidenti inter ossa sentiendi facultate donatos credimus. Noverat namque rerum opifex, cum dentes nudi crebro variis alterationibus, rosionibus, fractionibus exponantur illos plus cæteris ossibus enutrirî, & incrementum longiore vitæ tempore accipere debere, unde ipsis nervos dedit, ut influxu spirituum pro majore accretione juvanda & nutritione gauderent. Nervi autem, qui per maxillam tam superiorem, quam inferiorem transeunt, ac ipsis dentibus implantantur, ab ipso quinto pari originem suam habent. Distribuitur nimirum hic nervus in varios ramos, quorum primarii hi sunt, unus ophthalmicus, qui oculi orbitam ingressus adnatæ oculi tunicæ, glandulæ lacrymali, palpebris, musculis nasum sursum moventibus, item frontis musculis suas fibrillas impertitur. Crassior ac interior propago hujus rami ophthalmici per foramen peculiare in orbita, calvariam juxta cristam galli ingrediendo, crassam meningem penetrat, ac subinde e cranio exeundo per foramen ossis cribriformis nasum ingreditur, & per

per membranam ejus distribuitur. Alter ramus quinti paris maxillaris e cranio per tertium foramen emergit ramulis variis conspicuus, quorum primus postquam furculos musculo masseteri, gingivarum carni & radicibus dentium maxillæ superioris per foraminula conspicua eis in postica impertit maxillæ parte, sinum peculiarem ossis infimam orbitæ partem constituendis subit, & ubi primum ex ipso per foramen, peculiare ipsimet orbitæ subditum egressus est, modo in tres, modo in quatuor dirimitur propagines, quæ utrinque faciei tegumentis, labro superiori, musculo infimam nasi partem ad latera ducenti, nec non interno ipsius nasi musculo, fibrillas plures largitur. Alter ramus deorsum recta fere tendens circa posticam ductuum seu canalium ad fauces tendentium regionem in duas propagines dividitur, quorum superior ad membranam pituitariam, quæ sinuum sphenoidaeorum, ethmoideorum, frontaliū sinuum & maxillarium interiora obducit: inferior vero per foramen peculiare parti ossium palati incisum transit per carnem peculiarem & spongiosam palati ossibus substratam, ubi minimi ramuli dentes anteriores superioris maxillæ, mea sententia, etiam ingrediuntur. Ramus tertius maxillaris inferior seu gustatorius dictus per quintum utriusque lateris foramen emergit, in tres insignes propagines finditur, quarum prima ac interior, utrinque linguae lateri, paulo supra radicem illius subiicitur, & per mediam linguae regionem & glandulas maxillares trajicitur. Secunda propago sinum infra os mandibulae inferioris excavatum ingreditur, ubi plures exserit fibrillas, quo dentium radices penetrant, & cum nervus hic ad radicem quinti dentis molaris pertingat, per foramen in antica parte maxillæ exit, & anterieus ad labium ejusque musculos excurrit. Tertia propago rami eiusdem maioris glandulam parotidem subit, & in ipsa terminatur. Cognita sic ramificatione paris quinti, in promptu erit deducere inferius, quomodo dentes per consensum etiam alias partes afficiant, & quare medicamenta nari-

(Hoffm. Opusc. patholog.) T bus,

bus, temporibus, item posticæ parti maxillæ inferioris applicata in sistenda odontalgia insignem habeant efficaciam.

7. QVOD numerum dentium illorum magnitudinem, figuram & officium attinet, dentes utplurimum triginta duo numerantur, una serie in utraque maxilla sedecim instar iustissimæ choreæ siti, in foeminis vero sæpius quatuordecim. Natura communiter homini concedit dentium pluralitatem, ita dispositam, ut in qualibet mandibula detur unus dentium ordo, quo nimirum eo melius alimenta comminuantur & ad chylicationem præparentur. Quæstio hic moveri posset, an ex frequentia dentium vitæ longitudo brevitāsque diiudicanda sit? Notatum enim iamdudum est ab *Hippocr. lib. VI. epidem. sect. 6. t. 2. Qui longæ vitæ sunt, plures dentes habent* BARTHOLINVS in *instit. anat. p. 730. Paucitas, inquit, dentium & signum est materiæ inopiæ, & debilis vis formatricis, aut causa est, quare cibi non bene præparari queant, unde concoctio prima & secunda quoque vitatur.* Plura vide in *M. N. C. Dec. I. an. VI. & VII. obs. 138. & SCALIGERO de subtil. ad Cardanum.* Plures adsunt dentes, & quidem divisi, quo statuto tempore non uno impetu omnes, quod valde dolorificum esset propter dolorum augmentum, sed divisim e torulis suis egredi possint, deinde dum unus ab officio suo desciscit, nec huic variis de causis amplius præesse potest, facile ceu rebellis sine alterius adhuc sani læsione eiici queat, quæ omnia minus feliciter contingerent, si omnes dentes unum os continuum facerent, læsa enim illius tunc aliqua parte totum corpus facilius afficeretur necesse esset. Magnitudine dentes in homine sunt mediocres. Ratione figuræ & officii varia adepti sunt nomina, quorum quatuor medii priores incisarii vocantur, sunt enim lati & acuti, quo oblatum ipsis cibum mordendo cultri modo promte abscindant dividantque, vocantur etiam risarii, quod inter ridendum primo denudentur, item lactei, die *Milch-Zähne*, quoniam primi prodire solent: dein sequuntur canini, qui incisariis proximi sunt,

sunt, suntque utriusque maxillæ duo, basin habent amplam, & radicem longam, in fine autem a gingivis remoto, acuti sunt, ut si quid propter duritiem, ab incisoriis non præscinderetur, hoc illi confringerent: ipsis hoc nomen inditum est, quod exsertis canum, qui hos multos, habent dentibus correspondent, vulgo etiam dicuntur oculares, quod evulsi oculis molestiam creant, de cuius rei causa vulgo disceptatur. Alii arbitrantur, quod ad orbitam oculorum radice sua maxima pertingant, cum tamen vix infimam alarum nasi partem tangant. Alii dicunt, nervum ex orbita oculi inferiore, qui per foramen maxillæ egreditur, ad dictos dentes portione quadam propagari, quæ sententia videtur probabilior, sed quoniam dentes canini maxillæ inferioris portionem istius nervi non admittunt, ideo nec dici possunt oculares. Post hos maxillares seu molares quinque ab utroque latere habentur ampliores, asperiores & lata, ac inæquali basi conspectiores, ut eo melius omnia asperitate sua conterere queant in lævorem exactum, quæ ab incisoriis incisa, & a caninis diffracta fuerant. Interdum in utroque latere quinque molares occurrunt, interdum quatuor: nonnunquam quatuor a sinistris, quinque vero a dextris: vel contra in sinistris quinque, ex dextris quatuor: vel infra quatuor, supra autem quinque, quam differentiam potissimum pariunt postremi dentes, quos plerique genuinos vocant, etiam si Cicero ita molares vocaverit. Sunt autem illi, qui primum post pubertatem, venerisque usum, hominibus cum maximis subinde cruciatibus prodeunt: id quod Medici parum observantes, aut alios dentes evellunt, aut humorum vitio eos infestari sibi persuadentes, ægros captatoriis, atque id genus aliis pharmacis obruunt; cum dolore affectis nullum, levi gingivarum ad postremum dentem scarificatione, ac interdum ossis pertusione, præsentius remedium adferri possis, id quod ipse etiam experfus sum, cui trigessimus secundus dens ætatis meæ vigesimo sexto anno succrevit. Hactenus verba VESA-

LII, *de corp. hum. fabrica* l. 1. p. 34. Quoad colorem dentium, is quo candidior eo melior est, & sanitatis dentium certius indicium; impediunt vero candorem illum negligentia, senectus & morbus, vid. BARTHOLINVS *anat.* p. 729. cui adstipulatur VERHEYEN *in anat.* p. 6. & 225. inquit: *colorem flavum & nigrum*, non, nisi præter naturam, & ordinarie per corruptionem accedere. In iuventute vero usque ad annum circiter trigesimum dentes albissimi sunt, & deinde tendere solent nonnihil ad flavedinem, quæ cum maiore ætate intenditur, redditurque color albus obscurior, eo tamen nunquam, nisi præternaturaliter spoliantur & ætates dentium secundum colores HELMONTIVS distinguere docet. Variat tamen hic color etiam ratione climatum, hinc australes, dentes nitidiores habent borealibus, Æthiopum & Ægyptiorum candor & ob aeris benignitatem, & nili sanitatem, cæteris palam præripit, quod idem HELMONTIVS animadvertit, nec non PETRVS IOHANNES FABER. ac PROSPER ALPINVS *de Medicina Ægyptiorum* ita scribens: *Ægyptiorum dentes iuventutem suam servant & vigorem, nec cariem sentiunt, nec dolorem.*

8. DENTES ad unum omnes maxillarum finibus, quos alveolos, fossulas & præsepiola vocant, cuneorum seu clavorum in modum, beneficio articulationis, γαρφώσεσσι dictæ firmissime infiguntur, ut nequaquam in duriorum ciborum comminutione vacillent aut commoveantur. Cæterum dentes omnes non paribus collocantur in maxillarum alveolis radicibus, incisarii singulis immittuntur, canini quoque habent singulas, quæ incisiorum radicibus multo altius inferuntur: tantoque maiores sunt, quantum caninorum robur excedit, unde & inter incisorios duo medii altioribus hærent radicibus, quoniam latiores grandioresque sunt, quam duo laterales caninis proximi. Molares radicibus inter se variant, superiores, maxime posteriores duo ternis subinde infiguntur, inferiores autem duabus præditi sunt, partim quoniam substantia maxillæ superioris mollior & rarior est, quam

quam inferioris, unde duabus radicibus tam firmiter inhære-
re non possunt, partim quod inferiores gravitate sua incum-
bant in radices, contra ac superiores, qui penduli sunt, a-
deoque pluribus indigent vinculis. Reliqui molares supe-
riores canino denti succedentes duas radices, inferiores
autem unam saltem habent. Cæterum non prætereundum
est, puerorum dentes imperfectis & mollibus, & quasi me-
dullosis constare radicibus, unde vacillantes, & præcipue
incisorii unguibus, aut filo denti circumdato eximi possunt.
Illud autem adhuc porro observationem meretur, radices
dentium ligamentis membranaceis, nerveis interius omnes
cinctas esse, quibus dentes loculis suis firmiter affiguntur,
externe autem firmiter ambit ac unit dentes gingivalis sub-
stantia, quæ caro est dura, ex fibrosis lamellis iuxta se posi-
tis, conflata, infinitis vasculis sanguineis intertexta, unde
etiam rubedine intensa fulget. Præterea copiosis membra-
nulis, glandulis atque nervorum ramis scatet, unde sensilis
est, & subinde humiditate irrigata observatur, hæc caro in-
star valli dentes cingit, & instar musculorum ipsos roborat,
unde gingivali carne vel exesa, vel nimis relaxata aut flac-
cida reddita, dentes facillime excidunt & vacillant. Mem-
brana autem illa, quæ radices dentium & illorum partem,
quæ obvelata est, investit, bene monente CLOPTON HAVERS
in osteolog. non est continuatio periostii maxillaris, sed po-
tius ea propagatur, quæ gingivas contingit, ac universo ori
communis est, & revera glandulosa, quæque non cum gin-
givis terminatur, sed quam primum ad extremas earum oras
pervenit, intorquetur, & intra alterum gingivæ & dentis
latus reflectitur, ossea vero in alveolum descendit, & im-
mediate illis dentium partibus adhæret, quæ in alveolis si-
tuantur. Nonnullorum dentium radicibus in specie in ma-
xilla superiore, una cum hac membrana aliquid duræ & car-
næ gingivarum substantiæ communicatur, per quam dentes
eo firmitus in loculamentis suis affixi & annexi sunt. Et

quamvis dentes ipsi de communi perioestio haud participant, alveoli tamen eo gaudent, & cum ipsa membrana, quæ dentes tegit, coalescit, ut unam quasi constituere videatur.

9. POSTREMO de usu dentium pauca adhuc monenda esse arbitror. Diximus in definitione, non tantum ad masticationem ciborum, sed etiam ad vocis expressionem ipsos conducere. Primarius autem usus est masticatio, ceu ciborum solidiorum incisio, fractio & comminutio, ad quam omnes dentes requiruntur, quapropter omni tempore dentium magna fuit æstimatio. Egregie MOEBIVS in *fundament. med. cap. 9.* ostendit, quod non solum Deus in lege Mosaica servum, cui dominus dentes effregisset, manu mittendum mandaverit, sed & veteres plumbeum odontagagon in Apollinis templo suspenderint, ne eos evellerent posteri, nisi cariosos & summe mobiles, plumbeoque instrumento cessuros. Turcæ itidem, MENAVIO scriptore ITALO *lib. 3. cap. 22.* referente, non, nisi impetrata regis licentia, dentes extrahere ausi fuerunt. Secundarius usus est vocis articulatio, dum valli instar linguæ aerique refluenti objiciuntur, hinc infantes, dum dentes non habent, vagitum edunt, qui duos aut tres, mussitant, qui plures, distinctius loquuntur, imo, qui aliquot amiserunt, vocis læsionem incurrunt, *vid. LINDANVS in physiol.* Præter duplicem hunc usum etiam ad ornatum faciunt, nam ingrata est facies, cui gelasinus abest, quare & incolæ occidentalis Indiæ stultæ agunt, qui ornatus gratia anteriores dentes sibi evelli curant. Videatur ea de re HIERONYMVS BENZO *de rebus indicis.* Deformes etiam habentur, qui nigricantes & cariosos habent.

10. POSTQVAM hætenus, ut arbitror, satis copiose & enucleate dentium statum secundum naturam consideravimus, quali gaudeant substantia, qua ratione generentur, quomodo & quibus viis nutriantur, unde suum habeant sensum, quomodo alveolis suis firmissime inclusi ac connexi sint, promptum ac facile iam erit, illarum læsiones morbo-

fas,

fas, statumque præternaturalem perspicere & illius varias causas tam mediatas, quam immediatas eruere.

II. QVONIAM autem dentium pathologiam specialius perlustrare animus est, consultum fore arbitror, omnes dentium affectus dispescere in eos, quibus dolor iungitur, & qui dolore vacui sunt, nec non in illos, qui ex vitiata nutritione, vel ex nervorum aut ligamentorum, & gingivæ, quæ iuxta dentes est, debilitate aut vitio oriuntur. Primum autem occurrit communissimum illud dentium vitium, ratione ipsorum substantiæ, nempe caries aut exesio, quam non tantum sæpius gravis dolor, mutilatio, sed & foetor putredinosus, verminosa progenies, & fistularum generatio subsequitur. Originem suam habet caries a causa potissimum interna, dum mucus iste gelatinosus, qui dentium cavitatem replet, ob lympham impuram scorbuticam, acredine & salugine quadam erodente imbuitur, unde non secus ac caro ex lymphâ salsa impura nutriente destruitur, corroditur, in ulcuscula abit, dens quoque ob vitiosum nutrimentum emolitur, corroditur ac successive destruitur. Quod autem non singuli dentes a lymphâ tota corrupta illud vitium patiantur, ratio hæc esse videtur, quod singularis debilitas vasorum, quibus dens constat, aut dispositio ab externa causa accedat necesse est. Inchoat enim plerumque caries dentis ab extra per parvum quoddam nigricans punctulum seu foraminulum, præsertim in maxillaribus, qui latiores sunt, & in medio successu temporis substantia corticali absumpta cavitates quasdam acquirunt, quibus adhærentes ciborum reliquiæ mora acriores redditæ, motu putredinoso intestino facillime offeam dentium substantiam excavare atque dissolvere aptæ sunt: simulac autem in parte quasi vacuum quoddam spatium factum est, protinus ad illud invitatur maior humidi ab intra influxus atque accessus, & ita successive totus ferme dens consumitur, ut frustulatim excidat, id quod mutilatio dicitur; accidit autem hæc anterioribus dentibus absque prævia
exca-

excavatione, sed cuniculi cariosi exitum non inveniētes librorum, latera eorum statim diffindunt.

12. QUANDO sanies cariosi dentis per angustum foraminulum libere satis effluere nequit, & versus radices inferius agit ipsosque alveolos & maxillam aggreditur, oritur fistula, quamvis etiam ipsa non semper ex dente carioso originem ducat, sed sæpius etiam in maxilla incipiat, in ipsoque dente terminetur, & illum demum reddat cariosum. Historiam talem fistulæ ZVVINGERS in *M. N. C. Dec. II. an. VII. obs. 233.* refert, ubi ex dente carioso fistula, & ex fistula iterum plures dentes cariosi facti sunt; potest etiam hanc in rem legi *disputatio Argentoratensis de genæ fistula, in dentem cariosum terminata.* Excavatis dentibus foetor supervenit teterimus, isque ex sanie dentis cariosi cadaverosa, quæ ex ciborum reliquiis in cavitate putredinem suscipientibus oritur: sanies enim dentis salino-sulphurea motu intestino vehementi instructa agit in ipsas ciborum reliquias intimam unionem partium dissolvendo, ex quibus constant, unde putredo, quæ nihil aliud est, quam dissolutio elementorum corpus constituentium, mediante motu intestino vehementiori, exsurgit, cuius perpetuus ac individuus comes est ipse foetor, qui ex secessione & evaporatione particularum tenuissimarum salino-sulphurearum producitur. Sub putredine tali foetida dentis conspicitur sæpius verminosa progenies: nihil enim magis facit ad generationem vermium, quam motus intestinalis putredinosus, utpote qui seminia verminosa actuat, vivificat atque expansiva virtute sua brevi tempore ipsa insecta excludit, multumque illa nutrit. Nolumus iam hanc litem decernere, an insecta talismodi verminosa semper supponant seminium quoddam, an vero iuxta veterum æquivocam generationem ex disposita quadam materia mediante motu intestinali putredinoso saltem produci queant; placet tamen in illustrationem huius rei memorabiles duas adjicere observationes. Retulit nempe nobis ante aliquot annos *Professor Lipsi-*

Lipsiensium, reparatum quondam fuisse in collegio principum maiori hypocauftum quoddam & vermem, insignis longitudinis & crassitie in trabe tegumentum hypocaufti sustinente cariota facta repertum, qui figuræ monstrosissimæ, dimidiam trabis longitudinem fere adæquavit. Altera ibidem annotata fuit. Ovum quoddam rubrica tinctorum infectum integrum, nec ullam fissuram ostendens, per totam ætatem linteis involutum & superstratum in scatula asservatum est. Accidit autem, ut linteis opus habens scatulam aperiret, quo facto, magna formicarum ad instar, alatorum vermiculorum quantitas evolabat, acidissimo interim odore omnibus linteis imprægnans, tandem ovo conspecto, in basi aperturam offendit, ex qua animalcula dicta egrediebantur; diffracto demum ovo, vermiculos caseosis illis non dissimiles, alatis nigris succedentes, ac in albumine nidulantes, (de vitello autem nihil amplius apparebat,) in conspectum veniebant. Quemadmodum autem nulla pars humani corporis est, in qua non vermes generari possint, uti observationes in FORESTO *lib. XIV. p. 330.* aliisque testantur, ita non video, cur in dubium vocandum sit, in dentibus illos non progigni, cum quotidie cibis vescamur, qui verminoso inquinati sunt seminio: confirmat id quoque ipsa experientia, cum ex ipsis dentibus evulsis cariosis diffractis, vermiculi extracti fuerunt, quam in rem evolvi possunt SCHVLZIVS & PECHLINVS, M. N. C. *Dec. I. an. IX. X. p. 433.* HOLLERIVS, in *perioche ad lib. V. Galenus de compos. med.*, IOHANNES AGRICOLA in *not. ad Ioh. Popp. de tartaro*, SALMVTHIVS *obs. med.* Confer præterea FORESTVM *pag. 399.* SCHENCKIVM & ETTMÜLLERVVM in *praxi p. 66. a & b. it. p. 822.*

13. Ex vitioso nutrimento, quod non tam dentium, quam gingivarum est, perficitur quoque generatio lithodonti seu lapidis dentalis, tartari dentium vulgo dicti. HELMONTIVS gingivas, ipsis dentibus nutrimentum suppeditare putat, quod si in excrementum vertitur, & ex læsi gingivis emittitur,
(Hoffm. Opusc. patholog.) V tur,

tur, circa dentes ipsum indurescere, cum jam tum aliqualem susceperit determinationem sive potentiam dentalis duritiei. Nostra sententia hæc est, tartarum dentibus adhærentem, productum esse partim saliva terrestribus, tartareis & viscosis partibus stipata, partim etiam lymphæ gingivalis impura tartarea, quæ subinde dentes humectando, successive ipsis viscosas tartareas partes apponit: hic tartarus propter acredinem suam paulatim ipsam dentium substantiam consumit, & nigredinem, quæ propter poros copiosiores inductos lucem suffocantes oritur, ipsam cariem inducit. Cæterum hic dentalis lapis, spiritus salis affricu in momento resolvitur ac abstergitur, indicio, terra alcalina ipsum constare. Solet hic affectus familiarissimus esse infantibus, qui lacticiniis viscosis & saccharatis vescuntur, item scorbuticis, arthriticis, nephriticis, hypochondriacis, non aliam ob rationem, quam quod illorum serum scateat impuris terrestribus tartareis copiosis partibus, quocirca ex hisce concludendum esse existimo, inspectionem gingivarum merito commendandam esse Medicis, quoniam harum status feri ac lymphæ statum nobis indicat luculentissime.

14. ACCEDIMVS jam ad illos dentium affectus, qui ex vitio ac imbecillitate nervorum nascuntur, & primum occurrit dolor, qui interdum crudelissimus percipitur in tota dentis substantia, imo in gingivis & vicinis partibus, tota sæpius maxilla. Membranam enim licet tenuem, exquisitissimi tamen sensus per cavitatem dentium dispersam esse, nec non nerveam tunicam, ipsas gingivas, alveolos & radices immediate cingere, ex physiologicis sufficienter notum est; quando itaque ipsa sanies cariosi dentis, fibrillas membranaceas in medulla dentis contentas aggreditur, dolor excitatur truculentus. Unde experientia quotidiana deprehendimus, raro excitari odontalgiam, nisi dentes existant cariosi. De fluxio enim quæ e capitis vertice per tempora in maxillas ruit, dentem, qui exesus est, in eum maxime infilit. Interdum

terdum etiam dentibus salvis ac integris dolor se manifestat una cum rubore, tumore, pulsatione arteriolarum, facie rubicunda, perpetuo salivæ stillicidio, calore præternaturali & febriculosa quadam sanguinis commotione, assiduaque vigilia, quæ cuncta symptomata arthritidem quasi dentium & partium vicinarum inflammationem patefaciunt. Invadit sæpius hic affectus plethoricos, scorbuticos, & quibus solennis evacuatio sanguinea, in foeminis per menses, in viris per hæmorrhoides aut per omissionem venæsectionis cohibita & suppressa fuerit, hinc gravidæ ob statum plethoricum, cui cachymia sæpius se associat, valde obnoxia sunt huic affectui. Fit nimirum a decubitu feri acris circa radices, gingivas ac membranas dentium stagnantis, quandoque cum affectu erysipelaceo, qui cutem externam faciei & substratos musculos, & glandulas parotites infestat, iungitur odontalgia, & spasmodica partium constrictione ipsos dentium nervos in consensum trahit. Cæterum notissima veterum distinctio est odontalgia a causa calida vel frigida, quæ etiam sano sensu potest admitti: calida dicitur, quæ cum fervore ac æstu in sanguineis, plethoricis, cholericis, ætate existente juvenili vel virili, cum symptomatum ac febris vehementia invadit, facie rubicunda, & vasorum intumescencia. Ex causa dicitur frigida, si corpora cachectica, subiecta serosa, senes, foeminas adoritur & cum facie pallida, pulsus debilitate, tumore oedematoso iungitur: & notandum in genere est, quando odontalgia proficiscitur ex causa calida, acerbiores, breviores tamen existere dolores, quando ex humore frigido, remissiores, ast diuturniores fieri. Secundo loco attentione dignum est, odontalgiam, quæ cariem dentis pro causa agnoscit, magis esse continuam, ita tamen, ut occasione multiplici externa & interna excitetur & exacerbetur, quæ autem est inflammatoria, & a decubitu feri visceris acris suporitur ac arthriticis, rheumaticis, hypochondriacis, plethoricis, & qui consuetas narium hæmorrhagias non patiuntur,

familiaris est, cum febriculoso horrore, capitis gravitate, corporis lassitudine, faciei distensione per periodos invadere solet, & certo quoque tempore finitur. Simile quid hic affectus, ratione invasionis, ratione causarum, symptomatum, & curationis habet cum erysipelate, arthritide, podagra, rheumatismo; adest nimirum in hisce omnibus inflammatoria feri vel sanguinis congestio cum spasmodico dolore, tumore, rubore, ardore, pulsatione coniuncta, quæ debitam dissipationem & resolutionem requirit.

15. NEQUE hoc loco silentio prætereundus est ille dolor, qui a proruptione dentium suscitatur in infantibus ac pueris, præsertim quando canini, qui præ reliquis satis duri ac acuti sunt, unde germanicis die *Spis Zähne* dicuntur, gingivalem carnem pervadere nituntur. Profecto enim longe maiori cruciatu atque molestia hi prodeunt, quoniam acutius gingivas afficiunt, quam molares maiores & obstrusiores. Unica doloris causa est perruptio, lancinatio & irritatio gingivalis carnis, quæ ex variis fibris, nervis ac membranis contexta est, unde ex hac irritatione exsuscitatur dolor, ex dolore dein, qui semper cum spasmo & impetuoso spirituum animalium per systema nervosum commotione junctus est, proficiscuntur atrocia dentientibus supervenire solita symptomata, quæ recenset divinus *Senex Sect. 3. Aphor. 25.* inquit: *cum dentire cœperint, gingivarum molesti pruritus, febres, convulsiones, diarrhææ oriuntur, maximeque cum edunt caninos dentes, & qui inter pueros crassissimi sunt, alvoque adstricta.* Quibus tanquam frequentioribus iunguntur etiam vigiliæ, vomitiones, salivatio crebra, asthma, tussis. Et ordinario adest maior horum symptomatum imò convulsionum truculentia, quo maior ad eas diathesis ex utero materno, nutrice morbosa aut prægnante, lacte in ventriculo coagulato, aut in putrilaginem acidam aut amurcam degenerante, pultibus ferventibus, aeris frigidi admissione, capitis aliarumque partium ulceribus aut exanthematibus

habet, copiam coacervatam invenit, quæ vincula laxarit, ac tandem ipsos dentes extruserit, quem in SCHENKII observationibus allegatum vide. In scorbuto vero acre peregrinum, ex gingivis corrosis ad dentis radices & ligamenta elabens, eandem corrosionem inducit. Mercurius firmitati dentium infensissimus est, ubicunque enim poros invenit, (invenit autem ob tenuitatem etiam in subtilissimis) ibi se insinuat, & corrodere incipit, nervis imprimis ac ligamentis infestus: huc facit BOYLEI observatio, *tract. de poris cap. VII.* qui mercurii guttulam in dentis alveolo invenit ab inunctione mercuriali reliquam, quæ & dentis elapsi causa fuit; eundem effectum aquæ cosmeticæ mercurio imprægnatæ sæpissime produciunt, de quo FORESTVS & ETTMULLERVS plura habent. Tandem violentia externa ligamenta etiam rumpuntur, si non omnia, saltem plurima, ut leviter saltem adhuc alveolis dens, adæreat idque vel per dentiducis extractionem, vel per ictum, vel per excussionem, aut per casum. Gingivas quod attinet, illæ in tono suo plerumque resolvuntur vel odontalgis cessantibus; propterea, quod inflammata antea intumuerant; nam omnis caro inflammata postmodum flaccescit, vel a salivatione cessante, gingivis antea non ruptis, sed rarefcentibus saltem. Unitas earum soluta in simplici saltem cruentatione fit, si saliva acri charactere infecta, sive simplici sive scorbutico, gingivarum carnem in spongiositatem ac tumorem attollit, unde modo leviter tactæ rumpuntur & sanguinem fundunt. Jam longe facilius erit de dentium casu & defectu differere: dicitur autem casus quando vel vacillatione vel vi externa excidit dens. Defectus est, quando propter ætatem prioribus novi non succrescunt.

18. DEVOLVIMVR iam ad stuporem dentium, qui peculiare quasi quoddam doloris genus est, quando nimirum membrana dentes investiens sensu quodammodo privatur. Causa petenda est maxime ab acido austero assumpto, vel etiam per vomitum reiecto, unde hypochondriacis ex acido
& au-

& austero laborantibus hic affectus valde familiaris est, vid. M. N. C. *Dec. II. an. VII. pag. 142.* Quo de morbo etiam legi meretur FORESTVS *lib. XIV. obs. IX. pag. 406.* Superest stridor dentium seu eorundem crebrior collisio: est peculiare convulsioni genus a spasmō reciproco muscūlorum in genis abductioni & adductioni mutua opera inservientium, qui aliquali convulsivo motu affecti, stridorem talem inferunt. Causæ sunt, quæcunque ad convulsiones aliquid conferre possunt e. g. frigus intentissimum, dolores ex vermibus, ex dentitione difficili, suppressio catameniorum, circa quam consuli possunt ETTMULLERVS *in Praxi pag. 70.* & FORESTVS *obs. IX. pag. 400.* Hæc circa dentium pathologiam hoc loco sufficiant.

19. POSTQVAM diversos in superioribus consideravimus dentium affectus, illorumque causas exposuimus, restat iam, ut singulis seorsim convenienti medendi via & remediis ad causas tollendas potentibus aptissimisque occurramus. Primum autem in considerationem merito venit ipsa dentis caries, siue eius destructio ac corruptio saniosa, ubi illud notandum, cariem seu corruptionem & mortificationem dentis nec ulla arte vel remedio reparari posse. Quod enim corruptum & mortuum est, uti videmus in sphacelo, illud ad integritatem & vitam minime potest revocari; nam quod sphacelosa putredo & corruptela est in carne, illud caries est in ossibus. Interim tamen eo allaborandum est, ne illud malum quod in principio sæpenumero leve & exiguum est, ulterius serpat & vires acquirendo, totum dentem destructione afficiat. Si enim semel inceperit caries in dente, propter putredinem, quæ subinde sese multiplicat, & continuo partem rapidissimo suo motu inficit, maxime si aeris ceu fluidi gravis penetrantissimi, vehementissimi, vehementi in motu intestino existentis, liber fuerit accessus, non desistit, donec totum os consumserit; quinimo observamus, quod caries, dente uno consumto, etiam alterum vicinum adoriatur & simi-

simili labe afficiant, huic itaque corruptioni ponenda sunt obstacula. Ea autem omnia, quæ alias cariei ossium magno cum effectu opponi solent, qualia sunt euphorbium, camphora, oleum cochleariæ, caryophyllorum hoc loco insufficientia deprehendo; hanc potissimum ob rationem, quoniam partim commode non applicatur, partim etiam accessione ciborum & continuæ salivæ virtute sua imminuuntur. Illud unicum expertissimum pro conservatione dentis qui iam excavatus & carie tactus fuit deprehendi remedium, nimirum curavi parari ex plumbo massulas & molleculas, quæ exactissime cavitati dentis, respondebant illasque decenti applicatione intrusi: ita ad multos annos dens servatus fuit integer, quod felicissimi effectus esse sum expertus; impeditur nimirum hac ratione, ne reliquæ ciborum intrantes dentis cavitatem in putrilaginem abeant foetidissimam, quæ non tantum ulterius depascit osseam dentis substantiam, verum etiam male olente odore totum palatum imbuat. Addimus etiam, quod plumbum saniem istam cadaverosam acidam acrem substantia sua alcalina temperet, corrigat, immutet, uno verbo: fermentum sic dictum ulcerosum penitus destruat, nec non ulterius aeris liberum aditum præpediat.

20. NOTISSIMUM in foro medico est, nullos gravioribus conflictari doloribus dentium, quam qui dentes exesos & excavatos alunt, in illos enim, cum via iam pateat, fluxio feri acris magis infilit & irritando membranam nerveam, quæ cavitatem dentis interiorem investit, crudeles dolores efficit. Ut itaque talismodi dens cariosus nunquam amplius dolore afficiatur, optimum arcanum hoc est, applicetur nempe cauterium actuale, & huius beneficio comburatur membrana interior nervea, per quam sentit dens. Accidit hæc operatio sine ullo dolore & citra ullum periculum: quod tantum in me ipso, sed & in compluribus individuis illud tentasse testor, instrumento singulari hunc in finem elaborato, auspiciatissimo semper cum effectu, cavitati postmodum dentis intrudenda est,

est massa, ut antea dictum fuit, plumbea. FORESTVS *lib. XIV. p. 410.* actuale cauterium applicat per cannulam, & dentes vicinos cera vel re simili munit. Instrumentum huic fini aptum communicat SCVLTVS *in armament. chirurg. appendice p. 5.* In genere hic tenendum, actuale cauterium potentialibus, cuiusmodi sunt oleum vitrioli, aqua fortis, caput mortuum vitrioli, longe præferendum esse, hæc enim simul destruunt dentium texturam & fauces lædunt, illud autem humiditatem dentis nimiam exsiccando, & simul fermentum, ut vocant extinguendo, iuvat, adeoque ex duplici effectu merito laudatissimum est.

21. ACCEDIMVS iam dentis extractionem, circa quam etiam nonnulla merentur animadverti: asserimus autem dentium extractionem aliquando non iuvare vel necessariam non esse, quandoque periculosam esse, interdum autem summe necessariam. Non iuvat, quando inflammatio & exulceratio, non tantum dentem & gingivam, sed & totam viciniam, ob congestionem impurorum ex corpore humorum ibi factam, occupat: quando enim nullum in dente vitium est manifestum, tunc dolor minime tollitur dentis extractione. Non necessaria etiam est in odontalgia ex dente carioso, quoniam, uti supra innuimus, dens servari & caries ulterior nec non dolor dentis ex carie generatus, præcaveri potest, debita cauterii actualis applicatione. Periculosa est in extractione dentium caninorum, qui satis longam ac latam radicem habent, cui implantatur portio nervi, qui ex foramine orbitæ prodit, unde facile dolor acutus vel inflammatorius oculorum, & cephalalgia excitari potest. Confirmat id quoque observatio notabilis HIGHMORI *in disquisit. anat. c. 2. p. 1.* Larga quoque hæmorrhagia ab extractione dentium, qui altius insident alveolis, præcipue in plethoricis, mensibus instantibus, scorbuticis, febre ardente laborantibus obvenire potest, quæ etiam mortem post se trahit. Exempla videri possunt apud HIGHMORVM, HOLLERIVM, *comment. in*
(Hoffm. Opusc. patholog.) X *sect*

sect. 2. lib. 2. apb. 18. PLATERVM & ROVSSETVM lib. de hom. primordis, & hysterisis adfectibus. Cavendum quoque est, ne dens eo tempore evellatur, quo caput dolet & congestio nimia sanguinis est ad caput, aut crudelis dolor urget: quia tunc cum omnia irritata sunt, atrociora symptomata creantur. Plures cautelas circa evulsionem observandas tradit RIVERIUS *prax. med. L. VI. c. 1.* Si hæmorrhagia enormis fit a dente evulso, caput mortuum vitrioli admoveere oportet. Periculosa identidem est extractio, præcipue dentium molarium, præsertim in maxilla superiori existentium duorum, nempe penultimi & succedentis tertii, non tantum quod ternis subinde infigantur radicibus, adeoque maior læsio carnis gingivalis metuenda sit, sed maxime, quod maxillæ os simul facillime dilacerari possit. In huius rei illustrationem sequens historia plurimum faciet. Accessit ad me ante aliquod tempus generosissima foemina, quæ conquerebatur de fistula existente in maxilla superiori, in illa parte, ubi penultimus dens, qui extractus erat ante annum ob doloris atrocitatem, positus erat, ab hoc tempore statim, dicebat ægra, non consolidatam se observasse cavitationem, & ex hac perpetuum materiæ serosæ effluxum in os habuisse. Admittebat hæc cavitas stylum tres transversos pollices longum & quando applicandum fuit huic cavitati pro fine consolidandi balsamum Peruvianum, vel aliud remedium penetrantis odoris, sensit illud ipsum ægra in naribus efficacissime, quasi illud ab extra naribus fuerit immissum: observavit porro, quando nares non bene fluebant, accumulari & incrementum sumere effusionem materiæ serosæ per illam ipsam notatam cavitationem, & vice versa, quando dicto in loco non bene profluebat mucosa materia, in naribus excretio fuit adaucta. In consilium vocavit celebres & peritissimos multorum locorum medicos & professores, nec non chirurgos expertissimos, qui unanimi ferme ore dixerunt esse fistulam, in cuius sanationem ordinarunt usum thermarum, decoctorum exsiccantium ex lignis & ra-

& radicibus confectorum, nec non purgantia. Vñ quoque fuerunt externis balsamicis, traumaticis, constringentibus, sed sine omni effectu. Chirurghi incisione curandam esse putarunt, sed quomodo hanc celebrare potuissent, lubentissime voluisssem edoceri. Hæc omnia cum mihi narraret & a me peteret auxilium, statim edixi non esse fistulam, sed per violentam extractionem læsam fuisse maxillam superiorem & insignem illum sinum seu cavernam aut antrum accurate a Cl. HIGHMORO l. c. descriptum, (quod pituitaria satis valida tunica pro mucii secretionem instructum est, & in ipsas nares exitum suum habet,) apertum fuisse. Et hoc ipsa generosa foemina confirmat cum ediceret, radici dentis extracti adhæsisse materiam solidam, satis copiosam & pumicosam, statim in capite sceleti ipsi ægrotanti monstravi, quam tenuis sit, circa illum sinum in fine, ubi radix inseritur, substantia alvearis penultimi dentis, & qua ratione hac læsa stylus possit admitti usque ad orbitam oculi, item, quomodo in nares terminetur. Itaque impossibilem esse sanationem plenariam iudicavi præcipue in foemina ad senectutem inclinante, nec ullam chirurgicam operationem, aut ullam medicinam internam, locum habere posse, sed jussi tantum, ut cavitas illa plumbo occludatur, ne aer libere accedens ad sinum illum, maiorem putredinem ac corruptionem efficeret. Ceterum usum balsami vitæ, ut ipsum attrahat naribus commendavi, quibus remediis etiam optime se habet.

22. NECESSARIA autem extractio dentis est in fistulis, five illæ ex tumore inflammatorio gingivarum & maxillæ rupto dentem cariosum efficiente, five ex dente carioso & putrido, non mature exempto ortum suum habeant, eum in finem, ut saniosæ materiæ præbeatur exitus. Legi meretur hac de re FORESTVS *lib. XIV. p. 394.* Etenim necesse est, ut materia hac ratione exitum inveniatur, quæ alias a stasi maiorem acrimoniam & erodendi vim concipit. Accidit sæpius, ut cum dente simul eyellatur callus, & sanguinis profluxus ex fistula sub-

sequatur, unde felix subsequitur curatio, qua de cura videri potest SENNERTVS, *lib. 2. prax. part. 1. c. X.* MARC. AVREL. SEVERINVS *chirurg. efficaci part. 2. c. I.* 120. GVIDON. de CAVLICO, it. FORESTVS, qui aliquot historias curatarum fistularum una cum cautelis præstantissimis consignavit, duas nimirum describit gingivarum fistulas ex dente carioso *Lib. 14. obs. 17.* unam ex gingivarum inflammatione dentes cariosos reddente, libro eodem, *obs. 15* unam quoque partis externæ, ita ut in barbam virus manaret, *obs. 7.*

23. QUANDO dentes cariosi ac putridi vermibus præbent hospitium, dolor subinde pruriginosus, arrodens, cum nulla aut pauca salivatione observatur, notante id doctissimo FORESTO *in observationibus lib. XIV. p. 339.* Odontalgia ex vermibus orta difficulter sanescit, & ægre domari potest; spernere enim solet omnia specifica alioquin odontalgica, accersenda itaque talia sunt, quæ singulariter verminosæ progeniei adversantur, quem in finem laudatus FORESTVS *l. c.* decoctum colocynthidis, pilulas ex aloe & myrrha, item pulverem contra vermes commendat. Quidam fumum hyoscyami ad eliciendos vermes laudant, sed noxas huius suffitus deducit egregie HAGENDORNIVS, *in hist. med. p. 395.* tutior est fumus sabinae. CLAUDERVS *in M. N. C. Dec. II. an. 5. p. 304.* evulsionem dentis suadet, at vero nunquam ad extremum hoc præsidium est refugiendum, nisi durissima adsit necessitas. Ceterum tartarea & tophacea materia, quæ scorbuti, & lymphæ impuræ soboles est, & subinde dentibus firmissime cohæret, non melius tolli & amoveri potest, quam operatione chirurgica, per certa instrumenta ex chalybe, hunc in finem affabre confecta. Etenim abstergendus & abradendus tartarus ille est, ne cariem, insignem foetorem, abominabilem nigredinem & vermes producat; si levius saltem adhæret, pulvis ex osse sepiæ, cornu cervi usto, testis ovorum calcinati, tartaro vitriolato, iride florent: & moscho paratus, ad dentium dealbationem, & a tartaro corrosivo purgationem

com-

commendari meretur. Ita etiam spiritus vitrioli, cum syrupo cochleariæ & violarum subactus medicina non spernenda est, ad tartarum mucosum a dentibus auferendum; prudenter tamen adhibeatur, ne ipsa ossea dentis substantia simul in corruptionem abeat.

24. ACCEDIMVS iam ad dolorem inflammatorium, quo maxilla cum dentibus a decubitu sanguinis vel potius feri acrioris affici & sæpe graviter solet corripì. Commendamus hoc loco omnia illa, quæ alias inflammationibus solent opponi, nimirum ante omnia materia ibi hærens per blandam diaphoresin est discutienda, & enormes dolores, qui quandoque febrem, vigilias assiduas, insignes cephalalgias, imo convulsiones producant, blandis anodynis & nervinis componendi sunt. Quando corpus est plethoricum, vel solennis & consueta evacuatio sanguinis suppressa est, sanguinem educere convenit, sive ex brachio, sive ex lingua, incisive venis raninis. Ita foeminam plethoricam largissima venæsectione in pede a sæva odontalgia statim liberabat THONERVS *cap. XI. obs.* Postea diaphoretica cum anodynis mixta in usum vocentur, qualia sunt diascordium Fracastorii, roob. sambuci, camphora, nitrum, theriaca coelestis, essentia scordii, aqua Fl. sambuci, tinctura bezoard. mixtura simplex, eff. castorei, anodyna, cinnabaris, quæ sub varia forma adhibenda & subinde continuanda sunt, expectando semper lenem ac moderatam diaphoresin ac discussionem, hæc enim ingravescenti feбри simul obviam eunt. Abstinendum autem merito est a regimine impetuose sudorifero, utpote quod sanguinem vehementer commovendo ardorem, dolorem & symptomata magis adauget, & vires ipsas præmature destruit. Externe ad dissipationem doloris & tumoris convenientissimi sunt sacculi ex speciebus discutientibus & sale volatili oleoso & sulphure evaporabili demulcente constantibus, parati, calideque applicati, sunt autem eiusdem generis flores chamomillæ simpl. & roman. sambuci, meliloti, papaveris rhæ-

ados herba card. bened. chærefolii hyssopi hormini, semen anisi, carvi, anethi, baccæ iunip. camphora, crocus, succinum, farina fabarum, sal commune, nitrum, quæ omnia potentissima sunt resolventia & discutientia; præterea ab omnibus frigidis tam siccis quam humidis est abstinendum. Dein interne, si dolor atrocissimus est, pilulæ WILDEGANSIÆ & MATTHIÆ, quæ ex opio ceu basi, & purgantibus ac diaphoreticis constant, & opium præstantissime correctum exhibent, circa tempus præsertim nocturnum in usum vocari possunt. Ipso in paroxysmo, quando dolorum ferocia urget, spiritum vini camphoratum, vel balsamum vitæ ad guttas aliquot in nares attractum ex tempore & instar incantamenti inducias doloribus facere sæpius observavi, quamvis non continuas; cuius ratio hæc esse videtur, quoniam ramus nervi ad narium membranas pertingens, ex eodem provenit trunco: nimirum ex quinta coniugatione nervus ad dentes fertur. Thus quoque in balsamo nostro vitæ solutum & cum gossypio denti dolenti admotum, item cum aqua Caroli cephalica gingivarum frictio opem adfert præsentissimam. Ad mitigandum vero dolorem clystere nil est præsentius. In statu cacochymico, purgantia, specifica etiam ex gummatibus, mercurio dulci, sale succini, resina ligni guaiaci, extracto aloes, parata, & per epicrasin purgando forma pilularum exhibita, summe erunt proficua.

25. DE cætero in deliberationem hoc loco venit, an cauteria vel vesicatoria in odontalgia alicuius sint usus & fructus. Præctici non satis deprædicare possunt singularem eorum usum in gravissima odontalgia. Notum est anthelici auris aut musculis temporum affecti lateris applicari hunc in finem cauteria, vid. ZWINGERVS *in ephemerid. l. c. obs. 233.* Alii moxam circa tempora apponunt, cuius loco clarissimus FRANKIVS fune inflammabili carpto, geschabten Lunden, consilio B. Scretæ, præstantissimi medici utitur, vid. *M. N. C. Dec. 2. ann. 1. obs. 27.* In odontalgia periodica non minus felici-

liciter SPIGELIVS usus est cauterio actuali, quo eam antheliscis partem, quæ superiorem tragi immediate contingit, incidere, vulnusque debite consolidare solitus est. Loco cauteriorum potentialium specificè inservire queunt ranunculus nemorosus, raphanus rusticanus & alia. Alii contusi ad cubitum applicatione vesicas excitatas, eisque odontalgiam sedatam *M. N. C. Dec. 2. ann. 9. pag. 221.* narrant. Ita etiam ranunculi nemorosi IACOBVS WOLFFIVS *M. N. C. Dec. 2. ann. 7. pag. 351.* meminit, qui cum spiritu vini contusus, brachio lateris affecti, grossi magnitudine in parte carnosa applicatus, vesica relicta, dolores sedat: plumbaginis seu dentariæ radix contusa & carpo manus imposita per noctem relicta, mane maculam plumbeam relinquit & dentium dolorem dissipat, quod ETTMVLLERVS *in praxi pag. 824.* ceu verum experimentum allegat. Idem ex BARTHOLINO de raphano cubito applicando, aliisque sale volatili acri gaudentibus *M. N. C. Dec. 2. anat. 4. pag. 181. 182.* tradunt. Lini-
mentum quoque ex octo cantharidibus, tribus allii radicibus & theriaca cum linteolo flexuræ cubiti admovendum enarrant *M. N. C. Dec. 2. anat. 5. pag. 335.* Alios allii ad hunc finem applicandi modos ex PLATERI observationibus *lib. 2. pag. 371. & 375.* & *Paræi Chirurgia, lib. 16. cap. 25.* eædem ephemerides communicarunt. Quantum vero vesicatoria in dolore dentium conferant, testantur observationes in dictis miscellaneis passim occurrentes. Nostra sententia est, non inutiliter nec sine fructu in graviore odontalgia, præsertim si ex sero acri corrosivo, nervum obsidente, oriuntur, dicta remedia applicari posse, partim ut ipsam peccantem materiam foras eiciant, partim etiam, ut motum enormem impetu-
tuosum spirituum ex dentium membranis in alium locum derivent. Vesicatoria dicta, nec non nervina antispasmodica & anodyna optimo cum successu pone vel sub aures applicantur, ob hanc rationem, quoniam arteria una cum nervo & vena sub aurem maxillam inferiorem ingreditur, &
secun-

secundum eius longitudinem in omnium dentium inferiorum radices disseminatur. Commodissime itaque hoc loco serum acre influens avocatur & divertitur, vel etiam impetuosus spirituum per nervum motus compescitur. Ob eandem rationem firmior compressio pone maxillam inferiorem digitis facta, ipso in doloris dentium paroxysmo dolorum ferociam ex tempore sistere solet. Præterea observamus in praxi, temporibus, item infra orbitam applicata emplastra ex nervinis & antispasmodicis facta, nominatim mastiche, balsamo de peru, extracto castorei, camphora, oleo nucistæ, croco, & in graviore casu, oleo hyosciami expresso, addito simul opio, promptissime & repente auxilium ferre, quoniam ramus nervi ad musculos temporales transiens eiusdem originis est cum nervis, qui ad dentium cavitatem feruntur, & nervus sub orbita statim egreditur in maxilla superiori dentes anteriores.

26. IN dentitione seu prorruptione dentium difficili, quæ convulsiones, febriculas & diarrhoeas in pusillis infantibus sæpenumero post se trahit, præter interna antepileptica, antispasmodica, præcipitantia & maximi hoc in casu æstimatum usum gelatinæ cornu cervi in potu dissolutæ una cum essentia papaveris rhœados, liquor noster anodynus mineralis ad aliquot guttas frequentius datus omnibus palmam præripit. *Paræus l. 23. chirurg. c. 67.* scalpello gingivas aperire iussit antequam lethalia signa superveniant: quod remedium exoptato cum successu aliquot suis liberis, præsentibus *Feureo, Altino, Curtino*, Medicis regiis & Guillelmo chirurgo applicavit. Incisio potest fieri scalpello mit einem Federmesser, non phlebotomo. Externe prodest, ipsa illa in parte, ubi dens prorumpere conatur & tumorem, dolorem ac ardorem gignit, ficum per medium dissectam applicare, vel etiam mucilaginem cydoniorum cum vitelli ovorum momento, aqua rosacea & syrupo violarum dissolutam, vel adhuc melius cerebrum

rebrum leporinum, quod specificè a peritissimis hunc in finem commendatur, adhibere.

27. QUANDO dentes vacillant ex gingivarum consumptione, corruptione, vel exulceratione scorbutica putrida, nec non nervorum imbecillitate, non neglectis internis antiscorbuticis, sanguinem & lympham depurantibus lignosis, radicem mali auferentibus, externe quoque, quæ gingivas mundant & firmant, in usum trahenda sunt. Laudo autem instar omnium in gravi gingivarum erosione, foetore & exinde emergente dentium debilitate, liquorem præstantissimum sequentem: recipe mastiches, myrrhæ, gummi elemi ana drachmas duas, herbæ scordii, hormini, salviæ, fol. myrthi ana pugillos duos, florum rosarum rubrarum pugillos tres, aluminis drachmam unam & dimidiam caryophyllorum drachmam, vini rubri gallici uncias octo, spiritus vini camphorati unciam unam: debito calore fiat extractio; filtratis potest addi pro re nata spiritus cochleariæ. Hic liquor sæpius teneatur in ore & gingivis immediate applicetur, ac dici vix potest, quam valide ab ulteriori putredine gingivas defendat, dentes firmet, & carnem consumtam de novo generet. Poterit tamen eodem fine eodemque fructu etiam adhiberi essentia balsami Peruviani cum liquore nostro balsamico & mellis rosati portione remixta, quæ insignem mundificantem & roborantem obtinet virtutem. Quandoque rebellis gingivarum adest ulceratio, & expertissimis remediis cedere renuit, sed remanent semper ulcera gingivarum stillantia & aperta, ubi bene investigandum est, an non subsit dentis caries, in quam ulcus definit, quo in casu caries radicitus tollenda, vel ipse dens cariosus extrahendus est. Ceterum ad dentium ab omni nigredine, carie, & tartaro præservationem, nec non ad gingivarum firmitatem utilissimum erit, interdum mane, ieiune os colluere & dentes fricare vino, cui infusum fuit salvia, quod etiam senibus, quibus dentes ex imbecillitate nervorum vacillant, nec non illis, qui foetum an-

helitum habent, etiam atque etiam commendandum est. Quando deficiunt dentes, & in alveolis nulli amplius supersunt, medicus regenerationem nullam novit, sed curam palliativam instituit, ac per artem chirurgicam naturæ defectum nonnihil supplet, dentes ex ebore aut dente hippopotami, comedendi tempore exemtiles, substituendo, quo tamen artificio non masticatio, sed loquela saltem adjuvatur, & ornatui consulitur. Alligant vero & devinciunt tum inter se, tum ad proximos sanos & integros, præcipue quidem aureo aut argenteo filo, sin minus, etiam lineo, ut ex *Hippocrate Paræus l. 2. c. 3.* adducit. Alii pectine eburneo alligant, & exemplum de *Merulo Alexandrino A. Benedictus, l. 3. cap. 22.* qui sibi dentes, cum excidissent, aureo filo ad pronunciandum alligavit, enarrat. Historias vero de excussis dentibus subito repositis & iterum innatis, item illius foeminæ nobilis, quæ pedissequæ suæ sanum dentem illi avulsum sibi deficientis loco restitui curavit, idque cum felici novæ radiationis successu, tum ipse *Paræus* priorem casum enarrans, *l. 16. c. 26.* tum *ETTMVLLERVS in Pr. p. 65.* quoque in dubium vocant. Conferatur præterea *RIVERIUS in obs. comm. p. 357. vel 685.* & *BORELLVS. l. obs. 10. p. 18.*

29. QUANDO fluxus sanguinis ex gingivis exulceratis vel scorbuto affectis vehemens & nimius est, quem aliquoties annotarunt Practici, ita ut etiam periculum post se trahat, præter interna diaphoretica, acrimoniam temperantia, sanguinis ebullitionem sistentia, externa malactica & fortiter glutinantia suadenda sunt. Expertum ac fidum deprehendimus spiritum vini rectificatissimum, essentiam succini bene saturatam, vel etiam liquorem, ex decocto corticum granatorum, flor. balaustiorum & syrupo granatorum acidorum paratum: his enim egregie sanguinis profusio sistitur. Si enormis est hæmorrhagia, ut coerceri non commode possit, rectissime deveniendum est, annotante *Tulpio in observationibus*, ad applicationem fungi dicti Bovist.

29. Ex illis, quæ dentium substantiæ nocentissima sunt, merito primam in considerationem venit frigidum, hoc enim, iuxta *aphorismum* 28. *lib. 5.* HIPPOCRATIS : *bellum indicit dentibus, nervis, cerebro, dorsali medullæ.* Quandoquidem frigus partes exsanguis vel etiam sensu eximio præditas valde lædit, dum strictura pororum & vehementi ad lineam rectam ætheris motu (in quo essentia frigoris versatur) resistit libero spirituum transfluxui, proinde in omni dentium graviore dolore & quacunque illorum morbosa dispositione, ut vehemens evitetur frigus, autor suasorque sum; unde facies semper, præsertim in paroxysmo potius caleat, nec externum frigus genas libere tangat. Exinde proficiscitur ratio, quare dolor ex dente excavato notabiliter remittat, si cavitas illa globulis plumbeis vel frustulis nucis moschotæ repleatur. FORESTVS *lib. 14. obs. 11.* ob metum ingredientis aeris ex dentibus laboranti consulit, ne ore aperto dormiat, nec multum loquatur, qua ratione etiam collutiones oris cum aqua frigida nunquam, semper cum calida instituantur. Altera parte nimium calidum minus quoque feliciter confert dentibus, ex sententia ipsius HIPPOCRATIS *lib. 5. aph. 16.* *Excessivum calidum carniū laxationem & nervorum infirmitatem affert, spiritus enim nimio calore dissipantur, unde fibræ laxantur,* quia nervorum robur, quod maxime consistit in mediocritate siccitatis, perit. Quapropter scorbutici & qui largas dentium hæmorrhagias patiuntur & ipsorum vacillationem habent, excessiva calida & simul humida omni studio ac modo evitent. Scite inquit *schola salernitana* : *pultes ferventes faciunt corrumpere dentes.*

30. SECUNDO loco dentium texturæ inimicissima sunt omnia acida, præsertim corrosiva, hisce enim non tantum ipsis stupor conciliatur, verum etiam tota illorum substantia successive dissolvitur atque destruitur, quo nomine spiritus nitri omnium nocentissimus, utpote qui brevi tempore solidissimum dentem in liquorem convertere iudicatur. Perpe-

ram itaque medici consulunt illis, qui candidos dentes desiderant, ut utantur hisce spiritibus, etenim non potest non exinde dentium friabilitas & destructio subsequi. vid. TIMÆVS a GVLDENKLEE *casu medicinal. lib. 40. cap. 1.* unde non audiendus hic MONTANVS, qui *in consultatione medica III.* illa in dentium dealbatione ad coelum extollit. Interne etiam acida in copia assumpta, uti vina & cerevisiæ acedentes, dum acredinem scorbuticam sanguini & lymphæ ingenerant, ad corruptionem ac cariem dentium & gingivarum erosionem magnum contribuunt symbolum. Præterea omnia viscosa, lacticinia, caseosa, dulcia, saccharina, dentibus minus amica sunt, partim quod elementa sanguinis scorbutici suppeditent, partim etiam, quod crassitie particularum gingivarum substantiæ adhæreant & foedo lentore illam obducant, liberamque præpediant transpirationem. Nulla enim existit pars, quæ non propter nutritionem necessaria egeat transpiratione, unde cernimus ab hisce dictis, tophaceam materiam, corruptionem & nigredinem dentibus accedere. Deinde nimis acria, salita, aromatica, alliacea, spirituosas nocent dentibus, breviter: omnia quæ lympham nimia falsedine atque acrimonia inquinant, seu ad scorbuti genesin faciunt, nutrimentum quoque dentium & gingivarum depravant.

31. CÆTERVM dentium substantiæ infensissima sunt ipsa mercurialia, tam intus, quam extus adhibita, quandoquidem videmus ab illitu mercurii ad concitandam salivationem in morbis chronicis rebellibus, insignem vacillationem ac nigredinem dentibus, gingivarum carni autem foetidissimam corruptionem & laxationem accedere, partim propter mercurii corrodentem vim causticam, accessu salium factam, partim etiam, quod copiosis humiditatibus glandulosas & nerveas partes, relaxando ipsorum fibras, repleat. Denique nec illud silentio premendum est, opiata certam dentium existere ruinam, qua de re consuli possunt M. N. C. *Dec. 2. ann.*

2. *obs.* 163. spirituum enim influxum sistendo, ad vacillationem & lapsum dentes disponunt. In insigni inflammatione facile gangrænam & sphacelum ac mortem ipsam inducere potest opium, quale exemplum in FORESTO *lib.* 14. *obs.* 6. in *scholiis* legitur. Nocent primario senibus, pituitosis, quia stupiditatem, vertiginem & gravedinem inducunt, testante id observatione SALMVTHI *Cent.* 3. *obs.* 32. Dicunt etiam, dentifragibulos semine hyosciami ac opio extractionem facilitare posse, quocirca ad ipsa deveniendum non est, nisi gravissimo existente dolore: & semper consultius est, ipsa præscribere cum purgantibus, diaphoreticis vel alexipharmacis mixta, quam sibi relicta. Fumus tabaci in assuetis propter vim anodynam simulque dissipantem gravi in odontalgia non dissuadendus est, correspondente hic undiquaque experientia. At vero immoderatum eius abusum vacillationem & præmaturam dentium iacturam inferre posse ob narcosin, non ibo inficias. Postremo, circa pulveres dentifricos illud meretur notari, quod male illi faciant, qui pulveribus asperis, v. g. paratis ex silicibus calcinatis, pumice, coralliis &c. ad dentium dealbationem subinde utantur, siquidem his ipsa substantia dentium consumitur & tandem atteritur. Præstat itaque ab illis abstinere, & saltim uti subtilissime pulverificatis lap. cancr. conchis præparatis, osse sepiæ, quibus admisceri possunt pulvis nucistæ, iridos, mastiches, alumen & parum moschi. Hic egregie dentem purificat, firmat, detergit & gratum simul facit anhelitum. Tali pulvere, si fieri potest, post quemlibet pastum fricandi dentes sunt, non tamen duriter, sed sumendæ radices malvæ maiusculæ, seu althææ eæque bene mundatæ aceto rosaceo immergantur, hinc iisdem in extremitate contusis in fibras & pulvere dentifricio conspersis dentes a sordibus blanda attritione liberandi sunt. Sed hæc de dentium morbosorum therapia in præsentî sufficiant.

DISSERTATIO. VII.
DE
BILE MEDICINA ET VENE-
NO CORPORIS.

§. I.

SAPIENTISSIMUM dictum est HIPPOCRATIS: *per quæ vivimus & sani sumus, per ea etiam ægrotamus.* Luculentum huius adfert res sic dictæ non naturales præbent documentum; sicuti enim aere, cibo & potu, motu, somno ac quiete homo necessario utitur; ita, si vitium iis rebus inest, graves inde ac morbosas afflictiones corpori ingenerari, est certissimum. Verum enim vero non solum hoc ipsum de iis rebus, quæ corpori nostro externæ sunt, valere arbitror, sed de iis, quoque, quæ intrinsecus proximè ad vitam tuendam & sustentandam conferunt, ut sunt sanguis, lymphæ & spiritus animales. Vti enim ex horum debita indole, temperie, mixtione, motuque vitalium functionum pendet integritas; sic etiam eorum a naturali statu deflexio & morbosa proxima via ex horum labe ac vitio peti ac derivari debet. Plura quoque in corpore deprehenduntur, quæ quanquam non proximè, necessario tamen ad sanum corporis statum magnum addunt momentum; ex quo facile intelligi potest, ex ipsorum vitio ac labe sanitatem vehementer perverti, & occasiones ac causas morbis succrescere. Exempli loco instar omnium nobis sit bilis, quæ quam perutilis imo necessarius ad vitam & sanitatem custodiendam sit liquor, nemini solidioris medicinæ perito incognitum esse potest, quod & eius in quovis animante, etiam minutissimo declarat præsentia, siquidem nec ullum bilioso humore destitutum animal invenies. Et profecto, si rem rectè exprimere velimus, bilis in corpore animantium genuinum corporum est medicamentum a natura pru-

ra prudentissime elaboratum, ut per hoc omnes morbosæ adfectiones avertantur, earum causæ præscindantur, & vitia, si quæ adsint, corrigantur; sicque corpus per liquoris huius virtutem ac plane incomparabilem energiam vivum ac sanum conservetur; id quod infra uberius demonstrabimus. Cum itaque tantus usus tantaque in corpore sano servando sit præstantia, dum ipsius quasi universalis ac naturalis est medicina; quidni, si ipsa vel deficit vel depravata est & a debita sua temperie ac crasi deflectit, ingens ad morbos producendos nascatur occasio. Et quamquam a sapiente antiquitate magno præsertim medicinæ parente bilis inter morborum causas fuerit relata; nihilo tamen minus nostris temporibus fateri cogimur, quibus omnia vel ex acido, viscido, acri, vel ex archæi aut errorneæ animæ aut prudenti motu deducunt, vix amplius in censum morbificarum causarum bilem venire; cum tamen plurimæ eæque gravissimæ adfectiones ex bilis vitio suas trahunt natales, in quibus maxima medicamentorum virtus ac energia in bilis emendatione, generatione vel evacuatione consistere debet. Quemadmodum enim bilis si sufficit pro vera ac genuina corporis medicina est habenda; ita & ea medicamina, quæ ad bilem temperatam & naturalem reddendam accommodata sunt, omnium esse præcipua, in iisque invenendis & rite applicandis palmarium medici munus versari, quisque facile ad sensu suo comprobabit. In præsentī itaque nobis constitutum est, bilem tam secundum naturam ceu universalem corporis medicinam quam præter naturam, ceu plurimorum morborum causam atque originem considerare.

2. PRÆCIPVVM & vere unicum hepatis esse officium, ex sanguine per venæ portæ truncum & arteriam hepaticam ac glandulosos eius acinos mechanica quadam ratione activum illum salino-sulphureum humorem, qui bilis nomine venit, filtrare & transcolare, res inter anatomicos & medicos est certissima. Equidem propter innumera, quæ ibi conspiciuntur, vasa lymphatica lymphæ secretioni ac dispensationi hep-

par

par præesse non inepte quidam iudicant; sed secundarium hoc esse officium, quisque qui res ac circumstantias rite considerat, facile perspiciet. Aliter enim minus fieri potest, cum crassiusculus liquor ex sanguinis massa debet separari, quin per tubulos & poros amplioris orificii, quam fluida tenuioris consistentiæ exigunt, ea contingat secretio. Iam vero ipse sensus & ratio suadet mechanica, per quos liquor crassiusculus transire potest, per eosdem quoque facilius tenuiorem una pervadere posse liquorem. Non itaque existimandum, bilem tali forma & consistentia ab hepatis glandulis & sanguine separari, qualis dein ex hepatis viscere per ductus bilarios effluere conspicitur; sed potius valde fluida & diluta cum lymphâ influit, & a glandulis recipitur; ubi postea nova quasi evenit separatio; siquidem per vasa illa lymphatica, quæ glandulis adsistunt, tenuis & aquosa pars fluit, remanente spissiori crassiuscula bilis substantia, quæ ob orificiorum angustiam excluditur. Recipitur vero ab amplioris diametri tubulis hepaticis, qui per totam hepatis substantiam, iniectione cum cera teste, dispersi sunt, biliosis, & partim immediate ad duodenum, partim ad capsulam fertur bilariam.

3. In eo quidem inter se anatomici dissentiunt, unde biliaria vesica hepati subnexa accipiat bilem. Alii enim tunnicam glandulosam ex sanguine, per cysticas arterias advecto, eam separari existimant; alii minimos tubulos bilem advehentes fundo vesicæ implantatos esse statuunt; & denique alii certos ductus cysti hepaticos, per quos immediate bilis ad hoc receptaculum ducatur, affirmare sustinent. Verum enim vero quid de hisce opinionibus sentiendum sit, sequens a Cl. BOHNIO aliisque institutum experimentum declarabit: in aperto scilicet cane omnis e vesica bilis expressa ductusque cysticus ligatus est, & nihilominus in subiecto aliquamdiu superstita aliquid bilis in vesica expectarunt non obstante hoc vinculo, negatoque folliculi fellis cum poro hepatico com-

co commercio: at nihil fellis, sed loco huius tantillum sanguinis congrumati deprehenderunt. Hinc recte potius accuratiores statuunt, bilem, quam custodit cystis hepatica, natales suos petere ab ipso solenni ductu hepatico. Horum enim ductuum commercium apertissimum est, flatu enim per cholodochum immisso, & cystis & ductus hepaticus inflatur: rursus tubulo immisso in hepaticum biliarem canalem & hepaticus & cystis & cholodochus eodem distenditur flatu. In homine etiam aliisque animantibus ductus hepaticus cysticusque in unum abeunt canalem. Iam vero si consideramus vesiculæ felleæ situm; fundus eius in decliviori loco, cervix vero & collum ac biliosi ductus in sublimi posita sunt, & hinc est probabile, quando bilis per porum cholodochum propter eius obliquam insertionem inter tunicas duodeni, præsertim si hoc ipsum vacuum fuerit, a massa chyli tardius descendit, relabi hanc ipsam in substratam vesiculam, præsertim si ea minus referta est, donec hæc compressione intestinorum vel propria contractione rursus exprimatur. In bove id videtur manifestissime, ubi ductus hepaticus ita in vesicæ collum hiat, quod valde tendineum ac nervosum est, ut eadem facilitate bilis ad vesicam descendere quam per ductum communem ad duodenum amandari possit. In eodem subiecto, quod visu mirabile est, papillula quædam in interiore membrana cystidis fere in medio conspicua est, & protuberat, simili fere modo, uti ductus in intestino apparet duodeno. Papillula hæc orificium esse videtur ductus, qui inter vesicæ membranas fertur, & protuberantia hæc valvulæ munere fungitur, ne semel eructata bilis eandem repetat viam, per quam erat egressa.

4. VERVM enim vero, non parum differt bilis vesicæ & hepatica, nam illa longe est crassior, acrior, amaricantior, & colore saturatior; hæc vero magis est fluida, diluta atque minoris amaritiei. Vnde & quem in usum talem bilis in vesica subeat mutationem, negotii excellentia paullo accuratiorem

(Hoffm. Opusc. patholog.)

Z

dis-

disquisitionem postulare videtur. Vt vero id ex voto cedat, ante de vesicæ felleæ structura quædam dicenda veniunt. Observamus vero, ex variis membranis cystidem esse conflata, quarum interior in omnibus fere similis est tunicæ villosæ duodeni; observantur porro ibi varii sulci, lacunæ & valvulæ conniventes, glandulas vero notare non licuit. Dein membrana, quæ sequitur, valde est spongiosa & quasi vesicularis ex variis pelliculis, quibus aereæ bullulæ inhærent composita. Nullum dubium est, quod hæc originem subministret copiosis vasis lymphaticis, utut etiam plurima horum in cystide ex hepate immediate prodeant. Tertia tunica est musculosa sive fibrosa, nerveam vero & tendinosam in vesicæ fundo eiusque cavitate haud conspiciere licet: eius collum vero & ductus tam hepaticus quam cysticus tunica firmiori tendinoso nervea sunt conflati. Extima tunica est a peritonæo, inter quam & musculosam arteriosi & venosi ductus sparsi videntur. Cervix vesicæ valde est angusta, qualis angustia in vesica fellis bovina aperte visitur, minime autem ibi valvula notari potest. Talem semilunarem & cochleæ in modum extensa, multis rugis asperam in subiectis humanis annotarunt BAVHINVS & SPIGELIVS. Ego fateor eiusmodi valvulam in humanis cadaveribus me non deprehendere potuisse; probe autem notabilem angustiam non rectilineam sed obliquam & curvam stilo etiam propter obliquitatem resistentem. Et hæc angustia nullum alium usum habere videtur, ac ne bilis semel egressa crassior in cystidem regurgitet, per quam tamen bilis hepatica tenuior commode transit.

5. INTERIOR tunica vesicæ villosa non secus ac ea, quæ in duodeno est, quasi colatorii seu filteri vicem gerit, & tenue illud aquosum bilis fluidum secernit vasisque lymphaticis infundit. Non enim negandum est, hæc ipsa, quæ in vesica & circa hanc perreptant, saporis amaricantis lympham custodire; quinimo in statu præternaturali multæ testantur observa-

servationes, ex poris tunicarum vesicæ insignem bilis tenuis copiam transfudasse. Quoniam vero hæc tunica tenuiorem bilis partem separat, relicta crassiolem consistentiam & amarorem acquirit. Præterea propter tunicam carneam & nervos quoque eximios & sensu gaudet vesica & motu, maxime vero omnium ductus eius biliarii, qui tunica valde robusta & nervea sunt instructi; hinc quoque graves dolores & spasmi in iis oriuntur. Bene igitur, notante VIEVSSENS. in *neurographia* p. 376. ex nervi intercostalis dextri plexu hepatico semilunari sex emergunt fibræ, quarum tres inferiores ac minores vesiculæ felleæ vasis cholodochis, pyloro, duodeno & pancreati impenduntur, ut ibi debitum tonum & constrictionem præstent, unde etiam harum partium magna consensio derivatur, nullumque dubium, quod non tantum pondere bilis descendat ad intestina, sed proprio ductuum motu adiuvetur. Sedulam cæterum ductus cholodochi insertio meretur attentionem; qui inter tunicam exteriorem & interiorum unciali fere longitudine prorepit, & tandem meatu rotundo in eius cavitatem se aperit.

6. PRIUS vero quam insignem bilis in corpore usum ac necessitatem, eiusque vitia ac noxas exponamus, necessarium esse ducò, quædam de eius natura ac indole institutis cum ipsa experimentis præmittere, ut dein eo melius de variis phænomenis ac vitiis iudicare valeamus. Primo omnium vero ipsos sensus in testimonium citare placet, cum ex sapore & odore simplicis cuiusdam, principiorum, ex quibus mixtum aut compositum, naturam diiudicare possimus. Vniversale id est, quod cuiusvis animantis bilis sapore intense amaro prædita sit, adeo ut unica guttula bilis in dimidiam aquæ unciam immissa suam dispergat amaritiem. Iam vero apud omnes artis chymicæ peritos in confesso est, ex intima sulphuris mixtione quodammodo terrestris cum sale amarum nasci saporem. Cuius vero naturæ hoc sal sit dispiciendum nunc est: quantum cernere animo & per experimenta licet,

acidum cum terrestri alcalina sulphurea materia intime iunctum constituit mixturam amaram; ita spiritus vitrioli sulphureus acidus cum sale tartari vel nitro fixo coagulatus exhibet sal neutrum, saporis amaricantis, uti in tartaro vitriolato & arcano duplicato, licet acetum vini valde sulphureum coralliis & cancrorum lapidibus affusum sal elargitur medium, quod saporis est amariusculi. Constat porro ex chymicis, amarissima v. g. aloen, colocynthidem, absynthium, penetrantiam saporis mixtura alcalinorum salium multum deponere; id quod etiam de bile animantium valet, non obscuro documento, acidum ad amaricantis saporis constitutionem non parum conferre, quo enervato omnis simul sapor perit. Dein & hoc experientiae est, amara vegetabilia præ reliquis copiosum sal per incinerationem exhibere. Certum vero illud, quod genesis salis alcalini fixi ex intima combinatione acidi sulphuris & terra fiat, sicuti id olim fusius in *dissert. de generatione salium* demonstravimus.

7. PRÆTEREA sapor bilis in lingua constantissimus & penetrantissimus eximiam eius activitatem satis superque prodit; omne enim quod penetrat & latius se diffundit subtilis est naturæ. Inter alia vis eius valde penetrans ex eo conspicitur: quando enim aliquot guttulæ tunicae ventriculi aut intestini instillantur, flavissimus mox inducitur color, nec ulla arte extergendus. Nec minorem eius penetrantiam piliopæi animadvertunt, dum ad nigredinem pilis inducendam bilem bovinam cum iis rebus miscent, quæ atramentosum exhibent colorem. Croceus quoque color valde explicabilis-admodum subtilis & activi sulphuris esse potest, si illud adhuc axioma chymicum valet: colorem realem esse flavum vel rubicundum ex sulphure. Quam maxime vero bilis elementa destillationes eius & mixtiones patefaciunt. Ita uncia duodecim bilis bovinæ uncias undecim dant phlegmatis, nullius plane saporis; ex residui uncia una prolicitus postea spiritus odoris ingrati ac empyreumatici, qui cum spiritu ni-

tri expedite effervescebat & syrupum violarum viridem in signum naturæ alcalinæ efficiebat, fundebat simul olei quicquam similis cum spiritu indolis & efficaciam. Caput mortuum terreum, quod in retorta restitabat, drachmas duas cum dimidia pendens per incinerationem fixi salis manifesto alcalini drachmam dedit unam. Ex quo allato experimento patet, quam magna copia aquæ ingrediatur bilem; quod ex eo elucescit, dum bilis in extractum redigi potest: unciam enim duæ bilis bovinæ, si leni calore inspissantur, non ultra drachmam unam extracti spissi concedunt. Quinimo si bilis instrumenti statici beneficio ponderetur, unciam quatuor bilis respectu aquæ pure destillatæ vix ipsi drachmis duabus præponderant. Quodsi vero extractum bilis bovinæ cum sale tartarianatica portione miscetur, & dein invicem in retorta vitrea ex arena destillantur, tunc spiritus urinosus manifesto alcalinus prodit, qui vehementem ebullitionem cum quovis acido suscitatur; sublimati solutionem lacteam, syrupi vero tunicæ viridem efficiens, id quod salibus volatilibus urinosus est solemne. Ratio vero cur sal tartari additum spiritum magis alcalinum volatilem & urinosum producat, hæc esse videtur; salia calcinata alcalina intimius oleosorum contextum aggrediuntur, acidumque destruendo sulphur magis volatilifant & alcalifant. Simile quid in destillatione fuliginis, succini & tartari videre licet, quæ si solitaria destillantur, spiritum oleosum acidum obtinemus, si vero prius cum sale fixo miscentur, spiritus prodit valde urinosus ac oleosus.

8. ACCEDIMVS iam ad mixtiones, quarum usus in corporum elementis ac virtutibus explorandis maximus est. Observatione itaque constat; bilem cum nullo acido effervesce, excepto spiritu nostro fumante flammifico. Contrariatur hoc vulgari experientiam, cum bilis statuitur alcalina. Neque bilis bovina cum oleo vitrioli concentratissimo efficit ebullitionem, nec viridem mox colorem acquirit, quod etiam multorum opinioni refragatur, sed potius sequitur turbatio,

batio, coagulatio & præcipitatio. Spiritus vero salis, quod notabile est, bilem reddit spissiore[m] quam spiritus nitri & vitrioli, & minime a spiritu nitri coagulatur. Quando spiritus salis ammoniaci concentratus cum calce viva factus bili admiscetur, exaltatur eius color, fit saturatior & mixtura manet diaphana. Equidem phænomena conspiciuntur, si experimentum cum oleo tartari per deliquium instituitur. Scire autem hoc loco oportet, miscelam alcalium saporem eius amarum valde imminuere. Quando cum syrupo florum tunicæ aut violarum bilis permiscetur, non emergit mixtura viridis, sed talis color, qui ex flavo & rubicundo elici solet, nascitur. Spiritus quoque vini rectificatissimus bilem quodammodo turbidam reddit, diaphaneitate amissa; exiguum autem inde præcipitatur, & spiritus valde amaricans evadit. Forte e contrario & crassum saccharum saturni caussatur coagulum, bili exigua etiam quantitate adspersum. Bilis vero inspissata affuso oleo vitrioli non effervescebat, sed amittebat nigricantem colorem & luridus inde factus; mixtura olebat pessime. Noster spiritus fumans flammificus movebat cum extracto bilis effervescentiam valde calidam cum ingente spuma fumoque rubro; extractum autem solvebatur in mucum, quod ab oleo vitrioli piceum magis coagulum induebat; totum fere extractum cum spiritu vini item aqua solvebatur. Ulterius bilis extractum siccatum flammæ commissum fluebat, nec statim ignem concipiebat, sed humiditate avolante ardebat, odoremque satis foetidi volatilis in auras spargebat, cinere relicto, multo sale acalino, sapore teste, imbuto.

9. HISCE experimentis & hæc adiicienda esse puto. Bilis scilicet bubula ex folliculo recenter desumta diaphana est & valde fluida; quandocunque vero per aliquot horas libero exponitur aeri, eius diaphaneitas turbatur, crassior evadit, odorem mutat, & successu temporis acquirit foetorem. Dicitur enim vix potest, quam facile brevi temporis spatio ipso sangu-

guinis citius bilis abominalem foetorem concipiat: id quod argumento esse potest, uti omne animantium fluidum, ita & hoc ex partibus constare, quarum unionem ac mixtionem inter se solus aeris calor se iungit. Deinceps & illud notandum, serum sanguinis vel lympham cochleari inditam sub leni calore in offam abire gelatinosam; quod frustra cum bile tentatur, quæ minus calore coagulatur, eam ob causam, quod lymphæ nutritia eam non ingrediatur. Quod usum tandem bilis mechanicum attinet, is omnino in sordibus pinguibus vestium extergendis & picturis purificandis est egregius: nec minus pictores ad colorem exaltandum eam adhibere solent. Cæterum interne quoque fel bubulum clysteribus inditum egregie alvum stimulat; & a nonnullis aliorum quoque animantium bilis in epilepsia, quartana, partu difficili & spasmodicis hystericis cum fructu adhiberi solet.

10. ET hæc sunt experimenta, quæ cum bile bubula tantum instituimus; non tamen diffitemur, aliorum animantium bilem quodammodo differre, nec semper eiusdem animantis bilem omni tempore eiusdem naturæ esse ac indolis. Humanæ bilis copiam, quoniam in manu nostra non fuit, destillationi subiicere non licuit; differentiam tamen, respectu bilis bovinæ, in eo positam esse arbitramur, quod nonnihil spissior ac crassior sit; quo fit, ut ab aqua forti affusa, itemque a spiritu vitrioli fortiori calore admoto effervescat, viridisque mixtura fiat; promptius quoque a spiritu vini rectificato coaguletur. Nullum hinc dubium est, quin bilis humana principio salino-sulphureo longe saturatior aliorumque animantium bile sit activior. In universum hoc notari vellem: quo calidiora sunt animalia, eo activiorem possident bilem.

11. PRÆFATA hæc experimenta satis superque docent, bilem non puræ esse naturæ alcalinæ; unde non cum quovis acido, nisi fortiori effervescit, utpote omne alcali sive terreum sit, sive salinum cum quovis acido etiam lenissimo ebullit

lit paratissime. Dehinc discimus, bilem esse oleosæ naturæ sulphuræ, ideo etiam ardet; pure tamen sulphurea non est, alias cum spiritu nitri vel nostro fumante æstuosa excitaretur effervescencia. Ea enim est oleorum subtilium natura, ut, si cum hisce confundantur, ebulliant; quare bilis potius liquor valde temperatus est, qui ex particulis oleosis, terreis, aqueis, salinis, volatilibus constat. Et ut paucis nos expediamus, amarus ille biliosus succus, quoad mixtionem ac crasin suam in omnibus fere similis est succis herbarum amarificantium, maxime omnium vero centaurii minoris, nec eius extractum multum ab inspissata bile differt, ut omnes hæ plantæ ex sulphure, sale alcali terreo sunt compositæ. De his etiam illud considerari meretur, quod succi hi depurati & simili modo tractati ac destillati, cum menstruis acidis alcalinis spirituosus mixti, similia fere phænomena in omnibus exhibeant, ut certo certius credendum sit, intimas horum simplicium partes quoad mixtionem, crasin ac virtutem esse easdem. Et hinc patet ratio, cur amarificantium plantarum extracta & essentiæ in bilis defectione, & qualitate deperdita corrigenda ac restauranda tam ad morbos præcavendos quam eosdem curandos divinum quasi præbeant auxilium.

12. PERLUVSTRATA sic bilis natura ac indole, proximum nunc est, ut ad elaborationem & generationem eius in corpore cognoscendam nos convertamus. Primo omnium igitur hoc dicendum est, bilem non sub tali forma ac schemate, qualis in receptaculis, eius poro nimirum hepatico & cystide fellea apparet, sanguini inexistere; nam nec sanguis nec serum amaricat, nec in statu sano flavum est, quod vero contingit, quando bilis cum sero miscetur. Quæ de causa nullum est dubium, eius materiam duntaxat in sanguine contineri; quod etiam non incredibile est: sulphur enim, terra, sal, phlegma, & mucus, ex quibus bilis mixta est, in sanguine reperiuntur copiosissime. Notum vero ex chymico-mechanico est, corporum qualitates, virtutes, odorem & saporem

unice

unice dependere a variarum partium mixtione, unione, positione sive, ut loquuntur, crasi ac textura, cuius mutationem & destructionem saporis, odoris, consistentiæ & virtutis sequitur mutatio. Quapropter peculiaris mixtio partium sanguinis pinguium, salinarum terrearum & aquearum intestini motus beneficio, a consortio sanguinis & feri prius avulsarum, dein invicem coniunctarum, bilem constituit. Minus vero nobis probabile ridetur, bilem immediate ex chylosis partibus, sive iis, quæ superficialiter tantum inhærent sanguini coagmentari; sed ea est nostra sententia ex intimiori sanguinis nexu omnes has partes diversas mediante intestino motu discerpi atque resolvi, quæ unione postea facta bilem constituunt. Vnde clarissime videmus, copiosæ bilis generationem in iis subiectis fieri, ubi motu intestino calido sanguis vehementius exæstuat; hinc cholericis, iuvenes, qui corpus exercent, victuque calido utuntur magnam bilis possident copiam; senes contra, infantes phlegmatici, otiosi & torpidi, bilem aquosam, dilutam & inertem foveant. In confirmationem huius sententiæ luculentum nobis præbent testimonium febres ardentes, continuæ, tertianæ, in quibus magna bilis exundantia, ab motu intestinum vehementem, sanguinisque nexum dissolventem, producit. Mirum enim est, quanta quotidie dictis in febribus bilis abundantia in urina, alvi fæcibus & egestis per vomitum conspiciatur, quæ quoque ratio est: quare veteres bilem hanc, quæ excernitur, causam febris habuerint, quæ tamen potius eius est productum. Observamus e. g. in tertiana, quod, quo vehementior sit & diutius duret, eo biliosiora sint excrementa. Nec natura bilis copiam gignere desinit, quandiu febris præsens est. Tollitur vero vel tantummodo sistitur ac ad tempus famigeratissimo chinæ chinæ cortice suppressitur, fit enim, ut, pauco tempore elapso, urinæ flammeus color pereat, diluta & aquosa fiat, alviq; scybala ad naturalem redeant colorem; simulac vero febris revertitur, mox

ea omnia rursus conspiciuntur. Ex quibus recensitis satis superque elucet, motu intestino calido ipsum sanguinem in hunc aliosque liquores excrementitios resolvi. Id quod etiam hecticæ & latentes febres testantur, ubi ipse sanguis continua & præcalida exæstuatione tandem consumitur ac in bilem & excrementa convertitur. Inter alios, quamvis paucos, qui hoc animadverterunt, adduci meretur HILDANVS qui in *select. medic. pag. 71.* hæc habet: *mirabile est, quod copiosissima bilis nonnunquam evacuetur, nec tamen post obitum vesica vacua inveniatur.* Nullum est dubium, inquit, *sanguinem ab æstu inflammatorio exuri in bilem.* Vltcrius observamus, quod quo magis abstinemus ab alimentis, & corpus motu agitamus, eo maiorem bilis proventus fieri: & contra sub otio ac copioso victu eius generatio valde impeditur atque retunditur.

13. PERSPECTA hætenus ac demonstrata bilis origine eiusque genetrice causa; sequitur nunc, ut dispiciamus, quomodo particulæ per motum intestinum a sanguine avulsæ in liquorem coeant biliosum, quod a sanguinis tardiori per hepar progressu derivamus. Ad meliorem vero huius rei declarationem ea, quæ sequuntur, mechanica axiomata supponimus. Primo miscibilia, quo magis agitantur cellerrimeque moventur, eo magis eorum particulæ dividuntur. Secundo, in quo minores mediante motu divisæ sunt partes, eo maiori stringuntur nexu, & difficilius a reliquis separantur, quia maior est in parvis, quam in magnis corporibus superficies, & ob molis parvitatem decrescit illa vis, qua unum fluidum ab altero seiungi nititur. Ex quo illud consequitur, particulæ inter se coeunt, colliguntur & facilius a mixtione heterogenearum partium recedunt, uti id clarissime videmus in sanguine extravasato, ubi mox, deficiente motu, serum a sanguine separatur. Cum itaque notum sit ex anatomicis, tardissimum in hepate esse sanguinis circuitum, quoniam vena portæ, quæ pulsu est destituta, vehitur & minimis ramificationibus per hepatis parenchyma dispersis adducitur, in quo quidem arteriarum imitatur indolem, sed
cum

cum desit motus impetus, sanguis in hoc viscere tardius movetur, & per consequentiam in omnibus visceribus, quæ vasa habent ex vena portæ, lentior ac tordior debet esse progressio. Liquet hinc ratio, quare hepar, lien, pancreas, mesenterium & intestina plerumque sedes sint gravissimorum chronicorum morborum; dum in his partibus facile obstructions, indurationes, stases sanguinis, inflammationes & corruptiones fieri possunt. Quapropter cum in hac vena sanguis particulis dulcibus chylosis sit orbatus, crassiores, sulphureæ, salinæ quasi calore adustæ cum mucilaginosi & lymphaticis sub tardiori motu in unum coeunt, colliguntur ac secernuntur, per quam novam unionem ac mixtionem, novus schematismus, nova crasis novusque sapor & color emergit. Non dubitari tamen potest bilem novam ex sanguine ad eam, quæ est in cystide vel in poris successive magis specificari, ut quasi fermenti loco sit. Vti enim sanguis intestino suo motu chyli novi transmutationem in sanguine adjuvat, & uti acetum, vinum affusum in acetum convertit; ita bilis accedente simili succo ex sanguine formam similem ac texturam inducit facillime.

14. POSTQUAM itaque naturam & indolem bilis eiusque generationem investigavimus, oportet iam ad rem ipsam & institutum nostrum propius accedere & demonstrare, bilem esse pernobilem omnis generis animantium medicinam. Id quod hisce comprobabimus argumentis. Primo enim nulum animal in rerum natura datur, quod hoc liquore sit; destitutum; non reperitur tantum in quadrupedibus, volatilibus sed etiam in minimis insectis. Et quamquam vesicula felle quibusdam desit; minime tamen carent hepate & ex hoc ductibus bilem vel ad intestina vel ventriculum vehentibus. Secundo bilis necessitas in animantibus exinde videtur maxima, quod tam magnæ molis viscus, quod tam eximium in abdomine obtinet spatium, a provida natura eum tantum in finem elaboratum sit, ut bilem secernat atque dispenset; hoc

autem viscere nullum animal carere certum est. Tertio ex anatomicis animadversione dignum est, in plerisque & nobilioribus animantibus bilem ad duodenum duplici via ac ductu ex hepate deferri; nam præter hepaticum, qui bilem proxime ex hepate fert, cysticus etiam ductus, & hi plerumque iunguntur & in unum communem coalescunt, qui cholodochus dicitur. Ex hoc profecto non satis miranda Numinis elucet providentia; nam cum ille humor sit præstantissimus, quo nec ullum animal carere potest; factum est, ut si quando unus ductus fuerit obstructus, per alterum tamen salvum & apertum balsamicus hisce liquor adfluere possit: vel etiam si certo tempore in nimia quantitate elaboretur, ipsa ne perdat, ut in diverticulum abeat, ibique pro futuro usu tamquam promptuario conservetur. Quarto, quod bilis non inutilis corporis nostri sit liquor, ex eo manifesto elucet, dum in omnibus animantibus mox a ventriculo primum intestinum ingreditur, ibique ciborum massæ affunditur. Si igitur excrementum & naturæ humanæ esset heterogeneous sapientissimum Numen proxime potius in intestinum colon vel rectum detrusisset, ne chylum, ceu spiritum, sanguinis & totius corporis pabulum, peregrinis suis sordibus atque quisquiliis inquinaret. Ultimo loco eius insignis quantitas, quæ secundum nonnullorum sententiam BORELLI præsertim singulis diebus ad libram unam sese extendit, præcipue in maioribus animantibus plane peculiarem usum atque necessitatem demonstrat.

15. ET quamquam hæc, quæ prolata sunt, rationes probabilitate potissimum nituntur; nihilo tamen minus ad bilis utilitatem adserendam sufficiunt. Vt igitur rem aliquanto clarius explicemus, primo ceu indubium supponi oportet, quod vita nostra multo magis sanitas in iugi ac perenni, temperato ac æquabili sanguinis & humorum per corpus consistat. Hic motus iure suo ac merito vitalis appellatur, corpus enim a putredine defendit, ipsique integritatem & dura-

tionem

tionem præstat, nutrit & id ipsum quod inter animam & corpus est, commercium tanquam huius instrumentum ac vinculum restaurat; quam diu itaque hisce humorum cursus salvus ac liber est, tam diu vita ac sanitas adesse dicitur; simulac vero hic motus cessare incipit, variæ mox ægritudines actionum corporis depravationes, dolores, putredo & ipse tandem interitus subsequuntur. Is vero ut illibatus servetur, opus omnino est, ut sanguis sit fluidus, quo angustias minimorum tubulorum transire queat. Dein ut particulæ sanguinem constituentes heterogeneæ in intima mixtione & unione sint positæ, in hoc enim genuina sanguinis crasis ac textura consistit. Est autem experientiæ, nihil magis huic texturæ adversum esse, quam quod, tenax, viscidum, acidum est; hæc enim fluiditati officiunt, nec facile in motum intestinum cientur, nec intimam cum aliis subeunt miscelam. Quem vero fugit, nos varii generis eduliis ac alimentis vesci, quæ multum acida viscidi, ac tenacis principii in suam recipiunt mixturam, ex quibus non alius nisi crassus, viscosus, male miscibilis, minusque fluidus chylus & sanguis postea emergere potest. Præterea ad vitam non tantum sanguis ad circulationem dispositus sufficit, sed motu etiam seu motore opus est; motus enim maxime de essentia vitæ ac sanitatis est. Constat porro, fibras corporis nostri, quæ motrices sunt seu ad motum & constrictionem idoneæ stimulante quodam promptius meliusve suo officio fungi, i. e. si corpus extraneum in motu existens activitate & penetrantia in eas ipsas agat. Videmus enim odorem saltem penetrantem, quem vinum, spirituosum & salia volatilia de se spargunt, mox totius corporis motus labascentes erigere. Tali itaque motore naturali naturæ quoque opus est, qui perpetuo solidas corporis partes ad debitum motum ac impulsum incitet, sine quo nec circulatio fieri, nec vita & sanitas subsistere potest.

16. HISCE consideratis, videbimus nunc quo pacto bilis corporis nostri sit naturalis ac polychresta medicina, & qui

fiat, ut hæc omnia ad fluiditatem & motum sanguinis necessaria præbeat subsidia, quibus morbi ac ipsa mors avertatur. Supra autem ostendimus, bilem esse valde activæ & penetrantis indolis humorem; dum ex partibus sulphureis oleosis cum fale volatili & fixo mixtis fit compositus; temperatæ tamen simul naturæ propter partium aquosarum & terrestrium admixtionem. Hic liquor partim penetrantia, partim textura sua omne id, quod ex ventriculi sinu & viscidum, crassum ac acidum elabitur, incidit, temperat ac corrigit, & quod maximum est, ad subtilisationem, & blandam chyli & dein sanguinis spirituascentiam permultum contribuit. At vero nullum est dubium, non modo in ventriculo, sed & in tenuibus intestinis ipsa alimenta intimam subire solutionem ac fermentationem, qua eorum nexus, unio ac mixtio quoad intima dissolvitur & destruitur, sapore satis, odore mutato, ac consistentia testante. Jam vero notum est, quando rebus in fermentatione existentibus spirituosæ & activæ indolis admiscuntur, liquores motu intestino eos intime solvi, egregiamque spirituascentiam fermentescibilibus addere. Idem contingit, quando bilis in fermentatione alimentis existentibus affunditur, utpote non modo acidi & viscidi fit correctio & subactio, sed & simul ipsi massæ chylosæ blanda conciliatur spirituositas, ut hac ratione chylus subtilis, spirituosus, temperatur ac sapore dulcis evadat. Quod vero bilis fermentationis actum in intestinis subeat, ex eo colligi potest, quod suam penitus deponat amaritiem: fermentativus enim intestinus motus partium unionem crasin ac texturam, a qua sapor & qualitas pendet, intime dissolvit ac plane invertit. Bilis itaque in primis viis chylum præparat, ut aptus & dispositus fiat ad circulum vitalem obevendum & ad nutrimentum toti corpori præstandum, quo sine humore chylus crassus, crudus male subactus & ad motum progressivum ineptus evadit, qui ad massam sanguineam delatus, non levem ad morbos dispositionem ingenerat.

17. CHYLVS balsamo spirituofo sic conditus, & ad sanguinem accedes intimius immiscetur; fluida enim quo sunt subtiliora, magisque divisa eo facilius in intimam mixtionem admittuntur; & contra, quo crassiora sunt fluida eo facilius a heterogeneorum copia discedunt. Chylus quoque stimulo quodam & sale armatus, fibrarum/in toto corpore motricium tonum & impulsus egregie adiuvat & excitat, ut hinc circulatio fiat promptior & expeditior, quæ sub fibrarum debito vigore maxime salva persistit. Quapropter non sine ratione a veteribus ut & recentioribus bilis corporis balsamum audit, non quod immediate balsamica sua vi dispositionem ac putredinem avertat, sed quod ad liberum & expeditum sanguinis circuitum multum conferat. Hic enim circulus optimum est corporis balsamum, quo vigente corruptio in corpore aliena est; siquidem motus progressivus perpetuusque motus fluiditatis & spirituaſcentiæ putredinoso motui resistit. Præterea sub motu isto circulari multæ superflue excrementitiæ partes, quæ ad corruptionem inducendam pronæ sunt, per debita & congrua evacuatoria eliminantur.

18. RESTAT adhuc alius bilis in primis viis usus magni etiam æstimandus; nempe hæc ipsa moderatum ipsis intestinis præbet stimulum, quo ad debitum motum peristalticum, qui summe necessarius est, & ad chyli in vasa lymphatica expressionem & remanentium fæcum propulsionem continuandam, excitantur. Certum est, quod tonus debitus intestinalis, qui in æquali systole & diastole consistit, ad secernendum id, quod inutile est, multum contribuat; excrementa enim si minus debite eiiciuntur, magna certe sanguini & lymphæ non modo accedit impuritas, sed & ad spasmodica pathemata dispositio fit præsentissima. Bilis igitur in statu ordinato & naturali massæ chylosæ affusa excrementorum promovet ejectionem, idque partim acrimonia irritante, partim elastica spirituaſcentia quam chylo foenerat, præstat, nec non chyli & acidi absorptione.

19. QVOD

19. QVOD bilis corpori nostro medicinæ instar sit excellentissimæ, quæ a morbis præservet, & omnem ad eos dispositionem arceat atque exstinguat, sufficienter a nobis stabilitum esse credimus. Nihilominus egregiam nostræ adsertioni confirmationem addit magna salubritas eximiaque virtus in præservandis & tollendis multis incommodis amarorum medicamentorum. Expositum est supra quanta ratione mixtionis, craseos inter bilem & extracta ac succos herbarum amaricantium præsertim centaurii minoris intercedat harmonia ac adfinitas. Iam vero indubitata praxis quotidie docet, non dari ipsis remediis amaris præstantiora, tutiora, & naturæ magis conformia magisque experta tam ad morbos præservandos quam curandos. Elixir proprietatis ipsaque aloë cum extractis amaricantibus additis gummatibus balsamicis in formam redacta, item essentiæ & extracta absynthii, centaurii minoris, fumaris, gentianæ polychresta & tuta sunt, ut fere omnium chronicarum passionum præsidia hoc solum ad præservationem sed & morborum curationem sint exoptatissima, quibus medicina carere nequit. Medicina enim multis carere potest remediis, neutiquam autem amaris. Et revera iis plus quam salibus volatilibus, spirituosis & oleosis & fixis terreis præstamus; nam naturæ magis sunt conformia magis temperata & blande ac successive correctionem & emendationem instituunt; si modo, quod probe notandum, eorum usus ad tempus continuetur. Et ut paucis dicamus: amara sunt optima remedia, quia idem, quod bilis, præstant; ea enim, si bilis deficit, regenerant & restituunt, intertemque & pravam corrigunt. Nec in eo fallimur, dum naturam imitamur providentissimam, hæc quoniam amarum elaborat, quæ medicina corporis est præservatrix; hinc & nos errare non possumus, si etiam amaris utamur.

20. TANDEM & hæc resolvenda venit quæstio, num detur bilis circulatio? Primus qui hanc sententiam in medium produxit, est BORELLVS, *lib. de motu animalium*,
qui

qui cum iudicaret, bilem corporis nostri utilissimum humorem maxima quantitate quotidie ex ductibus in intestina prolabi, adeo, ut intra horæ spatium aliquot unciae defluant; talis vero copia ex sanguine generari non possit; hinc maximam eius partem sanguini rursus per venas meseraicas adfundi, quæ ad instar hirudinum biliosum humorem exsugendo, ipsum per venam portæ rursus in hepar advehant. Præterea plures bilis particulas activas chylo immisceri, quæ dein ad sanguinem accedentes novam materiam ac bilis pabulum præbeant. Eadem sententia ante aliquod tempus Lugduni Batavorum in peculiari dissertatione de *motu bilis circulari* est proposita. Hic ipse auctor in ea est sententia, quod ad minimum viginti quatuor horarum spatio uncias sex bilis in intestinum duodenum infundantur, id quod experimento in cane instituto comprobatur; & hanc bilis quantitatem in hepate posse generari minime existimat, nisi ipsius statuatur circulatio; in homine vero singulis diebus libram integram secerui. Dein argumentum ab amplitudine venarum mesaraicarum desumit, quæ tanta est, ut non solum sanguini vehendo, sed & alii humori etiam sit destinata. Postea id quoque embryonis meconio comprobatur, quod bilem in intestinis stagnantem esse iudicat: sed quoniam hoc illi quantitati bilis, quæ quotidie ad intestinum fluit, non respondet, eam igitur ipsam poros rursus venarum mesaraicarum ingredi iudicat. Has putat ad hoc negotium esse aptissimas; quoniam ope tubuli flatus in venam mesaraicam immissus in intestina ingreditur; imo in animalibus pennatis, quæ vasis lacteis carent, chylus per venas mesenterii deferatur.

21. VERVM enim vero plura sunt, quæ ad credendum minus nos adducunt. Primo enim quod tanta bilis copia in homine separetur, nondum firmo comprobatum est argumento. Ponamus autem hanc quantitatem esse certam, huius tamen generationi & feri copiam sufficere posse arbitramur, quæ subinde a tanta alimentorum gignitur. In hæc vero cum perpetuus

(*Hoffm. Opusc. patholog.*)

Bb

motus

motus calidus agat, necesse est, ut rursus in varii generis sal-
sas & excrementitias partes resolvantur. Nam utut omnia
alimenta insipida ac sale destituta assumantur; nihilominus
quotidie magnus salium sulphureorum in urina & bile con-
spicuum fit proventus, quorum copia intestinæ tantum san-
guinis commotioni debetur. Cum itaque urina tantam salis,
sulphuris, pinguedinis & mucii contineat copiam, quam quo-
tidie excerni videmus, & ex sanguine, non autem immediate
ex alimentis proveniat; quidni materiam ex sanguine sufficien-
tem bilis accipiat non video, adeo, ut circulari quodam mo-
tu non opus sit. Nec in embryonibus bilis in tanta gene-
ratur quantitate, ob motum intestinum valde temperatum &
a sordibus biliosis in visceribus matris iam depuratum: ne-
que pondus huic sententiæ addit venarum mesaraicarum am-
plitudo; venæ enim in toto corpore semper sunt maiores
arteriis, & quando sanguis per hepatis ramos non tam expe-
dite per ramos venæ portæ transit, quam ut adferatur per arte-
rias, hinc accumulatus ibi nimium vasa distendit. Insuper nec
ullo experimento comprobatum est, in venas mesaraicas ali-
quid humidi in homine ex intestinis recipi, & cur eadem bilis
non æque poros vasorum lacteorum, utpote patentiores, su-
beat, perspicere non possumus. Multo minus autem conci-
piendum est, bilem succo chyloso immixtam specificè deinde
a venis mesaraicis sine chyli admixtione rursus separari. Por-
ro ipsa bilis intestinis mixta fermentationis & intimæ solutio-
nis actu in tenuibus plane immutatur, eius crasis dissolvitur,
amaritiam deponit & formalis bilis esse definit. Nihilo se-
cius non negandum est, sulphureas & spirituosas bilis par-
tes fermentatione resolutas rursus transire in sanguinem, sed
non sub forma bilis: neque diffiteri possumus, si bilis ni-
mium in duodenum, vacuo existente ventriculo & intestinis,
effunditur, uti quandoque accidit in statu præternaturali, eius
portionem in substantia in venas lacteas recipi posse. Nam
si medicamenti amaris in copia adsumtis id conceditur,
cur

cur non etiam id de bile superabundante valeat minus perspicuo.

22. CVM in superioribus demonstratum fuerit, bilis necessitatem & utilitatem in corpore nostro esse maximam; imo genuinam eius medicinam naturalem & universalem existere; facile apparet, quando ea vitio laborat sive id in quantitate, sive qualitate perversa vel motu consistat, maxima incommoda & dispositiones ad morbos, imo ipsas ægrotudines ex eo in corpus nostrum redundare debere. Primum itaque in considerationem venit, num bilis abundans recte quoad qualitatem & temperiem se habens damnum corpori adferre possit? Ad hæc respondemus, non facile abundare bilem bonam & laudabilem nostris in regionibus, ubi aer crassior, cerevisiam incolæ bibunt, & aquæ non subtiles ac tenues sunt. Nihilominus non negamus, in iuvenili ætate, æstate fervente, ex vini, aromatum & dulcium abusu nimiam bilem descendentem ad intestina & cum sanguine rursus mixtam, præsertim sub parciore alimentorum solidorum usu nocere posse. Notum quippe est, optima medicamenta activa, si nimia in quantitate sumantur, quod etiam valet de amaris, noxam adferre posse: & ita quoque bilis exsuperans præcalidam intemperiem sanguini inducit, & ad hæmorrhagias, animi adfectus, inflammationes, vomitiones, diarrhoeas & tabem disponit. Delinquit autem magis defectu, ad quem ætas senilis, infantilis temperamentum ferocum & pituitosum, nimius refrigerantium & opiatorum usus, crebra venæsectio, vita sedentaria, dispositio ad cachexiam, sæpius iterata purgatio, & virium ex longo morbo defectio contribuunt. Hic bilis defectus, probe notante HELMONTIO, ad cachexiam, hydropem, hypochondriacum malum & graves chronicos morbos disponit. Perite hanc in rem scribit FERNELIUS *in pathol. non pauci*, inquit, *ex vivis erepti sunt, in quibus non alia interius causa apparuit, quam quod folliculus bile omnino esset exhaustus.* Et MOEBIUS *in fundamentis physiolog.* de tribus infantibus tabe mortuis re-

fert, quod in horum cadaveribus ne vestigium quidem bilis inventum fuerit, & a nimio purgantium usu id factum esse iudicat. M. N. C. Dec. II. obs. 214. mori illum necessario debuisse confirmant, qui per crebras vomitiones bilem e corpore eiecit.

23. DEFICIT vero quam maxime bilis in intestinis, quando orificium ductus cholodochi calculo vel spasmo constrictum fuit, quam adfectionem gravia & plura pathemata insequi solent. Ordinario fit icterus; nam, cum exitus ad intestina non detur, in hepate vero eius generatio non cesset, aliter fieri non potest, quin non modo ad vesiculam fellis, quam mirifice distendit, sed & ad ductus biliosos & glandulas hepatis ruat, ubi ob nimium factam distensionem & pororum apertionem per vasa lymphatica transit in sanguinem, totamque feri massam flavo illo foedo colore, in toto corpore apparente imbuunt. Ingentem autem esse quantitatem, quæ ex hepate in sanguinem transfuit, exinde iudicare possumus, quoniam urina crassa, bilis colorem æmulans & linteamina etiam croceo colore tingens mingitur. Iungitur insimul ictero alvus adstricta, fœces fiunt albæ cum torminibus & flatulentis, dolor adest in dextro hypochondrio gravativus, vel etiam valde acutus & ardens, vomitus, nausea, appetitus prostratio & cardialgia præsertim si calculus in ductibus hæreat, vel bilis extravasetur. In superioribus enim traditum fuit, quod ductus biliarii valde sint sensiles & nervosi; si itaque hi ductus vel a calculo vel a bile stagnante nimium distenduntur vel vellicantur; ventriculus simul, oesophagus & intestinum duodenum in consensum trahuntur. Plura sunt quæ id confirmant, quod ductus biliarius eiusque orificium in duodeno constringatur, & ob id icterus, qui tamen facilius evanescit, generetur. Sæpissime in hypochondriacis, in hystericis, colica atroci laborantibus, item ab iracundia graviore flavum colorem per totum corpus dispergi deprehendimus, cum dolore in scrobiculo cordis pressorio

torio, versus hypochondrium dextrum, ubi duodenum, pylorus, & hi ductus sunt, utpote, orificio vel a flatibus clauso vel a spasmo constricto, bilis ad sanguinem regurgitat. Optime huic malo antispasmodica, carminativa & humorum acrimoniam demulcentia medentur; unde etiam SYLVII experimento crocus, opiata, lac, emulsio cannabina in tali casu iuvant egregie; minus vero calida sudorifera, stimulantia & aperientia conveniunt. Iungitur quoque sæpissime febris ardenti biliosæ & causo, tertianæ quoque, sive sit continua sive intermittens aut duplicata, icterica passio, quæ non aliam quoque habet originem, quam quod viæ ad duodenum vergentes biliariæ constrictæ vel obstructæ sint. Sæpius in febre ardente seu causo inflammatio est duodeni eiusque partis pancreatis, quæ ipsi adhæret, nec non pylori, præsertim quando ex gravi suppressa iracundia, superingesto potu frigido, fuerit orta. Hinc nullum est dubium, quin ob inflammata hancce partem & tumore ac dolore & spasmo obsessam ductus compressi bilis adfluxum ad duodenum præpediant. Porro ex praxi notum est, venena adsumta, viperarum & canis rabidi morsum sæpe icterum sublequi; cuius rei non alia videtur causa, quam inflammatio & spasmus in ventriculo & intestinis tenuibus fortior, qui simul bilis ad intestina vias occludit.

24. QUANDOQUOQUE pertinacior est ductuum biliosorum obstructio; tunc vesica biliaria a bilis largiori influxu mirum in modum distenditur. Dein ob stagnationem & quietem crassiores & mucidæ particulae separantur, colliguntur & concretioni biliosæ præbent occasionem. Bilis porro pars tenuior & acrior per poros vesicæ felleæ nimis ampliatis transsudat, & tormina, cardialgiam, vomitus gravissimasque ventriculi & intestinorum constrictiones, ut & convulsiones excitat; cuius rei exempla in *Stalpart van der Wiel* Cent. I. obs. XLVII. legi possunt. Quod enim bilis ex cystide sua transsudare possit, confirmat inter alia TVLPIYS obs. lit. cap. 27.

ubi historiam adfert prægnantis, in cuius cadavere aperto præter abscessum mesenterii a partu disruptum, colontam libere flavæ bili innatare repertum fuit, ut cochleari eam inde eximere licuisset. Simile quid D. MELCH. FRIBE *Ephem. Nat. Curios. German. Dec. an. 3. obs. 100.* de auriga febre continua ardente defuncto refert, in eius cadavere exenterato inter cætera se observasse, e cystide fellea adhuc integra & illæsa, ovo columbino maiore, tenuiorem bilis portiunculam duorum vel trium transversorum digitorum spatio circum circa superas, inferas & adiacentes partes undiquaque croceo colore tingentem, irrigantem ac ita corrodentem exsudasse, ut partes ea illinitas & tinctas putredinem non solum acquisivisse manifesto constiterit, sed & præter hepatis substantiam magnam hypochondrii partem inficiendo rodendoque putridam, illæsa plane biliaria vesicula, reddiderit.

25. BILIS porro in motu suo, repleta cystide muco vel calculo, vel etiam in collo vesicæ hærente, quam maxime turbatur; tunc enim bilem hepaticam non recipit, sed hæc ipsa maiori quantitate, quam opus est, influit in duodenum; quæ non necessaria est, si ventriculus ab alimentis vacuus est: quodsi vero ille iis repletus est, tunc hæc bilis minime sufficit, sed propulsione liberaliori spissioris magisque saturatæ ex cystide bilis opus est, ut eo felicius chylicationis & spirituationis absolvi possit negotium. Et talis tempore pastus bilis defectus multas cruditates acido-viscidas, quæ ad tormina, alvi adstrictionem, cachexiam & hydropem disponunt, progenerat. Ienæ olim ensifabrum sectum fuisse memini, qui dum viveret per integrum vicennium gravissimis torminibus sensu ardoris circa scrobiculum cordis & cardialgia fuit vexatus. Vesicula biliaria miram habebat structuram; cuius amplitudo & longitudo erat maxima, & 3646. grana bilis coagulata partim pisi, partim globuli forma ibi reperiuntur. Frequentes etiam eiusmodi in statu sunt dolores & dextri hypochondrii, vomitus, icterus, & passiones colico-hysterico-

sterico-spasmodicæ, de qua re videatur *Cl. Dn. STEINII lithographia p. 45.* Et quod hydrops sæpenumero talem a calculo vesicæ repletionem consequatur CNOEFELIVS M. N. C. *Dec. I. an. 3. obs. 260.* confirmat. It. D. GEORGIUS FRANCUS *Dec. II. an. 6. obs. 194.* ex alterius medici observatione casum militis cuiusdam, pectoris hydrope demortui, comprobabat, in cuius post mortem dissecti cystide fellea calculus, unciam dimidiam & drachmam semis pendens fuerit repertus. Aeger hic durante morbo de dolore gravissimo in hepatis regione valde fuerat conquestus, ut neque erectus stare, nec ambulare, sed usque ad vitæ terminum curvus in lecto sedere fuerit coactus.

26. ACCIDIT vero bilem ingenti in quantitate & extra ordinem ex ductibus hepatis in intestinum præternaturaliter eiici, ubi, si præsertim qualitate simul peccet, multa incommoda creat, variaque symptomata producit. Evenit id potissimum a gravi iræ excandescencia, tunc magno impetu, convulsis fibris musculosis tam vesicæ quam ductuum, non modo oris amaritiem, nauseam, appetitum prostratum, cardialgiam, sed etiam vomitum parit, vel ventris tormina & biliosam diarrhoeam excitat; ubi notandum, quod si mox excernatur, periculi res expers est, si vero magis iracundia fuerit suppressa vel cohibita: accidit sæpe, ut commota bilis in cavitate intestinorum hærens non excernatur, sed ad sanguinem perveniat, & febres, acerrimas convulsiones, spasmos, & dolores procreare soleat. Maxime omnium vero corpori inducitur noxa, quandocunque sudorifera calida, vel spirituosæ volatilia superingeruntur; quo fit ut bilis impura copiose ad massam sanguinis delata, inque partes nerveas & membranas propulsa incommoda periculosa creet. Qua de re elegantissimum in HIPPOCRATE *in lib. de veteri medicina §. 34.* locum habemus: *Vbi, inquit, cum amaritudo quædam diffusa fuerit, quam bilem flavam appellare solemus quales statim anxietates & æstus & impotentia occupant: verum ubi libera-*
is fue-

ti fuerimus ab illa & purgati aut sponte, aut per medicamentum, si modo tempestive quid ipsorum fiat, manifesto & a doloribus & a calore liberamur. Quando autem tempore fuerit elevata & cruda, meraca ac intemperata nulla arte neque dolores neque febres sedare possis. Et quos quidem acuta, acrisque ac æruginosa bilis adfligit, quales mox rabies & morsus viscerum ac pectoris & desperatio. Bene hic monet Hippocrates, quod bilis intemperata hæc faciat: nam si plus iusto temperata ira in intestinum immittitur, hæc non adeo nocet, sed potius remedio est frigidis; passim id Hippocrate in scriptis notante.

27. CONSIDERABIMVS iam porro, quinam morbi ex bile perversa & ad sanguinem traducta fiant. Inter hos autem præcipue febres, & quidem sic dictæ biliosæ, tertianæ duplices continentes recenseri merentur. Et quamvis ipsæ febres bilem generent; nullum tamen est dubium, quin etiam a bile vitiosa oriantur. Consentientem hac in re habemus HIPPOCRATEM, qui *lib. de natura humana* §. 27. scribit: febres plurimæ a bile fiunt, præsertim continens quotidiana, tertiana & quartana. Primo enim non dubitari potest, & assensum quoque apud antiquitatem invenimus, febrium plurimarum, præsertim intermittentium, ardentium & sic dictarum cholericarum propriam sedem & originem in prima esse corporis regione, circa præcordia, intestina tenuia, iecoris cava, lienem, pancreas, omentum, utpote in hisce locis ordinario sanguinis tardior est circulus, generatio fit impuratum, & corrupti acres humores ex pancreate in intestina influunt, & non modo pathemata ordinario in hypochondriacis spasmodico febrilia, sed & supra dictas febres excitant. Siquidem symptomata, quæ has febres comitari solent, plerumque dicta in regione incipiunt, quod maxime ventriculi & abdominis inflatio, dolor dorsi, anxietas, nausea, vomitio, & alvi adstrictio testantur; & quoniam sensibili quadam parte in corpore spasma adfecta, omnes reliquæ

quæ in universo corpore facile in consensum trahuntur; hinc horror, rigor in corporis superficie, frigus, dolor externarum partium convulsivus & pandiculatio ex primarum viarum irritatione originem suam agnoscunt. Quinimo ipsæ diarrhœæ, deiectiones per vomitum biliosæ, vrina flammea, sitis inextinguibilis, ardor intensissimus, tussis ferina stomachalis faucium erosio, nec non levamen ex refrigerantibus, præcipitantibus bilis acrimoniam demulcentibus nitratis, lenioribus evacuantibus; & e contrario noxa, quam volatilia, calida, oleosa, acria inferunt, præsentiam vitiosæ bilis in primis viis & massa sanguinea adsertum nostrum sufficienter declarant & confirmant. Insuper & illud observamus, quod corpora biliosa iuniora & ad iram proclivia ex facili in febres exardescant; aliquoties quoque annotavimus, illos qui antea biliosis adsuetis diarrhœis criticis fuerunt obnoxii, si sequenti anno non eveniunt, harum loco febribus tertianis, cum morfu, dolore & ventriculi rosione corripì, quæ vomitu atque alui deiectione materiæ biliosæ flavescentis & copiosæ subortis cessare solent.

28. PRÆTER alia elegantissimus locus sententiam nostram confirmans exstat in HIPPOCRATE, qui lib. *de adfectionibus* §. 11. scribit: *ubi febris adest, sitis fortis, lingua aspera & nigra, color biliosus est, & sputa biliosa, & æger extrinsecus frigidus fit, intrinsecus valde calidus, ibi conducunt frigefacientia & morbus fit a bile, cum mota intra corpus firmata fuerit.* Plerumque tales febres septimo die cessant. Nec minus harum febrium solutiones sententiam nostram confirmant; plerumque enim per criticum icterum, quo corripuntur, maxime septimo die tertiana continua laborantes, sine ullo gravitatis tensionis aut doloris in hypochondrio dextro sensu, cessare solent. Perite HIPPOCRATES ait lib. *de morbis* §. 6. *febrienti ac bilioso in tempore foras dispersa bilis bonum.*

29. VETERES & maxime HIPPOCRATES item FERNELIUS pro
 (Hoffm. Opusc. patholog.) Cc aucta-

auctarum febrium caussa bilis putredinem accusant, quare hic in *Patholog. de febribus* p. 6. sic scribit: *bilis putrescens in febre acrem malignamque qualitatem adipiscitur; eaque accessionis initio quasi turgens impetu fertur, affatimque in præcordiorum membranas irruit, iis sene argumentis, quæ de tussi sicca, de oscitatione, de suffocatione, de anxietate, de præcordiorum distensione, de dolore, de nausea, de vomitu & de albis tenuibusque urinis protuli.* Et certe bilis est humor, qui dum stagnat & subsistit, facile putrescit. Jam vero nihil magis ipsi naturæ nostræ microscomicæ adversum est, nihilque magis eius vigorem imminuit, eiusque motus turbat ac pervertit, quam quod corruptum & putridum est: vnde malignarum febrium originem in cachecticis, phlegmaticis, a bile copiosa, in primis viis corrupta, non sine ratione deducimus. Quinimo si putredo a bile in primis viis consistit, hæc miasma pestis, febrium malignarum, petechialium, variolarum, morbillorum dysenteriae aliorumque contagiosorum morborum facile recipit, multiplicat & activum hoc reddit. Vnde ea, quæ vomitu, purgatione colluviem ex primis viis evacuant, uti sunt acidula, linum, nitrum, spiritus vitrioli & nitri dulcis, elixir proprietatis cum acido egregie contagio morbisque malignis resistunt. Ulterius paroxysmorum in febribus intermittentibus novam originem bilis impura, de nova generata, facile suppeditat; hæc, si in sufficiente quantitate adest novum procreat paroxysmum: vnde patet ratio, quare in intermittentibus data evacuantia, præsertim quæ sine spasmodicis agunt, & tonum intestinorum non lædunt, uti sunt pilulæ amaræ, salia neutra in copia data, mercurius dulcis: item quæ bilem minus acrem corrigunt, ut nitrosa & corruptionem eius arcent, uti amara terrea, china chinæ & tonum partium nervosarum, ne nimium ad spasmodicas contractiones pronæ fiant, roborant, optime harum febrium causam ac radicem præscindant.

30. TANDEM & hoc singularis considerationis phænomenon

non ponderandum venit ; facile nimirum concipi potest, sub omni febrili æstu non modo bilem copiosam generari, sed maxime vitiosam ob humorum dyscrasiam sanguinisque circulum non recte sese habentem. Hæc bilis necessario in intestina fluit, & si non evacuatur, ibi subsistit & in venas lacteas ipsumque sanguinem transit; necessario ad maiora incommoda occasionem præbet. Qua de causa in omnibus febribus aluus aperta admodum est salutaris, siue arte fiat siue natura: vnde si alui iungitur hisce febribus adstrictio: videmus inde nasci purpuram, aphthas, inflammationes oris & faucium, varii generis exanthemata, quorum nulla alia est causa, quam quod humores, præsertim biliosi corrupti, sub præternaturali & febrili sanguinis commotione nati, in sanguinem accedentes foras in in partium extrema coniiciantur. Notandum hoc loco est, quod purpura, quæ morbus maxime æstatis est, & corpora impura, qualia ut plurimum gravidarum sunt, & scorbutica infestat, & sæpe die septimo nono succedere solet, multis in acutis febribus ex humoribus biliosis primis in viis oberrantibus potissimum nascatur. Vnde omnia quæ acrimoniam temperant & leviter evacuant, a purpura præservant, & eam quoque tollunt, præsertim si diaphoretica leniora cum acidis nonnunquam debito modo ac methodo interponantur. Nam in puerperis ut plurimum ex neglecta lochiorum & primæ regionis evacuatione oritur purpura, quæ, si non rite tractatur, necat.

31. AD alios etiam morbos devenimus, quorum origo commode a bilis vitio deducitur, & ex his est erysipelas, præsertim si aluus cohibita & transpiratio fuerit impedita. Nihil enim magis bilem vitiat, eamque impuram & salibus causticis refertam reddit, quam solennis per superficiem corporis prohibita evacuatio. Quandocunque igitur talis bilis caustica in primis viis existit, horrorem anxietates & vomitus parit; postea in sanguinem recepta motu febrili, ut plurimum die terio, foras eiicitur. Eodem modo dolores arthritici, podagrici, qui secundum veteres ex causa calida oriuntur, sustentantur

potissimum primarum viarum vitio, ex bile vitiosa effluente, quæ ad sanguinem delata dolorum illorum omnium causa est; dum sal illud causticum ad articulorum membranas præcipitatur. Et hæc est ratio, quare podagricorum insultus doloribus ventriculi, anxietatibus, nausea, appetitu prostrato ut plurimum oriuntur, unde tunc temporis, qui sine tumultu primas vias evacuare scit, simulque acrimoniam humorum temperare, is certe egregie vias hisce doloribus præscindit, eosque mitigat.

32. ILLUD quam maxime etiam attentione dignum est, hæmorrhagias, quæ siue consueto vel statuto tempore contingant, siue criticæ & symptomaticæ in morbis fiant, suum potissimum in primis viis habere principium. Ibi enim flatulentia percipiuntur, angustia, constrictiones, dolor gravativus pressorius in hypochondriis, in dorso, alius est adstricta, partes extremæ frigent, & postea sanguinis impetus ad partem quandam siue ad caput siue ad pulmones siue anum siue vterum fertur. Optima autem præsidia, quæ nimium fluxum sedant & præservant, ea sunt, quæ aluum blande aperiunt, simul tonum intestinorum respiciunt, & bilem temperatam balsamicam reddunt, uti sunt rhabarbarina, pilulæ Becherianæ, Marocostinæ, elixir nostrum amarum balsamicum correctum, salia volatilia oleosa repetita sed pariori dosi data. Ad acredinem vero & volatilitatem bilis causticæ temperandam nitrosa & pulveres præcipitantes omne ferunt punctum.

33. JAM quæstio exsurgit, an non ex hisce circumstantiis commode quis argumentari possit? bilem vitiosam in primis viis accumulata, in dispositis corporibus occasionem & stimulum, illis spasmodicis primarum viarum præcedentibus, præbere hæmorrhagias. Et hoc loco illud notandum est, quod statæ ac consuetæ sanguinis excretiones, sicut & arthritici morbi, catarrhales oriantur autumnali maxime tempore vel etiam vernali mense Martio, Octobri;

cuius

cuius rei non alia caussa inveniri potest, quam quod fibrarum tonus æquabilis ab aeris inæqualitate tunc pereat, & sic æquilibrium fluidorum & solidorum, in quo sanitas versatur, pereat: item quod a transpiratione prohibita salia illa excrementitia activa, quæ per poros eiiciuntur, maxime ad bilem transeant, vbi vnita vi ad intestina descendunt, multaque pariunt incommoda.

34. ANTE omnia vero ex bilis vitio, acredine ac corrosivitate, ob admixtas plures stimulantes heterogeneas & corrosivas partes, in ipsis intestinis graves defluxiones suscitantur. Nam diarrhœæ, cholera, vomitiones enormes, ventris tormina & dysenteria inde nascuntur. Accusant hic veteres vt & recentiores bilem æruginosam porraceam prasini coloris, qui bilis color præternaturalis aperte monstrat crasin ac mixtionem bilis, ab acido corrosivo ipsi admixto, esse destructam: bilem enim ab acido viridem acquirere colorem certum est, & fæces virides in infantibus, quæ vbi adsunt acidi ex lacte corrupti sufficientiam testantur; nam ab acido color perit & morbus inducitur. HIPPOCRATES *lib. de natura hominis p. 282.* iam dudum bilem viridem atro notavit calculo ita scribens: *viridis bilis iuxta hepar manens vbi super ebullit, humani corporis corruptio est & novus ac inutilis eius inquilinus.* Testantur quaque observationes practico-anatomicæ viridem bilem memoratorum morborum causam esse; ita DIEMERBROCCIVS *in anat. p. 44.* testatur: se in forti diarrhœa biliosa viridi mortuo folliculum fellis viridissima bile repletum, ad oui gallinacei magnitudinem intumuisse, deprehendisse. Idem *Auctor. p. 115.* scribit: in sectionibus cadaverum in nosocomio nostro mortuorum sæpe bilem viridissimam æruginosam & subnigricantem in ipso fellis folliculo demonstravimus: imo in filiola Dn. Vlych alui fluxu æruginoso mortua, & post mortem coram plurimis medicis a me aperta folliculum felleum ad oui gallinacei turgidum & æruginosa bile infarctum in-

venimus : quod ipsum etiam in aliis quibusdam infantibus simili diarrhoea extinctis observavimus , uti & in aliquibus, quibus cholera morbus vitæ finem imposuerat : a PECHLINO *exercitatione de purgantibus p. 494.* bilis hepatica sæpe viridis nigra & plumbea reperta est. Testamur quoque in nobili studioso melancholico variolis mortuo , bilem in tolliculo fellis spissam & nigram instar picis observasse, id quod etiam olim in maniaco dissecto vidi. Apud BONTIVM *de medicina Indorum pag. 194.* legitur , quod in puero asthmatico dysenteria mortuo vesicula fellis, humore atro inferta, fuerit inventa ; quæ nigredo non aliam agnoscit causam , quam copiosum acidum admixtum , quod mora ex stagnatione bilem reddit nigram. Patet iam ratio , quare dictis in morbis , inque eorum principio leniora emetica rhabarbarina item pulveres præcipitantes nitrosi, lac, serum lactis, oleum amygdalarum dulcium, clysteres anodynæ & emollientes vt & cremor hordei omnem impleant paginam : nam bilis acerri- ma & caustica reedita , instar veneni symptomata movet. Notabilis est *observatio 36* , quam insinuat BORRICHIVS in *Act. Med. Hassn. Tom. III.* vbi iuvenis symptomatibus vexatus fuit quasi a veneno adsumto ; ventriculi nempe erosio ac acerri- ma bile sequuta est. Idem *Auctor* scribit : ipsa bilis, vti & alii humores ; ita non raro corpus adficiunt , ventriculum- que infestant , vt crederes venenum esse adsumtum , certe malignam qualitatem acquisiverunt, qua cruciatus incredibi- les membranis cæterisque partibus sensibilius imprimunt , & eas erodunt , miserumque in modum vellicant. Quod bilis tam corrosiva evadat , ut instar aquæ fortis eiecta in terram ebulliat vid. BORELLI *Observatio I. Cent. II.*

35. Ex hisce dictis & adductis clarissime apparere arbi- tror, bilem nostri corporis utilissimum esse humorem, & ve- nenum quoque, si vitio laborat ; adeo per bilem sanas esse homines & ægrotare : hinc in pathologia nec non in meden- di methodo & indicationibus ante omnia ad hunc humorem eius-

eiusque statum respiciendum esse, vtrum nimirum vel quantitate vel qualitate vel motu delinquat. Nam certe plurima remedia, quod præstant in morbis sanandis, id exserunt, vt bilem vel deficientem augeant, vel superfluam educant, vel vitiosam emendent & corrigant, motumque eius ad intestina in statu legitimo conseruent. Etenim pauca remedia agunt in sanguinem & humores, pleraque vim suam exserunt in primas vias, ibique vitiosos humores, inter quos principatum tenet bilis, quique mineram & causam occasionalem & materiale motuum morbosorum constituunt, proxima via emendant, quemadmodum id potissimum valet de emeticis, de laxantibus, absorbentibus, acidis, nitrosis, temperantibus, emollientibus, amaris, salibus fixis, martialibus roborantibus & id genus aliis.



DISSERTATIO VIII.
DE
SALVBRRITATE FEBRIVM.
§. I.

PERMOLESTOS & sæpe exitiales diversi generis morbos, quibus subinde affligi solent corpora, in pœnam generis humani a iustissimo Deo esse datos, nemo facile inficiabitur; nihilominus infinitus Dei amor, sicuti nihil per se mali efficit vel tribuit mortalibus, sed semper sub specie acerbi & mali præsidium bonum ac remedium recondidit, quod luculentissime apparet in afflictionibus spiritualibus, quæ christianis ut plurimum medicinæ & salutis sunt; ita etiam mirabilem suam benignitatem in eo ostendit, quod morbosas corporis afflictiones, quibus nunquam non homines in hac vita impetuntur, sapientissime sæpenumero dirigat & convertat, in corporis sanitatem & vindicationem eius ab interitu. Tam mirabilis enim benigna & divini conditoris in rebus corporeis administrandis est œconomia, ut sub eo, quod nobis sensu & primo intuitu videtur noxium & pernitiæ, nostra salus lateat, adeo, ut causam habeamus, propitium Numen non modo in prosperis, sed & in iis, quæ adversa statuit mens humana, celebrandi ac collaudandi. Illustri exemplorum numero ex arte medica depromptorum assertum hoc stabilire & confirmare possemus, si scopus institutæ scriptiōnis id permetteret; hoc saltem dicimus, quod febriles sanguinis commotiones, quæ plurimis & chronicis & acutis, affectibus associantur, eius sint naturæ ac indolis, ut profligandis & extinguendis morbificis causis inserviant, adeoque plus utiles & salutares, quam detrimento corpori sint humano. Et hoc est quod de præsentī sub divina gratia & assistentia instituimus pertractare.

2. ANTE quam ulterius in confirmationem huius nostræ assertionis descendamus, e re fore iudico, ut ostendamus, autoritatibus perantiquis sententiam nostram non destitui. Ipse *Hippocrates*, gravissimus & sapientissimus scriptor toties in scriptis suis inculcat, febrem certis morbis, de quibus inferius fuse agemus, supervenientem eos sanare. Ipse etiam *Celsus* disertis verbis *Lib. II. C. VIII.* scribit: *ipsa febris, quod maxime mirum videri potest, sæpe præsidio est.* Nam & præcordiorum dolores, si sunt sine inflammatione, sistit, in dolore succurrit, & distentionem nervorum rigoremque si post ea coepit ex toto tollit, & ex difficultate urinæ morbum tenuioris intestini ortum, si urinam per calorem movet, levat. Deinceps febris a cordata antiquitate non inepte lucta motus & certamen naturæ adversus causam morbificam & vim morbi dicta fuit, quo indicare volebant, esse rem non noxi- am, sed potius salutarem; nam illud quod pugnat adversus hostem vitæ, qui causa morbifica est, non potest in se & sua natura esse perniciosum. Quibus ex rationibus permotus ipse *Cl. Lindenius in selectis Medicis p. 148.* non satis potest mirari, cum tot exempla *huius* apud *Hippocratem* existent, esse etiam hodie, qui *Campanellæ* id commentum autumant, & novitatis nomine damnant, ceu profectum ab homine non medico. Ipse enim *l. VII. de sensu rerum c. II.* nullum febrem esse morbum, sed remedium erga morbos contendit. Eius sententiam quoque secutus est & brevibus composuit *Ioh. de Mey* in commentario *Philos. Cap. V. loco. V.* Ex recentioribus autem *Cl. Anglus Sydenhamius* id agit potissimum in suis scriptis, ut febrem pro naturæ conamine & instrumento habeat, quo partes puræ ab impuris secernuntur, quo causa morbifica exterminatur & expellitur, *Vid. Præfationem & Sectionem I. Cap. IV.*

3. Ex quo intelligitur, optima ratione iam olim *M. Hippocratem Lib. II. Epid.* scripsisse, prudentis medici esse aliquando febres accendere. Denique quid magis confirmat nostram
(*Hoffm. Opusc. patholog.*) D d

nostram sententiam, quam firma illa & constans veterum in eo consensus, naturam esse optimum medicum, optime sanare & solvere morbos, eamque, ut *Galenus* exprimit, adversus morbificam causam impetu valido insurgere, & decretoria excretionisque vehementer moliri, & concoctione, tandemque vacuatione a lethalibus morbis ægrum liberare. Ille enim impetus, ille motus, illa lucta, qua ceu instrumento natura morborum causas medetur, quid aliud est quam febris? unde recte concluditur, hanc ipsam esse instrumentum, cuius beneficio natura corpus ab interitu, quem causa morbi molitur vindicat, eamque expellendo & subigendo corpus sanitati restituit.

4. EQVIDEM febris ab omnibus medicis tam priscis quam recentioribus semper habita fuit pro morbo, & ipse *Hippocr.* *l. de flatibus Sect. III. p. 80.* febrem communem morbum, qui aliorum morborum & præcipue inflammationis comes sit, appellat; neque dissentit ratio: Febris enim est motus sanguinis & humorum præter naturæ ordinem institutus, qui actiones corporis & mentis lædit & labefactat, imo qui mortem affert & exitio est. Nam pauci moriuntur nisi cum febre, attamen non impedit, quo minus idem diverso respectu possit esse morbus & simul etiam remedium tam suæ ipsius causæ quam aliorum morborum. Et hoc est, in quo admirari & celebrare debemus, ut in præfatione diximus, divini Numinis providentiam & benignitatem, qui machinam nostram tam affabre & tam concinno ordine construxit, ut viribus ac mediis suis se ipsum defendere non modo queat contra iniurias ipsi interitum minitantes sed & ut ipsi motus, ceu effectus causæ morbificæ, eius naturæ & genii sint, ut ipsi causæ tollendæ, cæteris paribus, sufficiant & adversus eam directi sint, adeoque effectus sit ipsius causam destruere possit & iugulare. Quo autem hæc saluberima in arte medica materia recte intelligatur & in usum ægrotantium ex merito tractetur, opus est, ut paulo penitus

nitius breviter tamen strictimque naturam & essentiam febris, qua ratione a natura producat, investigemus, & deinde definiamus, quænam febres & in quibus morbis ac quo tempore & sub quibus circumstantiis salutarem & utilem effectum in medendo præstare queant.

5. QVAM vulgaris morbus est febris, & qui ferme omnibus sese associat corporis humani effectibus, tantis difficultatibus & obscuritatibus involutam eius cognitionem hætenus fuisse, nemo qui rerum medicarum gnarus & peritus est, poterit inficiari. Quot enim celebres scriptores existunt, tot ferme prostant de febre opiniones atque hypotheses. Nolumus longiores esse hisce in rebus recensendis, cum in plurimis tum in præcipuis opinionibus tradendis, operam locaverim in *annotationibus poterii, de febribus*. Hoc saltem loco illud attingemus, ex motu spirituum sanguinisque circulo, ficuti vitæ & sanitatis ratio pendet, ita omnium affectuum internorum, imprimis febrium ortum ac causas ex eodem fonte recte peti & explicari debere, unde dicimus febrem esse motum musculorum præcipue autem cordis concitatio-rem cum inæquali sanguinis circulo, caloris & pulsus naturalis, nec non excretionum immutatione iunctum, certis temporibus remittentem vel intermittentem.

6. EST nempe nobis febris motus auctior & validior in systemate musculofo. Motus consensione medicorum perspicacissimorum in corpore nostro fit substantia tenuissima, fluidissima, quam alii spirituum nomine indigitare solent, alii principium vitale appellant, & originaliter existit in semine, reconditur in sanguine & ab externo fluido ambiente & spirituosus alimentis postea sustentatur. A veteribus natura dicitur, item anima purpurea, calidum innatum, omnisque motus tam intestini, quam circularis causa est, omniaque membra movet, & genuinum existit animæ in sentiendo & ratiocinando instrumentum. Hoc vehementius, hoc celerius in

nervis & fibris musculosis, quæ palestræ motuum sunt, move-
tur, sicuti liquidissime id fieri videmus sub spasmis cutis, alia-
rumque partium internarum, sub pulsu cordis aucto frequentiori
maiorique calore. Rectissime enim cum *Helmontio* statuimus in
libro de febribus Cap. 1. quod calor ille febrilis non sit mate-
riæ peccanti proprius sive eius effectus, sed sit effectus spiri-
tus seu principii impetum facientis in nobis, qui uti omnis
caloris naturalis in statu sano, ita & febrilis immediata &
primaria causa efficiens est; ubi tamen probe notandum, in eo
nos ab ipso dissentire, quod causam febris materialem tan-
tum dicat occasionalem, materialis physici influxus & con-
cursus ad febrem expertem, sed tantum occasionem præbe-
re archeo intelligentia prædito, qui non aliter ac obiecto
iracundiæ extrinsecus suggesto, propria vi & thymosi sese ac-
cendat, & peregrinum hostem adoriatur atque expellere ni-
tatur, sed potius non denegamus vim & potentiam agendi
& movendi causæ morbificæ, quæ in principium vitale seu
spiritus inordinate agendo, ex mechanica quadam necessitate
suscitat illum impetuosum, qui in corde, arteriis & musculis
visitur, motum. Est enim motus ille morbosus effectus ex
utriusque principii agentis & reagentis, tam principii mor-
bosi activi, quam naturæ, seu principii moventis vitalis in
corpore nostro. Quo sensu utique admitti potest, fabrum
& auctorem febrium esse ipsam naturam, seu archeum.

7. RATIO autem nostri instituti postulat, paulo pe-
nitius determinare, quo pacto materia febrilis in spiritus
nervorum & membranarum agat, & qualis effectus sive rea-
ctio hanc operationem insequatur, ipsaque symptomata &
pathemata febribus communia progignantur. Afferimus au-
tem, omnem motum in corpore nostro, qui fit in fibris mu-
sculosis activum esse systalticum seu contractorium, unde præ-
ternaturalis, vel in huius motus relaxatione vel intensione
consistere debet; intensio solenni nomine spasmi venire so-
let, qui solito validior & diuturnior fibrarum musculosarum
con-

contractio est. Eiusmodi spasmus omnium fere affectionum præternaturalium & morbosarum commotionum prima & fundamentalis causa est, quæ plurimos & diversos post se trahit effectus, utpote vix morbus conspicitur, ubi non spasmi subsint & suam ludant tragoediam. Eminentius id quoque contingit in febribus & caloris excessivi generatione, ubi spasmi circuli sanguinis inæqualis, inordinati & aucti pulsus aliorumque accidentium causa sunt. Quemadmodum enim, si tonus musculorum & pulsus cordis moderatus est, inque debita proportione & temperamento consistit, tranquille & placide humores vitales circumvolvuntur, secernenda & superflua eiiciuntur & quæ servari debent, in vitæ ac sanitatis commodum retinentur: ita mox ad vitiatum tonum musculorum seu spasmum motumque cordis inordinatum totus complexus & ordo motuum vitalium totaque œconomia secretionum & excretionum turbatur atque pervertitur.

8. EVIDENTIA autem signa & effectus spasmodicæ fibrarum musculosarum & membranarum contractionis, quæ in intermittentium initio aperte, languidius & remissius in continuarum remissione visuntur, varia sunt, tam pro diversitate individuorum, quam ipsarum februm. Potiorem tamen catalogum percensere, e re fore ducimus. Visitur quam maxime inter initia paroxysmi cutis, quæ exquisito sensu pollet & omnium consensione tactus organon est, summe constricta ubi pori laxiores contrahuntur, inque tubercula cutis, ut anserina solet, attollitur, vasa, quæ valde tumida & repleto sanguine erant, disparent, detumescunt, rubedo in livorem convertitur & turgescencia totius habitus corporis subsidet ac deprimitur, horripilatio, rigor, refrigeratio, præsertim in partibus extremis moleste afficiunt. Præterea cutis, quæ antea erat madida, evadit sicca & arida; sudor, qui ante aderat, mox suppressitur. Verum enim vero non subsistit hæc fibrarum & vasorum compressio & constrictio tantum in ambitu & cortice corporis, sed in interiora

quoque porrigitur, qua de re testari potest copiosa sub hoc tempore, præsertim in lentis & continuis, urinæ limpidæ aquosæ emissio, alvi contumax adstrictio, flatuum retentio, nulla clysterum admissio, præcordiorum anxietas, nausea, dispositio ad vomitum, dolor ingens in medulla spinali & lumborum regione: quæ cuncta abunde designant, ventriculorum & intestina, nec non ipsos renes & vasa hepatica, spasmus & constrictionem præternaturalem pati. Neque substantiam cordis, arteriarum & musculorum a tali spasmo, qui in spiritibus radicans totum corpus consensione afficit, immunem esse docet pulsus iste parvus, frequens, durus, debilis, qui ab insufficiente & minus libero spirituum influxu oritur. Differunt hæc omnia, uti diximus gradu, differunt etiam tempore accessionis, in intermittentibus in principio videntur hæc symptomata, in continuis in statu & etiam reliquo tempore sæpius intercurrent, nec tempus nec tenorem neque proportionem servant. Et certe nulla erit febris, ubi non talia pathemata attentus, diligens & peritus medicus intermixta esse annotabit. Perquam diligens autem harum rerum scrutator & observator fuit *Helmontius*, qui in *Lib. de febr. Cap. IX.* memoratu digna prodit sequentia. In quo sane pars, cui insidet materia febrilis primùm se contrahit in rugas, quod sentitur facile in præcordiis. Parti vero obsessæ totum genus venosum collaborat, strictim se arctat, contractis fibris obliquis. Inde namque rarus durus atque minutus pulsus, frigoris index atque opifex. Hanc enim corrugantem stricturam venarum quisque febriens si in se animadvertat, facile dignoscet & penitus naturalem etiam bene valenti. Nam et si scrotum laxum propendeat, statim tamen atque scoria humana ad sphincterem delabitur corrugatur scrotum sua sponte. Naturale est itaque venis & partibus primario affectis sese in rugas contraxisse. Cum igitur venis passim affociantur plerumque arteriæ, necesse est pariter has obliqua cum venis convulsione contrahi.

9. SVNT autem spasmi præcipua tam rigoris quam caloris febrilis causa. Hisce enim sanguinis & humorum circulus inæqualiter per corporis partes movetur & dispensatur; adeo, ut quædam partes sanguine turgeant, quædam exsanguæ sint, per quasdam celerius, per alias impeditius moveatur, unde quædam horrore & frigore tentantur, quædam fervent & incalescunt. Et hic sanguinis motus inæqualis a spasmo essentiam febrium quam maxime absolvit. Nullus autem tam ex veteribus quam recentioribus rectius & tersius rem tetigit, quam ipse noster *Hippocrates* in *Libro de flatibus*. Locus autem, quo hæc tractantur, notabilis hic est: obstructo, inquit, in inferiori ventre in universum flatus percurrunt (per flatus hic spirituum irregulares motus, qui spasmos efficiunt, intelligit, ut ex antecedentibus patet) & ad sanguine repletas corporis partes elapsi eas refrigerant, videlicet constrictione impediendo sanguinis affluxum. At refrigeratis his locis, in quibus fontes & radices sanguinis radicanter, uti sunt cor & hepar, per universum corpus horror penetrat. Universo autem sanguine perfrigerato, totum quoque corpus horror occupat. Hanc igitur ab causam primum horrores ante febrem oriuntur, & quo maiori copia flatus irruperint, talis quoque rigor consequitur. A pluribus quidem & frigidioribus vehementior, a paucioribus vero minusque frigidis, minus quoque vehemens. Cum horroribus autem corporis quoque tremores ad hunc modum contingunt. Sanguis enim præsentem horrorem metuens per totum corpus perrepat, & ad maxime calidas partes concurrit. Atque hi sunt eius saltus. Desiliente autem ab extremis corporis partibus sanguine, & viscera & carnes contremiscunt. Aliæ enim corporis partes copioso sanguine refertæ, aliæ exsanguæ sunt. Atque exsanguæ quidem ob frigus minime conquiescunt, sed concutiuntur, quod eas calor destituerit. Quæ vero sanguine replentur, ob sanguinis copiam contremiscunt & inflammationes excitant. Neque enim fieri potest, ut sanguinis copia conquiescat. Confirmat hanc sententiam *Libro.*

2. *de morbis Sect. V. p. 15.* Sanguine in se coeunte & condensato dum venæ contrahuntur, corpus contrahunt & tremorem excitant, quod si modo minus in se coeat sanguis, hoc modo rigor appellatur, horror autem dicitur quod est debilissimum. At vero quod post rigorem necessario maior aut minor febrisprehendat, sic se res habet. Cum sanguis per quandam vim (id est per motum cordis & arteriarum auctiorem) incaluerit, rursusque in suam naturam abierit; nempe ex statu frigoris in calorem, quod pituitæ & bilis sanguini permixtum est, (motu vehementiori) simul incalescit, sanguisque se ipso multo calidior evadit. His igitur percalefactis post rigorem ad sanguinis caliditatem febrem supervenire necesse est. Hoc loco gravissimus auctor totum processum febris eiusque generationem ex principiis mechanicis & motuum legibus accurate describit, an vero a recentioribus melior harum rerum explicatio proficisci queat, merito dubitamus.

10. NEQUE *Erasistrati*, vetustissimi medici opinio de februm generatione parum ab *Hippocratis* iam memorata sententia abludit. Ipse enim, notante *Celso pag. 5.* hanc fovet sententiam: videlicet si sanguis in eas venas, quæ spiritui accommodatæ sunt (id est arterias) transfunditur & inflammationem, quam græci *φλεγμονήν* nominant, excitat, eaque inflammatio talem motum efficit, qualis in febre est. Et *pag. 17.* mentio fit rursus *Erasistrati*, qui transfuso in arterias sanguine febrem fieri dixit, idque nimis repleto corpore. Quibus diserte inæqualitas sanguineæ circulationis in omni febrili commotione indicatur. Nam rigor, qui ordinario fervorem febrilem antecedit, spasmi species est, quo venarum tubuli capillares constrikti liberum sanguinis ex arteriis transitum & regressum ad cor, ceu fontem quadantenus impediunt, unde regurgitante eo ipso ad arterias & cordis sinistrum finem, ubi copia sua premens liberiores spirituum influxum invitat, pulsationes crescunt: quare eleganter noster *Hippocrates*

crates hæc exprimit, dum *libro de flatibus l. c.* scribit: sanguis vi pulsus dum calidus existit, per angustam viam (nempe arterias) transire celeriter nequit, quod multa remorentur, quæ impediunt & obstruunt, eamque ob causam pulsationes contingunt, & ad hunc modum febres fiunt ac dolores.

11. Ex quibus adductis luculenter apparere arbitror, frigus quod in febribus, præsertim in partibus extremis percipitur, a deficiente sanguinis sufficientis influxu & ejus motu intestino languidiori dependere, corporis autem quæ sequitur incalescentiam auctiorem habere intestinum motum.

12. CVM autem febris essentia maxime radicetur in inæquali sanguinis motu & ex eo dependente frigore, horrore, calore, aliisque symptomatibus, operæ erit pretium, ut tradita jam refrigerationis genesi, caloris ortum ac causas scrutemur. Nolumus autem jam hic esse longiores in recensendis & refellendis aliorum circa hanc rem sententiis, sed placidum lectorem unice *ad dissertationem de caloris naturalis & præternaturalis causis* duobus abhinc annis habitam remittimus. Hoc loco saltem sententiam nostram, quam hætenus sustinuimus & defendere semper parati sumus, ne alios ulterius offendat, explicatiorem reddere in animum induximus.

13. EST nempe solennis & non indigna accuratiori scrutinio medico quæstio, an a circulo sanguinis aucto ista vehementia caloris oriatur. Primus mihi hanc sententiam sustinuisse visus est BORELLVS in *Tract. de motu animal. pag. 337.* Scite inquit: propriissima affectio & character febris est pulsus & ad commotionem vehementem cordis & arteriarum consequitur incalescentia. Et hoc verum esse constat ex universali fere omnium consensu, atque evidenti ratione & experientia fundatur, quia videmus, quod posita vehementi cordis concussione & motione, paulo post subsequitur in toto corpore animali nova quædam caliditas, quæ prius non

(*Hoffm. Opusc. patholog.*)

E e

ade-

aderat, ut patet in ira & vehementi commotione corporis, similiter ablata tali motione cordis, scilicet diminuta, contracta & tardius facta, subsequitur tepor, rigor & frigiditas, quæ prius non existerat per corpus animalis, ut contingit in frigore & in rigoribus quartanæ. Postea addit *cod. loco p. 339.* hæc verba: quod ex pulsatione vehementi & concitata musculi cordis, sanguis, qui continetur in qualibet pausa & quiete ejus repletur, effusus a vena cava impelli intra arterias usque ad extremas ejus capillares extremitates debeat eodem concitato motu, quo cor contrahitur, ut patet ex legibus circulationis sanguinis. Similiter evidentia sensus constat a vehementi & concitata circulatione sanguinis per totum corpus animalis excitari fervorem, caliditatemque de novo, quæ prius non existeret, cujus originem haud quaquam ex motu, ut motus est, nempe progressivus, peti debere censeo, sed potius ex ipsa sanguinis natura; continet enim sanguis spiritum seu oleum, seu potius igneas particulas sopitas, quæ si dissolvuntur a vinculis, quibus neceiebantur, ut indolem sui motus exercere valeant, tunc caliditatem sensui ostendent.

14. PROXIME itaque præfatus Autor calorem sanguinis nostri deducit a motu intestino partium tenuissimarum sulphurearum sanguinis adaucto. Nam consensu omnium philosophorum recentiorum calor nil nisi rapidissimus partium sulphurearum motus est: neque etiam dubitandum, intestinam hanc per calidam sanguinis partium commotionem augeri a circulari motu celeriori facto, quem non modo vehementia, sed & frequentia & plenitudo pulsus demonstrat. Pulsu enim frequenti, vehementi ac pleno præsentem, non potest non sanguis velociori motu per tubulos corporis cieri, sicque calor, sensu & experientia teste, augeri. Neque etiam dubium, quod non modo in statu sano, aucta vehementia & magnitudine pulsus ob corporis fortio rem motum animique commotionem, sanguinis circulus & cum eo calor increiscat, sed & in statu

statu læso imo ipsis in febribus, præsertim tertiana intermit-
tente & continua, nec non ardente & synocha, maxime
in statu eadem species pulsus circulationem celeriore, nec
non sanguinis exinde ortam incalescentiam maiorem demon-
stret. Non tamen id universale est, neque ubicunque calor
præternaturalis in sanguine, ibi etiam circulum sanguinis citatio-
rem esse mea assertio fuit, aut adhuc est. Profecto enim non
solus auctior circulus seu motus progressivus sanguinis mo-
tus intestini calidi unica causa est, sed plures adesse posse,
quæ sanguinis minimas partes in vehementem concitant mo-
tum verticosum, utut impeditior sit circulus, non levia mo-
menta suadent. Notum enim est, non modo in malignis,
sed & in compluribus febribus adesse calorem consueti
intensiore seu præternaturalem, ubi pulsus non vehemens
sive fortiter manum tangentis percutit, neque magnus, sed tan-
tum celer seu frequens, parvus, imo debilis, qualis pulsus mi-
nime arguit sanguinis per cordis musculos transitum celerio-
rem. Deinceps ipsæ stases sanguinis inflammatoriæ in pul-
monibus aliisque visceribus, quæ nunquam concomitatae sunt
interno anxio ardore, siti & calore, extremis partium refri-
geratis, luculentissime testantur, non omnem calorem exces-
sivum a motu progressivo auctiori sanguinis ortum suum ha-
bere. Et certe nihil magis in praxi notandum occurrit, quam
quod intolerabilis & mire anxius ardor intra corpus conclu-
sus maxime tunc temporis molester, quando corporis extre-
ma obstipata, contracta, arida & exsucca sunt: & ex adverso mi-
nus molestum esse illum ardorem, qui habitum corporis oc-
cupat, sive qui ad extrema vergit, vulgo dicunt, *die Hitze schlä-
get aus*, utpote hic ipse liberiores sanguinis circulum per
habitum corporis, ille autem impeditiorem ejus motum per
partes internas designat, ubi perpetuo ea notabilis differen-
tia servanda est, quod sub interno calore semper majus ad-
sit periculum, sub externo autem maior sanationis spes ad-
fulgeat.

15. DEINCEPS per ipsam quoque constat experientiam, ea omnia, quæ sanguinem fluxilem reddunt ejusque motum ac circulum ad partes extremas invitant, ut blandus subsequatur ardor, quod fit sub pulso pleno ac celeri, aucti circuli sanguinis teste, præsentissime depromere & extinguere permolestum corporis ardorem, adeo ut felix ille medicus sit, qui aliquot horas ante paroxysmum, conveniente adhibito medicamento corpus ad sudorem disponit, ita enim semper mitior paroxysmus succedere solet. Arbitramur ideo, vero esse consentaneum, sub calore intestino partium fluidarum corporis multa suscitari effluvia igneæ naturæ, hoc est in agitatissimo motu constituta, quæ, si libere avolare per corporis spiracula possunt, calori magnum pabulum subtrahunt. Hæc autem si remanent, quod fit circulo diminuto & transpiratione impedita, necesse est, ut in sanguinem redeundo, motum calidum intestinum reduplicent & mirifice augeant. Deprehendimus enim calorem, qui extra corpus humanum excitatur, plus ex motu reflexo intestino partium agiliū in se redeunte, quam ex motu progressivo proficisci. Manet itaque illud firmum & inconcussum, caloris essentiam conquiescere in motu partium sulphurearum concitatissimo, eum autem sub omni progressivo motu auctiorem per impulsū & attrituram ad poros fibrasque partium solidarum vehementem fieri, minime tamen sequitur, ubi calor intenditur, ut semper id eveniat aucta progressionē, sed a retentione exhalationum calidarum & nova percussione in idem subiectum ille sæpenumero provenit, uti in gravioribus inflammationibus & hæctico calore apertissime patet.

16. VERVM enim vero, qui ex circulo sanguinis intensiori caloris febrilis genesin derivant, eo nituntur fundamento, quod pulsus celer, qui februm pathognomonicum signum & indivulsus comes esse solet, testimonium certissimum afferat motus progressivi sanguinis auctioris, magnaque sit differentia inter celerem & frequentem pulsum, a præ-

cticis

cticis minime confundenda, quorum hic magis in statu secundum naturam, nec non ætate juvenili, motu corporis vel animi aucto, a vino assumpto, ut & in cordis palpitatione & asthmate locum inveniat, adeoque non genuinum febris signum sit, licet pulsus celer nunquam a febre absit.

17. PROMERVIT hæc non noviter inventa assertio quodammodo accuratiorem considerationem atque investigationem, idque non tam ideo ut de caloris febrilis genesi certiores evadamus, sed & ut pulsum natura exactius cognita, determinare possimus, quid de controversia diu inter eximios medicos agitata, an pulsus frequens magis quam celer, sit nota essentialis commotionis febrilis, iudicandum sit. Suscepi id laboris libero animo, sine ullo respectu quendam refutandi vel aliis molestiam creandi, & observata omni modestiæ, quam nunquam non profiteor in scriptis meis, lege. At vero præter omnem spem nostram, quod dolemus, olim longe alia intentione, quæ a nobis procul absuit, excepta controversia fuit, uti rerum inter se collatio docebit.

18. QVAPROPTER uti firmiter mihi animus perpetuo fuit & est, cum nullo ob rerum investigationem congregari in disputationem maxime contentiosam, sed tantum ipsas res sine ullo respectu, a quibus proficiscantur, libere ac placide tractare: ita etiam nemo mihi vitio vertet, si in materia controversa non ex merito responsum dederim, probe reputans, litibus ac jurgiis animos magis exulcerari, veritatem autem magis suppressi quam investigari; nihilominus in gratiam veritatis, ne mihi fiat iniuria, brevibus, data hac occasione mentem clarius explicare constitui, ut quivis planius intelligere possit, num consentanea veritati fuerit & sit mea sententia, nec ne?

19. QVÆSTIO autem prima ventilata hæc est, an magna inter pulsum celerem & frequentem sit differentia, & an certo respectu unus idemque dici possit? Postremum iam olim asserui & clare deduxi in *dissertatione de pulsibus*, neque dissimula-

mulare possum, hunc laborem magis ex professo & clarioribus conceptibus tractatum fuisse in *dissertatione de pulsibus*, quam factum fuit in ea *de causis caloris*, ubi levissime saltem tetigi hoc argumentum. Attamen nemini hæc licentia, cum iniqua sit, tribuenda erit & concedenda, si quis posteriores labores, qui limatiores & accuratiores semper esse solent prioribus, cum iis, quæ ante non ex instituto dicta sunt, conferendo, extrahat, & inde misceat quædam pro lubitu in refutationem alterius.

20. SED ut ad rem deveniamus, ante quam solvamus quæstionem, supponenda quædam esse existimo (1) Convenit inter mechanicos, frequentiam non motum in se & sua natura ingredi, cum motus possit fieri & absolvi, qui non sit frequens, id est qui non repetitur, sed potius omnis motus in se est vel celer vel tardus, id est qui breve vel longum tempus requirit, vel magnus vel parvus est, respectu molis, quæ movetur, vel vehemens vel debilis respectu virium motricium (2) supponendum est, pulsum cordis & arteriarum esse motum continuum, videlicet sine ulla sensibili quiete vel mora diastolen arteriarum, quæ tangentis manu percipitur, systolen sequi, & systolen rursus diastolen: talismodi species motus est quoque pendulorum vibratio, cujus reciproca ab uno latere ad alterum motio continua est, & fit non interrupto certo quietis spatio. (3) Motuum singulorum celeritas, præsertim impulsus, ægrius nisi ex spatii æstimatione, quod mobile percurrit, inter se comparari & distingui potest. Ceterum hoc verum est, quod motus celerrimus cum motu valde tardo comparatus, in ipsam perceptionem etiam cadat, quod nunquam negavimus, sed hic difficultas hæret, quomodo celeritatem motuum vel pulsuum, inter se gradu non nimis remoto differentium velimus dijudicare, an id ex singulis ictibus, an potius ex numero repetito illud ipsum sit colligendum? Manifestissimum exemplum habemus in pendulo, in quo ratione gradus celeritatis differentes vibrationes, pro diversa fili, ex quo

quo suspenditur, sumptione ægerrime a se invicem distinguere licet, nisi quis ex frequentia, id est ex numero vibrationum, per certam temporis mensuram, majori vel minori illud ipsum conjiciat.

21. Ex hisce præmissis liquide fluit, unum quidem pulsum posse esse celerem, qui tamen non sit frequens, adeoque celeritatem & frequentiam esse res distinctissimas, quarum hæc numerum plurium motuum, illa autem unius motus intensiorem certo tempore indicat. Potest itaque celeritas esse sine frequentia, sed frequentia motuum ac pulsum, qui sine ulla interjecta mora diversis rationibus fiunt, non potest esse sine celeritate singulorum pulsum. Nam cum motus ille sit continuus, impossibile est, ut ille numerus possit crescere, five paucotempore multi motus fieri, nisi quivis motus sigillatim breviori temporis spatio absolvatur, id est celerior sit. Ex eo sequitur, nullum dari frequentem pulsum, qui non sit celer, & frequentiam testari de celeritate & raritatem de tarditate singulorum pulsum, imo esse celeritatis affectionem, frequentiam. Nunc quæstio oritur, si certent medici, quale quid maxime factum a *Sylvio*, *Deussingio*, aliisque, num pulsus celer, an potius frequens sit essentialis febribus, five, quod idem est, si quis dicat non confundi debere a practicis pulsum celerem & frequentem, eamque distinctionem in praxi habere insignem usum, quid sentiendum? Considerato nec præcipitanter reposuimus, quæstionem esse de nihilo, nec habere usum distinctionem hanc in praxi, modo non confundatur vehementia pulsus cum celeritate, sed frequentem pulsum esse celerem, five unum eundemque esse pulsum. Lapis autem offensionis hic exstitit, unum eundemque esse pulsum celerem & frequentem; sed quis ex lectione *dissertationis de pulsibus* non clarissime videt, illud ipsum prædicatum non esse intelligendum hac ratione, ac si celeritas non distincta sit a frequentia, ipsa natura rei, ipso conceptu, sed tantum ratione

one effectus, ratione judicii medici, ratione cognitionis morborum, unum esse idemque, si quis dicat, pulsus in ægro tante celerem esse, ac si dicat pulsus frequentem esse. Hanc fuisse nostram sententiam & verba plane detorta esse in alienam prorsus significationem, quisquis, qui attente & sine præjudicio perleget dissertationem de pulsibus, statim judicare poterit. Neque sine ratione lectionem hujus dissertationis, quæ argumentum in praxi egregium & nunquam, ut arbitror, antea satis excussum tractat, rerum medicarum peritis commendare erubesco.

22. SED ut propinquius ad rem ipsam accedamus, hoc imprimis restat discutiendum, an pulsus celer, qui ex frequentia recte judicatur, indicet semper circulum sanguinis auctum? Res esset salva & omnis dubitationis experta, si ostendi posset, celeritatem pulsus involvere simul magnam copiam virium motricium, sive supponere magnam vim, sive fieri ex magna virtute systoles cordis. Secundo si semper celeritas includeret magnam molem mobilis sanguinis, sponte utique tunc sequeretur, si motus esset tatis validus isque sæpius repetatur paucio tempore, & simul promoveat ac impellat magnam quantitatem sanguinis, quod tunc longe velocior etiam fluxus & refluxus sanguinis procederet, quam qui esset sub pulsu tardiori debili & parvo. Verum enim vero, cum persæpe illud, quod movet celeriter, exiguæ molis sive debilis efficaciam ad movendum sit, nec cum omni celeri pulsu arteriarum juncta semper sit plenitudo, magnitudo sive repletio arteriarum, sed sæpissime paucus sanguis impellatur in vasa, neque semper vehementia, quæ ex virium motricium quantitate nascitur, celeritati, qua tamen opus est, si sanguis debeat celerrime suum per vasa circulum absolvere, societur, id eo, ut opinor, recte concluditur, quod ubicunque & in quibuscunque subjectis, ac febribus & quocunque tempore pulsus celeritas cum magnitudine & vehementia juncta est, ibi intensior & auctior sit sanguinis circulus & major quoque calor,

lor, minime autem sequitur, ut in iis febribus & morbis, ubi celeritas cum parvitate & debilitate sociatur, sicuti fit plerumque in malignis, in principio intermittentium & potissimum tunc temporis, quando natura in maximo discrimine versatur, ut, inquam, adsit ibi auctus sanguinis circulus: quare nec calor internus anxius, sitis cupiditas, ab eo est deducenda.

23. Ex hisce jam dictis probeque consideratis & intellectis quivis non potest non percipere, me celeritatem pulsuum in febribus nunquam negasse, multo minus cum statuerim, celerem & frequentem certo respectu pro uno haberi posse, animum habuisse refutandi alterius hypothesein, cum meæ sententiæ e directo non sit contraria, sed in eo tantum versetur differentia, an ubicunque pulsus celer observatur, etiam velocior sanguinis circulus sit, omnisque corporis calor tantum ex progressivo motu derivari debeat. Et hoc est, quod adhuc ob argumenta non levis momenti negavi, donec hoc negotium clarius fuerit ab altera parte deductum.

24. TRACTAVIMVS hætenus causas horroris, rigoris ac frigoris, quæ nunquam non in febribus observantur & præcedere solent: explicata etiam est caloris indoles ac genesis & demonstrata duplicis generis motuum in febre reciprocatio, quorum unus ex partibus externis vergit introrsum ad centrum, alter ex partibus internis ad circumferentiam corporis extrorsum; superest iam, ut paucis determinemus, an a causis mere physicis, an vero simul moralibus dependeant, & quem in finem vergant & destinati sint hi motus. Vt itaque primæ quæstioni satisfiat, statim monendum ducimus, animam in cogitando & ratiocinando plane incorpoream maximam potentiam habere in principium vitale corporis nostri, sive spirituum motum, quem vel augent, vel imminuunt varique determinant; quod nunquam sapiens, qui pathematum animi & imaginationum vires cognitas habet, & qua ratione motum & crasin partium fluidarum, nec non solidarum configurationem mutant, probe tenet negavit, adeo ut et-

(Hoffm. Opusc. patholog.)

Ff

iam

iam nullum dubium sit, ex causis mere intentionalibus moralibus febrilem quandam commotionem posse in corpore suscitari, sed hoc est maxime determinandum, an non ex mere physicis causis sine moralitate agentibus, sine spontanea directione motus talismodi aucti febrilis ex causis mere physicis sæpissime contingat febris. Primus qui causarum moralium intentionalium, quæ certum in finem tendunt, & tantum ex occasione certi obiecti suscipiuntur, ab agente interno sive archeo in scenam produxit, *Helmontius* fuit, adeo ut causas physicas morborum in classem moralium reducere nimium intempestive intenderit; videatur eius *Liber de morborum ortu & de febribus*. Nos semper fuimus ea in sententia, ubi causæ notæ & explicationes per res sensibus obvias & physicas reperiuntur vel reperiri possunt, & ex corporum affectionibus phænomena accersi, in iis ad incognita & incorporea non est deveniendum vel properandum. Etenim probe hic fervandum est, antiquiores sollicitè naturæ effectus ab animi operationibus distinxisse: nunquam enim legitur, animam esse morborum medicatricem, quod tamen dicitur de natura.

25. NATURA antiquis ipsis motuum causa & principium est, cognitionis & perceptionis autem fons & principium anima ipsis dicitur, cum natura ab *Hippocrate* plane indota & intelligentia expers pronuncietur. Elegans locus hac de re exstat in *Coelio Aureliano l. 1. de passionibus acutis, pag. 39.* dum meminit Asclepiadis, qui animam coetum sensuum salutavit, prætereaque dixit, omnia in corpore nostro fieri necessitate & nihil sine causa, & naturam nihil aliud esse, quam corpus vel eius motum, & non solum prodesse naturam sed etiam nocere. Enim vero anima sive sit sensitiva sive simul rationalis, (quæ in hominibus principium directionum & motuum voluntariorum in animantibus est,) nihil tamen percipere potest sine ideis, id est sine motibus ab obiectis externis impressis, hi autem tantum variis sensoriis eum in finem constructis

structis recipiuntur. Vbi itaque deficiunt sensoria varia, ibi quoque perceptio & directio motuum deficit, (nam tactus ad causarum materialium morbigicarum indolem, figuram, motum, noxam & vires pernoscendas plane insufficiens est,) hinc facile etiam intelligitur, directionem in morbis specialem motuum indoli morbigicæ causæ correspondentium ab anima suscipi neutiquam posse.

26. VERISSIMUM quidem, naturam numeri, ordinis, temporis & locorum esse observantissimam, sicuti id in formatione, nutritione corporis, conformatione, sanatione morborum & excretionibus conspicitur: at vero id non ex peculiari rerum, quibuscum agit, intelligentia & arbitrio pro lubitu motus hos vel illos instituendi eosque in hunc vel illum finem, cuius plane ignara est, dirigendi profluit, sed potius ordinatissimi hic certum in finem effectus unice ab artificio mechanico, & coordinatione corporum in se agentium & reagentium, sub certa mensura, gradu, proportionem, derivandi sunt, quod vel ex eo satis perspicue intelligi potest, cum hos ordinatos motus per meras actiones corporeas pro lubitu suspendere, augere ac immutare possumus. Præterea apertissimum exemplum habemus structuræ organicæ & ordinatissimæ in vegetabilibus, quorum magnum ordinem ac artificio præ se ferens fabrica non ab intelligente quadam facultate, sed a mere necessaria, non tamen ordinis experte motus efficacia dependet. Sed hæc uberius deducere, non pertinet ad præsentem institutionem. Hoc autem, quod dissimulare non possum, pro re maximi momenti, & quasi fundamenti loco in medicina recte tractanda habendum est, videlicet ne confundamus effectus morbosos, qui ex meris causis necessariis fluunt, cum iis, qui liberum & immateriale quoddam agendi principium iunctum habent, sicuti id patet in animi affectibus, ubi inter hunc & morbum ingens intercedit differentia, dum morbus is proprie dicitur, ubi causæ agentes mere sunt corporeæ, affectus autem animi nuncupatur, ubi vitio

laborat animus, ut effectum sæpe in corpore morbosum producat.

27. Ex hisce dictis concludimus, febrem non esse salutarem eam ob causam dicendam, quasi natura materiam interius intelligat noxiam, eamque pro diversa qualitate noxæ certa proportionem ac gradu motus per certa loca accerto tempore ex corporis sphaera amoliri nitatur. Concedi hoc potest de anima, certo obiecto, quod extrinsecus obvenit, irascente, neutiquam autem commode hoc applicari potest ad motus pure mechanicos: nam quemadmodum animi affectus & morbus; ita etiam ira & febris differunt, non autem omnis febris immaterialem & idealem animæ actum vel perceptionem supponit. Non potest itaque commode dici febris res salutaris & utilis, bonum in finem excitata, cum natura, imo anima nostra sensitiva plane ignoret conditionem causarum morbificarum, viarum, locorum, & fines quoque rerum, quæ internæ existunt, nesciat. Est itaque nostra opinione febris, non motus in se salutaris dicendus, neque respectu principii sive causæ efficientis, neque respectu finis, sive effectus, quia sæpenumero naturæ humanæ hostilis, imo funestus esse solet, sed tantum quoniam effectum quandoque præstat mere ex accidenti salutarem. Meretur hoc ipsum illustrari exemplo, nempe constrictio firmior spasmodica tunicarum ventriculi & intestinorum ab emetico vel purgante producta non in se res bona & salutaris est, cum plane sit præternaturalis adeoque morbosa & gravissimorum sæpe symptomatum auctor, nihilominus dum colluviem impuram, viscidam, corruptam ex iis locis extirpat, est & fit ratione huius effectus res salutaris. Ita etiam porro spasmus partium internarum, qui hæmorrhagias spontaneas progignere solet, in se non res proficua est, quoniam sæpe lethales causatur effusiones sanguinis, effectum autem hunc & quidem per accidens salutarem efficit, quando sanguis adest in copia, nec nimium evacuatur. Sic etiam res comparata est cum febre, quæ

quæ in se considerata non utilis vel salutaris dici meretur, utpote vel dimidiam mortalium partem iugulat atque interficit, nihilominus effectu salubri persæpe gaudet, dum perfectæ integritati ac sanitati corpus impurum morbosum restituit.

28. OPERÆ pretium autem est, ut paulo specialius determinemus, in quibus subiectis & quo modo ac ratione febris salutarem præbeat corpori medicinam. Primum autem omnium sciendum est, causam, quæ suscitatur febrilem in musculo systemate commotionem, esse sæpissime non modo nimiam sanguinis & humorum abundantiam, sed & impurarum & excrementitiarum partium viscidarum tam in primis viis quam in vasis collectionem, quæ duplex causa, cum a circulo sanguinis impedito tum a colatoriorum & emunctoriorum infarctu atque obstructione proficisci solet, quemadmodum evenit id plerumque in omnibus ardentibus, synocha biliosa, tertiana continua, catarrhali & huius generis aliis. Ad expellendam itaque talismodi corpori insidias struentem causam armat se ipsa natura non ex libero quodam arbitrio, sed ex necessitate quadam physica, per actionem hostilis & peccantis materiæ stimulata, tam motu spasmodico partium extremarum & membranacearum, quam motu musculorum & præcipue cordis per maiorem spirituum influxum aucto. Motu enim opus erat tam intestino calido, quam progressivo seu circulari intensiori ac fortiori, ut sub languidiori hoc duplici motu progenerati & copia & qualitate infesti humores e corpore eiiciantur, obstructionibus prius solutis, præparatisque & dispositis ad id humoribus. Scite enim & non sine magna ratione veteres morbi sanationem per naturam fieri scripserunt primo *πεπασµῶν* id est maturatione & coctione, dein *ἀραιώσει* hoc est discussione & rarefactione &, tertio *λύσει* hoc est solutione & excretionem, vid. HOLLERIUS *in scholiis ad Aphor. 39. Hippocr. p. 181.*

29. PER coctionem autem & maturationem intellexerunt

runt pathologicam, quæ est adaptatio materiæ excrementitiæ ad excernendum, sicuti coctio physiologica est adaptatio materiæ ad nutriendum. Cum enim crudi, rudes & partim immobiles & secretiorum poris minus correspondentes humores morbofi sint, præparandi hi prius sunt ad exitum, nempe materia viscida incidenda, abstergenda, crassa fluxilis reddenda, intemperati & acres humores temperandi & corrigendi sunt, quod maturationis & coctionis vocabulo designavit sapiens antiquitas, quæ non cruda, sed cocta tam natura quam arte e corpore expellenda esse ingeniose suadebat.

30. QVONIAM autem excretio peccantis materiæ minus commode fieri potest, nisi viæ prius sint liberæ & emunctoria aperta, hinc obstructions dissolvendæ ac stagnantes & hærentes in vasculis capillaribus & excretoriis fixi humores resolvendi sunt ac colliquandi. Quibus effectis commode postea succedit quantitate peccantis materiæ excretio.

31. Hi sunt præcipui modi ac rationes, hic est processus solennis, hic ordo, quo utitur natura in sanando morbo, seu auferenda morbifica causa e corpore. Id autem omne exsequitur unico instrumento, motu.

32. MOTVS autem sanguinis duplex est, alter intestinus partium sulphurearum calidus, alter progressivus seu circularis. Utroque opus est, ut illud, quod noxium & pernitialie in corpore est, præparetur ad exitum & postea ejiciatur. Certe non solus sufficit motus sanguinis circularis, utut intensior & auctior sit, nisi simul comitem habeat intestinum auctum, sive incrementum caloris. Et tametsi non negari possit, quod calor nimis excessivus in febribus damnum afferat corpori, nihilominus, uti motu progressivo aucto, sic etiam auctiori intestino calido eget natura ad expugnandam causam febrilem. Quid enim felicius humorum glutinositatem & viscositatem dissolvit quam calor? quid ad obstructions a crassa amurca inductas referandas, ad emunctoria obstructa expedienda, opem spondet promptiorem, quam calidus & fluidus san-

sanguis? quid exsuperantem sanguinis & humorum copiam citius imminuit, immobile & crassum fluidum reddit, quam calor? unde non sine magna ratione veteres calorem febrilem utilem judicabant ad concoquendam, id est incidendam, attenuandam & excretioni paratam reddendam materiam peccantem. Et quod calor moderatus, in se consideratus res sit corpori maxime proficua & salutaris vel ex eo satis superque apparet, quod calidioris temperiei homines, juvenes etiam, & qui motu corpus exercent & calidis potibus utuntur, rarius passionibus chronicis & viscerum obstructionibus obnoxii sint. Et hæc quoque est ratio, cur omnes intermittentes febres etiam ipsæ quartanæ, teste *Hippocrate*, si æstate invadunt, longe breviores sint, facilioremque sanationem admittant, quam si autumnii vel hiemis soboles sint: illæ enim sponte sæpe mense Junio, quando aer est fervidissimus, cessare solent, quin imo, quo major in paroxysmis febrilibus percipitur calor, eo citius febris solvitur, & contra languidus & lentus fixam morbi sedem ac radicem arguit. Equidem ad infringendam hanc sententiam reponi potest, quod tales effectus non tam calori, quam circulo sanguinis aucto, cujus individuum comes sit calor, adscribenda veniant. Verum enim vero, utut circulatio sanguinis intensior non fiat sine incremento caloris, nihilominus tamen, uti superius dictum, non omnis calor causam in corpore agnoscit circulum auctum; siquidem sæpissime sub pulsu languido & frequenti extrema frigent interiora ardent, cum linguæ siccitate, nigredine & inexplebili siti. Deinceps motus intestinalis uti natura plane diversus est a progressivo: ita etiam diverso gaudet ad vitam effectum, neque, si sola circulatio & excretio inutilium partium absolveret vitale negotium in animantibus, opus esset certa temperie, mixtione ac moderatione elementorum sanguinis & maxime sulphuris (quod intestini motus fundamentum est) ad conservandam vitam & sanitatem, quod tamen statuere absolum est.

33. QVAPROPTER non inepte dictum fuit ab antiquitate, vitam consistere in calore, item calore naturam pugnare adversus causam morbificam, & nullum reperiri animal, ubi non calidum quoddam substantiale in sanguine & ejus succis lateat; utpote sine motu intestino calido nulla generatio, nulla vita, nullus motus vitalis perfici potest. Neque hoc loco sequitur, nullum esse calorem, qui non ad sensum tactus sit perceptibilis. Nam hominis sensus non solus est judex & norma caloris. Motus, qui est intestinus calidus, dici potest partim respectu frigoris, partim ratione effectus, præsertim rarefactorii, ut adeo ad infringendam hanc sententiam frivola sit ista oppositio, quod pisces sine calore vivere possint. Calore autem opus est in animantibus, ut spirituaſcentia humorum hoc ipso promoveatur, humores fluxiles ferventur, & omnes pori patuli & aperti maneant, tam nutritionis quam necessariarum excretionum ergo. Qua de causa GALENVS *de usu part. lib. XIV. cap. VI.* calorem non inconcinne appellat naturæ primum instrumentum. Eadem ratione natura in expugnandis morbis optimum in finem utitur calore fortiori, sicuti id patet in febribus. Hoc ipso enim non modo subigitur & attenuatur vitiosa materia, sed & ad excernendum idonea redditur. Enimvero non negari hoc loco potest, magnum intensum fervorem multum præpedire evacuationes & maxime per sudorem, adeoque hoc respectu plus nocere quam prodesse; nihilominus si rem diligentius examinamus, natura non sola evacuatione sanat morbos, sed potius sola sæpius dissolutione & rarefactione humorum sine ulla excretionem materiæ morbum tollit, imo prius materiam, si excernenda est, ad excretionem disponit, coquit, vias aperit, quod commode præstatur calore, utpote non tam in evacuatione quam in correctione causæ morbificæ noxiæ consistit cura. Vnde nostra opinione ii admodum falluntur, qui sibi persuadent, illud ipsum, quod statu morbi peracto circa declinationem diebus criticis excernitur, & per emunctoria corporis

corporis excluditur, pro causa morbifica habendum esse: de hoc quidem non dubitandum, quod evacuationes, legitimo tempore & debita quantitate in febribus succedentes testentur de convalescentiæ statu & optimum signum victricis naturæ præbeant, quoniam omnia jam esse pacata & tranquilla in corpore, circulum sanguinis jam rursus liberum & æquabilem seu secundum naturam esse restitutum, spasmodicas partium contractiones cessare designant, unde liberiores fiunt evacuationes, & quidem materiæ non modo morbificæ ad exitum dispositæ, sed & aliorum excrementitiorum humorum, qui sub irregulari ista febrili commotione humorum in corpore generati fuerunt, quocirca utique proficiuæ sunt & ideo non sistendæ vel cohibendæ tunc dictæ criticæ evacuationes. Probè enim tenendum est, causas morificas agere potissimum spasmus, sub spasmus autem turbari circulum sanguinis, æque ac debitum excretionis negotium. Quapropter si evacuationes rite procedunt, bonum hoc præbet medico indicium, causam morificam esse expugnatam, motus morbosos jam esse sedatos & ad naturalem statum jam rursus universa tendere. Nam simulac incipiunt evacuationes debitæ sub restituto sanguinis circulo, quales sunt criticæ non autem symptomaticæ, protinus etiam morbi vis remissa conspicitur. Ex quibus allatis liquido patebit mens nostra circa ea, quæ olim diximus in *dissertationis de causis caloris præfatione*, & omnis bonus & æquus lector ac censor judicabit utrum mea asserta adhuc inconcussa permanferint ac firmo stent talo, vel an in contrarium allatis argumentis confutata fuerint?

34. DICIMVS itaque, febrem esse salutarem corporis nostri medicinam, quod in hac ipsa motu calido intestino nec non impulsu sanguinis aucto & celeriori ac vehementiori per omnis generis tubulos facto, cruditates viscidæ attenuentur, dissolvantur, obstructions glandularum referentur, stagnantes humores in ordinem redigantur, corrupti & quantitate

(*Hoffm. Opusc. patholog.*)

Gg

pec-

peccantes evacuentur, nimiumque excessivum humidum discutiat, adeo ut febris sæpius egregia medicina corporis sit depuratoria & evacuatoria. Meretur autem perutile hoc argumentum, ut non modo firmis autoritatibus, sed & experientiae irrefragabili fide corroboretur. Unde primo omnium magni nostri HIPPOCRATIS placita atque dicta circa hanc materiam evoluere & circumspicere animus est. Ipse vero *l. V. aph. 70.* scribit: Qui quartana corripuntur, non admodum convulsionibus tentantur, si vero tentantur, superveniente quartana liberantur. Ex nullis siquidem febribus nulla magis saluti hominibus est, quam tertiana & quartana, quod etiam vulgo notum est: hæ si recte percurrunt tempora, neque nimis diu perseverant, nec in ætate plane decrepita & viribus consumtis fiunt, sanguinem egregie depurant & obstructions circa mesenterii venas potenter tollunt nec non humores concretos, congelatos, crassos & viscidos, qui variorum spasmodorum causæ sunt, resolvendo, auferunt, & nervos præhumidos exsiccant, nimis resolutos ac laxos firmanant & roborant, unde vulgi persuasio, quod quartanæ magnum robur ingenerent corpori, ita ut is, qui tertiana vel quartana fuerit correptus, intra aliquot annos degat liber & immunis ab omnibus morbis. Spectat huc etiam *aphorismus 26. sect. II.* qui hic est: *febrem convulsioni accedere satius est, quam convulsionem febre.* Probe hic attendendum, quod convulsio a repletionem, id est copia humorum, non a qualitate materiæ acris & causticæ orta esse debeat, quoniam motus tam intestinalis quam progressivus densam illam, viscidam & compactam materiam, quæ nervis & cerebro infidet & in primis viis continetur, attenuat & discutit. Pulchre autem hic notat HOLLERIUS *in scholiis in aphorism. eundem* quod non quævis febris convulsionem solvat, sed moderata nec nimis debilis, nec nimis vehemens maligna, quæ vires exsolvit. Mirabile antea est, quod gravissimus noster *Autor l. VI. in Epid. Tom. VII.* scribit: quartanam a melancholia, epilepsia, lepra, liberare

rare & scabiem etiam abigere. Alunt nempe hi sævissimi morbi ferme eandem causam cum quartana, & oriuntur ex sanguinis visceri & impuri stasi circa abdominis viscera, nec non lienis, hepatis & pancreatis infarctu ac induratione, cum vero motus febrilis in quartana probe administratus, obstructions pertinaces & veteres motu dissolvat, fit, ut radicibus evulsis isti gravissimi morbi ceu effectus tollantur. Memorabile hoc loco est, quod circa sanationem scabiei & circa quartanam refert LANGIUS *epist.* 16. l. 1. p. 20. dum inquit: Vidi plus centies, scabiem & per aliarum febrium & præcipue quartanæ crisin exortam sponte exolescere, citra omne medicamentorum subsidium. Quod autem ad epilepsiam attinet, magnus HIPPOCRATES alio loco, nempe l. V. *Epid. port. VI.* scribit: *a quartana correpti magno morbo, id est comitali non rapiuntur, quod si vero ante capiuntur, quartana succedente liberantur.* Hoc assertum diserte confirmatur *aphor. XX. Sect. V.* qui hic est: *Qui febris quartanæ dominatu tenentur, haud facile convulsione infestantur; quod si ante laboraverint, superveniente quartana morbo illo defunguntur.*

35. NEQUE adeo difficile est, rationem huius experientiae invenire. Minime enim obscurum est, sed unanimis fere practicum sententia, chronicam epilepsiam in obstructionibus & inde resultantibus impuritatibus partim viscidis radicari, quas natura per spasmum universalem, qui principaliter in meningibus cerebri oriundus per totius corporis musculos penetrat, & epilepsia dicitur, excutere nititur. Tales autem obstructions, nec non humores viscidos, qui liberum sanguinis circulum per vascula capitis impediunt, resolvit, discutit & foras ejicit calor ac horror quartanæ. Certe enim valido talismodi fibrarum motu, impetuque sanguinis maiore, qualis sub febrilibus paroxysmis conspicitur, plus efficitur in removendis obstructionibus & excutiendis humoribus stagnantibus, quam alia medicina præstantissima, sive sit sudorifera, sive aperiendi & evacuandi facultate celebris. Quod

autem ii, qui quartana prius detenti fuerunt, non facile incidunt in epilepsiam, ex eodem fonte fluit, quoniam quartana, legitime administrata liberat corpus, solvendo obstructions, ab iis causis, quæ epilepticum morbum inducere potentes sunt.

36. PRÆTEREA etiam leviolem apoplexiam febris discutit, quorsum spectat *aphor. V. l. V. Hippocr.* qui est: *si quis ebrius repente obmutescat, convulsus moritur, nisi febris incidens eum corripiat.* In ebrietate a copia vini præsertim generosi assumpta corpore minus perspirabili contingere potest, ut plus justo caput repleatur sanguine copioso, qui arterias & venas plexus choroidæi nimium distendendo, spirituum meatus intercipit. Accedens autem motus sanguinis in febre celerior obstructa in cerebro vasa aperit, nec non materiam stagnantem in ejus poris, five aquosa five viscida sit potenter discutit.

37. TANDEM etiam magnus noster Hippocrates febrem ceu peculiare remedium ad hypochondriorum vitium tollendum æstimat, dum *l. VI. aph. 40.* scribit. *Quibus ad hypochondria dolor est sine inflammatione, sed vel ab obstructione, vel a spiritu flatulento, vel ab intemperie inæquali frigida, iis febris superveniens dolorem solvit.* Perpetuum hoc est apud *Hippocratem*, quod quicunque morbi ab obstructionibus & viscida amurca, nec non viscerum infarctu proveniunt, commode solvantur febre, quoniam motus in febre tam intestinalis quam progressivus maior attenuat, incidit & resolvit materiam immobilem eamque fixam & stagnantem ad evacuationem disponit ac præparat. Vidi sæpius in praxi, quod pathemata hysterica & spasmi in foeminis etiam vetulis post emersionem mensium abdominis climata pervagantes suscitati ab ipsa natura febre efficaci calore & horrore stipata, fuerint sublati. Et si rem paulo accuratius pensitamus, isti insultus spasmodici & febriles, qui hypochondriacis perquam familiares sunt, præsertim autumnali & hyemali tempore, egregie inserviunt, sordibus excrementitiis in massa sanguinis & humorum

morum coacervatis per emunctoria e corporis sphaera eliminandis.

38. QVOD autem febris salutare sit naturæ, quo se liberat & vindicat a præsentis periculo, commodum instrumentum, vel ex eo clarissime evincitur, quod magna colluvies in corporibus collecta feri puri, sive salibus excrementitiis biliosis acribus tincti, quæ non potest non esse magno oneri naturæ, commode motu naturæ valido febrili, in musculofo genere concitato, per convenientia & peculiaria emunctoria proscribi soleat, sicuti id manifesto videmus in febribus catarrhalibus, rheumaticis, arthriticis, nec non erysipelate, variolis, morbillis & purpura, ubi nunquam non febrilis quædam commotio & hanc subsequens critica & salutaris evacuatio subsequitur. Denique nihil magis contingit, quam quod sanguinis stagnationem vel extravasationem subsequatur febris, quæ dici solet inflammatoria, quam secundum nostram sententiam, non præmeditate & destinate ex quodam arbitrio libero anima suscitatur, ad humorem ibi stagnantem & corruptioni proximum submovendum, sed mechanicum potius & necessarium hunc esse effectum asserimus, dum ipsa materia peccans & quantitate & qualitate hostili irritante & premente, ad motionem exorbitantem principium illud, quod in membranis & musculis est, movens stimulat, qui motus postea auctus utitur præternaturalis egregie, modo recte a medico attemperetur, inservit discussioni & resolutioni sanguinis eccentrici. Posset hoc prænobile argumentum, quod in totam praxin sese diffundit, fusius tractari, si permetteret id instituti ac temporis ratio. Hoc tamen ex dictis sufficienter perspicuum esse arbitror, recte dictum esse a nostro *Hippocrate* aliisque sapientissimis veteribus, naturam esse optimam morborum medicatricem, nempe per motum intensum & auctiorem, qui est febrilis. Patet quoque, quam verissime scripserit *Asclepiades*, notante *Celso* in *C. IV. l. III. de diversis curationum generibus*, se ipsa febre præcipue uti in morbis ad remedium. Et idem hoc repetit *Sydenhamius*, dum in operibus suis febrem naturæ

ræ instrumentum, quod partes impuras a puris secernit, appellat.

39. Ex dicta hac doctrina sequentia perutilia profluant in praxin medicam. (1) cum febris tam utilem præstet corpori effectum, probe animadvertant medici, ne statim ipso in limine suppressere ac cohibere quærant insultus febriles, quod in continuis & acutis febribus, nempe variolis, morbillis, erysipelate, podagra, præsentissimum periculum, imo ipsam mortem inducere solet, in intermittentibus vero tales citius suppressæ febres, ipsa attestante experientia, in gravissimas viscerum obstructions, & inde resultantes lentas febres, hæticam, hydropem, nec non convulsivas spasmodicas affectiones cum maximo ægrotantium damno desinunt. Tota nempe medentis prudentia in eo mihi versari videtur, ut probe discat discernere motus naturæ febriles, qui bonum effectum præstare possint, & salutares ac critici habendi sunt ab iis, qui pernitiales, symptomatici ac noxii sunt. Illos utique non immediate sistere, sed potius, si languent, promovere, si nimii sunt moderari debet. Nunquam autem plenarie sistere vel nimium etiam intendere eos debet, sed illa intentio eius principalis & optima sit, ut, si potest, causam morbificam, quæ suscitât hos calidos motus, aggrediatur eamque removere ac imminuere quærat. Imprudenter itaque illi faciunt, qui china chinæ, quæ divinum, si recte usurpetur, remedium est, item opiatîs, neque minus vi styptica præditis abutuntur in intermittentium curatione. Peccant utique in eo medici, qui rem plane perniciosam febrem iudicantes, cum tamen sit effectus bonæ causæ, eam mox suppressere laborant, nec melius agunt, quam illi qui evacuationem sanguinis per uterum vel hæmorrhoides mox adstringentibus cohibent, unde non nisi pessima sequi solent symptomata. Nunquam itaque medicus suppressere intendat febrem, sed tantum animum advertere debet ad causam profligandam, & quando hanc non potest commode tollere, moderanda est febris, quæ præparationi & expulsionî causæ morbificæ etiam dicata est.

40. SECUNDO : ex præfata doctrina sequitur, omnia remedia & alimenta, quæ nimium refrigerant, humores coagulant, viscositate, aciditate, nec non anodyna virtute sanguinis motum retardant, non modo inutilia, sed potius noxia esse ad febres tollendas; potius eo respicere debet medicus in cura, ut humores fluxiles reddat, & circulum sanguinis per omnia evacuatoria promoveat: unde recte HELMONTIVS *l. de febribus c. IX.* diaphoretica sola esse febrium appropriata atque specifica remedia pronunciat. Neque alium in finem, vel venæsectiones vel evacuationes aut alterationes varii generis in febrium curationibus conducunt, quam quod tantum liberam circulationem & transpirationem adjuvent. Quod si enim hoc verum est, quod plerumque febres ex transpiratione impedita & circulo sanguinis imminuto oriantur, necesse est, ut non nisi circulo & transpiratione adaucta restitui debeant. Patet quoque porro ex prædicta doctrina, quod medicamenta tunc temporis commodissime propinentur, quando natura ipsa est in motu. Ita enim facilius natura, arte adjuta exoptatos præstat effectus. Insignis hanc in rem locus memorandus est ipsius HELMONTII, qui *l. de febr. c. IX.* sequentia habet: si ipso die accessus & hora opportuna propinantur remedia sæpe unica vice multas febres tollunt. Est ista nempe opportunitas in spatio horulæ ante paroxysmum, quantum scilicet exigit actuatio medicaminis & stomacho vacuo. Nam si detur diebus quietis intermittentium, vel dudum ab incepto paroxysmo, dum medicamen non præsentit naturam sibi auxiliantem, tam ad actuandum sive animandum, quam ad expellendam materiam occasionalem febris incassum propinatur. Imo tunc angit medicamen magis, quam juvat, quatenus naturam, dum quiescere mallet, ad proscriptionem stimulat.

41. DEINCEPS addiscimus ex deducta doctrina, malum esse signum, si gravis causa vel obstructio præsens est, lenta tamen seu levior febris adsit, sive si febrilis motus non respondeat causæ; unde recte dictum ab HIPPOCR. *Aph. IV. l. 40.*

Nun-

Nunquam bonum est, si modo cale scat modo friges cat cor-
pus, hoc enim diuturnitatem morbi indicat. Patet quoque
ratio, quare in debilitatis corporibus & ubi motus ad extra
non satis sunt liberi nullæ genuinæ evacuationes, sed metasta-
ses & apostases difficilis laboris succedant. Observamus &
illud in praxi, quod istæ febres longe peioris & malignioris
naturæ sint, quæ non calore, pulsu, & siti se exerunt, quam si
hæc excessivo utut in gradu adsint; nec semel in praxi anno-
tavimus, si lento gradu incedentibus febribus superve-
niat calida febris cum horrore, optimum esse recuperandæ
sanitatis signum.

42. Ex hisce jam allatis tandem concludimus cum ipso
HIPPOCR. *l. II. Epidem. Prudentis medici esse, aliquando fe-
bres accendere.* Nam uti inquit *l. XVII. Epid.* Quicquid
natura facit sponte, id medicus facit arte, suadet autem talis
febris excitationem manifesto *aphor. XXI. l. V.* dum dicit:
*in tetano ulceris experte, juvene bene habito, ætate media,
frigida quam copiosa profusio calorem nativum revocat, hu-
iusmodi autem hæc nempe tetanum calor solvit.* Confirmat
hoc curationis genus *l. III. de morbis* his verbis: *Aquam fri-
gidam plurimam superfundito, & post ea vestimenta tenuia,
pura & calida super integito, ignem autem tunc non adhi-
beto, hoc auxilium & ad τέραν & ad ἐπισόραν adhibe-
to.* Nempe aqua frigida quando superfunditur corpori juve-
nili in media æstate, poris & fibris constrictis rigor ac hor-
ror fit, & repellitur sanguis ad interiora sicque sollicitans cor-
dis musculos excitat motus vehementiores, qui valde proficui
sunt ad tollendas chronicorum morborum causas. Semper
enim & necessario, uti loquitur HIPPOCRATES *l. II. de morbis
Sect. V. p. 15.* post rigorem major vel minor febris supervenit.
Nolumus eiusmodi curationis genus copiosius reprehendere.
Illud saltem dicimus, quod longe tutius sit, medicamentis va-
lidioribus, quæ motum injungunt sanguini & humoribus, cau-
sas morborum chronicorum remove. Et hinc luculentis-
sime patet ratio, quare decens usus, decoctorum lignorum,
ther-

thermarum acidularum, salivantium, sudoriferorum, diaphoreticorum, in chronicis & radicatis passionibus expurgandis, tanta vi tantaque efficacia polleat.

43. Cæterum clarissimum est per experientiam, nec non plures hinc inde consignatæ observationes practicæ testantur, vehementi iræ affectu, quandoque gravissimas & chronicas passiones fuisse sublatas; cujus rei ratio non aliunde accersenda est, quam quod in ira non secus ac in febre sanguis & humores cum quodam impetu moveantur, luculenter id ostendente pulsu vehemente celeri corporis incalescentia & respiratione citiori. Meretur in hujus rei confirmationem adduci egregius locus ex VALERIOLA ex *obs. Med. IV. lib. II.* qui ita scribit: memini, inquit, & fide sancta asserere possum, quartana affectum Jacobum Bannum, virum probitate insignem, in vehementem iram meo consilio a suis accensum, curatum extemplo fuisse, cum nullis antea medicamentis cessisset morbus: & porro scribit: ego mirum quid vidi in consobri- no meo Joh. Sobiratio & testari plena fide possum, hic cum Avenione convulsus plures annos constitisset, ita, ut contractis poplitibus ingredi non valeret, repentina ira eaque vehementi percitus, in famulum quem plagis cedere nitebatur, irruendo ita corpus exagitavit, ut confestim, distentis crurum nervis ac poplitibus emollitis, sine ullo doloris sensu, incedere & rectus stare posset, quum incurvo corpore annos plus minus sex constitisset: dein per omnem vitam sanus evasit, ut quem non operosa medentium manus, non accurata medicorum diligentia, non ulla medicamentorum genera curare potuerant, sola ira, naturam exagitans, persanavit, ut in hoc nostro cive Arelatensi, evenisse scimus, qui a resolutione alterius partis immedicabili, terroris ac iræ potentia, animam vehementer moventibus, curatus miraculo fuit. Præterea plenariam paralytici restitutionem ex sola iracundia, PAV-

LINI in *fascic. observ. ad Acad. Nat. Curios.*

Dec. II. A. VI. annexo.

(*Hoffm. Opusc. patholog.*)

Hh

DISSERT. IX.

DISSERTATIO IX.

DE

SITU ERECTO IN MORBIS
PERICULOSIS VALDE NOXIO.

§. I.

CVM de testimoniis & observationibus medicorum hac de re colligendis sollicitus essem, vix unum deprehendere mihi licuit, qui paucissimis verbis annotaverit situs erecti in morbis periculosis noxam. Videtur tamen eam iam attendisse Divus Senex Hippocrates, qui, sicut in colligendis & consignandis aliis ad veritates medico-practicis spectantibus circumstantiis diligentissimus fuit & accuratissimus, maximamque reliquit copiam rerum fusius indagandarum, ab ipso aphoristice tantum propositarum: ita etiam hac de materia egregium & notatu dignum, brevem licet, reliquit locum *in prænotionibus*: *Ceterum*, inquit, *erectum sedere velle malum est in acutis, pessimum autem in peripneumoniacis pulmone inflammato*. Quem locum ab auctoribus quibusdam, cum de signis morborum acutorum prognosticis funestis atque lethalibus agunt, allegatum quidem, nequaquam autem vel propriis observationibus confirmatum, vel solidis illustratum rationibus reperio. Ita videlicet SENNERTVS *Institut. Lib. III. Part. III. C. V.* inter signa prognostica ab actionibus læsis desumenda recenset quoque signa a decubitu ægrorum, magis vel minus naturali ac consueto, depromi solita, eaque auctoritate Hippocratis prognostica confirmat, & cum illis citatum quoque locum allegat, sed citra ullam illius explicationem

2. ITA etiam CELSVS *Lib. II. de medicina Cap. IV.* ubi de malis ægrotantium signis agit: *Gravis*, inquit, *morbis periculum*

culum est, ubi supinus æger jacet porrectis manibus & cruribus: ubi residere vult in ipso acuti morbi impetu, præcipueque pulmonibus laborantibus. Ex hisce vero locis id tantummodo patet, citatos quidem auctores Hippocratis auctoritatem, ex parte etiam propria forsan experientia edoctos, situm ægrotantium erectum in morbis acutis tanquam malum atque funestæ prognoseos signum agnovisse, & quod pessimi eventus præsagium secum ferat; sed minus manifestum est, num situm erectum mali eiusmodi eventus pessimorumque symptomatum causam agnoverint. Id quod etiam suspicari licet de perspicacissimo ceteroquin BAGLIVO, qui ea, quæ a modo citatis auctoribus generatim ad morbos acutos applicata fuere, ad pleuritidem solam restringit, *Cap. de pleuritide* dicens: *Si cum mala respiratione æger erectus sedere velit in lecto, nec in lecto decumbere potest, quia sibi suffocari videtur: lethale id esse vidi in pluribus. Erectum igitur sedere velle in morbis acutis pulmonum, perniciosum ac ferme lethale.*

3. CVM igitur adducta loca medicorum ad prognosin formandam præcipue respiciant, neque sufficiant ad veritatem historicam asserti huius stabiliendam, dum situm erectum in morbis periculosus, eorumque statu ac vigore valde perniciosum, pessimorumque symptomatum causam esse affirmo, atque hujus rei rationem investigare annitor; necessarium erit, ut ipsas observationes easque selectiores inferam, & fundamenti loco præmittam, ut postmodum rationes & causas repentinæ catastrophes, sæpenumero occurrentis, rite possim enodare. Prima autem observatio virum sistit L, & quod excurrit annorum, superiore anno, quo febres petechiales multos in urbe infestabant, correptum eadem febre ex ipso contagio oborta. Placide & moderate succedebant omnia usque ad diem septimum; vires non adeo erant prostratæ, mens semper constabat, neque deficiebat penitus somnus, neque urina erat sine sedimento, pulsum vero aderat debilitas, cum celeritate quadam juncta. Circa septimum diem ipsæ macu-

læ in corpore conspiciebantur, alvus per totum morbi decursum bis, vel semel minimum, singulis diebus aperiebatur: ad hanc itaque deponendam æger surrexit e lecto, & paulo diutius versatus est in sella perforata, bene tamen munitus tegumentis. Conquestus hinc fuit de animi defectione atque debilitate virium; hinc depositus fuit in lectum; extrema, manus nempe & pedes, refrigescebant, & inhorrescebat quoque cutis. Ab hoc tempore pessime se habuit: maculæ enim vix conspiciebantur, & erant lividiores. Secuta est prostratio virium, de spirandi angustia conquerebatur & de pressione circa pectus; vix capiebat somnum, & delira ac male cohærentia interdum sermoni intermiscebat; pulsus etiam valde parvus & contractus deprehendebatur, & omnia erant mutata in pejus, nonoque die e vita decessit.

4. ALTERA historia idem confirmans juvenem sistit viginti & aliquot annorum, constitutionis obefioris & spongiosioris corporis, variolarum morbo laborantem, qui morbus cum gravi dolore dorsi & capitis, ac quodam delirio, secundo statim die superveniente invadebat. Circa diem quartum, cessantibus omnibus his symptomatibus, variolæ prodibant copiosissimæ, quæ nullo periculoso symptomate stipatæ erant usque ad nonum diem, nisi quod de summo incendio & dolore manuum fuerit conquestus, ubi ingens conspiciebatur pustularum suppuratio. Ob dolorem itaque, ardorem atque anxietatem petiit ab adstantibus, ut vellent ipsum dimittere e lecto, ac prope lectum ad dimidium horæ sedebat in sella probe tectus, ut ne minimum aeris frigidi accessum percipere potuerit. Postea vero simul & semel ob debilitatem & virium defectionem petiit, ut in lectum rursus descenderet, a quo tempore facies, quæ antea erat valde turgida & rubicunda, coepit detumescere, salivæ fluxus etiam, qui antea copiosus erat, imminui. Nox subsequens plane erat infomnis, respirationis erat magna angustia atque difficultas, pulsus plane erat mutatus, debilis & inæqualis: sæpe

sæpe stimulabatur ad urinam edendam, sed parum secedebat; loquebatur male cohærentia, & ex improvise correptus convulsionibus moriebatur.

5. TERTIVS casus fere idem nos docebit occasione studiosi e generosa familia nati, annorum vix viginti. Hic absque gravioribus symptomatibus variolas experiebatur; siquidem statim tempore circa quartum diem erumpebant pustulæ, quæ ad suppurationem placide quoque perveniebant. Noctes non erant plane insomnes; erat vero tenerioris constitutionis, & de debilitate & lassitudine conquerebatur per totum morbi decursum. Pulsus erat languidus cum aliquali frequentia junctus, alvus paulo magis adstricta: die octavo inflammationem quandam, sed leviores in faucibus passus est. Medicus ad aperiendam alvum, quæ jam per sex dies clausa erat, præscripsit clysterem emollientem, salino stimulo, non adeo tamen forti, armatum, a quo infuso dejectiones habuit; sed cum tertio vice paulo diutius extra lectum versaretur in alvo dejicienda occupatus, tota eius facies erat livida, & conquerebatur de animi & virium lapsu subito, & vomendi quasi conatu mox deducebatur in lectum, & pedes, qui paululum erant refrigerati, calidis integumentis operiti fuerunt; non ita multo post præter omnium opinionem graves accedebant convulsionibus, quibus intra decem horas, postquam surrexit e lecto, periit.

6. NEQVE minus mihi adhuc alii, quos & ipse expertus sum & plures practici mecum communicarunt, noti sunt casus, quibus situm erectum in ægris, purpura rubra laborantibus, non minus funestum deprehendi. Inter quos quam maxime notabilis est ille, quem novi de puerpera de cetero robusta & optimæ constitutionis, annorum XXX. cui primiparæ lochia placide & sufficienter quidem fluebant, sed febris superveniebat continua, exacerbationes tempore vespertino & per noctem servans, cum anxietate præcordiorum, sudore satis copioso, atque urinæ pariori excretionem. Suc-

cedebat post aliquot dies purpura rubra, quæ, exhibitis licet diapnoicis privativis ac lenioribus, sed adhibito ab adstantibus præpostero regimine nimis calido ac positive diaphoretico, copiosissime efflorescebat, ita ut totum corpus instar crustæ osideret, omnesque extremitates occuparet. Ægra de cetero notabilem virium defectum non patiebatur, nec delirata erat, quamvis a somno expergiscens aliquando non adeo promte sui conscia esset. Medicus die a puerperio undecimo mane illam visitans, reperiebat erecte sedentem in lecto, & quidem dorso justo minus lectulis obtecto, nec tamen plane illis destituto. Sermonem faciebat ægra cum medico, & distincte prægressæ noctis symptomata referebat, ac insuper maritum præ moerore ægotantem ipsius curæ commendabat. Purpura ubique locorum non modo erat conspicua, sed etiam in pectore ruberrima, ut nihil circa eius efflorescentiam desiderari posset; pulsus erat frequens, plenus & satis æqualis; urina sedimentum monstrabat pallide roseum, nec adeo paucum. Cum autem per dimidiam circiter horam in hoc situ permansisset, præter omnium adstantium opinionem in momento delirare incipiebat, & mox lipothymica evadebat; quapropter medicum, qui vix ad ædes suas reversus erat, revocarunt; hic rediens mox adspiciebat purpuram, eamque per universum corpus rubram, nec ullo modo recedentem animadvertibat, excepta regione præcordiali, in qua ad volæ manus maioris magnitudinem omnem ruborem amiserat & alba apparuerat, oculi caligine erant obducti, & intra horæ quadrantem ægra exspiravit. Id quod repetitis vicibus observare licuit in ægris purpura correptis, & quidem semper cum notabili illo phænomeno, ut, purpura in toto corpore manente rubra, portio eius in scrobiculo cordis & regione præcordiali albesceret, mortemque subitanam comitem haberet.

7. PRIMVS vero omnium hanc maximi momenti in praxi medica observationem annotavi, eiusque mentionem feci
in

in dissertatione Anno 1699. habita, quæ historiam febris malignæ epidemicæ petechialis Halæ grassantis sistit, §. XI. hisce verbis: *Observatum sæpius a nobis fuit, non modo in hac grassante febre, sed etiam in aliis malignis, quod, si ægrotantes diutius in erecto corpore teneant situ, sive surgendo sive in lecto sedendo, morbi vehementia mirifice mox adaugeatur & increseat, ut etiam mors interdum brevi fuerit subsequuta. Sentiant ægrotantes a tali situ ingentem mox debilitatem, animi deliquium, extremorum frigus, anxietates circa præcordia; quin imo maculæ in cute, quæ erant conspicuæ, mox sese abscondunt, cum maximo, quod sequitur periculo.* Verum enim vero non tantum in morbis acutis & periculi plenis, sed & in chronicis quibusdam exitium minantibus valde perniciosus observatur situs corporis erectus, atque capitis maxime diuturnior in linea recta elevatio. Plura observavi hydrope consummato vel phthisi cum febre hæctica ægrotantium & valde debilitatorum exempla, qui, cum paulo diutius extra lectum in sella capite erecto se detinuissent, non modo summam & extremam mox experti sunt debilitatem, animique defectiorem, sed & interdum non ita multo post placide exspirarunt. Sed hæc sufficiant pro veritate huius rei historica declaranda, cum ex adductis casibus & observationibus satis clare appareat, quam noxium & infestum sit in morbis acutis, æque ac in longioribus ac diuturnis passionibus, præsertim ægrotantibus vi morbi valde debilitatis, in situ erecto corpus diutius tenere, adeo, ut, quod valde mirandum, ipsa mors sæpius subsequatur. Ordo iam postulat, ut pro confirmanda phænomeni huius veritate etiam veras, genuinas atque solidas rationes & causas adducamus, ex quibus clare & evidenter appareat, erectum corporis situm tantam posse habere vim atque potentiam, ut tam funestos dictis in morbis, & sub commemoratis circumstantiis, corpori effectus possit inferre.

8. CUM vero omnes veritates in rebus medicis theoreticæ e sanguinis circulo, qui universæ medicinæ rationalis principium est ac fundamentum, deduci atque derivari debeant; videbimus, num etiam inde huius peculiaris & plane mirabilis phænomeni causas veras & adæquatas deducere possimus. Primo itaque morborum acutorum natura explicanda erit, ut qualem mutationem in vigore suo sanguini, qui vitæ ac virium vera & materialis causa est, inferant, appareat; deinde quoque adiiciendum erit, qua ratione corporis & capitis situs erectus viribus debilitandis, imo circulo sanguinis libero & æquabili turbando & destruendo, atque funestis symptomatibus arcessendis, quadret atque accommodatus sit.

9. PER morbos acutos, in quibus minus convenit diutius erecte sedere vel e lecto surgere, intelligimus eos, quorum natura & essentia in motibus tam solidarum quam fluidarum partium inordinatis & valde auctis continetur; quorum in numero maxime sunt febres, & quidem eæ, quæ omni intermissione vacant, ubi continua, per totum tempus morbi, adest motuum acceleratio & vehementia tam eorum, qui in corde & arteriis, quam qui in ipso sanguine & humoribus fortiter motu progressivo & intestino agitatæ, conspiciuntur. Quam infesta vero vitæ sit hæc motuum inordinatio & quantum vim habeat, omnes functiones, quæ secundum naturam fiunt, invertendi & destruendi, id non modo experientia fere quotidiana, sed & ratio satis evidenter declarat. Quid enim solennius est, & frequentius in praxi observatur, quam quod, qui febribus acutis, sive maligni sive benigni moris sint, paulo diutius detinetur, præsertim si illæ ad *ακμὴν* vel vigorem devenerint, in summam prolabantur virium debilitatem, ut omnes corporis functiones valde labefactatæ appareant: tum neque sensibus internis neque externis mens recte fruitur, quod male cohærentes sermones ex phantasia corrupta indicant. Adsunt præterea continuæ vigiliæ, cum
corpo-

corporis inquietudine summaque anxietate junctæ, appetitus constans est prostratio, corpus valde emaciatum & consummum videtur, omnis generis excretiones non recte se habent, urina mutata est, os plane aridum & exsuccum siti continua premitur, alvus constipata, vires penitus vacillant, pulsus arteriarum sunt minores, debiles, inæquales & accelerati.

9. HORVM graviorum symptomatum in hisce febribus non alia reddi potest ratio, quam motuum, qui in partibus solidis ac fluidis celebrantur, nimis adaucta vehementia, qua humores, qui vitam & vires tuentur, & functionibus secundum naturam præsumt, plane in crasi, mixtione & textura sua immutantur, corrumpuntur & destruuntur. Quandoquidem hæc sufficienter in physiologicis adstructa & demonstrata veritas hic quoque adduci & applicari meretur, quod nempe, si massa sanguinis & humorum debita ratione quantitatis & temperaturæ, proportionem gaudeat, & æquabili, libero ac moderato partium solidarum, præsertim cordis & arteriarum pulsu, atque impulsu, per compagem corporis partium mere tubulosam & vasculosam circumferatur, tunc non modo vita & vires sibi consent, sed & omnes functiones rite sese habeant. Nam vires, vitæ & sanitatis natura motuum atque sanguinis & humorum temperie unice continentur & conservantur: siquidem, quæ temperata sunt, omnia vitam & vires tueri, certa & constanti observatione comperimus. Catholicum aeris mobilissimum fluidum, sine quo nullum subsistere potest animal, nec nimis frigidum, nec nimis calidum aut humidum, sed purum & temperatum, vitæ ac viribus maxime favet & patrocinator. Omnia, ex solidis & liquidis quæ assumuntur, quo magis ad blandam & amicam accedunt temperaturam, eo aptiora sunt magisque convenientia ad corporis nutritionem, ad sustentandas vires, omnesque animi & corporis functiones perficiendas; cum e contrario omnia, quæ intemperata sunt, ut nimis spirituosas, calidas, acidas, pinguis, acris, falsas, viscidas & tenacias, sanitatem

tem & vires admodum lædant & ad morbos disponant. Insuper, quam benigna & amica naturæ corporis animantium sit iusta & laudabilis sanguinis & humorum temperies, vel ex eo clare apparere arbitror, quod benignissima parens natura, ineffabili illa & sapientissima machinæ animantium structura tot organa secretoria & emunctoria, & inter ea plurima & amplissimi usus viscera constituerit; quorum officii ratio vix ulla alia est, quam ut primo intimæ variarum tam solidarum, quam fluidarum, quæ sanguinem constituunt, partium mixtioni & fluiditati inserviant; deinde ut partes intemperatas ac superfluas nominatim salsas, acres, sulphureas, viscidas, aqueas, separent ac secernant, easque tanquam plane inutiles & noxias e corpore ejiciant atque proscribant, ut intemerata sanguinis & humorum massa permaneat.

II. JAM vero explicanda erit ratio, cur sanguinis iusta temperies & quantitas ad sustinendam vitam corporisque integritatem tantam energiam obtineat. Notum alias est, vitæ & sanitatis naturam libero & æquabili sanguinis & humorum progressu, & per vasorum systema circulatione contineri, eo quod hoc præsentem omnes & singulæ in corpore nostro, quæ fiunt, functiones recte & secundum ordinem sese habeant. At vero solidorum motus, qui fluida regunt & moderantur, non aliam originem atque causam agnoscunt, quam ipsa fluida, sanguinem nempe atque in eo contentam subtilissimam & nobilissimam, aereo-ætheream substantiam. Equidem illi, qui nec corporum nec motuum naturam ac vires intelligunt, aut spiritum a corpore discernere norunt, neque, quales potentia motrices & mechanicæ insit diversæ corporum structuræ, experimentis satis edocti sunt, nihil corporeum in movendis solidis animantium partibus admittere volunt, sed potius ad plane ignota, & quæ nec definiri nec explicari possunt nomina, quæ pro veris motuum causis venditant, confugiunt, uti sunt innatum calidum, archeus, natura,

tura, sensus naturæ, vel natura sensu & ratione prædita, quæ percipiens eorum, quæ amica vel hostilia corpori sunt, pro horum æstimatione varie in conservationem corporis motus dirigat. Verum enim vero non negamus rem clarissimam, ad certas nempe perceptiones & cogitationes certos & determinatos quoque in quibusdam partibus enasci motus. Ecquis vero facultatis ratiocinandi gnarus inde concludere audebit, ergo perceptiones sunt causa efficiens horum motuum; ergo omnes motus, qui etiam præter voluntatem fiunt, a perceptionibus istis & operationibus animæ dependent: & porro, ergo omnes isti motus a nulla alia causa, quam ab hac dicta proficiscuntur. Cui enim nisi hospiti in physicis & medicis ignotum erit, operationes, quæ animæ tribuuntur, nempe perceptiones, inclinationes varias, ingenii quoque vigorem & vires, & sic dictos animi affectus, a sanguinis & humorum temperie, a circulo & motu libero maxima ex parte dependere. Deinde quotidiana constat experientia, ad aeris, ad alimentorum mutationem, & pro diversis rebus noxiis & alienis, imo venenatis, vel etiam salutaribus, motus tam solidorum quam fluidorum pro lubitu accelerari, retardari, immutari, & actiones partium corporis labefactari posse. Itaque non opus est, ut causas manifestas sensui & rationi obvias relinquendo ad entia plane ignota, & quorum natura & actio in corpus nostrum ne ullo quidem solido argumento demonstrari potest, in allegandis motum vitalium causis confugiamus. Nostra sententia hæc est: cor partium moventium in corpore animantium princeps, tubuli arteriosi, & omnes canales, qui fluida vehunt, structura mechanico-geometrica gaudent, quæ in motum constrictionis & dilationis, sive sistoles & diastoles ab ipso sanguine in vasis contento, & a fluido ejus tenuissimo, quod in cerebro secretum per nervos & nervosas membranas vehitur, animatur, & vigorem recipit. Etenim fluidorum ea est natura, ut eorum partes intestino semper gaudeant motu, adeo, ut quo tenui-

ora sint, eo maiori virtute & potentia movendi, resistendi & expandendi instructa sint, ut videmus in aere, æthere & igne. Fluida itaque corporis nostri agunt in solidas partes, easque peculiari modo ad modum constructas movent, & solida motu agitata agunt rursus in fluida, eaque impellunt & propellunt, & hac actione mutua solidorum in fluida, & fluidorum in solida, circulus sanguinis & humorum vitalis absolvitur. Causa enim motuum, qui celebrantur in corpore humano, vitalium ipse sanguis est, mobilissima & subtilissima aereo-æthereo elastica substantia refertus, quæ una cum subtilissima & purissima lympa, in cerebri vasculoso cortice secreta, per tubulos medullares, & nervorum meatus ac poros, in membranas non modo nerveas, sed & musculosas influit, inque iis sensationis ac motus systaltici omnisque toni ac roboris, quo partes instructæ sunt, causa & auctor existit. Neque enim ulla pars corporis nostri est, si sensu gaudet, si motu ac robore pollet, quæ non influxu sanguinis arteriosi & fluidi nervei opus habeat, atque adeo vasis sanguineis & nerveis membranis instructa sit; quorum tam necessarius est usus, ut ligato nervo vel arteria partis cuiusdam, protinus eius sensus, motus quoque & nutritio, auferatur. Motus cordis, qui præcipua & princeps circulationis sanguinis ipsiusque vitæ causa est, identidem non modo ab affluxu sanguinis copiosi, sed ab influxu fluidi, quod nervi vehunt, dependet. Quare si vel fluidum subtilissimum in cerebro deficit, vel per animi affectus eius motus turbatur & invertitur, aut nervi ad cor tendentes in animantibus præsciinduntur; statim machina illa cordis impulsoria quiescit, omnique motu destituitur, & corpus vita privatur.

12. AD motum itaque cordis, arteriarum, omniumque partium activum & systalticum, quo sanguinis & humorum progressio & circuitus perficitur, necessario liquidi cuiusdam, ex cerebro & nervis provenientis, purissimi & mobilissimi sufficientem influxum desiderari, rem extra omnem dubitationem

tionem positam esse existimo : unde si vel liquidum hoc inquinatum, vel impurum est, vel insufficiens, aut plane deficit, non mirum est & cordis motum cessare, & ab eo dependentem vitam quoque tolli. Hisce suppositis, ad clariorem observationum, quas supra adduximus, explicationem jam paulo facilius & felicius pervenire licet. Propositum nempe est in ipsis observationibus practicis, in morbis periculosis & maxime acutis, uti sunt febres continuæ, præsertim exanthematicæ, inque earum statu, situm corporis erectum periculi plenissimum esse, adeo, ut etiam inopinatam mortem accersere possit. Si itaque rationem huius peculiaris eventus inquirere paulo accuratius velimus, primo omnium necesse est, ut quid febrium accutarum natura & quid erectus situs in earum vigore ad tantum vitæ periculum conferre possit investigemus.

13. JAM vero perquam notum esse omnibus, qui febrilis caloris indolem atque effectum penitus perspectum habent, arbitror : nihil magis benignam & blandam sanguinis humorumque vitalium temperiem ac mixtionem destruere, invertere, & dulces ac insipidos fluores in salcos, sulphureos, nimis calidos, excrementitios humores convertere posse, ut plane inepti fiant ad omnes motus & functiones in corpore præstandas, quam nimium & præcalidum in febre particularum sanguinis motum intestinum. Accedit, quod sub nimio & præcalido æstu ciborum appetentia penitus prostrata sit, & nulli boni & laudabiles, nutritioni & vitalibus motibus præstandis idonei, succi in eorum locum, qui sub febrili ardore deperditi fuerunt, substitui possint. Denique neque illud prætermittendum est, acutas illas, easque exanthematicas atque malignas febres a materia sæpius valde virulenta, & quæ putridæ, fermentiscibilis indolis est, excitari, a qua longe facilius succorum vitalium naturalis & naturæ amica *σχέσις* atque crasis destruitur. Jam

vero inversa & destructa sanguinis boni, qui utique & motum vitalium thesaurus & fundamentum est, in morbis acutis textura non mirum est, vires motrices vacillare ac deficere, cordis & arteriarum motum languidiorem fieri, circulumque sanguinis segniorem, & robur cordis omniumque partium deficere, quod maxime in statu & vigore harum febrium conspicitur, sub quo etiam ob virium morticium defectum, & propter stasim & stagnationem sanguinis in partibus principalioribus, cerebro, pulmonibus, ventriculo, & subsequentem inflammationem sphacelofam ordinarie ægrotantes moriuntur: utpote in principio febris, ubi non tam diu æstus massam sanguinis deturbavit, non tanta virium defectio, quam in statu, in quo jam per septem dies & ultra vehementia febris continuavit, observatur. Videmus itaque in vigore febrium massam sanguinis, ex qua fluidum nerveum, & omne illud, quod partes musculosas in motum excitat & animat, materiam & ortum suum trahit, plane corruptam, & depravatam esse, ut non mirum sit, vires, motus, & omnes actiones, quæ vitam sustinent, multum periclitari, motumque etiam cordis, a quo sanguis pellitur ad caput, valde imbecillum fieri.

14. Ex hisce itaque, quæ a nobis jam dicta & adducta sunt, facile liquet, perpendicularem corporis situm in eo statu, ubi cordis motus valde exiguus & contractus est, admodum perniciosum & periculi plenum esse, eo quod semper & perpetuo sub tali corporis positura ascensus corporis gravis ad perpendiculum difficilis sit, multo vero magis, ubi vis impellens & movens cordis impar est sanguini ad caput & cerebrum protrudendo. Igitur exinde jam liquido constat, si cerebrum sanguine destituitur, ex quo prodit fluidum illud, viribus motricibus ad solidas corporis humani partes regendas & movendas instructum; si porro etiam ipse sanguis in acutis iisque malignis febribus plane corruptus & depravatus est, cessare penitus fluidi nervei, quod quasi, secundum Verulamium,

mium, rota suprema est, quæ omnes corporis nostri partes circumagat, secretionem, & inde animi defectionem atque syncope fieri, vel minimum circulationem sanguinis longe debiliorem reddi; transpirationem quoque & excretiones inde imminui. Quam exitiosa vero in acutis febribus sit inertia motuum vitalium, & debilior sanguinis circuitus, vel plane eius interceptio, exinde iudicare licet, quia motus sanguinis ad cutem, quæ præcipuum corporis emunctorium est, & quo sordes in febribus excrementitiæ eiici & morbus solvi solet, inde turbatur, & valde imminuitur; unde videmus post situm corporis erectum paulo longiorem in febribus externum habitum corporis pallescere, constringi, collabi, refrigerescere quoque, cutisque poros ac meatus occludi, quod cum ita contingat, non modo excretio noxiæ materiæ, quæ per cutis peripheriam fieri adhuc debebat, impeditur, & materia e corpore eliminanda intra illud detinetur, sed & quæ jam factæ erant, invertuntur. Hinc enim fit, ut petechiales maculæ vel plane dispareant ac retrocedant, vel livescant & colorem cœruleum contrahant. In purpura, quæ rubra erat, totus ille ambitus rubicundus simul & semel pallescit, purpura ipsa albescit, aut sub constrictione cutis paulo fortiore repente evanescit; morbilli cito disparent cum totius ambitus externi corporis pallore ac refrigeratione, variolis idem evenit, dum pustularum ambitus, alias rubicundus & floridus, pallescit, aut livescit, pustularum incrementum sufflaminatur, earumque suppuratio impeditur, aut materia suppurata retropellitur, ut pustularum superficies vel concidat foveasque formet vel indurescat, corneamque duritiem repræsentet.

15. SORDES itaque excrementitiæ e corpore eiiciendæ, sed hoc modo retropulsæ, humoribus iterum permiscentur, atque non modo motum intestinum corruptorium ac dissolutorium illis inducendo mixtionis dissolutionem funestam minantur, sed etiam cum humoribus ad partes interiores nobilissimas, præcipue nervosas, delata, hic loci motus spasticos producit, qui

qui promptissime in spasmos universaliores ac convulsiones degenerant, sub quibus ejusmodi ægrotantes ordinarie & ut plurimum moriuntur. Hæc itaque cum ita se habeant, luculenter satis inde patere arbitror, quare tam noxius deprehendatur situs corporis erectus, in morbis periculi plenis, & præcipue in febribus exanthematicis; & quam necessarium consequenter sit medico practico, ut hanc quoque notatu dignissimam observationem in praxi probe attendat, damnaque, quæ ex hacce corporis positura in ejusmodi ægrotantes redundare possunt, tempestivo consilio avertere studeat. Dissuadendus igitur omnino est situs corporis erectus, atque sedulo monendi ægrotantes, qui vel ejusmodi morbo acuto, prout sunt febres continuæ, præsertim exanthematicæ, laborant, vel etiam quorum vires ex diuturniori quodam & chronico affectu, uti sunt phthisis & hæctica, valde iam debilitatæ & prostratæ apparent, ne in horum affectuum statu & vigore lectum atque decubitum in eo deferant, ac vel in lecto vel in sella quadam erecti per aliquod tempus sedere, inque hoc situ diutius commorari cupiant: caveat sibi quoque medicus, ne hoc tempore clysteribus, præsertim stimulo salino fortiori munitis, multo minus aliis purgantibus fortioribus, alvum nimis sollicitet, atque hinc crebrioribus dejectionibus ægro occasionem præbeat, e lecto surgendi, ac in erecto situ diutius permanendi, multo potius, si alvus iam per se, absque ulla stimulatione, fluida existat, eam sub decubitu deponendam suadeat. Denique si forte aliquando ex improvviso in ejusmodi morborum statu ægrotum in situ erecto deprehendat, consultum erit, analepticis aut confortantibus eidem succurrere, viribusque valde labefactatis ac debilitatis aliquatenus reficiendis ac restaurandis operam dere, ut adeo ex omni parte dicta funesta symptomata, quæ diuturniorem in situ erecto commorationem consequi solent, quantum fieri potest, præcaveantur & avertantur, ægrorumque saluti & sanitati restituendæ omni modo prospiciatur.

DISSERTATIO X.

DE

CRISIVM NATVRA EIVS-
QVE EXPLICATIONE RATIONALI.

§. I.

PRIMVS, & qui omnium optime, scitu non minus utilia quam necessaria de crisibus & diebus criticis eorumque effectu in febribus prodidit, ipse est *Hippocrates*, quem plures postea & inter hos *Galenus* eiusque asseclæ secuti quidem sunt, tantum autem abest, ut hanc doctrinam longe utilissimam experimentis ac observationibus auxerint, ut potius in nonnullis eam pervertendo deturpaverint. Placet itaque ipsum fontem, a quo utilia hæc in artem medicam promanarunt, *Hippocratem* nimirum adire, & scientiam de crisibus inde haurire, eamque & experientia & ratiociniis stabilire, ut dein facillimum sit, superflua nec non defectus ac erroneos conceptus, circa hanc materiam occurrentes, clarius intueri. Primum vero perquam dignum est observatione, vocabulum criseos *πολήσιμον* esse, & varie tam a veteribus quam recentioribus accipi. Alii enim sæpissime pro ipsa noxiorum in corpore excretionem ut HIPPOCRATES sumunt, qui *lib. de arte corrupti ossis excretionem crisin* appellat. Alii ut GALENVS *Comment. in aph. 13. sect. XI.* crisin pro secretionem humorum noxiorum facta in febris accipiunt; Hesychio enim & Suida notante auctore LANGIO *lib. 1. epist. 37.* το κριεν sequestrare & veluti per cribrum aliquid excernere denotat. Alii denique non raro pro ipso motu critico & maxima actionum in corpore perturbatione, sive, ut loqui amant, certamine naturæ cum morbo sumunt, ubi terminus a quo status morbi, terminus ad quem salus & mors est. GALENVS *sect. 2. aph. 13.* crisin
(*Hoffm. Opusc. patholog.*) Kk vocat,

vocat, subitam ac repentinam in febre mutationem ad salutem vel mortem, siue in melius vel deterius. Vulgus vero medicorum sæpenumero crisin cum die vel tempore critico confundit.

2. QVONIAM vero HIPPOCRATES primus est, qui de diebus criticis & crisibus facit mentionem, non inconsultum erit, hic allegare, quo sensu ipse hoc vocabulo fuerit usus. Testantur autem eius præclara monumenta, criseos vocabulum ab ipso communiter fuisse acceptum, de iudicio nimirum, quod format & formare debet ex morbi circumstantiis & subiecti natura, de morbi eventu siue fausto siue infasto, unde crisis bona vel mala, fida vel infida exsurgit. Et *lib. de adfection. §. 8.* ita scribit : *iudicare in morbis est, cum morbi augeſcunt aut minuuntur, aut in alium morbum tranſeunt aut deſinunt.* Dehinc familiarissime hac voce denotat morbi solutionem, hinc clare de *præcept. sect. 12. tom. III.* ait : *Κρίσις ἐστὶν ἀπέλυσις νόσος*, crisis est morbi exsolution. Passim quoque in scriptis *Hippocraticis* hæ formulæ lectori occurrunt; hic morbus vel hic aeger die septimo vel decimo quarto perfecte iudicatus est, i. e. morbus solutus & æger convaluit.

3. VT autem verum & evidentem de crisi morborum auctororum conceptum nobis formare queamus; res ipsa poscere videtur, ut omnia criseos requisita recenseamus. Primo itaque tantum locum habet, & dicitur de morbis acutis & speciatim febribus continuis: *λύσις* enim chronicis magis adfectionibus competit. Dein crisis certis tantum morbi diebus instituenda est, inter quos solennes sunt a morbi initio septimi & semi-septimi, reliqui dies parum vel nihil ad crisin faciunt. Denique hisce diebus de transitu morbi ad salutem mortem vel alium morbum medicus iudicat. Tandem crisin decretoriis diebus ex certis signis medicus instituit, inter quæ non modo urina & excretiones, sed & ipse pulsus & vires ægri attendi debent. Et hæc sunt, quæ, mea sententia, legitimum

num de crisi medica in morbis acutis absolvunt conceptum; quidve prudens antiquitas per eam intellectam velit, designant. Quanta itaque hæc elegantissima doctrina in praxi se commendat, facile colligere licet: quid enim præstantius? quam quod, natura providentissima sic dirigente, statim accerti dies a medico observandi sint, in quibus præcipue ad id, quod præsens, præteritum, quodve futurum est, respiciendum, & ex his de morbo iudicium est instituendum.

4. PRIMVM VERO EX HIPPOCRATIS, quæ nobis reliquit, scriptis perspicua loca adducemus, quæ clare demonstrabunt, quibus diebus crises fiant in febribus. Primus esto, qui exstat *de diebus iudicatoriis* §. 9. *iudicantur, inquit, febres quarto die, septimo undecimo, decimo quarto, decimo septimo & vigesimo primo; ex his autem acutis quedam etiam trigesima, deinde quadregesima, postea sexagesima.* In *lib. aphorism. sect. 11. aph. 23. & 24.* hæc habet: *acuti morbi in quatuordecim diebus iudicantur, septimæ quarta index est, alterius hebdomadomadæ octava principium est; considerata vero undecima est; hæc enim quarta est secundæ hebdomadæ. Consideranda rursus decima septima; ipsa enim est quarta quidem a decima quarta, septima vero ab undecima.* Idem auctor *lib. de prænot. §. 20.* hæc notabilia profert: *placidissimæ febres & signis securissimis nitentes, quarto die desinunt aut prius. Malignissimæ vero & signis horrendissimis oborientes, quarto die aut prius occidunt.* Primus igitur ipsarum insultus sic desinit; secundus autem ad septimum producit, sextus ad vigesimum. In *lib. III. de præsag. 7. & 8.* morbos advertere a prima die oportet, atque singulos dierum quaterniones observare; sic enim haud obscure scies, quo se conversurus sit morbus. Febres ardentes epidemicæ iudicabantur bono ordine in septem ac decem diebus; it. *lib. de septimestri partu §. 6.* hæc profert: *dies maxime insignes in pluribus sunt primi & septimi multum potentes in morbis, & multum in fœtibus; nam plurimi abortus in his diebus fiunt; & §. 8.* hæc habet: *medicum, qui æ-*

grotorum salutem recte conieclare velit, animadvertere quidem oportet & contemplari omnes dies; ex paribus vero decimum quartum, vigesimum octavum & quadragesimum secundum, hic enim terminus ponitur. Contemplari autem oportet per ternarios ac quaternarios.

5. HIPPOCRATIS igitur sententia est, ut ex superioribus adductis clarum fit, acutas & continuas febres solvi & terminari debere septenis diebus, si horum morborum salutaris sit solutio. Ea vero solutio per evacuationes aut per sudorem, aut per urinam, alvum, sanguinem, sputum fit, sufficientes, & quidem criticis dictis diebus, hinc etiam criticae vocari solent; excretiones hæ, si aliis diebus contingunt, minus salutare habentur, sed symptomaticæ esse solent. Egregia sunt, quæ circa hanc rem in medium adfert HIPPOCRATES §. 37. *sect. IV. sudores febricitanti si inceperint boni sunt tertia die & quinta & septima & nona & undecima & decima quarta & decima septima & vigesima prima, & vigesima septima & trigesima prima & trigesima quarta; hi enim sudores morbos iudicant: qui vero non sic fiunt, dolorem significant longitudinem morbi & recidivas.* Consentientem hac in re habet GALENUM, qui de diebus iudicat. qui sudores manant diebus indicantibus non criticis, laborem significant & diuturnitatem morbi, nam iudicatoria non iudicantia aut sunt funesta aut certe sinistri iudicii. Idem in eodem libro scribit: in duodecimo & decimo sexto die nullum iudicatum vidit, in sexto iudicantur ægri cum difficilibus symptomatibus & periculo non mediocri imperfecte & obscure i. e. excretiones tum temporis sunt periculosæ. Illum vero HIPPOCRATES sudorem maxime iudicat salutarem, qui febrem in diebus iudicatoriis solvit, uti scribit *lib. de Coac. §. 4.* & eum malum, qui cum febre in acuto morbo consistit. Quo cum etiam consentit *aphorism. 65. sect. VI. febricitanti sudor oborians febre non remittente malum; moram enim trahit morbus, & multam humiditatem significat.*

6. SALVTAREM vero futuram crisin & morbi solutionem critico

crítico die secundum HIPPOCRATEM designant, urinæ probe coctæ i. e. quæ tenues nec albæ nec copiosæ fluunt, sed saturatæ sunt, consistentiam habent & sedimentum deponunt. Notabilis hac de re locus in HIPPOC. lib. I. epidem. sect. II. §. 56. exstat: *cruda & incocta, inquit, & in malos abscessus conversa in febribus aut iudicationis sublationem, aut dolores, aut diuturnitatem, aut mortem, aut eorundem recidivas significant. It. sect. IV. aph. 71. quibus septima die morbi iudicantur, his nebulam habet urina, quarta die rubram & alia secundum rationem: it. aphor. 72. quibus urinæ pellucidæ, albæ, malæ, maxime autem in phreniticis apparent.* De signis bonæ criseos ex urina memorabilia etiam notavit in Coac. §. 5. *in principio urina in febre albam habens & levem subsidentiam, firmatam celerem dimissionem significat; subrubra & subrubram subsidentiam & levem habens, si ante septimum diem prodeat, septimo die liberat: post septimum vero tardius aut omnino post tempus aliquod diuturnius. Et quæ in quarto die nubeculam subrubram habet, septimo liberat, si reliqua iuxta rationem habeant. Cæterum tenuis & biliosa & vix tenuem & exiguam subsidentiam habens, & quæ ad melius ac deterius mutatur, diuturna est. Hæc autem diutius consequens aut temporis diuturnitate circa iudicationem trabente, periculo non vacat: aquosa vero & alba perpetuo in diuturnis morbis difficulter iudicat & secura non est.* Lib. III. epidem. sect. II. *ager quartus secundo die surdus cum urinis albis tenuibus & pellucidis, quinto die moriturus est; & sect. III. ager quartus, scribit, cum urinis tenuibus & albis, quarto die moritur phreniticus.*

7. Fit etiam solutio febrium quandoque per sanguinis eruptiones vel etiam per alvinam excretionem die critico; qua de re apud HIPPOCRATEM eximius locus est lib. I. epidem. §. 115: *in febribus ardentibus populariter grassantibus, quibus bene ac large sanguis per nares erupit, per hoc maxime servabantur, & nullum novi, qui in hac constitutione mortuus esset, si recte sanguis profluxisset: in Philisco enim & Epamino-*

ne ac Sileno quarta ac quinta die parum de naribus stillavit & moriebatur. Sanguis autem plurimis erupit maxime adolescentibus & in vigore constitutis, & talium plerique perierunt, quibus sanguis non erupit: senioribus vero ad morbum regium res devenit, aut alvi ipsis turbatae sunt, aut dysenterici facti.

8. ACUTI pectoris adfectus, titi est peripnevmonia cum febre per sudorem æque ac sputum vires suas demittunt. Gravissimus auctor noster *lib. de diebus iudicat.* de febre pleuritica hæc habet: *iudicatur morbus septima die, longissimus decima quarta.* De peripnevmonia ibidem scribit: *symptomata patitur aeger minimum diebus quatuordecim ad summam viginti uno, & tussit hoc tempore vehementer, & una cum tussi purgatur, primum quidem saliva multa ac spumosa, septima vero & octava die, ubi febris in vigore fuerit & humida sit peripnevmonia, crassior minus, non. Nona vero & decima cum virore pallida ac subcruenta; duodecima autem usque ad decimam quartam multa & purulenta.* Atque hoc in his contingit, quorum natura & corporis adfectiones humidae sunt & morbus fortis est. Quorum vero & natura & morbi constitutio sicca est, in his minus.

9. CONSIDERATA hætenus febrium solutione, quæ diebus criticis variarum excretionum beneficio fieri solet, iam res & ordo quoque postulat, ut de imperfectis crisis & solutionibus, quæ fiunt per abscessiones, siue, ut *Hippocratico* vocabulo utamur, apostases & decubitus in aliis præsertim extremis partibus quædam dicamus. Hos inter abscessus merito numeranda sunt erysipelata, bubones, dolores arthritici, & tumores, maculae, pustulae boni & mali moris, purpura, variolæ, & huius generis plura exanthemata; hæc ipsa secernit etiam natura statim diebus, & sæpe magno cum emolumento, nempe cum febris & symptomatum mitigatione, utut non sufficiente & plenaria. Quod ad erysipelas attinet, notum est, quod hoc ipsum vehemente febre invadat, quæ

quæ tumore apparente in cute postea solvitur ; & quod HIPPOCRATES ipsum erysipelas inter abscessus iudicatorios referat *ex lib. II. epid. sect. III. §. 59.* luculenter apparet, dum ait: *quæcunque sine signo iudicationis indicatori disparent, male iudicatæ sunt, velut erysipelas ancillæ Polymarchæ.* Deinceps criticis febrium solutionibus etiam artuum, genuum ac coxendicum dolores ac tumores subjungit *de iudicationibus & Coac. I.* Ita *lib. III. epid. sect. I.* ægrotus tertius die vigesimo coxæ dextræ dolore non quidem perfecte iudicabatur. Denique inter abscessus, siue quæ sub cute abscedunt, recenset tubercula & putrescentia, & quæ suppurantur, pustulas quoque, uti videre est ex loco, qui exstat *l. II. epid. §. 45.* nullum dubium, quod hic etiam morbilli & variolæ subintelligentur. Inter abscessus merito quoque tubercula siue tumores circa aures refero, in quos tandem febres resolvuntur, id quod ab auctore nostro, qui *sect. I. lib. I. epid. §. 10.* tubercula, inquit, *circa aurem alteram multis erant, plurimis ex utrisque citra febrem erecte obambulantibus, quibusdam vero etiam parum incalescebant.* Fiebant autem hæc adolescentibus, iuvenibus in vigore constitutis & ex his plurimis, qui circa palæstram exercebantur. Notabilissimus vero locus est de iis, in quæ febris abscedit, in *lib. de victu acut. §. 35.* dum loquitur de febris ardentis certo genere & addit: *si non sanguis ex naribus fluxerit, aut abscessus circa collum fiat aut crurum dolor & sputa crassa spuerit, aut coxæ dolor aut pudendi livor, non iudicatur, & testis intensus iudicatorium signum est.* Nec minus carbunculus pestilentialis inter abscessus recenseri meretur, qua de re *lib. VIII. epid. §. 55.* legi potest.

10. DESVMSIMVS hætenus doctrinam & historiam de criticis & diebus criticis ex ipso Hippocrate, qui primus eam nobis detexit ac revelavit ; hunc pressò pede insecutus est Galenus fidelissimus Hippocratis imitator, qui in omnibus fere hanc doctrinam confirmat, & dierum criticorum præsertim septimi naturam ac potentiam salutarem mirifice extollit, sextum

tum vero infidum & fufpectum pronunciat, & hunc tyranno, illum regi affimilat, quoniam ille levat, hic femper difcrimen affert & cum difficillimis fymptomatibus & imperfecte & finiftre iudicat, de qua re legatur *lib. I. de diebus decretoriis*. Illud vero fingulare habet *Galenus*, quod nonum diem etiam inter criticos falutares referat, unde *loc. cit.* proponit, fe confpexiffe per experientiam æftate quadam plus quam trecentos homines acute ægotantes univerfos vel feptimo vel nono die crifin habuiffe. Porro notabile eft, cum fcribit, fe neminem perire vidiffe, qui præcedentibus coctionibus crifin habuerit. vid. *lib. III. de crifibus cap. 3.* & quod nunquam crifis fit, nifi magna perturbatio præcedat & subito ac vehementiffime natura a morbo irritetur; unde femper in ftatu eam fieri pronunciat, femperque præcedentem diem & noctem graviolem efle dicit, nec ullum a morbo liberari, nifi ubi aliqua evacuatio effatu digna aut abfceffus aliquis contingerit: hinc crifin nominavit, quando morbus per excretionem vel abfceffum finitur. Cæterum ipfe *GALENVS lib. de diebus decretoriis*, principes criticos vocat feptimum, decimum quartum, vigefimum, in quibus plures fanari, quam mori declarat. Secundum dierum criticorum ordinem vocat contemplabiles indices internuncios, quod in hisce crifeos futuræ in feptimo die figna eluceant, fi nempe excrementa fuerint cocta, & hi dies funt femi feptimi i. e. dies inter feptimum & tertium, reliquos dies inter indices & vere criticos dixit intercalares vel etiam provocatorios, quod naturam ad excernendum prorritent, & eiusmodi funt in prima feptimana tertius & quintus, reliqui dicuntur vacui, quia nec discernunt, nec indicant, nec provocant. Medicinales vero, quia illis diebus ægris mederi, iisque cathartica citra periculum exhibere poteft medicus; & hoc apertis verbis *divinus fenex lib. IV. de morbis* expreffit: *quicunque*, inquit, *febre continua correpti cathartico diebus partibus ufi funt, hi nimium purgati funt nunquam: at qui diebus imparibus cathar-*

thartico sunt usi, nimium sunt purgati & multi perierunt. Dies hos quidam criticos artificiales vocant, quod arte medica iudicent, i. e. solvant. vid. Laurent. p. 110. de crisibus.

II. POSTQVAM itaque tam ex Hippocratis quam Galeni præclaris monumentis ea, quæ de morborum acutorum crisibus & diebus criticis utilia & necessaria tradiderunt, delibavimus; antequam de iis nostrum iudicium interponamus & eorum, quæ veritati & experientiæ conveniunt, rationes aptas reddamus, utile erit, ut eos auctores & illorum argumenta, qui hanc doctrinam in dubium vocarunt, producamus atque consideremus. Primus ex veteribus fuit *Asclepiades*, hic teste CÆLIO AVRELIANO *lib. I. cap. 14.* statuit: non esse in passionibus statos dies, quos crismos appellant, etenim non certo aut legitimo tempore ægritudines solvi. Huic vetustissimo auctori assentitur quoque CELSVS, qui *lib. III. c. IV.* diserte scribit: *est de diebus dubitatio, quoniam antiqui potissimum impares sequebantur, eosque tanquam dum de agris iudicaretur ægritudines nominabant. Id Asclepiades ut vanum repudiavit, neque in ullo die, quia par imparve esset, his vel maius vel minus periculum esse dixit; interdum enim peiores dies pares sunt. Non nunquam etiam in ipso morbo dierum ratio mutatur fiuntque graviores, qui remissiores esse consueverunt; verum in his quidem antiquos tunc celebres admodum Pythagorici numeri sefellerunt; dum hic quicunque medicus non numerare dies debeat, sed ipsas accessiones intueri. Inter recentiores HELMONTIVS qui *lib. de tempore §. 53.* crises in praxi sedulo perstringens: notavi, inquit, quod nusquam sit crisis, ubi medicus artis suæ gnarus morbum ante crisis expectationem sustulit. Etenim ut natura ordinariis gaudet motibus, iisque adsueta est, & unitate virtutis motricis gubernatur lubens: ita quando totum morbi negotium suis tantum incumbit humeris, statas ipsa ciet crises, quas aliqui medelæ anticipat bonitas pravitasque retardat vel perdit. Sic nempe dies criseos decimus quartus in quadragesimum prolatus est. Boni ergo &*

(Hoffm. Opusc. Patholog.)

LI

fide-

fidelis medici est crifes negligere, præstaretque ægros medente caruisse, quotquot per crifin evadunt, multo magis, quarum crifis tardior est. Idem de febr. cap. 2. §. 8. verus ergo medicus ante crifin morbum superare debet, fin fecus egerit, medicæ artis auxilio nihil penitus adscribi poterit. Si enim crifis, infert Cl. LANGIVS Miscell. quæst. 4. in morborum curationibus exspectanda medicina profecto supervacaneum seu inutile magisterium erit; quia totum medendi negotium naturæ quasi unice non vero arti, nec eius profectio hac ratione committitur. Eiusdem sententiæ est Faber, qui punchymag. tom. III. medico incumbere docet, ut morbo ante crifin & sine crifi medeatur. Accedit huic Comes de Flisco qui in lib. de fato aperte profitetur, in praxi numerum hunc dierum non semper observari, & sæpius aliis etiam diebus crifes fieri.

12. SVNT præterea alii, qui quidem existentiam ac usum dierum criticorum in dubium vocant, observationem tamen hanc in Græcia saltem, non vero in nostris regionibus locum invenire existimant. Ita Cl. WALDSCHMID. in *fundament. med. de crifi* dicit: *notandum venit nos non admodum curiosos esse debere in rimandis caussis criticarum mutationum, cum in nostris regionibus & hoc nostro tempore tales crifes non amplius fiant; hinc etiam prædictiones nostræ in morbis acutis non adeo certæ sunt nec indubitate fidei, prout apud Hippocratem inveniuntur; ubi alia phænomena nobis raro vel nunquam conspicienda apparuere. Et Eichstad. pæd. astron. sect. III. p. 372. in nostræ Germaniæ regionibus & præsertim sub nostro polo & in solo nostro rarius crifes perfecte ad salutem eveniunt. It. HOLLERIVS in aphor. Hippocr. in frigidis & borealibus regionibus rarius exspectantur critica exactæ evacuationes. Causam quod spectat, cur in nostro climate tam raro observentur exquisitæ crifes, diebus criticis evenientes, non nulli in ipsam regionum temperiem reiciunt vid. WEDEL in *dissert. de diebus criticis*. Neque ab hac sententia dissentire videtur BAGLIVVS p. 140. in *prax. medica* qui fatetur in Græcia perfecte succedere.*

cedere crises in acutis morbis, non vero ita in nostris septentrionalibus regionibus. Id quod adscribendum putat aeris puritati & tenuitati illius regionis, ut & adiacentis orientis valde elastici; cum noster aer aqueis & crassis impuritatibus foedatus, humores quoque corporis magis impuros nunquam non faciat, ut ad debitum criseos siue despumationis officium nunquam possint pervenire.

13. RESTAT iam, ut causas effectuum mirabilium dierum criticorum in acutis secundum veterum maxime sententiam & mentem adducamus. Plurimi vero in eo conveniunt; motuum criticorum causam efficientem non aliam esse, quam naturam corporis, animam siue principium motuum in corpore nostro, quod regit & totam machinam gubernat, quod tollit morbos, quod ut *lib. VI. epid. sect. V.* exstat, a nemine informatum est, nec quicquam didicit, ea tamen, qua decet, quæ fieri & ubi fieri debent, efficit, quod cum morbo committitur, nec extremum certamen detrectat, magno impetu insurgens, noxium a bonis secernit, per debitas vias debito & convenienti tempore bonum & necessarium in finem, & tales efficit commotiones & tali proportionem ac gradu, qui præsentis materiæ morbificæ quadrat, idque ex se & sua natura libere, non coacte ex causis externis necessariis ceu res incorporea, quæ a rebus corporeis nec affici nec alterari potest. Nonnulli ceu causam remotiorem naturam adiuvantem astralem influxum præcipue lunæ adiiciunt, prout nimirum hæc planetas salutare vel infaustas adspiciens signa zodiaci ingreditur.

14. POSTQVAM igitur ex veterum scriptis criticorum dierum & crisis historiam variasque de eorum effectibus deduximus sententias, proximum nunc est, ut & nostram sententiam, quidve veri falsique huic doctrinæ insit, exponamus, & an dies critici, & quare tam eximium usum, ut veteres voluerunt, in praxi medica habeant, doceamus. Quoniam vero ad veritatem in rebus physicis & medicis indagandam sem-

per eminet experientia, quæ omnis veritatis, quæ in facto confiftit, & ratiocinationis medicæ primum fulcrum ac fundamentum eft, quare etiam in hac materia ea primum nobis confulenda eft. Qua de caufa, quæ nos, omni auctoritatis præiudicio exuto, circa folutionem febrium, præfertim certis ac ftatis diebus attente obfervavimus, candide proponenda ftatuimus. Primo experientia indubitata certum eft, ephemeræ febres viginti quatuor horis, fynocham quarto vel feptimo die cedere plerumque per fudorem vel hæmorrhagiam. Pleuritis feu peripnevmonia levior & mitior fit circa diem quartum, per tuffim eiecta materia cruenta, circa feptimum plerumque folvitur fudore & liberiori expectoratione; gravior vero extenditur ad decimum interdum quartum diem, & fi ulterius procedit, in empyema mutatur. Ventriculi eryfipeleas, quod febre indicatur leipyria, per fuperiora vel inferiora evacuatione, fudore quoque vel quarto vel feptimo die dimittit. Febris inflammatoria hepatis feptimo undecimo vel decimo quarto die partim fudore partim etiam alvi profluvio exfolvitur, fi pars nempe concava hepatis fuerit inflammata. Coniunguntur inflammationibus internis viscerum narium ftillicia, quandoque falubria, fed rarius vel plane non perfecte morbum folventia. Tertianæ fimplices feptenis circuitibus fpon te fua sæpiffime recedunt. vid. *lib. de iudic. §. 4.* Ardentes febres biliofæ feptimo plerumque aut die decimo quarto fudore & alvo liberiori folvuntur. vid. HIPPOCRAT. *l. c. de iudic. §. 4.* Petechiales feptimo, undecimo, decimo quarto, nonnunquam etiam, licet rarius vigefimo primo demum virulentiam fuam exuunt. Pefthis quarto, feptimo vel undecimo die, fi fervatur æger, truculentiam relinquit; & uno verbo pleræque febres continuæ febres continuæ feptimo, undecimo, decimo quarto die ordinarie finiunt. Et febres malignæ & peftilenciales plus alvina excretionem, quam fudore finiuntur, uti ego sæpe & GALENVS *lib. de atra bile cap. IV. it.* GERHARDVS *Columba in lib. de febr. peftilent.* mirifice excre-

excretionis alvinæ effectus in harum febrium solutione commendat, ubi scribit pag. 231. *quod in illa constitutione pestilenti fere omnes, quibus alvus copiose eiecit, licet cum signis cruditatis fuerit, tandem liberatos fuisse. Procedente enim, pergit, alvi fluore indies coctionis signa superveniebant, morbus evadebat clementior, & tandem alvi fluore perseverante, fideliter & integri ægri iudicabantur.*

15. QVOD attinet ad febres earumque commotiones, quæ quidem non penitus solvuntur, sed mitiores tamen fiunt, apostasi seu decubitu noxiæ materiæ in partibus corporis facta, hæ temporis ratione sic se habent. Erysipelas cum febre vehementissima invadit, sed die semiseptimo i. e. inter tertium & quartum diem propulsa materia ad ambitum corporis plane quiescit. Variolæ, morbilli adoriuntur corpora cum vehementibus symptomatibus intensaque febre; hæc vero die semiseptimo, propulsata caustica acri materia ad corporis corticem, mitior non modo fit, sed simul acerbissima symptomata conquiescere solent. Febres purpuratæ, acri pernicioso humore ad corporis ambitum relegato, circa quartum diem omnem acerbitatem symptomatum deponunt. Petechiæ quarto vel septimo die cum levamine quodam semper prodeunt. Febres arthriticæ, si vehementes sunt, mox mitescunt, ad artus acri caustico humore delato. Febres biliosæ die septimo vel nono vel undecimo vel decimo quarto, ictero superveniente, ad apyrexiam perveniunt; hinc recte HIPPOCR. *de iudic. §. 10. desinente febre ardente, si accedat morbus regius, non solet amplius exsudare, neque usquam ulibi abscessum facere, sed sanus fit.* Bona etiam & salutaris apostasis est tumor in meatu auditorio, & ex eo proveniens surditas, quæ in Hungarica febre, & acutis cum cephalalgia & delirio iunctis, si die critico supervenit & constans est, plerumque faustissimum convalescentiæ signum præbet, id quod iam olim suo tempore etiam notavit HIPPOCRATES *sect. 11. aph. 60.* Ratio huius peculiaris observationis in promptu est; naturæ enim

enim robustæ indicium est, quando ad partes extremas ignobiliores & emunctoria, quale hic sunt glandulæ meatus auditorii, humorem sine dubio viscidum sulphureum propellit: unde clare poterit intelligi propositio HIPPOCRATIS *lib. de iudic. §. 11. quibus in febribus aures obsurduerunt, his non soluta febre insanire necesse est. Solvit autem sanguis e naribus erumpens aut alvus biliosa egerens, aut dysenteria arrodens aut coxarum aut genuum dolor.*

16. TANDEM nec hoc præterire possumus, quod in nostris regionibus valde familiares in febribus acutis sint metastases, ubi natura imbecillior facta non sanguinem vel humorem peccantem e corpore foras expellit, sed ad partes internas sub temporibus criticis & extra ea amandat. Sunt vero hæ metastases omnes fere exitiosæ; nam ex stagnatione, quæ exitiosorum symptomatum, & præcipue lethalitatis fons ac causa existit, nascuntur, fiuntque sic phrenitides, convulsiones, tendinum subsultationes, sopores & siderationes, quæ a sanguine copioso in vasis cerebri stagnante, originem suam petunt. In pectore etiam inflammationes & suffocationes a congesto ibi sanguine finem vitæ faciunt: simili modo in faucibus, œsophago eiusque orificio a stasi sanguinis ortæ inflammationes anginosæ, aphthæ cum oris ardore & siti inexplibili, deglutiendi difficultas plerumque lethum prænunciant. HIPPOCRATES *sect. IV. aph. 50.* in febre continua difficultatem spirandi cum delirio lethale signum æstimat. *It. aph. 52.* involuntariam lachrymarum emissionem, difficilem quoque deglutationem dictis in febribus lethalem febris notam perhibet. Ea enim iam stagnantem & extra circulum constitutum in dictis sanguinem indicant.

17. DENIQUE circa solutionem febrium, ipsa vera & firma assentiente experientia, salutarem sequentia merentur observationem I. In cuiusvis febris salutari dimissione & solutione circa diem criticum vel in ipso vacuatio notabilis siue per sudorem siue per alvum semper fere contingit, eaque satis

tis liberalis, ut quandoque per aliquot dies duret, & præsen-
te hac imo sub hac & post illam pulsus fieri solet sedatior,
vires crescunt, animus vigorem acquirit, erectior fit, somnus
evadit quietus, & calor membra desinit. II. Quandocun-
que largæ evacuationes vel extra dies criticos vel in illis con-
tingunt; vehementia vero morbi & symptomatum non de-
crescit, sed potius in eodem statu permanet vel increfcit, tunc
pessimum indicium est. III. Observatio constans & frequens
est, sicuti fausta solutio morbi & symptomatum hæc est, quæ
fit diebus criticis cum levatione & evacuatione: ita omnes
evacuationes, quæ hisce temporibus non instituuntur, utut
primum corpus levare videantur, non sunt tutæ sed suspectæ;
unde HIPPOCRATES *sect. V. lib. II. epidem.* perpetuo ea damnat,
quæ levant diebus non criticis. IV. Observatur, si variolæ
morbilli, petechiæ, purpuraceæ maculæ mox primo vel se-
cundo die insultus prorumpunt, eas esse notæ pessimæ. V.
Urinæ copiosæ tenues nullo febris continuæ tempore saluta-
res observantur. VI. Ante exanthematum propulsionem, &
sic dictas abscessiones a partibus interioribus ad exteriora,
fere semper maior vehementia & symptomatum exacerbatio
motuumque turbatio contingere solet; unde canon HIPPO-
CRATIS *aph. 13. sect. II.* verissimus est; quod *ante crisin nox
præcedens gravior, post eam vero quietior sit.* Hoc ipsum ve-
ro non perpetuo verum est de perfecta & plenaria febris so-
lutione: hinc morbi solutionem non posse fieri sine præce-
dente exacerbatione morbi & symptomatum, & naturæ per-
turbatione maiori, non constans regula est. VI. Quanquam
in febre continua acuta nunquam plenaria symptomatum sit
intermissio: locum tamen quædam habet remissio, quam no-
va postea symptomatum exacerbatio & incrementum sequi-
tur, & hanc sæpe horripilatio cum rigore quodam præcede-
re solet; sub qua tam apostases quam metastases sunt metu-
endæ. VII. In genere illud tenendum est, quod principium
numerationis in criticorum dierum computatione, non a
lassi-

laffitudine, decubitu, vel mala ægri difpofitione fit faciendum, fed a motu febrili, qui ex horrore, pulfus mutatione, dum nempe frequentior fieri incipit, cognofcitur, qui celeritatem fingulorum pulfum, quæ februm fignum conftituit pathognomonicum, manifeftat; uti hoc ipfum fufius & accuratius in *difertatione de pulfum theoria & praxi it, de falubritate februm* oftendi. VIII. Quamvis quaternarius & feptenarius dierum femper maioris confiderationis fint quam, reliqui: nihilo tamen minus non femper in hisce locis *Hippocratis & Galeni* refpondet obfervatio, e. g. quod quartus indicet feptimum, undecimus decimum quartum, fed quandoque figna coctionis in urina non femper in hisce, fed in aliis demum fiunt atque vifuntur; oportet potius in omnibus diebus ægri ftatum, vires atque excretiones contemplari. IX. Febres ardentes biliofæ, it. inflammatoriæ cum vehementia fymptomatum ftipatæ, in fubiectis præfertim fenfibilioribus, crifes iufto tempore femper habent perfectiores, quam malignæ putridæ in fubiectis impuris cacochymicis debilibus ortæ, quarum intra quatuordecim dies terminus quidem eft: fed non tam accurata tempora & dies fervant criticos,

13. VERVM enim vero non tantum diebus criticis folvuntur morbi, fed in hisce etiam fæpius exacerbantur & ægrotañtes non raro pereunt; unde eft obfervatio & feptimo, undecimo & decimo quarto die inflammatoriis, variolis, petechiis aliisque epidemicis acutis febribus multos interiiffe: nihilo fæcius tamen plures nono, quam feptimo die moriuntur, plures imparibus diebus quam paribus. Copiofæ evacuationes per fudorem, urinæ tenues & copiofæ, cum pulfu parvo debili, frequenti & deliriis mortem prænunciant. Notavimus, fubiecta quo calidiora & fenfibiliora funt, quo calidius clima & quo morbi vis vehementior, eo citius morbum vel in melius vel in peius folvi; tardius vero procedere crifes in fubiectis languidioribus, phlegmaticis, in frigidis & paludofis regionibus.

gionibus, sub minori morbi vehementia, victu pleno, crasso & carneo; in tali statu recidivæ etiam familiares & in alios morbos facilius est transitus.

19. PORRO & illud notabile, quod, uti bene monet *Hippocrates* lib. 11. epid §. 20. in quietis & constantibus temporibus & annis tempesta præbentibus, boni status & iudicatu facillimos fieri morbos; in inconstantibus vero inconstantes & qui difficulter iudicantur. Hæc ita intelligenda sunt, quando anni naturalem suam constitutionem ac temperiem bene servant, & tempestates non extraordinariæ & præternaturales contingunt; tunc & vegetabilia & animantium corpora bene sunt disposita; sique morbi in eiusmodi temporibus contingunt, ordinariam suam indolem, morem ac genium servant, unde etiam consuetis symptomatibus stipantur & legitime sua tempora percurrunt, solennibus quoque criticis diebus solvuntur: si vero anni tempora a naturali sua indole deflectunt & plane contrariam ac alienam adsumunt, unumque in aliud transmutatur, æstas autumnis similis, hiems tepida, vel æstatis naturam referens, coelumque diu nebulosum ac humidum, ventis destitutum permanet; tunc & irregularem & plane ordinariam crasin ac temperiem fluores animantium accipiunt; inde peiores, insuetis symptomatibus stipati, nascuntur morbi, qui difficillime iudicantur, quoniam secundum ordinariam naturæ legem & cursum non procedunt. Et huius ratio in promptu est: aer enim, ipsius *Hippocratis* effato, est dominus & auctor maximus eorum, quæ in corpore nostro fiunt, is elasticitate sua robur & tonum non modo solidis, sed & spirituascentiam & expansivam vim fluidis partibus elargitur, unde sanguinis & humorum circulum & ab eo necessarias & integritatem corporis conservantes excretiones dispensat atque moderatur. Neque dubitari potest in regionibus calidioribus, inque aere tenuiori & humores esse fluxiliores & mobiliiores, & corpora ad transpirationem magis apta; hinc crises & criticas acutorum solutiones plus in iis

(*Hoffm. Opusc. patholog.*)

Mm

obser-

observari, quam in regionibus humidioribus, & ubi aer elatere destitutus non limpidus, sed peregrinae indolis effluvis est imbutus. Hac enim ratione non modo crisis retardatur nec ita sensibiliter fit, sed & ordinarii naturae motus certis temporibus adstricti multum turbantur; unde non sine ratione nonnulli magni viri vel de crifibus in nostris regionibus dubitare, vel eas non tam accuratas esse, quam in Græcia pronunciare ausi fuerunt, inter quos nominandus est *Casparus* HOFFMANNVS, qui in *Institut. med.* p. 620. crifes apud nos esse rarissimas existimat. Neque *Baglivus* in *prax. med.* diffitetur, in Græcia, ubi aer purior, regulares eiusmodi criticos motus plus habere locum, quam Italia. Verum enim sedula & assidua observatio docet, utique etiam in nostris regionibus eas dari, sed profecto inter anni tempora, regiones, victum, ægrotantium naturas & inter ægrorum tractationem a medico differentiam attendi debere; siquidem hæc omnia mirum quantum limitant, & ordinarios naturae in morbis motus modificant. Quare & *Galenus* optime monet in *lib. de dieb. decret.* quod diem crifeos cognituro agnoscenda sit ætas, natura, anni tempus, locus & pulsuum cognitio.

20. CONSENTIVNT in eo omnes fere medici saniores, quod præpostera medendi methodo vel errore in diæta commisso crifes vel anticipari vel postponi vel imminui queant: ita præclare differit SENNERTVS *de diebus criticis in institut. lib. III. part. III cap. 2.* Si æger aliquem notatu dignum errorem commiserit, non levis est suspicio, eam crisin, quæ bono critico die e. g. septimo futura est, vel anticipato tempore citius, vel motu retardato tardius ut sexto vel octavo die eventuram. Clarius vero id exprimit *Prosper* MARTIANVS comment in *lib. de morbis sect II. p. 174.* continuo, inquit, medicamentorum refrigerantium usu (propter febrim) incrassatis humoribus corporibusque densatis spontaneæ evacuationes sæpe prohibentur, ut hæc non levis sit causa, cur nostris temporibus tam raro fiant crifes, quæ antiquis erant frequentissimæ. Præclara quoque

que sunt, quæ hac de re Cl. BAGLIVVS in *praxi med.* p. 254. scribit: *mirari desinant practici, si hodie nec frequentes nec perfectæ succedant crises, uti olim in Græcia; siquidem illi Græcarum legum ignari vel obrectatores a principio morbi ad declinationem usque purgantibus, diaphoreticis, phlebotomiis, spirituosis aliisque imprudenter & intempestive exhibitis medicamentis ægrotantem fere conficiunt; ideo impossibile est, ut humores per tam diversas medicamentorum seditiones distracti, ad criticæ despumationis negotium statò tempore disponantur, sed assiduâ confusionibus agitati, loco criseos perfectæ in metastases præternaturales desinant, atque hac de causâ nec criseos, nec dierum criticorum, nec aliorum demum naturæ motuum regulas ab antiquis traditas in febribus observabimus.* Quapropter idem auctor non sine experientia refert: in rusticis, & qui medicorum opera non utuntur, manifesto documento huiusmodi crises sive despumationes peccantis materiæ, per sudorem, alvi fluxus, urinam, aliusque naturæ vias perfici, & motu prorsus ordinato fieri.

21. CVM itaque fatis abundeque non modo auctoritate probatissimorum in arte nostra virorum & recentiorum, sed & experientia indubitata veritatis magistra, doctrina de crisis & diebus criticis stabilita ac fundata sit, uti supra deduximus, restat adhuc, ut in horum natura mirabilium effectuum causas perscrutemur. Recte quidem *Galenus in lib. de dieb. decret.* fatetur, desumptam hanc doctrinam tantum esse ex experientia non vero ex ratione, & captum inquisitio accurata causarum huius mirandæ in natura operationis superare videtur; nihilo tamen minus, aliorum repudiatis opinionibus, eo annitamur, ut, quæ vero proxima videntur, aptis ratiociniis explicemus atque proponamus. Exordiamur a veteribus, unanimi fere consensu causam crisis & dierum criticorum efficientem naturam esse existimabant, quam omnium actionum in corpore principium credebant, quæ singulari agendi scientia prædita, certo tempore, ordine, gradu,

proportione mediisque utatur pro causæ morbificæ diversitate motusque convenientes causæ & obiecto ad certum finem instituat, nempe conservationem corporis certo tempore, & certis mediis sive organis eos dirigat. Quapropter agens illud, quod tanta prudentia movet ac regit omnesque motus tam in statu sano, quam morbo iustis ac convenientibus mediis perficit, ens esse reale, liberum, incorporeum scientia agendi præditum existimant; maxime vero ex eius effectu nempe motu essentiam eius incorpoream iudicant. Nam motum putant in se & citra actum in corpore, vel dum in corpore fit, aut in corpus agit, non posse dici aut intelligi aliquid corporei, sed ab essentia corporis sit separatum, & numquam cum corpore existat necessario, corpusque sine illo possit subsistere, adeoque ad corporeitatis formam, sicuti quantitas, magnitudo, figura non faciat. Hinc spirituale quid huius motus causam esse, præsertim ordinati & regularis in corpore, colligunt; maxime quod nec alterationes humorum materiales, nec aeris varius status vel diæta vel medicamenta motus naturæ ordinatos minimum alterare aut invertere possit: ex eo vero spirituales eius imprimis vim æstimant, quod solis phantasmatis & fictionibus, mentis, perversio ordinis ac directionis horum motuum possit perfici. Hanc itaque naturam temporis etiam esse observantissimam credunt i. e. certo ac determinato tempore actiones suas instituere, in formando, perficiendo, sanando, homine conservando, causis morborum corrigendis, expellendis, iusto cum tempore per congrua emunctoria præsentis materiæ quadrantia e. g. humores viscidos & biliosos per alvum, tenues acres per corporis habitum, falsos & serum superfluum per renes, exundantem sanguinem per vasorum oscula, bilem volatilem acrem per vomitum expurgat. Dehinc naturam hanc liberime in perficiendis notabilioribus & solemnioribus effectibus semper septenarium numerum dierum, mensium & annorum feligere adfirmant. Et hæc veterum fuit sententia commu-

communissima, quæ revera nihil aliud infert, quam quod mirabiles illi & ordinati effectus causam habeant, similem a qua illi proficiantur, quænam autem illa sit? cuius naturæ sit? an scientia & rerum notitia sit instructa? an vero citra notitiam & cognitionem hi effectus ab ordine sive artificio & necessario ac physico causarum agentium hæc profluant? de hoc merito est quæstio.

22. NVLLVM dubium est ordinem, in quibuscunque rebus observatum, semper causam ipso ordine priorem supponere, huius nempe ordinis auctorem, uti v. g. horologii causa artifex est; illud vero urgendum est, num effectus ordinati proxime ab ipso ordine sive mechanismo in natura posito, sive a causa prima sive ordinis auctore, scientia & notitia imbuto, proxime sint derivandi? exemplo manifesto est horologium, ubi quod index accurate monstret horas, non proxime ab artifice, sed ab ordine & artificio deduci debet, quod causa proxima & immediatæ huius effectus est; ita etiam illud ad corpus nostrum applicare licet, in quo ordinatissimos effectus in nutritione, augmento, perfectione corporis, in excretionibus, motu sanguinis, & morborum curatione videmus. Merito hinc quæstio est, an hi a Deo ordinis primo & perfectissimo auctore, sive a causa sub altera anima, an vero potius ex ordine, structura, & mechanismo corporis proxime sint deducendi? Nos in ea sumus sententia, si in rebus & medicis effectus proxime ex causis corporeis mechanicis, in sensibus incurrentibus possunt demonstrari, non opus esse, ad causas primo obscuras & plane incognitas, spiritum, animam vel ad eorum sympathiam, antipathiam, terrorem, furorem, errores sive ad morales intentiones ac directiones refugere. Dein sentimus, quamvis omnes effectus, qui fiunt in natura, a priori & ad sensum & captum hominum clarissime ostendi nequeant, quomodo nempe fiant mechanice ob humani intellectus circumscriptos limites: ex eo tamen minime sequitur, non fieri eos a mechanica, sed a causa spirituali. Urge-

Mm 3

mus

mus hoc maxime & instantissime, ut medicus & physicus causas semper proximas & physicas scrutetur; hæ enim scientiam pariunt & demonstrationem; non vero ad spirituales, metaphysicas incognitas ac plane inutiles est confugiendum.

23. Nemo quidem sanæ mentis negare poterit, in corpore nostro artificiosissime constructo, principium etiam inhabitare, cuius natura & operatio a motu & corpore plane est separata; uti est perceptio, cogitatio, directio motuum, voluntas, quæ sine corpore subsistere possunt, & cum eius motu non habent convenientiam. Constanter vero negamus & pernegamus, motum sive potius principium, a quo motus sive localis, sive intestinus in corporibus fit & dependet, non ad essentiam corporis spectare; siquidem non potest corpus sine operatione & operationis principio concipi; creatura enim mere passiva, quæ non principio agendi instructa est, non ens reale physicum sed rationis est. Nunquam itaque corpus subsistit & existit, nec concipi potest sine principio interno motus innato, quod causa est virium & potentialium motricium, quas in alia corpora exercet. Ubique igitur corpus est, seu substantia extensa, ibi præsens est motus, nisus, pressio, actio unius corporis in alterum: & ubi machina sive corpus organicum, ibi motus ad certum scopum ordinatus est. Nostrum corpus machina est artificiosissima, quæ ex decenti & concinna partium impetum facientium, fluidarum & solidarum dispositione actiones edit, id quod in conservatione corporis per digestionem, mixtionem se- & excretionem, motus progressivos intestinos nutritionemque satis conspicitur. Hos vero motus non immediate anima in fibris motricibus perficit; sed hæc tantummodo certas motuum species in organis percipit, intelligit, distinguit, comparat, inque voluntati subiectis, partibus motibus imperat. Maxime omnium vero illud magnum commercium notari meretur, quod Deus in homine inter animam & motus corporis constituit; utpote illa non quidem motus præstat immediate in cor-

in corpore; modificare tamen eos & turbare existit idonea. Luculentum exemplum præbent animi adfectus & gravidarum phantasmata, quæ quantam potentiam in sanguinis & humorum motum habeant, notissimum est. Contra etiam motus fluidorum operationes animæ, mores videlicet, passionēs, mirifice disponunt, sicuti id ex diversa temperamentorum, ætatum, populorum, victus natura clarissime potest demonstrari. Quapropter nec dubitari debet, motus in corpore longe distinctos esse ab actionibus animæ, & sanguinem & fluida non se passive habere, ita, ut ab anima regantur; sed potius hæc fluida actionem suam exserunt in animam. Et ut paucissime expediam, quid clarius & manifestius? quam quod ab aere, potu, victu morbi fiant, vita conservetur, destruat, sanitasque restituatur. Quid certius? quam quod structura partium solidarum in ætatibus, temperamentis, dispositione hæreditaria differens ad hos vel illos morbos disponat; cum tamen hæc omnia nullum plane respectum vel communionem cum anima habeant; ut hæc igitur passive se habeant est necesse.

24. CÆTERVM quod in quibusdam actibus, & quidem præcipuis solemnioribusque iustum tempus observetur, hoc in primis mechanisimi præsentiam & necessitatem arguit; ordo enim exquisitus & accuratus in actionibus visitur, ubi mechanismus fundamentum est. In macrocosmo id videmus, ubi notabiles sunt reciprocationes mari, statui venti & pluviae quibusdam in locis, temporum & tempestatum revolutiones, plantarum progerminatio, foecundatio, fructificatio, quæ singula certo tempore fiunt, certumque tempus requirunt. Elegit vero huius universi sapientissimus conditor liberrime præfertim in microcosmo numerum septenarium, in quo multi solennes & mirandi sane effectus producuntur, qua de re in *dissertatione de annis climactericis* fusius egimus.

25. APPELLAVIT veneranda antiquitas hunc numerum perfectum, plenum, sacrum masculinum, ob magnos, qui in illo

illo fiunt, effectus, id quod satis infinitam artificis sapientiam, in natura nostra microcosmica positam, prædicat. Non vero existimandum est, in ipso hoc numero hanc hæere potentiam, quod nonnullis veterum placuit; sed ita res est concipienda: ad certos in rebus corporeis effectus producendos certa & specifica proportio causæ agentis sive actionum requiritur; iam vero omnes actiones physicæ nil nisi motus sunt, ideoque certa proportio, certus numerus motuum ad certum effectum est necessarius: mensura enim & numerus motuum constituit tempus, & tempus nil est, nisi certus motuum numerus; hinc certæ actiones certum requirunt tempus. Et ut hoc ad nostrum institutum accommodemus v. g. ut in inflammationibus certa proportio stagnantis sanguinis in vasis dissolvatur, eluatur; certa potentia & numerus motuum est necessarius, quibus sanguis ex corde & arteriis ad partem adfectam impulsus, eam ab obstructione liberat: sic autem Deus nostram effinxit machinam, ut ad hoc negotium perficiendum septem dies, & in his, qui fiunt, sanguinis circuitus impendantur, hinc septimo die acutæ & inflammatoriæ febres ordinario solvuntur. Variolarum, morbillorum, petechiarum, purpuræ materiam esse acrem causticam, tot molestæ irritationes, in genere nervoso & membranoso factæ, satis superque testantur: hæc vero ut contemperetur mixtione aliarum partium ex sanguine, & sic ad secretionem ad habitum corporis idonea reddatur, certum tempus requiritur, quod trium & quatuor dierum spatio absolvitur; quo elapso mox peccans materia interna deserit & ad exteriora progreditur. Miasma in peste & contagiosis febribus summæ & penetrantissimæ putredinis materia est, quæ sanguini commixta vel similem in totum introducit motum putredinosum, & sic lethaliter corpoream destruit mixtionem, vel ipsa correctæ e corpore eliminanda est, quod quidem ut fiat, iustum requiritur tempus, sive sufficiens motus ad corrigendam & nocentissimam materiam evacuandam. Eodem modo, quando ex

do ex stagnantis humoris putredine in viscere febris oritur: similiter certus appulsi sanguinis putredinem eluens & abstergens motus est necessarius, qui certis numero pulsationibus cordis & arteriarum, quales nempe & quot fiunt septimo vel undecimo die, perfici debet. Plures ardentes ex bile acri caustica oriuntur, ad quam temperandam, corrigendam, & ut veteres loquebantur, ad eius coctionem & maturationem idem tempus requiritur. Hanc Deus, ut *Plinius* ait in *Histor. natural.* morbis posuit legem, ut quaternario & septenario numero finiantur.

26. QVOD vero hoc definito tempore facta morbi solutio, non ab anima seu natura tanquam principio incorporeo intelligente, sed a mechanismo proveniat, vel exinde colligere est, quod crises tales vel anticipent vel postponant, irregulares fiant, si victu æger peccet, si perversa medicina morbus tractetur, & si causa morbi sit insueta ac insolentior: quapropter etiam pro annorum diversitate, tempestatum, regionum, ac subiectorum variant. *Riverius in institut.* scribit: motum & dispositionem in causa esse, ut crisis nunc citius nunc tardius, nunc diebus intercalaribus accidat, prout humorum benignorum vel malignorum celerior est coctio. Quapropter si causa morbi non adeo maligna est, seu motus ordinarii non turbantur, aut perversa diæta vel medicina sinistra pervertuntur, si corpora bene perspirabilia, nec adeo impura sunt, si aer purus, serenus, elasticus est, tunc crises iusto tempore & ordine procedunt.

27. QVÆSTIO iam non sine ratione nascitur, cur crises plenæ & perfectæ diebus maxime criticis fiant, & quod crises bonæ sint, quæ cum remissione symptomatum & evacuationibus fiunt: nam, ut *Galenus* habet: nulla crisis bona fit, nisi effatu digna præcesserit evacuatio. Explicatur nempe id hoc modo; naturam septenarii numeri observantissimam ex tempore omnibus viribus contra morbi causam insurgere, quam emollire & foras pellere studet; quoniam corporis no-

stri conservatio & duratio per excretorios actus maxime sustinetur, & sic a putredine seu morte defenditur. Ad quæ respondemus, animam quidem cognitione esse præditam, sed non naturam, quæ medetur morbis, & nullius rei conscia, ex necessitate tantum agenda agit; hinc etiam ea nec causam morbi intelligit, nec ob id certamen, luctam aut febrem instituit, sed hæc omnia ex pura mechanica ratione pendere arbitror, dum solæ causæ externæ e. g. balnea poros claudencia, liquores heterogenei infusi in venas, distensione & punctione membranarum, febriles spasmos excitare possunt. Dein non negandum est, quando vita pro integritate structuræ aut mixtionis sumitur, excretionem hanc conservari; quoniam vero vita magis actum significat i. e. sanguinis & fluidorum cicularem motum, qui etiam proximum corporis cum anima vinculum est, non vero integritas mixtionis; nec non omnium actionum in corporibus animantium ipsarum etiam excretionum fons est, quæ mixtionem integram & structuram servant; facile patet, non excretionem tantum vitæ sustinendæ causas esse attendendas, neque ex suppressis excretionibus morbos tantum nasci, nec his restitutis eos sanari. Ecquid enim manifestius est, quam sanguinis effusione nec non per polypos, ligaturas, coagulationes, sanguinis circuli interceptione, vel motuum per venena turbatione, salva manente textura ac mixtione partium, vitam auferri? Quapropter non omnes, quæ morbum pariunt, causæ ita comparatæ sunt, ut putredinem tantum indicent, & excerni debeant vel possint; sed sæpissime qualitas exiguæ materiæ nocentissima, quæ correctionem & præparationem ad excretionem indicat, vitæ maximas struit insidias, sæpe etiam non tam expellenda, quam materia peccans est resolvenda.

29. Et sane magni erroris imprudentiæ coargui possit natura, quod in febribus tam vehementes motus, resolutionis & excretionis ergo, faciat; cum notum sit excretionem nec non secretionem non melius atque felicius succedere, quam
si non

si non nimii & effrænes, sed moderatiores paullo sint fluidorum motus. Sententia itaque nostra est; excretiones, quæ fiunt, diebus criticis solvuntur, non causam esse soluti, quam potius victi iam morbi signum; dum nempe natura quieta reddita, & desinentibus in fibris irregularibus & spasticis motibus, iam liberalior ad emunctoria corporis sanguinis & humorum etiam impuritate, quæ in morbo gignitur, non carentium appulsus & secretio fit expeditior. Nam si copiosissimæ etiam excretiones extra criticos dies & in ipsis, sine dolorum levamine & virium augmento, fiunt, nullius tamen sunt efficacix, adeo, ut etiam cum cum largis excretionibus mors interdum eveniat, manifesto documento, non excretionem esse, quæ morbum levat. Qua de re omnes evacuationes, quæ non in & cum morbi decremento fiunt, symptomaticæ vocantur: criticæ verò, quæ ex virium augmento & naturæ robore & vigore oriuntur.

29. EXCRETIONES per urinam copiosæ, nec non urinæ tenues aquosæ, sudores quoque largi sine alleviatione symptomatum nunquam tutæ sunt, veterum ac recentiorum auctoritate & experientia id satis monstrante; testantur enim morbi materiam nondum esse subactam, alias symptomata quiescerent, sed mixturam sanguinis eiusque vinculum cum sero destrui, fluidas & aquosas partes a crassioribus separari; unde etiam copiosæ tenues urinæ, probe id olim annotante Hippocrate, delirium præsagiunt; sanguis enim crassior factus, subtracto sero & præsertim sub impulsu arteriarum languidiori, facile in meningum vasculis stagnat, & phrenitidem ingenerat. Quandocunque vero abscessiones v.g. variolæ, morbilli, petechiæ, citius, quam ordinatum tempus postulat, mox primis diebus erumpunt, infaustum omen est, siquidem materiam copiosam & non bene coctam & temperatam denotat.

30. DOCENT iam adducta hætenus, excretiones in diebus criticis non esse causas solutionis morbi, sed potius effe-

ctus superactæ iam causæ morbificæ. Manifestum habemus exemplum in paroxysmis intermittentium, ubi sudores, qui in paroxysmis fiunt, nihil iuvant; quando vero cunque in declinatione contingunt, utilitatem præstant, non quod materiam formalem febris eiiciant, sed quod testentur de motibus irregularibus & spasmodicis febrilibus iam cessantibus. Nilominus & multas excrementitias sordes, quæ in ipso morbo prognatæ sunt, secum evehunt. Quinimo observamus in omni graviore dolore, non prolici sudorem, simulac vero ille libere fluit, indicium sublatis doloris est, toni fibrarum relaxati & circuli sanguinis liberioris reddit.

31. Ex iam dictis & expositis clare apparet utique observationem criseos, criticorum dierum fundamentum in natura habere & usum in praxi medica; sicuti enim nihil fit & producit sine tempore, sed omnis effectus certo tempore eget: ita, ut causa morbifica corrigatur & ad evacuationem præparetur, certum requiritur tempus. Nam sicut ad generationem causæ morbificæ definitum tempus est necessarium: sic & eius correctio & propulsio e corpore simili modo certo temporis spatio conficitur. Contingunt vero hæc alternationes, correctiones, & materiæ morbificæ immutationes septimo, semi-septimo undecimo, decimo quarto die secundum naturæ cursum ordinarium. Quicunque itaque medicus contra hunc ordinem agit; i. e. qui ante tempus, quod natura requirit ad morbi materiam subigendam, cum impetu & vi agit, & morbum expugnare studet, is & præpostere & temere agit, & errat. 2) Quando materia coquenda & temperanda est, & expulsionem moliuntur, eumque in finem volatilibus, sudoriferis, venæsectione medici utuntur; hi contra naturæ legem peccant, & non leve damnum inferunt: naturæ enim lex medico quoque lex est. 3) In diebus criticis & circa hoc præstat a fortiter evacuantibus abstinere, ne forsan in alia inconvenientia loca a congruis emunctoriis excernendi humores deriventur. 4) Si natura
in

in expulſione imbecillis eſt prudenter iuvanda ; evacuationes enim, ſi fiunt a naturæ robore & victo iam morbo, utiles ſunt; dum corpus a multis excretionibus noxiis, quæ ipſo tempore febrili tam in vaſis, quam inteſtinorum tubulis progeneratæ fuerunt, liberant, alioquin non bene ſuccedentes evacuationes recidivas facile inducunt. 5) Evacuantia & inoventia iuxta HIPPOCRATIS canonem *ſect. II. aph. 25.* mox in principio febris obtinent locum, ſi materia turgeat, i. e. ſi ſanguis copioſus & vaſa, primæque viæ impuris ſordibus ſcant; quales depletiones naturæ mirifice ſuccurrunt, & impedimenta curæ malique fomenta tollunt. 6) Quando vero prudens medicus ob materiæ malignitatem, motus naturæ irregulares periculofas metaſtaſes obſervat: tunc nullo temporis reſpectu habito ſanguinem reſolvere, ad alia loca derivare, & eius ſtagnationem per providam laxationem, venæſectionem, diaphoreſin, externa diſcutientia, quandoque per ſectionem ſub lingua vel narium ſcarificationem impedire debet. Hic enim criſin exſpectare, cum mortem ſigna certiſſima ſignificent, eſſet veſaniæ; unde ſæpius vidimus, alvum ſtimulantia innoxia, ut & ſalina nitroſa cum auro fulminante mixta, cum circumſpectione data inexpectatos tali in caſu fauſtiſſimos ſucceſſus edere. Sed hæc de criſibus adduxiſſe ſufficiant.



DECADIS II.

DISSERTATIO I.

DE

CERTO ET RATIONALI
MORTIS IN MORBIS PRÆSAGIO.

§. I.

TRIA potissimum sunt, quæ medicum, si officio suo recte defungi velit, commendant, eumque perfectum & omnibus fere numeris absolutum reddunt. Primum, ut ex accurate notatis observationibus veras morborum, quibus humanum genus affligitur, origines & causas evolvat atque indaget, ut morborum primordiis mature opportunis auxiliis, ne in actum erumpant, occurrere possit, vel etiam, ut hisce cognitis salubria dare possit præcepta, ne homines in morbos tam facile incidant. Alterum est, ut morbos ratione genii sui, & pro differenti corporum ægrotantium natura, probe cognoscat, & ad eos tollendos apta auxilia & remediorum genera inveniat. Tertium est, ut prudens de morbi eventu, vel etiam de medicamentorum operatione atque effectu iudicium proferre sciat. Quamvis autem hoc postremum non directe ad finem artis obtinendum pertineat: non tamen est dubium, quin non parum ad artis certitudinem & existimationem medici conferat. Quamobrem præclare statim in principio *Prænotionum* HIPPOCRATES, artis prognosticæ facile princeps, hunc in modum disserit: *Medicum prænotionem adhibere optimum esse mihi videtur, prænoscent enim & prædicent apud ægrotos & præsentia & præterita & futura & quæ ipsi ægroti delinquant, exponens*
fident

fidem utique fecerit, quod ægrotorum res magis cognoscat. Quare audebunt homines se ipsos medico committere. Hisce addenda etiam sunt, quæ *Libr. II. prædictor. Sect. III.* prodidit, dum ait: in prædictionibus medici illius probe memores esse debent, quod si cui successerit prædictio, is apud ægrotum intelligentia præditum in admiratione fuerit. Si vero quis aberrarit, supra hoc, quod odio habetur, fortasse etiam insanire videbitur. At vero, quam excellens & divina fere hæc præfagiendi in morbis scientia est, tam difficilis, tam infida, incerta & dubia ea deprehenditur, adeo, ut non immerito iudicium de morborum eventu formandum in difficillimis sit, id quod inter alia optima rerum magistra docet experientia, dum medicorum etiam peritissimi sæpius in prædicendo morbi eventu mirum falluntur, adeo, ut subinde ægrum, de cuius salute securi fuerunt, interire videamus. Neque hoc diffidetur ipse *Hippocrates*, dum omnes prædictiones in morbis acutis ratione salutis & mortis incertas pronuntiat. Atque etiam, ob difficultatem huius scientiæ, inter conjecturales artem medicam viri sapientissimi, & inter eos maxime medici, reponere non dubitarunt, & vulgus incertitudine harum prædictionum non modo artem nostram incertam iudicat, sed & medicos inde contemnit.

2. FATENDVM quidem est, vix ullam medicinæ partem tam incertam & dubiam esse, vel tantis laborare difficultatibus, quam judicatoriam, quæ a Græcis *προγνωστική* vocatur; ego tamen non plane despero, fore, ut in scientiæ formam etiam hæc ipsa redigi & certis regulis universalibus sive axiomatibus, imo definitionibus firmari possit, si modo, quæ necessaria sunt ad hanc obtinendam, recta præsidia & media adhibeamus. Ante vero, quam hæc ipsa indigitemus & nobilissimam hanc materiam paulo penitus excutiamus, non alienum erit, exponere primum causas, quæ impediverunt, quominus ad scientiam hæc ars pervenire potuerit. Inter has itaque primo loco observationum defectum ponere licet; nam
sicut

sicut accurate conscriptæ & completæ observationes & morborum historiæ primum & verum artis nostræ constituunt fundamentum, ex quibus discere & depromere licet, quid in rerum natura fiat, quinam effectus in hoc vel illo morbo producantur, & quæ mutationes in corporibus ab his vel illis rebus humanis contingant: ita etiam perfectæ & plenæ observationes nobis circumstantias, materiam atque occasionem recte judicandi subministrant. Ex his igitur omnibus probe collatis medicus, judicandi non modo facultate, sed & principiis artis veris mechanico physicis & anatomicis instructus, non modo præteritorum & præsentium, sed & futurorum causas adæquatas & veras inquirat & inveniat, ex quibus postea ingens periculum morbi, vel mortem ipsam, aut etiam salutem & convalescentiam optime prædicere poterit. Cum vero veteres non ex integris morborum historiis & observationibus, sed ex paucis tantum circumstantiis suas regulas prognosticas, quarum maxime copia in *Hippocratis* & aliorum, qui ejus vestigia sequuntur, monumentis reperitur, deduxerint, non mirum est, eas rarius respondere, sed sæpius potius fallere. Deinceps, quia veteres vera medicina rationali carebant, cum neque vitæ, neque morborum aut mortis, in quo posita sit, naturam atque causam intelligerent, & structuræ corporis humani atque ex ea pendentium motuum ignarissimi essent, non poterant etiam ex observationibus, licet plenissimis, veras causas ac notas & signa futuri eventus, ratione salutis & mortis, multo minus operationis diversæ remediorum exinde convenienti modo ac ratione elicere. Ex quo utique sequitur, veteres, uti ceteras, ita etiam hanc medicinæ partem mere empirice tractasse; quod ita explicandum mihi videtur: si quis e. g. febre acuta laboravit & sub his vel illis symptomatibus mortuus est, idque aliquot vicibus observavit, statim inde formarunt regulam, hæc symptomata esse mortis indicia. Quoniam autem hæc ipsa pro diversitate subjectorum, morborum, regionum, temporum etiam

iam morbi mirifice variant, hinc innumerabilia fere, apud veteres præsertim, consignata sunt præcepta, quæ tamen rarius respondent, adeo, ut etiam princeps huius artis magister, qui fuit HIPPOCRATES, ob incertitudinem eius, tandem exclaimare non veritus fuerit: *prædictiones in acutis ratione salutis & mortis admodum sunt incertæ.*

3. Ut igitur nobilissima hæc de morbis divinandi scientia maiorem lucem & incrementum accipiat, & cum tempore inter scientias locum inveniat: in morbi processu vel historia omnes fere ponderandæ sunt circumstantiæ. Neque enim sufficit morbum vel etiam ejus causas nosse, sed maxime omnium notitia corporis ægrotantis accurata scitu est necessaria. Multum enim refert scire ad recte judicandum, quæ ætas ægrotantis, quæ vires, quis viscerum status, qualis sanguinis & humorum sit constitutio, quis corporis habitus, quæ vitæ ratio præcesserit, quod anni tempus, firmum an imbecille sit corpus, genus nervosum an ad motum anomalias & ad spasmos proclive sit, nec ne. Deinde etiam oportet scire, quænam morbi sint tempora, in quibus hæc vel illa pathemata aut affectiones incidunt. Præterea inquirendum est, qua methodo quis curatus fuerit, an error ab ægrotante vel medico commissus. Ex hisce probe cognitis demum iudicium formandum est, quænam signa vel symptomata sub his vel illis circumstantiis, in hoc vel illo subiecto salutarem vel funestum habeant eventum. Accidit enim sæpissime, ut certum symptoma eiusdem morbi in hoc corpore lethale, in altero minime lethale sit. Ita sæpius videmus, infirmos, in quorum numero sunt senes, & qui morbo præcedente, vel etiam inedia aut animi diuturno affectu fracti sunt, si dolore ex calculo vel etiam colico corripuntur, sub levissimis sæpe symptomatibus, quæ nihil periculi habere videntur, & quæ impune robusti ferunt, fati cedere. Idem quoque observare licet in acutis passionibus, ubi sæpe, qui graciliores sunt corpore, & partes exquisitius sentientes habent, in acuta fe-

bre gravissimis anxietatibus, doloribus, vigiliis cum delirio etiam iunctis & vehementi siti torquentur, & tamen evadunt; quum ex adverso, qui spongiosioris sunt habitus corporis, qui viribus fracti sunt, ex eadem febre decumbentes, non adeo de incommodis quibusdam, neque de ullo dolore, aut siti, aut vehementi æstu conquesti, levi accedente externa corporis refrigeratione & delirio, in statu morbi moriantur. Deinceps quod attinet ad morborum tempora, utique horum consideratio multum confert magnamque vim habet ad phænomena in morbis diiudicanda. Ita notum est, epilepsiam sæpissime, præsertim in ætate infantili, variolarum initiis sine ullo periculo & noxa accedere: cum tamen hic affectus in vigore morbi funestum certissime declaret eventum. In eodem variolarum morbo inter initia phrenitis sæpius in iuvenili corpore observatur omni vacans periculo. Quodsi vero circa nonum vel undecimum diem infestat, in propinquo mortem esse significat. Atque ideo probe omnia sunt in prognosi secernenda, distinguenda, ponderanda. Quare sapientissimum est monitum illud HIPPOCRATIS, quod extat *Libr. Prædictor. II. §. 3. consulo, ut medici quam prudentissime agant, tum in reliqua arte, tum in huiusmodi prædictionibus.* Nam certe medicus nulla re turpius, quam eiusmodi vanis & temerariis vaticiniis, vocus hominum incurrit, vel apud vulgus in contemtionem adducitur, præsertim, si quis ceu moribundus deseritur a medicis & postea convalescit, vel si spes frustratur & moritur quidam, de quo medicus plane fuit antea securus. Novi medicos, qui iuramento confirmant, ægros non morituros, qui tamen elapsis aliquot horis extincti fuerunt.

4. IGITUR ego sum hac in sententia, utut prognosticandi ars valde difficilis sit: maxime omnium tamen esse laborandum medico, ut certa aliqua signa & notas futuræ mortis cognoscat, id quod etiam obtineri posse non despero. Nam illud negari nullo modo potest, omnes eventus, sive ad salutem

tem seu mortem spectent, a certis & adæquatis & proportionatis causis proficisci, neque sine iis fieri posse. Quod si itaque causas, cur homo per morbum mori necessario debeat, probe noscat, earumque causarum indicia, quibus se manifestare debent, in ægrotante probe observet; nullum est dubium, quin ex eorum præsentia futurum eventum prævidere possit. Simili ratione si quis probe sciat medicus, quo modo, quo tempore, quibus viis aut excretionibus morbus solvatur & homo ad sanitatem perveniat, utique ex iis præsentibus confidenter, nec sine certa ratione, salutem futuram coniiicere poterit. Hisce positis iam statim præeximium illud monitum adiungere licet, quam perverse ii agant medici, qui antequam satis certas futuræ salutis vel mortis habeant vel habere possint notas, nimis temere & inconsiderate statim inter initia vel progressu morbi iudicium de eius eventu interponunt. Nam, si ullum quid, certe hoc fallit, a morbi nempe principio ad eius finem non esse firmum iudicium ferendum. Sæpe enim lenissime morbus incipit & mitissime videtur procedere, sed si ad statum pervenit, brevî omnia in peius ruunt.

5. ILLVD vero, antequam ulterius progrediamur, sciendum est, minime hanc mentem esse nostram, ac si medicus, ineunte vel progrediente morbo, eius eventum ratione salutis & mortis prænoscere possit, quod vulgus putat, & subinde iudicium a medico hac de re postulat; sed hoc urgemus & intellectum volumus, dari certas notas atque indicia, quibus tum in acutis, tum in chronicis passionibus funestum eventum prævidere & declarare possimus, ut vero hoc præstemus, expectanda esse illa tempora, quibus hæc indicia se prodant. Deinde quoque aliud est morbum, num multum habeat periculi, declarare, aliud est, mortem sequuturam prædicere. Illud quidem ex ægrotantis natura & viribus morbique genio vel in principio statim coniiicere licet; hoc vero non certo prænuntiare possumus, nisi vera mortis indi-

cia præsto sint. Quænam vero sint illa, de quibus certi & securi esse possimus, futuræ mortis in quovis magno & dubiæ spei morbo indicia, illud nobis iam excutiendum est. Priusquam vero illud adgrediamur, non alienum, sed maxime e re erit, mortis theoriam eiusque veras causas paulo accuratius evolvere, quo postea eo melius ratio eorum, quæ dicturi sumus, appareat.

6. VETERES uti solidis ratiociniis in re medica prorsus destituti erant, ita certe inanis esset labor, si quis ex eorum monumentis discere vellet, in quonam mortis natura atque essentia posita sit. Nam illi nihil aliud adferunt, quam quod vita in calidi innati & humidi radicalis temperamento, mors vero in extinctione horum consistat. Verum cum hæc nihil nisi obscurum conceptum in mente humana relinquant, certe nihil circa præsens negotium solidi exinde vel demonstrari vel inveniri potest. Postquam vero nostris temporibus per rerum naturæ studium ac contemplationem, neque minus per solertissimam corporis, humani, beneficio anatomes, structuræ indagationem, disciplinæ medicæ maxima lux accessit, & mobilissimum, imo divinum illud circulationis sanguinis inventum manifestatum fuit, vitæ & mortis rationem non amplius in obscuro esse positam clarissime intelligitur. Nam quemadmodum perenni & libero sanguinis & humorum circuitu corpus, putredini alias in se & sua natura valde obnoxium, ab omni corruptione vindicatur & integrum durat, omnesque actiones tam naturales, quam animales salvæ permanent, robur quoque tam animo, quam corpori præsto est: ita circulo illo penitus destructo, non modo omnes & animi & corporis vires perire, eorumque functiones omnes cessare & corpus protinus in putredinem ruere animadvertimus. Ex quo intelligitur, mortem tunc adesse, & recte pronuntiari de corpore, si fluidorum progressivus ille & in circulum abiens motus ita extinctus est, ut nulla arte vel ratione amplius revocari possit. Sicuti vero ille fluidorum circuitus a cordis,

arte-

arteriarum & omnium canalium, qui fibris nerveis motricibus instructi sunt, motu, impulsu & tono dependet; ita etiam mortis causa non aliunde, quam a cordis & arteriarum pulsu, neque minus a thoracis motu sive respiratione penitus destructa derivanda est. Quomodo vero ille motus in morbis ex toto intercipiatur, illud iam venit explicandum.

7. QVEMADMODVM itaque morborum propria sedes, ita etiam mortis causa non rectius, quam ab arte anatomica, sive accurata inspectione corporum morte extinctorum, petenda est. Jam vero, si corpora, morbo quocunque etiam extincta, anatomico cultro subiicimus, statim evidentes mortis causæ & sensibus intellectui sese manifestant. Nam sive quis ex morbo acuto sive ex chronico fuerit mortuus, semper partis cuiusdam corruptio quædam putredinosa, cum ingenti foetore juncta, in conspectum venit. Vel enim semper & ubique in nobiliori quadam parte interna, sive in ventriculo & intestinis, sive intra cerebrum ejusque membranas, sive in hepate, utero, renibus, liene aut pulmonibus, corruptio quædam putrida & sphacelosa offenditur, quæ naribus vix tolerabilis est, & hæc ipsa vel ex sanguinis stasi sive inflammatione, quæ mortem in acutis ingenerat, vel ex stagnatione aut extravasatione sanguinis & humorum in præcipuis cavitatibus, capite videlicet, thorace aut abdomine, enata deprehenditur; quod ultimum maxime fit in morbis chronicis, ubi viscera, præsertim in thorace, abdomine, aut pure aut sero extravasato corrupta conspiciuntur. Nunquam enim dissectio corporum fit ex gravi quodam capitis morbo, v. g. apoplexia, epilepsia, lethargo defunctorum, ubi non vel stasis sanguinis inflammatoriam & sphacelosam in meningibus videre licet. Idem animadvertimus, si quis ex grauissimo pectoris morbo diem suum obiit. Nam in pleuritide profunda & peripnevmonia tota pulmonum vasculosa compages sanguine corrupto infarcta & obstructa est. Si quis ex phthisi perit, pulmo ex purulentis tuberculis obsessus, vel eius maior pars

pure corrupta & exesa deprehenditur. In convulsivo asthma ordinario ingens collectio aquarum in thorace finem vitæ facit, inque catarrho, qui subito jugulat, suffocativo in pulmonum bronchiis vel feri vel sanguinis collectio, aeris liberum egressum & ingressum impediens, reperitur. Si quis vero mortis causas in morbis chronicis, qui sedem & domicilium in abdomine suum fixum habent, perscrutari velit, is semper in cachexia & hydrope induratum vel corruptum hepær & omentum cum magna extravasatione feri inveniet. In morbo sic dicto nigro Hippocratis valde funesto lien ut plurimum magnus, infarctus & corruptus, neque minus extravasatio sanguinis in ventriculi atque intestini ilei cavitate conspicitur. In passione iliaca pæne mortifera, in atrocissima colica, cholera, dysenteria, cardialgia lethali inflammatione, sphacelosas & erosas cum summo foetore ventriculi ac intestinorum partes invenire licet. Quem atrox ex calculo, in urethere firmiter hærente, dolor interficit, is inflammatum maxime ventriculum habet, viis quoque & ductibus urinalibus ipsisque renibus male affectis & corruptis. In morbis uteri, qui feminas necant, ipse vel inflammatus vel exulceratus aut sphacelatus, vel extravasato sero corruptus sese conspectui offert.

8. QVOD attinet ad passiones acutas, inter quas principem locum habent febres, quæ plures mortalium in flore ætatis e medio tollunt, & vitæ humanæ inimicissimæ sunt: eæ profecto nulla alia ratione homines perimunt, quam partium internarum, præsertim internarum, ventriculi, inprimis intestinorum, meningum, inflammatione in sphacelum desinente, hæc enim nusquam non in febre enectis reperitur. Neque alia ratione venena, cuiuscunque etiam generis sint, quam sphacelosa inflammatione, quæ primas maxime vias infestat, interficiunt, quæ etiam mox dissectione facta sensus incurrit, adeo, ut hæc veneni adsumti certissimum inter alia præbeat indicium. Ubi vermes vitam tollunt, intestina identidem

tidem erosa & inflammata oculis sese offerunt. Ex quibus satis clara apparere arbitror, nunquam mortem facile contingere, nisi hæc ipsa a putredine & corruptione partis cujusdam internæ proficiscatur, ita prorsus, ut putredo vitæ inimicissima & mortifera recte dici possit. Nam sicut vitales sanguinis motus penitus extinctos totius corporis putredo certissime sequitur: ita illa ipsa etiam est plerumque adæquata, vera, ac fere perpetua mortis causa, quæ vel externa partes, quod rarius, adgreditur, vel internas, quod frequentissime fit, partes obsidet: atque adeo vere adfirmare possumus, vix unum ex mille hominibus sine sphacelo mori. Jure autem hic excipimus eos, qui violenta morte pereunt, vel qui ex polypo, orificia vasorum claudente, subito extinguuntur. In ceteris vero omnibus, si post mortem aperiuntur, corporibus foetida putredo, nares molestissime feriens, percipitur.

9. VERVM enim vero quamvis mortis causas evidentiores semper deprehendere liceat in defunctis & dissectis corporibus: sapienter tamen hoc loco monendum esse ducimus, ne ipsas mortis causas cum morborum causis confundamus, quod sæpissime contingere animadvertimus. Nam pluribus medicis id in more positum esse video, ut, si quis ex periculo decedat morbo, corpus aperiendum esse suadeant, & quando postea internæ partes sphacelatae & corruptæ sese sistunt, hæc omnia adstantibus monstrant, & proponunt, non potuisse ob tantam læsionis vehementiam ægrum ullo modo servari, cum tamen manifesto causas mortis cum causis morbi hac ratione confundant: siquidem illud maxime in quaestionem venire debet, annon illæ, quæ mortem produxerunt, causæ convenientibus atque in tempore adhibitis auxiliis potuissent averti; qua ratione errores suos, si quos forsitan commiserunt, satis callide & astute apud ignaros tegere & occultare sciunt. Quum itaque mortis ratio sive natura in præsentanea & putrida corruptione sita sit, sapienter hinc infer-

inferre licet, si quis servare velit ægrum, omni modo & cura laborandum esse medico, ut opportunis auxiliis & remediis corruptionem sphacelofam, quæ nunquam non a stasi & stagnatione humorum proficiscitur, præcaveat atque avertat, omniaque ea evitet, quæ ullo modo ad putredinem promovendam aliquid conferre possint.

10. SED ut propius scopum nostrum attingamus, qui in eo vertitur, ut ex indiciis & signis quibusdam futuram hanc corruptionem advertamus & prænuntiemus, evolvendæ utique sunt causæ, per quas corruptio hæc mortifera intus gignatur. Vti enim in rerum natura nullus effectus fit sine suis certis & proportionatis causis; ita etiam pro certo adfirmare licet, certas dari hujus corruptionis in morbis causas, ex quibus præsentibus ratio prognoseos rectæ demum deducenda est. Prius vero, quam meditatio nostra ad explicationem harum causarum descendat, paucis saltem placet exponere, cur putredo vitæ humanæ tam inimica sit, ut etiam levior & non adeo magna sphacelatio, in parte ventriculi vel intestinis existens, subita morte hominem perimat. Id itaque hac ratione fieri nobis videtur: vitalis ille motus & circuitus sanguinis, a quo omnium functionum corporis integritas pendet, solidorum impulsu, robore & potentia motrice eorumque viribus sustentatur; hic autem non, ut quidam sentiunt, ab ente quodam materiæ experte, sed potius a subtilissimo, quod in sanguine & nervis est, fluido, ejusque influxu in has partes dependet, quod vel hoc unicum experimentum satis luculenter confirmat, dum nervo vel arteria, quæ ad partem abit, ligata vel præcisa, omnis motus, sensus & nutritio ejus perit. Deinde quod robur & vires partium a materiali quodam principio proveniant, vel illud documento sufficienti esse potest, quod inedia non modo vires pereant, sed & quod, congruis datis alimentis, vires consumptæ mox recuperentur. Jam vero in tota rerum natura nihil tam perniciosius reperitur, quod tam cito vires & robur adimat corpori, quam putredo, uti videmus

demus in sphacelo, in cancro exulcerato, qui brevi tempore & vires & vitam adimunt. Ecquis itaque negare aufit, intus conceptam putredinem, præsertim si sese diffundat & incrementum sumat, intime tetrum suum vaporem in partes maxime nervosas & motrices fibras dispergere, qui, cum tota sua natura fluido illi, quod motus regit solidorum, adversus sit, illudque corrumpat & quasi extinguat motus systoles & diastoles, tonumque & motum fibrarum penitus auferat.

II. DUPLEX igitur datur in morbis iter ad mortem: alterum est nimis subitum & præceps, idque fit per vehementes partium nervosarum constrictiones, quæ vel ex inflammationibus oriuntur, vel inflammatorias stases subinde novas in morbi vigore ingenerant, ad sphacelum & mortem tendentes, quod maxime contingit in febribus & passionibus acutis; alterum est paulo lentius & successive fit ex viscerum corruptione, humorum stagnatione & extravasatione, idque præcipue in morbis sic dictis chronicis obtinet. Quod attinet ad generationem mortis in morbis acutis sive febribus, illa plerumque evenit per spasmos vehementes, qui inflammationem ventriculi vel intestinorum, aut membranarum cerebri & mortiferam corruptionem post se trahunt. Est enim spasmus naturæ humanæ & vitæ semper & ubique infensissimus, eo quod humorum & sanguinis motum a circumferentia & ambitu corporis ad interiora convertit & dirigit, & saluberrimas excretiones, quæ vitæ & sanitati patrocinantur, impedit & cohibet. Præterea spasmodum ea est potentia, ut liberum & æqualem sanguinis circuitum, in quo sanitatis ratio posita est, impedian, eumque inæqualem reddendo nimias congestiones sanguinis in nobilioribus partibus, præsertim in capite, corde, ventriculo & intestinis efficiant, quæ si non superantur a natura per commodam discussionem & resolutionem, corruptio & mors certissime sequuntur. Nam in omni motu sic dicto naturæ, sive febre, duplicis generis

(*Hoffm. Opusc. patholog.*)

Pp n

motus

motus junctus occurrit, & probe attendi & a se invicem discerni debet: alter est valde perniciosus, qui fit a circumferentia ad centrum, & hic est spasticus, semper morbosus, qui ad destructionem naturæ & motuum vitalium tendit, & frigore, rigore, horrore & pulsu parvo, debili atque anxietate sese manifestat; alter est valde salutaris, qui spasmus subsequitur & huic contrarius est, atque a centro ad circumferentiam dirigitur, sive ab interioribus ad exteriora vergit, & calore ac pulsu celeriori & validiori sese manifestat, & hic quasi interna naturæ medicina est, corpus ab omni destructione vindicans, cujus beneficio exitiales illæ spasticæ partium stricturæ resolvuntur, laxantur atque inflammatoriæ stases discutuntur, tubulique excretori antea clausi & constricti felicissime aperiuntur. Hic est ille motus, quo veteres naturam medicatricem indigitarunt, cujus ministerio morbi vincuntur, homo convalescit & mortis periculo eripitur: hic etiam est, sub quo nemo moritur, quod potius fit sub spasmō, qui ipsi est contrarius. Quicumque itaque ex medicis horum motuum sibi oppositorum, unius quidem salutaris, alterius vero perniciosi, genium, potentiam, effectus & mutuas eorum actiones & relationes probe novit atque cognoscit, is magna cum ratione & prudentia in morbis agere, sapienter pericula prædicere & faustos eventus prænuntiare optime valet, is quoque veterum phraseologias medicas v. g. febrem esse naturæ pugnam cum morbo, & convalescentiam fieri, si morbus naturam superet, perquam facile intelliget. Nam si spasmī, inflammationes, congestiones ac stases sanguinis, in se mortales, a motu calido, resolutorio, febrili, certo interposito tempore, non digeruntur ac discutuntur, sed illæ superiores sunt, tunc utique succumbit natura, & ægrum mori oportet. Cum vero dentur certa indicia, quibus & victoria naturæ super morbum & morbi super naturam prævideri & dijudicari possit; liquido apparet, artem illam

lam præfagiendi, quæ προγνώσκειν a græcis dicitur, certis utique niti fundamentis.

12. VISVM itaque nobis est, effectus & indicia illa spasmodorum lethiterorum non facile fallacia in acutis hoc loco breviter strictimque exponere, quæ si circa dies sic dictos criticos, corpore a morbo debili reddito, apparent, nec evanescent, aut incrementa sumunt, certus de sinistro morbi eventu poterit esse medicus. Neque vero exitiales hi spasmi tantum in una parte, sed in pluribus sese manifestant. Igitur si rigor cum frigore circa morbi vigorem observatur, vel sæpius recurrit, si corpus non æqualiter molle, sed durum, calidum & asperum est, & exanthemata a spasmo cutis retrocedunt vel minuuntur, si exteriora horrent & frigent, si fonticuli vel ulcera præsentia nihil amplius humoris emittunt, indicia certe hæc sunt, quæ nihil boni portendunt, sed potius summum mortis periculum minantur: quia propter cutis spasmos sanguinis & humorum motus versus interiora pessimas inflammatorias congestiones facile suscitatur, & impedit, quo minus morbida materia perspiratione e corpore possit expelli. Pergunt plerumque spasmi in acutis morbis etiam ad alia excretoria, vias nempe urinarias, alvinas, quarum constrictione efficiunt, ut urina tenuis & aquosa reddatur, & alvus plane dura, tensa & occlusa sit. In quibusdam ob urgentem spasmum frequens mejendi & desidendi est desiderium.

13. AT vero gravius imminet periculum, & spasticæ illæ contractiones interiores & nobiliores, quæ motibus vitalibus vacant, partes infestant. Nam pulsus parvus, contractus, celer & durus, item inæqualis & intermittens, non aliunde, quam a spastica & convulsiva strictura nervorum, qui in cordis fibras & tunicas arteriarum desinunt, proficiscitur, & semper in statu morbi plurimum periculi ostendit. Ejusdem pessimæ notæ respiratio crebra, anxiosa & difficilis est, si in critica tempora incidit; nam sicut, sapientissimo

Hippocratis effato in *Prognosticis*, facile spirare magni momenti est ad salutem in omnibus morbis, ita spiratio crebra & ægra in acutis nihil boni unquam ostendit. Si nervos præcordiales feralis exercet spasmus, summæ anxietates, inquietudo & jactatio corporis, crebraque lecti & situs mutatio contingunt. Si idem spasmus oesophagi & ventriculi membranas nerveo-musculares occupat, ad vomendum conatus, regurgitatio potionis, item feri limpidi ex faucibus non infrequens extrusio, difficultas in deglutiendo atque inexhausta sitis cum oris & linguæ ariditate se produnt, sique in consensum duodenum rapitur, flavo colore corpus maximeque facies tingitur. Vbi vero profundior spasmus totum genus nervosum graviter concutit atque convellit, ad ultimam jam ventum esse, indicio sunt nares acutæ, collapsa tempora, frigida languidaque aures, oculi concavi, cutis circa frontem dura & intenta, color niger aut perpallidus, quibus facies Hippocratica, certa mortis index, describitur. Deinde nervorum distentionis, quæ semper in acutis terribilis, juxta *aph. VI. sect. IV.* indicia sunt, ubi æger supinus cubat, eique genua contracta sunt, ubi deorsum ad pedes subinde delabitur, ubi brachia & pedes nudat & inæqualiter dispergit, ungues digitique pallidi sunt, sique manibus floccos legit, fimbriasque diducit, vel in adjuncto pariete, si qua minuta eminent, carpit. His quoque adjungi debent subsultus tendinum, quæ omnia si apparent, in propinquo mortem esse denunciant.

14. QVAMVIS vero plurimæ ex acutis internam quandam partis inflammationem pro causa, agnoscant, atque ob id periculo non careant: sæpissime tamen in ipso vigore & vehementia morbi inflammationes novæ & quidem in ventriculo, vel in membranis cerebri supervenire consuescunt, quæ nunquam non valde terribiles sunt & mortis prænunciæ. Atque hæ inflammationes, vel separatae, vel simul junctæ, non modo in malignis, petechialibus, contagio infestis ac castren-

castrensis febribus, sed & in aliis acutis, synochis, ardentibus, purpuraceis, variolis, morbillis circa septimum, nonum vel undecimum diem supervenientes, certissime hominem perimunt. Cognoscitur vero inflammatio ventriculi ex eo, si magnus æstus, & quasi incendii sensus, cum acuto dolore circa præcordia est, & locus circumscriptus tactu durus, extrema inalgescent, summaque anxietas & inquietudo jungitur, sique omne, quicquid vel medicamenti vel potionis assumitur, vel protinus vomitu eiicitur, vel retentum summam creat molestiam augetque anxietatem. Quandoque tanta est inflammatio, ut per oesophagum ad ipsas fauces trans-eat, quæ ardentibus dolorificis pustulis obsidentur, & viscido putrido muco continuo obducuntur, quæ omnia futuræ mortis præfagia sunt. Altera inflammatio, quæ sæpissime huic jam dictæ jungitur, & brevi ante mortem accedit, adhuc periculosior, membranarum cerebri est, quam Græci phrenitin vocant, quæ plerumque assiduam & pertinacem vigiliam, capitisque vehementem dolorem sequitur. Eam præ-nunciare solent præcedens rigor, urinæ copiosæ & tenues, aurium tinnitus, fortis pulsatio in capite, pauca sanguinis ex naribus stillæ. Ejus vero præsentia his signis innotescit: rubicundi, flammei & truces sunt oculi, alienatio est mentis, verba sine sensu & ordine proferuntur, interrogati omnia aliena respondent, lacrymæ sæpe effunduntur involuntariæ, dentibus strident & nulla amplius humidi est appetentia. Convulsio, si phrenitidem sequitur, haud dubia significatio mortis est. Hæ sunt principales afflictiones, quæ homines in acutis jugulant. Hoc mortis genus per vehementes inflammationes & spasmos maxime subeunt temperamenti sic dicti sanguinei, cholericæ, vel sanguineo-cholericæ, ætate juvenes & viri, teneriori sensu præditi, ad iram proclives, habitu corporis macilenti & constricti, & qui victui valde spirituofo indulserunt.

15. ALIUD genus mortis obeunt etiam in acutis & con-

tinuis febribus, qui repleti & spongiosi sunt habitus corporis, phlegmatici, & qui vires vel per morbos, inedia aut diuturnam tristitiam, vel sanguinis profusiones vires exhausterunt. Nam hi non tam per vehementes spasmos & gravia ac dolorifica pathemata e medio tolluntur, quam potius ex motuum imbecillitate atque defectu partiumque atonia, roboreque & viribus dejectis vitam finiunt. Atque in ejusmodi casibus stagnationes ac stases humorum ac sanguinis in putridam corruptionem statim in principio inclinant. Et hi morbi, quia lenibus incedunt symptomatibus, sæpissime fallunt medicorum spem, eorumque præsagia eludunt; unde etiam ob non tam evidentem, sed magis occultam perniciem difficilis sunt judicii, & malignis annumerari solent. Cognoscuntur vero his indiciis: cum levi frigore & horrore oriuntur, sed summa statim inter initia virium est prostratio, pulsus languidus & frequens simulque contractus, in situ erecto facilis est animi defectio, urina tenuis & sine sedimento, nullus somnus, ad eum tamen perpetua inclinatio, quem etiam major virium prostratio & mentis alienatio sequitur, de nullo dolore, siti vel magna molestia conqueruntur, nihilominus valde inquieti sunt, jactantur, sique extrema algescunt & pulsus incipit deficere, neque in carpo manuum amplius percipitur, mortis in vicinia ægros esse positos rectissime colligitur. Quamvis vero & hi homines non sine inflammatione ventriculi & membranarum cerebri moriantur; ea tamen non tam gravibus spasmis & symptomatibus juncta est, sed facilis ad corruptionem est transitus.

16. Cum vero omnes inflammationes demum in necrosin five sphacelosam corruptionem terminari soleant, non alienum videtur & hic subjungere quasdam notas, quibus transitus inflammationis in sphacelum significetur. Sunt vero hæ sequentes: internus quidam frigoris sensus percipitur, & dolor ante acutus & acerbus circa caput vel inferiores partes subito desinit, & mens antea delira ad se quodammodo

do redit, virium vero defectus major fit, pulsusque ex toto deficit, vel valde inæqualis, angustus & intermittens est, & alvus antea fortiter clausa se aperit vel præter voluntatem fluit, vultus foedus ac pallens apparet, tempora, cervices & pectus gelido sudore inadent, extremæ corporis partes refrigerescunt, pulsus plane deficere coepit, borborygmi ac sonitus in ventre oriuntur, & liquida immissa quando descendunt, sonum emittunt, tamquam cavo & profundiori vasi immitterentur. Hæc omnia mortem præ foribus esse manifesto demonstrant, quia ob sphacelum, vires sumentem, summa partium atonia & extremus virium lapsus adest. Si quando sanguine nimium redundantes subito ex sphacelo interno vita decedunt, aliquot post mortem elapsis horis horrendum in modum venter intumescit, & magnæ vesicæ oriuntur, & facies plumbea ac viridis fit, intolerabilis foetor adest, atque ex ore sæpius & naribus male olens cruor stillat.

17. EST adhuc aliud mortis genus, quod, qui ex gravibus pectoris vitiis ægrotant, subire debent, idque est suffocatio, qua pereunt & anginosi & peripnevmoniaci, catarrho suffocativo laborantes, & quos asthma convulsivum & thoracis hydrops jugulat. Hi morbi non modo omnis aeris ingressum & egressum in pulmones liberum intercipiunt, sed & sanguinis per pulmonum vasa circuitum ex uno ventriculo ad alterum tollunt. Nam angina, quæ musculos laryngis internos occupat, & Græcis cynanche dicitur, ubi neque in cervice, neque in faucibus quicquam vel tumoris vel ruboris conspicitur, simul tamen summi doloris tormentum & vehemens febris est, citissime per suffocationem necat, tum profecto, ut verbis utar LOMMII *Lib. II. Medic. Observ.* oculi vertuntur & rubent & veluti iis, qui strangulantur, prominent, vox impedita nihil significat & qualis catulorum est, tenuis editur, os apertum hiat frigidi aeris cupidum, ex eoque spumans saliva movetur, lingua exeritur; potui datus liquor per nares reme-

remeat, ipse æger totus inquietus est, crebro & cubili exilit, tandem vero strangulatu atque syncope oppressus perit. Ita etiam præfocatione occidit peripnevmonia, nam si nihil plane exspuitur, sed magna adest & anxiosa spirandi difficultas atque angustia, inquietudo, sputum intus in pectore strepit, pulsus inæqualis & intermittens fit, & alvus infirmis jam viribus funditur, & quod tussi rejicitur, spumofum modo cruentum, modo flavum est & simul continua vigilia urget & phrenitis sequitur, frigidique aeris hauriendi cupiditas maxima est, æger lubenter supinus & erectus cubat, nam in nares reclinatus enecare præfocatione videtur, quinto vel etiam septimo die ad summum certa mors sequitur.

18. QVI asthmate sic dicto convulsivo moriuntur, hos identidem suffocatio perimit, quod vitium nascitur plerumque ab hydrope thoracis, subito per ruptas hydatides orto, quando nimirum ingentes inundationes aquarum pondere suo diaphragmatis motum & liberam pulmonum expansionem impediunt, ut nec aer ingredi, nec sanguis opportune eos transire possit. Oritur etiam hoc malum, quando tunica bronchiorum glandulosa interior, multis & magnis glandulis obsita, ita angustatur, ut nec spiritum in pulmonibus contentum elidi, vel novum recipi patiatur. Sæpe etiam spasmus convulsivus tam fortiter bronchia convellit & coarctat, ut strangulatione ægri misere intereant. In omnibus hisce vitiis summa anxietas atque inquietudo, tremulaque adest spiratio, pulsus inordinatus & inæqualis, & sibilus ac strepitus in pectore percipitur, nec uno in loco conquiescere possunt, & nil, nisi spumofum quidpiam aut cruentum e pectore extunditur; extremis tandem corporis partibus inalgescens tibus syncope & suffocatione pereunt. Idem fit in catarrho sic dicto suffocativo, qui maxime senes, imbecillos atque infantes perimit, & plerumque a paralyfi nervorum pnevmoniacorum nascitur. In hoc vitio identidem spiritus cum summa difficultate, angustia & anxietate trahitur, & bronchia humo-

humore a sanguine secedente replentur, & quia nihil sputi excernitur, aer admissus magnum strepitum ac sonum edit, donec tandem ex aeris defectu æger suffocetur. Præter hæc iam dicta certa adhuc mortis indicia sunt, pulsus intermit- tens, parvus & ex toto desinens, quod sæpe aliquot horas ante mortem fit. Sæpissime etiam turbatio supervenit cum extremorum frigore. In phthificis, ubi magna in pulmone cavitas exesa ingentem purulenti humoris copiam recipit, si ob imbecillitatem virium non eiicitur, sed expectoratio ces- sat, mors brevi sequitur.

20. EXPOSITIS iis morbis eorumque lethalibus signis, qui suffocatione necant, proximum erit, ut quosdam adhuc acu- tos, qui & inflammatione & vehementioribus spasms homi- nem e medio tollunt, persequamur, & quibus signis futu- ra mors prævideri & prædici possit, exponamus. Febris cum purpura alba, quæ lymphæ valde vappescentis & corruptæ soboles est, si in fine adsociatur aliis acutis febribus, item variolis, morbillis, vel etiam in puerperio post lochia sup- pressa accedit, nunquam expers est periculi, necat autem ut- plurimum per inflammationem interiorum partium, præser- tim ventriculi & intestinorum. Funestum indicium est, si æ- stum præcordiorum summamque anxietatem internus frigo- ris sensus cum pulsu parvo, debili, inæquali excipiat, pur- pura dispareat, animi defectio, mens turbata & spiratio dif- ficilis sit. Variolæ si statim primis diebus cum gravi dolore lumborum & delirio invadunt, & mox secundo die exanthe- mata in cute apparent aspera instar purpuræ cum maculis, & die quinto & sexto post plenam eruptionem pulsus non seda- tior fit, sed in eadem celeritate permanet, & totum corpus pustulis oblitum est; raro in juvenili ætate evasisse quenquam scio. Ardentissimus vero circa nonum diem ex exulceratio- ne manuum dolor omnia statim, quæ spem salutis facere vi- dentur, sæpe immutat: nam vehementissimus ille & æstuosus dolor, universum genus nervosum spasms afficiens, summas

(Hoffm. Opusc. patholog.)

Qq

parit

parit anxietates, iactationes corporis, pustularum subsidentiam: postea respiratio difficilis, mentis turbatio, convulsio & pulsus parvus languidus supervenientes brevi interficiunt.

21. QVICUNQUE a veneno validissimo emetico aut purgante sumto moriuntur, hos identidem inflammatio sphacelosa e medio tollit: dissectorum anatome id testante. Mortis vero futuræ præfagia sunt, si ardores internos & summas anxietates pulsus valde parvus & inæqualis vel plane deficiens sequitur, cum sudore frigido, delirio & convulsione, quam a medicamento purgante concitatam ipse HIPPOCRATES *sect. VII. aphor. 25.* & multis aliis in locis, mortiferam pronuntiat. Qui ex dolore a calculo vita decedunt, in iis plerumque inflammatio lethalis ventriculi & meningum supervenit. Nam si vomitum & acutissimum dolorem febris sequitur cum magna anxietate & siti vehementi, & postea singultus & delirium cum extremorum frigore accedit; non diu superstes æger erit; in cholera, si acuti dolores & torsiones incidunt, & supra infraque magno impetu humores præsertim virides prorumpunt, & ingens afficit bibendi cupiditas, & facies flavescit, pallida fit, pulsusque parvus atque concisus est, non sine periculo morbus est. Si vero pulsus quoque totus concidit, & crura contrahuntur, frigidæque sudationes fiunt, animaque deficit, inflammationem in sphacelum transiisse non leve indicium est. Dysenteria si post alium morbum homine iam infirmo oritur, raro æger servatur: facilis enim est tunc transitus inflammationis in sphacelum. Pessimum adeoque sphaceli indicium est, si tormina acuta subito cessant, & æger refrigeratur summaque adest virium prostratio. Singultus, cardialgia, præcordiorum æstus atque anxietas summa utplurimum præcedunt, & pernicialem ventriculi inflammationem indicant. In passione iliaca, ubi acutissimi sunt dolores cum contumaci alvi constrictione & vomitu assiduo, etiam male olente, si singultus, delirium, gelidus sudor, extremorum frigus nervorum distentio accedit, ea omnia certissimæ mortis nuncia sunt, id quod

quod iam dudum observavit HIPPOCRATES *sect. VII. aphor. 10.* dum ait: *ab ileo vomitus, singultus, convulsio aut delirium malum.* Eodem modo etiam atrocissima & convulsiva colica necat. Tam acerbus sæpenumero dolor in intestino recto a stagnante sanguine hæmorrhoidali urget atque affigit, ut non modo inflammatio, sed & lethalis sphacelatio hoc intestinum occupet, sub qua excrementa propter intestini putredinem foetidissima prodeunt, pulsus frequens & debilis cum summa sequitur virium prostratione, & ipse sphacelus sæpius ad partes externas atque scrotum serpit, animi defectio tandem & brevi post mors ipsa succedunt.

22. PLVRES in partu, vel post eum, itemque in puerperio mori foeminas notissimum est: quare etiam de funestis mortis indiciis ac præfagiis quædam dicenda sunt. Si mulier vel propter pravum situm infantis, præsertim grandioris, continuis spasmis, doloribus ac laboribus per aliquot dies assiduis atque ardoribus simul junctis internis vehementibus, quos pulsuum celeritas ostendit, valde defatigata est; accidit sæpius, ut in partu, vel etiam post eum, repente dejectis viribus, in animi forte deliquium vel affectum apoplexiæ similem, propter pulsus præsentiam, incidant, & nulla arte vel ope vires & vitam recipere possint. Mortis indicium est, si affectus ad aliquot horas perdurat, neque penetrantissima medicina, qualis est spiritus salis ammoniaci cum calce viva paratus & oleo rutæ essentificatus, in nares intrusa, excitari possunt. Si facies ipso in paroxysmo colorata manet, indicium est, sanguinem, ex vehementioribus spasmis nimio impetu ad cerebrum delatum, hoc malum apoplectico per omnia simile produxisse, & plerumque post obitum ex ore & naribus serum sanguineum foetidum effluit. Si parturientes, foetu adhuc in utero mortuo, expirant, sæpius ille post mortem ob iam nimis relaxatas vias & interiorem fermentativum motum foras ex utero propellitur. Quæ in puerperio e vita discedunt foeminæ, ac ut plurimum, retento impuro sangui-

ne, qui post partum ex utero salutariter per aliquot dies prodire solet, graves dolores antea patiuntur, quos si non excipit effusio lochialis sanguinis, sed fluxus magis stipatur, uteri plerumque inflammatio & febris sequitur valde exitiosa. Illam incendium ab inferioribus locis usque ad cordis regionem vergens manifestat: sique magna anxietas, virium prostratio, inquietudo & omnis appetitus deiectio iungitur, postea sensus internus frigoris cum horrore accedit, ac pulsus frequens, parvus ac debilis iungitur, & visus incipit obfuscari; in propinquo mortem ex sphacelo esse hæc significant. Plurimæ ex puerperis integra mente mori solent, nam hæc antea turbata paucis sæpe ante mortem horis ad se revertitur, ut imperitiores rem penitus in vado esse sibi persuadeant: sed ex pulsu moribundo prudentiores proximi exitii indicium desumunt. Si quando ob nimiam sanguinis post partum & in puerperio profusionem lentus cum pulsu frequenti & debili calor assidue urget, neque etiam post somnum mane sedatur, & iuncta est plenaria inappetentia viriumque deiectio, circa exitum puerperii, i. e. sexta septimana, syncoptica mors plerumque succedit.

23. CANCRO exulcerato nemo facile servatur propter summam corruptionem, quam sanies nigra, tenuis, odore abominabilis testatur; lenta est febris & vires indies decrescunt, somnus anxius, laboriosus vel nullus, donec tandem animi defectio & mors sequatur. Accidit interdum, ut inflammationes in exterioribus partibus consistentes, cuius generis sunt erysipelata, podagra, chiragra, retrocedant, atque ad interiora pellantur, ac cito hominem rapiant. Neque vero id aliter fit, quam inflammatione & sphacelatione ventriculi aut intestinorum. Maior perniciēs est, si in peste carbunculi vel bubones retrocedunt vel non satis prodeunt: nam tunc in certo vitæ periculo homo versatur: horrore enim homo concutitur, summe anxius & inquietus fit, æstus cum exterioribus algescentibus regionem ventriculi occupat,
ad

ad vomendum est cupiditas, vel etiam singultus accidit, postea sub mentis turbatione & syncope homo exspirat. Si quis ex nimia sanguinis profusione, quale quid contingere potest felici abortu, in hæmoptysi, in cruento vomitu, vel morbo nigro *Hippocratis*, aut gravi hæmorrhagia in febribus moritur, is quidem ex animi defectione ipsaque syncope vitam amittit; sed tamen notabile est, quod plerumque vehemens sitis, inclinatio ad vomitum & pulsus cum debilitate, frequentia & artuum distentione præcedat, indicio, sanguinem in partibus interioribus, ventriculo, capite subsistentem movere adhuc quosdam spasmos; nam sitis ex spastica strictura tunicæ glandulosæ oesophagi ut plurimum oritur. Morbi, quibus infantes pereunt, sunt ut plurimum spasmodici & convulsivi, inflammationem & sphacelum præsertim ventriculi, intestinorum aut capitis, post se trahentes; nam ex acutis doloribus facile in epilepsiam & convulsiones, febres atque asthmata incidunt. Si epilepticus paroxysmus unus alterum consequitur, & alvus antea fortiter clausa sponte jam dimittit excrementa valde foetida & nigra, vox clangosa & singultuosa fit, totumque corpus ardet, in propinquo exitium esse judicare licet.

24. RESTAT jam, ut mortis præfagia in quibusdam etiam morbis chronicis exponamus. Hos inter vero eminentissime hydrops, cachexia, scorbutus, marasmus, hæctica, phthisis ac tabes. Qui hisce decumbunt, lente transeunt ad mortem, propter lentius procedentem viscerum ex humorum stagnatione aut extravasatione corruptionem, quæ, quoniam nulla arte averti potest, certe mortem ingenerat. Indicia vero viscerum corruptorum in inferiori ventre, adeoque mortis secuturæ, sunt appetitus in totum prostratus cum eorum etiam averfatione, quibus sani valde delectati fuerunt. Deinde lenta febris si incrementa sumit & celerior pulsus evadit: qui nunquam non corruptionem internam indicat. Denique summa virium cum respiratione difficili prostratio, somnus valde laboriosus & plus debilitans, quam reficiens. Hæc si diutius adfligunt & nullis

remediis mitescunt, certo mortem præfagiunt, maxime si corpora sunt senilia, vel ex morbo præcedente in eiusmodi chronicam passionem delapsa. Hæ sunt quædam communes & exitiales chronicorum notæ: non alienum vero erit, quasdam in certis morbis specialiores adiicere. Itaque quod attinet ad phthisin, pessima & mortem indicantia signa sunt, si totum corpus tabe consumtum est, si assidua atque hæctica febris urget, facie rubicunda, si profluit alvus, sudor colliquativus est sique pedes intumescunt, si sputum supprimitur, pallidi ungues, oculi concavi & nares acutæ fiunt. Si ex asthmate diuturno cordisque palpitatione, vel ex induratione hepatis post quartanam hydrops sequitur, non facile servari posse hominem certo pronunciari potest, sique urina pauca, turbida, rubra redditur, omen est valde perniciosum, sique superiora gracilescunt, & facies insimul flavescit, præfagire mortem aliquot menses antequam accedat, haud dubiose licet, quæ etiam certissime sequitur, febre aucta & respiratione difficiliore reddita. Quicunque sæpius, & maxime ex motu corporis & animi vehementiori, fortem & contumacem palpitationem cordis sentiunt, & postea asthma convulsivum vel hæmoptysin aut hydropem incurrunt, iis diu ante mortale periculum præfagiri potest, multoque magis, si quandoque animo delinquant. Nam horum omnium causa polyposa in cordis vasis concretio est, quæ nulla medicina tolli potest, & tandem hos morbos, concursantibus aliis causis, funestos ingenerat, sique subito & sine causa manifesta & frequenter incidit animi deliquium, identidem causa eiusmodi polypus est, & mortem, si frequenter incidit, repentinam inferre solet. Quisquis enim sæpe multumque sine evidenti occasione animo deficit, hunc recte *Hippocrates* innuit subito mori consuevisse.

25. Si hepar corruptio sphacelosa & mortalis occupat, tum fastidium adest cibi, maximeque carnis, frequens & multa est sitis, febris, virium deiectio, singultus, & vomitu subinde extunditur serum vel flava bilis & corpus sensim contabescit: quibus
in

in casibus post mortem jecur plane sphacelosum, nigrum observavi. Ventriculi exulceratio longum etiam & lethalem morbum producit, & cognoscitur, si summa anxietas & vomitus cibum adsumtum excipit, quæ vitia, dato medicamento quodam acri salino aut spirituoso, augescunt, corpus contabescit, pulsus semper celer est, extrema partium rigent & quandoque horrent, fonticuli clauduntur, & somnus parvus & laboriosus fit. Hi tertio vel quarto mense demum moriuntur, & diu ante mortem prædicere possumus. In cachexia si totum corpus fit tumidum, inflatum, pallidum, si ciborum adest fastidium & crebrior male olens vomitus urget, & pauca per alvum feruntur, urina cruda & pauca, respiratio difficilis & totum corpus male olet; postea si frequens pulsus accedit & respiratio difficilis, mortem aliquot mensibus prænuntiare licebit, quæ eo certius sequitur, quo ægrotus maiora errata in diætâ, in nimio potu commisit, vel moestitia animi diuturna fuit fatigatus.

26. His jam expositis e re esse duco, quædam adhuc eximia ac salutaria præcepta & monita ad prognosin instituendam subiungere, quæ inter maxime eminet illud, quod probe morbi spasmodici chronici a passionibus acutis distingui debeant. Nam sæpissime in hypochondriacis & hysteris eiusmodi pathemata occurrunt, quæ in acutis passionibus lethalem effectum denunciant, in illis vero minus periculi alunt. Quid enim frequentius est, quam quod sub paroxysmis maximas anxietates spirandique angustias cum extremorum frigore, urina aquosa, patiantur, pulsu existente parvo, debili, sæpiusque animi vehemens deliquium accedat, quæ tamen omnia brevi exspirant, & sine periculo transeunt. Deinde probe morborum tempora sunt discernenda; nam ex iis omnibus signis, quæ modo attulimus, funestis, si quædam vel etiam plura sub initio & primis morbi diebus apparent, inconsiderate certe agerent, qui statim mortem præforibus esse exinde judicare vellent. Aliud vero est, si viribus a nimio calore, vigilia assidua, inappetentia, anxietate dolore per plures dies fractis & exhaustis funesti eiusmodi spasmi,

mi, & ab iis oriunda symptomata, prodeant, maximeque iis temporibus, ubi morbus alias salutariter solvi solet, quod ordinario fit circa dies impares, septimum, nonum & undecimum. Postea magna semper est habenda ratio corporum, quæ ægrotant, & maxime æstimandum, utrum ex imbecilibus, an robustis sint; nam illa semper magis periclitantur, quam quæ constitutionis robustioris & validioris sunt. Imbecilibus vero ratione ætatis senes & infantes, ratione corporis structuræ, qui spongiosi, repleti, multisque & exilibus vasis instructi sunt, annumeramus, neque minus, qui a parentibus debilibus ac morbosis procreati sunt, it. qui præcedente morbo diuturno, vel immodicis sanguinis profusionibus ac diuturna inedia, vel animi affectu, mœstitia & cura, inquieta meditatione vires amiserunt. Referimus huc etiam puerperas, & qui ex vitiosa diætâ vitæque regimine & excretionibus suppressis ingentem impurorum humorum copiam intra vasa sibi contraxerunt. Nam in iis omnibus invalidis corporibus facile dolorum vel inflammationum ad mortiferum sphacelum transitus est. Postremo etiam illud adiiciendum puto, ut probe semper attendamus, num a causis quibusdam nocentibus, externis, per iram, terrorem, corporis refrigerationem, aut cibum perniciosum, vel per medicamentum vehemens & virulentæ indolis ea, quæ apparent symptomata, suscitata fuerint. Quæ omnia ita etiam sunt compara, ut in morbis in se periculosis & corporibus invalidis in mortalem perniciem ægros conicere mortemque accelerare possint. Si tamen in morbo minus periculoso, & corpore robusto, pernicialia eiusmodi ad sunt symptomata, non statim penitus sunt extimescenda. Postremo plurimum etiam refert ad prognosin feliciter instituendam, principia morbi invadentis probe expendere. Nam omnis morbus, qui statim in principio vires tollit, pulsu valde frequenti existente, nihil boni portendit; eo quod & infirmiores vires, & succorum impuritatem & pravam dyscrasiam sanguinis, clarius manifestet. Sed hæc de nobilissima hac materia dixisse sufficiant.

DISSERTATIO II.

DE

DVODENO MVLTORVM
MALORVM CAVSSA.

§. I.

DICTVRI de duodeno, idque mille malorum sedem adserturi, necessarium omnino arbitramur, ut, priusquam altius in ejus explicationem descendamus, paucis præmoneamus, in præsentī dissertatione minime id nobis esse propositum, ut hujus sententiæ autores nos profiteamur, quippe falso nobis hanc gloriam vindicaturi. Debetur hæc potius immortalis memoriæ medico Sylvio, qui ante aliquot lustra totam medendi scientiam truncam ac debilem adhuc principio quippe firmo stabilique destitutam, in amplio-rem decorem reposuit, & omnem fere curandi rationem hoc fundamento confirmavit. Is itaque fuit, qui primus omnium hanc viam vidit, visamque longius omnino persecutus est, & triumviratu humorum, bile, pituita, succoque pancreatico corpus regi professus, ac ex eorum temperie mixtioneque & clementi effervescentia non digestionis modo, sed ipsam quoque vitæ atque sanitatis rationem deduxit. Sicut e contrario ex horum etiam intemperie, & nimia eorundem abundantia vel defectu omnes omnium morborum causas imo sanandi rationem nasci contendebat. Quæ cum ipse, latius uberiusque in sua praxi persecutus sit, & speciatim *lib. praxeos p. 174.* persequatur, supervacuum nobis videtur, prolixius eadem enumerare.

2. FUIT itaque hæc *Sylvii* sententia, quæ, ut lucem adspexit, ingenti excepta est adplausu, primum quod nihil obscurum, imaginarium, & nihil de veterum somniis retinebat, deinde
(*Hoffm. Opusc. Patholog.*) Rr quod

quod ex ipsa rerum natura, velut ex fonte deducta, claro exploratoque insistebat fundamento. Eadem tamen, posteaquam altius examinari coepit, quam prius consecuta erat laudem, magna ex parte destituit, illius nævos, anatomia & physica denudantibus. Nempe enim minus latere poterat iis, qui hisce in studiis versati erant, impetu magis, quam diligenti ratione eo adactum fuisse *Sylvium*, ut *effervescentiam succorum*, uti loquitur, in duodeno adfirmaret. Quam opinionem ut argumentis tueretur, bilem pure alcalinam omnino adserebat, quod quam falsum sit, vel ex eo liquet, quod adfuso etiam validissimo acido, quale est spiritus vitrioli, illa non effervescat, in flavam potius ac mucilaginosam offam coalescens. Quod idem ex eo colligere licet, quod, ubi spiritum nitri, qui æque vehemens acidum est, adjeceris, idemtidem coaguletur, & viridi adsumto colore, quam lenissime commoveatur. Neque minus errasse videtur, quod succum pancreaticum, ceu acidum adseveraverit, cum anatomicis constet experimentis, hunc, quodcunque etiam alcali adfundas, nullo modo cum eo effervesce, nedum cum bile conflictari. Imo exciso pancreate vitam spiritumque incolumem manere animantibus, CL. BRUNNERS in *libello erudito de pancreato* demonstravit, quo unico experimento non mediocriter hæc SYLVII opinio adfligitur.

3. IN eo vero magnum errorem admisit, quod ex hoc triumviratu vitæ sanitatisque rationem explicaverit, & ex eodem universam medicinam tam theoriam quam praxin quasi a capite arcessiverit. Neque enim potentem satis esse hanc sententiam, plura testantur, quæ cum ad explicationem rerum naturæ & ad ipsum remediorum usum pertineant, minus tamen ex hoc principio derivari possunt. Ut enim taceam, de iis morbis, qui in certas ætates temperamenta familias & tempestates incidunt, satis superque constat, ex rabidi canis morfu, ex putrido miasmate pestis, dysenterix, luis venereæ, imo ex sola animi perturbatione gravia oriri mala, quæ sine præ-

prævia humorum corruptione ægrotantem conficiunt. Porro experientia confirmatum est, ex sanguinis abundantia, ejusque extra vasa secessione, item ex viscerum vitio & ægrotare plures & iisdem intercipi, cum manifesto argumento, graviter eum erraturum, qui in his morbis triumviratum culpæ accusaret. Quæ quidem omnia eo fine a nobis dicta sunt, ut adpareat, hanc SYLVII sententiam utilem alioquin, explicandæ toti medicinæ nunquam sufficere. Quanquam autem neque universalis sit, neque explicata satis: non contemnenda tamen observatio est, sed suam etiam utilitatem eamque amplam pollicetur, modo curam adhibeas, ne *Sylvium* secutus, nimium ejus fines extendas. In quo uti ille Vir erravit, ita tamen illius sententia probatur, & ita nos idemtidem probamus, quod plurimi ex chronicis malis in duodeno existant, ibidemque generentur. Et hoc quidem est, quod in præsentī dissertatione meditamur, hanc *Sylvii* sententiam, quæ fere exolevit, revocaturi & saniore eam sensu explicaturi. Natura nempe mortalium hoc quoque nomine prava & sinistra est, ut novas dictorum sententias, quæ aliquid utilitatis habent, minus recte intueantur, quippe primo cum impetu ad eas ruentes, mox, ubi effectus non responderit, easdem destituentes: adeo, uti in ceteris rebus mortalium, ita hic est arduum omnino, modum tenere. Quod idem fatum *Sylvi* sententia sustinuit, quæ ubi primum in lucem prodijt, avidissime excepta fuit, mox ubi non in omnibus respondit, (neque enim respondere poterat) eodem consensu destituta ac repudiata fuit; cum tamen revera, multum veritatis suo loco & pretio æstimandæ in medendi methodo hac in hypothesi occultetur. Nos itaque jam in eo occupati erimus, ut hypothesin a *Sylvio* primo propositam nostro vero tempore partim neglectam, partim suppressam vindicemus, & quasi ex tenebris in lucem revocemus.

4. EST vero hæc nostra sententia firma ac stabilis primum tenuium intestinorum, quod duodeni nomine venit, ab usu

& officio reliquorum intestinorum plane esse remotum atque distinctum, adeoque singularem considerationem mereri. Provida namque natura non contenta ventriculum superiorem & majorem condidisse, sed ipsi quoque adiecit ventriculum minorem, & quemadmodum in primo & majori ingestorum magis rudis & simplex fit solutio: ita in secundo & minori fit magis intimior & chymus plus elaboratur, miscetur & attenuatur. Sicuti vero hujus intestini usus maximi est æstimandus, ita ex adverso, si vitio laborat, si muneris sui obliviscitur, sedes ac diversorium & fomes fit multorum magnorumque morborum. Vt vero hujus adfirmationis veritas magis constet clariorque ea fiat, placet jam ex ipsis anatomicis paulo subtilius & diligentius duodeni structuram ac fabricam, & ex hac ipsum usum ejus æstimare.

5. NOBIS nempe, uti antea dictum, duodenum videtur parvus ac succenturiatus ventriculus, & magna digestionis alimentorum officina. Primum vero ventriculi requisitum est, ut gaudeat flexura sive curvatura & habeat fundum, in quo paulo diutius ingesta hæreant ac commorentur. In eo vero anatomici ferme omnes consentiunt, quod duodenum ab orificio ventriculi dextro incipiens insignem versus spinam repræsentet flexuram. RIOLANVS in *Enchirid. anatomic. Patholog.* duodenum ad spinam complicari dicit. Idem sentit BLANCKARD in *Anatom. p. 410.* duodenum, inquit, a pyloro versus spinam sub ventriculo excurrit, fere circa mesenterii centrum, deinde lumborum vertebri per ligamenta membranosa jungitur, atque sic ulterius ob brevitatem, nulla circumgyratione facta, circa renem sinistrum, ubi jejunum anfractus inchoantur, terminum consequitur. Eodem modo HORNIVS in *Microcosf.* duodenum, inquit, a ventriculo incipit & facto deorsum parvo flexu recta fertur spinam versus, cujus vertebri lumbaribus transversim incumbit fere circa mesenterii centrum. Et MÜNYKS *Lib. de re anatomic. p. 36.* hæc habet: tenuium intestinorum primum a duodecim digitorum mensura duodenum veteribus

bus transversim incumbit: ductum admittit biliarium, atque pancreaticum, habetque sibi annexam latiore pancreatis extremitatem. Vbi circumvolvitur, intristinum iejunum appellatur. VESALIUS in *Anatom.* p. 379. de duodeno hæc proposuit: ex humiliori orificio ventriculi, quod e sua elatiori & dextro ipsius laevi proxima consistit sede, principium intestinorum exoritur, illive orificio, ubi id crassiori sua substantia introrsum protuberat, continuatur, ut simul atque e ventriculo prodit in posteriora retortum sub sede ventriculi posteriore secundum dorsi dextrum latus recta deorsum proficiscatur, in nullos omnino anfractus revolutum. Errant itaque plures ex anatomicis, qui duodeni terminum ibi constituunt, ubi ductus biliarii, vel pancreatici in homine orificium in duodeno prostat. Rectius vero ibi finis est ponendus, ubi flexura duodeni desinit & in anfractus incipit convolvi. Vnde rectissime VERHEYEN in *Anatom.* p. 41. scribit: duodenum ab orificio ventriculi dextro initium habens, versus spinam reflectitur, atque in latere sinistro, ubi anfractus incipiunt, terminatur. Et optime quoque HORNIVS in *Opuscul. Anatomicis*: duodeni finis ubi sit non satis est determinatum apud Autores. Nam qui 12. digitorum longitudinem, a qua nomen habet, in eo reperiri volunt, non ad insertionem pori biliarii, respicere debent, sed potius terminum ejus in sinistris quærere, ubi jam in gyros volvi incipit intestinum. Et HIGMORVS in *Anatom.* p. 27. finem quoque duodeni statuit, ubi hoc in gyros incipit convolvi.

6. ALTERVM requisitum ventriculi est, ut ejus cavitas sit ampla & capax, jam vero utut capacitas duodeni longe minor sit ea, quæ in ventriculo deprehenditur; nihilominus multum reliqua intestina amplitudine superat. Vnde VESALIUS in *Anatom.* p. 379. verissime scribit: Duodeni pars sub ventriculi fundo, ad dorsum proxime adligata, inter disseccandum capacior, ampliorque reliqui intestini ductu occurrit. VESLINGIVS quoque laxitate & amplitudine insigni præditum asserit. Quod etiam DIEMERBROEK adfirmat p. 153. dum ait: quotidiana

*anatomica observatio ostendit, hoc intestinum non nunquam laxitate & amplitudine insigni præditum reperiri. Vehementer itaque errant illi Anatomici, ex quorum censu est Bartholinus, Bauhinus & Blanckardus, qui existimant, duodenum reliquis tenuibus crassius quidem esse, sed angustius. Deinceps quod duodenum gaudeat munere ventriculi vel ex eo innotescit, quod ejus textura, præsertim interna eadem sit cum ventriculo. Habet hic tunicam glandulosam ac villosam, ex qua continuo sudat atque distillat succus solvens fermentescibilis: eadem tunica visitur vel potius continuatur in duodeno. Hæc non separat liquidum ex intestinis, nam nullæ sunt viæ vel ductus patentes, sed potius secernit succum a sanguine similis indolis cum menstruo sic dicto ventriculi. Illud vero maxime memorabile, quod duodenum, præter tunicam glandulosam crustaceam, innumeris parvis glandulis instructum sit, quæ, separata tunica villosa, in nervea positæ sunt, & visui occurrunt. De hisce WEPFERVS in *Histor. cicut. aquatic. p. 190.* ita scribit: *in duodeno plurimas insignes glandulas ultra palmi latitudinem a pyloro divisim sparsas inveni, quæ detracta tunica fibrosa quasi conglomeratæ apparent, dimidiati seminis cannabini magnitudine, quæ aqua maceratæ mucum stillabant copiose etiam octavo adhuc post mortem die.* Harum glandularum inventor celebratur Clarissimus BRUNNERS *vid. Misc. Natur. Curios. Dec. II. ann. 5. p. 464.* Glandularum harum officium sine dubio non aliud est, quam ut lympham menstrualementem secernant atque in cavum duodeni infundant. Vltterius ventriculi requisitum præcipuum ac palmarium est, intimam dissolutionem ingestis præstare, eorumque nexum ac mixtionem solvere, & hæc solutio maxime viget in hujus fundo, ubi diutius hæerere solent contenta. Gaudet eo quoque privilegio & prærogativa imo majori noster ventriculus præ superiori: hic enim accipit tantum fermentalem succum ex tunica glandulosa ac villosa, ille vero præter hanc tunicam & glandulas speciales, obti-*

obtinuit peculiare quosdam insignes ductus, qui largo flumine fluida solventia magnæ activitatis infundunt. Influit nempe succus biliosus parciore quidem quantitate ex cystide, majori vero ex hepate & ejus ductibus biliariis, manifesto indicio, quod tanti succi copia & usum præstet egregium. Simili ratione ex magnitudinis eximiæ pancreatica glandula emergens ductus lymphæ solventis fermentescibilis ingentem quantitatem advehit: quod etiam de magno & singulari ejus usu testimonium esse potest. Perquam vero dignum notatu est, quod hi duo ductus in homine ambo concurrant & horum orificia in papillam definant, quæ directo fundo flexuræ duodeni superposita, quod sæpius in anatomia annotare mihi licuit, ut ex superiori loco sic guttatim in substratam chyli massam descendentes, mirabilis virtutis menstruum illud microcosmicum universale, vere balsamicum constituent, quod ex bile, quæ fluidum alcalino-sulphureum est, ac succo pancreatico tenuissimæ ac spirituosæ indolis compositum est.

7. IN ventriculo tantum fieri solet ingestorum dissolutio, nulla vero separatio vel secessio fluidi ad sanguinem, unde omnium consensu ventriculus lacteis vasis est destitutus. Simili modo in duodeno nullæ viæ vel venæ lacteæ observantur, nihil itaque separatur, quod fit in aliis intestinis, præsertim in ieiuno, & eum quoque in finem mesenterium non pertingit ad duodenum, cui alias cetera tenuia adhærent, & quod fulcrum non modo solet esse vasorum lacteorum, sed & liberiores transitum ipsis præbet, potius duodeni interstitium occupat inferior & eminentior pars pancreatis cum mesenterii centro, quod vertebriis firmiter alligatum. Centrum vero mesenterii dicitur, ubi ex aortæ trunco arteria in mesenterium fertur, ubi etiam plexus insignis nervosus ex spinali medulla ad mesenterium ac intestina prolabitur, nec non ex trunco venæ portæ ramus dexter ad mesenterium abscedit.

8. HÆC omnia adducta clarissime evincunt, iure meritoque duodenum quod dicitur, in classem magis eorum, quæ
ventri-

ventriculi nomine gaudent referendum esse, quam in numerum intestinorum, quæ magis vacant secretioni quam digestioni. Et certe non leve occurrit dubium, an non in duodeno ceu ventriculo succenturiato plus vigeat digestionis negotium, quam in ipso primario, ubi cruda modo & rudis saltem solutio videtur peragi: in nostro vero fit magis intimior, ciborum massa hic magis elaboratur, rectificatur, maior partium attenuatio, & maior spirituascentia locum invenit. In ventriculo succus tantum lymphaticus cum reliquiis ciborum acidulis præsens est; in nostro vero præter hunc succum affluit adhuc alius penetrantis & activæ naturæ, qui longe excellentius, tenax viscidum pingue, quod est in ciborum massa, diducit, dissolvit, & se intime cum ingestis miscet, quod vel ex solo flavo excrementorum colore abunde apparet. Hoc vero consideratione maxime dignum est, nullum dari ex animantibus, quod destitutum sit hac intestini flexura, sive quod non gaudeat parvo illo & succenturiato ventriculo. Nullum quoque datur animal, ubi non succus biliosus in vasto hepatis viscere genitus, in magna copia affundatur duodeno, perspicuo argumento, naturam prudentissimam maxime omnium occupatam esse, ut hanc essentialem corporis partem, & ad vitam ac sanitatem tuendam summe necessariam recte construeret ac efformaret. Unde facillimum est iudicatu, quantus usus sit huius prænobilis partis, quantumque eadem ad universam corporis œconomiam tuendam conferat. Et quemadmodum usus amplissimus & longe maximus est illius; ita etiam si vitium vel defectus in illud incidit, si intemperie menstruales succi laborant, si debitus tonus huius eximie partis læsus vel destructus fuerit: magna inde turbatio in universa corporis œconomia & ingens malorum proventus exsurgit. Præsentis igitur instituti maxime omnium erit, inquirere, quomodo in hoc intestino ceu parvo ventriculo plurimæ causæ morbificæ, si præter naturam est adfectum, elaborentur & prognerentur. Et in eo laudandi quoque mihi

Helmontius & Sylvius videntur, qui urgent maxime in scriptis suis, scaturiginem plurimorum morborum ibi ponendam ac quærendam esse.

9. DIXIMVS in superioribus, omne principium morborum materiale, quod causæ morbificæ nomine venit, non in humoribus, qui jugi intra vasa feruntur circulo, locandum esse, utpote humores nunquam nocent debito motu provoluti: nam hac ratione, non modo a corruptione alieni manent, sed & nullam partem laceffere vel lædere sufficienter possunt. Quapropter ut humor a naturali sua indole deficiat, ut alienus fiat & corrumpatur, ut denique corporis partem lædat atque offendat, opus est quiete, opus est stasi ac stagnatione. Jam vero nulla pars in universo corpore nobis videtur aptior ad stagnationem, ad corruptionem fovendam, atque consequenter ad generationem causarum morbificarum, quam ea pars, quæ flexuram habet, quæ ventris nomine venit, in qua propter flexuram diu hædere ac subsistere possunt humores, in quam classem jam præter ventriculum etiam referendum est duodenum. Solent enim humores maxime corrumpi & a natura blanda ac amica in inimicam nocentemque primo sola stagnatione, deinde aliarum heterogenearum rerum mixtione degenerare.

10. ALIENAM plane indolem & virulentem naturam mora induunt humores, ita etiam bilis, si quies ipsi concessa est, maxime effertur. Inde iam olim atro carbone notata fuit ab HIPPOCRAT. de Natur. human. p. 282. qui ita sentit: *viridis bilis juxta hepar manens ubi superebullit, humani corporis corruptio est ac noxius atque inutilis corporis humani inquilinus.* Non aliud hoc loco intelligitur, quam quod bilis, ex stagnatione in duodeno ductibus biliariis corrupta, corpori nostro sit nocentissima. Similis locus hac de re extat Lib. de Medic. veter. p. 34. qui hic est: *cum amaritudo quædam diffusa fuerit, quam bilem flavam adpellare solemus, quales statim anxietates & æstus & impotentia occupant; verum ubi liberati*

(Hoffm. Opusc. patholog.)

SS

berati

berati fuerimus ab illa & repurgati, aut sponte, aut per medicamentum, si modo tempestive quid ipsorum fiat, manifesto & a doloribus, & a calore liberamur. Quando autem tempore eodem elevata fuerit, & cruda est meraca ac intemperata, nulla arte neque dolores neque febres sedaveris. Et quos quidem acuta acrisque ac æruginosa bilis affligit, eos mox rabies & morsus viscerum ac pectoris corripit desperatio? Non sedantur autem hæc, priusquam eadem expurgetur & prosternatur, & aliis permisceatur. Qui elegantissimus locus abunde declarat, quam graves affectus corruptam bilem soleant consequi.

11. PRIMVM vero sermonem facere placet de bilis præternaturali stagnatione, ad quam non modo bilis segnities, & defectus partium salino-sulphurearum in illa, sed & tonus & motus peristalticus huius intestini labefactatus plurimum contribuit. Deficiente enim hoc motu peristaltico bilis, quæ continuo effluit, ingenti in copia ad accumulata & congesta in hac parte, mirifice intestinum distendit, qua de re notari meretur locus ex DIEMERBROECK p. 53. in *Anatom.*: quotidiana, inquit, anatomice sectiones docent, hoc intestinum non nunquam amplitudine insigni præditum reperiri, atque tunc maiori a succis fermentaceis acrioribus vitiosis in illum delabentibus, hincque validis inductis fermentaceis effervescentiis, a quibus non solum ipsum valde distenditur; verum etiam molesti rugitus, magni dolores, lancinationes, summæque anxietates in viventibus oriuntur. Ita *Miscell. Natur. Curios. Dec. II. ann. 2. pag. 186.* observant, in cachectico vesicam biliariam hepati annexam, bile plane vacuam; intestinum vero duodenum, humore bilioso repletum adeoque dilatatum fuisse, ut quasi bursum referret, qua humoris libra ad minimum contineri potuisset, cum enim sectione præpropere aperiretur, plusquam dimidium humoris crassioris e flavo nigricantis effusum, & nihilominus in ipso superfuisse 12. amplius cochlearia. Sæpissime accidit, bilem in duodeno plus justo accumulari & ipsa

ipsa stagnatione & distensione multa pathemata excitare, videlicet dum intestinum vehementer distenditur, non modo tunicae, quæ exquisito sensu pollent, affliguntur, sed & rami plexus mesenterici tenduntur, nec non, vasis sanguineis compressis, congestio sanguinis fit circa truncum venæ portæ & initium arteriæ meseraicæ: sequitur hinc fixus in lumborum prima vertebra dolor, præcordiorum anxietas, appetitus dejectio, somni & virium defectus, alvique adstrictio. Observavimus sæpius, eiusmodi pathemata in corporibus imbecillioribus, in feminis, quibus menses defecerant, hypochondriacis, in intermittentibus præpostere suppressis, in diætæ aberratione, præsertim post iracundiam. Et tali in casu parum efficiunt stomachica carminativa, absorbentia, laxantia, multo minus anodyna, quæ potius noxiosissima observantur: sed optimo consilio, emetico cum cautelis administrato, oportet primam regionem a succis biliosis stagnantibus deplere. Dum hæc scribimus, occurrit nobis casus viri in hac civitate honestissimi, qui paulo imbecillioris naturæ, per vitam sedentariam & continuos labores, quos ratione officii laudatissime administrat, ingentem humorum impurorum copiam circa primas vias colligere solet. Is si ventriculus plus iusto alimentis difficilioris solutionis aggravatur, premitur anxietatibus, circa præcordia angustiiis, phlogosi, dolore circa scrobiculum cordis & circa latus dextrum; cibos porro respuit, corpus lassatur, somnus parvus, & flavo scædoque colore tingeritur cutis, & hæc symptomata sæpius recurrunt. Rhabarbarina cum abstersivis salibus & aperientibus mixta, non inutilem locarunt operam, sed paulo tardius curam confecerunt, quæ plerumque ad tres septimanas extendebatur. Hæc ante paucos dies a nobilissimo ægroto mihi expositas, me fallere non poterant, quin re probe pensitata atque examinata judicarem, stagnationem biliosorum humorum in duodeno, maxime in causa ac culpa esse. Unde lenissimum emeticum ad saburram horum humorum expediendam porrigebam. Æger, qui præcedente nocte

integra vehementissimis cruciabatur symptomatibus sine omni somno, altero mane sumit emeticum ex gr. j. tartari emetici soluti in aqua menthæ: mox quatuor vomitibus mensura imo ultra bilis crassæ, obscuro flavæ viscidæ in vas stanneum rejicitur, quos vomitus subsequantur quatuor alvi dejectiones. Hac peracta operatione simul & semel cessant symptomata, appetitus cum somno redit, anxietates omnes remittunt, & cum morbo redit in gratiam. Quæ unica morbi historia nos edocet, quam insigni efficacia sit emeticum, si mali causa delitescit in primis viis.

12. DEINCEPS bilis in duodeno stagnatio alvi excitat tarditatem; meretur enim notari, quod, si motus peristaltici defectio sit in primo intestino, reliqua etiam una patiantur, ut tardior fiat contentorum progressio. Accedit quod bilis ceu stimulus intestinorum retenta, difficiliorem contentorum progressum per intestinorum anfractus efficiat. Confirmat hoc ipsum inter alia observatio, quæ extat in *Miscell. N. Cur. loco citato*. Præterea in duodeno subsistens cum liquore pancreatico atque ingestorum mucosus flatus excitat, qui lumborum dolores atque anxietates movent, & nephriticam colicam imitantur. Elegans hanc in rem est *Observatio* 57. PECHLINI qui inquit: *obliquus assurgens tenuium illa pars lienem versus acutiusque inde reflexa vel situs ingenio efficit, ut diutius ibi hæreat, quicquid justo viscosius allabatur, sive pituita sit, seu lymphæ pancreatica sive bilis seu denique flatus*. Periclitatur autem quam maxime hic locus in foeminis, ut quæ asotica horæorumque fructuum ingluvie cruditatibus fermentationibusque flatulentis copiosam ministrant materiam, in illa imprimis corporum per balenatios, imo & ferreos thoraces stricture. Equidem cum succi importunius effervescentes spatium requirant solito maius, in quo libere se expandere possunt, accidit, ut compresso illo hypochondriorum angulo, quem dilatari oportebat, & succi & flatus ibi hæreant & fixa sede novis corruptelis & fermentationibus viam aperiant.

riant. Eodem modo distensio duodeni a flatibus producere solet fixum dolorem chronicum in lumbis, id quod suo tempore jam notavit Sylvius; qui dolorem, lumbos quasi perte-
rebrantem, in eo loco fieri existimat, ubi confluxus bilis & succi pancreatici existit. Notum est febrilium insultuum initia plerumque fieri cum dolore fixo lumborum, eo in loco, ubi centrum mesenterii vertebris alligatum est, cui validis & firmis membranis cohæret quoque duodenum, unde non mirum, violenta expansione harum membranarum, exquisitissimi sensus expansione facta, vicinos nervorum plexus ad spasmos sollicitari. Porro stagnant tam solida quam liquida in ventriculo & duodeno, si spasmodice hoc intestinum constringitur, quo fit, ut omnis transitus ad reliqua intestina præcludatur. Experientia quotidiana constat, alimenta tam solida quam liquida ante triduum assumpta magna in quantitate ejici, imo ebrios sæpius post duodecim horas miram liquidi assumpti quantitatem reddere: qua de re eximium locum habet HELMONTIVS *Lib. de febr. cap. X. Si pylorus, inquit, nimia errat strictura, potus ibidem nonnunquam toto triduo perseverat, atque tandem plus unico vomitu rejicitur, quam per biduum sit assumptum.* Hæ spasmodicæ constrictiones efficiunt, ut non modo humores corrupti sed & flatus subsistant in hypochondriacis & hysteriis, unde in febrilibus insultibus anxietates, inquietudines, oppressiones spiritus, dolores circa scrobiculum cordis, circa lumbos, nausea vomitusque exoriantur. Et hæc strictura duodeni icterum sæpissime efficit, dum nempe crispatura & fortiori contractione tunicarum duodeni ductus cholodochus, qui itinere obliquo ferme digiti minoris longitudine transit, coarctatur vel comprimitur, ut sic minus descendere bilis ad duodenum possit, unde restagnans bilis tam in ductibus biliariis, quam in cystide, non modo dolores & spasmos efficit, sed & per vasa lymphatica in sanguinem rediens foedum illum flavumque colorem externo corporis cortici adspersat.

13. SVNT plures alii affectus, qui ex intemperie & corruptela bilis & succorum confluentium in duodeno præparantur; uti sunt febres præsertim intermittentes omnes, inprimis tertianæ continuæ, lentæ, ardentes, cholericæ, variolæ, morbilli, diarrhœæ, dysentericæ, cardialgiæ, tussis graviores chronicæ, arthritides, dolores vagi & huius generis plura. Corrumpuntur vero humores in hoc loco non tantum stagnatione, sed & commixtione cum aliis succis excrementitiis impuris, qui ad bilem redundant & succos ibi hærentes vel ex ventriculo vel ex massa sint sanguinea. Ex ventriculo sæpe acidi, pontici, corrosivi ex alimentis ejus naturæ vel ex diuturna maiora ibi geniti humores ad duodenum transeunt, cum bile miscentur & ibi moram trahentes biliosum balsamicum humorem mirum in modum deiiciunt atque deturpant. Bilis vero admixtione eiusmodi acidi non tantum coagulatur, & corrosiva evadit, sed colore etiam suo mutato, æruginosum ac viridem habitum induit. Talis in duodeno existens, rosione & vellicatione in vicinis partibus tam ventriculo, quam intestinis sensibilibus graves dolores, tormina spasmodicas, crispaturas in infantibus facillime convulsiones & epilepsiam suscitatur. Malum itaque signum est, si in hisce excrementa descendunt viridi colore tincta, quæ sæpius tam corrosiva sunt, ut lintheamina inde effusa atterantur. Ab eadem bile æruginosa stagnante tussis stomachales chronicæ & ferinæ, non modo in infantibus sed etiam adulatoribus oriuntur. Eademque sæpe intermittibus & hypochondriacæ affectioni se associant, quo in casu omnia dulcia, pectoralia plus damni quam emolumenti afferunt; & talis tussis, tam de die quam de nocte subinde recurrens, certas periodos servare solet. Infringitur enim quodammodo acidum corrosivum, alimentorum succo adfluente, quo minus graviter subiectas partes vellicare possit. At ubi hic succus recedit, in reliqua membra diductus, relinquitur corrosivum, quod, priore impetu resumto, tenerrimas membranas duodeni flatibus distentas, corripit quæ dein in consensum trahunt diaphrag-

phragma plexus mesentericos stomachales, pnevmonicos & sic violenta fit tussis, quandoque cum vomitu & suffocationis metu, propter sequestrationem & affluxum feri viscerum in bronchia pulmonum. Tales ferinas tusses brevi tempore felicissime solo pulvere ex lap. cancror. composito curavi, adiecto oleo anisi, pro dosi drachmam unam binis de die vicibus offerendo. Infantibus hoc adfectis malo leniora emetica, it. infusa rhabarbarina cum manna colluviem istam viscido biliosam detrahendo insignes ferunt suppetias.

14. TALIS caustica bilis in flatus resoluta sæpe in remotis partibus atrocissima producit symptomata. Notabilis est *Observatio River. Cent. 2. obs. 8.* Dolor acerbis singulis noctibus affligebat post primum somnum, incipiebat in latere sinistro, & ad anteriorem partem thoracis & posteriorem ad latus sinistrum & scapulas extendebatur, tanta vehementia, ut subito excitatus in nulla decubitus forma consistere posset. Perseverabant isti dolores usque ad matutinum tempus & tunc temporis quiescebant, tota die non amplius apparentes. Optime judicat Riverius, causam esse flatus, qui ex illuvie pravorum crudorumque humorum in primis viis, ob pravam victus rationem congestorum, a calore intensiori facto in somno oriuntur. Sæpius notavimus in plethoricis, & qui avidius comedunt, quod certis horis in somno post factam digestionem expergiscantur, magna cum anxietate, angustia circa præcordia & quasi metu suffocationis, quibus venæ sectio, emetica & abstinencia a coena præsentissimam opem attulerunt. Quandoque etiam effectus pravorum istorum succorum in duodeno primisque intestinis stagnantium usque ad caput se exerunt, & cephalalgias, vertiginem, torporem omnium sensuum, imo apoplecticos insultus ibi machinantur. Vomitus bilis, quæ instar aquæ fortis ebulliebat, fuisse causam hemicranie *Borell. Cent. 2. obs. 1.* testatur. *Laborabat, quidam tertiana & gravi capitis dolore pungente ac lancinante, dimidiam capitis partem occupante, vomitorio sumto ejecit libram*

bram unam bilis porraceæ & rursus pari quantitate, sequenti accessione reddita, omni capitis dolore liberatus fuit vid. River. Cent. 1. obs. 27. Nuper generosus Vir hic locorum post sanguinis detractionem liberalius per aliquot dies vino semet invitare coepit, adsumtis etiam subinde ostreis aliisque, quæ difficiliter concoquuntur. Inde languere primum coepit, mox paulatim senescente adpetitu, ipse super mensam, cui conviva adhibitus fuerat, subito summo præcordiorum æstu corripitur. Sequitur vehemens frigus torporque & animi defectio, omnibus insuper sensibus velut extinctis. Injecto clystere alvus sexies dejicitur, & inde parum allevatus, post paucos dies lectum reliquit, mox eodem adfectu, quamvis mitiore, in convivio oppressus, & ciborum fastidio & virium languore eidem adhuc adhærentibus. Tandem deprehensa mali causa, lene obtuli emeticum; quod ubi adsumsit, ingentem viscidæ materiæ viridisque bilis per superiora & inferiora rejecit, exhausto inde mali fonte præsentis periculo exemptus cum gaudio in hæc verba erumpebat: *Es ist als wenn ich neu geboren wäre.* Neque dubium est, quin omnia hæc symptomata a bile porracea, ventriculi orificia irritante, orta fuerint.

15. VERTIGO quoque, æque molesta passio in hoc duodeno domicilium sedemque sibi constituit. Et inde est, quod jejuno ventriculo cum nausea orisque amaritie hic adfectus corripiat, sicuti idem contra, adsumtis cibis, mitigatur. Ex vitio etiam stomachi epilepsiam adnotavit Galenus, non sine conjectura, bilis in duodeno nostro velut in cubili delitescens. Memorabilis quoque morbus est, quem ex eadem causa profectum ante aliquot annos habui, qui sic est. Comes quidam ex Saxonia, turbato statu perterritus, huc concesserat. Is in consilium me vocans conqueri coepit de adfectu gravissimo, quo per annum fere laboraverat. Ipse alioquin plethorico-cachymicus erat, quem habitum ex diuturno mœrore, victus vitio vitæque sedentaria sibi contraxerat. Itaque hic singulis

lis fere noctibus circa horam tertiam & quartam acerbissimis doloribus excruciabatur, qui circa umbilicum primum emicabant, mox hanc regionem emensi ad dorsum, novissime ad ipsa præcordia inclinabantur, ita constricto ægro, ut jam jam strangulandus extrema meditaretur. Accedebat summa anxietas, sensuum torpor, sæpe etiam epilepticæ contractiones, & hæc symptomata, ubi alvus adstrictior erat, omnia intendebantur. Clysteribus carminativis & clementer laxantibus imo emetico subventum ægro fuit, quæ remedia mirifice levarunt illum, quamvis ipsum malum, quod nimis altis radicibus infederat, non expugnare potuerint.

16. APOPLEXIAM porro sæpe in ventriculo & duodeno generari, præter frequentes observationes Helmontius testatur, solerter hanc illius mali latebram subodoratus. Aperte enim scribit in libro, in quo morborum sedem in anima sensitiva ponit, recentem apoplexiam sæpius vomitu rebusque aromaticis se curasse. Quod identidem confirmat *Cl. Wedelius in pathologia dogmatica, p. 135.* clarissime testatus, tegularium Jenensem, qui in apoplexiam inciderat, adhibito remedio plenissime fuisse restitutum. Nempe crebra experientia loquitur, quod, qui sanguinis alioquin abundantia laborant, circa æquinoctia tempore plenilunii & hiemali, ex iracundia vel intemperantia, apoplectico insultu opprimantur, adfectum sæpe præcurrente vomitu, sæpe eundem concomitante, qui tamen tetro atroque colore tinctus adparet.

17. Ex hac colluvie humorum, qui in ventriculo ac duodeno accumulati sedent, alia quoque ac graviora mala descendunt. Inter quæ primo loco ponimus lentas febres, quæ ex intermittentibus, sæpe etiam ex acutis generantur. Nempe ubi illæ, nimis festinanter, nec expurgatis ante primis viis, adstringentibus, ex quorum censu china china est, sistuntur, tunc colluvies sordida, intra ventriculum detenta, facile gravioribus malis præbet occasionem. Quod identidem accidere potest, si post acutum atque diuturnum

(*Hoffm. Opusc. patholog.*)

Tt

mör-

morbum avidius cibi adsumuntur, quibus digerendis, cum ventriculus morbi vehementia debilitatus minus sufficiat, non potest aliter fieri, quam ut materia novo morbo præparetur. Ex horum numero, uti diximus, sunt febres lentæ, quæ hisce signis adpropinquant: vexat corpus calor lentus cum pulsu celeri & frequenti, adest lassitudo languorque virium, sudor nocturnus, & corporis macies. Vbi igitur originem hujus mali recte cognovimus, facile videmus, minus convenire in hoc adfectu refrigerantia, quæ adeo non juvant, ut potius perniciem ægrotis adferant. Tentanda potius cura est salibus absterlivis & lenioribus emeticis, laxantibus & amaris medicamentis, quæ in hoc malo unicum præsidium ægrotis pollicentur.

18. HACTENVS quidem dictum a nobis, quomodo bilis per stagnationem admixtoque eidem acido vitiata graves multosque morbos excitare possit, jam instituti ratione adacti de eo solliciti erimus, ut quæramus, quomodo naturalis ejus constitutio ac crasis ab aliis admixtis partibus retexi ac corrumpi possit. Itaque omnino recte statuimus, maxime id fieri a suppressione aliarum excretionum & præsertim transpirationis. Jam primum satis constat, quam salutaris, quam necessaria vitæ sanitatique sit hæc per cutem evacuatio, quippe quæ universi corporis ac sanguinis emunctorium recte appellatur. Per hujus nempe poros omnia exspirant, atque exhalant, quæ superflua & inimica naturæ a vitali sanguinis circulo velut purgamenta rejiciuntur. In hoc censu est principium salino-sulphureum, subtile aereo aqueum, quod ubi intra corpus retinetur, fontem nostræ vitæ sanguinem nempe facile inficit, atque corrumpit. Inde est, quod hac expiratione interclusa, plures gravissimique morbi prodeant, maxime omnium febres cujuscunque generis, & quæ cum exanthematibus criticis conjunctæ sunt.

19. RATIONEM vero hujus rei ut reddamus in genere adnotandum est, ab inhibitis excretionibus humores corporis nostri

nostri maxime lædi, idque inprimis accidere ab intercepta transpiratione. Vbi enim acerrimæ fordes exitum non inveniunt, occlusis poris, in corpus inclinatæ ad lympham atque bilem redeunt, quæ inde alienam plane naturam fortitur. Atque hæc corrupta hoc modo, ubi in intestina delabitur, ibique non mature eliminatur, sed subsistit & stagnat, ipsa mora deterior adhuc reddita, immutata magis schesi illius, seminarium existit morborum præsertim febrium. Vnde non sine ratione judicamus, in duodeno periodicorum morborum maxime febrium semina delitescere, hac in re merito *Clarissimo Medicorum pari Sylvio Helmontioque* accedentes. Quorum ille passim in scriptis suis hoc argumentum tractat, duodenum ceu sedem multis morbis adsignans, hic autem *l. de febb. cap. 17.* diserte hæc ipso veritatis stylo consignavit. *febris, inquit, habet virus, quod circa pylorum & paulo infra hunc hospitatur. Et cap. X. n. 3.* hæc scribit: *nidus febrium est in primis officinis, extenditur scilicet a pyloro ad duodenum.* Consentit huic sententiæ magnus Galliæ medicus FERNELIVS, qui *lib. 6. c. 7.* nidum intermittentium circa stomachum, duodenum & pancreas adserit. Harum igitur febrium sedes recte in duodeno constituitur, siquidem ex corrupta lymphæ & bile velut in officina hic adornantur. Præcedit plerumque transpiratio suppressa, plethora, robur ventriculi ac intestinorum ex intemperantia debilitatum, quibus rebus corruptio hæc maxime adjuvatur. Si enim transpiratio non respondet, bilis sordibus commixta vitium capit, eademque si tonus ventriculi segnescit, intra intestina detinetur, deficiente natura ad eam excernendam. At ubi subsistit & corrumpitur, non in hac solum regione tyrannidem exercet, sed ad sanguinem delata novam malorum scenam pandit, membranaceas nerveasque corporis partes variis spasmodicis doloribusque adfligendo.

20. DIXIMVS supra, intermittentium præsertim tertianæ sedem in ventriculo & duodeno esse, id quod & ipsa sym-

ptomata confirmant, quæ hos adfectus eosque incipientes comitantur. Principio enim harum passionum flatus duritiesque abdominis, dolor dorsi fixus, nausea, præcordiorum anxietas & inquietudo exercent. Mox remittente frigore, accedit vomitus, color faciei flavescit, corpus calore exæstuat, siti nullo liquore restinguenda ora exuruntur, urina fertur flammea, & quod a purgantibus per alvum dejicitur, flavissimum colorem repræsentat. Junguntur sæpius biliosi vomitus, interdum etiam visceri & ab adsumta china chinæ, præsertim in iis corporibus, in quibus duodenum bilis abundantia turgēt, alvus sæpissime biliosa descendit. Cujus rei hæc omnino ratio est, quod hoc remedio tonus intestinorum languescens alioqui restitutus motum identidem peristalticum augeat, fordes, quo pollet, robore expellentem. Nonnunquam icterus se adsociat, bile ad sanguinem, a quo salutari modo antea rejecta fuit, redeunte. Magna hæc omnino symptomata intermittētibz, majora utique tamen eadem sunt in tertianis continuis, & gravius utroque malo in ardentibus, quas causonas Græci vocant, intenduntur. In causa enim bilis acerrimæ copia infesto stimulo membra exagitans, & inde est, quod omnia, quæ bilis acrimoniam eluunt, quæ ejus stimulos obtundunt, quæ primarum viarum fordes abstergunt, hisce morbis unico adjumento sint. Ejusmodi sunt leniora emetica, nitrosa salina & absorbentia, quæ in ejusmodi morborum cura merito suo celebrantur.

21. ET hæc quidem remedia in omni ejusmodi passione avidè amplectenda sunt, minus tamen sufficiunt, si pertinacius intermittētes insistant exemplo quartanæ. Hic enim pertinacia mali remediis non cedens altius radices jam egisse, & in ipsis visceribus resedisse adfectum indicat: siquidem manifestum inde est, hepar, pancreas & lienem obstructione laborantes, succum tam biliosum quam pancreaticum continuo rivulo intestina subeuntem, corrumpere, fomitem mali inde subministrantem. Itaque ubi ejusmodi casus incidit, non satis

tis est, dictis remediis ægrotantem tractare, sed validiora adhibere oportet, quem in censum referenda aperientia fortiora, salia, & quæ ex rhabarbaro, ex marte mercurioque dulci constant medicamenta. Neque tamen removenda interim sunt emetica, quæ sæpius etiam in ipsa viscera, sordes in iisdem detentas expellendo penetrant. Laudem proinde invenit pulvis Riverii felicissimi practici, qui, cum & per alvum & vomitum vim suam exerat, hisce morbis egregie opitulatur, quippe hoc vel centies quartanam sustulisse passim in observationibus suis, quas ideo legendas commendamus, attestatur. Eandem curam desiderant febres intermittentes, quæ circa tertium subinde diem exasperantur, quippe & hæc idemtidem ex bile acri corruptaque nascuntur. THONNERO *lib. 1. obs. 1. p. 10.* id ipsum comprobante.

22. Contemplati igitur febrium naturam ac ingenium, ad eos morbos accedimus, qui per exanthemata sese manifestant. Placet vero primam nominare purpuram, morbi genus, quod aliis regionibus parum notum, longe lateque in hisce terris dominatur. Idque aliis maxime morbis, iisque jam fere inclinatis jungitur, non aliam ob causam, quam quod exsiccatis per febrilem fervorem intestinis, alvo idemtidem exarescente, materia corrupta biliosa in primis viis minus corrigatur, quæ tandem magis corrupta nec per medicamenta rejecta cum sanguine miscetur, & hocce malum molitur. Eam, quam proposuimus, causam vel illud etiam confirmat, quod purpura sæpe accidere soleat, si diutius alvus adstricta fuerit, neque clysteribus neque mollioribus laxantibus exsoluta: eadem quoque infantes sæpe invadit cum vomitu, diarrhoea, feбри, tussi & dentitione difficili. Adest præter hæc mala immodica sitis, præcordiorumque anxietas & vigiliæ. Nascitur etiam hoc malum ubi venæ sectio, cui alioquin adfuevit aliquis, per tempus fuit intermissum, & finitur maxime purgatione, ideoque sedulo in hoc adfectu providendum, ut alvus semper respondeat.

largum de nocte sudorem fundunt, sunt, qui matutino tempore id patiuntur, dantur etiam, qui singulis annis chronica purpura laborant, cum non obscuro indicio vitii in hepate & bile defidentis. Juvat itaque in ejusmodi casu, per vomitoria & laxantia clementiora inire curationem, quippe quæ medicamenta optimam locant operam, siquidem & hoc malum a bile acri stagnante sæpe proficiscitur. Simili modo perpetuos sudores cum pruritu curatos fuisse, solertissimus vir P. BORELLVS *cent. 2. obs. 36.* adnotat, adhibito nempe vomitorio & abstinencia a vino.

23. IPSA porro arthritis & podagra in hoc chronicorum morborum stabulo defidere videntur. Adoritur nempe hic adfectus hypochondriacos & debilioris naturæ homines, qui velut hereditate quadam laxam mollemque membranarum texturam acceperunt. Hi itaque maxime proclives ad hoc malum sunt, præsertim verno & autumnali tempore, quia hisce tempestatibus, propter aeris inæqualitatem varietatemque transpiratio maxime læditur, salibus inde tartareis, quibus ejusmodi corpora scatent, segnius per urinam procedentibus. Unde hæc, exitu ipsis intercluso, ad humorem biliosum & salivalem pancreaticum confluunt, primam regionem variis malis divexando. Talia sunt flatus, præcordiorum dolor, alvi segnities, dolor circa lumbos oberrans, febrili motu simul concomitante. Quod vero in primis viis causa mali lateat, vel exinde adparet quod leniore sæpe emetico sub adventum mali dato, adfectus si non supprimatur certe mirifice adlevetur. Eleganter hanc in rem diligentissimus Hippocratis Commentator MARTIANVS: *in arthriticis*, inquit, *doloribus, ob acorem in ventriculo peccantem, a doloribus correptos memini, qui ab iisdem liberati vel levati fuerunt, ubi acida evomuisse.* Quod idemtidem comprobatur Sylvius, aperte scribens, hanc curam per vomitionem utilissimam arthritidi, multisque eandem a se confirmatam experimentis. Imo eadem ratione non paroxysmum tantum imminuentem sublatum,

tum, sed & novi impetus semina extincta fuisse, idem eodem loco scriptum reliquit vid. p. 736. Adsentitur huic HILDANVS *centur.* 6. *obs.* 84. Vomitorium principio podagræ datum omnem dolorem absumere legimus. Ipse quoque in notis ad Poterium observavi, in principio exhibitum vomitorium impetum arthritidis retudisse, idemque altero die repetitum similem effectum præstitisse. ALPINVS in *Medicina Ægyptiorum* p. 110. observat, multos se vidisse, qui cum a podagra calculique doloribus excruciatii fuissent, crebro usu vomitorii egregie adjuti fuerint.

24. SOLENT etiam ab iracundia multa atque graviora mala oriri, non alia de causa, quam quod bilis copiose in duodenum ex ductibus biliariis effusa, genus nervosum membranasque graviter adficiat, multa inde mala excitando. Si enim nimium redundat bilis, neque per alvum, neque per vomitum rejecta, multas anxietates, oris amaritiam, nauseam vomendique conatum & alia mala creat. Profunt igitur in hoc adfectu absorbentia, rhabarbarina, leniora laxantia & emetica, spirituosus salibus volatilibus infusisque calidis diligenter evitatis.

25. ERYSIPELAS, variolæ, hæmorrhagiæ, aphtæ, diarrhœæ, adfectus hypochondriaci & hysterici, febres malignæ petechiales eandem sedem agnoscunt, duodenum nempe, siquidem in hoc ex bile lymphæque putridæ stagnatione oriuntur. Unde & illud fuit in praxin, primæ regionis rationem maxime esse habendam. Quod argumentum cum latius uberiusque sim complexus in *dissertatione de bile medicina & veneno corporis*, nos brevitati consulturi, ampliori explicationi supersedemus, ad illam dissertationem lectorem remittentes.

26. QVOD praxin & viam medendi attinet morborum, qui in duodeno & prima regione sedem fixerunt, facile ex dictis apparet, emetica diligenter præparata & prudenter exhibita hisce morbis unice auxiliari. Emetica sunt generosa & valida remedia, quorum virtus fere omnibus reliquis medica-

dicamentis præferenda. Et si medicus solidi quid præstare potest, certe emeticis id efficere valet. Sæpe enim unico remedio magnus tollitur in principio morbus, & qui emeticis non utitur, nec iis recte uti novit, ille nostra quidem sententia veræ praxeos ignarus est. Opus est vero emeticis, si ventriculus & duodenum impuris humoribus scatent, ut statim in limine materia peccans ejiciatur. Perniciosum enim est, per tam longum intestinorum canalem & per inferiora evehere, cum ad sanguinis massam facilius pertransire possit. Et quod maximum est, purgantia pleraque materiam, in ventriculo & duodeno stagnantem non aggrediuntur, nec commovent, nec promovent; sed in hisce partibus parum operationis exercent magis intestina tenuia excitando. Ratio ex ipsis anatomicis potest peti: gaudet, uti notum est, ventriculus & duodenum crusta glandulosa, sub qua nervea jacet, per quam minus penetrare purgantium spicula possunt & nerveam pungere, utpote quæ fixioris & minus vehementis sunt indolis: melius autem ipsam emetica stimulant, quæ sunt penetrantioris & agilioris ingenii. Præferimus tamen semper liquida solidis, utpote quæ non in una parte ventriculi hærent, sed ubique æqualiter sese diffundunt, & propter virtutem suam facilius & maiori cum euphoria operantur. Secundo commendamus in morbis, qui duodeno & intestinis insident ea omnia, quæ tonum roborant, motum peristalticum conservant, tonum labefactum adaugent, & sic alvum solutiorem præstant. Hujus generis sunt salia deterfiva v. g. arcanum duplicatum, terra foliata tartari, it. medicamenta amara cum temperatis gummatibus & resinis mixta, rhabarbarina, succinata, myrrhata, aloetica. Qui enim curare morbos chronicos, & eos, qui in primis viis fiunt, avertere tentat, hic ante omnia motum peristalticum respicere debet, quo salvo, quod patet ex alvi debito officio, cetera facilius subiguntur. Deinceps ad morbos in duodeno subortos, eliminandos maximi facimus absorbentia & præcipitantia, quæ acorem atque acrimoniam in-

frin-

fringunt: horum usus certe maximus in medicina. Si fuerit bilis nimis calida, acris, volatilis; nitrosa acidula præsentissima sunt remedia, quæ eam corrigunt atque emendant. Eadem si ineris, si nimis viscida est, elixiriis amaris balsamicis restitui debet.

27. ULTIMO sciendum est, iis in morbis, quorum causa delitescit in prima regione, quæ impuris multis humoribus repleta, minus quadrare sudorifera, calidiora, & salia volatilia, utpote hæc ipsa non tantum materiam peccantem magis attenuant, sed & in massam sanguinis & humorum nocentissime inferunt; cum tamen potius per superiora & inferiora eliminanda sit. Placet mihi locus SYLVII *prax. med. p. 445: quândocunque prima regio scatet impuris humoribus sudorifera non sunt adhibenda, quia sudor non excitatur nisi sanguine commoto universo, qui tunc quoque solito fit fluidior, unde cum ipso, quaque versum facilius & citius & abundantius feruntur, quævis sanguini admixta.* Peccatur hac in re toto die, dum ante evacuationem primarum viarum calida propinantur, præsertim sudorifera cum regimine. Denique improbamus & illud, quod prima regione impuris humoribus repleta, multi anodyna adhibeant, cum tamen in tali casu illa perniciosissima. Nam materiam nocentem in centro tenent, quæ tamen erat evacuanda; tertio illud maxime tenendum, quod, si materia peccans in primis viis latens, jam ad massam sanguineam atque ad ipsum habitum corporis transiit, sicuti in erysipellate, variolis, arthritide accidit tunc caute adhibenda emetica, quæ materiam a peripheria ad centrum trahendo graves affectus, convulsiones & gravia symptomata excitare possunt. Ideo hisce tunc abstinendum est, & abstersivis lenioribus vel etiam clysteribus utendum, illis potius in initio morbi & extra paroxysmum locum habentibus.

DISSERTATIO III.

DE

IGNORATA VTERI STRUCTURA
MULTORVM IN MEDICINA
ERRORVM FONTE.

§. I.

IN perquisitione structuræ uteri indagine, primo utique loco commemoranda est notabilis immo mirabilis illa fibrarum musculosarum, nec non vasorum, e quibus uterina compages contexta, vis, seu potentia elastica, quæ in eo potissimum consistit, quod eius fibræ & vasa incredibilem in modum distendi & explicari, iterumque contrahi & sponte ad pristinum statum redire possint. Patet id quam maxime in utero gerentibus, dum a foetu, nonnunquam gemino, cum magna secundinarum & liquidorum mole in uteri cavo concluso, mirum in modum officina hæc attollitur & ampliatur, exclusis autem sub partu contentis, subsidet rursus ac ita contractatur, ut vix centesima ratione molis & magnitudinis pars remaneat. Et quamvis plures adhuc in animantium corporibus sunt solidæ partes, quæ nonnunquam a vi interius urgente mirifice distenduntur, & cessante eadem, iterum sese contrahendo, pristinum spatium & naturalem molem recipiunt, quemadmodum in cute & scroto hydropico tumore distentis, item in ventriculo & intestinis flatibus turgidis subinde observare licet; longe tamen maior magisque conspicua tam dilatandi, quam corrugandi & contrahendi in utero humano est potentia. Accedit vero & illud, omnemque fere captum exsuperat quod licet uterus, qui extra graviditatis statum, figura & magnitudine vix pyrum æquat, in tam eximiam molem excrescat, hac tamen ampliacione non tenuior redda-

reddatur, aut crassities tunicarum in incredibili ista expansione minuatur, sed potius eadem maneat.

2. DEINCEPS nulla in universo corpore pars tam numerosa vasorum copia est instructa, quam uterus. Ex his enim primæ sunt arteriæ & venæ spermaticæ, quæ ovaria contingunt, ac in fundum uteri copiosissimis ramificationibus feruntur, ibique terminantur, quod vel clare ex eo patet, quia flatu in spermatica hæc vasa immisso, ipse uteri fundus elevatur. Post spermaticas conspicui admodum sunt rami arteriæ & venæ hypogastricæ, qui ad partem mediam & inferiorem uteri, nec non vaginam excurrunt, ad quam etiam, maxime ubi recto connectitur, rami venarum hæmorrhoidalium externarum pertingunt, quæ cum ramis hæmorrhoidalium internarum per anastomosis iunguntur. Et quod maxime notandum, hæc largissime per uteri corpus disseminata sanguifera vasa, non solum mirum, tortuoso ac serpentino quasi flexu, iter legunt & quaquaversum discurrunt, sed etiam in virginibus, sterilibus & foetum non gestantibus exilia minorisque amplitudinis: conceptu facto, in gravidis ita diducuntur & tam in longitudinem, quam maxime latitudinem explicantur, ut minimi etiam vasorum ramuli talem nanciscantur capacitatem, quæ maiorem stilum admittat.

3. PRÆTER vasorum confertam in utero congeriem & flexuosum implexumque eorundem progressum, notatu etiam admodum dignus est concursus, tam singularis, ut nullibi tanta tamque frequens canaliculorum e diversis locis huc tendentium, tam arteriosorum, quam venosorum, anastomosis, qua invicem committuntur, reperiatur. Inflatissimis enim spermaticis, attolluntur quoque hypogastricæ, & vice versa: pariter hæmorrhoidales externæ flatu distentæ, diducunt quoque internas, ac vicissim hæc illas; quin spermaticæ dextri & sinistri lateris conspectius mutuum ostendunt nexum. Id vero peculiare sibi servat exquisita illa vasorum uteri connexio, quod in plurimas cavernulas sive cellulas mutuo communi-

cantes diversæ magnitudinis canalium alvei definant, & cellulas ovalis figuræ efforment, quæ substantiam ipsius uteri spongiosam & fungosam reddunt, ac in gravidis mire ampliantur; quo fit, ut uterus, præsertim prægnans, transversim sectus, ampla & innumera ferme foramina exhibeat. Hac sinuosa & cavernosa vasorum commissura efficitur, non solum ut ipse uterus in prægnantibus a sanguine contento mirifice dilatetur, eiusque compages tensa antea & stricta, laxior ac mollior reddatur, sed etiam ut orificia extremitatum vasculosarum, quæ in cavo oblique sub membrana uteri hiant, & per quæ aer canali cuidam insufflatus in ipsam cavitatem haud difficulter transmittitur, magis diducantur, sicque perforata vasculosæ chorii membranæ filamenta, nutrimentum ex iis haurire & ad foetum traducere possint.

4. NEQUE etiam in anatomica hac fabricæ uteri, ac potissimum vasorum eius, consideratione omittendum, quod non modo hypogastricæ venæ, quæ sanguinem revehunt, dimidio maiorem capacitatem obtineant, quam arteriæ hypogastricæ, verum etiam quod venæ sic dictæ spermaticæ, non recto, sed anfractuoso admōdum & in orbem quasi recurvo ductu porrigantur, ita prorsus, ut si easdem extricare, earumque longitudinem supputare luberet, aliquot ulnas æquarent, & arteriarum spermaticarum prolixitatem vel ter superarent. Quæ quidem omnia luculentum præbent iudicium, tarde utique ac segniter per venas has succedere sanguinis cursum; præsertim quum eadem valvulis destituantur, quarum ministerio in aliis corporis partibus impeditior sanguinis regressus ad cor eximie promovetur & adiuvatur. Denique de uteri fabrica id quoque singulare & notatu dignum, quod omni penitus careat pinguedine, qua aliæ partes internæ largiter obducuntur; eam procul dubio ob causam, ne membrana adiposis vasculis instructa, liberiori laterum expansioni & contractioni obset.

5. Ex peculiari igitur hac vasorum ac funiculorum musculo-

culosorum, e quibus uteri corpus coagmentatum est, textura, & mira potentia elastica, qua vasa adeo a sanguine contento, vel ipse etiam uterus a foetu, ampliantur, & propria virtute, sublata distensionis causa, iterum ad priorem statum & magnitudinem redeunt, nec non ex difficili sanguinis per venas uterinas progressu, plura utique alias difficilioris solutionis & indaginis phaenomena, circa statum, vel naturalem, vel praeternaturalem, foeminis solennem, occurrentia, clarius explicari, immo compluribus in pathologicis aequae ac therapeutice erroribus, huius scientiae ope detectis, certior & expeditior malis ex uteri vitio pullulantibus medendi via inveniri potest atque ostendi.

6. ET ut a maxime solenni initium capiamus, inter omnes constat, quod singulis mensibus in foeminis a pubertatis ad consistentis usque aetatis periodum, excretio sinceri sanguinis, ex apertis uterinis vasculis, sive per uterum, sive vaginam, dispersis, eaque saluberrima, secundum ordinarium naturae cursum succedat; hac autem vel penitus subsistente, vel parcius aut male ad calculum contingente, difficiles valde & graves suboriri morbos, ut medici in omnibus, quibus mulieris sexus affligitur, morborum insultibus, critici huius fluxus merito rationem habere debeant curatissimam. Iam vero in evolvendis menstruae huius evacuationis causis, insignis inter medicos viget dissensus, dum alii specificum quoddam fermentum, alii determinatum quendam, nescio quem, principii intelligentis sensum, & quod molestum est, expellendi conatum; alii denique proximum efficacem astrorum ac potissimum lunae influxum pro causa venditare non erubescunt. Plures etiam sunt, qui sanguinis abundantiam hunc fluxum suscitare contendunt: quod vicissim alii pernegant, eo quod per venae sectionem, quae plethorae generationem impedit, minime excretio haec penitus possit arceri ac cohiberi.

7. QVICUNQUE autem mechanicam uteri, quoad vasa & fibras structuram curatius paullo considerat, is facili negotio,

periodici huius fluxus veras causas, immo effectus a sapientissimi opificis providentia dependentes, perspiciet. Nam quia uterus ob ingentem vasorum, quibus oblitus est, copiam, eorumque sinuosum ac tortuosum ductum, nec non ob facilem & stupendam fere, quæ in eius compagem incidit, distensionem, commodum sanguinis mole exundantis præbet diverticulum; hinc si liquor ille vitalis in foeminis, quæ nunquam non plethoræ ingenerandæ quam maxime aptæ sunt, lapsu temporis sensim in canalium uterinorum alveis accumulatur, & per venas difficilius debito gradu ac iusta proportionem regreditur, fit, ut vasculosæ sinuositates eodem repleantur ac infarciuntur, donec eorum extremitates, quæ oblique hiant, in uterum, nimium distentæ, apertæ tandem sincerum cruorem in cavum vel vaginam uteri effundant. Expulsa vero sanguinis superflui sufficienti copia, oscula iterum collabuntur, vasa coarctantur, & diminuta plethora, reliqui sanguinis circuitus liberior non modo per uterum, sed per universum etiam corpus redditur, sicque ob exquisitam omnium in machina animali ratione circuli sanguinis sympathiam, salutaris ad integritatis tutelam subsequitur effectus.

8. QUVM itaque sanguinis redundantia, præcipua sit menstruæ, quam foeminæ experiuntur, evacuationis, quæ in salutem corporis cedit, causa; luculenter profecto patet, quod non leviter in artis exercitio ii medentium hallucinentur, qui, ubi ob morbos prægressos, aut nimias in aliis locis factas hæmorrhagicas evacuationes, purpureus latex exhaustus est, eamque ob causam menses substiterunt, vel parcius exsolvuntur, fortioribus pellentibus & emmenagogis fluxum sanguinis proritare nituntur; quum potius laborandum esset, ut superata valetudine, appetentia & digestio restitueretur, & alimentis evpeptis ac evchymis, quæ bonum & temperatum chylum ingignunt, depressa erigeretur sanguificatio, sponte utique, hac reparata, utero ad officium redeunte.

9. QUVM vero porro uteri fabrica ratione texturæ, ratione

tione virtutis expansivæ & contractilis, ratione quoque exilitatis & amplitudinis vasorum, non in omnibus una sit eademque, sed quoad ætatem, hæreditariam & nativam partium solidarum constructionem, vitæ quoque genus & victus multum varient: medici omnino est, in diiudicandis & curandis ex uteri vitio morbis, ipsius dispositionem & naturam probe scrutari, & cognita eadem, postea accommoda præsidia opponere. Nihil certe in praxi medica solennius est, quam si tributum lunare a virginibus, vel tenerioribus foeminis male ad calculum solvitur, sanguinis missionem suadere, eaque admissa, medicamenta menses pellentia, & quidem quæ vehementer turgescientiam & commotionem in sanguine suscitant, præscribere; a quorum tamen usu in longe deteriore statum subinde coniiciuntur miseræ, dum urgenti iam chlorosi subinde convulsiones & artuum distensiones, vel lentæ febres, graves cephalalgiae aliæque passiones afficiantur. Quod quidem ob nullam aliam rationem fieri arbitramur, quam quod deficiens, vel parvus menstrui fluxus successus sæpissime a tensa fibrarum uteri stricture vasorumque nimia exilitate, ut ab allabente sanguine ægrius distendantur, ortum trahat. Id enim multiplici observatione in artis exercitio compertum habemus, virgines iuniores & tenellas, acetariorum abusu, nec non frigido aere liberius paulo ad inferiora admissis, dum sæpe nudis ferme natibus, frigido solo insident; difficulter sanabilem & gravibus symptomatibus stipatam mensium anomalam sibi contraxisse.

10. PROINDE si hæc subest causa frustra utique, quin cum damno, propinantur pellentia, quippe coarctatis & obferatis viis & in celerem motum ac ebullitionem coacto sanguine, maior adhuc obstructio, gravior infarctus sanguinisque ad partes nerveas nobiliores regurgitatio, spasmodum & convulsionum sæpe procreatrix, subsequitur. Neque venæ sectio in pede, quæ alias ad levanda symptomata admodum proficua, multum confert, sed sæpius ob maiorem, quem prurit,

tat ad uterum, appulsum, obstipationem obfirmat, & quo minus e vasculorum extremis cruor effluere possit, efficit. Vnicum potius auxilium in fotibus & balneis tepidis emollientibus, strictas fibras laxantibus repositum, eumque in finem laudatissima est virtus balnei ex sola aqua pluviali, levissima & purissima parati, vel si naturale expetis, omnium accommodatissimum balneum ex aquis thermalibus Toeplicensibus, sulphuratis dictis, tempestive admissum. Interne vero, reiectis omnibus calidis, acrioribus, balsamicis, optimum in potu thermarum erit præsidium; vel si occasio foterios fontes adeundi non suppetit, commendationem quam maxime merentur salia neutra incidentia, aperientia & blande urinæ & alvi fluxum simul elicientia, cum sufficienti liquido sumta. Quorum censum inprimis subeunt borra, sal Sedlicense, terra foliata tartari, solutio oculorum cancri, arcannum duplicatum; in biliosis nitri spectata est efficacia: sin vero acido obsessæ sunt primæ viæ, liquor salis tartari, in quo nonnihil massæ pillularum balsmicarum solutum, opem fert exoptatissimam.

II. QVEMADMODVM vero mensium defectus, vel eorum imminutus fluxus ex arteriolarum uteri potissimum angustia, compressione & strictura proficiscitur: ita immodica sanguinis e genitalibus effusio, a vasorum & sinuum, quos eadem in uteri substantia efformant, nimia amplitudine, relaxatione, tono deiecto & impeditiore inde facto sanguinis per venas ad cor reditu, ortum trahit. Neque enim ulla pars corporis hepate excepto est, ubi tam difficilis cursus & regressus ad fontem observatur, quam in ipso utero, id quod non tantum ob perpendicularem huius partis respectu cordis situm contingit, verum etiam maxime, quod vasa inprimis venosa, uti iamiam meminimus, complicata quasi mirum tortuoso reptatu per eius compagem discurrent. Quumque præterea tam propter extensionem uteri a foetu, quam venarum & spermaticarum & hypogastricarum anfractuosum ductum, expe-

expeditus sanguinis refluī cursus admodum retardetur: facile iam patet ratio, cur diameter venarum uterinarum, duplo amplitudine arterias superet, ut prona adeo inde elici possit consequentia, quadruplo maiorem quantitatem sanguinis venis uteri quam arteriis contineri. Quod si itaque venosi, quibus uteri compages referta est, sinus, plus iusto a cruore crasso stagnante distenduntur, obice hoc posito, sanguis per arterias validius appulsus, præcluso in venas transitu, copia sua & impetu vasculorum orificia nimium distenta, tandem divellit, ut dehiscant, & contentus humor largiter effluat.

12. Ex hoc iam facile intelligi poterit, quare virgines rarius nimium mensium fluxum, feminae vero, quæ pepere-
runt, item quæ foetum gestant, haud raro enormem uteri hæ-
morrhagiam patiantur, quæ etiam sæpissime in gravidis vera
abortus causa est. Perquam enim notum est, non facile ab-
ortivam foetus exclusionem incidere, nisi præcedente largo
& impetuoso sanguinis profluvio. Scilicet quodocunque in
gravidis vasa uteri venosa a copiosi sanguinis affluxu, ultra
modum distenduntur, & sanguis in cellulis hærens grumes-
cit & coagulatur, non modo arteriarum orificia, sed etiam
ipsi sinus nimium infarti, aperti, accedente simul convulsi-
vo uteri & partium vicinarum motu, sine quo non facile ab-
ortus contingit, sanguinem cum impetu eructant, uterus flac-
cescit, placenta ab ejus filamentis & vasorum hiatibus se-
cedit, ac demum foetus secundo vel tertio ab hæmorrhagia
die subsequitur exclusio.

13. Et hinc est, quod gravidæ, si ultimis gestationis
mensibus natura abortum cum enormi hæmorrhagia moli-
tur, summum sæpius vitæ discrimen incurrant, quod etiam
non raro accidit, si maturi jam foetus exclusionem præcedit
largius sanguinis profluvium. Funestis enim quamplurimis
exemplis confirmat experientia, & matrem & infantem gra-
viter inde periclitari, quinimo nisi embryo e claustris prode-

at, utrosque propter incompscibilem ac lethalem hæmorrhagiam perire. Quamdiu enim infans partui maturus, vel immaturus adhuc embryo, in uteri loculamento detinetur, is non modo cum suis vasis admodum est distentus, sed & canalium orificia ab impetuosiori sanguinis eo appulsu latius adaperata, largiorem sanguinis copiam fundunt & cruor perpetim manat: contra vero enixo foetu, licet hiantia, ob avulsam, qua antea obducebantur, secundinam, vasorum ora, sanguinem subinde copiose effundant, cessante tamen matricis expansione, diductæ antea aperturæ simul concidunt, oscula angustiora fiunt, iisdemque coeuntibus tandem ac clausis, sanguinis effluxus sistitur. Quare si ejusmodi in casu matrem servare & funestum vitalis liquoris profluvium compescere animus est, nihil certe consilii superest, quam ut foetus mortuus aut chirurgico ministerio prompte extrahatur, aut abortus medica arte tempestive procuretur: id quod etiam pluribus BOHNIVS *in dissertatione de abortu salubri* confirmat.

14. QUAMVIS autem paulo vehementior animi affectus, inque primis terror, vel impensior sanguinis a motu fortiori, a balneo nimis calido, aut assumpto pharmaco purgante, emetico, sudorifero, aut sic dicto emmenagogo, commotio & rarefactio, frequentes abortionis causæ sint: attamen nisi vasa uteri nimium a sanguine copioso laxata, distenta, infarcta, & matrix ad spastico-convulsivas motiones concipiendas valde prona existat, nullus facile metus erit abortus. Quapropter etiam erroribus, tam vulgi, quam plurimorum medicorum, is quoque annumerandus, quo autumant, dari certa & indubitata efficaciæ abortiva pharmaca; quum tamen experientia prorsus refragetur, qua constat, a prægnantibus meretricibus largas venæsectiones, medicamina purgantia, emetica & menses pellentia, validiora etiam, sæpe sine ullo effectu, ad expellendum foetum adhiberi, ac vicissim, si matrix ad conceptum præmature exturbandum disposita, accedente levi tantummodo causa, istum protinus sequi. Et pro-

perfecto singulare divinæ providentiæ atque sapientiæ documentum hoc præbet, quod in omni rerum universitate non absoluta ejusmodi, quæ semper abortum provocandi potentia pollent, reperiantur media, ea quod si essent, innumera utique in tanta hominum scelestorum multitudine patrarentur homicidia.

15. NIHIL vero frequentius accidit, quam ut quæ abortum jam perpeffæ sunt, levi de causa, eodem tempore recurrente, in eum rursus incidant. Pariter experientia comperitum est, plerumque insignes sanguinolentas instar ovi gallinacei massas, una cum copioso cruore, ante abortivam exclusionem ex utero gravidarum elidi, luculento argumento, a præcedente abortu robur & elaterem uteri ejusque vasorum valde fuisse debilitatum, ut non tam cito in pristinum statum redire potuerit. Nam uteri ad tam frequentem abortum dispositio, unice in nimia relaxatione & dilatatione vasorum quærenda est, quæ ut tollatur vasorumque tonus reparetur, nisi cito prudens medicus primis diebus vel hebdomadibus post abortum aut legitimum partum, blandis videlicet laxantibus & temperatis balsamicis ac roborantibus, aliquoties reiteratis, aut congrua diætâ, vel, si sanguinis copia urget, tempeffiva ejusdem primis statim, si conceperunt, mensibus e vena secta imminutione, laboret; difficulter fane hæc vitiosa uteri constitutio tollitur ac emendatur. Plerumque enim, quod probe notandum, nimia quoad vasa & vires sanguinis redundantia, cui maxime omnium, quæ spongiosioris habitus corporis sunt, quæ segnioris sunt alvi & in otio degunt, feminæ patent, causfam omnino materialem præmaturæ expulsionis subministrat. Quapropter si non sapienti & quasi provido naturæ consilio primis imprægnationis mensibus sanguis, quod frequenter accidit, consueto tempore ex regione uteri exteriori profluat, vel ob inappetentiam, nauseam, ventriculi subversionem & præcordiorum anxietates, tanquam symptomata in principio valde familiaria, parciore fiat

fiat ciborum assumptio, vel nisi pro differenti exundantis sanguinis ratione, venæ sectio plus vel minus reiteranda instituat, ipsaque alvus congruis remediis solvatur, raro foetus ad maturitatem pertingit, & ad legitimum usque partus terminum in utero conservatur.

16. ACCEDIT alius non minoris momenti & communis ferme in praxi vulgari & minus rationali medica eorum error, qui nimiam sanguinis menstrualis, vel etiam lochialis in puerperis aut abortientibus, per uterum profusionem, vel per crebrius in manu institutas venæ sectiones, vel per liberalius exhibita refrigerantia, positiva adstringentia aut opiata & narcotica, imprudenter ingenti cum ægrotantium damno cohibere tentant. Hac enim perversa ratione medendi & remediis incongruis, naturale robur, tonus & elater non modo uteri, sed & solidorum universi corporis valde minuitur, & major atonia inducitur, ut malum vel non sanetur, vel gravius fiat. Quin potius, quod quidem forsan pluribus *παράδοξον* videbitur, qui non cum & ex ratione in medendo agere suescunt; confirmatius asserimus: eandem methodum eademque fere remedia, quibus menses imminutos & suppressos revocamus, ad eosdemque quoque nimium & supra modum fluentes compescendos, & ad naturalem statum traducendos, esse utilissima. Multiplici sane experientia confirmatum habemus, decenti usu thermarum, acidularum, balneorum ex herbis nervinis, vel etiam emollientibus concinatorum, clysterum uterinorum, nec non medicamentorum ex marte paratorum pilularum sic dictarum balsamicarum, Bacherianarum, vel ad earum imitationem paratarum, aut pediluviorum, item salis deterfivi nitrosi, mensium & nimium, & imminutum fluxum felicissime fuisse sanatum. Nam in utroque malo dejectus uteri tonus est, vasa cruore distenta, circulus sanguinis per uterinos canales non liber & expeditus, sed infarctu, obstructione & stagnatione interceptus, quibus tollendis vel corrigendis, prædicta utique remedia admodum sunt idonea.

17. SED

17. SED pergimus ad aliud vitium uteri, quod ex eadem, quam memoravimus, matricis strictura, derivandum. Videlicet tortuosus implicatusque innumerorum in uteri compage vasorum est reptatus, lentus sanguinis admodumque difficilis per eadem cursus; eaquepropter non mirandum, tot & tam variis diversæ figuræ, magnitudinis & structuræ excrescentiis, tam carneis, quam fungosis, ex prava nutritione oriundis, obnoxiam esse hanc præ aliis partem, quæ vel externam eius superficiem, vel internam cavitatem, cervicem, aut etiam vaginam obsident, & nonnunquam adeo augescunt, ut graviditatem mentiantur. Crebrius etiam quam ullibi massæ fibrosæ sanguinolentæ, nec non ex membranis coagmentatæ polyposæ concretiones, in canalium uterinorum alveis gignuntur, quæ deinde vel enormi uteri hæmorrhagiæ, quam abortio sequitur, vel sterilitatis causam suppeditant. Communi nomine progenita eiusmodi in utero concrementa dicunt molas; quarum quidem plures oppido sunt species, a cl. LAMSWERDE in molas nutritionis & generationis distributæ; ne tamen, quod facile fit, confundantur, earundem discrimen paullo clarius hoc loco exponere non erit incongruum.

18. Ac primo quidem secundina, cum tenello unius, vel etiam duorum mensium foetu, per abortum exclusa, ab ignaris pro mala habetur, quia coagmentatum ex carne frustrum refert. Deinde, utut rarius, massæ globosæ, in ipso utero enatæ, & quæ haud raro graviditatis suspicionem faciunt, ac sæpe in vita functis reperiuntur, vel etiam aucto peculiari-ter uteri motu & constrictione eliduntur. Porro nonnunquam accidit, ut perpeffo abortu, vel superato etiam legitimo partu, aliquot mensibus post, a feminis, quæ gravidæ judicabantur, massæ solidæ carneæ, variæ magnitudinis & figuræ ejciantur, quæ dum deforme corpus, & animalculi cujusdam, ut talpæ, muris maioris, aut alius speciem præsentant, a superstitiosa plebe incantamento tribuuntur, ac

molæ esse perhibentur, quin a plurimis medicorum pro præternaturali conceptu, ex semine imbecilli ac morbofo prognato, venditantur. Hæ sæpius per annum & longius in utero gestantur, & propter varia pathemata gravidis solennia, veri embryonis coniecturam cient, ac quandoque decimo demum vel undecimo mense extruduntur. Sed firmo utique fundamento cl. RVYSCHII nititur sententia, qui in *observat. anatomico-chirurg. XXIIIX. & LIIIX.* perhibet: uterina hæc concrementa, ex relictis post foetum exclusum secundinæ frustulis, cum uteri vasis firmiter connexis, generari, quæ sanguinis appulsu nutrita, incrementum accipiunt, & lapsu temporis duriora & compactiora facta, pro varia uteri compressione diversas quoque figuras nanciscuntur. Sæpe enim fit, ut secundinæ prodeant dilaceratæ, quare non inconsultum est, ipsas post partum probe inspicere & examinare, an integræ, vel divulsæ sint; quandoquidem si portio quædam remaneat, gravibus pathematibus objicitur femina, eaque propter tum maxime laborandum est, quo restitans frustum cito expellatur, quod nos sæpius aut convenienti clystere, aut pilulis balsamicis, felicissime præstitisse recordamur. Frequentioris tandem observationis sunt ex sanguine & fibris membranosis coagulatæ massæ, a nonnullis polypi dictæ, quæ in diductis ac dilatatis uteri gravidi vasis prognatæ, & demum fortiori matricis ac vicinarum partium nisu foras propulsæ, crebrius abortum caussantur, eundemque vel antecedunt, vel comitantur, vel subsequuntur.

19. COGNITO sic malorum discrimine, perspecta quoque earum origine, facilius nunc curiosam istam quæstionem, a pluribus acrius agitatam, dirimere licet: num scilicet virgines molam gestare possint? Nam haud difficulter quisque intelliget, eas molas, sive massas carneas, quæ ex relictâ secundinæ parte aucta originem sortiuntur, in iis, quæ virginitatem illâsam servarunt, neutiquam succrescere posse. Neque etiam frustra ista fibrosi & coagulati sanguinis, quæ molæ vel polypi censentur, in virgineo

ute-

utero, cuius vasa valde exilia & angusta sunt, sed in gravidis potissimum generantur, & in parturientibus solenniter observantur. Minime vero insuetum aut impossibile est, fungosa corpora, tam in exteriori superficie, quam etiam in ipsa cavitate matricis virginum, perpeffa videlicet prius externa quadam violentia, ut lapsu ex alto in abdomen, posse produci; quemadmodum constat fide BARTHOLINI *cent. 1. hist. 97.* item HORSTII *de morbis mulier. liber. IV. obs. 39.* Pariter id quoque non negandum videtur, sed rationi utique nec non experientiæ admodum congruum est, coniugatas, vel etiam viduas, provectioris ætatis, quinquagenariis maiores, sanguineas & *εὐσπικας*, subsistente dudum iam menstrua sanguinis per uterum purgatione, carneas & sanguinolentas moleculas, pugno interdum æquales, molliores aut duriores, cum enormi sanguinis fluxu edere posse, ejusmodi exemplum prodidit MARCELLVS DONATIVVS *lib. IV. cap. 25. pag. 451.* IOH. RHODIVS *cent. III. cap. 53.* nec non RODERICVS a CASTRO de anu septuagenaria.

20. OB difficiliorem & valde tardum sanguinis per uteri vasa, & maxime spermatica, quæ in varios cincinnos, pampinos vitium æmulantes, contortos implicatosque divaricantur, regressum, & hinc longissimum ad vitalem cordis fontem iter, fit quoque, ut in utero & connexis ipsi partibus, tubis nempe & ovariis, copiosæ inrertum feri inundationes & tumores aquosi exoriantur. Nunquam enim citius & promptius fluida & aquosa pars a sanguine secedit, quam ubi lentior minusque expeditus eius per viscera transitus est, quemadmodum id clare patet in hepate; & ob hanc causam etiam non facile numerosiora, quam in hepate ac uteri substantia & adiacentibus ei partibus, vasa lymphatica reperies, quæ a largiori decubitu & affluxu lymphæ distenta, magnas in vesicas, quæ hydatides Græcis dicuntur, explicantur, quibus demum disruptis, nonnunquam subito hydrops gignitur, & mira feri quantitas effusa cavitationem obdominis occupat.

Ita

Ita permultas hydatides in uteri confiniis post partum difficilem reperit SALMVTHVS *cent. 1. obs. 38.* & in hysterica foemina gravida dissecta PECHLINVS *obs. 19.* In cornubus ac tubis uteri ingentem aquæ copiam nonnunquam colligi, fidem facit TVLPIVS, *observatt. lib. IV. obs. 45.* exemplo feminae, quæ in utroque uteri cornu, novem circiter aquæ purisque libras, inclusas innumeris vesicis, gestavit. Plura eiusmodi exempla vide apud SCHENCKIVM *lib. III. obs. 6. 7.* & ROLFINCKIVM *de organ. genital. cap. 20.* nec non SYDENHAM *de hydrope.* Eandem quoque in rem apprime facit HARDERI observatio, perhibentis: in foemina rustica repertum esse non solum ovarium sinistrum aquæ subsalsæ & foetentis libris duabus oppletum, sed etiam annexam eidem tubam Fallopianam notabili hydatide obseffam. Et nosmetipsi ante viginti annos ex gravi in hypogastricam regionem lapsu, annotavimus in quadragenaria subortam ibi intumescientiam, cum dolore tensivo, quam aquæ limpidæ largum profluvium, cum sanguine menstruo primum prodiens, excepit, quod postea cessante etiam sanguinis stillicidio, per anni dimidium continuavit, ita, ut quotidie minimum libra una efflueret, donec ægra, incassum adhibitis variis medicaminum generibus, tabe lentaque febre penitus confecta, obdormisceret.

21. NEQVE etiam adeo insolens, sed aliquoties a nobis observatum est, sub ingravidatione simul occultari hydropem; & hinc fit, ut sæpius medici in diiudicatione fallantur. Vidimus vero eiusmodi feminas gravidas, hydrope simul laborantes, post partum copiosioris seri effluxu servatas, alias autem humore scilicet in cavum abdominis iam effuso interiisse. Inprimis memoratu dignum est, quod PLATERVS *lib. III. observat. pag. 620.* prodidit de muliere quadam, quæ quoties uterum gessit, toties detenta fuit ascite. Quinimmo ipse sæpius per Dei gratiam feliciter sanitati reddidi feminas, ex cachexia, inordinata victus ratione & mensium defectu contracta, intumescientiam universi corporis prolapsas, &
summa

summa spirandi angustia, somnolentia viriumque defectione affictas, quibus ab usu pilularum balsamicarum nostræ compositionis & salis aperitivi, non tam per alvum, quam per uterum, & catameniorum tempore, & etiam extra illud, larga aquarum quantitas diu secessit, qua exsoluta, sensim paulatimque gravia pathemata, a longo tempore ægras excruciantia, conquieverunt. Et hanc ob causam quoque in ea versamur sententia, hydropicos tumores in feminis plus ex uteri, quam hepatis vitio subnasci, & facilius quoque abigi ac persanari, quam ubi hepar simul affectum est, eo quod liberior & apertus sero stagnanti per uteri ostia patet exitus.

22. Hisce iam expositis, facilius nunc erit perspicere rationem, quare virgines æque ac coniugatæ, tam frequenti, & tam diuturno molestissimo feri variæ consistentiæ varique coloris, ex utero & eius vagina profluvio, divexentur. Nam quia tonus & motus uteri, qui æquabili fibrarum eius crispatura & remissione continetur, tam facile læditur, debilitatur & deiicitur, prætereaque tardus admodum per circumflexa & in serpentinos ductus porrecta uterina vasa sanguinis & humorum cursus, lentior quoque sanguinis per venas valvulis destitutas regressus est; perfacile utique, non solum infarctus & stagnationis sanguinis ac feri in matrice oboriuntur, sed ipse etiam serosus & lymphaticus humor segniori progressu lentescens, tandem exitum sibi parat, ac per passim in utero & vagina obvia orificia effunditur. Communis quidem plurimorum auctorum est sententia: ex lacunis GRAAFII, sive foveis circa urethram conspicuis, & parvis ibi consistentibus glandulis, humorem hunc excerni; at in his lacunis, nullum, quod setam admittat, foramen facile reperire licet, sed potius ad utrumque latus orificii & per totam vaginæ substantiam lacunæ apparent plures, quæ quam facile setæ ad digiti dimidium aditum concedunt, earumque ductus pressi liquorem semini haud dissimilem plorant. Vid. HEISTERI *Compendium anatom. pag. 81. & 82.*

(Hoffm. *Opusc. Patholog.*)

Y y

23. VE

23. VERVM enim vero, utut relaxatæ hæ glandulæ stillare possint humorem paullo copiosorem; tamen neutiquam hæ ipsæ unicam & genuinam fluoris albi sedem constituunt, sed longe plures dantur meatus, e quibus materia fluoris albi, nec non liquoris serosi impuri, in puerperis cum & post lochiorum fluxum manentis, ortum trahit. Et licet RVYSCHIVS glandulas in utero unquam visas esse, aut demonstrari posse neget, nullum tamen dubium est, quin ex istis ostiolis, quæ sub mensium fluxu sanguinem fundunt, serum etiam exitum moliri possit. Perquam enim notatu digna est, cel. FANTONI *anat. C. H. pag. 186.* observatio, qua fidem facit, quod flatus per venas uteri in cavum matricis & vaginæ, ac vicissim ex hoc in venas adigi possit atque transmitti. Deinde etiam teste GRAAFIO & HORNIO, pori & foraminula in cervice uteri conspiciuntur. Nec prætereunda sunt, quæ VERHEYEN in *Anatomia C. H. cap. 33. cf. tabul. XVII. fig. 2. 3.* prodidit, quod scilicet in utero, in aqua macerato & per aliquod temporis spatium in blando calore detento, in interiori non modo vaginæ superficie, plurima corpuscula globosa, & alibi quidem racematim ipsi inhærentia, alibi vero per eam disseminata, sed in inferiori quoque parte cavitatis uteri, similia corpuscula viderit, eademque pro glandulis, seroso-pituitosi humoris secretioni inservientibus, non immerito habenda esse existimet.

24. QVAM leve autem hoc malum primo intuitu videatur, ut tantum pro coryza habeatur, tam contumax est, tam ægre admittit curationem, ipsosque medicos torquet atque fatigat; quod quidem nostro iudicio hanc potissimum ob rationem fieri arbitramur, quia plerique medentur, causam tantummodo a depravata sanguificatione, depressa sanguinis spiritualescentia ac prædominio feri deducunt, & reparando, remisso uteri tono, ac promovendo expedito per hoc viscus sanguinis progressu minus intenti, nonnisi remediis anticepticis & serum educentibus, purgantibus, contra illud pugnant,

pugnant, omiſſis roborantibus ſummopere neceſſariis. Nos potius ad debellandum refractarium hunc affectum quam maxime commendamus uſum pilularum balsamicarum, quæ ad imitationem Beccheri, ex amaris extractis, gummatibus balsamicis temperatis, refracta doſi extracti aloes & ellebori nigri, concinnatæ ſunt, præſertim ſi cum martiali medicamento propinentur. Suademus quoque ut loco potus ordinarii bibant ægræ decoctum ex ligno lentisſci, radice ſarſaparillæ, raſura ſantali citrini & rubri, paſſulis minoribus, cornu cervi, & ſemine foeniculi paratum. Opus tamen etiam eſt, ut exterius vel ſuffitus balsamici, ex maſtiche, ſuccino, olibano, tacamahaca & cinnabari artificiali mane & veſperi admittantur, vel etiam in ipſum uterum mediante ſiphone ſpargatur aqua ſic dicta arquebuſade, aut liquamen, ex radice ariſtolochiæ, herba artemiſiæ, matricariæ, agriſimoniæ, argentinæ, myrrha, maſtiche, foliis myrthi, floribus roſarum rubrarum, cum vino rubro decoctis, quippe quod, non ſolum in uterum iniectum, ſed etiam frequentius regioni pubis cum linteis applicatum, admodum proficuum eſt. Hiſce vero omnibus præferenda omnino ſunt balnea illa nativa, quæ ob martiale, quo dotata ſunt, elementum, roborandi facultate pollent, ut ſunt maxime aquæ Lauchſtadienſes, præſertim ſi in illis herbæ nervinæ, uterum efficaciter roborantes, cuius generis ſunt meliſſa, mentha, origanum, ſerpillum, horminum, chamomilla Romana, maiorana, bulliant, quandoquidem hæc, poſt balsamicorum uſum & corpus expurgatum, iterato uſurpata, non modo in hoc affectu, ſed & in aliis ex uteri vitio provenientes, effectum præſtant longe ſaluberrimum, eo præſtabiliorem accertio-rem, ſi interius ſimul aquæ temperatæ minerales potentur.

25. SED ſicuti hætenus expoſita uteri vitia, potiffimum eius atoniæ & laxitati ortum debent: ita certe plura etiam ſunt mala, quæ ex nimia & ſpaſtica eiſdem ſtrictura originem trahunt. Id enim matrix cum omnibus partibus, quæ

eandem cum ipsa structuram, ex fibris scilicet musculosis & nerveis, obtinent, commune servat, ut subinde stringatur & spasmus corripiatur, quin nonnunquam convulsivo plane motu agitetur. Vt vero maxime omnium in orificio uteri interno, quod sensu exquisitiori præditum, motuum remissio, sic etiam intensus nimis ac præternaturalis rigor animadvertitur, utpote quod, ex fibris magis nerveis, spirali ductu connexis, contextum est. Nam interdum nimia eius constrictio reddit difficilem & laboriosum partum, quæ nisi balneis, unguentis vel fotibus emollientibus prius tollatur, foetui exitus penitus præcluditur. Deinde admissio improvide ad inferiora, maximeque uteri confinia, in fluxu lochiali vel etiam mensium frigore, eundem illico non sine periculo sisti, indubiæ experientiæ est. Idem effectus incidit a terrore, cuius uti magna vis in constringendis, præsertim externarum partium fibris & tubulis est; ita maxime illa observatur in uteri nervoso-musculosa substantia eiusque partibus, & frequentissimam abortionis, vel etiam nimii, aut suppressi menstrui vel lochialis fluxus, causam suggerit. Emetica porro, purgantia acriora & omnis generis venena, magnam quoque utero mutationem inducunt, & spasmos in uterina compage suscitantia, in sensibilibus facile ad abortum disponunt.

26. NEQUE præterea dubium est, quin non modo ad foetum & secundinam, sed etiam ad molas & massas coagulati cruoris, ex sinu uteri exturbandas, opus sit intensiori uteri systaltico, seu constrictorio motu ac robore, ita nempe, ut fundo uteri arctius strieto ac corrugato, collum eius & vagina dilatetur. Ubi itaque in parturientibus ex virium defectu hæc intensio motus & toni constrictorii vigor deficit, ibi utique analeptica, inter quæ eminet cinamomum & eius oleum, aut aqua spiritiosa, & alia quoque roborantia, ut essentia succini, myrrhæ, balsamum nostrum vitæ, spiritus oleosus Sylvii, bezoardicus Buffi, vel pellentia, ut borra, apprime ex usu

usu sunt, quinimo commendantur eum in finem a multis mendentum vomitoria, quo iisdem fibræ ad motum auctorem excitulentur. Contra vero quando spasmo & convulsivo motu, qui sæpe ante partum vel in ipso infelicissime situm foetus naturalem invertit, ante partum, vel in ipso concutitur uterus, & omnia æstu ac calore fervent, improvide admodum & cum damno a medicis ejusmodi spirituosae ingeruntur, quia exclusionem magis impediunt, & febrem vel delirium puerperis accersunt: quin potius præstantissima est antispasmodicorum & sedativorum virtus, quæ motuum impetus placant atque componunt, e quorum numero sunt crocus, castoreum, fel anguillæ, pulvis, viperarum, secundinæ humanæ, lumbricorum, massa pilularum Wildegansii, anthera liliorum alborum, aqua florum tilia, sambuci, acaciæ, liliorum alborum, primulæ veris, aliaque id genus plura. Juvat quoque in tali casu in sanguine plenis imminente partu venam secare, & quidem in brachio, ne compressis a redundante cruore in infimo ventre nervis, motus tam in utero, quam musculis ad foetus expulsionem facientibus, cohibeatur ac impediatur. Eadem ferme medendi ratio ineunda, si in doloribus a nimia strictura, quam dolores abdominis in puerperis indicant, fluxus lochiorum non sine summa perniciæ retinetur. Hoc enim si contigerit, nullo modo pellentibus, sed potius motus sedantibus profluvium eliciendum, eoque nomine merito utique ET TMVLLERVS ex opio præparata in docte & practice conscripta dissertatione *de vi opii diaphoretica* commendat. Si vero ob constrictoriam uterinarum fibrarum vim remissam ac deficientem, impurus & stagnans sanguis, post partum ex utero non rite expurgatur, præter interna excernendi humoris effluxum ciencia, spectata certe est efficacia clysterum ex herbis uterinis, abrotano scilicet, pulegio, roremarino, artemisia, melissa, floribus cheiri concinnatorum, adjecto nonnihil massæ pilularum balsamicarum.

27. VIGET itaque in uteri compage motus & constrictorius & relaxatorius, quem si quis appellare velit peristalticum, is, meo quidem iudicio, non errabit. Dum enim una pars corrugatur, altera explicatur, quo reciproco motu quam optime omne præternaturale in utero contentum excutitur. Certe quod mulieres de flatibus ex utero prorumpentibus sæpius conquerantur, indicio est, tenacem humorem, qui calore in vapores resolvitur, in uteri sinu hære, & adhuc in ejus substantia motum succedere. Deinceps hunc alternantem uteri motum, nonnunquam haud secus quam in ventriculo sub vomitu fit, inverti, ex eo patet, quod sanguis menstruus vel etiam lochiorum, per vaginam fluere solitus, quandoque per tubas Fallopianas in abdominis cavitatem lethali eventu urgeatur ac effundatur; quale exemplum consignavit RVYSCHIVS *in observat. anatomico-chirurg. obs. 84. 85.* Accedit & perquam notatu dignum illud est, quod stricto arctius uteri fundo, & relaxata nimis inferiori ejus cum vagina parte, matrix ipsa ita contorqueri ac subverti possit, ut sæpius obstetrices decipiantur, & conjecturam capiant, restare adhuc in sinu foetum, qua de re RVYSCHIVS *l. c. obs. 93.* legi meretur. Quinimo præternaturali & inverso uteri ab exterioribus ad interiora motui, mea quidem sententia, tribuenda utique sunt gravia illa & funesta symptomata, quæ puerperas sæpe exercent, ut febres, dolores acuti, convulsiones, deliria, lethales apoplexiæ, exanthemata purpuracea, rubra & alba, eo quod cuncta hæc sanguini corrupto per uterum expurgando, ad interiora represso, & passim in partibus stagnante, ortum debent.

28. DIGNVS certe est, qui notetur locus HIPPOCRATIS, graphice satis mala hæc ex intercepto libero sanguinis per uterum transitu, delineans, & ita habens: *refluens sanguis ab utero & premens septum transversum, retracto utero, præfo-cationem, in caput irruens, insaniam, epilepsiam, catochos, apoplexiam, occupans thoracem, tussiculares affectus, irruens in cor,*

cor, palpitationes & tremores cordis, nonnunquam syncopes, in nervos denique, facit stuporem, immobilitatem & resolutionem. Atrocia enim illa pathemata, quæ hysterica vulgo dicta, gravius sæpe feminas exercent & cum symptomatibus mali sic dicti hypochondriaci spasmodico-flatulenti admodum conveniunt, potissimum uteri vitio debentur; quandoquidem magnus omnino utero cum præcipuis corporis partibus intercedit consensus, qui non tam a nervorum communione & mutua conspiratione vitiosorum in nervosis partibus motuum, quam potius a vasorum sanguiferorum systemate, & turbato in eodem sanguinis itinere est accersendus. Nam quemadmodum in hypochondriacis, quando sanguis per hepatis viscus ægrius transiens, ad eas partes, ad quas venæ portæ rami pertingunt, præsertim nervosas, ventriculum & intestina redundat pressione & distensione spasmos cum gravissimis symptomatibus suscitatur: ita etiam idem contingit in feminis, quando per uteri compagem non libere fertur sanguis, sed stagnans tardius progreditur, & ad corporis penetralia, ventriculum & maxime intestina, thoracem, & caput regurgitat, ubi pro diversitate partium, vehementer lædit earum functiones & varia, eaque satis atrocia symptomata inducit. Quapropter medici periti & sagaciores, in omnibus, quæ femininum sexum affligunt, malis, maxime ad uterum & mensium successum, nec non qualis motus & cursus sanguinis per matricis vasa sit, respicere & eo potissimum curandi rationem dirigere debent; quum contra illi, quod communiter fere fieri assolet, perversa incedant via, qui ad tollenda hæc pathemata varia præscribunt remedia, negligendo causam & originem, unde ea proveniunt.

29. RESTAT adhuc ut de consensu uteri cum intestino recto & vasis hæmorrhoidalibus quædam addamus. Ac primo quidem in consideratione sympathiæ uteri cum hæmorrhoidalibus venis, notandus utique est anatomicus error, etiam illis communis, qui hæmorrhagias & hæmorrhoidale negoti-

gotium ubique crepant, dum autumant, internas hæmorrhoides, quæ venæ portæ propagines sunt, ramos spargere ad ipsum uterum, & maxime ad vaginam; quum tamen avtopsia anatomica, uti cl. SALTZMANNVS *in dissertat. de vena portæ* dilucide monstravit, falsam esse hanc assertionem doceat, & testatum faciat, hæmorrhoidales tantum externas ad matricem & vaginam copiosos dimittere surculos, cum internis per mutuam anastomasin connexos. Interim cognito hoc vasorum nexu, in proclivi est rationem reddere, quare in feminis, quæ sanguine abundant, is non modo per uterum, sed etiam quandoque per ani venas exitum affectet, eodemque præcluso, a stagnante cruore non tantum tubercula, cœcæ hæmorrhoides dicta, oriuntur, verum etiam plura incommoda, dolores scilet pressorii fixi in osse sacro, aliaque symptomata, iis familiaria, qui suppresso hæmorrhoidum fluxu laborant, molestissima succedant. Deinde id quoque experientia compertum est, in feminis annosioribus, quæ non amplius menstruam patiuntur purgationem, sæpenumero, si non venarum sedis stillicidium, conatum tamen & nisum ad illud variis malis, suppressa hac evacuatione, solennibus stipatum, suboriri. Eidem quoque vasorum connexioni tribuendum, quod frequentissime primis statim a partu diebus nodosæ protuberantiæ vasorum hæmorrhoidalium in ano ardentem dolorem excitantes prodeant, quæ omni procul dubio a nisu & pressione fortiori, quam parturientes sustinent, copiosius sanguinem ad uterum & eius vasa urgente, originem trahunt.

30. QVOD vero ad vaginæ consensum cum intestino recto attinet, is quidem clarius ex eo patescit, quod membranæ utriusque tam arcte connexæ ac plane concretæ sint, ut vix provida ac suspensa manu sine dilaceratione divelli possint ac separari. Et hinc utique ratio ducenda, quare tenesmus, qui dysenterici laborantibus solenne est symptoma, facile vaginam ad prolapsum disponat, quin ipsum abortum prori-

proritet. Hinc porro est, quod suppositoria acriora, præsertim ex validioribus purgantibus parata, ad abortum provocandum multum valeant, nec non quod molarum vel sanguinis grumescens ex utero exclusionem, imo ad revocandum suppressum mensium & lochiorum fluxum, clysteres ex uterinis, nervinis ac lenius stimulantibus concinnati, desideratissimam præstent opem.

31. Coronidis loco quasdam cautelas & regulas egregii in praxi usus subnectere lubet.

I. Nihil maiorem usum præstat in gravidis, easque ab incursu magnorum morborum munit, ac foetum sanum vegetumque reddit, quam venæ sectio in sanguine plenis, aliquoties circa tertium, septimum & nonum mensem repetita.

II. Error est, venæsectionem in pede gravidis esse perniciosam, eo quod abortum proritet.

III. Utilliter sæpe sanguis mittitur, si dolores dorsi urgent, si pathemata hysterica, vel etiam dolores ischiatici affligunt.

IV. Venæsectio in lochiorum fluxu suppresso, restitante etiam in corporis penetralibus purpura, præstolans mortis periculum sæpe abigit.

V. Mensium & suppressorum ut & imminutorum causa sæpius est plethora, quæ sanguinis missione tollitur, ita, ut admissa ea, mox arteriæ validius pulsant, & sanguis liberius per uterum feratur.

VI. Quando febris sive continua, sive intermittens, gravidam vel puerperam corripit, sanguinis missio nunquam noxia, sed sæpius summe necessaria est.

VII. Primis statim a puerperio diebus, pilulas balsamicas exhibere convenit, quarum usu & lochialis fluxus promovetur, & multæ impuræ sordes tempore graviditatis collectæ, per alvi secessum exturbantur.

VIII. Passulata, mannata, rhabarbarina & tartarea, in gravidis magis locum inveniunt, quam alia laxantia.

(*Hoffm. Opusc. patholog.*)

Zz

IX. Ad

IX. Ad tollendam sterilitatem, unica hæc est indicatio : ut tonus utero reddatur, & sanguinis motus per matricem cum mensium fluxu in ordinem redigatur.

X. Morbi fere omnes ex uteri vitio, si mitigandi vel sanandi, venæsectionem, pilulas balsamicas leniter laxantes, balnea, tam nativa, quam artificialia, martialia recte præparata, lenia antispasmodica, carminativa, nec non usum temperatarum mineralium aquarum exigunt.

XI. Cortex chinæ, accomodis aliis, inprimis pulveri florum chamomillæ, nuptus, prudenter in febre intermittente & congruo tempore exhibitus, etiam gravidis non nocet, sed summo præsidio est.

XII. Refractarii morbi ex utero frequenter postulant externa, suffitus, iniectiones, clysteres uterinos, fatus, epithemata, balnea, quo ad partem affectam virtus medicamentosa eo citius perungere possit.

XIII. Gravidis & puerperis exquisita diætæ, victus vi-tæque ratio servanda.

XIV. Frigus & internam refrigerationem, per medica-mina purgantia & omnia acida adstrictiva, nimios quoque ci-bos, omni studio, quæ uterum gerunt, vel partu defunctæ, evitent. Ulti vero quies corporis puerperis amica, ita gra-vidis eadem inimica, & corpus subinde moderate exercere præstat.



DISSERTATIO IV.

DE

MORBIS CERTIS REGIONI-
BUS ET POPVLIS PROPRIIS.

§. I.

AVREVM certe monitum est magni illius HIPPOCRATIS, quod merito omnibus, qui praxi medicæ operantur, curæ cordique esse debet & in principio libri *de aere, aquis & locis* his verbis exstat: *quicumque artem medicam integre assequi velit primum quidem temporum anni rationem habere debet, quantum potentia quodlibet eorum valeat; deinceps ventorum, qui in unaquaque regione sunt indigenæ; postea aquarum facultates cognoscere debet. Deinde urbium situs & natura aquarum nota sit. Porro consideranda terra ipsa nudane sit & æstiosa vel alta & frigida. Hominum insuper diæta perquirenda, qua maxime capiantur, an bibuli sint & lucrones & otio dediti, aut exercitiis variis utentes & tolerantes laborum, ciborumque plus appetentes, quam poculorum; ex his enim singula sunt investiganda. Nam qui hæc omnia probe, quantum fieri potest, cognoverit, aut horum plurima, eum non latere possunt, cum in urbem etiam sibi ignotam venerit, neque morbi regioni peculiare & patrii, neque communis regionis natura, quæcunque tandem ea fuerit, ut non possit in cognoscendis dubius hæreere aut errare, sicubi ad morborum medicationem adhibeatur. Morbi videlicet sunt duplicis generis, quibus maxima pars hominum perit, alterum est epidemiorum, qui ex communi aeris vitio & tempestatum mutationibus trahunt originem, certisque temporibus grassantur & magnas edunt strages: alterum genus est endemiorum, qui certis populis & regionibus familiares sunt, vitæ generi, victui, aeri, exhalationibus, aquæ, vino, cerevisiis*

siis certis locis peculiaribus, adscribendi. Hæc duo morborum genera in eo conveniunt, quod in unoquoque plures simul eodem morbo corripiantur; differunt vero, quod epidemici a mutatione tempestatum, ventorum potentia, & siderum influxu fiant, adeoque ad certum tantum tempus durent; endemii vero a causa patria, indigena, fixa nempe oriuntur, unde etiam per complures annos iidem fixi perseverant. Placet in præsentī de endemiis morbis materiam pertractare, ubi non modo eos morbos, qui in Europa, sed & reliquis orbis terrarum partibus familiares sunt eo, quo fieri potest, compendio recensebo.

2. ENDEMIOS morbos cuique regioni proprios expositu-
ri initium merito capimus a nobilissima mundi, quam inhabi-
tamus, parte Europa. Primum vero montes & excelsa lo-
ca examinabimus, ubi in considerationem merito strumofus
colli tumor venit, montanis nonnullis populis frequentissi-
mus. Oritur hic ipse non ut vulgaris est sententia, ex niva-
libus aquis, quæ alibi etiam sunt, sed potius ex aquarum po-
tu, quæ per calcarios montes transeunt atque rudes sunt, gra-
ves & copiosam calcariam terram intus recondunt, quare
certi fontes dantur strumofi, ex quibus haustæ aquæ strumam
colli producant. Huic malo vero inprimis sunt obnoxii Hel-
veti, Rhæti, Vallesiensēs. MÜNSTERVS in *cosmograph. lib. 3.*
scribit: *in Helvetia Vallesia adeo strumofi sunt homines, ut*
strumæ pondus sermonem impediāt, ac feminae lactantes illas
post tergum perinde ac saccum rejiciant, ut infantibus potum
appetentibus sint impedimento; quod & cl. WAGNERVS in *hist.*
nat. Helvet. p. 141. confirmat. Apud Rhætos in vicis *Zicers vis*
Trimmis & Sonders aquæ quoque reperiuntur, quarum potu
monstrosi tumoribus seu strumis incolarum colla deforman-
tur, & his gignendis aptissimæ sunt, sive potentur, sive cibis
coquendis adhibeantur. Nec id tantum illic natis incolis
vernaculum vitium est, sed etiam advenis, qui si collo etiam
anserino graciliore advenierint, & aliquot annos de his aquis
pota-

potaverint, guttura eos velut taurorum colla, quibus palearia dependent, referre videbis. Ab his igitur homines maxime deturpantur, loquelæ etiam ipsi vitium infertur, ita, ut risum spectatoribus ac auditoribus movere soleant; verum infimæ fortis homines apud Rhætos vitium hoc naturæ decorum ducentes, cæteros struma carentes, colla anserina per sarcasmum appellant. In pago Flach, Tigurinæ ditionis, fons reperitur, cujus aquæ potæ strumas colli producere solent, hinc vulgo strumarum fons, der Kropff-Brunn appellatur. Verum non tantum Alpium, sed & Pyræneorum montium accolis hic affectus accidit. Præterea Corinthiæ Syriæque accolis, teste ORTELIO *ad tab. 92.* familiaris est, item sudetum accolis in tractus Schmiedebergensis pago Steinseiffen vid. BEGMANN *in histor. geograph. n. 356.* apud quos tamen malum hoc fere deliit, dum fontibus quibusdam, quos caussam eius senserunt, nunc abstinent. In urbibus quibusdam Hercyniæ metallicis, videlicet Wildemann & Andreasberg nulla fere observatur mulier, quæ non ex strumoso gutture laboret, utuntur nempe aquis metallicis crudis Stoll-Wasser stillatitium lapidem secum ferentibus. In Transylvaniæ urbe, dicta Cronstadt, strumæ ex potu aquarum sunt frequentissimæ. Confert multum ad generationem huius mali aer frigidus in montosis regionibus penetrantissimus, qui succos, in glandulis cuti substratis, circa arteriam asperam facile incrassat, eorumque liberum impedit transitum, unde tubuli, vascula & pori succo viscoso infarcta tam grandem sistunt tumorem. Feminæ vero magis sunt obnoxia strumis quam viri, quia ordinario, præsertim si gravidæ existant, in puerperio laborent vel vasa & fibræ circa mammas & colla extendantur. Observatur & simile quid post ipsum conceptum, dum vasa circa collum ampliora fiunt, unde veteres novæ nuptæ exploraturi virginitatem thalamum ingressuræ collum filo metiebantur. Catullus in nuptiis Pelei:

Non illam nutrix orienti luci revisens
Hesterno collum potuit circumdare filo.

3. AD

3. AD Galliam iam nos conferimus & quidem Narbonensem, hujus incolis perquam familiare est hydrocele & sarcocoele. Fiunt hi tumores, quando sanguis per venas spermaticas tardius recurrit, ibique stagnat, unde vel serum a sanguine separatur, & fit in scroto testiumque membranis decubitus, vel ex succo viscido feri carnosus & fungosus fit excrescentia, unde melancholicis, senibus & vitæ sedentariæ deditis quandoque hic affectus accidit. Cur Narbonenses huic malo obnoxii, nucum castanearum usus immodicus causa esse videtur, quarum in hac regione maximus est proventus; quorum alimentorum frequenti usu lymphæ & sanguis crassus fit, qui postea per venas tenues, quales spermaticæ sunt, situs perpendicularis tardissime circulatur. Cæterum Galliæ populis febres tam intermittentes quam continuæ, malignæ putridæ & lentæ hæcticæ familiares & plerumque ferales sunt. Multum quoque ad hos morbos contribuit cibus eorum valde humidus & carniū copiosus esus, nec non fructuum autumnalium liberalior ingurgitatio, victus salis expers, aquæ potus parciorque vini usus: quibus rebus sanguis valde tenuis redditur, multæ serositates accumulantur, quæ si in corporibus spongiosis, robore fibrarum destitutis, & sub aere austri- no non sufficienter purgantur, ibi stagnant & ad febres, ulcera & phthisin disponunt. Præterea lumbrici immanis magnitudinis huncce populum adoriuntur, & non modo infantes sed & adultos vexant, quorum causa victus est præhumidus, ciborum nutrientium copia atque aquarum potus.

4. NVNC quoque de Anglorum morbis vernaculis dicemus. Multa certe morborum genera præsertim autumnali tempore huius insulæ incolas invadunt; maxime vero hanc nationem Londinum inhabitantes gravedines, raucedines, tusses, fluores albi apud foeminas, dysenteriae malignæ, febres, variolæ familiariter adfligunt. Hisce malis ingenerandis haud parum atmosphæra humidis vaporibus maris repleta ut & cœlum nubilum confert; ex omnibus autem nil magis ipsis fe-
rale

rale est, quam tabes pulmonalis, & totius corporis foeda & miserabilis corruptio, cui consumptionis nomen imposuere, quo malo tertia fere pars hominum Londini e medio tollitur. Languent vires, respiratio est difficilis, tussis continua, & in dissectis cadaveribus pulmones, tuberculis scirrhosis repleti, observantur. Huius mali generationi multum velificatur aer densus & fumo lithanthracum refertus, qui in ore terrimas nerveo-membranaceas pulmonum vesiculas receptus corrugat, constringit, ut facile ibi copiosus & viscidus sanguis hærere possit. Laborant vero hoc vitio item pulmonum inflammatione nobiles magis, divitiisque innutriti, quam e plebe homines; idque ea de causa, quia illi in otio altissimo & omnium rerum abundantia affluentes genio suo indulgent, carnes gratissimi saporis ac succi edunt, & vina e Canariensibus insulis advecta dulcia bibunt, unde regendo sanguini copioso, & secernendis inde excrementis, natura præsertim in spongiosiore imbecilliore corpore non sufficit; sanguis vero abundans viscidus & impurus in molli & vasculoso pulmonum viscere facillime decumbit & stagnat, modoque dicta mala progignit. Phthiseos enim & Anglicorum morborum causa a repletionem inprimis fluit, tanto magis, quanto minor sanguinis mittendi Anglis cura est. Præter talem pulmonalem alius adhuc morbus ipsis est patrius, rachitis dictus; in occidentalibus maxime Angliæ locis solemnis. Puerilem nempe ætatem invadit, adeo, ut in illis annis constituti macrocephali fiant, cum laxa compage membrorum, turgido abdomine, prominentibus oculis, imbecilli corpore, corpora porra sunt spongiosa atque incurvantur. Causa huius maxime in systematis nervosi & membranosi imbecillitate, flacciditate, spirituum defectu & in succi nutritii distributione inæquali hæret. Hinc etiam rhachitis dicitur, quasi spinæ dorsalis affectio, propterea quod præcipuam ibi sedem mali fixam esse existimant.

5. PROGREDIMUR nunc ad Italiam spectaturi ibi morbos patrios

patrios. Neapoli præter luem, quæ pro morbo non putatur, nisi per gummata sese exserat, morbi endemii sunt roseolæ sive maculæ rubræ mox visibiles mox invisibiles. Scorbutus alias in Italia non visitur, quia hic morbus impuræ salæque lymphæ est progenies. *Bartholinus* cent. V. ep. 49. has maculas ædibus & victui adscribit, illis quidem celsioribus & a sole minus illustratis, huic vero ob carnem bubulam, suillam & brassicam, quam avide incolæ ingurgitant. Venetiis hæmorrhoidali fluxu & hinc pendentibus incommodis, cœcis dolentibus varicibus, variscis, ficubus frequentius vexantur, inde sanguisugæ quam maxime in usu sunt, adeo, ut non raro ani fistulas sibi contrahant. Causa merito vinorum Italicorum liberaliori potationi adscribitur; & in genere illud tenendum est, earum regionum incolas, ubi vina maxime dulcia lætius proveniunt, hæmorrhoidibus fluentibus magis esse expositos, quam qui in terris vino sterilibus habitant, & in quibus aquæ vel cerevisiæ bibuntur. Sanguinem enim eiusmodi vina gignunt, eumque in orgasmum seu turgescentiam facile coniiciunt; unde ob distentas nimium vasorum tunicas per totius abdominis viscera tardior fit sanguinis progressio, & hinc ad venas sedis regurgitatio, per quas ordinario longus & perpendicularis ille ascensus difficilis est. Romanis febris semi tertiana valde cognata est, notante id etiam suo iam tempore *GALENVS lib. I. de morb. vulg. comm. 2.* qui summa cum gloria Romæ vixit prope forum Agrippæ, qua nunc itur ad Pantheon. Docta de hac febre sunt verba *FONTANI in schol. ad Dodon. de semitertiana*: per hanc febrem, inquit, læditur ventriculus & imprimis eius partes nervosæ & hepar, ideo iure meritoque inter mortiferos morbos numeratur. Hæc sæpe degenerat in hæcticam & hydropem propter obstructions magnos ut *Cous noster Epidem. 3. §. 1.* observat. In hanc febrem proclives sunt ecclesiastici nobiles aulici, iuvenes, & qui desidem vitam luxuriosamque agunt, & cœlo calido fruuntur, ideoque frequentes sunt in Aethio-

Aethiopia. Victus omnis delicatus & lautus in otiosis hominibus sanguinis gignit abundantiam, a qua multæ eæque graviores, propter viscerum infarctus obstructionsque, passiones oriuntur. *Asclepiades apud Cæl. Aurelianum lib. 2. c. 10.* febres una cum mentis & corporis oppressione, nec non lethargicas contingere solitas refert. Aquæ enim Romano in agro parum etiam salubres sunt præter eas, quas per aquæ ductus Mæcenæ deduxit in urbem. Accedit quod ipsa Roma æstivo tempore salubritate cœli minus gaudeat, idque eo imprimis, quia urbs super antiquæ rudera Romæ exstructa est: illa autem multas cavernas comprehendunt, ubi ab antiquis Romanis non sine ingentibus sumtibus cloacæ fuerunt ædificatæ; si Tybris igitur sese effundit, aqua hæc cavernas intrat, ut ideo propter vapores aer minus salutaris esse possit. Serpentes quoque magno in numero in hisce inveniuntur cavernis, dein & tota Roma filice non est strata, sed adeo pulverulenta diebus canicularibus est, ut propter pulverem & muscas, quæ procul dubio ex cavernis prodeunt, in publicum prodire non liceat.

6. HETRURIÆ incolis valde familiaris epilepsia est, ideoque recens natis infantibus inurunt caput, uti tradit BALTHASAR *de Vias in sylva regia*: qui mos etiam veteribus Thuscis & Lybiæ populis iam olim fuit usitatus, teste *Mercuriali lib. 2. var. lecti. c. 2.* Arabes quoque medici hodierno tempore gravissimos & fere incurabiles capitis morbos, ut apoplexiam, hemicraniam, lethargum, omnibus aliis irritis, ferro candente tractant, quo in hoc vel illo capitis loco, non sine præstantissimo effectu, inustiones faciunt. Apuliæ, incolæ, *Baglivo* teste, ardentissimis febribus, pleuritidi aliisque morbis inflammatoriis sunt obnoxii. Multum contribuit sanguinis copia, quæ ex victu lauto gignitur; incredibilis enim ibi est telluris ubertas, & carnum cuiuslibet generis copia, qua nulli Italiæ parti est inferior. Vina ibi omnia nigra, flagrantia ac potentia sunt, tantaque caloris in illis regionibus est ve-

(*Hoffm. Opusc. patholog.*) A a a hemen-

hementia, ut plurimos in summam impatientiam dementiamque sæpe actos videas. Specialis etiam Apuliæ morbus est morsus tarantulæ, qui æstivo, & præsertim eo tempore est noxiosissimus, quo hæ bestiolæ coeunt. Sequuntur hunc adfectum angor cordis, aphonia, pulsuum oppressio, extremorum nigredo, frigidus, sudor, quæ omnia symptomata ex truculenta nervosarum partium constrictione oriuntur; nam venenum tarantulæ in activissimæ ac perniciosissimæ motionis instar ignis materia consistit, quæ intime penetrando, motiones hinc inde in genere nervoso spasmodicas violentas excitat. Quam optime hac de re scripsit BAGLIVVS in *dissert. de tarantula*.

7. TRANSEAMVS iam ad Hispaniam, præcipuam Europæ partem. Observatur hic valde familiaris melancholia hypochondriaca, quæ merito, summæ pigritiæ, otio, sedentariæ vitæ & profundis speculationibus adscribi debet; accedit & illud, quod veneri nimis immaturæ indulgeant, & parum vini bibant; unde sanguis crassus terreus, ablata parte subtiliore, qui in hypochondriis damna adfert, in capite vero multa phantasmata & imaginationes efficit. Deinceps fluxus hæmorrhoidalis in viris, in feminis mensium fluxus creberrime visitur, quod a sanguine crasso & fœculento viscera abdominis infarcta sunt; unde æqualis & libera sanguinis distributio impeditur, quo fit, ut cum impetu ruat, & in partibus extremis stagnet, ibique vasa disrumpat. Divitum & procerum plerique, quos Grandes vocant, apoplexia, procul dubio sanguinea, pereunt ob lautum victum, vini generosi potum & quotidianum succoladæ usum, quæ omnia sanguinis conciliant copiam. Notabile autem est, quod scabies & scorbutus ibi non reperiatur, utut carne suilla recenti quotidie vescantur; aer nempe in Hispania est subtilissimus & penetrantissimus, & aqua ibi levissima, ac victus salis expers. A transpiratione igitur laudabili, porisque apertis fit, ut rudes

des illæ crassæque feri particulæ exhalent, quæ intra poros & glandulas cutis alias stagnant, & pustulas illas efficiunt.

3. PERGIMVS ad Belgii foederati provincias, inprimis Hollandiam, ubi scorbutus endemius morbus est, qui partim a victu duro, piscibus marinis, carnibusque infumatis, partim ab aere denso nimis humido & pessimis aquis suos mutuatur natales. Præter hunc morbum in hisce provinciis frequentissime ex renum & vesicæ calculo laborant, nec unquam ullibi tam creber hic adfectus, in omni etiam ætate, visitur, quam in Belgio, nusquam etiam ob hanc causam meliores lithotomi propter operationis frequentiam degunt, quam ibi. Huius calculi vesicæ causam in immoderatum lacticiniorum & caseorum cum acetariis abusum reiicimus, quæ fercula singulis fere diebus mensis apponuntur; quantum autem ad concretionem calculosam lacticiniorum & acidorum abusus faciat medicæ artis peritis probe perspectum est, utpote calculi elementa & concretionis materia sunt terreum atque aqueum.

9. ACCEDIMVS ad maris Baltici incolas, Danos, Suecos Norwegos, Pomeranos, Livonos, Curlandos, ubi ceu communis morbus & fere inquilinus scorbutus grassatur, qui per dolores artuum, membrorum lassitudinem atque torporem, maculas, gingivas putridas & tumores sese manifestat. Hic adfectus quam notus est his populis, tam ignotus est antiquis; nec ullibi fit huius mali mentio neque apud Arabes neque apud Græcos; & perperam locus *Hippocratis* lic. 2. prædict. ad hoc malum trahitur, ubi auctor de lienibus magnis, oris graveolentia, & tibiæ exulceratione agit. Minime tamen existimandum antiquis temporibus ipsum non exstitisse, sed de novo ante aliquot annos esse natum; credibile potius est, coelum *Hippocratis* hunc morbum non agnovisse: ubi enim aer valde tenuis & calidus est, ubi dura & salsa exulat diæta, ibi quoque hic morbus fileat, unde in tota Græcia, Italia Hispania, etiam Gallia fere incognitus est, nisi in quibusdam

locis Galliæ Narbonensis, ad maris oram sitis; propter aquas impuras salvas, palustres, & circa Ragusam Italiæ, quæ huiusmodi generis aquas alit; quandoque existit. Est igitur hic morbus frequens modo dictis populis & regionibus arcticis, quæ a gradu 55. usque ad polos porriguntur, propter aerem densum, frigidum humidum, victum salsum, durum, pisces marinos, aquas crudas, ex quibus omnibus sanguis fixus terrestris, balsamo & sulphure benigno destitutus elaboratur, qui ad obstructions corruptionemque valde est proclivis. Cæterum nullum dubium est, quin hic morbus iam inde ab antiquis temporibus in his terris regnaverit; licet historicorum testimoniis non probare possimus, quod nimirum nulla iam exstant scripta de hisce populis composita; sed veteres medici, qui in Græcia, Arabia & Italia vixerunt atque scripserunt, illarum saltem nationum morbos scriptis reliquerunt, horum populorum affectibus omissis. Quod vero marinus aer, crassa diætā, otium ac impuræ aquæ scorbutum ingenerent, navigantes manifestum præbent documentum, qui omnes fere hunc morbum reportant, licet sub alterius climatis sint incolæ, & sub alio cœlo navi vehant. Neque prætereundum est hos populos arthritide etiam, paralyfi, hydrope infestari, quæ cuncta symptomata mali scorbutici sunt fructus.

10. ILLVD vero admiratione dignum, quod præter scorbutum in Dania, Suecia & Livonia febres maxime sint familiares, cum e contrario in Norwegia, Islandia, Lapponia & Finnia plane exulent, & fere sint incognitæ. *Schefferus in descriptione Lapponiæ* cap. 7. scribit; quod Lappones commodissima utantur valetudine, & morbos plerosque ignorant, nullaque pestis, nullæ febres acutæ vel ardentes apud ipsos deprehendantur, cuius rei rationem reddere allaborabimus. Novimus nempe in calidissimis regionibus pestem grassari, ibique ordinario suos habere natales. Pestis enim est penetrantissima putredo, quæ mirifice a motu activissimo calido,

calido, intestino, humidoque generatur & promovetur; ea-
 propter quoque in frigidissimis locis, ubi omnia sunt con-
 centrata, quieta, motu intestino activo destituta, putredo, nec
 radices agere, nec pestis excitari atque propagari potest.
 Quod ad febres attinet, sunt hæ ipsæ nihil aliud, quam in-
 tensiores sanguinis & humorum agitationes ac commotiones,
 a tono fibrarum motricium & muscutorum maxime cordis &
 arteriarum adaucto, factæ, unde quo fibræ sunt sensibiliores,
 ad motum & impulsum aptæ, eo facilius ad febres est procli-
 vitas. Et hæc est causa cur cholericis temperamenti
 homines, iuvenes viri, calidum clima inhabitantes, plus sint
 obnoxii febribus quam senes phlegmatici, melancholici, &
 frigido sub coelo viventes, qui magis fibris tensis, immobili-
 bus, constrictis & insensibilibus gaudent. Facilis inde fluit
 ratio, cur in Lapponia, Islandia & Norwegia febres non
 observentur; immobilitas nempe & fibrarum rigiditas, quæ
 in horum corporibus est, minus apta ad tremulos & elasti-
 cos fibrarum motus & spasmos existit, quales ad genera-
 dam febrem, tam horrorem quam calorem requiruntur. Ra-
 tio quoque ex dictis evadet clarior, cur ad febres tam do-
 mandas quam supprimendas efficacissimus sit internorum ad-
 stringentium usus, ex quorum classe sunt china, parata vi-
 triolata, martialia, aluminosa, radices vegetabilium stypti-
 cæ; item cur adstringentia & in forma emplastri roboran-
 tia v. g. mixta ex alumine, terebinthina, herba rutæ, aceto
 carpis manuum plantisque pedum applicata, potenter febric-
 ulosos insultus discutiant, quoniam nempe hæc omnia fibras
 valde rigidas efficiunt.

II. PRÆTEREA Lapponibus, Finnis, Norwegis, eodem
Scheffero teste, frequentes sunt lippitudo & ophthalmia, unde
 non raro cœcitas evenit; quarum causa est, quod a prima
 ætate in fumo versari cogantur, quo tuguria illorum æstate
 & hieme abundant; quam noxius autem sit fumus oculis, fa-
 le acri plenus, est notissimum. Deinceps peripnevmonia &

dolor in dorso & capite in his oris quam maxime dominari solet. Causa tribuenda sanguini crasso & denso, qui a frigore externo in minimis musculorum tubulis, inque pulmonum vasculis tenuissimis, facile sistitur. Neque reticendum est, in omnibus provinciis borealibus sphacelum, ex levi etiam externa membrorum læsione, facillime generari. In promptu est ratio, sphacelus nempe ex sanguinis circulo in membro vel parte aliqua destructo nascitur. Impeditur vero & destruitur sanguinis progressus, si ipse densus est, crassus, terrestris, spiritu & virtute destitutus, qualis horum populorum ut & scorbuticorum est.

12. ALIUD adhuc malum vexat illos, qui boreales plagas incolunt, quibus Russi, Tartari &c. annumerandi sunt. Perniones nempe ibi sunt seu ulcera & pustulæ a frigore subortæ; non rarum quoque est a frigoris immanitate nares & aures decidere. Strictissimum enim gelu, motu rectilineo vehementissimo, omne, quod subtile quodque in fibris motricibus spirituosum est, exstinguit; unde flaccidæ hæ fiunt & ferme emoriuntur, stasesque humorum & inde perniones atque sphacelationes nascuntur. Solemne ipsis est remedium, partes frigore adustas nive fricare donec stupor cesset, & sensus redeat; dum demum successive igni admovent, id quod, si prius accidit, valde est damnosum. Frigus enim motu suo flaccidas fibras, si quidquam adhuc spirituosum inest, plus excitat, quam calor, qui reliquas elasticæ spirituosæ materiæ ulterius dissipat. Cæterum notandum, quod hi populi exilioris sint staturæ, animalia etiam boves cornibus destituti, vix asini magnitudine pares, propter immane gelu constringens, & succi nutritii æqualem distributionem impediens.

13. POLONICAM gentem iam & illi vicinam Lithuaniam accedimus, ubi notissimus & vernaculus morbus est, qui plica appellatur. Consistit hæc in magnitudine capillorum præter naturam aucta, qui, in scirrhus inexplicabiles concreti & conglutinati, monstrosam præbent speciem.

Hos

Hos si secant, sanguis cum dolore capitis, visus læsione, & persæpe cum vitæ periculo effluit; & hoc adfectu maxime Iudæi laborant. Morbi huius causa valde perplexa & difficilis videtur, nihilominus eam, quantum fieri poterit, indagare allaborabimus. Primo multum sordidum vitæ genus confert, cui hi populi addicti sunt, dum raro crines pectunt, in humidis & depressis locis dormiunt, & spiritum vini liberalissime ingurgitant. Suum quoque symbolum aquæ contri-
 buunt, hinc non male *Gehema in epist. ad Bonteckoe de plica Polonica pag. 10.* sentit, hæere vitium in nonnullis Poloniae aquis, ut si vel potentur, vel corpus iis abluatur, plicam producant, quemadmodum id duorum militum exemplo comprobatur, qui cum in stagnum aliquod corporis lavandi causa ingressi essent, vix immerso in undas capite, multas ibi plicas contraxerunt. Nos supponimus quoddam vitium hæreditarium, quod in nimia pororum & bulborum capillorum sub cute in capite consistit; unde succus nutritius crassus & glutinosus prava diæta ex crudis aquis productus, calore, quem potus spiritus vini conciliat, urgetur ad tubulos capillorum, ex quorum poris exsudat, & monstrosam illam intricationem efficit.

14. HUNGARIAM ingredimur, quam veteres Pannoniam & Illyricum appellarunt. Graviter hæ gentes affligi solent podagra & arthritide, quæ ex abusu vini spirituosi lautaque diæta nascitur. Ingens quoque ibi pediculorum est copia, ut plebei & milites contra hosce vermiculos sese defendere nequeant. Multum ad hæc mala calida & humida soli natura confert. Observatu dignum *Conringius* scribit in *thesaur. rerum publ.* quod bene tota Hungaria præsertim inferior habeat ignem subterraneum, quod ex eo apparet, quando prope Drawum vel Danubium scrobes effodias, poteris ibi sudare & balnea parare, & quoniam regio simul est aquosa, perpetuæ ibi sunt evaporationes, quæ faciunt, ut aer minus sit salutaris, qui morbos putredini aptos creat, quæ & pedi-

pediculorum generationi favet. Ex hoc fonte promanat etiam genesis febris sic dictæ Hungaricæ, cum summo capitis dolore, agrypnia, cardialgia, deliriis & angina stipatæ. Milites ordinario hoc malo affligi solent, qui humi cubant, & diætam irregularem habent. Accedit, quod de die intensus sit æstus, nocte autem summum frigus, unde transpiratione prohibita, facilius ad corruptionem sanguinis fit transitus. Præterea ex alio morbo Hungari laborant, qui Cremer ipsis dicitur, quando nauseam vel ex cibo vario inordinate sumto, vel ex potu nimio sibi contrahunt, statim palmam manus in parte domestica fortiter fricant, hancque partem dolere dicunt. Interim si aqua cordiali reficiuntur, statim disparet. Alter quoque, quem Strint vocant, semper in ore est, & omnem vel in ore, gutture vel ano tumorem inflammationem, Strint vocant vid. M. N. C. dec. I. an. I. p. 5, 6.

15. Iam nostram perlustrabimus Germaniam, quæ merito in eam, quæ septentrionem & quæ austrum spectat, partem debet distingui; in illa scorbutus & ex eo pendentia mala dominari solent; nec ullus fere morbus est chronicus, cui sese nihil scorbutici adsociet. Valet hoc maxime de superiore Germania & Westphalia, ubi Batavorum more halecibus, petasonibus, asellis, ostreis, piscibus marinis atque id genus pulpamentis delectari cepimus. In Westphalia rarissime febres malignæ petechiales visuntur, frequens ibi est peripneumonia, scabies frequentissima, sanguinem alunt nimis crassum, qualis fit ex copiosa carne porcina infumata, tenui cerevisia, pane grossiori vulgo Bonpournickel & abusu spiritus vini; hic sanguis in pulmonibus stagnans inflammationes causatur gravissimas, & minus a sordibus purgatus scabiosum efficit morbum: hisce morbis præ reliquis patent, qui otio sunt dediti & vitam nec motu nec labore exercent, qui egregium tam scorbuti quam scabiei est remedium. Holsatiam qui incolunt non longævi sunt; abundant enim soli ubertate, hinc lautior diætâ ipsis copiosum ingenerat sanguinem. Verum paludosa est regio, præsertim Ditmarsia, qua hinc inde

inde aquæ sub agris stagnant, & crebras ex mari experiuntur inundationes, unde febres petechiales & malignæ complures homines corripunt atque auferunt. In parte australi Germaniæ Silesia, Franconia, Austria & Suevia, ubi tenerior est victus & vinum bibitur, phthisis, arthritidis, febres ardentes, hæmorrhagicæ excretiones & inflammationes crebro observantur. In Misnia, præsertim Lipsiæ singularis est adfectus, qui aliis regionibus plane incognitus, familiarissime invadit incolas, præcipue feminas puerperas, quibus sæpe est exitio. Dicitur is morbus purpura, quæ in rubram & albam dividitur, maculæ enim miliacæ in cute summa rubræ vel albæ, pulicum morsibus similes, cum cutis asperitate, pruritu, præcedente febre, cum summis anxietatibus prorumpunt. Quandoque hoc malum petechiis, morbillis, variolis, febribus aliis continuis sese associat, ubi quando omnia circa declinationem videntur salva, demum hoc malum propullans tragicum eventum ægroto adfert. Soboles est seri putridi vapidi, sique hariolari licet, culpa & causa delicato & tenero vivendi generi assignari potest, dum otium, dulcia & placentas amant, quæ nullibi maiori in copia visuntur, quam in Misniâ, & in iis, qui eam circumiacent, locis. Nullum enim dubium est, quin serum inde valde viscidum & impurum evadat. Et cum gravidæ sint ordinario plethoricæ & cacochymicæ, hinc in iis maiorem tyrannidem similis victus exercet. In infantibus etiam peculiaris observatur valetudo: corripit nempe hanc ætatis teneritudinem tabes, ut macie confecti tanquam simulacra hominum appareant, vulgo quidem fascino contactos pueros esse putant, sed qui naturæ abdita perscrutarunt, in cute vermes crinium nigrorum vel chordarum forma, latitare observarunt, & si cutis melle vel in balneo loco calido fricatur, prorumpunt, frigore si condensatur, intus se condunt, vocari solent comedones, quod quasi debitum naturæ nutrimentum intercipient. Legatur de hoc morbo *Sennertus lib. V. praxeos part. I. cap. 24.* Vtterius & illud (*Hoffm. Opusc. patholog.*)

notari meretur, quod in nulla regione tam superstitiosi & creduli sint, ubi adfectus præsertim atrophicos convulsivos a naturali causa, sorbuto vel vermibus proficiscentes, incantationibus & fascino dæmoniaco adscribere solent. In Hungaria etiam eadem superstitio hominum mentes tenet.

16. GERMANIA iam perlustrata nos ad Græciam, Macedoniam & Thraciam convertimus: pauci ibi sunt morbi præsertim chronici, pauci etiam ibi reperiuntur medici. Tenue enim cœlum, & aquæ limpidissimæ obstructions, indurationes viscerum glandularumque infarctus minus ferunt; nihilominus tamen febres acutæ, aliæque, dysenteria, phrenitides sunt frequentissimæ, ad quas ingenerandas fructuum horæorum præstantissimorum item vini generosi suavissimi abusus multum confert. In mari Aegeo & eius insulis epilepsia exercet imperium, quod etiam HIPPOCRATES *in lib. de morbo sacro* docet. Constantinopoli omnibus annis dira grassatur pestis, quæ ordinario verno incipit tempore, & circa menses autumnii frigidos Octobrem ac Novembrem desinit. Causam & ortum indagaturis plurima nobis occurrunt, quæ hanc luem promovere videntur. Plurimum urbis amplitudo, quæ incredibilem hominum multitudinem continet, mari fere ubique cincta est, adeo, ut muri eo affundantur; aer itaque exhalationibus aqueis refertus valdeque humidus est, cœlum vero & clima admodum calidum: humidum vero & calidum aerem sobolem esse putredinis adeoque pestis, quæ, omnibus consentientibus medicis, putredo est penetrantissima. Accedit incolarum detestanda sordities, dum squalores & omnis generis excrementa in plateas proiciunt, unde aeris infectio & exinde magna morborum vis oritur. Præterea a vino abstinencia, cuius usus Mahometana lege ipsis interdictus est, ad corruptionem corpus præparat; si ullum præstans datur alexipharmacum, & quod magis putredini resistit, certe moderatus vini usus est. Addimus & hoc, quod apud ipsos mos sit quotidie balneis & lavacris mollibus foveri, quæ quantum
fibras

fibras relaxent corpusque humectent, & virtutem sanguinis suffocent, inter omnes constat. Accedente igitur miasmate in corporibus ad corruptionem dispositis & ad fomitem contagiosum recipiendum præparatis, truculentum hunc morbum propagari, facile potest intelligi. Eadem ratio est, cur Smyrnæ Aleppi idem malum ferme perpetuum sit. Constantinopolios porro incolas continuo podagricis doloribus excruciiari ex Nicephoro Callisto *HIER. MERCVRIALIS lib. V. c. 24.* tradit. Eodem morbo ceu peculiari malo Athenienses affici idem loco citato testatur. Illud vero admiratione dignum Constantinopoli luem veneream plane exulare; cum tamen hæc gens in libidinem sit effusissima, suæ alienæque pudicitiae maxime prodiga. Damus vero hanc rationem, quod feminae, a quibus scaturigo mali fluit, post veneream *συγκοιαν* semper se lavantes, impuras fordes eluant & abstergant. Idem veteres meretriculas in usu id habuisse vel ex *MARTIALIS lib. 2. epid. 50.* constat.

17. IN Asiam traicimus. Exordium vero a diffusis Indiæ regnis capimus, ubi magna morborum endemiorum est varietas. Notabilis est adfectus admodum molestus, Berberi dictus, qui species paralyseos seu tremoris est: motum enim sensumque manuum ac pedum, imo quandoque totius corporis depravat & tremere facit. Vitium hæret in nervis, quos lentus viscidusque humor implet, quod malum auctores a maxima inæqualitate aeris deducunt, quæ hic locorum observatur, de die existente intolerabili solis fervore, de nocte vero maximo frigore, dum nempe ex prima regione aeris vapores intensissimo calore per diem elevati nocte decidunt, qui sub dio cubantes idque sine tegmine vehementissime affligunt, in rarefactos per calorem poros frigore altius intrante, serum incrassante, porosque obstruente, unde fibræ & musculis vigor & elater tonusque perit. Est etiam frequens his gentibus malum Mordehi dictum, quod nil nisi ventriculus depravatus est. Perpetuus æstus & inde excussus

corpori sudor copiosus, & superveniens frigus ventriculum valde debilitat; iam si nimio cibo & potu maxime vesperi se implent, non possunt nisi depravate cibum concoquere: eandem ob causam diarrhoea vulgaris curatuque difficilis ibi morbus est. Denique spasmodica colica iis evenit, quia ingluviei & crebro spiritus vini ingurgitationi plus iusto indulgent, a qua aquas bibentes sunt immunes.

18. SINGULARIS quoque spasmi species illis populis esse solet communis, dum subito homines rigidi & statuae instar permanent, & vel in anteriorem vel posteriorem corporis partem musculi involuntario motu trahuntur. Accedit quandoque spasmus cynicus, dentium stridor inconditumque murmur; latius hac de materia PONTIVS *de medicina Indorum* videri potest. Quod mali genus ex copioso bilioso ac sulphureo sanguine venit, quia sanguinis missio & nitrosa sunt auxilio. Præterea hisce regionibus consueta est diarrhoea, quæ ut plurimum necat: huius causam fructibus Indicis, quibus si quis oryza vel pane non caute vescatur, vix hocce defugiet malum, non secus ac in Gallia & Hispania, qui uvas sine pane avidius comedunt, statim dysenteriam incidunt. Præcipuam etiam causam huius mali modo laudatus adserit BONTIVS *pag. 127.* potus adusti copiam, quem Arack appellant & quod Chinienses ex oryza admixtis holothuriis in mari fluctuantibus, conficiunt, quæ Belgice Quaben & Qual-len vocari solent. Hæc holothuria tam acris sunt caloris, ut attactu cutem exulcerent ac vesicas inducant. Notandum & illud, quod febres contagiosæ malignæ raro, pestis vero numquam visatur in India, variolæ autem ipsis sunt contagiosæ. Tertianæ simplices & duplices sunt communissimæ, carnes, iuscula & ova summo studio febricitantibus interdiciunt. Aer valde subtilis temperatusque morbos ex putredine & peste non admittit; intermittentes vero ex transpiratione prohibita a frigore nocturno fiunt, præsertim post vitia in diæta.

19. In insula Ceylon & præcipue in regno Jafnapatnam hieme febres & ventris tumores, ex falsis crudis & calcareis aquis suborti, regnant: hiems ipsis valde est pluviosa, inde transpiratio impeditur. In Malabareses vero variolæ summa sævitia grassantur, BALDÆVS in *descriptione insulæ Ceylon & Malabaræ* ex humido anno & fructibus autumnalibus earum vehementiam atque malignitatem derivat. Apud Chinenſes Japponenſes frequentia sunt oculorum vitia, lippitudines, cataracta, cœcitates, quæ mala ex oryza decocta calide sic devorata, quam loco panis quotidie comedunt, derivantur. Valde enim viscida sic generatur lymphæ crassusque sanguis, qui per tunicas & tubulos capillorum, quando cum impedimento circulatur & stagnationem efficit, oculis varia inducit incommoda, cœcitatem, cataractam, lippitudines, & quæ alia sunt oculorum vitia. Et ut exemplum ab equis desumamus, constat sane, ex facili cœcos nimium avena & hordeo saginatos & post fortioſorem laborem, nimiamque in cursu agitationem fieri. Arthritis & podagra rara in Sinensium regione sunt, quod illi forſan populi continuo calido potu fruuntur, qui aperta ſervat emundatoria, transpirationem promovet, & impura tartarea ſcorbutica ſalia e corpore eiicit. In insula Formosa, quæ calido & humido coelo tegitur, pestis est morbus periculosiſſimus, qua grassante incolæ ædes ſuas relinquunt, & in altissiſmos aviosque montes ſe recipiunt, qui immunes ab hoc malo propter subtiliorem aerem putantur; incolæ bibunt aquas optimas, & nil niſi plantas & fructus comedunt, nec prius domos repetunt, donec aere correcto pestis deſævierit. Vid. *Georg. Psamanna Zæar deſcript. de l'Isle de Formosa en Aſie cap. 27.* Clarissime ex dictis apparet, vappidum calidum neque ventis expurgatum aerem pestiferam corruptionem excitare poſſe, ſubtilem vero & ſerenum optime peſti reſiſtere. Mirandum illud, quod arthritides & febres intermittentes, eodem auctore teſte, plane ibi ſunt incognitæ, quod forſan temperantiam incolæ in-

signiter colant ab ingluvie luxuriaque longe remoti, a quibus has passiones oriri perquam notum est.

20. EADEM in insula variolæ vim suam adeo exserunt, ut raro quis existat, quin hocce malo corripatur. Plerumque fere tertio ætatis anno iis ita innoxie adfliguntur, ut raro puer aliquis iis auferatur. Superatas variolas rubor per totum corpus reftitutorum diffusus, & incolis Schiptio dictus sequitur. Is morbus longe variolis ipsis est periculofior, cum vehementi æstu coniunctus, & ita infantibus infestus, ut ni probe curentur, in summum vitæ discrimen sæpius adducuntur. Mulieres graviore cum periculo edunt partum, quam quidem Europæ puerperæ eam ob causam, quod corpus nunquam exerceant, sed ut Græcæ olim mulieres semper intra domos ac interiora latitent conclavia. Lues venerea ibi ignoratur, quia ipsis polygamia est concessa, & adulteria commissa graviter puniuntur.

21. GOAE urbe principe Lusitanorum in India morbus valet, Mordexyn vocatus, subitus ac improvisus cum nausea vomituque perpetuo, quod malum commune est multisque funestum. Venerea lues morbus ibi universalis & patrius est, sine ulla infamiæ nota. Calculo ac hernia plurimi item laborant, præsertim mariti, quod continuo aquam potant, milique lascivias exercent cuticulam curantes. Crassum ibi ventrem foedo abdomine multi trahunt, reliquis, qui expertes sunt huius dedecoris, illis irridentibus & per iocum Barigos i. e. maximos ventres appellantibus. Causa huius mali est sacchari dulciumque intemperans usus, cui hi homines adsueti, & quod plerumque semper nudi maxime post prandium in porticu sedent, de qua re fusius tractat LINSCHONT. *in itin.* p. 44.

22. IN Armenia oculorum doloribus vehementissime incolæ adfliguntur, cujus mali causa ea esse videtur, quod per totam hiemem, quæ per octo integros menses ibi extenditur, in fumo, fornacibus destituti, versantur, per quos fumus possit evolvi. Nocet igitur hic maxime illorum oculis, ut lip-
pitu-

pitudinibus, cataractis aliorumque acidulorum vitiis semper sint obnoxii, teste *Carolo de Piacenz missionario in Congo in itin.* pag. 237. Cæterum & illud monendum, quod nulli medici in Armenia inveniantur, sed si qui illis forte appulerint, maximi æstimentur suspicianturque. Podagra etiam exercentur Armenii, quia plus vini quam aquæ potant.

23. IN Persia calculus & podagra vix observantur, quia ibi lege Mahometana vino plane abstinent Persæ: calculum vero ex potu vini immoderato nasci ii demonstrant, qui in regionibus vino fertilibus habitant, ut Rheni incolæ, Franci Austriaci aliique. In insula Laar, Gamro dracunculi inveniuntur, de quibus infra agemus.

24. DE Tartaris ultimo loco aliquid addendum, quod nimirum cæci per aliquot a partu dies maneant; quod ita intelligendum, non quod vera cœcitas obducatur oculis, sed quod palpebra superior, propter musculos nimium laxos & extensos per aliquot dies oculos clausos teneat.

25. PROGRESSVM iam facimus ad Africam, ubi primum sese offert Ægyptus, cuius regionis morbi sunt scabies, lippitudo & cœcitas. Alexandria multæ mali mores febres incolas autumnis extorrent; hieme vero oculi lippientes exercent, qui per totum annum durant. Alexandria variolæ grassantur valde contagiosæ. Vulgares etiam sunt hydroceles, pneumoceles item melancholia hypochondriaca. DAPPERTVS optimus de Africa scriptor p. 127. & seqq. optime hæc vitia, ex aeris intemperati squalidi, evaporationibus Nili repleti, usura deducit. Stagnantibus etiam impuris aquis, quas in cisternis habent, & turbidæ Nili aquæ potui, denique dulcibus fructibus crudis balneisque adscribit. Accedit diuturnus æstus, nocturnum vero frigus, quibus omnibus ventriculus depravatur, spirituosusque sanguis depressus ad corruptionem pronus fit. Hoc in primis tenendum est, pestem raro in Ægypto vitio aeris inexistere, quæ potius ex nimia Nili inundatione originem trahit. Eo enim flumine per longius tempus ob-

ruen-

ruente solum, tota regio paludosa stagnanti mari similis evadit, quod accedentibus austris & vehementiore solis æstu in putredinem abit, & modo dictam luem excitat. Accidit etiam, ut aer natura loci iam calidus, excedente alveum suum plus iusto Nilo, & altius terram tegente, nimis humidus fiat, & exinde pestis existat causa: tantum enim abesse credo, ut hæc lues ex aere nimium calido hac in regione oriatur, ut potius hoc ipso sæpe extinguatur. Elephantiasis etiam, ALPINO teste, *de medicina Aegyptiorum lib. 1. cap. 4.* est familiaris Ægyptiis, sicut etiam Arabibus & Javanis, de quibus videatur disputatio *Dn. Albini*; illud vero malum a victu insueto præsertim carnis asininæ & potu Nili turbido deducunt, cui sententia subscribit GALEN. *l. 1. de facult. aliment. it. Avicenna fen. 3. 4. tract. 3. c. 1. & Lucret. lib. VI.*

Est elephas morbus, qui propter flumina Nili

Gignitur Ægypto in medio neque præterea unquam.

26. CIRCA Æthiopiam hoc memorabile, quod mulieres ibi facillime pariant, in genua procumbentes ad effundendum naturæ opus, uti diligentissimus rerum Æthiopicarum scriptor LVDOLFVS *in hist. Æthiop.* refert. Eandem fortitudinem & robur in Brassiliensibus feminis laudat BARLÆVS *in libr. de rebus in Brasilia gestis* ita scribens: *nec Europæ more in hebdomadas quinque aut sex puerperia trahuntur; verum altero a partu die ad opera laboresque firma, quamvis pusilla, corpora redeunt; sæpius audiui & legi de ancillis Indicis in Batavia Hollandis servientibus, quod post partum ipsæ in profluentem aquam abeant, seque infantesque suos sine ullo sanitatis periculo lavent.*

27. QVI in Guineam navigant & in castello S. Joris de Mina degunt, per aliquot milliaria plerumque vermibus per totum corpus vexantur, magis tamen Æthiopes quam Germani. Tanta vero vehementia sævitiaque huius mali est, ut præternavigantes etiam adfligat, quibus prurire statim incipit, cutis partim in brachiis & pedibus partim in obesi-

obefioribus corporis partibus multaque carne tectis. Prodit mox postula modo unius modo trium pisorum magnitudinem exæquans, quæ ab ipso verme non perrumpitur, ab accersito tonsore rei huius perito tempestive cognita disseccatur. Apparent tunc in aperta pustula duo parvi pili, qui cum candidi sint, & capiti inhæreant, barba vermis vocitantur. Excitata pustula aqua est referta, ex qua matutino vespertinoque tempore vermis extrahitur. Si obefiori loco insederit & ad membri longitudinem ex pustula prominuerit, sæpius accidit, ut totus & una quidem vice extrahatur. Ipsi illi vermes longitudinem sæpe unius ulnæ referunt, colore nivem exæquantes, tactu frigidi sunt, licet calida ex carne exeant, crassitudine filum paullo robustius exsuperant. Si in pedibus sedem fixerint, adeo musculis venisque involvuntur atque implicantur, ut non toti sed per frustra educantur, colligente se exinde magno in cruribus tumore atque cutis materia. Quæ ut erumpere possit, fontanellæ incidendæ sunt, vel alio modo exitus puri parandus, quo fit, ut multa inde pedum vitia, sæpius etiam claudicantem ægri incurrant vid. DEMMERSAN *Itin. Indic.* Meminit etiam huius morbi PLUTARCHVS *sympos. cap. 9.* qui erudite admodum de hoc malo ita scribit: *qui mare rubrum accolunt, ut Agatharchides testatur, novis adfliguntur morborum symptomatibus, quæ parva sunt & dicuntur Dracontia. Hæc suras & brachia exedunt & sese inclinant & prospiciunt, contrectata vero sese rursus illatebrant ac fugiunt; complicata vero in musculis phlegmones intolerabiles excitant.* Plura de hac materia legi possunt apud WELSCHIVM *in dissert. de vena Medinensi apud LVDOLF. in hist. Æthiop. & HIERON. MERCVRIAL. V. L. lib. 2. cap. XX.*

28. DRANCVLORVM causam invenire res certe est difficilior, paucis tamen ut nos expediamus, verosimillimum est a corruptione aquarum id fieri malum. Supponimus cum PISONE *in H. N. l. 2. c. 16.* sub æquatore & calidissimis locis

(Hoffm. Opusc. patholog.)

Ccc

aquam

aquam scatere omnis generis vermiculis, præsertim puteales stagnantes, quos sol fervore suo fovet atque excitat. Nul- lum inde dubium, quin quando aquæ hæ avidius potentur, vel etiam post æstum poris apertis aquæ immerguntur pedes, femina muscutorum atque cutis intrent interstitia, quæ ibi quæta calore humido temperatoque foveantur ac nutriuntur. Non novum apud nos quoque tale vermium genus est, qui sub cute in cervis, vitulis aliisque animantibus, germanice vocantur Engerling, hōspitant, & cutim ita exedunt, ut to- ta inde fiat pervia. Tangit hoc malum iuniora maxime ani- malia, quæ inde conficiuntur macie.

29. RESTAT adhuc America, de qua etiam pauca circa endemios morbos exponere licet. Memorabilia sunt, quæ no- biscum communicavit *Baro de la HONTAN nouveau voyages dans l'Amerique septentrionale Tom. II. pag. 144.* Incolæ A- mericani adeo robusto compactoque corpore sunt, ut paucis morbis sint obnoxii: nulla ibi membrorum resolutio, nullus calculus & hydrops observatur. Tanto maior vero admira- tio tam vegetæ sanitatis in agrestibus his corporibus est, quan- to minor ipsis cura est servandæ valetudinis, quam etiam ni- miis corporis exercitationibus, saltatione, venatione, mili- tia temperamentique per diem crebra mutatione debilitare videntur. Pleuritis interdum illos affligit, cuius curandi morbi norunt remedium: maxime vero variolæ in Canada versus septentrionem, & versus meridiem lues venerea gras- santur; prior morbus per hiemale tempus propter impedi- tam transpirationem periculosus est, posterior per Illinosen- sium fluvii que Missis sippi tractum vulgatum malum est. Mag- nam quoque hominum copiam in Canada spiritus vini abu- sus interimit; absumptus enim, ex nimia huius potus ingurgi- tatione, nativus calor omnes fere illi morbo implicat, quem consumptionem vocant. Cæterum medicamenta non magni æstimant, vomitoriorum & venæsectionis usum irridentes. Singulis autem fere hebdomadibus sudare solent, ita quidem,
ut

ut sani & diffuentes sudore per æstare fluvios ingrediantur, & per hiemem in nivem se immergant.

30. IN insula Cuba, Jamaica & Hispaniola serpentes & scorpiones morfu plurimis nocent, contra quod malum ita sese defendunt. Partem nempe adfectam ligant, ipsamque aliquando scarificant, imponentes postea theriacam, quam etiam intra corpus adsumunt, intus etiam pulverem ex corde & hepate serpentum ad scrupulum unum devorant, quibus non solum a morfu horum animalium sese præservant, sed & facile se curant. In Peruvia endemia est venerea lues, ibi primum excitata, post novi orbis inventionem inque Europam anno 1494. advecta, & primum in Neapolis obsidione visa est. Præter hanc turpitudinem accusant humanæ carnis, lacertarum, piscium frigide comestorum usum, qua de re legi potest Dn. TETRI *hisor. des Anchilles tom. II. Tract. V. cap. 2.*

31. HÆC sunt, quæ de morbis certis populis ac regionibus familiaribus ex nostris notatis & observationibus communicare volumus. Iudicet lector benevolus physices studium, ad medicinam quam utile sit, & quod ex iis rebus, quibus vivimus corporeis nempe & mechanicis, ægrotemus, restituamur & moriamur.



DISSERTATIO V.

DE

LÆSIONIBVS EXTERNIS,
ABORTIVIS, VENENIS AC
PHILTRIS.

Tanta artis salutaris dignitas est atque potestas, ut non modo ad vitam cum sanitate tuendam morbosasque afflictiones persanandas salutaria suppeditet consilia atque auxilia, sed & Jureconsultis, in gravioribus casibus, ubi de hominis vita & morte, fama & felicitate agitur, viam monstret & fundamentum suggerat, cui innitentes, ipsi postea, quod justitia poscit; decernere possint & exsequi. Nemo enim non novit, Iuris peritos semper, & quidem merito, medici exquirere judicium, quando tragicus quidam incidit casus, & delictum in vitam & sanitatem alterius admissum est, atque etiam prout medicum hoc fert decisum, poenam a iudice vel graviolem, vel mitiorem infligi. Quod quidem medicorum officium forense, quum versetur circa res maximi momenti; ipsi omnino serio sunt monendi, ne precipitanter aut temerario, sed summa cum prudentia, circumspeditione ac deliberatione eodem perfungantur, neque etiam ex opinione aut hypothese quicquam decernant, sed ex certis & inconcussæ veritatis fundamentis, medicis æque ac chirurgicis judicent, omniaque firmis ac demonstrativis rationibus corroborent. Nam egregie non minus quam vere monet TVLPIVS *lib. IV. cap. VII. plurimum, inquit, interest, sentiam suam haud leviter ferre, nedum in tam gravi casu amicitie aut hostilitati quicquam dare, quin potius soli veritati litare, quæ ut semper recta sit, nunquam non justa ac DEO grata est. Sit tibi religio nunquam iudicem in fraudem elicere. Neque enim minores pœnas DEO dabit, qui insontem damnat, quam*

quam qui fontem dimittit. Quare si forsan in re majoris momenti medici & phyfici ad judicandum requisiti minus aptos ad hoc sese sentiant, satius est & conscientiae melius consulunt, si aut peritiores simul in consilium vocant, aut iudicium suspendunt & rogant, ut Facultati medicae acta ad iudicium ferendum tradantur. Non enim Iurisconsulti, ut iudices, sed ipsi medici per decusum suum absolvunt, aut condemnant, ac si in promendo hoc falluntur, ille supremus iudex non minus sanguinem, per iniustam rei absolutiorem, inultum, quam insontis perperam damnati effusum, certe vindicabit. Ipsi vero etiam Iureconsulti, eapropter sunt monendi, ne semper privatis medicorum & phylicorum fidant responsis, quippe qui saepe non sufficienter anatomica, chirurgica & rationali medica scientia sunt instructi, sed ut potius conscientiae rationem habentes, ab integro quodam collegio iudicium rogent, antequam decretoriam suam ferant sententiam. Deinceps medici in reddendis iudiciis saepe in eo delinquant, quod licet non falsa, ea tamen afferant, quae minus ad rem faciunt. Evenit hoc, uti novimus, haud raro quando acta sine quaestionibus traduntur: medici autem attente acta non perlustrant, nec eapropter quid potissimum in quaestione sit & determinandum norunt, sed dubia dubiis, rationes steriles rationibus, allegata allegatis cumulant & aequivoca dictione efferunt, quod tamen certo definiendum, ut postea iudicibus, rerum medicarum plerumque ignaris, difficile sit, vel allata intelligere & ex ambagibus in viam redire, tantum abest, ut in usum suum inde quicquam depromere possint. Ex quo quum errores saepe & confusiones oboriantur; semper omnino eo allaborandum est medico, ut post curatam actorum perlustrationem contentorumque considerationem, in quo cardo rei versetur, perspiciat, sententiam suam perspicue & succincte promat, eandemque solidis, clavis & ad rem facientibus argumentis confirmet. Sed tum haec, tum alia, medico forensi, tam facienda, quam vitanda, in hac dissertatione uberius evolvere & monstrare nobis

bis constitutum est, ita tamen, ut selectas tantum observationes, de *læsionibus externis, abortivis, venenis ac phlebotomis* excerpamus, omniaque luculentis ex experientia depromptis exemplis illustremus ac confirmemus.

Observatio. I.

Cadaveris inspectio absolute est necessaria, quando homo aspectu sanus, ita ab altero læditur, aut vulneratur, ut paulo post, vel intra horæ spatium, e vita discedat.

Scholion.

Nonnulli quidem ex celeberrimis JCTis, ac inter hos etiam FELTMANNVS *de inspect. cadaver. cap. LIV. §. IV.* ea in opinione versantur, ac si tum non opus esset inspectione & iudicio de absoluta lethalitate, quum ipse effectus idem iam clarissime demonstraret. Sed tum etiam nihilominus instituendam esse sectionem & in mortis causam inquirendum, rationes urgent graves. Agitur enim hic de hominis vita, in quo negotio probationes debent esse quam clarissimæ, oculis autem & manibus, plus credendum esse, quam opinionibus, perhibuit iam HIPPOCRATES. Deinceps utique accidere per experientiam constat, ut quispiam leviter, vel minimum non absolute lethali modo læsus; exacto tamen exiguo temporis spatio non ex læsione, sed delitescente interius alia causa intereat. Memini adhuc rustici Westphali, qui mensæ assidens, & ab uxore contumeliosis verbis exceptus, frustum panis Westphalici, quem vocant Bonpurnickel, iratus arripuit, & in uxoris triclinio exeuntis sinistrum latus coniecit, eo cum effectū, ut illico male haberet, & post aliquot horas inter animi deliquia obiret. Sectione facta, lien quidem disruptus & aliquot sanguinis coagulati & congrumati mensuræ in abdominis cavo comparuerunt: sed femina diu jam antea aspectu fuerat pallida & in iram prona, ipse quoque lien disruptus ingentis & præternaturalis erat magnitudinis. Hinc recte a medico iudicatum: ob vasa adeo distenta, tunicamque per se tenuem nimium expansam, facile diffiluisse

lie-

lienem, nec ab ictu hoc, si status fuisset naturalis, potuisse disrumpi. Quo Icti permoti, marito non ordinariam, sed extraordinariam, fustigationis poenam decreverunt. Alium in dextro latere baculo aliquoties percussum, postea in sinistrum latus cecidisse & brevi post obiisse, novi, ubi post mortem interius lien aliquot fissuris hians & copiosus coagulatus sanguis in ventre inventus, exterius autem in latere sinistro nulla sugillatio, sed in latere dextro apparuit. Neque tamen hæc mortis causa plagis, sed potius facto post eas lapsui tribuenda fuit, eo quod lien in homine totus ex vasis sanguiferis copiosis est coagmentatus & ob membranarum, quibus cingitur, tenuitatem facile potest rumpi, ex quo postea succedit sanguinis effusio lethalis. Halberstadii accidit, ut viro juveni, quadrato & robusto sanguineo, inter rixas cum sodalibus caput percuteretur cum cantharo ligneo, isque inde in lectum ob crapulam delatus mane inveniretur mortuus. Instituta sectione, vix levis sugillatio & curis fauciatio a plaga observata, nec in capite, nec aliis corporis visceribus quicquam præter naturam inventum. Sed dissecto tandem corde, ingens in conspectum prodiit polyposum concrementum, arteriæ pulmonali firmiter impactum. Quod quia ostium pulmonali arteriæ clausit, per iram & crapulam sanguinem valide fuisse commotum, polypum e dextro cordis ventriculo abruptum, pulmonali arteriæ intrusum, sanguinis cursum interceptum, & sic subitam mortem inductam tuli iudicium. Caveant igitur medici, ne perfunctorie inspiciant cadavera, nec eas tantum partes, quas proxime tetigit vulneratio, sed ut vicinas etiam, imo totum corpus omnesque ipsius partes, examini subjiciant, quo sic tandem mortis veram & adæquatam causam inveniant.

Observatio II.

Læsiones absolute lethales, oppido paucae sunt in genere, sed plures in specie, in alio scilicet atque alio individuo.

Scho-

Scholion.

Læsiō per se & absolute lethalis in genere ea dicitur, quæ vitam omnibus, semper & necessario adimit, cujuscunque ætatis, temperamenti, sexus & corporis constitutionis ac roboris sint, licet etiam optima quævis tempestive adhibeantur præsidia. Sic lethiferæ sunt paucae læsiones & tantum eæ, quæ vasa sanguifera majora circa cor, pulmones & viscera interna afficiunt, quando cor ipsum perfoditur, caput & cerebrum circa nervorum principium, medullam oblongatam & spinalem, gravius læditur, aut ibi effusus humor colligitur, nec ulla arte discutiendus, nec educendus, sed putrescendo necans. Multæ vicissim occurrunt læsiones, quæ licet in genere non sint absolute mortiferæ; in illo tamen, in quod inciderunt, individuo, moriendi necessitatem imponunt absolutam. Nam ex vero scribit CELSVS *lib. V. cap. XXVI. confert etiam aliquid & ætas, & corpus, & vitæ propositum, & anni tempus. Quia facilius sanescit puer, vel adolescens, quam senior, valens, quam infirmus; neque nimis tenuis, neque nimis plenus, quam si alterum ex his est, integri habitus, quam corrupti.* Res patebit exemplis. Senex septuagenario major graviter in pede dextro, a glande plumbea trajecta vulneratur, tibiæ & fibulæ os frangitur &, insignis succedit hæmorrhagia. Adest quidem illico chirurgus peritus, qui sanguinis fluxum compescit, & vulnus secundum regulas artistraçtat: nihilominus accedit corruptio, sphacelatio & quinto die mors ipsa. Lethum igitur intulit vulnus; non tamen in genere fuit absolute lethale. Sphacelus enim externus efficacibus remediis cohiberi, vel etiam pars illo affecta amputari & sic, ne latius serpat putredo, potest impediri. At, in juvenili, robusto & valido corpore, id quidem commode perficitur, minime vero in sene, viribus fracto, cujus succi jam in putredinem proni, in quo sphacelati pedis amputationem ob virium defectum & hæmorrhagiam subsequuturam instituere non licet; quin licet operatio tentaretur, metus

tus tamen esset, ne in tanta succorum impuritate, sphacelosa corruptio repullularet; quum non insolens sit, vel levem incisionem & læsionem tendinis, ex abscisso pedis clavo, sphacelationem attulisse lethalem. Quare rectum omnino iudicium: vulnus descriptum in hoc individuo fuisse absolute lethale, quia nulla certa demonstratione potest evinci, quod sanationem ullo modo fuisset admissurum. Eadem ratio etiam aliorum est vulnerum: neque enim medicus, nec chirurgus, vulnus tantum curant & vitam servant, sed ipsius corporis natura, sive partium solidarum & fluidarum dispositio, optima & potissima, uti morborum internorum, sic etiam læsionum externarum, est medicatrix; quam medens, si deficit, juvare, sublevare & impedimenta optati successus remove debet. Hæc si non satis valens est, sed per ætatem, nativam & hæreditariam dispositionem, per morbum prægressum crebrioresque animi affectus, languida est ac debilis, succi impuri, fibrarum robur remissum, corpus molle & spongiosum, læsiones inflictæ utique facile fiunt absolute lethales, licet medicus, chirurgus & adstantes omnia, quæ ex usu sunt, contulerint.

Observatio III.

Vulnera ut plurimum lethalia & propter naturæ bonitatem in quibusdam tantum sanata, in aliis cum lethali eventu occurrentia, non per accidens lethalia censenda.

Scholion.

Nihil in foro medico frequentius, quam ut mortuo vulnerato, rei defensor suspectam vulneris lethalitatem reddere nitatur, idque, quamvis gravissimum, per accidens lethale fuisse contendat, allegatis ex medicorum observatis multis raris, sanationis fere miraculosæ exemplis. Sed magna inter vulnus ut plurimum, & per accidens lethale intercedit differentia. Nam læsio per accidens lethalis ex se & sua natura nunquam ad mortem inferendam est sufficiens, & in robustioribus æque ac infirmis sanationem recipere potest,

(Hoffm. Opusc. patholog.)

Ddd

test,

test, ob intervenientes autem fortuitas quasdam causas, ad eventum lethalem deducitur. Causæ etiam, quæ mortem procurant, nec a læsionis, nec læsi natura dependent, sed non naturales sunt & ab extra accidunt. Sic quando musculus temporalis aut pericranium læditur, id quidem non moriendi infert necessitatem, sed sanationis commodissimus est locus. Interim quando læsus frigori, vel urenti calori affectam partem exponit, aut impetuosius animo movetur, nec non quando in plethorico venæsectio omittitur, aut chirurgus perperam medicationem instituit, & acria atque stimulantia admovet, mors excipit & læsio fit per accidens lethalis. Longe vero alia ratio est illarum læsionum, quæ graves & ad interficiendum sunt sufficientes. Nam si quandoque sanatæ commemorantur, id non vulneris levitati sanitatem admittenti, sed peculiari prorsus naturæ robori esse tribuendum. Contra ea, quando lethalem sortiuntur eventum, naturales & intrinsecæ indeclinabiles, a vulneris & corporis debioris natura pendentes, causæ subsunt, nec læsio eapropter tantum per accidens lethalis est habenda. Exstant exempla, qui a vulneribus intestinorum tenuium, ventriculi, diaphragmatis, hepatis, ob validum minusque exquisiti sensus corpus convalescerunt. Plures vicissim eodem modo vulnerati occubuerunt, licet nec in curatione, nec vitæ victusque regimine quicquam utile omissum, & nocivum admissum est, ex quo lethalis eventus posset derivari, tantum quod non tam emens fuerit virium robur, & superando tam gravi vulnere sufficiens. Miraculosa etiam sunt nonnulla exempla de cerebri cum membranis ipsius vulneribus, e quibus successive magna cerebri portio exiit, quæ tamen in plebejis & robustis hominibus sanationem recepit. Sed si ejusmodi vulnera corpori accidunt, solito tantum robore pollente, tanto magis senili, aut infantili infirmo, nunquam non necant, nec ob rara sanationis exempla in his propter accidens pro lethalibus venditanda.

Observatio IV.

Dantur læsiones in se & sua natura non, sed tamen absolute lethales, quia ad ipsas sanandas non est accessus.

Scholion.

Non quidem omnia insanabilia vulnera, sunt absolute lethalia. Prostant enim exempla eorum, qui in hepate & intestinis vulnerati, per longum adhuc vitæ tempus, læsionem non consolidatam circumtulērunt. Nihilominus verum manet, quod læsiones insigniores, uti sunt in vasis sanguineis, nisi medicina admoveri possit, necessario fiant lethales. Nam si quis in suprema femoris parte profundius paullo fuerit fauciatus, & vasa ibi discurrentia ampliora dissecta, omnino lethale est, quia ob profunditatem stipticum nec applicari, neque dissectum vas ligari potest, sed vitam cum sanguine effundi indeclinabile. Novimus etiam quendam tam leviter in abdomine fuisse fauciatus, ut vix pollicis crassitie penetrarit gladius, rite quoque vulnere tractato, bene habuisse, functionesque iterum expedite successisse; post quatrimum autem ex improvviso languescere & animo linqui coepisse, viribusque indies magis concidentibus, sexto die animam exspirasse. Dissecto post mortem cadavere, notabilis cruoris in abdominis cavo copia fuit inventa, quæ ex discisso omenti vase sensim profluxerat. Nemo sane vulnus hoc inflictum per se lethale, sed ampliari, sanguinis stillicidium compesci, vel vas fauciatus ligari potuisse iudicabit. At chirurgus coniicere non potuit, imprimis in principio, quum nullum urgeret symptoma, quod & quale vas, in omento præsertim, fuerit læsum. Et licet etiam chirurgus sectione ampliationem tentare voluisset: procul tamen dubio æger, nihil mali præsentens, renuisset; ne dicam ejusmodi incisionem semper periculi expertem esse. Atque adeo in morali hac, non physica, sanandi impossibilitate, quid decernendum sit, quæstio altioris indaginis JCr̃is decidenda venit.

Observatio V.

Quandoque exigua admodum est læsionis nota: mors tamen inde subita sequitur.

Scholion.

Obversantur animo plures ejusmodi casus. Memini adhuc quendam pugno fortius in scrobiculo cordis percussum, qui illico concidens, adhibitis frustra analeptics, sub animi deliquiis periit. Post mortem, nec corruptio, nec sphacellus, nec sanguinis extravasatio, nec ulla vasis ruptura visa, sed tantum macula nigricans thaleri ambitu in diaphragmate fuit, ubi ensiformi cartilagini connectitur. Mors cito sequuta, plagam hanc ipsius causam fuisse prodit, sed quo pacto tam levis, uti visa fuit, læsio id efficere potuerit, primo intuitu in difficili esse videtur. Verum diaphragma pars exquisitius sentiens est, ejusdemque actio ad respirationem, quæ cum vita pari passu ambulat, est absolute necessaria. Ob sensum igitur acutum pugni percussione spasmus septo huic est inductus, qui non modo ad universum nervosarum partium systema propagatus, sed & diaphragmatis motum sufflamnavit; quo cessante, necessario & pulmonum & cordis motus cum vita cessavit. Interim neutiquam absolute asserere vellem, ejusmodi ictum, semper eundem, vel similem tantum in corporibus producturum fore effectum, quæ, non adeo sunt sensibilia & ad spasmos concipiendos disposita. Leve etiam erat vulnus, quod militi in ventre circa umbilicum tantum per integumenta erat gladio inflictum, quod tamen intra quatrimum erat lethale. Nam quum, accepto ictu, vehementer adhuc cum adversario rixaretur & corpus commoveret, sub inspiratione fortiori omenti particula in vulnus fuerat intrusa. Chirurgus pinguedinem vulnus claudentem esse putans, non reposuerat, sed emplastrum tantum apposuerat, nullumque periculum adesse declararat: hinc omenti incarcerationa portio abiit in sphacelosam corruptionem, quæ latius serpens, eadem labe abdomen totum contentaque

in

in ipso viscera tam subito affecit, ut æger quarto die interierit. Chirurgus culpam declinavit eo, quod omenti portio non ex vulnere apparuerit, sed inter membranas & musculos abdominis hæserit, ubi dijudicare & discernere non potuerit, an profunde penetrarit vulnus, an vero occlusum fuerit omento. Interim reus, quia læsio intra quartum diem & fatalem terminum mortem attulit, capitis ab Jctis est damnatus, iuste, an iniuste, nobis non est definiendum. Neque prætereundum leve illud aspectu diaphragmatis vulnus, quod inter binas ultimas costas in substantiam septi ibi accreti vix ad duos digitos transversos gladio obtuso fuerat inflictum, sine ipsius perforatione, & sine notabili sanguinis effusione, post aliquot tamen horas sub coelo frigido lethale, eo quod violentus inde diaphragmati spasmus inductus, quo respiratio non modo interclusa, sed & vasa amplissima per diaphragma transeuntia compressa, ut sanguis in laxa mesenterii compage & inter adiposam renis dextri tunicam, perrumpere fuerit coactus. Quin quandoque nec læsio, nec instrumentum lædens, externo aspectu morti inferendæ videntur apta, & læsus tamen brevi periit. Novimus fistula tenui terrea fumigationi tabaci serviente, orbitam oculi inter pocula ex improvviso fuisse pertusam, & quia os ibi tenuissimum & cerebrum ejusque basis propinqua, citam a læsione subsequutam esse mortem.

Observatio VI.

Læsio per se non lethalis, sæpe ex ignorantia, aut defectu chirurgi, mortem infert.

Scholion.

Non adeo infrequens hoc est in foro & praxi medico-chirurgica, nec adeo multum temporis effluxit, quum facultati medicæ acta transmissa, de vulnere cæsim inflicto in externa parte cubiti, ita ut eminens ossis humeri portio abscissa, cum cute & carne esset pendula. Commode hæc læsio potuisset persanari, si remota abscissa parte, hæmorrhagia in

loco obvio cohibita, balsamum vulnerarium applicatum, & epithemata discutientia defensiva fuissent admota. Sed quia chirurgus frustum pendulum iterum adducendo, viam ad sistendum sanguinis stillicidium præcluserat, emplasticis suppurationem impedivit, nec defensiva apposuit: non modo cum ingenti virium lapsu hæmorrhagia sæpius recrudit, sed & ob ligatam arctius, ne sanguis irrueret, supernam brachii partem, infra vulnus illud perfrigeratione & necrosi affectum est, ac læsus undecimo die exspiravit. Potest etiam contingere, ut vas majus arteriosum, vel venosum discindatur, in tibia, aut brachio, ubi commodus alias delegandi locus est. Læsus autem quia extra urbem, aut in pago degit, ubi chirurgus, vel nullus, vel non peritus obtinendus erat, ob hæmorrhagiam, per remedia alias & artem compescibilem, sub his vero circumstantiis nimis effusum & lethalem, periit. Quæstio est, an percutiens plecti possit poena capitali? Interim si forsitan chirurgus etiam nonnihil, quod utile esse potuisset, in vulnere lethum inferente omisisset, ea propter ipsi tamen soli non illico mortis causa tribuenda, sed semper læsi corporis constitutio consideranda, & videndum, an, etiamsi omnia ex arte exquisita fuerint confecta, ipse potuisset servari, vel secus? Atque etiam si casus fuerit dubius, utrum læsi naturæ, an chirurgi medicationi fatalis eventus sit adscribendus, medicum collegium, corporis vulnerati robur & rationem ignorans, in chirurgum mortis causam per accidens conjicere nequit; licet reprehensione & poena dignum judicet ipsum, quod non omnia, ad sanationem ex arte proficua, contulerit.

Observatio VII.

Lethalitas vulneris, ex temporis, quo læsus supervivit, diuturnitate æstimari nequit,

Scholion.

Est quidem secundum legum civilium constitutionem novem dierum spatium, ille fatalis terminus, ex quo absoluta vulneris lethalitas judicatur; vulnus vero per accidens lethale,

thale, interea mortem inferre posse, supra jam docuimus. Et quod in vulnere absolute lethali funestus eventus longius, ad aliquot interdum hebdomades, protrahi queat, uberius per experientiam constat. Exemplo sit vulnus vesiculæ felleæ, quod absolute est lethale, cito tamen non necat. Diu enim adhuc succedere possunt cordis & arteriarum, vitam sustinentes, motus, & bilis exigua copia destillans aliquandiu in abdominis cavo, vita superstita, fluctuare. Sed quia vulnus nulla arte consolidandum & biliosus humor continuo in abdomen effunditur, temporis diuturnitate nimis augetur, & non modo tunicas intestinorum arrodit, sed & alia viscera corrumpit, atque adeo lentam mortem, post mensem & ultra necessitate affert indeclinabili. Nec dissimilis vulnerum œsophagi, ventriculi & intestinorum est ratio, quæ quum non proxime vitalem sanguinis progressum turbent, non cita mors excipit, sed post aliquot demum tempus, ob sensim factam succi alimentosi & chylosi exstillationem, corruptionem cum morte inferentem, sequitur.

Observatio VIII.

Mortis causa in renunciatione curate distinguenda a causa lædente, semperque videndum, an illa, ceu effectus, ita comparata, ut adæquata sit huic, tanquam causæ efficienti.

Scholion.

Hoc si observatur, facile patebit, an læsio per se attulerit mortem, an vero causa eandem induxerit alia. Nunquam enim læsis, eodem modo ac sanis, accidit morbus, ex quo, quum moriuntur, causa perperam læsioni tribuitur. Erat adolescens, qui baculo in pectore circa quartam & quintam costam, cum levi duntaxat sugillatione percussus, tertio die prævia horripilatione incidit in febrem; cui accessit tussis sicca, respiratio difficilis, & quarto die sanguinis sputum, quod tandem substitit & septimo die æger occubuit. Post mortem in dextro latere, ubi percussus erat, corruptus cruor & magna feri in pericardio colluvies inventa; orta inde
discep-

disceptatio est, annon ex illata læsione obierit. Sed per inquisitionem patuit, tum temporis epidemium fuisse inter juniores pleuriticum morbum, nec dubium esse, quin adolescentulus eodem decubuerit, quia non modo ordinarium pleuritidis veræ symptoma, sputum quarto die cruentum, adfuit, sed & causæ morbo huic inducendo aptæ, ut ira gravis & superingesta frigida larga potio, innotuerunt. Plurimum itaque refert, ut medicus probe in circumstantias inquiret omnes, quæ ad lethalem eventum conferre potuerunt, quo certus sit, nullam aliam causam, quam læsionem, intulisse lethum. Ante viginti circiter annos ordini medico hujus Academiae tradebantur acta, cum annexo baculo ex ligno betulæ, crassitie pollicis, quo femina in collo & humeris percussa, paullo post interierat; inventis quidem in collo & humeris plagarum vestigiis, sed in capitis exterioribus, nulla adfuit sugillatio, fissura vel fractura; in cerebri autem ventriculis aliquot cochlearia sanguinis extravasati visa sunt. Medicus, qui sectioni præfuerat, extravasationem absolute lethalem fuisse edixit, quia nec per remedia pharmaceutica, nec chirurgica, removeri potuerit. Defensor suspectam hanc relationem eam ob rationem reddidit, quia læsa viva & satis adhuc valida aliquot milliaria pedibus emensa sit, quod facere non potuisset. Quare judices a binis in Saxonia collegiis medicis academicis rogarunt judicium, quæ vero in partes transierunt, & absolutam lethalitatem asseruerunt. Quum vero nobis tandem traderentur acta, vidimus, a testibus depositum fuisse, defunctam mensium suppressione, & sæpe etiam colica convulsiva laborasse, post verbera quoque de ingenti ventris dolore esse conquestam. Vnde pronuntiavimus: mortis causam fuisse quidem sine dubio sanguinem in ventriculos cerebri effusum, sed quod hæc mortis causa, proxime & immediate a plagis fuerit inducta, id esse in quæstione, nec ullo modo posse demonstrari. Percussionem enim tantum in collo & humeris factam non tanti fuisse, ut po-

potuerit in capitis interioribus tam lethiferum inducere effectum, sed feminam procul dubio interiisse apoplexia; dum commoto per iram sanguine, eodemque per dolorificos in ventre spasmos ad caput impetuosius translato, tenera plexus choroidei vascula diffiluerint, sanguinemque effuderint.

Observatio IX.

Medicus in relatione sua claras tantum & certas sententiae rationes allegare debet; neutiquam vero rerum conjecturis & praesumptionibus plus tribuere.

Scholion.

Nuperius admodum id factum esse a medico veterano ipse reminiscor. Secuerat is foetum per abortum septimo mense exclusum, jam tum quidem perfectum, sed flaccidum & quasi tabidum, comparente nulla in capite totoque corpore lethalis laesionis nota, pulmonibus etiam in aqua subidentibus. Mater ex furtiva venere gravida occuluerat, & graviditatem negarat, quinto mense post frequentes vomitus & anxietates, ob dietam insalubrem inciderat in tertianam, eamque post binas hebdomades piperis, & radices imperatoriae ex aqua ardenti usu profligarat. Postea carceri mancipata de capitis dolore, languore artuum, appetitus prostratione, nec non dolore ischii & siti fuerat conquesta, ad quam fallendam aquam frigidam copiose ingurgitarat. Elapsis aliquot diebus accesserant ventris tormina, & aquosus humor continuo e genitalibus stillarat, donec tandem foetum primum, ac postea secundinas, remotis arbitris, sub atrocissimis doloribus excluderet. Medicus igitur in relatione sua judicavit, ex circumstantiis in foetu observatis probabili ratione esse concludendum, matrem per multa pellentia foetum exturbare voluisse, hoc autem jam nimis adulto, irritum fuisse molimen, interim subtractum embryoni esse alimentum, ut contabuerit, tandemque vivere desierit. Sed in actis nihil plane fuit reperiundum, quo potuisset confirmari, matrem abortiva assumsisse & veri potius fuit simillimum, ex in-

(*Hoffm. Opusc. patholog.*)

E e e

salu-

salubri diætâ succos redditos impuros, & post tertianam non recte tractatam successisse lentum morbum, sanguinem & succos laudabiles consumentem, foetuique subtrahentem, demumque per terrorem & iram ob incarcerationem, abortum esse inductum. Quare ejusmodi in casibus omnino necessarium, ut inquisitione finita, acta collegio medico transmittantur. Sic enim ex testimoniis sæpe circumstantiæ innotescunt, quæ ad decisionem categoricam, absolutionem, aut condemnationem, multum faciunt, quæque medicum renunciantem a principio latuerunt.

Observatio X.

Medico, qui curationi læsi defuncti præfuit, in propria causa testanti, non semper fides habenda.

Scholion.

Medicus, qui læso medicatus est, hoc pereunte, absolutam plerumque inculpat vulneris lethalitatem, ne se ipsum inculpet, quasi quicquam ad vitam servandam omiserit, aut quod noxium admiserit, licet sæpe culpæ non expers sit, in primis quum pauci ex junioribus, præsertim medicis ac physicis, sufficienti polleant experientia, ut sciant, quomodo graviter læsis per interna & externa recte sit succurrendum. Compertum id exemplo cujusdam habeo, in pectore, duobus transversis digitis infra mamillam dextram, vulnerati. Effluxerat ex hoc vulnere per aliquot dies sanguis purus, sanie postea remixtus, sed non adeo copiosus, medicus & chirurgus deficiente sputo cruento, non ex pulmonum viscere, sed ex vulnere in obeso corpore prodire materiam putarant, vulnusque post tertiam hebdomadem ad consolidationem deduxerant. Sed consolidato ipso, tussis successit, spiratio difficilis, cum lento calore, copiosis sudoribus matutinis, & æger post quartam hebdomadem fati cessit. Dissecto cadavere, dextra thoracis cavitas magnam puris continuit copiam, totusque ibi pulmo fere corruptus, niger & putridus comparuit, & procul dubio sanies, per consolidationem exi-

tu præclusa & sanguini remixta, mortis causam præbuit. Alius in pulmone vulneratus, parum sanguinis sputo rejecit, cui medicus decoctis traumaticis & adstringentibus occurrit, eoque cohibito & phthisis, pulmonis ulcus, tandemque post duos menses mors ipsa successit. Medicus curationis artifex insanabile fuisse malum testatus est; ego vero aliter sensi. Nam ea tantum pulmonis vulnera sunt lethalia, quæ vasa majora lædunt, non vero levia, minores canales sauciantia. Prostant potius exempla, de pulmonum vulneribus, subsequente sputo cruento, tussi & difficili respiratione, quæ tamen perfecte sanata sunt. Quin TVLPIVS *lib. II. cap. XVII. pag. 219.* memorat: frustum pulmonis uncias tres pendens fuisse abscissum, sine vitæ dispendio. Et PECHLINVS *in hist. vuln. thor. art. XXIII.* non tantum vulnus pulmonum; sed & partem lobuli deciduam observavit, ægro convalescente. Quare culpa potius in usurpata sputum cruentum sistentia rejicienda, quibus sanguis subsistens, & in putredinem abiens phthisicum morbum genuit.

Observatio XI.

Pulmonis in aqua subsidentia, non est infallibile foetus in utero mortui signum.

Scholion.

Embryonem in utero non respirare, res est indubia. Pulmonis etiam vasculosum vesiculosumque viscus ab aere atmosphærico expandi aptum, eapropter in uterino claustro collapsum, minus spatium occupare, & ob id aqua specificè gravius in hac subsidere, & vicissim, postquam extra uterum aer gravitate & elasticitate sua irruens, compagem omnem diducit, majus spatium explere, aqua levius reddi ac supernatare, id pariter certum. Sed quod medici infanticidio imputato indubium venditarunt foetus in utero mortui signum, subsidentiam, id non adeo certum, sed fallax est. Novimus enim infantis jam per aliquot hebdomades extra uterum vivi, & a matre melancholica suffocati, pulmones, aquæ injectos fundum petiisse. Ratio huius observationis in procli-

vi est: in suffocatis scilicet, ob interclusum spiritum, sanguis ex uno ventriculo non potest transferri ad alterum, sed in pulmone congeritur, vascula numerosa farcit, coagulatur & præternaturalem gravitatem visceri huic conciliat. Medici itaque, qui sectioni præest, officium est, ut pulmonum corpus probe perlustret, & dispiciat, an vasa sanguine crasso sint facta, quod in embryone non accidit.

Observatio. XII.

Non dantur pharmaca, simpliciter & absolute natura sua talia, quæ abortum procurant, sive foetum immaturum utero expellunt.

Scholion.

Abortiva pharmaca per se & sua natura talia, quæ si non in omnibus gravidis, tamen in plerisque foetum expellunt, ut purgans alvina stercora, emeticum saburram e ventriculo & duodeno, diuretica urinam, sudorifera sudorem, plane negamus. Creditur hoc quidem vulgo & etiam a quibusdam medicis perhibetur, uti jam olim ab HIPPOCRATE, DIOSCORIDE & PLINIO factum fuisse, literarum monumenta docent. Passim etiam hoc nomine nota sunt varia pharmaca, maximeque sabina, eius extractum & oleum, oleum terebinthinæ, balsamus sulphuris terebinthinatus, baccæ lauri, myrrha, crocus, elixir proprietatis Paracelsi, nec non purgantia acriora & emetica, item sanguinis missiones iteratæ, & tertio præsertim & quarto mense institutæ. Neque negandum, ab his in copia usurpatis, proritatum quandoque fuisse abortum. Sed quod hoc non semper, sed raro & sub certa tantum corporis dispositione cooperante contingat, asserimus. Observarunt jam celeberrimi medici, ROLFINKIUS, LUDOVICI & B. WEDELIVS, multas vomitoriis, purgantibus, emmenagogis validioribus, nec non venæsectione usas, foetum nihilominus legitimo partus tempore sanum ac vegetum exclusisse. Quot sunt feminae, quæ secundo vel tertio mense perpetuam vomitionem experiuntur, neque tamen abortiunt. De venæsectione

one tertio mense instituta perhibet HIPPOCRATES, quod abortum cieat : sed multas novi feminas, semper abortientes, nisi venæsectionem sub graviditate bis vel ter instituant. Abortus potius per convulsivum uteri motum succedit, nec unquam accidit, nisi hæmorrhagia ex ruptis in utero vasis præcesserit. Quare, nisi talis in utero adsit dispositio, ut fibræ ipsius ad concipiendos convulsivos motus sit apta, & vasa a stagnante & infarcto sanguine facile perrumpantur, abortus fit nullus. Si vero vicissim adest hæc ad abortum dispositio, is levi ex causa, per impensiores corporis & animi commotionem, per oneris gestationem, lapsum in terram, usum medicamenti spirituosius exæstuantis, per morbum, præsertim febrem, sine causa alia manifesta, inducitur, tanto autem facilius, si purgans, aut emmenagogum validius fuerit assumptum. Quin impotentiam hanc pharmacorum foetum expellendi conspectius arguit, quod ne quidem ejusmodi medicamenta sint, quæ menses certo cieant, aut quacunque alia corporis ex parte sanguinem emoveant, nisi intrinseca quædam adsit dispositio atque proclivitas. Atque adeo, quum abortus sine hæmorrhagia contingere nequeat, hanc autem in omnibus proritare non liceat, abortum etiam indiscretim provocari non posse, patet. Divinæ potius sapientiæ ac providentiæ tribuendum, quod non absoluta ejusmodi facultas & efficacia medicamentis indita, qua cædes innumeræ & infanticidia plurima patraturi fuissent homines improbi atque perversi. Posset quidem nostro huic asserto contrarium videri HIPPOCRATIS in *jurejurando* præceptum: ut medici a pessis vulvæ subdititiis abortivis caveant. Verum nec HIPPOCRATES descripsit, nec nostro hoc tempore nota sunt medicamenta, quæ sine inflammatione & erosionem id præstare possent. Atque etiam credibile est, in Græcia & calidioribus regionibus, feminas fuisse teneriores & ad abortum magis proclives, in nostris autem robustiores esse minusque exquisiti sensus. Notent, autem hæcenus allata Jureconsulti ac

Judices, qui secundum legum criminalium rigorem, abactionem partus vitalis studio patratam, infanticidium censent, eodemque modo utrumque delictum puniendum esse putant, quum licet animus malignus non abfuerit, ipsa etiam corporis natura & morbosa dispositio ad effectum obtinendum, plus contulerit, quam medicamentum ipsum. Teneant quoque in eodem hoc negotio, partum vitalem a medicis tantum haberi illum, qui vivus extra uterum aeris & alimentorum usu potest durare, non vero embryonem quinque aut sex mensium, cujus partes nondum eam firmitudinem & perfectionem adeptæ, quæ ad circulationem humorum, sive vitam sustinendam, sunt necessariæ. Si vero vita eo sensu accipienda, ut denotet illum cordis sanguinisque motum, quo foetus in utero nutritur & augefcit, primo hic statim mense adest. Quod si per abortum eiicitur foetus, an possit pro infanticidio haberi? nos quidem juris naturalis doctoribus determinandum relinquimus.

Observatio XIII.

Medicamina, quæ feminis sterilitatem, aut viris impotentiam conciliare apta sint, in rerum natura non existunt.

Scholion.

Vulgaris, sed falsa est opinio, dari in rerum natura nonnulla, quæ generationem in utroque sexu impedire possint, feminis virilis vim extinguendo, & conceptionem feminæ impediendo. Veteres jam naturæ consulti DIOSCORIDES, PLINIVS, PAVLVS AEGINETA, nec non SCHOLA SALERNITANA, tribuerunt ejusmodi virtutem rutæ, agno perperam casto dicto, quum *αῖγρος* jam denotet castum, nec non camphoræ. Sed hæc inter fabulas veterum, solida & rationali physices scientia destitutorum sunt referenda. Saluberrima potius & præstantissima esse hæc variis in morbis remedia, nec unquam hunc ab ipsis observatum esse effectum, per experientiam constat. Multo minus autem veritati respondet, quod de camphora circumfertur, quasi odore impotentiam conciliet,

ciliet, quum TACKENIVS fidem faciat, Venetiis pharmacopœum sublimasse camphoram; ipsius tamen uxorem prætermorem crebrius peperisse. Neque etiam ullis medicamentis castitas, sed animi continentia & objectorum declinatione obtineri potest, quæ sensus movere & ad libidinosos actus pellicere apta est. Nec a contrario argumentari licet, quum medicamina venerem excitantia & semen augentia prostant; ea propter etiam dari, quæ venerem extinguunt & semen minuunt. Illa enim, uti vinum generosum, decoctum succoladæ, piper, ostreæ, radix ninsi, satyrionis, ita sunt comparata, ut partim copiosum & spirituosum chylum, ex quo postea semen uberius & vividius, ingignant, partim etiam seminales vesiculas & partes genitales stimulent, ex quo coeundi cupido oritur. De his autem, licet non negandum sit, sine cerere & baccho, veteri dicterio, frigere venerem, & esse nonnulla, ut nitrosa, acida & refrigerantia, quæ sanguinis intestinum motum & chyli proventum minuendo, veneris stimulos obtundunt; longe tamen alia ratio esse debet eorum mediorum, quæ viris impotentiam & feminis sterilitatem afferre possunt. Ad hoc enim obtinendum non sufficit, ut seminis proventus minuatur, sed ut penitus per ea tollatur, quæ aut seminalia vasa cum testiculis prorsus constringunt, & paralytica resolutione afficiunt, & in feminis, ut non modo sanguinis orgasmus sedetur, sed & ejus effluxus ad ovaria & uterum prorsus intercipiatur. Hujus virtutis media existere merito negatur, nisi forsam sint venena, quæ tamen non tantum generandi potentiam, verum etiam totius corporis integritatem labefactant & destruunt, idque morbis obnoxium reddunt, in quibus semper languet venus.

Observatio XLV.

Multa pro venenis habita, talia non sunt, & multa venenata non æstimantur, quæ tamen sunt.

Scholion.

Si relicta DIOSCORIDIS & PLINII monumenta evolvimus,
plura

plura in venenorum classem relata esse offendimus, quæ virulentam naturam non habent. Sic communiter toxicis annumerantur sanguis tauri, calx viva, vitriolum, antimonium crudum, auripigmentum, argentum vivum, nec non a quibusdam adamantis & vitri pulvis, quæ tamen sine noxa assumi possunt. Mercurius quippe currens non modo innoxie, vel ad libram, ingerendus, sed & præstabilis est virtutis, adversus truculentum passionis iliacæ malum, per ipsam constat experientiam. Antimonium crudum ad sanguinem repurgandum, sudorem movendum & arthriticos atque rheumaticos dolores abigendos, tam in pulvere, quam decocto oblatum, spectatæ virtutis est remedium. Sed quando ignem experitur, eoque sulphurea pars aufugit, & metallica mercurialis, in regulum & vitrum abiens, remanet; tum demum virulentam & emeticam facultatem nanciscitur. Calx viva ex aqua decocta, optimum præbet tam internum, quam externum remedium. Pulverem adamantis eodem modo intestinorum tunicas, ac vitrum discindere, eaque propter necare, sapit fabulam. Auripigmentum quod veteres dixere arsenicum, hodiernum a quibusdam perperam habetur pro arsenico flavo, quod ex cobalto & sulphure conficitur, quum hoc sit artificiale, illud nativum. Falso etiam hoc auripigmentum venenum censetur lethiferum, quum experientia doceat, illud innoxie ab animantibus & hominibus deglutiri posse: quod potius similis fere naturæ & craseos cum antimonio crudo est, ipsiusque mineralis drastica portio ita particulis sulphureis ligata est ac involuta, ut fibras nerveas minus arrodere & lancinare queat: certum enim est, pingua, sulphurea & oleosa, intimius venenis, etiam corrosivis, mixta, deleteriam eorum vim prorsus cicurare. Summum illud venenum arsenicum, si cum æquali portione sulphuris vivi miscetur, ambo igne liquata abeunt in massam rubicundam, eoque adeo venenata virtute orbatur, ut cani sine damno possit offerri. Neque minus error est, fontes veneno posse infici

infici & venenatos reddi. Creditum id fuit, imperante *Carolo. IV.* quum pestis sæviret mirifice & imputatum est Judæis, quod fontes intoxicarint, qui eapropter Germania expulsi & in desertis relegati sunt. Sed physicarum, chymicarum & medicarum rerum gnarus, rerumque corporearum vires calens, ultro fatebitur, nec in rerum natura dari, nec per artificium eiusmodi res parari posse, quæ hunc præstent effectum. Falsissima etiam est traditio, tam penetrans & subtile venenum confici posse per artem, quod chartæ illitum, epistola huic inscripta resignata, legentem illico interficiat. Quod antiquissimis temporibus usuale fuit venenum, est cicuta ejusque succus inspissatus; ac nostro tempore in veneficiis plerumque adhibetur arsenicum: quod, quia insipidum, clanculum potest ingeri; quum sublimatus mercurius corrosivæ sit virtutis, eaque propter non commode occultandus. Deinceps sunt in rerum natura nonnulla, quæ quidem plerumque venena esse non putantur, sed tamen vim necandi habent præsentissimam. Horum in numero est maxime carbonum vivorum fumus, qui in loco humiliori conclusus, syncope, suffocatione & apoplexia, brevi, licet ratione fere insensibili, necat. Confirmata est deleteria hæc vis innumeris fere exemplis, incognitam vero etiam celebribus esse medicis, testatum fecit tragicus ille casus, qui Jenæ nostra memoria accidit, de quo meum de *vapore carbonum vivorum nocentissimo* schediasma, nec non in *Tomo II. Medic. rat. system.* hoc de argumento exposita legi possunt. Eundem venenatorum, licet plerumque esse non credantur, censum subeunt, saturnina, saturnus ipse, ipsius fumus, lithargyrium, minium & cerussa. Quamvis enim non cito & in minori dosi interficiunt, lenti tamen veneni vim habent, & aliquoties data, certam adducunt mortem. Graves illi & atroces morbi, convulsiva colica, paralytis & asthma convulsivum, quibus metallurgi gravissime excruciantur, non aliam habent

(*Hoffm. Opusc. Patholog.*)

Fff

cau-

causam, quam fumum saturni cum aere haustum. Is enim non modo in pulmones descendit, eosdemque stringendo & exsiccando respirationi facit ineptos, sed & in ventriculum deferatur, ibique cum acido primarum viarum permixtos, facultatem contrahit infestam, nervosas fibras & tunicas cum minimis vasculis constringentem, quæ graves morbos, ipsamque tandem mortem inducit, uti primus solide evicit STOCKHAVSEN de *noxio lithargyrii fumo*. Sunt quidem ex medicis nonnulli nocentissimæ in saturno virtutis ignari, qui ad cohibendum seminis stillicidium, ipsum quoque hæticum calorem, præparatum ex hoc metallo saccharum & antiphthysicam Grammanni tincturam laudant. Sed peritiores observarunt, inde alvum valide fuisse adstrictam, & colicam convulsivam cum atrophia inductam, eaque propter usus horum jam fere penitus exolevit. Ex omnibus autem hætenus allatis, id teneant medici: ut circumspecti in ferendo de veneficiis sint iudicio.

Observatio XV.

Arsenici validissimi specificum antidotum res simplicissimæ, pingua nempe & oleosa, cum lacticiiniis, sufficienti copia data.

Scholion.

Observatio hæc per ipsam experientiam est certissima. Ponamus vero, porrexisse malitiosum hominem cuidam cum alimentis arsenicum, licet non sufficiente ad necandum dosi, sed incipiente cum doloribus ventris & nausea veneni operatione, poenitentia duci, ad medicum currere, veneficium manifestare & impense rogare, ut suppetias ferat: medicum autem minus peritum ad exturbandum e stomacho venenum præbere emeticum stibiatum, eoque spasmus ventriculi & veneni vim intendere, toxicarum tandem stomachi inflammatione & sphacelatione sic perire: quo in casu mors non tam veneno, quam medici ignorantia tribuenda. Tum enim

oppor-

opportune adhuc deleterius effectus per certissimum oleosorum antidotum potuisset præscindi, sed artifex ignarus vomitorio vim veneni adauxit potius, quin dubium omnino est, annon forsitan sola natura veneni parce oblativim superasset, si non datum fuisset emeticum. Est igitur dignum meditatione Jctorum argumentum, quo cum certa demonstratione ex æquo decernant: an, & quali poena, tam medicus, quam veneficus, afficiendus?

Observatio XVI.

Pharmaca amorem conciliantia non dantur certa.

Scholion.

Vetus, sed erronea, in civili quoque Jure obvia, est opinio, dari philtis, sive pocula amatoria, quæ etiam venenis a quibusdam annumerantur & prisca Poetæ effato;

Nocent animis vimque furoris habent.

Huius virtutis varia a RÖDERICO a CASTRO in *Med. polit. pag. 218.* nec non a SYLSTR. RATTRAJ in *adit. ad sympath. rer.* recensentur inter quæ potiora semen virile, sanguis menstruus, cerebrum felis, item pulli asinini, virga lupi, scincus marinus, spuma in equarum inguine ex sudore generata: verum hæc omnia non sunt venena, neque etiam ullo modo odium, vel amorem conciliare possunt. Nec in levi habendum hoc creatoris beneficium, quo res deficiunt, quarum abusus maximus & damna forent gravissima. Efficacissimum philtis amabile objectum, quo adeo sæpe abripitur phantasia, ut amor sequatur plane insanus. Mirum certe, a solo aspectu, aut tantum concepta animo imagine, femellæ venustæ, illico genitales partes sanguine & succis copiose affluentibus irrigari & quasi animari. Quæ phantasiæ vis utique tanta est, quanta in medicamento nullo est ad ciendos venereos stimulos. Non quidem negandum est, gloriari nonnunquam improbos homines, quod per media naturalia amo-

rem procurare queant. Sed sublesta eorum fides, & dubitandum merito, quod unquam id effecerint, ac nonnisi ubi jam in cerebro dispositio quædam, & occultus quidam amor in animo delituerit. Belladonnæ etiam philtis conficiendis servire ferunt, quæ quia solani species, venenum omnino est narcoticum, animum obnubilans ac phantasiam pervertens. Vnde, si forsan phantasie jam inhæret amoris idea, in insanum amorem, & præsertim in feminis mobilioris phantasie, furorem uterinum eandem erumpere, veri est simile, & facinus hoc gravi poena dignissimum. Semper tamen necessarium est, ut a iudice, qui inquisitioni veritatis præest, omnia investigentur cum cura, priusquam firmum quid statuatur.



DISSERTATIO VI.
DE
METALLVRGIA MOR-
BIFERA.

§. I.

CORPVS nostrum a fluido, qui sanguinem tam motu centrali, quam in lineam abeunte iugiter exagitat, sicque vitam tuetur & conservat, motore regi, nemo physiologorum ibit inficias; huius motoris refectorium unice ex aere, qui catholicum fluidorum omnium seminarium & astralium corporum vehiculum est, petendum esse existimo: hinc fluidi istius aeri ad vitam instaurandam & servandam tanta est necessitas, ut homo & quicquid est animantium, sine eius usura vix momentum vivere possit. Quocirca aer quo purior, sincerior inque singula momenta recens est, & ad vitam & sanitatem aptior est; & contra quo impurior, quoque magis inquinatus ac inveteratus; eo magis ad vitam & sanitatem labefactandam facit.

2. UNANIMI autem physicorum consensu varioque experimento constat, aerem ex duplici conflatum esse substantia, una tenuiori subtilissima, veteribus astrali & ætherea dicta, altera crassiori aquea variisque particulis salino-sulphureis referta. Ætherea mobilior & activior quasi menstrui universalis est, quod in solidum assidue agit, illudque penetrando atterit, dividit, & secum, menstruorum more, in poros suos recipit. Menstrualem hanc vim luculenter illa, in nostro aere atmosphærico contenta, manifestant, quæ omnia ex solido & crassiori fluido suum petunt principium. Humiditas ejus ad oculum patet partim ex augmento & deliquio salium fixorum ad extremum calcinatorum, partim & acidi fortiter

concentrati e.g. butyri antimonii, olei vitrioli & quæ huius generis sunt alia. Salsuginem in aere marino præter alia & scorbutus, genuina salis proles, illis familiaris, qui tali fruntur aere, simul & rubigo metallorum abunde testantur. Mirabile est, quod IOSEPH a COSTA *Hist. Ind. occident. lib. 3. c. 9.* refert, metalla eo usque ab aere false fuisse corrupta, ut inter digitos compressa foeni instar torrefacti dissoluta ac contrita fuerint. Circa Narbonensis Galliæ littora salem candidum & sapidum arborum foliis & graminibus insidere auctor est DV HAMEL *lib. de consensu vet. & nov. philos. p. m. 742.* Nitrum, alumen, vitriolum nec non sal commune denuo progerminare, internis horum salium penitus exhaustis & quasi mortuis, ex solo aere, si huic satis diu fuerint exposita, quotidiana experientia confirmatum constat. Præter salia & bituminosa sulphurea aer vehit corpuscula. FRANCISCUS FERDINANDVS *de TROILO in itinerar. orientali p. 30. 31.* refert, in mari sic dicto mortuo se observasse ab ipso crassum, densum ac nigrum vaporem, propter bituminis copiam ibi contentam in altum ascendisse.

3. MAIOREM admirationem excitat, quod etiam compacta firma & densa corpora, ipsaque metalla *ἀναδομιάσεις* & effluvia de se emittant, quæ fluidissimo aere recepta mirabilem sæpe efficaciam & effectus, ad occlusas olim qualitates damnatos, in illo exercent. Miramur inprimis, quod Cel. BORRICHIVS *in Act. Hafniens.* de negotiatoribus Indicis, qui sine lapide lydio, sine lancibus, sine mordacibus aquis, solo nummorum ad nares admotu de præstantia eorundem statim iudicare potuerant. Sulphur vulgare nec non antimonii, in substantiam fluidissimam in auras dissilabilem converti & facessere, eleganti spiritus fumantis experimento, qui argentum etiam cistis ligneis inclusum fusco colore inducit, comprobatur. Hujus spiritus efficaciam porro mirabilem reddit ejus penetrantia, dum litteras certo liquore scriptas & centum chartis rectas nigricante colore tingit, ut atramento sym-

pathe-

pathetico vix detur præstantius. Plurima exempla de coelo lapforum non exigui ponderis aeris aut ferri corporum adfert IOH. AMOS COMENIVS *Synops. physic. ad lumen divinum reformat. p. 113.* Nec mirum hoc illi esse debet, qui metalla fixissima omnem vim ignis eludentia considerat, partim impetu menstruorum volatilifari, partim ignis vehementia in auras propelli posse, ipsa consentiente experientia. Aurum certo menstruo solutum & crebriori cohobatione sic subtilisatum totum in auras avolare sæpe observavi; & BOYLE, philosophiæ mechanici præstantissimus instauratos *Tract. nov. experiment. physico-mechan. exper. 22.* scribit, se sal quoddam subtilissimum & volatile possidere, quod solidum auri corpus in magna copia sub exhalationum forma evehat. Argentum aqua forti solutum & postmodum falsa aqua præcipitatum infusione semper de pondere aliquid amittit. Sub fusione metallorum intensissimo igne facta, portionem argenti simul in caminos avolare fuligo (*Hütten-Rauch*) testatur, cuius collectæ, observantibus expertissimis Cheruscorum metallurgis, centenarius sæpius unicam unciam & ultra argenti adhuc largitur.

4 Ex his jam adductis plane intelligi posse existimo, aerem corpora nostra ambientem, & qui intro subit vitalia & respiratione ad ipsos pulmones ducitur, vectorem esse variarum exhalationum & diversissimorum corpusculorum, quæ pro diversitate illorum varie corpus nostrum adficere, illius humores præter naturam depravare & immutare possunt, id quod jam satis suo damno miseri illi homines experiuntur, qui metallorum ac mineralium effossioni, fusioni, separationi variæque tractationi inserviunt. Hi sane ab effluviis aeris nocivis durissimos patiuntur morbos, sævissimæque symptomata rarissime in alterius generis hominibus observanda. Bis enim metallurgi patiuntur morbus, nimirum ut alii homines, & ut sunt metallurgi; familiares utpote & sibi proprios habent morbos a mineralium seu metallorum, quæ con-

continuo versant ac agitant, effluviis maximam partem derivandos. Et quoniam in medicorum scholis minus illi hætenus fuerint tractati, quinimo plures medicorum de illis nec quicquam audiverint, vel in illorum tradenda explicatione mirum fuerint hallucinati, excepto STOCKHVSIO, qui solus ferme *de fumo liibargyrii noxio* solidi quid litteris prodidit; hinc in præsentiarum paullo penitius morbos metallicos quasi proprios tractare, illorum causas accuratius evolvere, & elegantiores observationes, & curandi modum sollicitè annectere institui.

5. ANTEQVAM autem in horum morborum genesin & differentes illorum causas specialius indagandas descendam, primum operæ pretium erit dispicere, qua ratione aer ambiens variis particulis heterogeneis confertus, corpus nostrum subire, eiusque humores attingere queat. Et primo hic notari velim, me minus illorum sententiæ adsentiri, qui censent aerem nostrum atmosphæricum densis sæpius effluviis stipatum, immediate cum sanguine communicare. Contrarium qui tudent, non levium rationum momentis instructi sunt, dum vias in pulmonibus satis esse patulas putant, quibus aer ipsum sanguinem adire possit, cum per easdem etiam, per quas a sanguine secernendi vapores transeunt, aer ingredi possit. Dein suam assertionem experimento *Malachiæ Thrustonis* Angli evincere student, utpote qui per arteriam pulmonalem animalis siphone liquorem iniecit, quem partim per venam redire, partim per tracheam cum spuma erumpere observavit, quo ipso vias se tetegisse arbitrantur, quibus aer intra pulmones substantialiter sanguini admisceri possit. Verum enim vero quod primum concernit, numquam probari poterit, humidum & vaporosum, quod aer in expirationis negotio secum evehit, immediate ex massa sanguinea fluere, sed potius tunicarum glandulosarum beneficio, quibus bronchia investiuntur, illud absorberi ac imbibi, & sic in aerem recipi vero videtur simillimum. Ad alterum moneo, a violenta illa liquoris in pulmones infusione ad statum naturalem non con-

concludendum esse, & si viæ & meatus ex trachea in venas pulmonales patentes essent, sequeretur, quod infusus liquor per tracheam & venam pulmonalem redire deberet, quod tamen minus fieri videmus.

6. MAGIS tamen illorum mihi arridet sententia, qui statuunt, subtiliorem aeris portionem, cui vis elastica simulque ætherea inest, tantum per vesicularem substantiam transcolari & sanguini intimari, non autem densiorem & crassiorem aeris substantiam, quæ magnas turbas & irregulares in humoribus vitalibus motus, & illorum mixturam destruendo concitare queat. Et ab hoc subtiliori aere coccineus sanguinis color, qui in pulmonibus & cordis sinistro sinu demum apparet, unice petendus est, quoniam ante aeris appulsionem satis atratus & crassus existit. Præterea continua effluviolorum per coeca cutis foramina a sanguinis & humorum massa separatio, nec non notabilis quorundam animalium post mortem in vitro ab aere vacuo existentium inclusorum tumescencia sufficienter aeris expansivam elasticam vim humoribus insidentem produnt. Interim tamen non negabo, longe subtilissima effluvia cum aere vecta & naribus simul attracta fluido in nervis contento motum imprimere varieque illud alterare posse. Quantam in excitandis syncopis, in pathematibus sævissimis hystericis producendis odorifera habeant efficaciam, quotidianæ testantur observationes. Pulchre scribit HELMONTIUS in tract. qui *Imago fermenti* p. 92. inscribitur: odore delectari spiritus, eo quod odor immediate attingat & illos penetret; sunt enim odores, qui pestem, dolores capitis & vomitus movent, suntque odores suffocantes convulsivi & infatuantes, sunt & alii, qui simili modo eadem sanant aut saltem mitigant. Aer effluviis narcoticis refertus quantum nervis noceat, & spirituum animalium motum intercipiat, passim loquuntur historiae. A sola candelæ sebaceæ extinctione, abortum, uteri suffocationem, epilepsiam & mortem ipsam AMMANNUS in *medic. critica* cas. 59. annotavit. Et
(Hoffm. Opusc. patholog.) G p g tan-

tandem fumi mercuriales, quod ipsius aeris beneficio angustissimis nervorum porulis sese adsociant, & fluidum in ipsis contentum mirum exagitant, fusius infra docebo.

7. Ex hisce jam adductis satis apparere arbitror, effluvia peregrina subtilissima, quamvis non sanguini immediate communicentur, nervos tamen occupare, ibique pernicialem suam vim satis eminenter exercere posse. Deinceps exhalationes salinæ sulphuræ & mercuriales, & quæ hujus sunt generis aliæ cum aere vectæ, dum pulmones in inspirationis actu intro subeunt, in cavernulis & cellulis pulmonum vesiculosæ facile hæere possunt, quas corrodunt, exulcerant & resolvunt. Ex omnibus enim pulmones labem patiuntur principaliter ab aere variis effluviis inquinato, uti hoc infra morbi metallici clarum facient, quorum plerumque in pulmonibus initia sunt. Porro & aer circumfusus, depravatis effluviis qualitatibus refertus, in cutim eiusque poros ac spiracula magnum jus habet, imo illos subiens succis vitalibus noxam affricare & damnum adferre valet; quare sudores illorum, qui in calchanti mineris laborant, corrosivi, linteamina exedentes observati fuerunt, de quo infra plura dicemus.

8. TANDEM effluvia mineralium & metallorum in aere soluta deglutitione maximam partem subeunt, ventriculo & intestinis intrinsece communicantur. Aerem ad os continuo appellere, & ibi salivalem laticem morantem afficere nullum amplius erit dubium. Spuma, quæ sæpius in morbis, ubi respiratio audacta vel citatior facta apparet, nil nisi saliva est, crebriori aeris appulsu sic agitata & conquassata in minimas bullulas, quæ ab omni latere lucis radios reflectentes niveum colorem efficiunt. Quanta aeris copia in saliva sit recondita, ejus intensa in vitro testatur ebullitio, si aer operantiæ evacuatur, quod phænomenon ad solum aeris, ex poris salivæ egressum, referendum est. Quum itaque ipse substantialis salivæ sese immisceat, & cum ipso ad ventriculi & intestinorum canalem feratur, facile consequitur, effluvia

varie

varie heterogenea in aere contenta eodem modo ad corporis interiora descendere. Salivæ vehiculo miasma pestiferum ad primas vias ferri, inter alia, quæ ibi gignuntur, horrenda symptomata, cardialgiæ syncopticæ, nausea, inflammatio sphacelosa testantur. Quocirca prudens nonnullorum medicorum est consilium, in subjectis vel contagiosis locis nunquam deglutire salivam, sed continuo illam excernere, quo infectio avertatur. Deinde nemo non fatebitur, ipsum aërem pondere suo intrare & ventriculi & intestinorum cavitatem replere, cujus præsentiam sufficienter & ructus & flatus magna vi nonnunquam prorumpentes comprobant. Tandem vero videtur simile, effluvia aeris ope ad ventriculum adducta, non tantum ibi manere, sed etiam interiora & massam sanguinis irrepere. KERCKRING *in observ.* p. 58. de rustico fistula laborante in humero narrat, qui quoties cepas ore masticavit, statim illarum odorem per fistulam quoque percepit. Omne enim quod subtile est, corpus nostrum transpirabile, facile penetrat & pervolat. Sicque veneni in forma solidi adsumti vis extremas etiam corporis partes pertingere ibique tyrannidem exercere valet, multo magis id efficiet, si illud in partes tenuissimas fluidas resolutum est.

9. Ex hætenus dictis clarissime apparere arbitror, effluvia, quibus aer repletus est, variis modis ac viis patulis ad corporis penetralia intime cum succis corporis nostri sese miscere, & partim fluidas partim solidas partes præter naturam adficere: quod ipsum jam sufficientissime historia morborum metallurgorum, quorum genesis & causæ ex mineralium noxiis effluviis foras intro haustis petendæ sunt. Cum autem mineralium classes diversissimæ sint, hinc etiam diversam ipsæ exhalationes sortiuntur naturam; siquidem unum minerale præ altero magis vel minus fixum est seu volatile, unum præ altero corpori magis est infensum, quocirca pro diversitate exhalationum varia propullulant mala & morbi. Demum observamus diverso tempore metallicolis contingere

re ipsa mala atque incommoda; alii labem sibi contrahunt in puteis & fodinis, dum ipsa eruunt metalla; alii extra illas, dum præparant, cremant, excoquunt vel separant. Primo loco placet mihi, illos in morbos inquirere, qui originem suam ex effluviis & exhalationibus tam copiosis quam pravis trahunt, quæ intra loca subterranea suboriuntur & eleuantur. Statuo nimirum, uti per totam mundi fabricam & omnium animantium corpora, sic quoque per subterranea loca diffusum esse æthereum quendam & tenuissimum spiritum, aerem communem subtilitate longe superantem, qui tam quantitate notabili, quam rapidissimo motu omnes subterraneas regiones subeat & penetret, nec non vivifica & seminali quadam vi instructus, terras lapidesque imprægnat inque varias metallorum & mineralium species transmutet. Extra dubium enim est, naturam semper in productione corporum a fluido ad solidum procedere, quare & metalla eodem modo ex fluida quadam substantia generari haud improbabile videtur.

IO. CONSENTIUNT in hoc omnes veteres, & qui de metallorum solidi quid prodidere, statuentes: primam metallorum materiam fluidum esse quoddam unctuosum subtile, quod consistentiam seu coagulationem in aqua non in lapidibus & argilla acquirat, quare hæc pro principio vaporum metallicorum fixativo habetur. Et hæc iam est ratio, cur metalla illa, quæ intra aquam crescant longe meliora existant, quam quæ extra aquam superiori versus terram superficie posita sunt. Spiritum hunc ad naturam sulphuream acidam accedere multis ex argumentis colligere licet. Veteres chymicorum unanimiter crediderunt sulphur metallorum primum esse principium, eo quod assiduus illorum & mineralium comes sit. Omnes ferme mineræ e venis erutæ sulphur olent, & igni aperto commissæ stagma fundunt acidum, non secus ac sulphur in libero aere accensum. Præterea magna sulphureorum fumorum apparentium copia, vel in mineris vel extra illas evidens venarum ditissimarum latentium habetur indicium. Accidit

cidit sæpe, ut in locis sylvæ Hercyniæ de nocte flammulæ sulphureæ salientes circa terræ superficiem vagantes cernantur, procul dubio a metallorum effluviis sulphureis subterraneo calore in copia exhalantibus, & ex ipsa tellure sursum elevatis KIRCHERVS in *Mundo subterræn. lib. X. sect. 3. refert*, in fodina Hungarica quadam tantam exhalationum sulphurearum esse copiam, ut facillime ab accenso lumine, maximo cum fragore & ambustione operariorum, possint incendi, adeo, ut cutis facillime possit detrahi, ac si aqua fervente sit adusta. Simile contigit quoque aliquando Clausthali (in den Rosenhöfer Zug) dum fossores locum pro relicto a veteribus habitum aperire volebant, ecce! magno cum impetu aqua sulphurei odoris erumpit, quæ in momento a flamma lampadum forsan accensa, vestes ipsamque cutim mirum quantum amburebat, ut vix medicamentis præsentissimis ambusta restitui potuerint. Sulphur principium fluidum per totum terræ ambitum circulatur, perque omnes mineras, me judice, dispersum est, a quo non immerito caloris subterranei effectus mirabiles, montium deflagrationes, & terræ incredibiles motus duci ac derivari possunt.

II. MENSTRUUM itaque subterraneum seu solvens universale ætherum statuo, quod potenter dividendo, subtilizando, resolvendo terras præparat, imprægnat inque metalla vertit, nec non ipsa confecta non raro iterum destruit. Non infrequens enim est, venas metallis refertissimas, solvente hoc subterraneo, metallo suo defraudari, uti id matrices conglomeratæ Drüsen ab apibus vel exsuctæ, nec non mineræ varii generis in calcem effoetam redactæ testantur, quibus visis, sero sese accessisse, protinus ipsi fossores conqueruntur. Hoc acido solvente sæpius durissimos lapides montanos, exesos & in calcem cretaceam redactos cernere licet. Tandem menstruum hoc subterraneum sulphureæ acidæ esse naturæ, liquidissime minerarum quarumvis præparationes patefaciunt, dum illæ alcalinis salibus fixis, sulphur & acidum absorbenti-

bus, institui debent quo fundi & purior metalli portio ab inutili sequestrari debet.

12. SOLVENS itaque hoc subterraneum sulphureum subtilissimum, rapidissimo suo vivifico motu continuo agit in ipsas telluris & mineralium partes, illas atterit & in altum secum evehit; unde non mirum est effluvia tam sulphurea quam metallica ipsis in fodinis & puteis esse copiosissima. Quodsi epim sola ignis vehementia & salinorum menstruorum activitate fixiores metallorum particulæ in auras propelli possunt, multo magis ope caloris & menstrui subterranei longe activissimi id fieri potuit. Ab his dictis itaque in fodinis surgentibus mineralium metallorumque sulphureis exhalationibus miseri ii operarii pessima incurrunt mala, inter quæ præcipua est respirandi difficultas & suffocatio. Sæpius reperiuntur in antris suffocati & extincti citra quandam anteriorem læsionem, nisi quod extrinsecus tota fere cutis cœruleo colore tincta sit, quod phænomenon illis, qui suffocatione nec non convulsione pereunt, familiare est. Notum est ab aere nimis denso & crasso, item a fumo carbonum seu vaporibus in fermentatione musti vel cerevisiæ elevatis suffocari & extinguere animalia, testantibus id *Marcello Donato Histor. medic. mirab. c. 6. lip. 1. & Platero observ. lib. 1. p. 16. 17. ut & Mercuriali de venenis lib. I, cap. 13.* Multo magis id accidit, si in fodinis subterraneis maiori copia effluvi-
viorum sulphureorum aer confertus est; hinc artifices in iis laborantes vehementi angustia pressi prope suffocantur, altoque & suspirioso spiritu aerem ducere contendunt. Adfectus hic perperam a venosa miasmatum qualitate semper deducitur, utpote qui magis copię effluvi-
viorum adscribendus est: ex commotis enim a fossoribus mineris, spissæ mineralium particularum nubes elevatae, totum foveæ replent spatium, & posita cuiusvis materiæ impenetrabilitate, materiam aeris subtilem respirationi aptam expellunt, sicque loco
lau-

laudabilis aeris effluvia sulphurea metallica inspiratione in tenuissimas vesiculas pulmonales illabuntur quæ spirandi angustiam inferunt. Sanguis sic particulis subtilissimis suis elasticis orbatus, minus rarefactioni, expansioni seu spiritus vitali sufficit; hinc cor languidius pulsat, vires convelluntur, & retardato tandem vel penitus cessante humorum circuitu, tota corporis machina labefactatur, vel penitus corrui. Notum est, ipsas gallinas, & volucres loco angustiori stricte occlusas vel etiam vapore sulphureo accenso admotas facillime suffocari posse, quod sub præparatione lactis sulphuris contigisse etiam vidi. Neapoli caverna est, ab indigenis la Grotta del Cane nuncupata, ex qua fumosa tenuis, sensilis tamen emergit aura, manuque sentitur modicus calor, in huius fundum, qui undecim pedes distat ab area soli, canes vel alia animalium viva immissa statim anghela in convulsivos motus, mox in spasmus, tandem, prostratis viribus, in deliquium hiant ore, moribunda decidunt. Quod autem hic stupendus effectus saltem densato in fundo exhalationibus sulphureis copiosissimis debeatur, solide deduxit *Bernhardus Connor dissert. de mirabili viventium interitu.* Et notabile est non tantum in crypta huius interiori, sed etiam in antris subterraneis, ubi aer effluviis refertus est, candelam accensam statim extinguere.

13. ACCEDIT, quod aer in puteis & fossis mirum quoque a fumo pulveris pyrii condensetur, quo saxorum durities frangi solet, quare qui huic negotio sunt destinati, ut plurimum anhelosa respiratione nec non raucedine corripuntur, maxime dum ignis vi subtiles virulentæ particulæ ex ipsis fossilibus exprimuntur, & cum fumo sublevantur, hinc illi asthma nec non contractura misere torqueri solent, qui Claus-thali in locis angustioribus crebrius mineras pulvere pyrio diffringere student: plumbeæ enim particulæ ignis vi in altum rapiuntur, sicque eundem morbum, cui ustores vel se-
para-

paratores obnoxii sunt, sibi contrahunt. Similem quid contingit etiam in illis locis, ubi igne accenso, pro aruendis faxis & mineris utuntur, qui modus veteribus fuit in usu vid. *Agricola de re metallica lib. VI.*

14. PRÆTER copiam autem effluviorum in fossis & fodinis sulphureæ nocent illæ particulæ, quæ tenuissimas pulmonum vesiculas constringunt, dilacerant, & spiritu suo rodente valde exulcerant, sicque tussim siccam, raucedinem & tabem excitant. Propter effluvia hæc sulphurea tam intra quam extra terram endemii eiusmodi in locis sunt morbi, & regionibus etiam certis proprii. Non minus autem dictis adfectibus sunt obnoxii, qui sulphuris mineras extra terram præparant, & sulphur ex iis elicere student, quod Brunsvicenses prope Goslariam maxima in copia efficiunt. Struunt ibi magnos acervos cum lignis in minimas partes discissis & mineris sulphureis; has postmodum accendunt, sic densæ sulphureæ exhalationes graveolentes nebularum instar exsurgunt, & purissimum sulphur rubinei coloris fluidum apparet, quod tandem in inferiorem locum in strias elegantissimas flaventes exstillat. Fumum, qui copiose & assidue hauriunt, minus validæ sunt naturæ, vitium in pulmonibus concipiunt, tussi, aridura, anhelosa respiratione, & non raro pulmonum exulceratione, partiumque tabe corripuntur. Notabile hic est, fumum hunc sulphuris moderate naribus exceptum mirifice illis conferre, qui ex capitis dolore a levi quadam obstructione vel ebrietate laborant, dum penetrantia sua subtilissima humores stagnantes colliquat, & poros aperiendo evaporationem materiæ peccantis proritat.

15. Ad ipsius sulphuris naturam proxime accedit vitriolum, quod nil nisi spiritus sulphuris est coagulatus in terra vel martialis vel veneræ indolis. Ex spiritu enim sulphuris & ferro elegantissimum paratur vitriolum, nec non ex ipso

ipso vitriolo spiritus sulphuris acidus summe volatilis & genuini ferri portio haberi potest, si rite operatus fueris. Abundantissime vitriolum Goslariæ in monte Rammelio vulgo Rammelsberg invenitur, ex quo per aliquot secula, ut litterarum monumentis consignatum est, illud fuit erutum. Qui id in profundissimis fodinis colligunt, nudi sine omni veste & indusio id facere debent, tam corrosivæ enim ibi sunt exhalationes, ut lintheamina non secus ac vestes corrodam ac dilacerent, adeo, ut in minutissimas partes facili negotio discerpi queant; eiusmodi quoque effectum spiritus vitrioli, nec non omnes spiritus mineralium acidi edunt, qui quicquid est linthei vel panni vel corii erodunt & destruunt. Memorabile est, effluvia hæc calchanti caustica ipsam etiam cutem aggredi & eius minimis porulis sese insinuare, adeo, ut corpore aqua probe utut abluto, lintheamina tamen, quibus dormiunt vel sudant, a reliquiis vitriolicis in poris stabulantibus corrodantur.

16. RATIO iam in procinctu est, cur raro hi homines quadragesimum annum superent, nisi validioris sint naturæ: effluvia enim hæc caustica bronchiis & pulmonum cavis firmiter inhærescunt, dispnoeam, aliis suspiriosam orthopnoeam, exulcerationem, aliis ariduram & marasmm inducunt. Sic plures dira illa tabe brevi intereunt, ut inveniantur mulieres, quæ septem viris nubere possint, quod de Carpati montibus incolis scribit *Agricola de Re metallica lib. VI. p. 272.* Quanta vero noxa particulis calchanti insit, aqua testatur, quæ ex monte Rammelio scaturit, in qua nullus piscis vivus manere potest. Iam dudum annotavit Italus FALLOPIVS in *lib. de aquis medicat.* quod Ochra fluvius, qui est ad montem Ramebur vulgo Rammelsberg, rivulum scatentem e monte illo in se recipiat, & quam primum rivulum illum receperit, statim omnes pisces necet, etiam si vix aquam istam attigerint. De vitrioli effectibus & noxa vid. Dn. TRUMPHII *scrutinium*

(*Hoffm. Opusc. patholog.*)

Hhh

vitri-

vitrioli, quem librum Angli ob curiositatem in Acta sua referre dignati sunt.

17. His decursis iam ad mineralia maioris virulentiae accedo, quorum primum est arsenicum, cuius genuina matrix est cobaltum. Reperitur illud in propriis suis fodinis larga satis copia, vel aliis argenteis & Iovialibus sese associat mineris. Quam causticam volatilem & corpori infensissimam qualitatem ipsum arsenicum custodiat, eius vires testantur, lethalibus infamatae exemplis, de quibus legi meretur *Helmontius Tract. de peste. Ephem. Germ. an. 9. p. 45.* HENRICVS *ab Heer obs. 16* SALMVLTH. *cent. 1. obs. 10.* Et HILDANVS *obs. p. 606.* ab arsenico extrinsece saltem applicato, syncopen, delirium, vigilias, febrem & mortem observavit. TIMÆVS a GULDENKLEE *lib. 7. cas. II.* meminit pharmacopæi in præparatione dealbationis veneris occupati, qui ab eius venenatis fumis in lipothymiam incidit, cum præcordiorum angustia, spirandi difficultate, corporis iactatione, vigiliis, gulæ ariditate coniunctam, conf. quoque hac de re Cl. WALDSCHMIDIVS *in praxi 1080.* Sic & ego tristis casus memini, qui Lipsiæ contigit, dum in domo stannarii, qui arsenicum cum cupro admisceret, ab haustis eius venenatis fumis, plures in eadem domo habitantes, maligno morbo adfecti & mortui sunt. De pictore scribit *Sennertus prax. med. lib. VI. part. 6. c. 9.* qui aperta capsula arsenico repleta diuque conclusa in lipothymiam incidit, ut exquisitissimis alexipharmacis vix liberari potuerit. Quocirca qui in arsenico vel a cobalto separando vel sublimando laborant, quique ex cobalto & filicibus conficiunt smultam germ. Blaue Farbe, vomitus, anxietates syncopticas, cardialgias, variaque patiuntur symptomata, longe autem magis id experiuntur ii, qui mineras tales legunt & effodiunt, maxime si igne seu pulvere pyrio ad diffringenda saxa opus habent, vel si vetustissima squalida loca aperiunt. Notabile est Kuttenbergæ in Bohemia, ubi minerae arsenicales saturninae &

cadmia

cadmia metallica (Robolt) refertæ effodiuntur, in officinis, ubi venæ cremantur (Nöstosen) laborantes respirationis difficultate, suffocatione, tremore artuum penitus confici, ita ut instar sceletorum vivorum appareant. Fovet arsenicum principium volatile summe tamen causticum, quod fibrillas corporis nostri tenuissimas tam nerveas quam musculosas subeundo, spasmos, convulsiones, contractiones dolorificas, violentas excretiones excitat & vitæ infensissimas struit insidias.

18. ALTERVM summe virulentum minerale, quod arsenicum vi superat est hydragyrum, huius effluvia nervis summe infesta & periculosa esse plures docent historiæ. Compertum est, quam gravia incommoda fabri aurarii a solius hydragryri vapore sentiant; frequentes ipsis sunt sudores frigidi, lipothymia, convulsiones, lassitudines, tremores & ptyalismus. *Fernelius* mentionem iniicit aurifabri, qui bis aut ter ad summum hydragryri vapore imprudentius admissio, statim stupidus veterinosus ac plane mutus evasit, quæ in os indebantur, devorabat quidem; stercus tamen & urinam minime exire sentiebat, neque ad aures inclamantem audiebat. Sex exactis mensibus in febrem incidit, a qua tandem liberato cerebrum grave torpidique sensus omnes remanserunt, mensque ex intervallis perturbata. Similem fere historiam lectu dignissimam de hydragyro noxio vapore idem annotavit auctor *lib. de luis venereæ curat.* 590. Qui Venetiis in conficiendis speculis operantur, apoplexiæ maxime obnoxios esse testes sunt Acta Anglicana. Epilepsiam, aphoniam cum ptyalismo vehementi, gravissimis doloribus ab hydragryri vaporibus in muliere Gallica observavit quoque Cl. STISSERVS *specira secundum laborat. chymic.*

19. Ex hisce facile coniici potest, quam deleteria mercuriales mineræ de se spargant miasmata, ipsis metallicolis nocentissima. *Fernelius loc. cit.* dicit, horrendis nervorum pathematibus nec non partium debilitate & tremore omnes

illos corripī, quicumque argentum vivum in puteis legunt & effodiunt, vel illud in igne tractant, sicque & ore naribusque excipiunt. FALLOPIVS *de aquis medicat.* p. 120 tradit, illos qui mercurium effodiunt plumbei esse coloris, & brevi tempore in paralyfin vel in nervorum convulsiones incidere, tandemque suffocari; ita, ut raro quadragesimum annum transeant. E contrario scribit, inter illos, qui se in aliis fodinis exercent, reperiri homines, qui vixerunt supra quadraginta annos. In fodinis Italiæ pro Iulio moneta Italica, laborant integrum diem, sed non diu perseverant: nam quamquam nemo illorum maneat in fodina ultra sex horas, omnes tamen brevi fiunt paralytici & moriuntur hectici. Vir qui spatium saltem semestre fodinis fuerat addictus, tam plenus mercurio fuit, ut si frustum aeris in os suum imposeret, aut digitis suis fricaret; extemplo illud instar argentei album redderet, quasi cum ipso mercurio esset fricatum. Erat præterea adeo paralyticus, ut manibus suis ambabus vitrum ad medietatem vino repletum ori sine profusione posset admove-
referentibus sic Actis Anglicanis an. 1665. mens. April. p. 18. Ipsis in fodinis Hungaricis & aurifodinis; ubi & mercurius prope Cremnitium foditur, odor virulentus contineri dicitur, qui metallicos necet, ut aurum ibi in magna quantitate reconditum effodere non audeant, recensente *Edoard. Brown in Itiner. part. V. c. 2. pag. 180. 181.*

20. DVPLICI nimirum modo nocet lithargyrium, tam partium suarum tenuitate & gravitate, quam specifica textura acida spicula detinente. Spiritu quodam metallico subtilissimo ipsum præditum esse, inter alia vis eius firmissimam metallorum compagem dissolvens comprobatur. Hic spiritus totam corporis sphaeram pervolando & minutissimos poros subeundo potentissime lentum mucum dissolvit, & totam sanguinis compagem discerpit & comminuit, ut elementa sanguinem constituentia ex facili relaxentur, & fugam a se invicem intendant. Præterea membranas, nervos & fibrillas

tenu-

tenuiffimas nimis aperit, laxat, & poros magnos conformat, ut fic peregrini facile ibi-decumbant, & obftrudiones, rheumatismi, lymphæ effufiones, ptyalismi, paralyfes summæ debilitates, & nervorum tremores inde nafcantur; quinimo mercurii fumus ne offibus quidem parcit, fi quidem dentes inde vacillant & offa cariem contrahunt. Dein mercurius præter partium tenuitatem maxima pollet gravitate, eft enim fluidorum omnium graviffimus, quare etiam minutiffimæ eius moleculæ, refpectu aliorum fluidorum femper fpecie funt graviore, unde impetu quoque & vi tam fluidi particulas, quam ipfum folidum aggreditur. Singularem tandem fpecificam gaudet textura, qua falium aculeos promte imbibit arctèque detinet, ut fic harum unione corrofiò, propter summam partium tenuitatem & gravitatem, augeatur, & brevi ftamina fibrofa ventriculi & vifcerum, corrofantur, dilacerentur vel fortiter irritentur; unde convulfiones, fpasmi, hæmorrhagiæ, inflammationes, gangrænationes, excrementorum fuppreffiones oriuntur lethales.

21. DENIQUE & antimoniales mineræ noxios quofdam vapores exhalant. Antimonium, quod ex fubftantia fulphurea & regulina mercuriali compositum eft, non eft venenum, fimulac autem vinculum illud folvitur vel igne vel variorum falium adiectione, feparata a fulphuris confortio mercuriali parte, protinus draftica fefe vis exferit. Pulvis reguli in fubftantia canibus oblatus, illas brevi necat, apparente in ventriculo nigricante macula. Fumum eius imprudenter hauftum, vomitus & purgationes excitare teftantur *Ephemerid: Germ. dec. I. an. 3. obf. 31.* Illos, qui antimonii mineras verfant & tractant, vomitione, ptyalifmo, membrorum debilitate, animi deliquio corripì certior fum factus. Quod falivæ fluxum ab antimoniali medicamento concernit, exftat hanc in rem elegans obfervatio in *iàm citatis Ephemerid. dec. I. an. 3. obf. 270.* Incidit nimirum quidam ab adfumtis floribus antimonii in apoplexiam, qua durante, validiffimus

ptyalismus fuerit secutus, ita, ut per nares & os spumosi phlegmatis facile mensuram expuerit. Corpus defuncti apertum fuit, & pulmones totaque pectoris regio, stomachus, caputque materia eiusmodi plena fuere reperta; regulini enim antimonii pars magnam cum arsenico alit affinitatem. Antimonium drasticam suam virtutem a solo hoc regulo habet, & fumos emittit albicantes, metalla ipsa friabilia reddit more ipsius arsenici, ex quo arte etiam confici potest regulus. Tandem typographi ex suscepto antimoniali fumo, dum litteras suas fundunt & præparant, apoplexia sæpe, paralyti & ventriculi subversione tentantur.

22. TANDEM ad fumum noxium ipsius plumbi examinandum accedo. Nullum ex metallis tam promte in auras ignis violentia avolat, quam ipsum plumbum; totum enim in fumum subdulcem & crassum, coloris ex albo flavescentis facescere & converti potest. Videmus hoc maxime in sylvis Hercyniis, ubi mineras saturninas igne tractant, urunt, calcinant, fundunt & separant, appellatur hic fumus, *Hütten Rauch*, quod autem nil nisi plumbum in minutissimas particulas resolutum sit, exinde patescit, quia ex fornacibus & officinarum parietibus separatus, verissimum plumbum citra notabilis ponderis imminutionem, debita liquefactione, reddit. Fumus hic tempore nebuloso minus & maxime circa noctem, propter insignem suam gravitatem descendit, aerem inferiorem replet, sicque per pulmones attractus, & in os cum saliva deglutitus, ubi instar sacchari saturni saporem dulcem præ se fert, abit ad ventriculum & intestina, ubi horrenda symptomata excitare solet. Præcipue autem morbum spasmodicum, tormina summe convulsiva cum alvi pertinacissima obstructione producit, qui morbus Germanice *die Hütten-Rage* dicitur, quod intolerabilis intestinorum cruciatus, ægrotantem nonnunquam rabiosæ felis circumgyrationem imitari cogat. Hisce hominibus aliquando nec standi nec sedendi datur potestas, inquieti huc atque illuc moventur, lecto si
ali-

aliquantum incubuerint, terram vicissim repetunt, unguibus eam rodunt & immanes ventris dolores, cum sudore nunquam frigido & lipothymia patiuntur: quibus statim vehementissima alvi constipatio complicatur, ita, ut nihil flatuum nec excrementorum per anum habeat exitum. Purgantia omnia irrita effecta propinantur, & sæpius malum exasperant: superveniunt cardialgiæ syncopticæ, vomitus, febres lentæ, cum siti, urinæ suppressione, & tandem, si morbus diu duraverit, accedunt etiam convulsiones musculorum, contracturæ item partium externarum, crurum ac manuum paralyfes. Morbus hic quasi proprius est Clausthali, Zellerfeldi nec non Hartzerodæ & ubi mineræ Saturninæ tractari solent, omnibus operariis, qui vel in fodinis plumbarium metallicum lapidem pulvere pyrio separant, extra fodinas illum urunt & liquefaciunt vulgo *Hütten-Leuten*, & qui fornacibus separatoriis, *treibe Ofen*, præsumt, vel magis adhuc illis, qui lithargyrium ponderant, vulgo *Glettwäger*; a cuius copioso fumo & polline per halitum excepto mirum in modum læduntur & memoratum morbum incurrunt. Quæ dicta omnia sufficientissime demonstrant & comprobant, male horum symptomatum causam ab arsenicalibus vaporibus derivari, sed magis a solo lithargyrii fumo deglutito illam esse petendam.

23. PORRO præter illa in officinis, ubi mineræ Saturninæ tractantur, observata phænomena, fumum lithargyrii seu plumbi proximam morbi metallici causam evincunt. Plumbum interne adsumtum perniciosam vim habere loquuntur observationes, sic *Fernelius tract. de lue venerea cap. 7.* scribit de empirico, qui plumbi pulverem adversus arthritidem commendavit, quo ad sesqui libram adsumto, æger primum dysenteria crudeli, dein, hac cessante, ventris gravissimis rofionibus & torsionibus cum contumacissima ventris adstrictione, virium debilitate, appetitu deiecto, incendio interno, vigiliis & ictero tandem fuit correptus. Plura vid: in

Diosco-

Dioscoride lib. 6. cap. 27. Deinde testatur experientia, figulos, qui in fictilibus lithargyrio incrustandis occupantur, simili fere morbo metallico infestari. Incidunt exinde in vehementissimos intestinorum dolores cum præcordiorum angustia & spirandi difficultate, membrorum tremore, contractura, articulorum debilitate, summa virium diminutione alvoque pertinacissime clausa. Maxime autem illud iis in locis fit, ubi ollis calidissimis lithargyrium agglutinant, ubi autem argilla bona est, quæ frigide lithargyrium admittit, non tanta figuli experiuntur symptomata.

24. HORVM omnium recensitorum symptomatum, quæ fumus lithargyrii producit, ratio optime ex saturni singulari textura mechanica peti ac derivari potest; plumbum nimirum de mercurio multum participat, hinc etiam est gravissimum, quinimo verus mercurius vivus, beneficio variorum commixtorum salium, prævia quasi facta subtilisatione & fermentatione, ex plumbo destillari potest. Ob mercurialem hanc naturam facile in auram cedit, & vehementissimo ignis motu in minimas resolvitur partes, quæ tamen ob gravitatem suam & molem maiorem non tam promte, ab aere ambiente, sustentari possunt; hinc ad inferiora descendunt, & collectæ fumum flavescentem dulcis saporis constituunt, qui deglutitus ad ventriculum & intestina vehitur, & partim gravitate sua, partim tenuitate mercuriali, non tantum membranis seu illorum tunicis adhærescit, sed etiam intimius poros tunicarum nervearum & musculosarum penetrando obstructions in iis efficit, simul fibras illas nerveas & musculosas fortiter lancinat, irritat & rodit, ut adeo spiritus animales, fibras illas incolentes magno impetu & copia ad has partes ferantur, qui quoniam propter pororum obstructionem non æqualiter circulari & moveri possunt, fibras patentes mirum inflant, distendunt, contrahunt, sicque spasmum constrictionem harum partium, simulque crudelissimos dolores, qui harum fibrarum saltim spasmodicæ contractioni debentur,

bentur, prognerant. Validiffimæ huic tunicarum intestino-
rum & ventriculi constrictioni adscribenda etiam cæterea
symptomata, vomitus nimirum, cardialgiæ, anxietates, al-
vi, urinæ & flatuum suppressiones, intestinorum inflamma-
tiones &c.

25. ULTERIVS particulæ illæ Saturninæ continuo ore ex-
ceptæ, & ad ventriculum delatæ cum succo chyloso abeunt
etiam per poros intestinales & venas lacteas ad ipsam cruoris
& humorum massam; & in transitu vasa lactea & mesaraica
cum tempore occludunt & obstruunt, & in sanguine & hu-
moribus particulæ hæ Saturninæ ad partes vectæ, propter
specificam suam gravitatem, qua omni fluido corporis nostri
præponderant, facile secedunt & præcipitantur, sicque tu-
bulos partium solidarum vasorumque angustissimorum cutis
poros constipant & obstruunt; unde atrophix, ariduræ par-
tium & cachexiæ subnascuntur. Cum succo lymphatico ad
nervos, tendines, ligamenta delatæ in angustissimis illorum tu-
bulis ex facili quoque hærent, & ibidem stagnant, tam ob-
struendo quam irritando dolores, spasmos, spirituum anima-
lium interceptiones, & inde paralyfes & contracturas pro-
ducunt. Falsum enim est, in paresi vel contractura ventris
doloribus superveniente, per consensum adfici nervos, vel ip-
sam peccantem materiam ex primis viis per nervos ad partes
extremas deferri. Placent mihi hanc in rem THOMÆ ERASTI
disputatio quarta contra Paracelsum verba: *satis, inquit, ma-
li causam non in nervorum, quibus distribuuntur, principio,
sed in manibus ipsis exstitisse. Quoniam partes supra carpum
optime se habent, quod esse non potuisset, si nervorum principia
adfecta fuissent.* Existimandum itaque, particulas Saturninas
cum sanguine & lymphâ in musculosas carneas & nerveas fi-
bras influere, & pondere suo secedere, arctissimosque illa-
rum poros occupare, ibique immanes dolores, & propter
obstructiones fluidi nervei interceptiones & spasmos parere,
musculorum robur mirum in modum labefactare.

(*Hoffm. Opusc. patholog.*)

l i i

26. QVAN

26. QVOD autem, substantialiter lithargyrii partes ex ventriculo ad ipsum sanguinem deducantur, inter alia elucet exinde, quod urinæ illorum, qui morbo metallico Clausthali laborant, incoctæ, prævia decenti tractatione & fusione, præbeant veri pulmbi quantitatem sæpe observarvi. Ulterius autem quod Saturninæ minutia, fibrarum nervearum poris insinuata paralyfin & contracturam partibus illis adferre queant, observationes testantur. Sic a sacchari Saturni immodico usu paralyfin ortam lege ap. IOH. RHODIVM *Cent. 3. obs. 10.* Notatu digna de sale Saturni communicat BOREL-*LVS cent. 4. obs. 32.* amicum, inquit, habui, qui sacchari Saturni hausit nimiam quantitatem, unde tanquam paralyticus & fere mortuus est factus, tandemque conclameretur, rigebant membra eius, & tanquam congelatus & apoplecticus erat.

27. QVOD reliqua concernit metalla, quæstio non inutilis oritur, an illa tractata de se emittant effluvia, item an hæc ipsa damnum adferre queant? Stannum si in igne fortiori detinetur, vel si mineræ ejus funduntur & præparantur, quod emittant etiam exhalationes, quamvis non tam copiosas, quam Saturnus, nemo negabit. Quod autem hæ non sint nocivæ confirmat BOYLE *tract. de salubrit. aeris*, dum scribit illos, qui in stanno Anglicano laborant sanos & vegetos esse, & raro morbis corripiti; plantas optimas illis in locis, ubi mineræ Joviales effodiuntur, crescere & progerminare. Denique metalla alias fixiora ferrum & cuprum tam igne quam calore & motu vehementiori tractata, effluvia quædam de se spargere haud improbabile videtur. Ex relatione Cel. KRVGII, viri, in scientia metallurgica curiosissimi habeo, illos, qui Schmal-kaldiæ acuendo & poliendo ferro inserviunt, respiratione anhelosa laborare vulgo die *Schleiser-Kranckheit*. Quod cuprum attinet, notabile est monetarios, qui ex argenti & cupri mixtura beschicket Gut faciunt monetam levem & minus nobilem, contrahere sibi in manibus coeruleas multas maculas, quod non

non contingit, si purum argentum tractant: referri huic possunt quæ superius de effluviis metallorum dicta sunt.

28. Ex hisce itaque deductis fatis liquido constare arbitror, metallicolas a miasmatibus variorum mineralium plurima pati ac perpeti mala & morbos gravissimos; præter hos autem adhuc plurima experiuntur incommoda. Omnia enim metalla tanto sanitatis & vitæ discrimine eruuntur, ut tot hominum millia huic negotiose se suosque devovere non frustra mireris; interdum de scalis in puteos delapsi, brachia, crura aut cervicem lethaliter frangunt, aut decedentes in lacunas suffocantur, aut denique ab accensione pulveris pyrii contusiones gravissimas patiuntur. Concidunt præterea montes, eaque ruina oppressi pereunt, uti id sæpius fit in Misnia, maxime in iis, quibus venæ sunt cumulatae, sique fossores, fornices crebros montibus sustinendis destinatos non relinquunt, aut substructiones faciunt. Patiuntur tandem damnum metalli fossores a saxis abruptis, articuli sæpius mirum atteruntur & contunduntur, quod ne fiat, metallici structuris necessariis puteos cuniculos & fossas latentes fulcire debent. Postea aqua fodinarum frigidissima nervis mirum in modum infensa est, hinc artubus non sufficienter munitis, facile nervorum resolutionem, contracturam ac paralyin gignere potest. Tandem a vaporibus frigidis densis, quibus aer specuum subterraneorum repletus, itemque fumis lampadum densissimis inquinatus, transpirationem liberam impedit, coeca cutis spiracula obstruit, sanguinis subtilisationem eiusque motum promptiorem sufflaminat, sicque morbos frigidos asthma vulgo den Dampff, symptomata hypochondriaca frequentissime parit.

29. RECENSITIS sic variis & incommodis, quibus miseri illi metallici homines graviter divexari & affici solent, restat jam, ut medicationem illorum & ablationem, quantum fieri potest, meditemur. Nolo autem in præsentia in decernendis

remediis & medicamentorum compilandis formulis copiosus esse, sed generatim, breviter tamen, quænam singulis malis convenient remedia & præsidia exponam. In genere itaque moneo, præservationem ab huiusmodi incommodis quam optime institui, si, quantum possibile est, fumos istos noxios, densos, præprimis tempore existente nebuloso & cœlo minus sereno, fugiant: dein ab inspiratione fumorum per os & nares, nec non ab illorum crebriori deglutitione caveant. Præstat enim, quando in eiusmodi locis inquinatis versantur, raro deglutire salivam, sed continuo fere illam exspuere. Deinde optimum est consilium, ipsas officinas exstruere, ubi cremantur, funduntur & separantur mineræ, sub libero aere & cœlo etiam caminos satis patentes erigere. Porro optime se præservare possunt a noxa dictarum exhalationum tam mercurialium, antimonialium, sulphurearum, arsenicalium, quam Saturninarum, aliarumque, oleosis nempe: butyrum scilicet parum salitum magna in copia adsumant, iusculis ex cerevisia Goslariensi, butyro non salito & saccharo confectis, admixta nonnunquam olei olivarum, amygdalarum dulcium sufficiente quantitate, probe se sæpius muniant. Accedit quod iuscula hæc ex tali cerevisia spirituosa parata & aromatibus zingibere, floribus macis, cardamomo vel cinamomo condita transpirationem liberiores & motum celeriores sanguinis efficiant, sicque obstructionibus resistent.

30. DEINDE omnibus metallicis præter diætam oleosam & pinguem, emollientia diluentia & temperantia commendantur. Humidis his efficitur, ut alvus eo rectius suum faciat officium, & ne partes nerveæ membranaceæ ab acris & calidis istis fumis nimium exsiccentur & contrahantur, his quoque efficitur, ut vehiculo horum diluentium & vi emollientium miasmata illa mineralia acuta rigida partim demulceantur, partim etiam ex corporis poris & emunctoriis eliminantur & proscribantur. Hunc in finem laudatissima sunt sequentia infusum veronicæ, malvæ, hederæ terrestris, coffee
nec

nec non lac bubulum calide copioseque haustum, vel solum vel cum dictis infusis remixtum. Item juscula ex carnibus pingua, lardum, ova sorbilia, pruna Damascena, poma Borsdorffiana, ficus & passulæ crebriori sint ex usu. Fugiant diætani acidam, salitam, induratum, viscidam, aromaticam, spiritus vini nec non tabaci abusus. Ex fonte pharmaceutico ad præservationem a sævissimis his morbis multum conferre potest tale medicamentum, quod vim habet balsamicam, alexipharmacam, & tenuissimis particulis poros & vascula aperientem, quod componi potest ex nucista, croco, myrrha, enula, corticibus aurantium, citri, zedoaria, theriaca, spiritu vini, spiritu salis ammoniaci, camphora, quale elixir balsamicum præstantissimæ virtutis est, & præservandi & curandi fine opem fert præsentissimam, si quotidie ad guttulas LX. cum jusculo sumatur.

31. QVOTIESCVNQVE ab haustis copiosis fumis arsenicallibus truculenta invadere solent symptomata, theriacalia antispasmodica, nervina cum oleosis, jusculis & decoctis mixta, hic omnibus palmam præripiunt: tinctura bezoardica, diascordium Fracastorii, Sylvii, theriaca coelestis, essentia scordii, succini, castorei, spiritus antispasmodicus nostræ præparationis, qui ex spiritu balsami Peruviani, succini, eboris, addita sufficiente castorei quantitate & croci constat; confert quoque pulvis Marchionis.

32. AD intolerabiles & immanes intestinorum dolores conjunctos cum alvi suppressione pertinacissima, a copioso fumo lithargyrii feliciter abigendos & dissipandos, primo loco commendantur clysteres ex meris fere oleis parati, quo nimis fortiter constrictæ & spasmodice contractæ intestinorum fibrillæ relaxentur, & pori intestinales aperiantur. Hisce clysteribus commode misceri possunt carminativa penetrantia, spiritus vini camphoratus, spiritus salis ammoniaci, vinum Hispanicum, qua simul ratione partes læsæ solatium recipiunt & blande demulcentur. Extrinsece vero unguenta ex

oleo amygdalarum dulcium, carvi, hyosyami parata iuvant, quorum virtus egregie, addita sufficiente quantitate spiritus volatilis, exaltari potest; quibus totus venter calide sæpius inungendus est. Intrinsece singularem obtinent virtutem juscula oleo amygdalarum dulcium probe imbuta, in quibus essentia carminativa cum spiritu antispasmodico prædicto assumi potest, & urgentibus doloribus, addi possunt grana aliquot laudani opii nec non ipsius camphoræ. Omnia hic fortiora purgantia rejicio & damno, quæ spasmodicas constrictiones augere, & symptomata ut plurimum exasperare solent. Leniora autem e. g. infusum rosarum laxativum, syrupus mannæ, pilulæ ex gummatibus, scammonium per fermentationem paratum, cum tartareis & carminativis mixta, aliquando locum inveniunt. Quodsi autem tanta est spasmodorum vehementia, ut medicamentis etiam generosis cedere nolit, commendanda sunt ex omnibus balnea, ex herbis emollientibus, nervinis antispasmodicis concinnata, quorum usum in nervis solandis, poris aperiendis & dolorum ferocia sistenda mirifice laudo.

33. AD contracturam & paralyfin membrorum & artuum, quæ sæpius ipsos, qui cum fumo Saturni versant, exercere solet, præter iam dicta antispasmodica nervina emollientia & olea sudorifera, blanda tamen profunt v. g. spiritus eboris seu cornu cervi balsamicus, spiritus Busii, spiritus cornu cervi succinatus cum decocto enulæ vel vino enulato calide adsumta. Externe inunctiones, linimenta, balnea laudatissima sunt ex regno animali petita v. g. unguentum sequens Dn. HERRSTELLE Pharmacopæi Clausthalens. recipe axungia humanæ unciam unam, olei caryophyllorum, cinamomi ana drachmam dimidiam. M. Hoc linimento calide contracta membra frequentissime inungantur. Deinde fots ex sanguine porcino item ex intestinis calidis proficiunt.

34. TANDEM asthmati metallico morbo frequentissimo præter jam dicta opponi possunt elixiria pnevmonica cum balsamo sulphuris anisato nec non Peruviano roborata, elixir proprietatis sine acido, spiritus salis ammoniaci anisatus, essentia croci inspissata, essentia gummi ammoniaci, helenii, aqua hyssopi, & quæ omnibus palmam præripit aqua Tragoni cum vino parata, quam idem iam laudatus pharmacopæus in asthmate inveterato tollendo commendat. Vulgus contra hunc & alios morbos metallicos in usu habet alliacea, nec sine ratione; hæc enim sale volatili acri gaudent, quo amurcam viscidam, tartaream firmitus cellulis pulmonum inhærentem detergunt & resolvunt, & transpirationem humorum incalescentia, & acrimonia humorum suorum volatili adaugent. Et hisce metallurgiæ morbiferæ impono finem.



DISSERTATIO VII.

DE

INFLAMMATIONE VENTRICULI FREQUENTISSIMA.

§. I.

PRINCIPVM partium morbos vel omnino exitiales vel ad curandum difficillimos esse, unum est ex publicis in medicina confessis etiam dudum in veterum scriptis celebratum. Jam vero ex omnibus corporis nostri partibus nullæ maioris sunt momenti, nec ullæ maiorem merentur considerationem, quam quæ sensuum ac motionum sunt instrumenta, quibus anima proxime utitur, & tales sunt nerveo-membranosæ. Principatum vero ex hisce merito obtinet ventriculus, ex membranis nerveo-fibrosis totus compositus, qui non modo exquisitissima sensatione pollet, sed & motu gaudet contractorio & dilatatorio, qui peristalticus dicitur. Et quoniam ob nervorum copiam hæc perquam nobilis pars fere cum toto corpore accuratam habet consensionem, & præter hæc succis & fluoribus corporis nostri commodam ad vitam præbet materiam; facile est colligere, omnem gravem morbum in eo consistentem magno cum vitæ discrimine esse coniunctum. Non dubitavit itaque HELMONTIVS ob huius visceris in corpore præstantiæ sedem animæ ibi collocare; & quamvis hæc pars multis magnisque pateat morbis; non gravius tamen & quod magis terrere possit malum reperies, quam inflammationem. Inflammatio quidem, quæ stasis corruptiva est sanguinis, ubicunque sit, non sine periculo habenda; periculosior tamen, ubi membranaceas occupaverit partes, ob exquisitum, quo pollent, sensum ac consensum gravissima & funesta simul symptomata adsociantur.

tur. Qua de caussa etiam meningum inflammationes, ventriculi & intestinorum in summum ægrotantes adducunt periculum. Plures harum partium inflammatione ceu primario morbo extinguuntur, alii ceu aliorum morborum symptomate. Illud vero mirandum est, quod cum frequentissimus sit adfectus ventriculi, a practicis tamen parum omnino observetur; & quod magis mirum videtur, illorum libri vel plane de hoc silent, vel negligentius curant. Multi ex iis rarum pronunciant adfectum, si tamen in praxi diligentius attenderis, frequentissime deprehenditur. Quod igitur in libris & scriptis medicorum tam rara hujus mali fit mentio; placet in præsentī utilissimam hancce materiam paullo curatius pertractare.

2. PRIUS vero quam in huius adfectus indolem, causas ac ortum penitus descendamus, convenientissimum mihi videtur, ex anatomicis, quæ ad ventriculi structuram, situm ac officium pertinent, paullo curatius repetere. Situs est ventriculus sub diaphragmate, cuius posteriori parti etiam incumbit. Tres ferme partes sinistram latus occupant, cum dextrum ab hepate cingatur. Orificium dextrum, quod pylorus vocatur, sub cordis scrobiculo juxta cartilaginem ensiformem jacet; sinistram vero spinæ dorsī vicinam, & firmissime peritonæo adnexum, musculosam diaphragmatis in dorso partem percurrit, non vero nerveo tendinosam, uti vulgariter in tabulis depingitur. Substantia ventriculi mere est membranacea, utpote ex meris tunicis & lamellis membranaceis est compositus, quarum vulgo quatuor numerantur. Primæ originem a peritonæo deducunt, constantis fere ex fibris longitudinalibus, ab uno orificio ad alterum protensis: huic subjacet musculosa, quæ ex circularibus seu spiralibus carneis crassioribus componitur, quæ maiore agmine collectæ circa dextram & inferiorem orificii partem pylorum nempe visuntur, quoniam hic loci majori motu & constrictione, ad propellenda versus intestina ejus contenta, opus est. In sinistro

(*Hoffm, Opusc. patholog.*)

Kkk

late-

latere, ubi maxima ventriculi capacitas, tunica hæc valde rara & subtilis est : non enim hic opus erat insigni constrictione, cum ob situm altiorem respectu dextri facile descendant alimenta. Extant ibi vasa brevia, quæ in cruento vomitu plerumque aperiuntur, quoniam fere nuda, & tenuissimis saltem membranulis communita iacent. Notabile est, quod in superiore parte ventriculi, eius dorso nimirum fibræ carneæ ab uno orificio ad alterum secundum longitudinem sint exporrectæ, quæ in orificio sinistro in circulos abeunt; factum id esse a provida natura eum in finem credo, ut, facta constrictione, facilis ex uno orificio in alterum liquidorum fiat transfusio : sicut quandoque in vomitu videmus, ubi, quæ paullo ante fuerunt adsumta, & in fundo ventriculi adhuc resident, non ejiciuntur, sed quæ ante aliquot dies sumta in intestina jam transierunt. Tertia tunica dicitur nervea, quæ valde densa est, cui substernitur quarta, quæ glandulosa dicitur sive melius villosa, ex tenuissimis fibrillis & vasculosis ductibus contexta. Hæc lympham & mucum fundit, crassiorque est in ventriculi fundo & parte ejus dextra; defendit hæc quoque nerveam a molesta medicamentorum vel ciborum vellicatione. Accipit ventriculus nervorum ramificationes valde insignes a pari vago, quod constituto nervo cardiaco ac pnevmonico iuxta oesophagi latera descendit. Dividitur in duos ramos interiorem nempe & exteriorem; ille rursus in nervum coalescit, qui iuxta exteriorem partem orificii sinistri ad fundum ventriculi abit; hic vero exterior ad dorsum ventriculi fertur, & ab uno ad alterum orificium transit. Ex his duobus ramis varii propullulant furculi, qui per parietes orificii sinistri distributi, plexum nerveum instar reticulæ constituunt. Deinceps e nervis hepaticis, alii in pancreas, alii in vasa cholodocha, duodenum & pylorum deflectunt, iisdemque densas propaginum series inferunt. Hisce ab utroque nervo stomachico aliæ uniuntur, unde ratio apparet, cur, vellicatione in ventriculo facta, bilis e cystide sua in duodenum effun-

effundatur, quæ postea, spasmodica intestini constrictione in ventriculum sublata, vomitu rejicitur.

3. Si qua proinde corporis pars exquisito & delicato sensu instructa est, certe est ventriculus. Hic intus undique membrana nervea cingitur, quæ sic appellatur, quod in hanc multi iique insignes nervi excurrant, imo cute, a cuticula separata multo sensibilibior animadvertitur. Sentit hæc ventriculi membrana spicula antimonii, quæ cutis etiam nuda sine noxa tolerat. Oculi admittunt in collyriis crocum metallorum, licet acutissime præ cute sentiant, imo apiculi nervi linguæ adæquati saporis organa minus ab ejus spiculis adficiuntur. Testis huius rei est famosa cicuta aquatica, quæ intus sumpta ob vehementem irritationem tunicæ, in ventriculo venenum est; exterius vero in forma cataplasmatidis vel emplastri leni tumido vel duris tumoribus applicata magna eaque innoxia est medicina. Subtiliori etiam sensu præditum esse ventriculum inter alia appetitus & sitis, varii dolores, ardores ab adsumtis medicamentis rebusque heterogenis ac venenis declarant. Et quod maxime mirandum, dantur quædam medicamina, quæ simul ac ventriculum contingunt effectum etiam in dissitis partibus exserunt. Exemplo sit opium princeps remedium sedantium; hujus vel dimidium saltem granum idque vel solum vel cum aliis mixtum, simulac acceperis, & sedat dolores & dormiendi adfert cupidinem. Nitrum quo non clarius vel majus antispasmodicum, parva etiam dosi, in febre vel in ardore inflammatorio datum, mox refrigerationis sensum per universum corpus diffundit. In nimia fibrarum relaxatione serique vel sanguinis fluxu validius stypticum datum, dum adhuc in ventriculo versatur, etiam in remotioribus locis, constringentem ostendit effectum. Ex quibus abunde potest intelligi, quam subtili sensu polleat ventriculus, qui, si a corde discefferis, omnium in corpore partium, princeps merito est appellandus. Et proinde non sine ratione, uti diximus, *Helmontius* in sinistro ventriculi orificio tanquam acu-

tissimi sensus parte animi sedem collocavit. Eundem quoque ob summam præstantiam regem vocat nobilis poeta medicus Serenus Sammonicus. Verum non solum ventriculus sensu gaudet sed & consensu; quoniam enim ex intercostali magno & pari vago accipit nervos, hinc cum cerebro, cum dura matre, cum spinali medulla, faucibus, aspera arteria, corde, pulmonibus, hepate, diaphragmate, renibus, ipsisque intestinis multo conspirat sensu. Si igitur hæ partes laboraverint vel irritatæ, laborat etiam ventriculus & focius fit periculi.

4. PRÆTER sensationem acerrimam, quæ admirabilis imprimis, mirandus etiam in ventriculo singularis motus species, quo ceu fultura egregie illius robur sustinetur; motus hic vocatur peristalticus, & simul intestinis est communis, qui in eo maxime consistit, ut una parte constricta altera dilatetur. Motus is reciprocus per totum intestinorum canalem eum in finem exercetur, ut contentorum & excrementorum fiat expulsio. Ut enim omnium fluidorum beneficio systoles & diastoles in vasis fit progressus; ita eadem motus specie in magno intestinorum ductu contenta ab uno intestino ad alterum promoventur. Sicuti vero cor principium est circuli sanguinis & motus systaltici, quo sanguis, constrictione juvante, in arterias expellitur, quæ dilatantur, & post factam dilatationem in venas propellitur: ita & mihi ventriculus principium videtur motus peristaltici, qui in intestinis viget. Tanta potentia, tanto robore hic motus instructus est naturæ providentia, ut merito in admirationem sui physicos rapiat. Maxime vero hujus motus peristaltici vis ex vomitu patet, in quo nimirum is invertitur, ut magnum sæpe humorum pondus, quasi vecte commotum, uno impetu magnaue vi extrudatur. Et quod mirabilius omnino, videmus argentum vivum ad dimidium libræ in iliacis adsumtum, quod, excepto auro, cum sit gravissimum: nihilo tamen secius virtute & robore motus peristaltici ex fundo in pylorum & intestina premitur. Quodque magis advertendum putaverim, dum per alvum mox ejicitur,

citur, necesse est, ut per prolixos istos & anfractuosis intestinorum sinus modo descendat modo adscendat. Ad hunc ascensum magna vis certe & robur est necessarium, quod in intestinis systaltici motus est beneficium; qui etiam a purgantibus & emeticis vel etiam a venenis adsumtis valde augetur. Cl. WEPFFERVS, qui compluribus artem nostram nobilitavit, in *libro de cicuta aquatica* p. 172. in animalibus naturam & diversitatem hujus motus, oblatis prius venenis, sollicitè observavit. Inter alia experimenta e catello, cui radicem napelli dederat, excidit ventriculum, inque ipso motum observavit vermicularem. Placet jam integra auctoris verba hic inferere: *integrum, inquit, excidi ventriculum, movitque se motu vermiculari. Stomachus sive sinistrum orificium artissime sese constrinxit, ut ne guttula quidem excideret. Quando vero ventriculus circa medium sese contraxerat, motus lente versus pylorum procedebat, illeque erigebatur, & liquor subpallidus, quandoque sensim, aliquando cum impetu protrudebatur. Constricto pyloro, ventriculus rursus intumuit totus, moxque rursus circa medium sese constrinxerat, novusque liquor per pylorum ejiciebatur. Hæc constrictionis in medio & inflationis alternatio per octavam horæ partem continuavit, stomacho semper clauso permanente. Postea ventriculus sese movere desit. Plura vid. eod. libr. hac de re lib. I. p. 262.*

5. OFFICIUM ergo ventriculi secundum naturam & ordinem recte se habet, quando debitus & moderatus sanguinis per vasa in eius membranas fit adfluxus & refluxus; ab hoc enim legitima liquoris gastrici in debita quantitate & temperie dependet secretio. Dein & in eo versatur, ut motus eius peristalticus æquabilis & moderatus conservetur; hinc placida fit sensatio, nec molestus oritur dolor. Omnia itaque, quæ in ventriculum incidere possunt vitia, aut ex motu eius peristaltico læso, aut circuitu sanguinis per eius substantiam defectu, aut secretionè liquoris gastrici præternaturali, derivanda sunt. Ex multis vero magnisque ventriculi morbis iam

tractandum suscepimus, qui ex tono ventriculi fortius læso inprimis, & postea ex sanguinis circulo per hoc viscus impedito excitatur; hac ventriculi inflammatione certe nec quidquam periculosius nec feralius existimandum est. Prius vero quam eius causas earumque ordinem persequamur, e re nostra esse arbitramur, signa, quibus cognoscitur, & quibus ab aliis morbis differt, breviter attingere.

6. SVNT vero inflammationis ventriculi notæ perpetuæ, & individui veluti comites, dolor immanis & fixus ardor circa præcordia & illam regionem, quæ cordis scrobiculum comprehendit: adest simul anxietas, ut maxima, ita molestissima, corporisque iactatio. Febris porro cum siti, vigiliis, pulsu duro, parvo frequenti & inæquali comitatur. Iuncta sunt præterea vel ipsi vomitus vel ad vomendum proclivitas, alvi adstrictio, quandoque etiam inflammatio faucium anginæ speciem præ se ferens. Remittunt ad tempus hæc mala, mox vero cum impetu repetunt, suumque resumunt impetum: accedunt subinde singultus, extremorum refrigeratio cum sudore frigido, delirium, animi defectio & convulsio; & urina sæpe plane supprimitur. Hæc symptomata ubi accidunt, de ægro actum esse non obscure prædixeris. In corporibus dissectis ventriculus valde rubicundus, variis modo rubris modo nigris maculis distinctus, vasque sanguinea & capillaria multo sanguine turgida reperiuntur; quandoque orificium sinistrum macula lata nigra notatum visitur. Interdum quoque hæc inflammatio, antequam aperiatur corpus, primo adspectui est exposita; sæpe extenditur ad duodenum, & paucis sæpe diebus occidit, quandoque longius protrahitur, imo in exulcerationem lentamque febrem terminatur. Non totus vero ventriculus semper, sed pars saltem, maxime vero fundus, inflammatur: nonnunquam tenuior sinistra nempe eius pars, ubi vasa breviter sita sunt, sæpe dextra pylorum respiciens adfligitur. Ventriculi orificium si inflammatio occupat, periculosissima est, & uti FORES-

TVS dicit, Iovis filii dicendi sunt, qui evaserint. Adfectus hic vel idiopathicus est & primarius, vel symptomaticus, quod aliis morbis accidit, maximeque pesti, variolis, febribus petechialibus, podagræ retropulsæ, febribus ardentibus & inflammatoriis est socius.

7. INFLAMMATIO ventriculi, ut adfectus est periculosissimus; ita & communissimus, qui plurimos opprimit atque præcipitat; mirum tamen, quod tam parca huius tam apud veteres, quam recentiores fiat mentio. HIPPOCRATES ni fallor nullibi inflammationis ventriculi, vel eius orificii meminit, præcordiorum vero inflammatorum *de vict. acut. §. 36.* Et in *Coac. prænot §. 2.* hæc habet: *oris ventriculi dolor & pulsus præcordiorum febre perfrigerata, malum, tum alias tum si insuper exsudent.* Item *præcordiorum dolores tum alias mali sunt, cum si alvos humectent.* Et *lib. I. Epidem.* exemplum inflammationis huius cum febre in ægroto adfert. Hic quoque locus respicit in *Coac prænot. §. 317. præcordiorum*, inquit, *dolores cum febre, si dolor intensus ad caput progressus fuerit, repente convulsivo modo occidunt.* GALENVS in libris suis erysipelatis stomachi facit mentionem. Inflammationis quoque stomachi meminit CELSVS *lib. IV. cap. 5. §. 15.* his verbis: *ut si inflammatio ventriculi subest aliqua, banc fere dolor & tumor sequitur.* Ex veteribus observat quoque hoc malum ALEXANDER TRALLIANVS *lib. 7. cap. 14.* & CÆLIVS AVRELIANVS methodicorum summum decus *lib. 2. de morb. cap. 2.* sub nomine cardiacæ passionis hunc nostrum adfectum comprehendit atque confirmat, eius essentiam in stomacho atque ore ventris esse quærendam, & emergere frequentius quinta vel sexta die in febribus ardentibus continuis vel inflammatis; & *cap. 32.* hanc sequi adserit febrem celerrimam & inflammatoriam, pulsum celerem cum siti modica, pulsu parvo, genuum gelido stupore & cum vigiliarum assiduitate.

8. RECENTIORES etiam raro hanc materiam in suis libris tractarunt. SENNERTVS brevis est in hoc malo exponendo;

ETT-

ETTMÜLLERVS rarum appellat adfectum. Verum sæpissime occurrens adfectus vel pro inflammatione hepatis vel pro cardialgia illis accipitur. Iam dudum id notavit Galliæ ille HIPPOCRATES FERNELIVS *lib. VI. cap. 2. de part: inflammationi*, inquit, *ventriculi adfinis est inflammatio hepatis, quæ vel summum iecoris lobum, quo ventriculus obtegatur, vel incumbentem illi abdominis regionem occupat. Tumor enim prominens & circumscriptus cum dolore in ventriculo sito inest & febris & aliorum malorum plura, ut proinde vel experientissimos sæpe medicos fallat. Distinguitur autem sola symptomatum vehementia & pernicie, quandoquidem in ventriculo omnium sævisimæ inflammationes incidunt.* Cardialgia vero & inflammatio ventriculi multum inter se conveniunt ob plurima symptomata, quæ utrumque horum adfectuum concomitantur. In eo tamen differentia est, quod in cardialgia febris deficiat, deficiat etiam ardor intensior, fixus in ventriculi regione, denique clementior benigniorque symptomatum sit accessio.

9. IAM non immerito quærendum mihi videtur, unde tantum periculi tantumque discriminis ventriculo inflammato immineat. Cum enim aliæ corporis partes profundioribus & gravioribus pateant inflammationibus, ut pulmones, mesenterium, uterus, renes, minus tamen habent periculi, nec tamen celeriter hominem conficiunt; eo magis igitur mirandum ac investigandum puto, unde hæc inflammatio tantum mali secum vehat. Minus enim credibile est, illam sanguinis paucitatem, quæ in ventriculi vasis residet, solum vitæ adeo periculose insidiari. Medici ab adsumto veneno propter inflammatum ventriculum absolutam lethalityatem iudicant: sollicitius igitur indagandum, qua ratione inflammatoria stasis vitam tam celeriter opprimere possit. Vulnera ventriculi absolute lethalia non sunt, cuius rei testes culttrivori, quorum ex ventriculo vel dissecti cultri vel per supurationem fuerunt expulsi. DOLEVS in *Chirurgia cap. 49. lib.*

lib. II. expresse scribit, vulnera ventriculi non solum superficialia, sed & profundiora Limburgi curata fuisse. In ulcerationem & abscessum etiam abire ventriculum inflammatum, & in lentam hecticamque febrem tandem desinere experientia nos docuit; eiusmodi vero suppuratio sine præcedente inflammatione consistere nequit.

10. NOSTRAM itaque sententiam ut hac de re exponamus, ita nobis videtur, sanguinis in vasis stasin inflammatoriam in se spectatam non esse causam mortis & tam tristem symptomatum, a quacunque etiam causa proficiscatur. Longe alio ex fonte hæc derivanda esse liquido adfirmamus. Duplex nempe mihi statuenda videtur causa tanti periculi in inflammato ventriculo: una scilicet est spasmus violentissimus, qui semper inflammationem præcurrit, & hic unus & solus fere est, qui inflammationem progenerat; altera est, quod ob stagnantem sanguinem spasmus adhuc augeatur, partesque inde nobilissimæ nerveæ irritentur. Inflammatio igitur per se non iugulat, sed spasmus potius, cuius sævitia post inflammationem magis cumulatur. Spasmus vero eius est naturæ, ut si partem sensibiliorem nerveam invadat, maximas in universo corpore perturbationes motusque vitæ inimicos atque adversos excitare possit. Et sane gravissimorum morborum ratio ex spasmo plerumque nervosarum partium est deducenda: passio iliaca, quæ cito hominem cum singultu, convulsione, delirio, extremorum frigore, doloris atrociam, alvique contumacissima obstipatione interficit. Causam tam subiti tamque vehementis mali si quæris; spasmus est intestinorum tenuium motusque peristaltici inversio, ob incarceratum & pondere fœcum intestinum oppressum. Passio colica, quæ spasmodica & convulsiva dicitur, immanibus ægrotos adficit tormentis, ut propter animi deliquium & summam anxietatem in vicinia mortis sint constituti. In medio uretherum calculus asperior vel grandior hærens spasmorum inde resultantium vehementia, vomitus, anxietates, corporis refrigeratio.

rationes, calorem, animi deliquia, tremores, contractiones & convulsiones producit. Spasmus duræ matris convulsionem totius corporis musculorum universalem five epilepsiam excitat. Quam graves adfectiones spasmodicus dentium dolor producat, non modo infantes, quibus dentes erumpunt, sed & adultiores, quibus nerveæ dentium membranæ a fero acri vellicantur, cum summo tædio molestiaque experiuntur. Tunicæ nervosæ vellicatio, quæ meatum auditorium tuetur, tantum dolorem & spasmum parit, ut cor præcordiaque constringendo anxietates, animi deliquia, deliria & quandoque convulsivos partium motus efficiat. Novimus exemplum, ubi lapillus in meatum auditorium infantis intrusus solo spasmo epilepsiam, anxietates, vigilias, calorem præternaturalem & miram anxietatem excitavit. Hæc omnia symptomata remiserunt, ubi inunctione olei anodynii a spasmo fibræ fuerunt relaxatæ: imo post hæc sternutatione facta, lapillus, qui parum commode extrahi poterat, sponte fuit excussus. Silentio præterimus articulorum dolores acerbissimos, qui simili ratione universum corpus adficiunt, pulsu id celeri, febre, anxietate, vigiliis, mentisque perturbatione testantibus.

11. Ex his, quæ adduximus, abunde demonstratum arbitror, spasmum vehementem in hac sensibilissima nervea, quæ cum tot partibus consentit, parte ventriculi, nempe inflammationem, tantumque symptomatum cumulum inducere. Certe enim hic omnes nobiliores corporis partes in consensum trahendo, omnem ordinem motuum, circuitus sanguinis nempe & excretiones ac secretiones turbat atque pervertit; atque adeo percommode ex spasmo symptomatum, quæ ventriculum inflammatum infesto agmine appetunt, ratio facile constabit.

12. Ac primum quidem sistit se nobis intolerabilis illa circa præcordia anxietas, quæ nil nisi species spasmi est existimanda. Hic spasmus ad diaphragma, pulmones & cor tendentes

dentes nervos comprimit, liberum sanguinis per has partes progressum retinet & intercipit; quam anxietatem variis denotat vocibus *Hippocrates*, & quidem talibus, quæ gravitatem huius mali perquam eleganter exprimunt. Vocat nempe illam *δοσφορίαν, ῥιπτασμόν, βλητηρίσμόν, ἄσπην, ἄλυσμόν & ἀπορίαν*. Quæ voces id symptomatis genus pulchre significant, cum ægri varias decubitus formas expetunt, & impatientes certi loci certæque sedis varie se iactant atque movent, modo se attollendo modo deiiciendo, modo in latus modo in ventrem vel in aliam figuram corpus doloribus fessum disponendo. Inquietudo enim anxietatis comes est, provenit identidem a vellicatione nervorum & circulo sanguinis per totum corpus inæquali atque impedito. Pulsus durus parvus & frequens, qui omni graviore spasmō nostroque etiam morbo sese adsociat, a nimia strictione fibrarum cordis musculosarum provenit; qua eius libera diastole & sanguinis receptio item expedita systole expulsioque impeditur. Hinc sanguinis progressus tardus est, lentiusque iusto per cor & pulmones consuetum iter explicat, sique cordis nervi nimium spasmō stringuntur, cessat plane eius debita systole atque diastole, & ad tempus circulus sanguinis suspenditur & animi fit defectio. Extremorum frigus partim strictionis, quæ meatus & vasa capillaria premit, partim languidiori sanguinis influxui est adscribenda; referendus huc sudor frigidus, & facies sub tali adfectu *Hippocratica*: concavi sunt oculi, nasus acutus, facies livida, tempora collabuntur, musculi subsident, quæ cuncta vehementiæ sævitæque spasmi & spasmodicæ strictionis sunt tribuenda. Hoc enim modo fit, ut legitimus sanguinis adfluxus, a quo calor, color & faciei vigor dependet, male intercipiatur.

13. VOMITVS quoque inflammationi ventriculi iungitur ob fortissimam ventriculi constrictionem, & hanc orificii sinistri & oesophagi inde sequentem dilatationem: hac constrictione, quandoque in ventriculo continetur, fortissimo motu impellitur, atque sursum eiicitur. Vomendi vero

nifus, licet irritus, fit a constrictione utriusque orificii, unde denegato exitu nihil redditur. Neque minus formidanda alvi pertinax constriction, quæ nihil eiicit, nec iniectos admittit clysteres, dum membranæ intestinorum spasmò contractæ cavitatem intestinorum adeo coarctant, ut nihil possit in ipsa intestina penetrare. Alvi enim debita & ordinaria deiectione exiguit tonum peristalticum intestinorum salvum atque incolumem. Læditur plerumque hic tonus vel dilatatione nimia vel constrictione, utrumque vero in spasmò accidit, dum altera pars nimium contrahitur, altera relaxatur, & sic progressus eorum inhibetur, quæ intra intestina continentur.

14. NEC prætereundus est singultus, quo nil frequentius nilque magis minatur periculi, quam hoc inflammationi nostræ signum iunctum. Hic si huic malo sese adsociat sinistrum sane morbi eventum augurari licet, nec fallet augurium. Fatendum omnino singultum a diaphragmate edi, comprobante hoc vibratione, quæ circa præcordia observatur. Non raro etiam idem accidit cum respirationis vitio & sonitu, qui fit non tam a flatu per gulam emissio, quam ab aere per asperam arteriam eliso atque in larynge fracto. Vtunque vero hoc concedamus negari tamen non poterit, quin ipsum diaphragma ad hunc motum a ventriculo ventriculique orificio sinistro concitetur. Multos ego novi, qui ex nimia ciborum repletionem vel acriorum rerum, uti piperis usu hoc malo graviter adficiantur. Et ne obscurum hocce esset remota causa, diluta nempe materia vel evacuato ventriculo, ipsum malum removetur. Nec mirum esse videtur, cur diaphragma ex ventriculi afflictione, patiat; oesophagus enim mediante membrana ipsi cum pleura communi, & inferius iuvante membrana cum peritonæo communi connectitur. Præterea a reliqua diaphragmatis parte, ubi gula illud transit, filamenta nerveæque membranæ arctissimo veluti vinculo coniunguntur, & ulterius progressæ cum rectis ventriculi fibris maxime cœunt.

15. Tumor quoque in præcordiis quandoque deprehenditur; qui nil nisi ventriculus est, quia fibris circa utrumque orificium a flatibus constrictis & contentis exitu præcluso, necessario eiusmodi exsurgit moles. Trahit hic tumor comites maximas angustias, dum nempe sursum premit diaphragma, ut libere moveri nequeat. Icterus quoque persæpe nostro adfectui adsociatur, præsertim si duodenum simul spasmo corripitur. Huius enim tunicis violenter constrictis, constringitur & ductus cholodochus; qui per eius membranas longa & obliqua fertur via: inde bilis infusione in intestina impedita necesse est, ut in lympham regurgitet, quæ dein totum corpus luteo colore inficit. Vltcrius convulsiones non nisi ex spasmo sunt derivandæ: vehemens enim ventriculi spasmodica contractio duram cerebri matrem in consensum trahit, quæ omnes nervos tam ex cerebro, quam spinali medulla molli sinu complectitur; hæc si spasmo infestatur, musculorum fit convulsio universalis sive epilepsia. Vltimo loco dicendum de delirio inflammationis nostræ non infrequenti symptomate. Nascitur hoc, dum sanguis propter contractam duram matrem in circulo sistitur, & inflammationem excitando mentis usum vel imminuit vel plane exstinguit.

16. IPSA vero inflammatio ventriculi identidem spasmi soboles est: constat enim hanc ipsam a sanguine in vasis hærente & velut incluso fieri; unde venæ tument, ingens fit ardor, arteriæque pulsant. Namque spasmus eius est indolis, ut constrictione venas, quæ minorem ob defectum pulsus habent resistantiam, facile comprimant & angustent; unde regressus ejus impeditur, & inflammationum fiunt natales. Dixerunt id veteres attrahere dolores & adfluxum humorum concitare; quod ipsum quidem ipsa comprobatur experientia ut & ratio: dolor enim fit ex spasmo, qui dum venas constringit, sanguis & humores, in arteriis residentes, congeruntur; unde turgent & tument a sanguine vasa, & nisi progressus illius adiuvetur, succedat inflammatio, & ea propter graviores

dolores & inflammationem plerumque post se relinquunt. Ex his intelligitur, ventriculi inflammationem, a veneno vel alia causa irritante exortam, spasmi esse effectum, & testari de truculenta validissimaque hujus tyrannide. Tollit itaque non tam inflammatio quam spasmus, qui causa illius est, ex qua inflammatio augetur & exasperatur; unde apparet, tonum & motum ventriculi in hoc maxime malo esse destructum.

17. EXPOSITA sic adfectus nostri causa formali & proxima, quæ tam gravia progignit symptomata, jam ad eas investigandas causas nos convertimus, quæ spasmodicæ sævitiae in ventriculo lenocinantur. Et uti nostra methodo omnium morborum causæ in materiales & immateriales distinguuntur, sic ab his initium sermonis faciamus. Primum vero vehementissima animi commotio se sistit, quæ fit ex iracundia. Loquitur vulgaris experientia, excandescentiam nimiam plerumque suppressam consequi compressionem molestissimam circa scrobiculum cordis cum ardore præcordiorum, alvi adstrictione, oris amaritie ac vigiliis; succedit sæpe icterus itemque febris. Tam longum foret tot exempla repetere, qui ab ira misere sunt extincti, cum hæc ipsa abunde satis practicum libri suppeditent. Ipse sæpius ex ira inflammationem ventriculi observavi. Tale exemplum prodidit etiam HILDANVS *cent. VI. observ. 34.* Licet vero inflammatio ventriculi ex ira concitata periculosa admodum sit; periculosior tamen evadit, & parum læti promittit, si vomitoriis purgantibusque oppugnetur. Patet & hic dicendi campus de noxa horum medicamentorum, nisi ab instituto observationes me revocarent. Commode mihi in mentem venit elegans Canonici Halberstadiensis historia, quæ satis superque nostrum illustrabit institutum. Hic vir perfecte sanus, cum inter rixas atque jurgia vehementissime excandescens mox vinum calidum superbiberet, quod vulgo Sect appellant: insequenti die statim intra venas conceptum malum persentiit. Tum enim

enim incredibiles dolores circa præcordia, horum angustia & conatus vomendi sequebantur; ardor porro stomachi aderat, inque stomacho quicquam, quod exitum moliretur, inhærere videbatur. Vocatus in consilium medicus, vomitorium ex sulphure antimonii aurato compositum præscribit; sumit hoc æger, eoque sumto ter bene vomit, sed tantum aberat ut symptomata levarentur, ut potius crescerent. Jam pulsus erat parvus & fere nullus, & frigus frigidusque sudor parum spei ad meliora ostendebant; namque intra decem horarum spatium, convulsionibus accedentibus, est extinctus. Dissecto post mortem cadavere, in fundo ventriculi plures videbantur maculae, partim nigrae partim rubrae, & nonnullae etiam altiores, non obscuro indicio, spasmus tam ab ira quam ab emetico suscitatum inflammationis ac ipsius mortis exstitisse causam. Docet cæterum hæc historia, quantam ira in concitandis circa regionem ventriculi habeat potentiam.

18. IRAM ut plurimum gravis circa illum locum excipit compressio, ubi pylorus & duodenum situm habent; nec infrequens est observatio iracundiae icterum succedere. Cujus rei non alia dari potest ratio, quam quod spasmus, qui ad ductum chodochum pervagatus, illum constringit, & hoc ipso efficit, ut bilis in lympham regurgitet. Tali in casu minus aperientia, sed anodyna & sedativa summam adferunt opem; id quod suo jam tempore SYLVIVS observavit. Dein ira sursum protrudit bilem, unde os amaro sapore repletur, & ad vomendum fit cupiditas, constricto nempe pyloro; unde facillimum erit iudicatu, in ejusmodi casu parum convenire vomitoria, cum ad spasmos teneras ventriculi fibrillas irritent, & ipsos spasmos augendo ad nostrum malum facile viam pandant. Eadem cautio tunc maxime adhibenda, si ventriculus ad spasmos proclivis est, ubi ab iis vel plane abstinendum, vel parcissima in dosi illis utendum. Funesti meminî casus, quem vomitorii imprudens usus excitarat. Balneator quidam, ultra sortem suam sapiens, uti genius est horum hominum, feminae

næ tertianæ laboranti vitrum antimonii in substantia ad grana VIII. dederat. Hoc cum adsumsisset mulier, accedente febre, insigni vomitus frequentia exercebatur, remittente illa, purgatio & vomitus identidem, cum magna tamen virium amissione, recedebant. Redeunte febre febrisque indivulso comite frigore purgatio vomitusque repetunt, idque cum summo mulieris dolore ac intoleranda prope anxietate. Cum tertia fieret febris accessio, accedebat rursus vomitus, dolor acerbissimus, & qui suprema instare non obscure significabat. Nec paulo post summa inquietudo, extremorum frigus, animi defectio & convulsio, postremoque omnium mors ægrotam occupat. Apertum cadaver inflammata ostendebat partem ventriculi inferiorem, maculis hinc inde nigris ac rubicundis tam in duodeno, quam intestinis apparentibus. Et quod magis mirandum, antimonii pulvis crustaceæ adhuc tunicæ inhærebat, unde causa mortis manibus ferè tangi poterat. Ab adsumto croco metallorum puellam quinque annorum vomitu & convulsionibus vehementissimis præcedentibus fuisse extinctam BLASIVS refert *in observat. anatom.* Aperto cadavere angustus & contractus fuit repertus ventriculus, ut ovi magnitudinem vix referre videretur; vesica fellea præter modum turgida erat, ut ex facili ventriculi inflammatio deprehenderetur.

19. SVMMA proinde cura artem exercentibus est providendum, ne cum impetu quodam vomitoria rapiant, sed suspensa manu ægris exhibeant. De sanguinis missione in apoplexia adhibenda CELSVS dicit, illam vel occidere vel liberare. Idem ego adfirmaverim ut de cæteris medicamentis validioribus; ita etiam de iis, quibus vomitus excitari solet. Est quidem, quod nullum medicamentum ipsis sit præstantius, si tempestivus eorum est usus; & nullum sane perniciosius, & quod proinde formidandum, quam hoc ipsum auxilium. Viderint proinde medici, quam recte faciant, qui ventriculum ita commotum vomitoriis oppugnant ac exasperant:
tan-

tantum enim abest, ut hæc remedia in hoc adfectu expediant, ut potius dolorem atque morbum reddant ferociorem. Prudentis potius medici est antispasmodicis rem aggredi, eoque inprimis adniti, ut spasmodorum vehementia ac furor omni modo exarmetur. Demus hoc omnino, ipsam naturam pronam ac proclivem tunc ad vomitum videri, & ad hunc urgeri quasi ac stimulari, pyloro nempe fortiter se contrahente. Demus etiam ipsos ægros anceps sæpe hoc remedium deponere; at hæc omnia, quæ medicum ad porrigendum vomitorium invitare possunt, ipsius potius sagacitatem commone debent, ut omni modo illud respuat rejiciatque.

20. NON minus adfectui nostro adferunt periculum illa purgantia, quæ acriora & valentiora sunt; illis enim eadem est perimendi ratio; spasmodis nempe agendo inflammationes in ventriculo & intestinis excitant. Evenit id inprimis, iis quibus prima regio crebris spasmodis exercetur, vel qui ob bilem acriorem & copiosiore stomachi inflammationibus sunt expositi. Aliquot abhinc annis memorabile exemplum in chirurgo hujus loci observavi, qui accepto vehementi purgante ex elateri helleborique nigri extracto, nec non ex trochiscis alhandal & gummi guttæ statim cum magnis torminibus crebriorem alvum deiecit. Circa vesperam frigidaæ cerevisiæ aliquot mensuris in cella Senatus oppidani haustis, additisque aliquot taleolis raphani rusticani, nocte & insequenti mane de ingenti dolore querebatur cum anxietate præcordiorum, inquietudine, vomendique cupiditate. Accessit paulo post febris, pervigilium, virium defectus, faucium inflammatio cum pituita acri viscida, glandulas obsidente; singultus tandem, supremæ horæ index, secutus ipsam mortem attulit. Nullum hic est dubium, quin inflammatio ventriculi adfuerit, suborta quidem ab acri caustica purgantium refina, firmiter ventriculi tunicis infixæ, quæ continua rosione ventriculum ad spasmos sollicitavit. Inde inflammatio, inde illi dolores, qui ex frigido potu semper morbis spasmodicis ini-

(*Hoffm. Opusc. patholog.*)

M m m

mico

mico facti sunt intensiores. Novimus etiam exempla, ubi in tertiana continua ex fortioribus purgantibus eadem fere symptomata necem intulerunt. Nam in omni tertiana sive simplex, sive duplex & continua sit, spasmi vexant ventriculi regionem, vomitu id ipsum testante. Idem patiuntur ductus biliarii, unde febre hac laborantes, non raro etiam ictero implicantur. Sedulo igitur monendi sunt, qui artem faciunt, præsertim tyrones, quibus salus ægrorum curæ cordique est, & qui conscientiæ consulere cupiunt, ut his medicamentis circumspecte utantur. Quod quidem diligentius ipsis observandum, ubi prima regio ad spasmos proclivis non mediocrem inflammationis metum iniicit.

21. NVNQVAM vero solennior frequentiorque inflammatio ventriculi occurrit, quam ubi fuerit venenum causticum adsumtum, præsertim ex minerali regno petatum. Et hoc nomine famosum est arsenicum, de cujus infelici effectu plures historiæ ac observationes a practicis commemorantur. Equidem non negari potest, mercurium sublimatum ipso arsenico vehementius potentiusque esse venenum; nihilo tamen secius, si frequentiam funerum spectes, quæ hoc ipsum dedit, adeo cum illo non certaverit solum, sed etiam facile superaverit. Rara enim sunt exempla, raraque in libris de mercurio sublimato fit mentio, quod homines interfecerit, cum contra de arsenico multæ & copiosæ exstent observationes. Rationem hujus rei si expetis, non alia esse videtur, quam quod arsenici sapor nihil acre causticumque præ se ferat, & ipse hominum error est, quod sæpe propter similitudinem pro saccharo adsumant. Arsenico exstincti, ubi illos aperueris, ventriculum inflammatum semper ostendunt, eumque variis maculis, aphthis ac ruboribus suffusum; atque adeo ventriculi inflammatio essentialis veneni corrosivi adsumti signum est habita & adhuc habetur; sed vix commemoratur etiam ab alia causa proficiscens, nisi e veneno, licet illa sæpius ab internis causis excitetur. Illud tamen memorabile, has inflam-

mati-

mationes non proximam mortis causam, sed potius de spas-
mis testari, qui per totum corpus se diffundentes ordinem
vitalium motuum turbant, & hac ratione non dubiam mor-
tem adferunt, ipsa celeritate conspicuam. Iterum hic ad par-
tes mihi est vocandus, sed summa cum laude Cl. WEPFFERVS,
qui in *libr. de cicuta aquatica* hanc rem variis pulcherrimis-
que comprobavit experimentis. Nam cum ex regno vegeta-
bili & minerali varia venena, variis animantibus vel jam ex-
stinctis, vel cum morte adhuc conflictantibus, ventriculum ar-
ctissime constrictum atque inflammatum deprehendit.

22. HACTENVS de venenis externis, quæ inprimis ho-
mines formidant, jam ad ea venena transimus, quæ intra cor-
pus nostrum latent, inque ipso generantur. Non minus ab
his exspectandum periculum, siue vehementiam ac nocen-
di celeritatem, siue ipsa symptomata ac signa, quæ cum illis
habent communia, spectes; ab his enim, uti a ceteris vene-
nis inflammatio ventriculi non raro provenit. Ipsa certe pe-
stis, quæ celerrime præcipitat, non alio modo hominem in-
terimit, quam quod virulentum miasma cum saliva degluti-
tum, in ventriculo spasmos pariat, & ex spasms dein inflam-
mationem. Cujus quidem rei testes sunt dissecta cadavera,
in quorum ventriculo eschara quædam sphacelosis maculis ob-
ducta, plerumque invenitur. Porro & ipsa signa ac sympto-
mata, ut animi deliquia, frigidi sudores, summæ anxietates,
& denique singultus abunde id testantur.

23. PETECHIALIBVS febribus retrocedentibus, vel non
expulsis petechiis, a sale acerrimo ortis crebro feralis inflam-
matio ventriculi sese adsociat, ex essentialibus signis probe
cognoscenda. Idem malum quam sæpissime accidit a poda-
gra intra corpus remanente, cum nempe illa vel externis li-
nimentis intra corpus compellitur, vel deficiente virium ro-
bore non foras ejicitur. Tum enim salia acria, intercluso
ipsis consueto exitu, ad alias partes divertunt, & periculosa
mala, inflammationem maxime ventriculi excitant. Pessi-

ma igitur consuetudo est, quæ inter nonnullos nostri sæculi medicos invaluit, qui externis linimentis sedativis ex camphora, spiritu vini & opio constantibus, vel etiam emplastris anodoyinis sævienti podagrico dolori occurrunt. Ad quam infelici sæpe successu ejusmodi remedia adhibeantur, a quibus omnino abstinendum erat, observationes confirmant. Multa novi exempla, quæ hic adferri possent, nisi sequentia sufficerent. Vir generosus non ita pridem in vicinia periit, qui cum per multos annos podagræ sævitiam sustinuisset, multis frustra tentatis remediis, medici consilio tandem ad emplastrum Saturninum refrigerans confugit. Placuit quoque ipsi statim hoc dulce venenum, quod ingruentem dolorem in pedibus, pectore & dorso admodum egregie levare videretur, eoque ipso per biennium ceu singulari adversus imminentes dolores præsidio utebatur, donec illud tandem fefellit. Ille enim vehementiori ira commotus, statim dolores podagricos emicare sensit, qui iam non amplius pedes & exteriora occupabant, sed ad interiora remeasse videbantur. Nec in obscuro erat, ventriculum inprimis pati, ac ad inflammationem esse pronum. Miræ igitur jam anxietates, febris cum pulsu parvo & inæquali nulloque somno aderant; non multo post singultus per quinque dies continuus, item ardor faucium cum siti inextinguibili & anxietatibus, ab adsumto liquido auctis consequiebatur. Qua ratione cum nulla spes salutis superesset, nonus ab invasione dies dolorum vitæque finem ægro attulit. Manifestum exinde erat non podagram, sed ventriculi inflammationem, quæ totum fere corpus in consensum trahit, ægrum exstinxisse. Materia enim podagrici doloris serum biliosum causticum est, quod glandulosis articulorum membranis insidet, id si motu febrili critico non propellitur, sed spasmi justo maturius sedantur, in corpus regreditur, & in membranaceas inprimis partes furorem suum effundit, spasmos nempe concitando. Incredibile est, quantis tunc doloribus, quam sævis tormentis ventriculus & intestina torque-

queantur, ita, ut non raro inflammatio & ipsa mors inde sequatur.

24. SIMILIS generosi cujusdam viri valetudo me recordantem in se morari cogit. Hic cum iniqua & longa podagra conflictatus remedium doloris in externis quærere cœpit; admotis igitur linimentis, ex spiritu vini camphora & opio paratis, egregie sibi allevatus videbatur, remittente nempe per aliquot annos dolorum inclementia; quantum vero hæc medicina frustrata fuerit, exitus docuit. Proxime enim in cachexiam, pedum tumorem &, quod ceteris peius, asthma convulsivum, quod ægre curatur est, incidit. Discant exinde medici prudentiores temperare sibi ab ejusmodi remediis, ne pro medicina venenum ægroto adferant; discant quoque, summa cum cura ac sollicitudine opium adhibere: hoc enim in podagra imprudenter datum, quantum malorum exciter, præter adducta sequens docebit historia. Vitriarius quidam hujus urbis diu podagræ doloribus excruciat, opii essentiam adsumserat, sperans, hac ratione fractum iri mali vehementiam. Sed falso, paullo enim post podagra in corpore, velut vinculo quodam retenta, summos procreavit dolores, qui infixi velut præcordiis circa cordis scrobiculum, maxima cum anxietate, emicabant. Infirma mox increscebat valetudo, increscebant dolores &, accedente singultu, post gravissima tormenta ægrum conficiebant. Adeo opium non dolores, sed vitam potius exstinxit.

25. VENTRICULI inflammatio quandoque etiam eos comitari solet, qui variolis vel morbillis decumbunt; hi enim vel retrocedentes vel ad exteriora minus recte exeuntes ad interiora serpunt, & præcordia ventriculumque maxime infestant. Solet hoc accidere, cum ob malignitatem tum ob molem peccantis materiæ, qua hæc exanthemata impedita intra corpus, cum maximo ægri detrimento, remanent. Vidimus non paucos variolis discessisse, quibus non alia mortis fuit causa, quam ventriculi inflammatio, quæ ex ardore cir-

ca præcordia, virium defectu, extremorum frigore, faucium inflammatione, & singultu denique cognoscebatur. Ita nobilem quandam virginem exspirasse novi, quam morbilli graviter adflixerant, quibus menstruorum fluxus accedebat. Hunc medicus ceu minus salutarem sistere tentabat, & sistebat quoque additis & volatilibus spiritibus ad promovendam exanthematum expulsionem. Prodierant quidem morbilli exigua levatione mali, quod hoc ipso magis accrevisse videbatur. Septimo die magnus ardor & præcordiorum dolor ægram occupat, item pulsus inæqualis & frequens cum delirio & singultu, & his malis ægra occubuit.

26. DICENDVM jam erit de bile magna & non infrequenti inflammati ventriculi causa: hæc enim in cystide fellea retenta, sive id ob calculum, ductum illum obsidentem, sive ob spasmus meatus hosce constringentem fiat, facillime adfectum nostrum progenerat. Multa & clara hujus rei exempla habuimus, & medicorum quoque comentarii habent; pauca tamen adducere sufficiat. Studiosus quidam temperamenti melancholici, paucis abhinc annis variolis corripiebatur. Erumpebant circa tempus ordinarum variolæ, sed sinistro statim augurio comitatæ, quippe nec attolli, nec in pus abire videbantur. Pauco interjecto tempore æger de anxietate pectoris, dolore exurente præcordia & summa lassitudine conquerebatur, ut non sine ratione inflammationem stomachi suspicari liceret; nec ita multo post ingravescit malum, fit singultus, & tandem convulsio fatalem adfert moriendi necessitatem. Dissectum corpus omni fere pinguedine destitutum apparebat, nisi quod membranæ, quibus illa alias adhæret, paucis oleosis globulis obsideretur, idque tam externe super musculos, quam in abdomine, ubi ejus alias observatur copia. Musculosa contra solito durior & ultra modum grandior ac crassior videbatur; ventriculi fundus totus erat inflammatus, fellea vero vesicula materia, liquidam referente picem, turgescebat, velut cartilagine quadam meatibus

tibus occlusis. Hærebant porro multæ guttulæ acerrimæ bilis in hepatis concavo, quæ non minus vesicæ inspersæ erant, & vicinum colon dextrumque stomachi orificium, flavo eoque foedo colore infecerant. Ecquis igitur dubitaret, quin bilis malorum fuerit causa, tum variolarum male procedentium, tum feralis inflammationis & ipsius mortis hanc consecutæ.

27. IDEM malum eodem ex fonte procurrens ante aliquod tempus virum egregium comitis cuiusdam moderatorem e medio sustulit; hic ex abusu fructuum horæorum tertianam sibi contraxerat, cumque interea nec vacaret morbo, nec a profectionibus, frigidioris cœlo, sibi temperaret, mox in peiorem morbum febris est mutata. Me igitur accedens de intolerabili circa præcordia æstu querebatur; hincque meum efflagitavit consilium. Neque vero causa huius morbi mihi latere potuit, quin statim inflammationem ventriculi subesse deprehenderem, quam non obscure, præter ardorem summum, pulsus parvus durus & inæqualis significabat. Præterea ab omni liquido peius se habuit, quibus omnibus & icterus se adiungebat cum sinistro sane omine exsuperandi morbi. Vt primum spectatis remediis obviam itum malo, remittebant modo dolores, modo vehementiores recurrebant. Altero vero die cum adventaret febris, cum maiori impetu recrudescebant. Ego interim cum extra urbem excurrere cogerer, mox redux ægrum decessisse cognoscebam. Nec meum fefellit iudicium: aperto enim cadavere, ventriculum, mire inflammatum inveni. Præter hæc ductus cholodochus multis iisque nigris calculis obstructus erat, ipsa vero vesicula bilioso humore repleta. Ex quibus facile intelligitur, non obstructionem solum, sed acrem etiam bilem, nervos hepatis ventriculique irritantem, causam ictero ac inflammationi dedisse. Adde, quod spasmos iam per se effrenes magis efferaverit, & sumtum fortasse purgans ad causam morbi non parum contulerit.

28. SIMILE quid in Illustrissimo Comite observare mihi contigit, cum in thermis Carolinis versaretur. Hic summus vir, per biduum sumtis thermarum aquis, statim sentire coepit urinæ suppressionem. Coniectura fuit de calculo vel in ureteribus hærente, vel etiam de spasmo hos ductus coarctante. Optime proinde antispasmodicis & emollientibus ægrotanti subvenire visum fuit. Interim alius adhibetur medicus, qui purgantibus & vomitoriis malum agredi constituit, ratus nempe, viscidam saburram in ventriculo & intestinis delitescentem causam esse huius lotii retentionis. Me igitur reclamante, propinat tamen vomitorium, mox satis validum purgans; purgatur æger vigesies, malo interim nihil imminuto. Emulsione tandem data, tanta copia ac vis urinæ instar loturæ carneæ profluxit, ut quinque mensuras impleret. Nono morbi die omnia ingravescebant, summa anxietas, pulsus parvus celer ac inæqualis, & quod omnium pessimum, singultus per duos integros dies continuus. Præter hæc faucium inflammatio cum albissima viscida pituita, fauces obsidente, viriumque languor sequebantur, quibus malis confectus paullo post mortalitatem implevit. Post mortem tumor scirrhusus instar fabæ interne in vesica apparuit, quo tumore eius orificium obsidente, urinæ fluxus fuit impeditus. Ipsa urina, quæ retenta erat, similis erat loturæ carneæ, ureteres erant extensi, renes flaccidi magni eorumque substantia mollis ac velut dissoluta. Venter cum oesophago vehementi inflammatione erat adfectus; in vesicula vero fellea lapides viginti minores & duo maiores in ductu cholodocho hærebant ex eoque excindendi. Vesica urinaria valde erat turgida, in cuius orificio, uti diximus, corpus glandulosum non dissimilis cum prostaticis naturæ, cum quibus quasi continuabatur. Hic tumor a pondere urinæ ex copia thermalis aquæ depressus, firmiter vesicæ ora claudens, contumaciter urinam supprimebat; inde urina restagnans, in renes & ureteres regurgitans horum sub-

stan-

stantiam corruperat. His accessit supremum malum frequens ac intempestivus purgantium usus, quæ sine dubio ad flatum atque inflammationem non parum contulerunt. Cæterum vitium bilis eiusque suppressio ab obstructione ductus cholodochi utique ad ventriculi inflammationem multum contribuit. Bilis enim hac ratione acris reddita per poros vesicæ transudat, & subiectas partes vehementi adficit ardore. Pulchre RIOLANVS in *enchirid. lib. 1. cap. 3.* scribit; *interdum cystis fellea vicina tangit, tingit ventriculum, ac si titione ardente ureretur.* Nec minus bene PLATERVS *lib. 2. pract. pag. 436.* observavit, ventriculum tingi macula lata lutea, unde perpetuus ventriculi ardor, cuius quidem ardoris causam in bilis vesicula multa bile turgente, & macula lutea deprehendit. Imo nec quidquam frequentius in praxi occurrit, quam ictericos a bile stagnante copiosa, plexus stomachicos & cardiacos ardente, vomitus, anxietates & ardores experiri. Quæ cuncta symptomata a spasmodis, qui ventriculi regionem lacerant, merito sunt deducenda. Eadem bilis caustica sæpe efficit, ut dysentericiæ malignæ, inflammatio ventriculi iungatur. Ita post dysenteriam malignam ventriculi fundum maculis oblitum repertum fuisse *Paterfon Hain in M. N. C. an. 1671. obs. 115.* scribit. Cavendum proinde in ictero, ne ea adhibeantur, quæ spasmos reddunt acerbiores; cuius generis vomitoria, purgantia, calidiora acria, frigus denique & frigida potiones sunt. Icterus enim sæpe præcedit inflammationem ventriculi, sæpius etiam sequitur. Sic ante aliquot annos generosus vir laborabat febre cum summa anxietate, extremorum frigore & tremore. Quarto die icterus, & septimo mors ipsa ægrum corripiebat. Neque dubium, duodenum inflammatione fuisse adfectum, unde ob stricturem vehementem ductus cholodochi bilis ad sanguinis & lymphæ massam regrediebatur.

29. SVNT & aliæ causæ maxime externæ, quæ ventriculum subita inflammatione adgrediuntur, inter quas frigidus
(*Hoffm. Opusc. patholog.*) N n n potus

potus inprimis est connumerandus: qui post calefactum prius corpus intemperantius ingestus, quantas excitet noxas, vulgari etiam opinione comprobatur. Nec vero alia huius dari potest causa, quam quod sanguis motu prius concitatus, accedente frigore, mox in cursu suo sistatur, & intra venas resideat: unde stomacho inflammato, sanguis in copia in eius vasis colligitur tumore, dolore variisque spasmodis inde concitatis. Omnes enim, qui ex frigido potu moriuntur, inflammatione ventriculi & spasmodis extinguuntur. Memini adhuc quaestoris, qui in Carolinis morabatur. Hic cum contra medici monitum per duas horas balneo usus, dein una vice magnum acidularum poculum, quæ dicuntur BVCHSAVERLING exhaustisset; ex eo tempore, prospera antea fruitus valetudine, pessime se habere coepit. Aderat enim summus ardor, extremorum frigus, somnus inquietus & plane nullus, virium debilitas, ad vomitum nisus, pulsus debilis & frequens. Hæc recensita symptomata ad sex vel septem dies grassata, medicamentorum tandem diaphoreticorum, item infusorum calidorum ope feliciter propellebantur. Simile exemplum vidi in studioso; qui post fortiores corporis in ludo gladiatorio commotionem, & dein copiosius frigidum ingurgitatum potum gravissimis ventris torminibus, mox solenni præcordiorum æstu vexari coepit. Hinc quotidie in peius abeunti malo tertio die delirium, & delirio convulsiones accesserunt; neque multo post æger occubuit, inter lusum iocum causa mortis inventa. Exstant de hoc malo historiae medicæ, ex quibus unam ex BLASIO *in observ. anat. p. 424.* adduxisse iuvat. Iuvenis, scribit, XXIV. annorum, cum motu vehementiori incaluisse, frigidum potum largius adsumserat; statim conqueri coepit de maximo dolore pectoris & ardore circa scrobiculum cordis, & post paucos dies exspiravit. In aperto corpore omentum gangrænosum ventriculusque inflammatus reperiabatur.

30. A vermibus non raro nostrum adfectum provenire
medi-

medicæ confirmant observationes. Refert HERCVLES SAXONIA *part. 2. cap. 7. prælect. pract.* puerum sexennem ex dolore summo ventriculi obiisse, & dissectum duos vermes in ventriculo exhibuisse. Superiori, pergit, orificio inusta erat macula ex rubro livescens, unguis in digito minori magnitudinem referens, orta a punctione maioris lumbrici, qui ventriculo adfixus caussa fuit anxietatis. A caussa externa violenta inflammatio ventriculi non nonquam gignitur. Et ne longi sumus in enarrandis exemplis suffecerit HILDANI diligentia, qui a deglutita acicula funesta symptomata suborta observavit *vid. cent. 1. obs. 64.* A morfu vel ictu bestiarum inflammationem ventriculi nonnunquam proferri, medicorum libri testantur. Non hic quoque reticendum ventriculi inflammationi admodum esse expositos, eaque periclitari maxime illos, qui spongioso laxoque corporis habitu gaudent; & quibus fibras teneras, vasa exilia ac copiosa, succorumque abundantiam dedit natura; in hisce enim ordinario sanguinis progressus est lentior, quippe in spongioso corpore propter fibrarum laxitatem necessarium deficit robur ad fluidorum cursum promovendum. Namque impetus & potentia impulsus in tot innumeris parvisque ramificationibus valde frangitur, indeque tardior fit progressio. Deinde ætas juvenilis & virilis plus cæteris apta est ad inflammationes omnis generis suscipiendas. Hæ enim ætates sensibiliores & ad spasmos maxime proclives sunt. Facit huc etiam succorum copia proveniens in foeminis ex menstruorum vel hæmorrhagiæ criticæ suppressione, vel in iis, qui laute vivunt, ex intermissa sanguinis missione, cui alias adsueverunt. Constans enim est hæc regula, plethoricos magis obnoxios morbis, quam qui proportionatam ad vasa in venis alunt sanguinis copiam. Nam animi adfectus, spasmi & facilius in iis generantur & periculosiores concitantur commotiones.

31. QVOD ad curationem huius mali attinet, hæc ipsa facilius ex suppeditatis caussis tradi potest: auxilia enim &

remediorum genera & directe & indirecte morborum causis apposita esse debent. Primum itaque in quaestionem venit, num venæsectio in hoc adfectu admittenda sit? cui quidem quaestioni ut satisfaciam, respondeo, illam magis præservationi quam curæ ipsi convenire; cum scilicet metus huius adfectus est ex plethora aut ex mensium suppressione, maxime venæsectio est amplectenda. Plethora etiam, si manifesta est, & si ex frigido potu vel febre ardente malum impendere videtur, in principio plane necessarium est, ut sanguis detrahatur. Hoc enim modo sanguinis stasis dissipatur, ipsique sanguini suus motus redditur; si vero a veneno vel maligno symptomate vel morbo intus pulso malum est, tum plus damno erit quam emolumento. Debilitat enim & vires iam imminutas magis imminuit. Idem tenendum in cachecticis corporibus & macie confectis.

32. ALTERA quaestio est de purgantibus, an nostro congruant morbo? Elegantissimus vero hac de re locus est HIPPOCRATIS *de vict. acut.* §. 36. qui sic se habet. *Maxime, inquit, inflammationes & supra septum transversum dolores ac morborum collectiones solvi non possunt, si quis prius medicamenti purgare adgrediatur. Nam venæsectio in talibus principalis est, dein infusa per clysteres, si non magnus & vehemens fuerit morbus. Sin minus etiam postea medicamento purgante opus est, sed & post venæsectiones, purgans medicamentum securitate ac moderatione opus habet. Quicumque vero ea, quæ inflammata sunt, statim in principio morborum medicamento solvere tentat (i. e. purgante, id enim Græcis est Φάσμακον) hi de intento quidem & inflammatio nihil auferunt; non enim remittit adfectio, quæ adhuc cruda est; quæ vero morbo resistunt ac sana sunt, colliquefaciunt. Debili vero evadente corpore, morbus invalescit. Quum autem morbus corpori prævaluerit, tale iam incurabiliter adfectum est.* Non piguit commemorasse longiorem hunc locum, qui omnia curationis momenta in compendio quasi complectitur. Auctor

ctor nempe gravissimus experientia instructus copiosa pulchre demonstrat, neutiquam purgantia in adfectu nostro esse adhibenda; hæc enim medicamenta constringendo tunicas & glandulas, serum extrahunt, fæcesque alvi educunt. Minus vero ea facultate pollent, ut sanguinem hærentem in ventriculi vasis discutere possint, sed potius spasmos augendo malum exasperent. Vnde uno quasi ore omnes veteres practici pronunciant; in hoc adfectu purgantia plane esse respuenda vid. *FORESTVS lib. 4. obs. 31.* Si vero alvus adstrictior est, expedit adhibere clysteres molles ac lenientes. Quodsi vero ex iracundia bilis nimia in copia ad intestina fuerit præcipitata, quæ præsertim acris, materiam præbere potest malo, tunc necessarium omnino, ut illa expellatur, ac eius acrimonia mitigetur. Quem in finem pulverem ex rhabbaro, lapidibus cancrorum & nitro compositum commendo.

33. DE opiatis & anodynis ita censemus omnia validiora ex iis præsertim opiata, uti in omni inflammatione; ita maxime in hac valde esse periculosa: facili enim negotio, sensum fibræ adimendo ad sphacelum disponunt. Correcta vero & cum diaphoreticis iuncta, præterea principio circumspectius data, sæpe egregio sunt adiumento. Theriacam, quæ opium fermentatum alexipharmacis correctum est, non sine ratione ceu venenorum antidotum antiquitas deprædicavit, idque in ictibus inprimis animantium. Non alia vero ratione prodest, quam quod spasmos tollat, & tranquilliori facto corpore per debitas vias illud eiiciat. Quodsi itaque ex bilis acrimonia caustica, item in passione cholERICA, iliaca, cardialgia ex morfu virulenti animalis, nec non ex vomitoriis vel purgante vehementiori ventriculi inflammatio est metuenda, utique theriaca coelestis cum bezoardicis, cinnabarinis & nitrosis commixta, utilissima erit medicina.

34. MAXIME omnium vero profunt in hoc malo, quæ spasmos leniter sistunt, sanguinemque & humores in circulo suo conservant, & acrimoniam, si qua subest, demulcent.

Egregie hoc fine commendari merentur infusa ex herba veronicae, scordii, floribus sambuci, bellidis, chamomillae vulgaris & Romanae, semine foeniculi, radice glyzyrrhizae; quae calidissime, licet parcius hausta, egregium promittunt levamen. Calida enim floribus roborata sanguinem in fluore servant & eius stasin impediunt, unde haec ipsa praesentissima sunt medicina in ventriculo inflammato ex frigido potu protinus exhibita. Denique nitrosa, quoniam sunt magna antispasmodica, moderata in dosi data in febribus inflammatoriis, ardentibus, cholericis, ipsa peste morbisque retrocedentibus, ictero, bile acri caustica egregio sunt auxilio & omnibus fere remediis anteponenda. HILDANVS in *observ.* nitro purificato, in decocto hordei exhibito, pylori inflammatione laborantes curavit.

35. Si inflammatio ex veneno caustico minerali accidisse videtur, tunc nihil praestantius, nihil utilius est lacte cum oleis expressis tamdiu epoto, donec vomitus desinat. Nulla enim exploratior medicina & praestantius antidotuum, quam hoc ipsum est. Cuius excellentiam cum iam CELSVS praedicat, ipse ante aliquod tempus expertus sum. Hospes nempe quidam cum loco sacchari ex errore iusculo arsenicum admiscuisset, apposito illo convictoribus suis, quorum non nulli clari & nobiles erant, in ultimum fere illos coniecit periculum. Omnes enim, qui degustaverant offam, statim summa pectoris anxietate, angustiis dolore, & ad vomendum conatu se correptos sentiebant. Vocatus ego in consilium & cognita mali causa, insignem copiam lactis cum oleo amygdalarum dulcium cuique aegro exhiberi iussi, idque tamdiu, donec vomitus quiesceret. Vomebant aegri per diei dimidium, quidam vel centies, & ingerebatur tamdiu lac, donec nihil amplius veneni superesse videretur. Quibus rebus fiebat, ut recreati anceps periculum, quod ipsis imminere videbatur, Deo iuvante, evaserint. Nonnulli tamen,

men, qui iusto parcius lac atque oleum potaverant, emollientibus ac oleosis clysteribus adiectis sunt restituti.

36. Ad præservandas inflammationes, a quacunque etiam oriantur nitrum camphoratum summo est præsidio, vel etiam sequens mixtura: recipe spiritus nitri vel vitrioli dulcis, spiritus cornu cervi volatilis, essentia castorei singulorum drachmam unam ad guttas XX. vel XXX. propinanda. Hæc tinctura valde est antispasmodica & in morbis malignis, & quando exanthemata recedunt vel podagra regreditur magna ex parte implet curationem. Externis quoque remediis nostro adfectui subveniendum. Quo nomine commendari mereatur linimentum nervinum ex spiritu vini camphorato, oleo nucistæ, croco, castoreo & nitro volatili compositum, vel balsamum nostrum vitæ camphora mixtum; hæc ventri imposita non mediocre adferunt levamen. Parari etiam potest epithema ex absynthio, mentha, floribus sambuci, rosarum rubrarum, chamomillæ vulgaris, lavendulæ, semine fœniculi, carvi, anisi & aceto rosaceo, quod calide ventriculo admotum egregie stagnationes discutit. Requiritur porro quies corporis & animi, & moderatus calor, victusque tenuis ac mollis. Abstinendum a carnibus, vino, spiritu vini & circumcidendus acidorum usus. Potui inservire potest cornu cervi cum hordeo decoctum. Meliora vero frigidis sunt calida. Quando extrema frigent, tunc calore atque frictione probe sunt fovendi pedes, & in calidam aquam immittendi. Hæc ubi rite observantur, multa sane præstare possunt, licet non negandum, hunc ipsum adfectum, si natura imbecillior, acutiorque morbus simul adsit, raro medicinæ viribus exsuperari,

DISSERTATIO VIII.

DE

MORBIS HEPATIS EX ANATOMIA DEDUCENDIS.

§. I.

Dvo nostro quidem sunt iudicio, ad tuto, certo & cum exquisita ratione excolendam artem nostram scitu summe necessaria, eaque propter omnibus, qui cum laude in ejus exercitio versari cupiunt, plurimum commendanda. Primum ac præcipuum est, exactior machinæ animalis omniumque ejus partium, quoad artificiosissimam structuram, connexionem & usum, per curate institutum anatomicum scrutinium, acquisita cognitio, qua simul motuum, qui ad corporis vitam & ad functionum integritatem conservandam faciunt, ratio, natura ac leges cognitæ fiunt atque perspectæ. Alterum accuratiori rerum naturalium, quæ corpori ingentem mutationem inferre possunt, & sine quibus istud durare plane nequit scientia, physica Græcis dicta, continetur, qua potissimum institutis variis experimentis, rerum corporearum affectiones, proprietates ac vires evolvuntur, quo eo melius salubria ab insalubribus, quod præcipuum artis conficit momentum, discerni queant. Binæ hæ disciplinæ, si quid aliud, firmum ac stabile artis præbent fundamentum, cui certo ac tuto, qui medicinam facit, inniti & potest & debet. Hæ enim experientiam, quæ sola facile fallit incautos ac decipit, rationalem, certam atque fundatam reddunt. Hæ errores in vulgari praxi medica admodum solennes manifestant, eorumque originem detegunt. Has qui penitus perspectas habet, quævis in morborum historiis obvia, ardua etiam & difficilioris solutionis phænomena, facili negotio

gotio explanare & ad rationes revocare poterit. His denique qui instructus est, in quibuscunque etiam ac difficilibus morbis, tutam ac facilem methodum, tam inveniendi quam applicandi congrua remedia, perspiciet & exploratam habebit.

2. Qvōd major itaque harum disciplinarum ad salutarem artem excolendam ac perficiendam præstantia est atque excellentia; eo magis utique est, quod miremur, tantum etiam hodiernum doctorum quorundam esse sinistrum iudicium, ut phycas æque anatomicas doctrinas, proprie non ad medicum scopum ipsamque artem referendas esse, sed tantum ornare & garrulum reddere medicum acriter at frivole, contendant. Sed hi fere sunt, qui ex putridis scholasticorum lacunis hauserunt explosum dogma: corpus licet ex variis organis ad motum recipiendum aptis compositum, iners tamen ac mere passivum esse, & a principio, nescio quo, sensu & ratione prædito animari, ac certo ordine, tempore, gradu, ad determinatum finem moveri. Ingeniosa certe capita, quæ si philosophiæ naturalis præcepta & experimentalis producta cognita haberent, nossent utique, corporibus inesse activas motrices vires, & a materialibus rebus externis, alimentis scilicet, elementis, venenis ac medicamentis, magnas corpori humano accidere mutationes, has ad vitam, ad sanitatem, ad morborum dispositionem & generationem eorumque curationem, quin mortem ipsam inducendam, maximum & præcipuum conferre momentum, ab earundem viribus & effectibus actiones in corpore nostro vivo unice causallyter dependere, ac medici officium in eo maxime esse positum, ut differentes valde pro varietate corporum earum virtutes & operationes longo usu & experientia addiscat atque pernoscat. Nostri autem instituti ratio iam non fert, ut nobile hoc argumentum pluribus copiose prosequamur, sed hoc duntaxat in præsentiarum asserere ac demonstrare animus est: ignoratam structuram & pensum habitum verum hepatis usum, plu-

(*Hoffm. Opusc. patholog.*)

O o o

rimo-

rimorum tam in causali deductione, quam practica tractatione morborum ex iecoris vitio, errorum esse originem; & vicissim, ex accuratiori consideratione fabricæ, officii nexus atque usus amplissimi huius visceris, æque solidam affectuum, qui eius labe nituntur, ætiologiam, ac facilem, certam ac tutam iisdem medendi methodum promi posse ac suppeditari.

3. EXPOSITVRIS igitur utilitatem maximam, quæ ex penitiori cognitione fabricæ hepatis in praxin æque ac pathologiam medicam redundat, ordo rerum dicendarum exigere videtur, ut prius ex anatomicorum doctrinis, potiora ad hanc considerationem facientia delibemus & præmittamus. Est vero hepar viscus abdominis amplissimum, in dextro hypochondrio situm, irregularis & inæqualis figuræ, vasculosum, biliosi potissimum humoris secretioni dicatum.

4. AMPLISSIMVM diximus hepar abdominis viscus, eo quod non solum amplum occupat spatium, & reliquis fere omnibus imi ventris visceribus obvertitur, sed etiam eximiam obtinet gravitatem, quæ plerumque quatuor vel quinque libras æquat, & accedente præternaturali constitutione, in longe ponderosiores ac maiorem molem excrescit. Abdominis autem viscus audit, quia in superiori dextri eius lateris regione locatum est, ita quidem, ut a spuris costis, diaphragmate & spina, ad anteriorem ventriculi partem, pancreas, duodenum, iejunum, colon, renem dextrum & umbilicum usque protendatur, & a retinaculis quibusdam, ligamenti dictis, suspensum in sede sua detineatur. Scilicet superius appensum est diaphragmati & sterni, illi arctius per ligamentum tendinoso-membranaceum robustum, in ipsa iecoris substantia firmatum, suspensorium vocatum, & huic per vinculum non adeo robustum, ensiformi cartilagini insertum. Interius vero dextrorsum ad costas spurias per plura ac brevissima stamina in unum demum fasciculum coeuntia amplæ peritonæi areæ laxius annectitur, & exterius sinistrorsum vena umbilicalis fissuræ hepatis implantata istud umbi-

umbilico alligat, quo hac ratione undiquaque firmatum, sub quavis corporis positura & inclinatione, stationem suam servet, nec unquam in adversam partem nimis ruat. Connectitur tamen etiam vasorum ope cum confinibus partibus, & quidem venæ cavæ productione cum septo transverso, per portæ venam cum liene, pancreate, mesenterio, omento, ventriculo, & denique, interventu dictum biliariorum, cum ipso duodeno.

5. Sic alligatum & ad diaphragmatis fornicem oblique positum hepaticum viscus, faciem exhibet exterius convexam, interius concavam, pluribus & variis eminentiis, fissuris ac sinibus distinctam, & haud incongrue in lobum dextrum maiorem, & sinistram minorem dividitur. Tunicas, quibus obducitur & quæ firmitus eius parenchymati concresecunt, interius a vasorum involucris, exterius a peritonæo nanciscitur, præter quas alia adhuc firmior robusta musculosa tunica, pariter peritonæi soboles, canalium tam sanguiferorum ex venâ porta, quam biliariorum, parietes investit, eosdemque unacum arteriarum ramis involvens, capsula vocatur, ab inventore Glissoniana. Vtrum vero interior iecoris substantia glandulosa sit, an vasculosa? lis est auctoribus potissimum MALPIGHIO & RVYSCHIO acrius agitata; facile tamen dirimenda, si modo quis consideraverit, glandulas sic dictas conglomeratas nonnisi congeriem esse ex variis implicatis & aggregatis canaliculis sub membranis serpentibus compositam, adeoque perinde esse, si quis hepar glandulam conglomeratam, vel viscus ex contortis innumeris maioribus, minoribus & minimis vasculis conflatum, appellet.

6. Nos cum RVYSCHIO hepar dicimus vasculosum, rimaturi jam: unde uber iste copiosissimorum in iecoris parenchymate vasorum concursus. De quo quidem in genere id tenendum: ex venæ portæ, cavæ & biliariorum ductuum ramis & furculis ipsum hepatis corpus penitus coagmentari. Nam licet dexter arteriæ coeliacæ ramus hepatis sese insinuet

& in omnem eius ambitum discurrat; ipsius tamen propagines non ipsam visceris substantiam ingrediuntur, sed vasorum reliquorum involucria tantum irrigant, in iisdemque terminantur, aptum nutritioni sanguinem advehentes & per totam vasculosam texturam distribuentes. Venæ portæ autem, cavæ & canaliculi biliosorum ramificationes hepatis parenchyma confertim perreptant, implicitæ, junctæ, invicem sese decussantes mutuisque osculis unitæ atque concretæ, & sic vasculosum viscus efficiunt.

7. Ex his potiores & numerosiores sunt, quæ ortum debent venæ portæ, cuius tam quoad structuram, quam officium, plane singularis est ratio. Quum enim venæ reliquæ omnes ex minimis furculis in truncum abeant, portæ id sibi peculiare servat, ut, priscis iam notantibus, arboris figuram apprime referat, & innumeris ferme radiculis, venis scilicet mesaraicis, hæmorrhoidalibus internis, epiploicis, gastroepiploicis, gastricis variis, vasis brevibus, pancreaticis, splenicis, omnibus propemodum abdominis visceribus implantata, in ampliores primum duos canales & demum truncum crassum coëat, qui denuo in quinque plerumque ramos divaricatus, hepar in centro concavæ partis, in sinu a duobus lobulis *πύλας* dictis efformato, ingreditur, ubi in quamplurimos furculos explicatur, qui universum parenchyma perreptant. Deinceps in eo quoque singularis venæ portæ est structura, quod licet valvulis destituatur; tunicam tamen venarum crassiorem & arteriarum æqualem, paullo antequam hepar subit, induat, eademque vestita quaquaversum feratur. Officium vero huius venæ si expendimus duplex est atque diversum ab aliarum venarum functione. Porta enim, non solum, quod omnium venarum est, sanguinem ex partium compage, intestinis nempe, ventriculo, liene, mesenterio, pancreate & omento, ad cor reducendum recipit, sed arteriæ etiam vices subit, dum collectum in sinum cruorem
ad

ad hepar advehit, eundemque ex protensis copiosis ramulis per totam iecoris substantiam iterum diffundit.

8. POST venam portæ cava contemplanda, cuius truncus foveam hepatis superiorem in postica parte, ubique parietibus illius annexus, traiecit, & sanguinem a nutritione residuum, nec non per portam advectum, a scoriis biliosis liberatum, ex hepatis parenchymate colligit & ad cordis sinum revehit. Tendunt videlicet dimissi e cava ramuli e superiori hepatis parte ad inferiorem, & ascenduntibus portæ ipsis semper amplioribus ramis occurrentes, iisdem lateraliter inferuntur, & sanguinem puriorem ac fluidiorem ex his absorptum, ad trunci alveum transmittunt, cordi iterum infundendum. Accedunt bilarii ductus, per hepatis compagem numerose disseminati, ac eadem quam portæ rami, firmiori tunica per capsulam obducti. Sunt hi portæ propaginibus continui, iisdemque incumbentes, aut minimum proxime adiacentes, iter legunt, & exceptum osculis biliosum humorem ex minoribus in maiores alveos trudent, ductuique hepatico infundunt, ex quo per communem cholodochum demum cystidem præterlabens in duodenum eructatur.

9. PRÆTER uberem canaliculorum sanguinem & biliosum liquorem vehentium apparatus, hepar quoque instructum est copiosissimis lymphaticis vasis, quæ tam interiorem, quam exteriorem eius superficiem obsident. Hæc omnium optime & accuratissime post RVDBECKIUM & BARTHOLINUM exposuit NVCKIUS, qui se plus quam trecentos ejusmodi aquæductus in gibbosa parte numerasse testatur. Qui per convexam hepatis partem serpunt, ex sola extima huius visceris membrana incunabula trahunt, & in pauciores alveos aggregati, per ligamentum suspensorium tendentes, ductui thoracico sese insinuant. Qui vero in concava parte observantur, ex infima & profundiori iecoris substantia, non vero glandulis conglobatis in infima parte locatis emergunt, & hinc per pancreatis portionem, inter duplicaturam peritonæi in commune lymphæ receptaculum, cisternam, humorem exonerant.

10. NER-

10. Nervi denique per hepatis compagem distributi sunt pariter multi & eximii. Ortum hi ducunt, tam ab intercostali dextri lateris ramo, quam octavo vago pari. Illi quidem proxime, ubi diaphragma superarunt, divaricantur, & tam ad vesiculam fellis & ductus biliarios tendunt, quam iuxta tractum arteriæ hepaticæ eandem cingentes, explicantur. Hi autem ab orificio ventriculi sinistro protensi, cum illis in sima parte uniti, plexum constituunt hepaticum, qui furculos quaquaversum dimittens, cum lienari, mesenterico, stomachico & orificio superiori ventriculi communionem alit haud exiguam.

11. JAM si, perspecta hepatis artificiosa & peculiari plane fabrica, porro scrutamur finem, in quem hæc omnia ita efformata; is utique primarius est, humoris recrementitii sulphurei viscidum, biliosum dictum, e sanguinis massa secretio. Quum enim non solum per ingesta variæ heterogeneæ indolis materiæ nutritioni minus aptæ corpus ipsumque sanguinem subeant, sed etiam perenni & intestino & progressivo motu laudabiles quoque & utiles partes ita atterantur, discerpantur ac subtilisentur, ut demum in recrementa fatiscant: necessarium utique erat, quoad conservandam corporis integritatem iugiter e sanguinis conubio ista purgamenta segregarentur, succique intemerati præstarentur. Hoc itaque ut perficeretur, præter renale cribrum & sudoris colatoria, constructum etiam est hepar, viscidarum, pinguium & sulphurearum materiarum separationi dicatum, tam amplum, quo universæ sanguinis massæ depurandæ sufficeret, tam numerosissimis vasis refertum, tam mira vasculorum advehentium, secretum suscipientium, & residuum purum sanguinem ad cor reducentium fabrica, connexione & distributione conspicuum, quo biliosum humoris non solum sufficiens, sed prompta etiam & expedita in eius compage succederet secretio. Hunc in finem sanguis adducitur crassior, in pancreate, intestinis, mesenterio & per luxuriantes passim lymphaticos canales, fluida substantia orbatus, quo recrementitia materia ad separationem magis congeratur & proprius coëat, quin tardo ad-

mo-

modum itinere, post toties in alveorum curvaturis fractum impulsus, mediante vena pulsu carente sanguis advehitur, ne citatori transitu sordes simul abriperentur & secretionem subterfugerent.

12. ET hæc est primaria utilitas, quam corpori præstat hepaticum viscus, præter quam duo adhuc magis secundarii usus sunt, quorum primus, quod ventriculum calore fovens, digestionem secundet. Scilicet quamplurimis experimentis compertum est, miram caloris humidi arctius inclusi ad intime dissolvenda durissima etiam corpora esse efficaciam, adeoque, quin idem in stomacho succedat, non est quod dubitemus. Dum enim ventriculo ex una parte accumbit hepar, ex altera lien, calidissima ambo ob sanguinis copiam viscera, eundem quadantenus operiunt & orificiorum occlusionem proritant, halitus calidi humidi ab iisdem quo minus dissipentur cohibiti, efficacissime agunt in contenta eademque intimius recludunt, ut accedente peristaltico ipsius ventriculi motu, promptissime in pastam fatiscant chymosam. Et hinc est, quod animalia, quæ iecur maius, & ventriculum eiusdem lobulis strictius circumdatum gestant, voraciora magisque famelica esse observentur.

13. DEINCEPS utilissimum quoque hepatis est munus, quod sanguinis mole exundantis præbeat diverticulum. Amplum enim & capax eius est corpus, expansilis & distensionis obsecundans eius compages & ex quamplurimis corporis partibus per portam & coeliacæ arteriæ ramum ad istud affluxus, ut tertiam, & quod excedit, sanguinis in toto corpore partem comprehendat. Quare si sanguis copia redundat, aut nimis rarefactus in alveis æstuat, & periculum est, ne soluto vasorum elatere, ruptura fiat aut cursus intercipiatur, patent hepatis portæ, & moli facilius cedentes, aliis partibus molestum suscipiunt atque recondunt. Elucescit potissimum hoc hepatis officium ex eo, quod animalia, quæ copiosiore & calidiorem sanguinem in venis alunt, iecur majus

jus obtineant; ac vicissim in quibus parcius est, vel abundans pinguedini insumitur, minorem ejus molem exhibeant. Neque minus experientia constat, crebrius sanguinis contingere stillicidio, si hepar obstructum, aut lien infarctu laborat, nullam aliam ob causam, quam quod obice hic posito, cruor ad alia loca impetuosius divertat ibique erumpat.

14. QVÆ omnia uti tam clara atque perspicua patent, ut a nemine in dubium vocari possint; ita fictitium utique est officium, quod nonnulli comminiscuntur, qui antiquata recoquentes, cum veteribus hepatis sanguificationis tribuunt negotium. Nimirum autumant, venas mesaraicas haud multo minus chyli imbibere & ad hepar transmittere, ibi in sanguinem coquendum & cordi insinuandum, quam ipsa lactea, eaque propter hepar tantum non cordis & cerebri officium superare contendunt. At vero neminem certe, qui ipse cadavera curate lustravit, in assensum pertrahent, nisi prius vias, per quas chylus mesaraicas subit & sic ex intestinis ad hepar transfertur, in homine monstraverint. Nam notissimum est, omnia sanguifera intestinorum vasa, in nervea eorundem tunica terminari, nerveæ instratam adhuc esse villosam cum osculis lacteorum & excretoriorum. Si itaque, prout nonnulli haud exigui inter medicos nominis viri suspicantur, chylus per mesaraicas venas ad hepar transfret; necessarium utique foret, ut hic succus non solum villosæ tunicæ poros permearet, & sic ad nerveam primum penetraret, sed etiam deinde per nerveam & mesaraicorum tunicas alveis ipsis sese insinuaret, & demum ad hepar volveretur; quod vero de chylo crassiori multisque rudioribus particulis referto liquore sibi persuadent, merito plane non probabile videtur. Quod si etiam quispiam opinari velit, forsitan chylum, haud secus quam ex quorundam mente sanguinem, interstitiis fibrarum insinuatum, patulis venarum osculis, mediante tonico motu, intrudi & ad portæ venam agi: post toties tamen totiesque factas in vasa inie-

injectiones, in confesso est, arterias cum venis in universo corpore continuos constituere canales, & ex illis immediate in has sanguinem traici, nisi quis evidentissimis veritatibus præfracte contradicere haud erubescat. Largiamur autem tantisper, venas mesaraicas chylum recipere; id omnino prona inde fluet consequentia, easdem modo chylum, modo sanguinem vehere, quod tamen nemo unquam vidit. Posito porro mesaraicas ex intestinis chylum ad hepar traducere: longe utique promptius & copiosius ingesto largius potu imbibent tenue liquidum, id citissime ad iecur mittent, eoque bilis secretionem, ad quam crassior sanguis requiritur, eximie turbabunt & sanitas detrimentum capiet, quod dictu vix credibile.

15. EXPOSITA sic hepatis fabrica & naturali constitutione, evoluta quoque genuino eius usu atque officio; expedita nunc & facilis via est, ad præternaturalem statum pernosendum & morbos, qui huius visceris labe nituntur, ex allatis deducendos. Ex his enim cuivis innotescit, nullam corporis partem tam numerosissimis, maioribus, minoribus & minimis canalibus, maxime venosis, esse refertam penitusque compositam, quam hepar: unde patescit, nullum aliud in corpore viscus tantam sanguinis copiam simul capere, ac ipsum iecur. Nunc exploratum est, tardius quam ullibi spissiorrem tantisper cruorem, per hepar traici. In plano porro est, hepar amplissimum viscus, paucioribus pro mole sua instructum esse nervis, non per ipsam substantiam, sed arteriarum tantum & potissimum biliosorum ductuum tunicas distributis, eaque propter non adeo exquisito sensu pollere. Perspectum denique habemus, hepaticum viscus non solum ambitu suo quamplurimas abdominis partes propius contingere, sed etiam cum iisdem tam nervorum, quam inprimis vasorum interventu, consensum alere exquisitissimum. Hæc qui explorata tenet; is certe facili negotio morborum, qui ex hepatis vitio ortum trahunt, causas & symptomata ad ratio-

(Hessin, Opusc. patholog.)

P p p

nes

nes solide revocare, accommodam iisdem medendi methodum poterit invenire.

16. SVNT vero permulta omnino vitia, quæ in iecur cadunt, & tam ipsum eius corpus occupant, quam ex eodem tanquam sede in alias corporis partes redundant; omnia tamen, si violentiam illatam exceperis, intercepto fluidorum per eius compagem cursu continentur ac foveantur. Et primo quidem frequentissimæ observationis est, sufflaminari in hepate sanguinis progressum. Nam licet succussoria hepatis a diaphragmate sub respiratione commotio, nec non communicatus venosis ductibus a discurrentibus per earum tunicas arteriarum ramificationibus impulsus, ipsumque robur tunicarum venæ portæ, sanguinis cursum haud leviter adjuvent; nihilominus tamen, dum cruor lentescens appellitur, vena, pulsu & valvulis destituta, eundem advehit, isque in innumeros capillares ductus, per universam compagem dimittitur, insita iam certe haud levis ad stagnationem & infarctum est dispositio, cui si accedit redundantia, & ob parciolem potum, vitam sedentariam, ingesta liberalius acida & vini spiritum lentor sanguinis, fractum quoque per animi ægritudines, mentis fatigationes morbosque prægressos, partium ipsiusque hepatis robur; ex facili utique vasa infarciuntur, & sublata proportionem ad motum, sanguis segniter traicitur, & passim in canalium alveis stagnat. Et hæc morbosa hepatis constitutio plerumque comitatur, vel potius antecedit morbos chronicos, & nonnunquam ita increscit, ut arteriarum ramuli in aneurismata, maxime vero venarum propagines in varices fornicentur, cuius rei exempla MORTONVS, VESALIUS, nec non BIANCHI de arteriæ coeliacæ aneurismate memoriæ prodiderunt. Quin nonnunquam ob lentio-
rem progressum sanguis plane in polypos concrevit, & latius serpente obstructione, hepar adeo grandescit, ut duplo & quadruplo naturalem molem superet, & diaphragmate cum ventriculo deorsum coactis, dolores & spasmi, diaphragmatis
tensio

tenfiones, difficilis fpiratio & inclinatio ad vomitum, cum magno fanitatis detrimento oboriantur.

17. Quo frequentior autem & familiarior hepatis eft eiusmodi infarctus, five frigida oppletio; eo rarius vel plane non in illud cadit calida obftructio, five ftasis inflammatoria. Sunt quidem inter veteres atque recentiores plurimi & tantum non omnes, qui de inflammatione hepatis multa fermocinantur, eandemque ex febre, ardore, dolore acuto circa regionem hepatis, diiudicare fatagunt, autumantes, eandem admodum periculofam effe & facile in fphacelum abire, ideoque non tantum venæfctione, fed etiam internis æque ac externis balsamicis, inflammationi & putredini refiftentibus contra eandem pugnandum effe serio iniungunt. At vero fi paullo penitius hepatis fabricam contemplamur, eandem inflammationi concipiendæ plane non aptam effe deprehendimus. Nimirum hepar ob nervorum & membranarum nervofarum defectum, rudi admodum fenfu præditum, ita ut etiam mirum in modum diftento eodem & infarcto, præter gravitatem quandam nihil ferme doloris percipiatur: inflammationes autem nonnifi partes nerveo-membranaceas fenfibiliores, cuius generis ventriculus, intestina, meninges ipfique pulmones funt, corripiunt, eo quod, fi fanguis copiofe cum impetu in vafa capillaria adactus & firmitus obhærefcens, fibras & membranas nerveas premendo ac diftendendo dolorem fufcitatur, quem fpasmus & ftrictura fequitur, qua coarctati vaforum alvei, affluentem fanguinem non admittunt, eodemque ad maiores canales represso, calor partis cum tumore ac dolore inducitur, quo demum totum genus nervofum in confenfum trahitur & fic febris accenditur. Accedit, quod quum ad inflammationem ciendam fortiori opus fit fanguinis appulfu & congestione, quo vafa magis quam par eft diftendantur & diftorqueantur: ad hepar vero fanguinis tarde admodum per venam impulfu deftitutam deducatur; clare pateat: hanc venam ad inducendas inflammationes plane

non aptam esse, sed ob minorem renitentiam atque tensionem moli cedere, ac potius infarctum & lentam stagnationem, quam stasin inflammatoriam contrahere.

18. DEINCEPS ipsi illi auctores, qui hepatitidis mentionem iniecerunt, incomplete admodum & valde obscure acutitas iecoris affectiones descripserunt, & minus curate discrimen notarunt inter inflammationem, quæ in ligamenti hepatis & reliquis externis iecori adiacentibus hypochondrii dextri partibus occurrit, & inter illam, quam in ipsum hepar cadere volunt, eaque propter haud iniusta suspicio est, eosdem inflammationem in pleura & circa costas, vel in peritonæo & musculis abdominis, pro hepatis in convexa parte phlegmone habuisse, vel etiam si duodenum & ipsi annexi ductus biliarii, nec non pylorus inflammati fuerunt, convexam hepatis partem sideratam falso credidisse; in primis quum in tot auctorum monumentis nulla plane deprehendatur observatio, qua clare & sine dubitatione facta dissectione defuncti doceri possit, in antea sano viscere hepatis, subito inflammationem cum ingenti dolore, siti, æstu, febre acuta, lethalem fuisse obortam.

19. Nos igitur hepatis phlegmonem, si non in non entium, tamen rarissimorum affectuum classem merito referimus, & solícite externarum ab internarum partium inflammatione distinguendam esse inculcamus, ne recte monente FORESTIO *lib. XIX. de hepat. affect.* imponat tumor dextri hypochondrii medico, tanquam sit in iecore affectus, quum tamen sit in musculis abdominis. Omnia enim illa symptomata, dolor scilicet dextri hypochondrii, cum anxietate spirandi, inquietudine & febre acuta, nonnisi inflammationem partium, quæ spurias costas cingunt & quibus hepar annexum obtegatur, produnt, & affectus recte ut pleuritis, licet etiam hepatitis spuria vocari potest. Neque etiam hæc inflammatio tam a sanguine stasin concipiente, quam potius a sero acri, nerveis his partibus firmitus inhaerente, oboritur, & quæ-

& quasi rheumatismi species est. Et licet multum periculi alere videatur, quia ob dolorem in consensum trahit diaphragma cum musculis intercostalibus & febre continua stipata est: nihilominus tamen, si prudenti medicatione excipitur, omnis periculi expers est, & tempestivo antispasmodicorum, blande diaphoreticorum, sique e re est, venæsectionis usu, iunctis simul externis discutientibus ac emollientibus, intra septem vel undecim dies ut plurimum discedit.

20. SED quia hæc a me in dissertat. *de hepatis inflammatione vera rarissima, spuria frequentissima*, fusius excussa sunt, pergo iam ad lustrandum abscessum & sphacelum hepatis; de quibus passim in scriptorum medicorum monumentis fit mentio. Vtrosque post hepatitidem in hoc viscere subnasci, communis quidem fert opinio; sed si modo memorata momenta curatius pensitamus, erroribus eandem accensendam & longe aliam horum vitiorum generationis rationem esse patet. Scilicet ne de illata externa violentia dicamus, nonnunquam evenit, ut ex hepatitide spuria, intra membranam peritonæi, vel musculos abdominis consistente, oboriatur abscessus, quo rupto, pus in convexam hepatis partem effunditur, ipsumque hoc viscus, ni matura apertione evocetur, aggreditur, corrumpit & putrilagine inficit; id quod exemplis confirmant FORESTVS *lib. XIX. de hepat. affect. obs. 10. M. N. C. Dec. II. obs. 11.* nec non COITER *in observ. anatomico-chirurg.* Est tamen etiam ipsum hepar abscessibus producendis idoneum, qui vero lentius gignuntur & plerumque hepate obstructo & in tumorem elevato, sub chronicis potissimum morbis, ut hydrope & hectica, enascuntur, a sanguine lentefcente parti inhærente, sensim substantiam excavante & in pus, abeunte, producti. Inprimis frequenter in observatis medicorum sunt casus, quod post graviora capitis vulnera, cum effusione humorum sub calvaria, post mortem in hepate abscessus reperiantur, cuius phænomeni rationem hanc BIANCHI *in histor. hepat. pag. 147.* affert: quod absorpta in ca-

nales & sanguini insinuata purulenta materia & delata ad hepar, in quo lentior sanguinis cursus & viscidarum sordium solennis secretio, sanies simul per idem colatorium alliciat, & deficiente ad expulsionem potentia, in eodem obhærescat & abscessum formet. Insanabiles autem plerumque quidem sunt hepatis abscessus, præsertim si intimius ipsum viscus obsideant, & ægris hectica febre tabescentibus, demum mortem inferunt: nihilominus tamen TVLPIVS, HARDE-
RVS, BECKERVS alique exempla consignarunt eorum, qui rupto abscessu & effuso per cholodochum in intestina pure eodemque per alvum aut vomitum excluso, convaluerunt.

21. EADEM ferme sphaceli in hepate est ratio. Hunc enim indivulsam magnæ inflammationis pedissequam esse, plurima medicorum turma censet. Verum frequentioris certe observationis est, sphacelosam corruptionem oboriri sine præcedente gravi æstu vel tumore, & sine causa externa violenta, & inprimis in senili imbecilli corpore extremos pedum apices corripere, funesto plerumque eventu. Quare quin etiam interne in visceribus idem sine prævia inflammatione, maxime in parte per quam tardius sanguis iter legit, & ubi ad corruptionem pronus est sanguis, fieri possit, non est quod dubitemus. Testatur fane experientia, haud raro sphacelosam corruptionem in corporibus, quæ graviori animi affectu, diuturno inprimis mœrore, confecta & viribus exuta, ex longa sanguinis in hepate a debito tono defecto stasi oboriri, & præcedente febre hecticam mentiente, demum cum summa virium prostratione & singultu mortem inferre. Eiusmodi exemplum narrat DODONÆVS *observat. cap. III.* Ante viginti, & quod excurrit, annos ipse vidi in consiliario. Is per diuturnum tempus mœrore nimium indulserat, & primum in virium iacturam cum appetitus prostratione incidebat. His complicabatur calor lentus cum pulsu celeri ac debili, donec accedente tandem singultu & conatu licet irritato ad vomendum, elapsis quatuor hebdomadibus placide exspiraret. Aperto

perto post mortem cādavere, hepar corruptum, instar picis nigrum cum foetore apparuit, infecta simili labe diaphragmatis, quæ hepati adhæret, nec non anteriore ventriculi parte.

22. QVEMADMODVM autem hæc hepatis vitia sanguini potissimum stagnanti & corrupto ortum debent; ita nonnulla etiam sunt, quæ ex intercepto lymphæ progressu natales ducunt. Rarioris paullo observationis casus sunt, ubi hepar a copiosius secreta lymphæ, & non in aquæductuum alveos recepta, sed per texentium fibrarum interstitia exundante, intumescit & tumore quasi œdematoso totum afficitur, quem iecoris affectum præter alios inprimis annotavit GLISSONIUS in *anatomia hepatis*. Frequentissimum autem hepati appendi aquosos tumores, hydatides vocatos, dum scilicet aut remissæ lymphaticorum fibrillæ, a concluso inter binas valvulas humore, exterius urgentur, sensimque ampliatae, sacculos & vesicas efformant, aut ipsa lymphæ inter substantiam & tunicam hepatis effusa, membranam elevat & subtus colligitur, id quod plerumque, si maiores paullo minusque pellucidi aquosi tumores iecur obsident, factum esse observatur.

23. PORRO etiam lymphæ lentor & præternaturalis spissitudo, eius per hepar iter, modo levius, modo gravius, remoratur. Videlicet non adeo insolitum, sed chronicis plerumque morbis complicatum, lymphaticum humorem sanguini adhuc permixtum, variis de causis spissescere, & secedentem ex eius connubio, passim in hepate obhærescere, ita tamen, ut medicamentorum ope, vel temporis successu, iterum in motum cieri possit. Quod si non contingit, sed lymphæ, dissipata magis adhuc fluida substantia, ad maiorem crassitudinem redigitur, concretiones fiunt irresolubiles, quas pro materiæ concretæ habitudine, atheromata, steatomata & melicerides vocant, quarum exempla notarunt, GLISSONIUS *l. c.* SEGERVS, WELSCHIVS & BIANCHI *l. l. pag. 153.* Gravisimum denique obstructionis lymphaticæ in hepate genus est induratio & scirrhus. Ambo oriuntur quando distentis nimium

mium alveis, contentus humor quiescens omnem penitus fluiditatem exuit, ipsæque tunicæ crassescunt, ita tamen, ut induratio magis intimiora visceris occupet & latius porrigatur; scirrhus vero in exteriori parte membranacea vasisque extimis obhærescat, occallescentibus penitus ac in cartilagineam substantiam degenerantibus membranis.

24. ATQVE hæc sunt præcipua, quæ hepatis viscus infestant ac obsident, vitia. Quorum quum ea sit ratio atque indoles, ut ex intercepto humorum cursu pullulent, adeoque facili quidem negotio arceri aut prima statim in herba jugulari possint: contra vero invalescentia & confirmata, difficulter vel plane non sanationem recipiant: patet utique, palmariam medentis curam eo dirigendam esse, ne hostem tam periculosum admittat, sed inoffensum sanguinis reliquorumque succorum per hepar progressum præstando, tempestiva ope corpus ab eius incurso muniat. Quemadmodum vero secundum GALENI edictum, omnis curatio per medicamenta etiam selectissima inanis & supervacua est, nisi recta atque exquisita victus ratio accedat, quæ profecto, tutissima ac certissima ratione, morbos averruncat; ita etiam perpauca hoc loco subiicere e re erit, quænam ex rerum sic dictarum non naturalium censu ad hepatis vitia avertenda & viscus hoc salvum & integrum servandum salutaria sint atque idonea, & quænam vicissim evitanda.

25. IN harum itaque numero, quum ad vires frangendas, tonum viscerum deiiciendum, functiones eorundum labefactandas, sicque ad chronicas passiones promte arcessendas, nihil perniciosius sit crebrioribus animi turbis eiusque fatigationibus & diuturnis ægritudinibus; contra vero, ad motus, qui vitæ & sanitati præsunt, integros servandos, robur fulciendum & incolumitatem custodiendam, nihil aptius magisque proficuum, quam mens tranquilla, sedata & ab omnibus curis affectuumque intemperantia immunis, huic ut summa opera studeant, omnibus serio est iniungendum.

Dein-

Deinceps commendanda quam maxime aeris puri ac temperati usura, quippe qui genuinum pabulum fluido subtilissimo, quod motum corpori præstat, subministrat, fluidorum cursum moderatur, eorumque texturam illibatam servat. Fugiendus autem intemperatus, humidus & infestis exhalationibus refertus. Porro quia ad præcavendas, nec non referendas obstructions, ipsumque sanguinis progressum per vasculosam structuram promovendum, nil utilius atque præstantius convenienti motu & exercitatione corporis, hæc pariter ad abigenda hepatis ex infarctu vitia, omnibus aliis aperitivis, laxantibus & sanguinem depurantibus, longe superior & anteferenda est. Præterea esculentorum delectus instituendus, in quo quidem non tam qualitatis, quam potius quantitatis rationem habendam esse censemus, quum, licet optimi sint cibi, copiosius tamen ingesti, mole stomachum aggravant, neque penitus comminuti, cruditates lingunt naturæ infestissimas; ut adeo semper quantitas ingestorum ad corporis vires dimetienda sit, ne debiles & imbecilles ciborum copia gravius lædat, & digestionem vacillante, separatio utilis ab inutili ipsaque recrementorum egestio intercipiatur. Denique maximum certe ad sanitatem tuendam momentum in potu repositum, utpote qui fluiditatem succis concilians, sufficiens esse debet, quandoquidem ad bonum ac nutritioni accommodum chylum constituendum, fluidum septupla minimum portione solidam in alimentis massam superare debet, prout ex lactis examine patet. Sit vero etiam salubris, hoc est tenuis, qui neque ventriculum inflet, neque caput petat, sed expedite emunctoria subeat & secretiones cum excretionibus secundet.

26. INTER diætetica iam memorata sanitatis præsidia, referendus quoque aquarum foteriarum usus, de quo quidem candide & confirmatius asseverare possumus, eodem dextre atque prudenter instituto, ad declinandas omnes, quæ viscerum obstructione nituntur, passionibus, ipsumque infarctum sub-

(*Hoffm. Opusc. patholog.*)

Qq q

moven-

movendum, nihil esse præstantius, nihil certius, nihil efficacius. Quum vero non una eademque salubrium fontium ratione elementorum sit indoles atque virtus, sed aliæ aliis, pro diversitate corporum & dispositionis ad morbos, sint meliores ac præstabiliiores; summopere utique necessarium, ut medicus antequam ad eorum usum descendat, plenam & exactam eorundem habeat cognitionem, quo in tam eximio mineralium aquarum proventu, certa cum ratione, quæ magis ex usu sint, suadere, & ad illum, quem intendit, scopum consiliis suis dirigere possit. Nos quidem ad referenda obstructionum in hepate repagula, hoc discrimen & hanc cautionem servamus, ut ad instituendas, prout solenne est, vere & autumno curationes, acidularum vel thermarum, quæ paullo validioris sunt naturæ, uti ex acidulis Pyrmontanæ & Egranæ, ex thermis Carolinæ, usum ad aliquot hebdomades protractum inungamus: pro potu vero ordinario, si res postulat, per integrum annum, quæ mitioris sunt indolis, ut Selteranas, Wildungenses & Emsenses cum exoptatissimo successu commendemus. Est enim medicatorum horum fontium ea vis atque facultas, ut non solum crudos & impuros ventriculi & intestinorum canali inhærescentes succos diluant, abstergant & per alvum exturbent, sed etiam tenaces & viscidos in sanguine, vel in viscerum penetralibus stabulantes humores dissolvant & fluidos reddant, partes simul excrementitias salino-sulphureas ipsis admixtas diluant & contemperent, tandemque, quæ crassioris sunt naturæ, per renale cribrum, quæ vero tenuioris indolis, per cutis spiracula eliminant.

27. QUVM vero non omnibus soterios fontes adire integrum sit, neque etiam eorundem copia ubique obtineri queat; in quæstionem venit, quænam alia præsidia horum in locum commode surrogari possint? Nos promimus consilium, ut exclusi ab huius remedii usu, alias puras & leves, & si conditio locusque feret, martialis prosapiæ aquas seligant, eas-

casque vel calide herbis roborantibus & aperientibus loco thee infusas mane bibant, vel etiam easdem tepide ad aliquot libras mane potent, adiecta drachma una vel altera salis aperitivi, quale confici potest, ex solutione oculorum cancri, terra foliata tartari, tartaro vitriolato, arcano duplicato, nitro antimoniato, sale Sedlicensi, polychresto, absynthii & quæ sunt huius generis plura. Possunt quoque radices quinque aperientes, & ex herbis nasturtium aquaticum, beccabunga, chærefolium, sero lactis, vel iusculo carnis incoqui, ac ut eo certior atque præstantior effectus subsequatur, mitior martis tinctura, ut est pomata vel cydoniata, instillari decocto, idque sufficienti copia, subiuncto debito ratione motus & diætæ regimine, potari. E re tamen etiam est, ut his remediis interponatur interdum usus pilularum balsamicarum leniter aloëticarum & helleboratarum, quarum virtus in roborando deiecto viscerum tono, atque in promovendis excretionibus longe est spectatissima.



DISSERTATIO IX.

DE

PULSVVM NATVRA GENV-
INA DIFFERENTIA ET VSV
IN PRAXI.

§. I.

QUEMADMODVM in medicina a multis retro seculis, tanta opinionum & interpretationum dissensio atque discordia fuit, ut nihil fere a dubiis & difficultatibus manserit intactum, nihilque constans ac firmum extiterit: ita illud ipsum evidentissime cernere licet in practica illa de pulsibus materia, quæ quò utilior & magis nobilis est, eo maioribus etiam dubiis & dissidentibus opinionibus involvitur. Ita complures etiam ex recentioribus reperiuntur, qui circa pulsus physiologiam non similes, sed contrarios foveant conceptus, cum dubitent, an motus ille, qui tactu in arteriis percipitur, sit systole vel diastole, item, num cordis & arteriarum motus temporis momento sit unus idemque. Alii & maxime veteres innumerabilem pulsuum differentiam insinuant, quæ plane inutilis, & subtilitatibus multis metaphysicis Herophilæis referta est, quarum plurimæ nec tactu percipi, nec intellectu possunt comprehendi. Alii ex adverso nimium constringunt pulsuum differentias, & duas vel tres tantum in praxi admittere volunt. Nonnulli certas pulsuum species pro una eademque habent, cum alii contra distinctionem harum in praxi pernecessariam & confusionem summe perniciosam urgeant. Res clara est de pulsu celeri & frequenti, ubi plurimi recentiorum, unum eundemque pulsuum sic dici posse firmiter & constanter asseverant, alii contra in praxi maximum momentum in horum distinctione ver-
fari

fari contendunt. Pulsus vehemens, fortis, magnus & celer subinde ab autoribus pro una eademque specie habentur, quas tamen separatas esse, alii volunt. Paucis, si experientiam consulimus, raro duo medici ad lectum ægri circa pulsus denominationem inter se conveniunt. Quod ad pulsuum in praxi usum attinet, & hic variæ se sistunt opiniones, dum quidam fallacissimum esse in morbis signum & tantum in quibusdam febribus, pulsuum habere usum asseverant; alii autem tam necessariam practicis existimant pulsuum notitiam: ut si quis in hac non excellat, certum circa morbos præsertim latentes prognosticon atque iudicium formare nequeat, unde cum Chinesibus pulsuum scientiam maximopere suspiciunt & æstimant, adeo ut per longum tempus variis in partibus accurate pulsus explorandos esse statuunt. Nostre opinionis origo ac fons harum dissensionum ex eo videtur profluxisse, quod veteres sanguinis circularem ignoraverint motum, & pulsuum differentes species excogitatas ex speculativis differentiis corporis cujusdam solidi impulsu desumerint. Recentiores autem sicuti utilissimum inventum circulationis rarius in pathologia & praxi applicaverunt, ita contenti veterum circa pulsus regulis, neque ex hoc invento recte pulsuum naturam & differentias explicuerunt. Ut itaque aliquid firmi, constantis ac rati habeamus, quo dubia omnia remove possimus, ne amplius decipiantur magistri vel alios decipiant: placuit ex fundamentis & regulis mechanicæ, maxime autem ex sanguinis circulo, pulsuum indolem & veras differentias statuere & usum practicum simul ostendere.

2. ANTEQVAM ad pulsuum differentias & causas varias enodandas nos accingamus, pernecessarium esse arbitror, fundamenti loco, pulsus physiologiam, sive eius constitutionem secundum naturam præmittere, ut eo melius postea reliqua connecti & ex justa connexionem veritates desideratæ detegi ac explicari possint. Controversia autem hoc loco

occurrit; an motus cordis sit unus idemque cum pulsu, five an uno eodemque tempore, quando cor est in systole, arteriæ etiam sint in systole, & systole cordis & arteriarum verus sit pulsus, an potius inversa ratione, systole cordis & diastole arteriarum reciprocent, five quando cor est in systole, arteriæ sint in diastole, & pulsus, quem tangimus, non systole, sed potius diastole arteriarum sit. Jam autem magnus noster SENNERTVS, in *Institutionibus Lib. 3. part. 1. Sect. IV. cap. 1.* priorem amplectitur sententiam, & ibi docet eodem tempore cor & arterias dilatari & constringi, & temerarium esse dicere, his, quæ sensibus percipiuntur, non acquiescere. Et quamvis eodem in loco dubio valde nobili suam sententiam oppugnet, dum nempe scribit: *si eo tempore, quo cor constringitur & expellit, etiam arteriæ constringuntur, sequi, arterias non posse sanguinem recipere, & contra quo tempore cor & arteriæ simul dilatantur cor non posse sanguinem ab arteriis trahere, cum mutuae hæ tractiones sese impedirent; nihilominus ita huic dubio respondet, nihil incommodi ex eo sequi, dum non ita arteriæ comprimuntur & clauduntur, ut plane nihil possint recipere, sed sufficiens adhuc sit cavitas, ad id, quod cor transmittit, recipiendum: Item cor ex pulmonibus trahere neque arterias solum ex corde, sed etiam ex vicinis partibus, & venis in dilatatione trahere posse.* At vero quod hæc sententia sano conceptui, de motu sanguinis circulari, quem suo tempore cæterum non satis laudandus vir ignoravit, quivis facile perspicere poterit.

3. NON possumus autem satis mirari ex recentioribus, celeberrimos quosdam Sennerti vestigia premere, & quibus sanguinis circulus exacte cognitus est, adhuc non vereri hæc differere: cordis motum in systole ipsissimum esse cum motu arteriarum, qui sentiatur in pulsu, & systolen notare κατ' ἐξοχήν pulsum, unde eos refutant, qui motum cordis & arteriarum non eundem sed alternatum statuunt. De cætero mirantur, tantum virum GALENUM & IOHANNEM BAPTISTAM MON-

TANVM

TANVM *Lib. I. de pulsibus dignosc. cap. V.* scripsisse, non cuiusvis pulsus posse systolen seu contractionem sentiri, imo rejicit plane eos, qui diastolen credunt, quando pulsus micet. At vero pace tanti viri, qui nobis charus & semper honorandus est, asserimus cum recentioribus ferme omnibus solidioribus, pulsum nihil aliud esse, quam arteriæ dilatationem si-ve expansionem a sanguine cordis contractione ex sinistro ventriculo protruso & expulso in arterias, quæ a sanguinis e corde exeuntis illisu, universo sanguinis fluido communicato extrorsum tenduntur & dilatantur, & postmodum dilatatæ omnes resiliunt, & in pristinam figuram non modo redeunt, sed & ultra, aliqua ex parte constringuntur, & sanguinem novo impulsu ulterius in extremas arteriolas inque venarum origines propellunt. Duplici enim motu, ipsæ arteriæ gaudent, recte sentiente BELLINO in *Tract. de pulsibus*, uno extrorsum qui dilatatio est, seu incursus in digitos, altero motu introrsum qui constrictio est, seu subductio digiti, quæ difficillime cognoscitur ac percipitur, recte sentiente GALENO. Circulus enim sanguinis, a quo jugi ac perenni vita nostra pendet, sine mora & quiete ulla fit, & reciprocis istis cordis & arteriarum motionibus perficitur, nec sine illis intelligi potest. Quandocunque enim cor est in systole & expellit, arteriæ sunt in diastole & recipiunt, & quando arteriæ propter copiam fibrarum, quibus constant, spiraliū & musculosarum sese contrahunt, venæ & cor sunt in diastole & ex arteriis sanguinem capiunt. Memorabile hoc loco est, ipsum GALENVN jam suo tempore eandem fovisse sententiam, quæ egregie cum circulo sanguinis convenit, dum *Libro VII. de Anatom. administr.* scribit: *pulsatio cordis & arteriarum ita se habet, ut, quando cor attollitur, arteriæ demittantur, & quando cor dimittitur, arteriæ attollantur, quod ex anatome cognoscitur.* Egregie quoque conspirat hanc in sententiam FERNELIVS, p. 185. *pulsus ex diastole & systole constat. Diastole id est distractio est, qua arteria se quoquo versum diffundit;*

dit; systole autem contractio est, qua in se ipso undique subijdet, seque submittit.

4. RATIONE huius pulsus non levis inter medicos dissensio & opinionum divortium hinc inde deprehenditur. Veteres unanimi ferme ore has species inter sese distinctas volunt: ex recentioribus autem nonnulli frequentem & celerem pro uno pulsu æstimandum esse, quod passim ex scriptis eorum cognoscitur a quorum tamen sententia nonnulli discunt, præferim qui præ aliis sapere volunt, & tantam distinctionem esse affirmant, ut practicus illum absurdum haberet, qui vellet hos pro uno pulsu venditare. Ut igitur ex hisce dubitationibus & difficultatibus emergamus; pretium operæ est, rem paulo clarius & plenius scrutari atque inquirere. Veneranda antiquitas hac fuit in constanti sententia, cum pulsus motus sit localis, hinc quodcunque ad motum localem requiritur, & quicquid de hoc motu in universum negari & affirmari potest, illud etiam de pulsu negari & concedi debere. Et cum juxta GALENUM & SENNERTVM *quinque* ad motum localem requirantur, nempe primo movens, 2) spatium, per quod fit motus 3) tempus, quod confecerint, in spatii transitu 4) si motus ex contrariis est compositus, quies & 5) instrumentum per quod motus perficitur. Ex hisce jam differentia pulsuum simplices petunt. A motore pendet vehementia & debilitas, hinc pulsus vehemens & debilis: A spatii seu quantitate distensionis magnitudo & parvitas pulsus. Tempori, quod arteria in motu consumit, respondet ejus celeritas & tarditas. Et prout parum vel diu in quiete moratur, dicitur creber vel rarus. Ab organo autem pulsus, quod est arteria, quæ nunc est mollior, nunc durior, oritur pulsus mollis & durus.

5. QVAMVIS autem SENNERTVS in *Institutionibus* p. 576. celerem pulsum definiat, quando arteria brevi tempore spatium suum percurrit, ipse tamen postea cognoscit, celeritatem pulsus ad spatium applicari non posse, quoniam illud spatium

tium tactu cognosci non possit, unde monet in definiendo pulsu celeri ad motus qualitatem, an nimirum incitatus vel remissus sit, respiciendum esse. Unde FERNELIVS & cum ipso complures pulsum celerem definiverunt, quod sit is, qui brevi tempore arteriam distendit, tardus contra, qui longo tempore hoc facit. Cl. BELLINVS in tract. de pulsibus pag. 75. ait: *celer ille pulsus dicitur, qui ad digiti pressionem minimum temporis persistit, tardus qui diutius.* Frequens autem pulsus appellatur ille secundum SENNERTI, FERNELII aliorumque sententiam, cui breve quietis tempus subest, id est modicum interpositum intra utramque diastolen tempus. Rarus cui longum quietis tempus est, vel in quo tempus inter unam & illi succedentem arteriæ distensionem longum est, sive adhuc pressius; frequens dicitur, qui brevi quietis intervallo arteriam distendit, tactumque ferit, rarus, qui longioribus intervallis id facit. Paucis: frequentia non proprie de motu dici potest, celeritas autem vel tarditas sive intensio vel remissio vis motricis proprie motui competit, cum quivis motus per se ratione celeritatis sive intensiois & tarditatis sive remissionis æstimandus sit. Non autem unus motus in se consideratus dici potest frequens vel rarus, sed hæc saltim differentia de pluralitate & numero pulsum in certo ac determinato tempore valet. Unde v. g. dicitur motus seu impulsus frequens, quando intra dimidium horæ ex siphone aqua centies ejicitur, rarus autem, quando trecies intra dimidium horæ emititur, ubi nempe longa quietis intervalla manent. Rectissime itaque tali in casu, ubi globus v. g. impellitur, celeritas impulsus, quoad nempe singulos ictus, potest habere locum & tamen rarius id est longo temporis intervallo interposito quivis ictus fieri possunt. Ita enim remissus ratione vehementiæ potest esse quivis ictus globi, & tamen frequentius repeti.

6. HÆC omnia rite se habent quidem in motibus, qui non sunt continui, sed certa interposita quiete gaudent, &

(Hoffm. Opusc. Patholog.)

R r r

ubi

ubi utique differentia hæc insignem & egregium usum habet, neque ita invicem celer & frequens debet conjungi. At vero longe alia est ratio in arteriarum motus negotio: hic enim motus est continuus, nec ulla eget quiete, ut fluxus sanguinis jugiter sine ulla mora ac impedimento ex corde in arterias, & ex his in venas & rursus ex illis in eas transeat & circumvolvatur. Equidem minime existimandum est, quando, post pulsum seu dilatationem arteriæ extrorsum, nullus motus vel ictus amplius tactu percipitur, feriari arteriam & veram intercedere quietem, sed potius, ut in superioribus dictum, & res per se clara & perspicua est, statim post dilatationem arteriæ sive pulsum nulla quies interponitur, sed mox arteria tum propria elastica vi, tum spirituum in fibras illarum musculosas influxu, introrsum, resilit, movetur & contrahitur, qua contractione ipse sanguis in venas, urgetur & hanc rursus mox dilatio seu ictus extrorsum excipit. Vnde pulsus perpulchre comparari potest cum pendulo, quod etiam perficit uno latere in alterum motum continuum, ne ulla sensibili quiete observabili. De tali motus continui specie, quem veteres non agnoverunt, sed recentiores optime capiunt, quæstio oritur, an inter sese celeritas & frequentia, quando de ipso prædicatur, res plane sit distinctissima. Et hoc est, quod jam sub examinis incudem revocabimus. Quandocunque itaque intra quadrantem horæ bis mille pulsus in ægro tante subjecto annotat medicus, illum frequentem, id est naturali frequentiore pronunciat; quando autem in alio subjecto intra idem tempus ictus tantum mille numerat, dicit illum rarum. Jam si alius medicus advocetur, & in iisdem subjectis frequentem denominet celerem, rarum autem tardum, inde quæritur, quis verum dixerit. Nos respondemus utrumque verum. Nam impossibile est, cum motus cordis & arteriarum semper in systole & diastole sit constitutus, ut pulsum numerus intra temporis spatium exiguum crescat & major observetur, nisi quævis systole & diastole arteriarum fit

fit citatior & intensior, seu breviori tempore fiat, non secus ac in pendulis, videmus, quæ quo numerosiores certo tempore faciunt vibrationes, eo breviores adeoque celeriores debent fieri. Probe enim hic notandum est, unus ictus celeritatem non posse per se sentiri, quoniam vix punctum temporis durat. Vnde felicissimus ille practicus SYLVIVS in *praxi medica Lib. I. Cap. XIX.* scribit, *celeritas pulsui adscripta mente quidem concipi potest, non item digitis tangi ac percipi*, id quod etiam confirmat ingeniosissimus medicus mathematicus BELLINVS in *tract. de pulsibus p. 75.* inquit: *celer pulsus, quia digito minimo temporis persistit, in statu a naturali parum recedente, vel non datur vel tactu distingui non potest, cum naturalis motus extrorsum arteriæ vix punctum temporis duret; multo minus in statu præternaturali id sensibile erit.* Ex quibus dictis liquido jam constare arbitror, pulsum non dici posse frequentem, nisi celeritas sit conjuncta, & celerem non posse dici, nisi sit frequens, quoniam unus ictus non potest facile ratione celeritatis distingui, unde rectissime scribit Cl. SCHELHAMMERVS in *Tract. de pulsibus p. 73.* frequentem non citra celeritatem observari. Et jam perspicua erit ratio, qua de causa nunquam legitur in historiis morborum pulsus tardus & pulsus frequens conjunctus, vel pulsus celer & pulsus rarus simul, quas species in motu interrupto dari, nemo negabit, in non interrupto autem sive continuo ac jugi non possunt coincidere. Ex eo jam liquido consequitur pulsus species minime referendas esse ad cujusvis motus localis sive corporis impulsus naturam, ita ut quod de quovis motu locali prædicari possit, asserendum quoque sit de pulsu. Ignoravit enim cordata antiquitas circulum sanguinis ceu motum continuum, ex quo merito omnes species & differentiae pulsus peti ac explicari debent.

7. HAVD ignotum est, quod omnes fere tam ex recentioribus, quam veteribus scriptores unanimi sententia peculiarem differentiam pulsus celeris & vehementis constituent,

dum illum intensum citatum velocem, & contrarium remissum, hunc autem validum fortem, robustum & oppositum debilem, imbecillum, languidum denominant. Et quemadmodum celeritatem a motu brevi tempore facto; ita vehementiam a moventis virtute valida vel debili ducunt atque derivant. Verum enim vero non leve hic occurrit dubium, an non celer pulsus sit etiam dicendus vehemens, si ve pro uno eodemque habendus, quandoquidem celeritas, ut constans est mathematicorum sententia, nonnisi vis movens aucta & intensior est, si ve celeritas nunquam sine intensioe virium motricium concipi potest. Virium autem intensio si ve celeritas magnos præstare potest effectus, si ve multum vincit resistantiæ; jam autem vehementia motus dicitur tantum respectu effectuum, quando nempe per actionem moventis magnum mobilis resistantis vincitur, unde omnes statici & mechanici in eo conveniunt, quod celeritas parvi corporis æquare & compensare possit magnum pondus, magnamque corporis molem, cum notum sit, globum duplo celerius motum plus effectus præstare, quam globum duplo maiorem in tardiori motu existentem.

8. CONSPICIMVS porro quam mirabiles effectus tenuissima corpora, aer, æther, ignis, in celerrimo motu constituta, præstent. Videtur etiam ipse GALENVS *Lib. III. de differentiis pulsuum Cap. V.* in eam conspirare sententiam, quod celeritas & vehementia pulsuum non multum inter se differat, id quod sequentibus declarat. Vulgo, inquit, *apud auctores vehementiæ nomen dicitur de contenta seu forti simulque celeri actione & homines ii οφoδγοι dicuntur, qui contentam & celerem edunt actionem.* Et propterea idem GALENVS ibidem scribit, si vocabula medica constituendi potestatem haberet, si bique liberum esset, nomina pulsibus imponere, simplicem qualitatem ac differentiam renitentium ac tactum evertentium pulsuum se nominaturum *vim vel robur vel contentionem vel simile quid, differentiam vero, ex hac & celeritate compositam*

sitam vehementiam se appellaturum. Verumtamen quia nomen vehementiæ maxima pars medicorum de una ex simplicibus differentiis usurpat, illud retinendum nec mutandum esse censet. Vt autem hæc universa clara & perspicua evadant; pernecessarium est, ex staticis & mechanicis hoc loco supponere, vehementiam duplici modo considerari posse, vel respectu molis moventis, vel respectu intensiōis vis motricis. In genere vehementia de motu prædicatur, quando ille magnum valorem habet, sive magnos effectus præstat, multum resistantiæ corporum vincit; unde etiam, vehemens pulsus dicitur, qui tangentis manum valide ferit, languidus autem & debilis, qui imbecilliter & remisse manum percutit. Jam autem vehementia respectu moventis est, si magna sit ejus moles, sive copia virium motricium; unde corpus magnæ molis seu quantitatis magnum in motu præstat valorem, seu vehementem motum efficit.

9. DEINCEPS vehementia quoque dicitur de ipsa motus intensiōe, quando nempe ille concitatus, intensus est, sive celeriter fit; unde patet minimæ molis corpus celeriter quidem moveri posse, & magnam quoque exercere efficaciam; longe autem validiorem & gradu vehementiorem exsurgere potentiam, si utrumque concurrat, nempe moles moventis corporis & simul celeritas motus. Tametsi ergo celer pulsus in se consideratus, recte sentiente GALENO, nunquam vehementiæ sit expers, recte tamen ille pulsus tantum vocatus vehemens, quando spiritus copiosi adsunt, & fibras cordis animant, qui si sine celeritate est, dicitur robustus, si cum celeritate, vehemens & simul magnus, quando non parva, sed ingens sanguinis quantitas, una cordis systole, in arterias dejicitur, & tunc, quod signum est vehementis pulsus, manus fortiter & cum violentia quadam percutit. Quoniam autem non opus est, ut sub celeri systole cordis semper adsit virium sive spirituum copia, neque sanguinis magna semper

Rrr 3

quan.

quantitas ejiciatur, sed sæpe pauci spiritus sufficiunt, unde non fortiter tunc arteria percutitur, licet celer sit pulsus.

10. CVM veteres, uti in superioribus monitum, species pulsuum ex motus localis natura desumserint, & hinc quot species motus dantur, vel excogitari possunt, tot etiam pulsuum species finxerunt, adeo, ut simplicium & compositarum innumeræ ratione, temporis, spatii, instrumenti, ordinis, æqualitatis, proportionis rythmorum, virtutis moventis, descriptæ præsertim apud GALENUM differentia legantur. Postea autem factum est, ut speciose has confictas, cum non in praxi deprehenderent, vel inutiles vel incomprehensibiles, & propterea multas rejiciendas esse, solide ac docte monuerint. Ita *Joh. Bapt. MONTANVS Consilio 256.* de minoribus pulsuum differentiis in genere fatetur, se eas cognoscere non potuisse, & GALENUM hac in re nescio quid græci habuisse existimat, atque se credere, ait, GALENUM, cum ista scriberet & pulsuum genera ad minimum divideret, risisse. Postea addit, utut istæ differentia ratione atque intellectu colligi possint, tamen procul dubio omnes tactu perceptibiles non sunt. Egregius quoque hanc in rem exstat locus in *Cassparis HOFFMANNI Instit. p. 650.* dum scribit: *De pulsibus cum brevibus & nervose scripserit Goldaldinus putaverim præferendum illud compendium esse tribus GALENI operibus, de differentia, causis & præsagiis ex pulsibus. Quin puto subtilitates esse HEROPHYLEAS, quas insuper habere possit, non tantum instituendus, sed & medicus exercitatus. Hujus opinionis semina iniecit mihi MONTANVS Consilio 257.* Confirmavit amicus in Italia, qui ex ore *D. D. Bartholomæi SCHWALBII medici Pragensis senis* referebat, contentum se esse tribus differentiis, æquali & inæquali veloci & tardo, valido & debili; momentum amplius dedit *Plempius in fundam. Medic. L. V. Sect. 2. Cap. 2.* Multa, inquit, medicos de pulsibus nugari, multa que mentem ingeniosam fingere, quæ sensus nequeat assequi. Acutissimus *WELSCHIVS in operibus pag. 285.* talia prodidit: *In*

universa pulsum doctrina multa incerta, superflua, imo & rarissima ad lubitum excogitata jam dudum doctiores advertunt, qui longe alium sanguinis motum in circulum compererunt, quam facultati pulsficæ ac vitali plerique alii ad muscas notas potius, quam mechanicas rationes explicandum per somnium adscribere. SYLVIVS paucissimo numero inclusit prolixas alias veterum differentias pulsum, & ad tria tantum reduxit capita, nimirum ad pulsus robur, magnitudinem & frequentiam. Per pulsum robustum intelligit vehementem, qui vi quadam digitos tangentis ferit; debilis vero est, quando id leniter vel leviter contingit. Magnum definit, quando multo & amplo spatio, parvum quando pauco & angusto spatio arteria explicatur. Frequentem dicit, quando eodem temporis spatio sæpius quam alias vel in aliis pulsat: rarum vero, quando minus sæpe, quam solebat, aut decebat arteriæ expansio & ictus observatur.

11. VT autem hæc omnia in concinnum redigamus ordinem & genuinas, quæ in praxi occurrunt & in statu secundum & præter naturam deprehenduntur differentias adstruamus; primo omnium necesse est, ut ex mechanicis supponamus, omnem motum vel celerem esse vel tardum. Vera enim proprietas motus est celeritas vel tarditas. Qua de causa recte docuit GALENVS in *libello de pulsibus ad tyrones Cap. III.* proprie ad motum pertinere celeritatem & tarditatem, quorum hæc est motus remissus, illa incitatus: & de his faciendum esse judicium ex comparatione naturalis pulsus. Secundo, omnis motus vel in magna vel respective in parva mole fit, adeoque omnis motus est, vel vehemens vel languidus. Tertio, ratione ordinis motus est æqualis vel inæqualis, æqualitate intellecta tam ratione temporis sive celeritatis, quam ratione magnitudinis sive vehementiæ: & quarto respectu mobilis magnus vel parvus.

12. SUPPONIMVS autem, motum cordis & arteriarum esse continuum ex systole & diastole reciproce constantem
nulla

nulla quiete comprehensibili interjecta, quapropter omnis pulsus est vel magnus vel parvus. Magnus est, si multum sanguinis, unica cordis constrictione, emittitur in arteriam, adeoque eius distensio fit magna & ampla. Parvus est, si pauca sanguinis quantitas unica systole transit in arteriam, quæ parum nec in magno spatio distenditur. Deinceps pulsus est vel celer sive velox vel tardus. Celer est, quando cor celerrimo & brevi temporis spatio sese contrahit, & sanguinem in arteriam ejicit. Tardus est, quando longiori tempore eget cordis constrictione, sive paulo longius durat evibratio sanguinis in arteriam. Cum autem in singulis pulsibus gradus celeritatis vel tarditatis non bene & accurate possit mensurari, quoniam momento temporis fit; hinc rectissime ex frequentia, id est, quando eodem temporis spatio sæpius, quam alias arteriæ expansio observatur, celeritas pulsum determinari debet, ita tamen, ut frequentia tantum signum, character & mensura celeritatis sit, & raritas tarditatis, cum frequentia de nullo motu in se considerato dici possit. Bene autem in continuo motu, qui tamen ex diversis speciebus systole & diastole constat, ubi una percipitur, altera non, celeritatem ex frequenti illo perceptorum motuum numero dijudicare debemus. Tertio pulsus est vel æqualis vel inæqualis, æqualis est, quando ratione celeritatis sive frequentię pulsum succedentium, item magnitudinis & parvitatıs exacta est æqualitas. Inæqualis autem est, quando jam pulsus magnus existit, alter autem parvus debilis, sive unus celer, alter deinde valde tardus, ut quasi videatur pulsus intermittens, cum tamen intermissio pulsus, ad inæqualitatem, quæ in magna tarditate consistit, optime possit referri. Quarto, pulsus est vel vehemens sive fortis, robustus, aut debilis. Vehemens est, quando magna copia virium motricium, seu spirituum, systolem cordis parit; debilis est, quando cor contrahitur ab exigua spirituum quantitate.

13. DIFFERENTIÆ istæ a veteribus descriptæ vermicularis,

ris, formicantis, tremuli, ferrati, caprizantis, partim ab inæqualitate pulsuum, maxime omnium autem a tunicarum, quibus arteriæ constant, convulsione dependent, unde semper fere in acutis periculosa sunt judicanda. Quod attinet ad pulsum durum & mollem, hic identidem tantum a constitutione arteriæ pendet. Quandocunque enim a nimio dolore, spasmō vel convulsione nimis tensæ, duræ & renitentes arteriolarum evadunt tunicae, ut renitentia quædam sensum tactus feriat, dicitur durus: mollis autem fit, si fibræ tunicarum in arteriis flaccidæ, remissæ, & humido obsessæ sunt; quando magnus & vehemens cum tali arteriarum molli statu concurrit, undosus vocatur, qui prodromus est imminentis magni sudoris.

14. Ex simplicibus hisce jam statutis differentiis liquido dijudicari poterit, quænam pulsuum species invicem possint conjungi, & quænam non. Itaque pulsus ex magno & celeri compositus datur, item pulsus magnus & vehemens, robustus & celer, vehemens celer & parvus. Secundo datur etiam pulsus frequens & debilis, item celer & parvus. Tertio datur præterea pulsus tardus & magnus, qualis in statu naturali & senibus plethoricis contingit, item in melancholicis nec non scorbuticis quibusdam: nunquam autem datur celer & tardus pulsus, neque tardus & rarus, neque vehemens & debilis, nisi vocabula invicem plane confundere velimus.

15. QVEMADMODVM motus cordis & pulsus arteriarum, a copia, robore spirituosæ elasticæ expansivæ substantiæ, quæ tam in sanguine, quam in liquido nerveo existit. 2. a debito fibrarum musculosarum cordis & arteriarum tono 3. a sanguinis debita temperie, quantitate & consistentia secundum naturam qui fit, ex eodem fonte derivari ac deduci debet. A circulo autem debito & æquabili sanguinis ac humorum per partes solidas, vitam & sanitatem pendere, ac universam regi corporis machinam, extra dubium est, adeo, ut non in-

(Hoffm. Opusc. patholog.) Sss con-

concinne motus hic sanguinis naturæ nomen mereatur, qui quo magis moderatus & ad legem compositus æquabilis, eo perfectior natura sui conservatrix & morborum medicatrix existit; & ex adverso, quo magis deflectit ab æqualitate, moderatione, eo debilior dicenda est natura, variis incommodis & morbis obnoxia. Multum itaque interest, ut medicus cuiusvis individui circulum, tam in statu secundum naturam, quam præter naturam, cognoscat, ut deinde eo melius iudicium de dispositione ad morbos, de ipsorum morborum natura & eventu ferre possit. Jam autem nullus ibit inficias, circulum sanguinis non meliori via investigari posse, quam per tactum arteriarum sive pulsum; non superficiale, sed crebrioribus vicibus & sufficienti & decenti tempore indagandum. Is, enim non modo vitium & robur totius corporis, sed sanguinis naturam & constitutionem, nec non secretionum per necessariam conditionem refert & patefacit. Et sicuti inquires sive pendulum horologiis appositum motu suo æquabili temperato, de horologii præstanti fabrica ac usu testatur: ita etiam pulsus totius hominis naturam omniumque functionum vigorem vel depravationem facit testatam.

16. His ita constitutis primum in pulsus moderati, constantis, æquabilis, qui cæterorum lex atque mensura sit, inquirendum est. Moderatus autem pulsus appellatur, qui magnus non autem celer vel tardus, nec durus nec inæqualis. Is est ad cuius comparisonem cæteri omnes dijudicari debent, nonnisi optimam totius corporis harmoniam ac temperiem, & omnium rerum præternaturalium absentiam & moderatum ac temperatum calorem designat. Hic si adest, debitam spirituscentiæ præsentiam, fibrarum naturalem tonum, & sanguinem temperatum fluxilem denotat, adeoque liberam transpirationem, bonam nutritionem, vigorem actionum animalium, omnesque secretiones in debito statu existen-

stentes, paucis sanum corpus significat. Quandocunque autem plus solito est citatior, celerior, adeoque frequentior, cor præternaturaliter, uti veteres amant loqui, irritatum indicat, nisi a causis externis & non naturalibus oriatur; si vero diutius perseverat, certe morbum cum augmento caloris, imo febrem, denotat. Et oritur plerumque a motu sanguinis intestino inordinato & spirituum crassi ob admixtionem variarum heterogenearum sæpius causticarum partium immutata. Quando vehemens est & simul celer, indicat febriculosam intemperiem & heterogenei quid sanguini, lymphæ, & spiritibus immixtum, copiam tamen simul virium & spirituum patefacit. Si vehemens & celer simul est magnus, circulatio tunc intensior ac citatior sanguinis est, & calor & sitis, urget, habitusque totus corporis calore, rubore ac turgescencia est perfusus: ubi parvus autem pulsus adest, & exilis quantitas ex corde transit in arterias atque ex venis rursus in cor, debilis & imminutus sanguinis circulus præsto est, unde transpiratio, secretiones, imbecilles ac languidæ sunt, vires paucæ & infirmæ fiunt: si talis parvus simul debilis & frequens sive celer est, virium insignem languorem, motum intestinum præternaturalem & sanguinis circulum debilem arguit, qui, si talis diu persistit, malignitatem magnumque periculum denotat.

17. TARDVS pulsus sanguinis utplurimum visciditatem & crassitiem & parvum debilemque circulum & secretionum languorem indicat, si simul autem debilis est, non adeo tutus observatur, sed virium plane succumbentium suspicionem suppeditat. Tardus autem & magnus pulsus, virium adhuc robur, fibras cordis & arteriarum tensas & crassas & sanguinem tenacem viscidum arguit. Inæquales omnes pessimi sunt, nec æqualem spirituum influxum, & sanguinem in mixtura sua turbatum & inæqualem, denunciant, præsertim si debiles simul sunt, qui nihil unquam boni præsagiunt. Ita etiam pariter

intermittentes, infausti ominis sunt, & vulgo pro lethali-
bus habentur. At vero non universale id est: sæpius enim sine
periculo id observatur, ubi nempe prava sunt symptomata,
& vires ægri adhuc constant, unde haud infrequens hypo-
chondriacis & melancholicis est, ubi sanguinis motus inte-
stinus ob eius crassitiem depressus est. Si autem debilitas &
celeritas juncta fuerit, plerumque mortem præfagit. Du-
rus pulsus, dolorum, spasmodorum, convulsionum ut plurimum
testis est, propter fibras cordis & arteriarum spasmodice con-
strictas. Irregulares, caprizantes, discreti, pessimum totius
corporis statum, tam quoad partes fluidas & impetum facien-
tes, quam solidas manifestant.

18. PROBE hic notandum est, non unum eundemque
pulsus in omnibus individuis observari, sed quoniam pul-
sus a tono fibrarum musculosarum a spirituum influxu, a san-
guinis natura & temperie pendent, & hæc universa mirum va-
riant in corporibus humanis ratione sexus, ætatis, tempo-
rum anni, regionum, vitæ generis, somni, animi pathematum;
hinc etiam pro diversa harum rerum constitutione variat &
differt multum inter se pulsus. Ita ordinario viri præ mulieribus
pulsus habent longe majorem, vehementiorem, foeminæ au-
tem tardiolem & debiliorem, utpote viri firmioribus fibris &
sanguine calidiori præ foeminis instructi sunt. Quare etiam
in viris sanguinis circulus auctior est; non tantum enim col-
luviem exsuperantis sanguinis & aliorum humorum generant,
quam foeminæ, quæ ordinario imbecilliores & morbis faci-
lius subjiciuntur. Deinceps cholericis & sanguineo-choleri-
cis pulsus majorem, celeriolem ac vehementiorem præ phleg-
maticis & melancholicis habent, adeoque citatior in eis est
motus, excretio promptior, sanguis fluxilior quam in hisce;
utpote illorum sanguis majori copia partium oleosarum sul-
phurearum, quæ fons ac matrix caloris & spiritus ascentiæ sunt,
imbutus ac præditus est. Ita enim porro quoad habitum cor-
poris macilentiores, & qui fibras strictiores habent, vasa ma-
jora,

jora, præ obesis, qui laxis fibris gaudent, vasaque tenent angusta, majorem & validiorem pulsum possident; unde etiam saniores, robustiores aptiores ad perferendos labores sunt illis, & hæc jam est ratio, quare natura crassi & obesi, citius quam graciles ægrotent atque intereant. vid. HIPPOCRATES *Sect. 2. aphor. 64.*

19. In ætatibus infantis ac pueri pulsus creber atque mollis est, senis contra tardus ac magnus, juvenis ac viri pulsus magnus & vehemens. Ordinario enim pueri & infantes copiosos humores, qui etiam ad auctiorem ipsis necessarij sunt, multasque sordes colligunt, quæ causa est, cur pueri & infantes facilius ægrotent ac moriantur, quam juvenes & viri. Senes crassum fovant sanguinem, sed rigidiores habent fibras; unde pulsus eorum durus est, & fortius manum percutit. Mollior autem in pueris & infantibus, ob fibrarum teneritudinem & laxitatem, deprehenditur. Pulsum porro anni tempora, corporis motus, ingesta, animique perturbationes immutant. Vere medio pulsus magni sunt & vehementes, ubi etiam vigor corporis tunc est maximus, unde rarius tunc ægrotant homines & citius convalescunt. In æstate media celeriores & debiliores sunt, quoniam a nimio calore languescit virtus, intestinus autem motus solito major est. In autumno autem pulsus tardiores, molliores & debiliores fiunt, in hieme duriores & paulo vehementiores, tardiores. E regionibus & cœli constitutionibus, quæcunque calida fuerit & æstuosa, æstati mediæ, quæ vero frigida hiemi, quæ temperata, veri simillima putetur.

20. EXERCITATIO pulsum, adeoque circulum sanguinis auget, otium autem ac torpor tardum, debilem ac segnem facit pulsum, sanguinisque circulum imminuit. Alimenta spiritiosa pulsus edunt magnos, vehementes, crebros. Dormientium tardi, parvi, ac languidi pulsus sunt: eorum vero, qui expurgantur, e vestigio magni fiunt, citatiores, robustiores. Iratorum pulsus magnus vehemens & celer est; ter-

rore affectorum, frequens, parvus, inæqualis; tristium parvus, languidus & tardus, adeoque uti pulchre scribit FERNELIVS *lib. III. de pulsibus pag. 160: quotidianæ corporis affectiones pulsus immutant, sine quarum animadversione non certo possit pulsus percipi, nec quantum per morbos a naturali distet.* Itaque pulsus naturalis observandus est, neque mox ab exercitatione, balneis, a cibo immodico, a vino, aut ab aliis causis cor & spiritus agitantibus: de pulsu nihil quicquam statuendum antequam externarum causarum vis deferberit, omnisque sedata sit corporis perturbatio. Equidem pulsus certissimum quidem signum & index motus cordis & sanguinis est, sed si solus is spectetur, & non aliarum simul circumstantiarum ratio habeatur, fallere judicando potest. Quoniam vel mille rebus, ut ait CELSVS *de medicina lib. III, cap. VI.* potest turbari,

21. NON levis dissensio inter medicos semper fere fuit, qualis pulsus sit essentialis febribus, vel qui pathognomonicum earum signum præbeat. Plurimi ex veteribus, ex quibus GALENVS primus est, pulsum celerem & frequentem febrem denotare in scriptis suis prodiderunt. Ex recentioribus autem plurimi pulsum frequentem pro febris genuino signo allegant. SYLVIVS *in praxi medica Lib. II. pag. 460.* ingenue scribit: *hoc unicum feбри omni soli ac semper competens signum est, adeoque pathognomonicum, pulsus scilicet præter naturam frequentior, quo præsentem febrem adesse, absente autem, abesse febrem, certo pronunciari queat, nec enim aliud signum, quod competat omni feбри & semper, innotuit practicis.* Reliqua enim signa omnia non tam febrem quam febris speciem aut gradum aut tempus indicant & demonstrant. ETTMULLERVS si ullus, certe hic, solidus & accuratus in praxi, p. 284. hæc differit: *pulsus naturaliter frequentior recte statuitur signum pathognomonicum febrium a Sylvio tam in Dissertatione de natura febrium, quam in praxi, quicquid in contrarium scribit, DEVSINGIVS Tract. Disquisitione anti Sylviana Belgarum Practicus*

CTICUS DECKERVS in notis ad Barbette p. 102. scribit: *ubicunque pulsus præternaturam frequentior observatur, ibi febris est.* SCHELHAMMERVS in tr. de puls. p. 47. frequentem in omni febrium genere nunquam non sese offerre scribit, & cum calore earum esse signum pathognomicon. Cl. BOHNIVS in Collegio M. S. semiotico sententiam hac de re fovet sequentem: *in frequenti pulsu, inquit, causæ morbificæ & cordis par robur videtur, si scilicet constans & uniformis permaneat, adeoque unicum febrium pathognomonicum signum; verum si debilitas celeritati superveniat, concidere vires indicium est, magis tamen vel minus, prout nunc vehementiores plures ictus notantur.* Alias autoritates circa hanc rem adstruendam arcessere, nullius pretii foret, saltem in universum monemus, ex falsa hypothese veteres & plurimi recentiorum distinctionem fecerunt inter celerem & frequentem. Frequentem nempe ipsum dixerunt, si intra certum tempus crebræ pulsationes fierent, per celerem autem vehementem voluerunt intellectum, unde ipse WILLISIVS tract. de febribus p. 195. pulsum febrilem illum vocat, quando arteriæ vehementius & citatius vibrant, quo loco dicit, si pulsus debito est vehementior, febris intenditur. COELIVS AVRELIANVS lib. I. p. 37. ait, *febrium ponunt signum fervorem plurimum, atque immutationem pulsus in vehementia, nisi hæc ex aliqua causa manifesta fiat.*

22. QUAPROPTER Dn. BROWN in observationibus medicis in regii praxin passim confirmat, celerem & debilem, pulsus sibi esse contrarios, adeo ut pateat, per celerem sive velociorem intellexisse vehementiorem. Quamvis autores accuratum conceptum de pulsum speciebus hætenus vix sibi formaverint; nihilominus tamen in eo omnes tam antiquiores quam recentiores conveniunt, quod pulsum frequentem in omni febris specie sive continua sive intermittens sit, sive benigna sive maligna, sive ejus principium sive status sit, adesse pronuncient; unde illum semper vel cum celeri, vel cum debili

debili coniungunt; idcirco in eo conveniunt, quod pulsus frequens magis secundum ipsorum sententiam, sit dicendum signum essentiale febrium, quam celer, quoniam eum nec in febrium principio, tempore horroris, neque in malignis adesse, vix unus est, qui statuatur.

23. Ex nostris autem suppositis jam facile patet, has sententias discrepantes, optime posse conciliari, dum celer pulsus nullus alius est quam frequens, qui utique verum est febrium signum. Est autem hæc frequentia vel major vel minor & magno aut vehementi, vel parvo & debili sese associat, pro diversitate febrium ac temporum morbi. Frequens enim debilis & parvus nunquam fere bonus, & circulum sanguinis non auctum, sed languidum denunciat. Frequens autem magnus sive vehemens, qualis solet esse utplurimum in statu continuarum, intensiorem sanguinis circulum & auctum fervorem corporis denunciat. Pulsus autem frequentis, qui fere præternaturalis est, pluribusque morbis se se annectit, causam ut inquiremus, res poscere videtur. Sequemur autem ea in re BELLINVM medicum accuratissimum, qui in *tractatu de pulsibus* cordis motum, ex influxu sanguinis per coronarias & liquidi per nervos in fibras cordis deducit, vel concludit exinde cordis musculos frequentius moveri, quando in ipsis excidit liquidum nervorum frequentius, quod contingit, cum sanguinis apta quantitate fluente ad cerebrum validius hoc ipsum premitur. Per frequentiores autem constrictionem cordis fit pulsus frequentior, hic igitur indicare poterit aptam sanguinis quantitatem ad cerebrum fluere, & hoc ipsum premi validius, quod fiet, vel si sanguis ad cerebrum subsistat, obstructis solum venis ejus, vel si sanguis earum in reliquas refluere non possit, stagnante sanguine intraneo vel in pulmonibus; vel si sanguis effervescentiam conceperit, qua majori impetu quaquaversum nitatur, & cerebrum premat validius. Rursus moventur muscoli frequentius, stimulo aliquo irritati; si igitur sanguis æquo acrior,

or, calidior aut huiusmodi fuerit, ita, ut in cordis sinus derivatus, molestus sit illis, cor frequentius contrahetur, eritque propterea pulsus ille frequens sanguinis stimulantis index.

24. CVM ex superioribus satis, ut arbitror, deductum fuerit, pulsum testari non modo de sanguinis circulo ejus constitutione ac temperie, sed & motu spirituum ac virium præsentia, hinc medicus in morbis cognoscendis, in formando circa eos prudenti judicio, nec non in administrandis medicamentis, notitia & attentio pulsum non potest non insignem utilitatem atque usum medentibus asferre. Præcipuos saltem hic usus attigisse sufficiat. Primo autem monendum hic merito est, sollicitè esse scrutandum pulsum, nec superficialiter. Chineses medici Europæis hac in re longe sunt attentiores, cum integram sæpius horam in hoc negotio consumant. Nostri autem medici ad lectum ægri accedentes vix duas pulsationes expectant, quod maxime culpandum est, utpote sæpenumero evenit, post decem demum vibrationes arteriarum, inæqualitatem vel intermissionem quandoque occurrere, quod fit, dum sanguis inæqualiter, mixtis partibus refertus, cordis transit penetralia. Deinde tangendus quoque pulsus est in utroque carpo, in collo, temporibus, cum testetur experientia variare sæpius pulsum in manuum carpis, & in uno commodius, quam in altero posse explorari. Deinceps perquam dignum notatu est, etiam certarum partium pulsus in considerationem venire debere. Ita nonnunquam hypochondriaci sub costis in sinistro latere magnum advertunt pulsum, quod fit, dum sanguis crassus & viscosus calore vel ex alia causa exagitatus celeriores per pancreas & lienem transitum urget, at hærens in angustiis pulsationem & punitionem efficit, unde pulcre *Ioh. Ant. van der LINDE in selectis medicis p. 253.* scribit: *seditionem facit lien pungendo pulsandoque.* Quam sint lienis punitiones aculeatæ, experiuntur aliqui etiam sanorum, quam primum in-

(*Hoffm. Opusc. patholog.*)

T t t

cale-

calefcunt. Ita magna pulfatio fuit illi, cuius *Cent. II. obs. 28.* meminit *Nicolaus TVLPIVS*; pulfatio venarum capitis interna major in febris continuis & malignis plerumque delirium fequens designat. Judicium enim eft, fanguinem ibi congestum impeditius circulari ibique hærentem tandem inflammationem meningum graviffimam caufari. Præclara funt, quæ fcribit *HIPPOCRATES in Coac. prænot. 128.* *Pulfus magnus fi a nimia & exceffiva fanguinis ebullitione oriatur, ita ut venæ temporum in febris pulfent & facies turgida absque præcordiorum mollitie, longum fore morbum metuere oportet, qui nec fine largiori narium hæmorrhagia aut fingultu convulfione aut coxendicum dolore definit.* Ratio nobis hæc eft, fanguis exsuperans quærit exitum, five per nares five per inferiora feu fedis venas, qui quantocius accidit, eo citius liberatur æger a morbo & contra.

25. DEINCEPS fi in parte quadam corporis pulfatio obfervatur, quæ alias non advertitur, inflammationi & fuppurationi, præfertim fi tumor & dolor adfuerit, partem affici certiffime credendum eft. Porro fi pulfus durus percipitur, inflammationis in partibus membranaceis nervofis fignum ferre indivulfum effe folet. Durities enim hæc pulfus five nimia arteriæ tensio vibratioque fpasmodici quicquam, quod ex confenfu inflammationis & doloris oritur, indicat. In genere autem omnis pectore affectorum pulfus, frequens inæqualis & languidus effe folet, quod etiam contingit in cordis palpitatione. Talis autem pulfus, nifi vehementia adjungatur, nullum habet comitem calorem præternaturalem, & fit, dum fanguis non recte ac libere per cordis thalamos pulmonum lobos pertransit. In virium debilitate, difpofitione ad syncopen, pulfus parvi, rari ac languidi effe folent; fi autem plane non poffunt percipi, interea fudore frigido corpus diffluit, mentis tamen functiones non penitus destructæ, tunc per ipfam experientiam a nobis aliquoties obfervatum fuit, intra fex horarum fpatium mortem certiffime fequi & tale

& tale quid, a corrosivo veneno assumpto, binis vicibus a nobis quoque notatum fuit. Præterea notabile est circa tempora critica in febribus, quando natura vel per alvum vel per sudorem emittit noxia & superflua, pulsum quidem adhuc esse languidum, nihilominus magis ordinatus nec tam creber observatur, id quod indubitatum convalescentiæ præbet indicium. Quod si autem mollis percipitur, qualis undosus dici solet, excretionem criticam per sudorem instare salubrem, prædicendum est.

26. TANDEM nec silentio prætereundum, a medicamentis subire mutationem ipsum pulsum. Ita post purgantia vehementiora nimias sedes causantia pulsus celerior esse solet. Post sanguinis missionem præsertim in plethoricis ordinario pulsus fieri solet citior, indicio circulationem sanguinis, facto spatio majori, auctam esse bono cum eventu, dum nempe suppressi menses vel hæmorrhoides hoc auxilii genere in ordinem utplurimum redire solent. Post martialium usum pulsum citiorem evadere, faciem fieri rubicundiorum & calorem augeri, testis est ipse *Cl. SYDENHAMIVS*, cui etiam experientia adstipulatur: sudorifera valentiora ex volatilibus oleosis conflata notabiliter cordis & pulsus motum intendunt ac augent. Ex adverso anodyna, opiata, nitrosa, pulveres præcipitantes, acida &, quæ intestinum sanguinis motum deprimunt, & sulphur ejus figunt atque enervant, moderatiorem & sedatiorem pulsum in doloribus, inflammationibus ac febrili intemperie efficiunt. Talem effectum plus vice simplici notavimus quoque in praxi a nitri & camphoræ debita mixtura. Postremo loco in exhibendis medicamentis, quod etiam suo tempore *WILLISIVS in tract. de febribus* probe observavit, cautiones & regulæ non levis momenti a pulsu desumuntur. Ita prohibentur purgatio & vomitio a pulsu nimis citato & vehementi, etiam ab humili & depresso, utpote quando sanguis in vehementi motu ac ebullitione est, secretionem utplurimum feriantur: si vires autem deficient,

quod ex pulsu languido dignoscitur, pharmaca eas magis prosterunt atque convellunt, quamobrem medicus, qui vomitoria vel purgantia ægrotantibus propinare conatur, inprimis pulsum exploret. Quando enim pulsus est validus, & motus sanguinis sedati, excretiones dictæ artificiales optime quadrant. Eadem hac cautione opus est, in exhibitione sudoriferorum & analepticorum omniumque, quæ calorem & motum sanguini foenerant. Quod si enim pulsus validus & creber est, talismodi spirituosæ, quoniam sanguinem nimis rarefaciunt, & intestinam ejus motionem accelerant, plus damni quam emolumenti afferre solent. Hoc pacto enim sæpe delirium aliæque inflammationes accersuntur. Adhuc magna circumspectione opus est pulsumque exploratione in exhibendis narcoticis sive opiat. Hæc quoniam potentia gaudent motus sanguinis & spirituum nimium sistendi, adeoque vires infringendi; hinc nunquam, ubi pulsus debilis languidus & parvus est, ea ipsa sunt exhibenda, sed potius cane pejus & angue vitanda. Si autem simul inæqualis intermittens est, somnum perpetuum facile accersunt.



DISSERTATIO X.

DE

GENERATIONE MORTIS
IN MORBIS.

§. I.

PRINCEPS ac præcipuus professionis salutaris scopus, & unica medentum intentio, esse debet, ut mors, qua non datur terribilius hisce in terris malum, a corpore, velut mentis humanæ apto domicilio atque organo, omnibus modis propulsetur & jucundissima vita, quæ omnis felicitatis, quam in terra consequimur, fundamentum est, diu conservetur. Quum vero non propinquior via ad mortem sit, quam per morbum valde gravem & periculi plenum: hinc medici utique palmaria cura esse debet in sanandis morbis, providere ne mors ipsis superveniat, utut ex voto & penitus omnes expugnare in ipsius viribus minime sit positum. Ut autem hoc feliciter & fundata ratione præstet, maxime omnium non modo morborum, sed & mortis proximam & mediatas causas exquisitè pernoscere debet. Atque ut verum, more nostro, non dissimulemus, perpauca medicorum sunt, qui mortis ingenium rectè perspectum habent, ut, in quo consistat, & quo modo, & processu ex morbis successive producat, & qua methodo præcaveri possit, accuratam habeant notitiam. Neque hujus rei deficit ratio, quia perpauca genuinas morborum causas, & motus, qui ad mortem ducunt, habent perspectos, multo minus, quomodo eæ averti possint, rectè sciunt. Juvat itaque non parum, ad saluberrimam hujus rei notitiam acquirendam, diligentiori anatome corpora defunctorum scrutari, & feralem partium internarum læsionem an-

notare, & hinc, non sterilibus speculationibus, sed ex mechanico physicis principiis, genuinas destructionis corporeæ causas eruere. Neque dubium est, quin, si paulo maiori studio mortis in morbis accedentis, causas ac rationes investigemus, futurum sit, ut multi serventur, qui a morbis facile perituri essent.

2. PRIMA itaque nostra meditatio erit, ut, quid proprie mors sit & in quo eius natura contineatur, perspiciamus. Neque vero felicius in hujus scrutinium descendere nos posse arbitror, quam si prius vitæ, cujus privatio mors est, rationem recte evolvamus. Fatemur autem hic rursus ingenue & aperte, ex veterum monumentis, qui omni solida physica & medica theoria carebant, vitæ cognitionem depromi non posse: siquidem in universum fere omnes, non secus ac vulgus solet, in adsignandis vitæ, sanitatis, morborum ac mortis causis ad entia sensibus & rationi plane incognita naturam, spiritum, animam, calidum innatum, energiam vitalem confugiebant, quæ nec explicari nec demonstrari, multo minus causis aliis & effectibus demonstrandis vel detegendis applicari poterant, quia solum nomen, quod nihil significat, pro causa rerum venditari nequit. Communis veterum fuit sententia, vitam consistere in conjunctione animæ cum corpore: & mortem fieri, quando illa corpus deserit. Quid vero anima sit in sua natura atque essentia, quid eius conjunctio cum corpore, & quomodo hæc corpora a putredine vindicare & ejus discessio corruptionem inducere possit, minime ab illis explicatum legimus; unde meræ sunt fictiones, quibus nihil commercii cum intellectu humano intercedit. Quapropter ii aliquanto clarius procedunt, qui principium quoddam movens, quod animam vocant, in corpore admittunt, & hoc ipsum, mediante motu progressivo & excretorio, corruptibilem subinde materiam a corpore propulsare adferunt. Equidem non incongrue hic causa conservationis & durationis corporis, in se corruptibilissimi, motibus adscribitur;

bitur ; nihilominus tamen causam motuum, quam maxime nosse debet medicus, nondum satis explicato vocabulo nobis tradunt. Scitissime HIPPOCRATES *Lib. de arte §. 3.* existimat : *ex nominibus species rerum minime provenire, quia nomina lege quadam naturæ insita sunt, res autem non lege sancitæ, sed naturæ germina existunt.* Itaque ubi res pro causa allegatur, hæc demonstrari & definiri prius debet, cui deinde facile nomen imponitur. Namque ejus indolis debet esse definitio realis, ut ex hac vel axiomata vel theoremata profluant, quorum adplicatione & connexione postea causæ & effectus incogniti detegi & demonstrari possint. Atque adeo, cum anima, item natura, principium motus corporis nostri dicitur, res non explicatur, sed tantum, quod ex hac definita profluere debebat, proponitur. Siquidem non aliter sese res habet cum hac definitione naturæ, ac si panem definire vellem per substantiam nutrientem, qua minime scio quid panis sit, sed quæ ejus sit efficacia. Deinceps, cum magna distinctio sit inter motus percipere eosque dirigere, & ipsos motus facere: necesse quoque est, ut non ab una, sed a diversa causa hæc dissimiles operationes proficiscantur, quæ ideo etiam diversis nominibus, melioris doctrinæ gratia, debent insigniri. Jam vero corpora movent & moventur, & hi quoque motus certis fiunt legibus : anima vero percipit ; secundum vero motuum leges nequaquam fiunt perceptiones. Hinc quoque anima ab eo, quod motum in corpore nostro præstat, est distincta.

3. Qui porro vitam conservationem corporis mixti a putredine, & mortem ejus corruptionem dicunt, hi effectum vitæ & mortis, non vero causam ponunt ; siquidem experimento quotidiano compertum est, corpus in mixtione & structura sua integrum diu posse servari e. gr. intenso frigore exsiccatione humidi in putredinem admodum proni, aut balsamatione, ubi tamen vita non est præsens ; sicut etiam contra mors recte prædicatur de corpore, quamvis ejus corruptio,

ruptio, ut videmus in iis, qui morte violenta pereunt, nondum adfit. Neque etiam motus excretorii directe & absolute vitam tuentur, utpote qui vitio laborantes potius ad morborum causas explicandas maximi sunt momenti.

4. QUVM autem vera definitio vitæ & mortis sit genuinum demonstrationis & theoriæ medicæ fundamentum; hinc utique eam recte ponendam esse censemus. Nos vitam animantium dicimus esse cordis & arteriarum motum, cuius beneficio tota fluidorum massa per omnes corporis canales circumvehitur, ut totum corpus mixtum & structum a corruptione vindicetur. Primam verò motus cordis & solidorum causam dicimus esse liquidum purissimum & tenuissimum cerebri, nec non tenuem & spirituosam aeris & alimenterum portionem in sanguinem delatam, quorum influxu cor debito constrictionis & dilatationis motu gaudet, quo vigente universa postea sanguinis & humorum massa in perennem orbem ac circulum volvitur; hoc vero præsentem, non modo anima in organis ipsi destinatis percipit & dirigit, sed & corpus nutritur & a corruptione præservatur. Hoc verò liquidum, secundum HIPPOCRATEM, *impetum faciens*, & humores mobiles aere & alimentis ingestis sustentari, vel ex eo patet, quod harum materia penitus detracta vitam perire necesse sit, atque adeo patet, ut vita conservetur non tantum egestionibus, sed & ingestionibus opus esse.

5. QVAPROPTER investiganda utique jam erit causa, quare homo non diu sine aere & alimentis subsistere possit. Dicimus ob id perpetuo & indies necessarias esse ingestiones, quia corpus animantium ita constructum est, ut paucillum eius, quod assumitur, remaneat, sed omne fere rursus per varia emunctoria ejiciatur. Nam quandocunque bene, calculo exquisito posito, perpendimus, quod robustum corpus vix ac ne vix quidem ultra triginta libras fluidorum in canalibus circumvehat; & eiusmodi quantitatem per potum & cibum intra duos minimum dies in corpus adsumi, hinc ex

eo consequitur, excretiones fere ingestionibus debere esse proportionatas atque æquales. Cuius rei rationem adferimus, quod fluidæ in tubulis contentæ partes jugi intestino calido motu, qui individuus progressivi comes est, successive valde alterentur, & a naturali crasi discedant, ut motibus vitalibus continuandis, minus idoneæ atque effoetæ reddantur, quare ut hæ excernantur, & nova accedant necessarium est. Et animadvertimus quoque, novum semper vigorem, non solum universo corpori, sed & animo, mox ab adsumtis alimentis accedere, infallibili consequentia, cordis & omnium muscutorum motui robur ac vim motricem ab aere & alimentis, adeoque ab extra accedere; ut itaque non opus sit ad occultam & spiritualem quandam causam refugere.

6. SANGVINIS vero circulus ad durationem & integritatem corporis humani conservandam summe necessarius est, quia huius beneficio non tantum inutiles & in corruptionem fatiscentes salino-sulphureæ partes per congrua emundatoria jugi motu expelluntur: sed & recens & apta materia, tam ad alendas partes, quam ad secretionem spirituosam in cerebro & nervis liquidi, cujus vigore partes & sentiunt & moventur, adducitur. Ulterius hic sanguinis circulus non invenuste vinculum animæ cum corpore dici potest. Nam quamdiu hic in corpore viget, & per cerebrum ac sensoria corporis bene fertur; tamdiu etiam anima suas functiones exsequitur, & simulac sanguis cessat moveri ad cerebrum, nec liberum per ejus vasa transitum invenit: protinus omnis sensatio, cogitatio, memoria, ratio, motusque voluntarius exspirant. Quicunque itaque vult vitam conservare & efficere, ut corpus non minus atque anima suis muneribus fungatur, is liberum sanguinis per omnes corporis partes, maxime vero earum nobilissimam, cerebrum, fluxum ac refluxum præstare ac tueri debet.

7. EXPLICATA sic vera vitæ ratione, jam facillimum erit mortis naturam atque proximam causam investigare. Hanc

(Hoffm. Opusc. patbol.)

V V V

itaque

itaque in plenaria cordis motus & sanguinis circuli destructione, optima ratione, ponendam esse censemus. Quare etiam secundum vulgi sensum is dicitur mortuus, ubi nullus amplius vel intra vel extra corpus animadvertitur motus. Et, quia cordis motus fluidorum progressum maxime regit atque moderatur; hinc quoque non sine ratione cor primum vivens ac ultimum moriens a veteribus salutatur. Quia vero interdum ad tempus motus cordis & sanguinis circulus suspenditur, ut fit in syncope; hinc cavendum est, ne hanc pro morte habeamus, cum hæc potius irrevocabilis motus cordis abolitio sit, qualis ex morbo præcedente & circumstantiis præsentibus facile poterit distingui atque diiudicari. Hunc circularem extinctum sanguinis motum, putredo, neque minus omnis sensus ac motus privatio, pressio pede sequitur.

8. Ex quibus apparet, quod omnia ea, quæ cordis pulsus & circuli sanguinis progressionem plenarie auferunt, ad inferendam mortem potentissima sint, &, quod in omnibus morbis lethalibus mortis causa unice in iis quærenda sit, quæ hos motus extinguendi facultate prædita animadvertimus.

9. QVAMVIS vero homo non uno morbo interimatur, sed tot viæ ad mortem, quot magni morbi sint: attamen id indubitata certitudinis est, quod omnes mortiferæ causæ eo conspirare debeant, ut fluidorum motus & cordis pulsus in corpore nostro ex toto deficiat. Atque ut hanc maximi momenti in medendo veritatem clarissime demonstremus, certe opera & labore dignum existimamus. Neque vero nobis melior ad detegendam hanc veritatem suppetit via, ac si funestis morbis defunctorum anatomicas observationes paulo majori cum cura ac studio intueamur, occurrentia ibi phænomena bene perpendendo. Hinc quoque accuratiora, quæ possunt haberi, observata anatomico-practica in præfenti contemplari instituimus, quo facto clarissime appare-

parebit mortis causam minime ab incorporea quadam re ac energia fieri ; sed crasso & sensibili mechanismo , ad motus sanguinis omnimodam destructionem tendente , quem & sensus capere , & ratio perspicue intelligere poterit , proficisci.

10. HISCE diductis initium scrutiniū mortis jure meritoque facimus a funestis capitis morbis , quo numero omnium consensu apoplexia , lethargus , epilepsia atque phrenitis continentur. Primo omnium itaque quærenda causa est , quare sæpe sani & robusti homines , in optimo vigore ætatis & virium constituti , ex apoplexia tam repentina morte occumbere debeant. Et hanc ipsam jam nobis accuratior anatome hoc morbo defunctorum , quod sanguinis vel seri extravasatio in cerebro sit , clarissime suppeditabit. Et testatur de apoplecticis clarissimus WEPFFERVS , quo nemo in hoc malum maiori solertia inquisivit , se semper fere extravasatum sanguinem , ex plexu chorioide prodeuntem , reperisse. Videatur *tractatus de apoplexia*. Deinde Cl. WILLISVS refert *Lib. de anima brutor. cap. IX. pag. 222.* historiam , ubi juvenis sanguineus , plethoricus & vino indulgens , apoplexia correptus fuit , in cuius capite aperto anterior cerebri cavitas sanguine grumoso , cum seri copia , impleta viscebatur. WARTHONVS in *Adenograph. Cap. II.* narrat : se in iis , quos apoplexia subito abstulerat , ventriculos cerebri sanguine refertos deprehendisse. Haud dissimilis quoque observatio legitur in *M. N. C. D. II. A. X. obs. 161.* dum dissecto apoplectico multum saniosi seri ex cerebro diffuxit , sinus falcatus cruore turgidus & ventriculi lymphâ repleti fuerunt. Alius apoplecticus in ventriculis copiosum sanguinem serosum extravasatum habuit , & grumus sanguinis ovi columbinæ forma ibi repertus fuit , nec non quartus ventriculus & infundibulum sanguine turgebant. *vid. M. N. C. D. III. A. I. observ. 154.*

11. ET quemadmodum ex extravasato sanguine apoplexia nascitur, ita in lethargo, paralyfi & hemiplexia, quæ sæpe diuturnis cephalalgis, scorbuto & aliis gravioribus affectibus chronicis lethales superveniunt, ingens feri copia in cerebro conspicitur. Sic in quodam post cephalalgiam diuturnam ex lethargo demortuo WILLISIVS *Lib. de anima brutor. p. 155.* cerebri anfractus tam exteriores, quam cavitatem internam aqua limpida impletam invenit. Puer trium annorum, ex ophthalmia & exanthematibus faciei soporosus & coecus factus, sub meningibus ingentem vim limpidaæ aquæ stagnantem habuit, cujus copia etiam ventriculos atque thalamos opticos implevit, quos comprimendo coecitatem intulit. vid. WILLISIVS *de anima brutor. cap. IX. de paralyfi pag. 225.* Ex cephalalgia scorbutica demortuo ventriculi copiosiori & acriori lymphæ turgebant, adeo, ut uncia decem effluerint, ut *M. N. C. D. II. A. X. obs. 3.* testantur. Paralyticum sectum vasa cerebri atro sanguine turgentissima, & ventriculos ejus copioso sero distentos ostendisse, auctor est *Cl. PEZOLDVS vid. Obs. 60.* Idem confirmat *Cl. HARDERVS Obs. 34.* cum paralyticus & a longo tempore cachecticus sectus fuit, ubi versus ventriculos & prope basin cerebri & cerebellum serum copiosum occurrebat, ubi etiam polypus oblongiusculus extractus est.

12. Ex epileptico vero malo qui tolluntur, habent plerumque vasa cruore turgida, & serum, quod a sanguine secedit, in inferiori cerebri parte stagnans. Idem fit, quando quis ex phrenitide moritur, huic enim funesta epilepsia ordinario solet supervenire. Ita apud *HARDERVM obs. 34.* epilepticus quatuordecim annorum sanguine inflata cerebri habebat vasa, atque ejus ventriculi anteriores, vesicæ instar aqua distentæ, protuberabant, e quibus, incisione facta, ichor copiosissime profluxit, qui in tertia & quarta cavitate non minori quantitate stagnavit. Atque ejusdem tenoris est observatio, quæ a WILLISIO *Lib. de morb. convuls. pag. 504.* adducitur,

citur, ubi in femina motibus convulsivis & epilepticis mortua vasa meningum ita sanguine turgebant, ut quasi tota cruoris massa in capite aggesta videretur, cerebri vero substantia humore aquoso supra modum irrigata fuit & ventriculi aqua limpida repleti. Similem historiam idem gravissimus auctor *cap. X. pag. 542.* describit: ubi in femina, pathematibus convulsivis & hystericeis oppressa, vasa cerebri mirum sanguine distenta fuerunt, ut ejus vix quicquam in reliquo corpore effluerit, omnes vero cerebri cavitates & recessus colluvie serosa pleni erant. Simili ratione solertissimus & anatomicus & medicus PETRVS PAW *in obs.* commemorat in epileptico & phrenitide demortuo *obs. 8.* vasa meningum sanguine atro & adusto distenta, & in cerebello putridum humorem fuisse reperi- tum. Et *Joh. RHODIVS* in phrenitide membranas cerebri cum rubore adeo tumentes invenit, ut venæ a cerebri substantia separari possent. In alio piæ matris vasa inflammata reperta fuerunt. *vid. Cent. I. obs. 39. & 40.*

13. SEQUITVR jam, ut, cur extravasatio sanguinis vel feri in capite tam subito mortem inferat, demonstremus. Cerebrum sanctius animæ domicilium & tenuissimi ac purissimi liquidi, quod vim, robur, tonum ac motum fibris & solidis corporis nostri partibus conciliat, secretorium ac officinam esse, & saniorum veterum fuit sententia & diligentior recentiorum observatio anatomica corroborat, siquidem corticem ejus & medullarem substantiam vasculosam, atque medullam oblongatam ac spinalem, principium nervorum & scaturiginem spirituosæ, qui immittitur, liquoris esse, plurimis ratiociniis probatur, siquidem constricto vel dissecto membri cujusdam nervo, ejus sensus & motus protinus exspirat, diffracta vero vel discissa spinali medulla partes infra læsionem illico omni sensu & motu privantur, cervice vero fracta & læso vel obturato ejusdem spinæ principio, animans illico vita privatur. Quoniam vero ex medulla oblongata, in basi cerebri sita, decem nervorum paria oriuntur, quæ sen-

foriis maxime præfunt & ad præcipuas vitales partes, cor & pulmones, abeunt: facile patet, hac a sero vel sanguine extravasato obstructa vel compressa, influxum nervei mobilissimi liquidi intercipi debere, quare non mirum, animam nihil amplius percipere & cor atque arterias activo & vitali systoles motu privari & ita subito mortem accelerari.

14. A MORBIS capitis progredimur ad eos, qui in pectore sedem ac domicilium suum habent, atque interimendi potentia valent. Et hi sunt syncope sic dicta a veteribus cardiaca, asthma & catarrhus suffocativus, peripnevmonia & phthisis. De hisce etiam experientia anatomica edocemur, quod non alio modo internecioni dent hominem, quam quod liberum circulum ac transitum sanguinis per cor & pulmones sistant atque intercipient. Testantur id polyposæ concretiones vasa obturantes, neque minus scirrhusi tumores & corruptiones saniosæ ac sphacelosæ, quæ pulmonum substantiam hisce in morbis infestant. Et quod attinet primo ad syncopen; qua sæpius subito, & præter omnem opinionem, plures extinguunt, imo in lecto, quem sani firmique conscenderant, mane demortuos reperiri, non novum, sed res crebræ experientiæ est: causa tam subitæ mortis non alia, quam viscidior & coagulata membranacea compages, quam polypum vocamus, & quæ prius cordis columnis & lacertis, quasi radicitus implantata, tandem, vi dissoluta, ostia majoris vasis obturans, liberum iter ac motum sanguinis penitus intercludit, unde protinus tota sanguinis circulatio extinguitur. BARTHOLINVS *Lib. de lacteis thoracicis Cap. XIV.* scribit, se in iis, quos subito fato extinctos aperuerit, majora cordis vasa sanguine concreto repleta invenisse. Plura de hac re exempla legi possunt *in dissertat. Malpighii de polypo.* item *in Disputat. Cl. BERGERI de polypo cordis & in Boneti anatom. pract. L. 1. S. II. & L. II. S. II. & dissert. nostra de subita morte præcavenda.* Solent vero polypi plerumque dextrum cordis ventriculum, eique adnexa vasa, occupare & ampliores quoque
ibi

ibi esse, quam in sinistro: fortasse quia redux sanguis a nutritionis & transpirationis negotio multis particulis tenuibus liquidis, sulphureis & salinis depauperatus, viscidior est. Accedit, quod a chylo ex ductu thoracico adfuso, facile in coagulum filamentosum præcipitetur, quod in auriculæ finibus, vel amplis dextri ventriculi columnis, subsistens, ex adsociatis præterfluentibus feri viscidi partibus, paulatim & successive in magnam molem extenditur.

15. At vero polypus, vasa maiora obstruens, non modo syncopes & inopinatae mortis causa est: sed sæpissime etiam aliis gravibus & periculi plenis pectoris malis sese adsociat, & cito suffocatione interimit, liquidem in iis, qui asthmate & catarrho suffocativo tolluntur, plerumque polypofas in vasis cordis & pulmonum concreascentias repertas fuisse, observationum fide constat, ita D. GREISELIVS *M. N. C. A.* 1670. *obs.* 74. scribit: *quotquot catarrho suffocativo, quo homo frequentius morte decedit subita, mortuos aperui, in omnibus corpora callosa, viscida ac glutinosa in corde deprehendi.* Ita quoque Cl. PEZOLDVS *obs.* 61. in asthmate suffocativo & pectoris hydrope cor magnum polypo solido repletum, cum magna in vasis copia atri coagulati cruoris observavit. In *M. N. C. D. II. A. X. Obs.* 174. asthma ex polypo cordis & pulmonum cum duro lobo sinistri pulmonis, descriptum nobis tradunt. Inter alia vero notabilis est observatio, quam citavimus in *diff. de asthmate convulsivo*, ubi medicus castrensis Doct. GRÆVIVS vel quingentos milites asthmate suffocatos incidit, atque semper vel hydropem pectoris vel polypum, cordis ventriculos & vasa obsidentem, adinvenit. Nos quoque ipsi testari possumus, quod aliquoties nobis obtigerit occasio asthmate suffocatorum cadavera diffecandi, ubi polypus in vasis pulmonum & cordis, nec non serum foetidum, extravasatum, in thoracis cavo deprehendimus, cuius causa merito difficiliore sanguinis cursui per pulmones debetur, unde serum secedens per lymphatica vasa rupta exprimitur, in-

que

que pectus descendit, quare graviori asthma perpetuo fere hydrops pectoris junctus est. Quā de re vide egregias observationes collectas in CAROLI PISONIS *libro de morbis ex sero pag. 217.* item apud BAGLIVVM *in praxi p. 107.*

16. IN peripnevmoniācis non modo pulmones materia crassa & cruore repletos ac inflammatos, sed & sæpissime polyposas in vasis concretionē exhiberi, anatome addocemur. Tale exemplum recensuimus in *dissert. de peripnevmonia §. 10.* Dissecuimus nempe juvenem hoc malo demortuum, cujus exempti pulmones apparebant valde duri instar carnis, vesiculæ quasi carnea crassa rubicunda substantia fuerunt infarctæ & cum discinderetur, pauca quantitas ichoris putridi sanguinei effluebat, nullo præsentē pure: pendebant, libra examinati, V. pondo, & injecti in aquam constanter fundum petebant: in arteria aspera spumosa & tenax materia reperiēbatur, Præterea erat memorabile, arteriam & venam pulmonalem, circa confinia cordis, continuissē polyposas concretionē, quæ ex corde & auriculis, quarum columnis & fibris firmiter erant connexæ, ramisque horum vasorum, extractæ, ultra uncias duas pendebant. Cordis autem ventriculi cruore crasso, nigricante toti erant constipati, nec non in pericardio sex ad minimum cochlearia aquæ instar carnis loturæ cernebantur.

17. RARA quidem sunt exempla eorum, qui hæmoptysi pereunt: attamen non ita pridem memorabilis casus hic loci evenit, ubi virgo octodecim annorum, teneræ constitutionis, ex mensium obstructione, diu respirandi difficultate premebatur, cui malo inopinato enormis sanguinis profusio, cum tussi, ex pulmonibus, aliquot reiteratis vicibus, superveniebat & tertia vice tanta copia erupit cruor, ut aliquot vasa repleret, ubi simul frustra magna, dura, carnea ex faucibus extrahebantur, quæ, examine a me instituto, postquam aqua calida sufficienter elota fuissent, non alia ac polyposæ & fibrosæ membranaceæ concretionē erant, & ultra

tra quatuor uncias pendebant, quæ in spiritu vini rectificato usque eo adservantur. Quia vero a tam immani sanguinis profluvio omnes vires penitus consumptæ erant, tertio die virgo honestissima animam placide efflavit. Rarissima hæc hy-istoria nos docet, anevrysmatibus vel varicosis pulmonum vasis polyposa hæc corpora insedisse, unde, illis disruptis, in majores bronchiorum ramos, simul apertos, penetrarunt. Neque dubium est, gravem hæmoptysin sæpissime ex magna obstructione, a polypo vel scirrhescentia lobi cujusdam pulmonalis, provenire, unde libero sanguinis itinere impedito, ipse magno impetu ad alia vasa ruit, quæ nimium distendendo, tandem aperit funestum fluxum producendo. Id quod singulari observatione WILLISIVS in opere posthumo *Secl. I. cap. VII.* confirmat, ubi totus lobus sinister a tumore scirrhuso adeo obriguerat, ut penitus constrictus & quasi lapideus appareret: quare non mirum est, si cruor rapidissime per pulmones trajiciendus alicubi e vasis eruperit.

18. Qui palpitatione cordis detinentur, eos polypus cordis plerumque interficit, qua de re habemus egregium locum in BAGLIVI *prax. med. Lib. II. pag. 229.* ubi scribit: sectis cadaveribus plurimis, observavimus in cordis ventriculis polypos, anevrysmata, grumos sanguinis ingentes & consimilia, inter quæ, elapso quinquennio, notavimus in cadavere sexagenarii, palpitatione demortui, anevryisma ingentis magnitudinis in aorta adscendente, ubi proxime a corde exoritur & in cavitate anevrysmatis polypum magnitudine ovi anserini. Jam facile patebit ratio, quare palpitatio sola corporis incurvatione vel capitis ad terram inclinatione, quoties redit, cohiberi possit. Quo spectat insignis observatio, quam *Cl. NABOTH, medicus & professor Lipsiensis* nobiscum communicavit, ubi juvenis, quoties in lecto lateri dextro incubebat, spirandi difficultate, cum suffocationis metu cordisque palpitatione laboravit, quæ protinus decubitu in latus sinistrum cessabat, tandem, cum repertus mortuus disseccare-

(*Hoffm. Opusc. Patolog.*)

Xxx

tur,

tur, ingentis magnitudinis polypus auriculæ dextræ impactus inveniebatur. Ceterum in iis, qui palpitazione pereunt, ordinario ingens feri copia in pericardio observatur. Qua de re legi meretur PISO *de morbis a serosa colluvie oriundis* pag. 107. item OLAVS BORRICHIVS *in act. med. Hafn. pag. 173.* & TVLPIVS *lib. IV. c. XX.* FERNELIVS *lib. V. patholog. cap. XI.* Neque alia hujus extravasati feri origo est, quam difficillimus sanguinis per cordis thalamos transitus; unde serum permeatus auriculæ dextræ nimium dilatatos expressum, intra pericardium descendit.

19. ACCIDIT quoque interdum, ut quidam asthmate intereant, ubi pulmonum moles amplissima & ad sensum integra totam thoracis cavitatem replet: cujus mortis causa quaerenda est in tunica illa glandulosa, quæ interius totum bronchiorum tractum investit, quæ, tumida vel scirrhusa, impedit, quo minus aer intrare & exire possit, unde sanguinis quoque liber per vasa pulmonum cursus intercipitur. Ejusmodi observationem habuimus ante aliquot annos in Theologo primario Cizensi, qui multos per annos ex difficili respiratione laboravit, tandem hac decessit; aperto thorace pulmones totum eius spatium occupabant, & nihil præternaturale ibi viscebatur, præterquam quod multa scirrhusa tubercula & granula in ramis bronchialibus internis existerent. Huc quoque trahendam esse censeo *observ. XIX. Cl. RVYSCHII*, qui nobis proponit casum, ubi virgo per multos menses orthopnoea suffocativa laboravit, in qua culter anatomicus, in parte pulmonis, magnum pellucidarum vesicularum acervum detexit, quæ ab aere expansæ & ita obstructæ erant, ut levi compressione ab aere evacuare vix potuerint, neque impulsus per asperam arteriam flatus ullum commercium cum hisce expansis vesiculis habebat. Similem quoque casum in sequentibus observationibus XX. & XXI, refert, ubi in viro dispnoea mortuo observavit, totum malum hæsisse in obstructa pulmonis parte, in qua omnes vesiculæ oppilatae & extensæ ap-
pare-

parebant. Idem in puero octo annorum observavi. Deinceps in demortuo principe stupendum in modum pulmo inflatus erat & universam thoracis cavitatem implebat: mortuus est orthopnoea & hæmoptysi; & arteria aspera sanguine grumoso & florido repleta erat, tota pulmonum superficies exterior innumeris ulcusculis obsessa. vid. VERZASCHA in *obs.* pag. 307.

20. Ex affectibus chronicis ipsa phthisi pectorali & consummata nullus facile maioris periculi est, dum hominem omnibus viribus lente depauperat, & inopinato suffocat. In defunctis culter anatomicus sequentia detegit. Primo in omnium fere, qui phthisi decedunt, pulmonibus ingentes scirrhotitates vel dura tubercula, quæ partim pure scatent, partim instar steatomatum aliquid sebacei continent, reperiuntur. vid. *M. N. C. D. III. A. III. obs.* 188. PEZOLD. *obs.* 64. 74. *Act. Hafn. P. I. A. 1673. obs.* 4. HARDERVS *obs.* 45. Secundo in nonnullis pulmonum lobi, penitus abscessu & pure consumpti; in quibusdam exsiccati, nullum amplius pus fundentes, visuntur, & propagationes asperæ arteriæ, aliaque vasa sanguinea, albescunt, ut, absque ulla dilaceratione, a pulmonum deperdita substantia solutæ cernantur. vid. PETR. PAW. *obs.* 22. *it. obs.* 25. & HARDERVS *obs.* 51. *it.* BARTHOL. *Cent. V. obs.* 7. Tertio in pericardio, in thorace, sæpe ingens seri impuri foetidi copia offenditur, qua de re consule HARDERVS *Anat. pract. obs.* 41. 45. *it.* 47. 51. & 52. *M. N. C. D. I. A. I. obs.* 15. & BLANCARD. in *anat. pract. p.* 189. *M. C. D. II. A. III. obs.* 199. PEZOLD. *obs.* 74. *it.* 92. PLATERVS in *obs. Lib. III. pag.* 639. Quarto observamus in dissectionibus phthisicorum, quod pulmones ut plurimum firmissime costis itemque diaphragmati adhæreant, quod passim fere in omnibus observationibus, quæ anatomen phthisicorum tradunt, legitur. Quinto polyposæ massæ, vel cruor coagulatus, sæpenumero in corde vel pulmonum vasis phthisico malo defunctorum subsistunt, de quo phænomeno consuli potest HARDERVS *Obs.* 45. *it.* 49. & 52. BARTHOLIN.

Hist. Cent. V. Obs. VII. it. M. N. C. D. II. A. V. obs. 65. Sexto, concrementa calculosa tartarea interdum in exulceratis pulmonum sinuositatibus reperiuntur. vid. HARDERVS *Anatom. pract. obs. 45.* & *M. N. C. D. II. A. IV. obs. 35.* & *D. III. A. III. obs. 188.*

21. HÆC omnia & singula phænomena, in cadaveribus phthisi demortuorum conspicua, tum morbi genium & symptomatum rationem, tum interitus causam perspicue satis declarant. Siquidem prima phthiseos incunabula atque originem, qui ex obstructis minimis pulmonalibus vasculis tumefactis ac induratis deducunt, recte ii, mea quidem sententia, iudicant. Hæc tubercula, quæ cum vesiculas pulmonales tum bronchiales ramos occludunt, impediunt, quo minus aer pulmones satis distendere possit, unde libero sanguinis itinere intercepto, cum difficultate, angustia atque anxietate fit respiratio, eoque gravior, quo maiorem scirrhusitas pulmonalem substantiam occupat. Hæc quoque tubercula & mole sua, & acrimonia lymphæ vel purulentæ materiæ, quam fundunt, nervosas bronchiorum partes continuo irritando, continuæ, siccæ & ferinæ tussis causam subministrant. A libero vero sanguinis transitu per pulmones præpedito, regurgitat ille in cor, quod nimium distendendo, maximas anxietates, quæ phthificis sæpissime superveniunt, parit, ubi etiam, facta accumulatione, in polyposam massam successive coalescit, qua postea difficilior adhuc sanguinis per pulmones & cor circuitus fit, unde in universo venarum systemate circulatio fit tardissima. Hinc serum secedens, inque porosam partium substantiam influens, facit tumores pedum & abdominis, qui subinde phthificis iunguntur & feralem catastrophem indicant. Simili ratione serum, secessum faciens a sanguine, in cordis auricula, præsertim dextra, utpote tenuissimæ structuræ, hydropem pericardii facit, & tandem etiam ex ruptis vasis lymphaticis serum in thoracem exundat. Frequentior vero pulmonum ad pleuram adhæsiō sero, quod ex
poris

poris pulmonum, sub difficultate transitus, exprimitur, tribui debet. Hoc enim, exhalantibus partibus tenuioribus, tenax fit, quo partes conterminæ conglutinantur. Igitur quo gravior est læsio pulmonum, consumptio, scirrhositas & obstructio, eo maius, ob difficiliorem sanguinis transitum, suffocationis periculum imminet, qua plures phthysicorum intereunt. At phthysi perpetuo fere hecticus calor, cum ingenti virium defectu, iungitur, qui liquido nerveo a putredine inquinato iure est adscribendus. Quum vero continuo calore omnis succi & vires successive consumantur, lente sic cordis motus fatiscit & tandem extinguatur, atque mors, sine turbatione mentis, plerumque inexpectata & ex improvise supervenit.

22. Ex chronicis malis vix ullum frequentius hydrope interimit, qui plerumque aliis gravibus affectionibus, ut asthmati, quartanæ, cachexiæ, scorbuto supervenit. Causam mortis si inquiramus, inspectione cadaverum diligentiori, immanem copiam feri putridi, tam in abdominis cavitate, quam sæpissime etiam in pectore & pericardio deprehendimus, quod interiora, præsertim omentum, (quod nunquam non consumptum & putridum visitur), aliaque viscera corrupta, & ipsa adeo intestina, livida ac sphacelosa reddit. vid. BARTHOL. *Cent. III. Hist.* 81. *M. N. C. D. II. A. VII. obs.* 187. *it. obs.* 188. *D. III. A. III. obs.* 161. *D. I. A. IV. obs.* 3. *D. II. A. VI. obs.* 31. *D. I. A. VI. obs.* 165. PEZOLD. *obs.* 77. 88. 65. HARDER. *obs.* 72. PETR. PAW. *obs.* 5. *it.* 28. Et ubi hæc feri extravasatio in hydrope decumbentibus non observatur; ibi etiam nondum omnis spes salutis evanuit. Quod vero ut plurimum paracentesin factam mors subsequatur, in causa est aer admissus, quo accedente feri putrefactio multum promovetur. Hæc ubi incipit, non modo omnis appetitus tollitur & virium reliquiæ consumuntur, sed & calor præternaturalis, sine quo non facile hydropicus moritur, supervenit atque incenditur, qui penitus omnes vires & superstites vitales nervo-

rum succos ita exhaurit, ut cordis musculus a motu suo vivifico in totum dejiciatur.

23. FIT quoque hic morbus sæpissime ex asthmate, asthma vero ex polypo cordis, in cavitate ejus dextra detentæ, aut saltem tumore nodoso maiorum vasorum ostia coarctante: qualis etiam in hydropicis dissectis non raro adhuc visitur. *vid. cent. III. Misc. N. C. observ. 117. it. PEZOLD. obs. 77. M. N. C. D. III. A. III. obs. 161. it. obs. 65. & BONETVS in Sepulchreto.* Neque rationem difficile est invenire, siquidem, retardato sanguinis per pulmones motu, is regurgitans ad venarum systema ibi tardius movetur atque subsistit, unde feri in partibus inferioribus, per quas semper adscensus sanguinis, quia perpendicularis, difficilis est, magna collectio fit. Ceterum difficilior illa naturalis sanguinis in hepate traiectione ex vase portæ venoso in venam cavam, præclare sentiente Cl. STAHL *in diss. de vena portæ*, multarum chronicarum passionum, quam maxime hydropis, causa potentissima utique censetur. Nam sanguis ex hoc vase regurgitans in pancreas, lienem, mesenterium, intestina, hæc viscera multum infarcit, tumidaque reddit & minimos glandularum ductus occludendo, hæc omnia scirrhusa, dura efficit, sicuti etiam hoc modo semper fere, facta inspectione, oculis sese ingerunt. *vid. M. N. C. D. 2. A. 8. obs. 100. it. D. 2. A. 6. obs. 73. D. 1. A. 6. obs. 68. it. obs. 165. & 221. HARDERVS obs. 71. & 72. PETR. PAW. obs. 5. & obs. 28. PEZOLD. obs. 88. M. C. D. 3. A. 3. obs. 161. D. 1. A. 4. obs. 3. BARTHOLIN. Cent. 3. hist. 81. D. 2. A. 7. obs. 187. & D. 2. A. 1. obs. 2. D. 2. A. 5. obs. 73. RIVERIUS cent. 2. obs. 53. RVYSCH. in obs. 45. & 46.* Per indurata & obstructa vero viscera, libero sanguinis cursu præpedito, fit eius stagnatio in vena portæ, & inde serum secedens ad vasa fertur lymphatica, quæ, nimium distenta & a tono suo deiecta, vergunt in hydatides, (quarum ingens sæpe copia in dissectis visitur), quæ disruptæ illam exitialem feri extravasationem efficiunt.

24. EST adhuc alia hydropis origo, ex sanguinis circulo per

lo per uterum, ob vasa, a materia polyposa vel cruore coagulato varicosa reddita, vel ob eius scirrhescentiam impeditiori facto, quo fit, ut serum secedens copia & impetu in vasa lymphatica feratur, quæ in hydatides abeuntia tandem rumpuntur. conf. M. N. C. D. 2. A. 9. obs. 99. HARDERVS in *apiario obs.* 87. VESALIUS *Lib. V. de corp. human. fabrica cap. IX.* & MAVRITIUS CORDÆVS *comment. in Lib. I.* HIPPOCRATIS *de morb. mulier.*

25. SÆPISSIME quoque mors in cachecticis, tabidis & diuturna lenta ac hectica febre detentis, ex ingenti abscessu interno rupto nascitur, ubi foetidissimum pus non modo viscus, cui infidet, penitus consumit, sed & vicinas partes, quas tangit, eadem corruptione inficit. Eiusmodi vero abscessus maxime mesenterium, hepar, uterum, renes occupant, & fiunt identidem a sanguinis libero circulo, propter magnas obstructions & compressiones vasorum atque scirrhositates viscerum intercepto, unde stasin sanguis concipiens vasorum tunicas perrumpit, ac cavitates sibi formans tandem in pus foetidum convertitur. Abscessibus autem plerumque iungi tumores & scirrhositates, fidem luculentam observationes anatomicae faciunt. PARÆVS *lib. 23. cap. 36.* in femina mesenterium penitus scirrhosum observavit, quod libras decem cum dimidia pendebat, cui infiniti abscessus, sua quisque cystide, inclusi erant. Ita enim HILDANVS *cent. 1. obs. 7.* meminit puellæ, cuius mesenterium tumoribus duris scirrhis & steatomatibus refertum fuit, præcipue circa venas, quæ ad portam tendunt. Et COITER *in obs. anat.* in hydropico tumorem & magnam colluviem puris foetidi, quod hepar putredine infecerat, animadvertit. Plura vide in WARTHONI *tract. de glandulis pag. 50. it.* RAYER. *M. N. C. D. 3. ann. 2. obs. 131. D. 3. A. 3. obs. 73.* Hepar quoque interdum occupant & renes, quæ de re vid. *M. N. C. D. 3. A. 3. obs. 73. it. D. 1. A. 4. obs. 114.* & HILDANVM *cent. 2. obs. 39. it.* HARDERVS *obs. 76.* Frequentius vero abscessus in musculis abdominis, præsertim a causa externa, re-

na, residet, quo interius rupto mors ut plurimum subsequitur. vid. HILDANVS *cent. 2. obs. 37. it. RIVERIUS cent. 1. obs. 92. M. C. D. 2. A. 1. obs. 88.* Ab apostemate vero mors fit, quia febre lenta, quæ pedissequa abscessuum est, omnes paulatim vires exhauriuntur, & tota humorum massa successive in excrementa resolvitur. Abscessu autem rupto prodiens pus non modo conterminas partes simili corruptione inquinat; sed & foetore suo tenuissimum illud fluidum, quod fibris vim motricem confert, admixtione sua contaminat, unde recte HIPPOCRATES *S. VII. a. 8. Ex tuberculi intus ruptione exsolutio, vomitus & animæ deliquium fit.*

26. Qui ex calculo renum & vesicæ moriuntur, hos quoque corruptio putredinosa, vitali moventi infensissima, interimit. Nam si quando calculus in vesica vel uretere hæret, efficit, ut per renes transcolatum falsum serum immane quantum & ureteres & renes distendat, qua vehementi distensione & compressione vasorum illi inflammantur atque in abscessum vel putrilaginem, qua penitus tandem consumuntur, degenerant vid. *M. C. D. 2. A. 8. observ. 153. it. BARTHOLIN. in cent. 3. hist. 35. it. M. C. D. 1. A. 2. observ. 81. it. 2. A. 2. obs. 13. & PETR. PAW. obs. 3. it. D. 1. A. 4. obs. 23. it. VERZASCHA cent. 1. obs. 2. it. FERNELIUS de partium morbis & symptomat. lib. 6. cap. 12. pag. 316. RIOLANVS lib. 2. cap. 29. NIC. TVLPIVS lib. 3. obs. cap. 6. PANAROLVS Pentecost. quart. obs. 31.*

27. PRÆTEREA plus vice simplici in iis, qui ex calculi tormentis & ischuria diem suum obierunt, ventriculi inflammationem, ex suis signis dignoscendam, nec non epilepticas convulsiones supervenientes animadvertimus, procul omni dubio ob atrocissimos spasmos in ventriculum per consensum, vel etiam ipsum in caput derivatos. Quare nihil dubitamus, quin, si in dissectione cadaverum etiam has partes maxime ventriculum & intestina, maiori cura simul scrutemur, (id quod minus factum esse in iis, quas perlegi, observationibus vidi, dum dissectores, quando calculum invenerunt, veluti

veluti mortis causa deprehensa, aliarum partium inspectionem supervacaneam crediderunt) in inflammatione & sphacelatione, præsertim in senibus & debilitatis, proximiorē mortis causam reperiamus.

28. PRÆSENTIOR adhuc mortis causa inflammatione & sphacelatione ventriculi & intestinorum, qua plerique, qui morbis acutis & malignis decedunt, item ex veneno vel validiori medicina, nec non peste, morbo Hungarico, dysenteria, colica vel iliaca passione, aut acuta vel omnino alia febre succumbunt, in dissectis reperitur. Siquidem in nullis corporis partibus spasmus, inflammatio vel sphacelatio periculosior est, quam in iis, quæ nervosæ ac membranosæ texturæ sunt, ac exquisitiore sensu ac motu gaudent, neque minus cum universo nervorum genere consensionem foveant. Huius vero generis esse ventriculum & totum intestinorum canalem, vix ullus addubitabit. Venena vim suam maxime exserere in ventriculum & vicina tenuia intestina sphacelo ea corripiendo, sectiones & observationes plures hinc inde prostantes declarant. Ex omnibus vero WEPFERVS in *tr. de cicuta aquatica*, qui plurima experimenta in animalibus instituta collegit, evolvendus est. Aquæ frigidæ potum, corpori calefacto copiose immissum, vel brevi mortem, vel alias ad mortem tendentes afflictiones invehere, res certæ, quotidianæ & indubitatae experientiae est. Neque alia tam subitæ & funestæ catastrophes suppetit ratio, quam quod frigidus potus celeriter ipsum sanguinem, in vasis ventriculi & intestinorum coagulet atque in motu sistat, unde, nisi mature discutiatur, necesse est, ut in sphacelum abeat. Tristissimum eiusmodi exemplum in *dissert. de benignorum remedium abusu & noxa* fuse recensuimus. Huc quoque referendam esse subitam sæpius existimo mortem, qua senio confectos & viribus orbatos ex usu fructuum refrigerantium, v. g. melonum, malorum persicorum, interdum defungi historiarum monumentis legimus: siquidem notum est, quam pro-

(Hoffm. Opusc. patholog.)

Y y y

nus

nus senum, quin etiam scorbuticorum & imbecillium sanguis in sphacelosam sit corruptionem, quæ in illis levissima sæpe ex causa quam facillime suscitatur. Quam graves etiam noxa, immo ipsa mors haustum frigidum, post graviolem iracundiam assumptum, excipiant, notissimum est.

29. QVI pestilentia & febribus malignis tolluntur, ventriculum & intestina sphacelata nunquam non exhibent; quod etiam ferme de omnibus febribus acutis, ardentibus, cholericis, semitertianis, variolis, aliisque intelligendum est. Nos plena fide attestari possumus, quod omnes eos, quos ex febre quadam acuta mortuos scimus, ex inflammatione ventriculi, intestinorum vel meningum supervenienti decedisse deprehenderimus; quod non modo ex symptomatibus diiudicavimus, sed & ex dissectionibus, quas ipsi habuimus, & de quibus alii fidem certam nobis fecerunt, apparuit. Legi possunt eiusmodi historiae apud FORESTVM *lib. 6. obs. 13.* DIEMERBROCCIVM *p. 273.* HELMONTIVM *p. 887.* BARTHOLINVM *cent. 3. historia 68. it. cent. 3. ep. 92. it. 29. M. N. C. dec. 3. anno 3. obs. 100. item PEZOLDVM observ. 87. BARTHOLINVM hist. anat. cent. 5. observ. 4. M. N. C. dec. 1. an. 6. observ. 161. BLANCARDVM obs. 67. & in Dissertatione nostra de inflamm. ventriculi.*

30. NEQUE alia morte diarrhoea vel dysenteria correpti, quam intestinorum sphacelatione, perimuntur, id quod non solum signa sed & sectiones nobis manifestant. Laborant vero maxime hisce in morbis crassa intestina sphacelationibus & multis tuberculis. vide *Misc. N. C. dec. 2. dec. 6. obs. 104. PLATER lib. 3. p. 821. Acta Hafniens. p. 2. obs. 17. p. 40. & BARTHOLIN. cent. 6. hist. 2. BINNING. cent. 4. obs. 48.* Neque aliter mors colica spasmodica vel iliaca passione correptis, quam intestinorum inflammatione & sphacelatione contingit. *Vide M. N. C. decad. 2. ann. 3. obs. 193. item obs. 65. BLANCARD anat. pract. cent. 5. obs. 2. HILDANVS obs. 61. centur. 2. KERCKRINGIVS obs. 42. WILLIS. de medic. oper. p. 28.* Qui ex vermibus infantes moriuntur, eos identidem intestino-
rum

rum sphacelatio ad lethum deducit. vide *Acta Hafniensia tom. 2. p. 88.* & LENTILII *Miscellan. medica p. 365.*

31. ILLVD ulterius notatu perquam dignum est, quod, qui colica spasmodica, vel veneno diutius morante, aut aliis acrocioribus tormentis moriuntur, plerumque intestina invicem connexa atque coalita habeant. Eiusmodi casus B. Dn. OCHLITZ Clausthalensium medicus, nec non Cl. NABOTH Lipsiensis retulit. Similes casus vide in IO. RHODII *cent. 2. obs. 32. it. PETR. PAW. obs. V. & BARTHOL. hist. anatom. cent. 3. hist. 6. HOECHSTEDTERVS dec. 10. casu 6. M. N. C. decade 2. anni 7. obs. 15.* Causa huius peculiaris phaenomeni vix alia poterit reperiri, quam quod spastica vehementiori strictura serum ex intestinorum tunicis & vasculis minimis exprimitur, quod avolantibus partibus tenuioribus glutinosius redditum, illam coalescentiam efficit. Eadem ratio est, quare in pectoris affectibus, ubi difficillima est sanguinis per pulmones traiectione, pulmones tam facile pleurae & vicinis partibus adnascantur, de quo supra diximus.

32. PVERPERAS, quae ex febre inflammatoria intereunt, uteri sphacelo tolli & symptomata & sectiones nos docent. Evolve *M. N. C. dec. 1. ann. 2. obs. 85. it. dec. 2. ann. 4. obs. 94. dec. 1. ann. 4. obs. 192. & dec. 3. ann. 3. obs. 123. ann. 1. obs.*

22. Infantes pusillos & adhuc sugentes ex torminibus ventris, nec non epilepticis convulsionibus, ab acrimonia biliosa caustica mori, res vulgo notissima est; neque dubium, intestina, ex quibus non raro ad ultimum nigra secedunt, sphacelata in dissectionibus reperiri debere, modo frequentiores corporum & infantilium & omnis aetatis defunctorum, in foro medico fierent.

33. Ex hisce iam allatis historiis, & cadaverum variis morbis extinctorum dissectionibus, satis perspicue edocemur, quomodo mors, sive omnimoda machinae nostrae, quoad structuram & motus, destructio, ex morbo produci soleat. Et quamvis morborum causae multiplices sint; attamen eas,

quæ mortem proxime inferunt, quatuor potissimum generibus contineri, attentiori observationum anatomicarum consideratione certiores reddimur. Quandoquidem vel in capite cruoris aut seri extravasatio & stasis vel in pectore polypus aut tumor ostia viarum, per quas sanguis vel aer fertur, occludens subitæ mortis causa est. In reliquis morbis, iisque acutis ex stasi sanguinis suborta sphacelatio sive corruptio putredinosa, foetida, subito vires prosterbens; in morbis autem chronicis, stagnatio humorum, lente viscera & partes exedens, corrumpens vel exulcerans, genuinæ mortis causæ censendæ sunt. Absoluta itaque mors, sicut plenariam corruptionem corporis nostri organici post se trahit: ita quoque eius principium corruptio existit, eaque primum particularis est, quæ successive universalis evadit. Etenim nihil in universa rerum natura e diametro magis durationi corpori nostri contrarium est, quam putredo, quæ ex quiete & motu progressivo humorum extincto numquam non progignitur. Et ubi hæc incipit in corpore animantium, non modo eius partis, cui insidet, structura ac mixtio dissolvitur, sed, quod maximum, illud, quod motum ac robur cordi, arteriis omnibusque fibris motricibus præstat, subito inficitur & illius admixtione corrumpitur. Quo magis vero putredo vires & incrementa sumit, & in nervosis, sensibilibus partibus residet, eo plus virium destructiva est. His vero destructis incipit sanguinis circulus per cor atque pulmones totumque corpus tardior fieri & tandem penitus exstingui. Et hæc est causa, quare respiratio cum stertore quodam intercepta, & membrorum convulsio mortem plerumque & proxime antecedere soleant, eo, quod sanguis in capite, æque ac in pulmonibus, incipiat in confiniis mortis subsistere ac motu privari.


34. Diductis hac ratione causis mortis proximis, promtum iam ac facile esset alias veritates felicissime inde, non sine magno in medendi scientia usu, deducere: videlicet,
quid

quid faciendum sit medico, ut in morbis ferales has mortis causas antevertat & depulset, item, quomodo temeraria medicina quam facile causa mortis accerfi & procurari possit.

35. ILLVD vero ultimo loco non transmittendum esse cenſeo, quod vulgariter causa morbi cum causa mortis admodum confundi ſoleat. Fit quam maxime id a medicis in morbo defunctorum diſſectionibus, ubi, occurrente magna extravasatione vel corruptione, protinus lethalitatem morbi exinde diiudicant. Adeoque ſic perperam a causa mortis ad causam morbi argumentantur, quæ, annon potuiſſet ullo remediorum genere tolli, &, ne exinde mortis causa fieret, præcaveri, res ſæpius adhuc in quæſtione & indagatione verſatur.

F I N I S.





INDEX

RERVM PRÆCIPVARVM.

- A** Bortiva pharmaca absolute talia non sunt 346. 404. quæ pro iis habentur 404. sq.
Abortus non sine convulsione & hæmorrhagia fit 345. uteri atoniæ debetur 347. requirit dispositionem 346. venæsectione præcavetur 347. semel eum passæ cur iterum facile incidant. ibid.
Absorbentia in malo hypochondriaco acidum non obtundunt 40. evacuantia iis subiungenda ibid.
Acidulæ quomodo agant 187
Acidum in statu secundum & præter naturam extra ventriculum non est 28. 36. promovet digestionem 38. in copia ingestum abit in sal neutrum 37. morborum causa proxima & immediata non est ib. suppressionis mensium sæpe causa 41. peccat plerumque in hypochondriacis & hystericis 40. 41. in infantibus & pueris facile generatur 38.
Acida infensa sunt humorum progressui 40
Acidi salis in aere generatio 27. natura & indoles 36. 37.
Acuti morbi qui 248. eorum natura, symptomata & causæ ibid. symptomatum explicatio 253. sq. multi debentur inflammationi 300. solutio quando eiusque signa 260. in spongiosis & phlegmaticis signa funesta. 302
Adolescentiæ periodus eiusque morbi 11
Aer fluidum est subtilissimum 413. sal acidæ naturæ in se continet 26. eius vis in corpus 415. non immediate cum sanguine miscetur 416. impurus varia inducit mala 418. marinus salus est 414. puteis & fossi mineralibus a pulvere pyrei condensati noxa. 423
Aetas temperamenta mutat 7. eius mutatio morborum causa 9. sæpe morbis medetur. 17
Aetatum morbi a capite incipiunt cur 9. differunt pro climatum diversitate 14.
Alcali purum in animantibus non est 37. fixum unde 180. artis effectus est 37. ex quibus vegetabilibus eliciatur ib. volatile sola putredine & combustionem efficitur. ibid.
Alcalinorum in morbis utilitas & noxa 38. seq.
Alvus adstricta in febribus noxia 203. pathemata inde ibid.
Amara in medina sunt præstantissima cur 192.
Amarities unde 197
Anatomia firmitum est medicinæ fundamentum 77. ad mortis & mor-

Index rerum præcipuarum.

- morborum causas detegendas est
 necessaria ibid. accuratum facit
 medicum 82. eius contentio unde
 77. seq.
 Anima non est causa motuum in
 corpore 125. 276. 519. perpe-
 ram dicitur natura 282. non est
 medicinæ principium 79. eius fa-
 cultates quando primum sese ex-
 serunt 482. sedem Helmon-
 tius in ventriculo posuit 440
 Aneurismata in hepate unde 482.
 Animi pathemata gravidis nocent
 & quæ 120.
 Antimonium crudum non est ve-
 nenum 408. eius substantia 429.
 in passionibus rheumaticis spe-
 ctatæ virtutis est ibid. igne tra-
 ctatum venenum evadit ib. hau-
 sti ipsius fumi morboſi effectus
 429. funestum a floribus eius ad-
 sumtis exemplum 429. seq.
 Apoplexia infantes non invadit 14.
 mortis eius subitæ causa 623. se-
 des sæpe est in primis viis 329.
 in Hispania frequens 370. A-
 rabum curatio 369
 Aqua est menstruum universale 55.
 Aquarum examinatio medicis est
 necessaria in fodiſis, 106. metal-
 lifoſſoribus nocent 435
 Ardentium febrium signa solutionis
 268
 Argenti portio sub fusione avolat.
 415
 Arsenicum ubi inveniatur 426. ad
 veneficia præcipue usurpatur cur
 409. 458. effectus inde lethales
 426. antidotum sunt oleosa cum
 lacticiſis 410. eo exſinctorum
 anatome 458. illud tractantes
 quibus morbis pateant 426. a fu-
 mo infectorum curatio 437
 Arteriæ duplici motu gaudent 495
 Arthritis quæ invadat 334. vere &
 autumnno maxime frequens ibid.
 204. causæ & symptomata ibid.
 leniori sæpe emetico curatur
 334. 335
 - - vaga unde sæpe 42.
 Ascarides hypochondriacos sæpe
 vexant 39
 Atheromata in hepate unde 481
 Auripigmentum quando venenum
 408
 Aurum intime solvi non potest 54.
 eius artificiosa exhalatio 415.
B Arba quando compareat. 9
 Berberi morbus in India 379. eius
 causæ ibid.
 Bilis quid 184. generatio ipsius &
 elaboratio 185. materia in san-
 guine solum est 183. est valde pe-
 netrans 180. recondit sal ama-
 rum 179. seq. a Sylvio pure alca-
 lina habetur 314. cuius naturæ
 tamen non est 183. vesicæ &
 hepaticæ differentia 177. in vesi-
 ca est amaricantior 178. experi-
 menta cum ipsa instituta 180.
 convenit maxime cum centauro
 minori 185. amaritiem suam in
 intestinis deponit 190. est ne-
 cessaria & utilis in corpore 187.
 humana a b vina differt 183
 post iram venenum 199. abun-
 dantia unde 185. ad quos mor-
 mos disponat 195. defectus un-
 de 195. 198. morbi inde ibid.
 eius restitutio 105, ex mora in
 duo-

Index rerum præcipuarum.

- duodeno corruptæ noxa 193.
 321. ex admixtione corruptæ noxa 326. seq. iners ad stagnationem confert 322. præcordiorum anxietates inducit 323. alvi adstrictionem 324. flatus ibid.
 - - æruginosa & viridis unde 326.
 - - bovinæ usus mechanicus & medicus 183
 Biliarii ductus obstructi unde 197.
 pathemata inde ibid.
 Butyrum insulsum umbilico infantis inditum alvum movet cur 93.
- C**Achexiæ signa funesta 311. ea defunctorum anatome 535
 Calculus in Persia rarus cur 383. eius symptomata 109. 110. signa funesta 306. vesicæ sæpe in utero foetum adficit 118. causa & modus propagationis 131
 Calor in corpore unde 217. seq. moderatus necessarius 231. est instrumentum putredinis 55. sq. nimius in febribus intermittentibus unde 217
 Cacochymia quid 32. causa ibid. qui ipsi sunt obnoxii 34
 Camphora quid 72. eius operatio in corpus 72. usus in febribus ib. abortum non inducit 406
 Cancris exulcerati signa funesta 308.
 Carbunculi in peste retrocedentes necant 308. signa horum funesta ibid
 Cardialgia quos invadat 94. sedes ibid. hepatis obstructioni sæpe iungitur ibid.
 Caries dentium unde 159. curatio ibid. optime fit per cauterium
- actuale 160. aut extractionem dentis eiusque cautelæ ibid. præservatio 169
 Carnes animantium annosiorum longa coctione indigent 51
 Catarrhales defluxiones post febres unde 35
 Catarrho suffocatorum anatome 527
 Cephalica cur cerebro amica 202
 China china in febribus prodest cur 202
 Cholerae signa funesta. 386
 Chronicorum morborum sedes 187. signa feralia 309. methodus medendi generalis 336. quæ in his causa mortis 86.
 Circulus sanguinis & humorum unde 292. eius ignorati noxa 83. inventi usus ibid. continuus ac æquabilis arcet putredinem 51 ad vitam est necessarius 521. est quasi animæ cum corpore vinculum ibid. ab anno LVI - LXIII. fit lentior 13. 33. morbi inde ibid. vehemens nocet 60.
 Cæcitas in Tartaris a partu per aliquot dies unde 383
 Coitus sæpe in virginibus rebelles morbos tollit 21
 Coli texturæ sinuosæ & situs in præxi cognitu necessarius 94. tumores ibi falso lieni adscribuntur ib. in eo adfecto quæ profint 95
 Colica spasmodica defunctorum sectio anatomica 539. eius per topica mitigatio 53. dolores post febres unde 35
 Colli tumor strumofus quibus Europæ populis endemius 365. causæ

sæ ibid. feminæ ipsis magis
 obnoxia ibid.
 Comedones in Misnia in infantibus
 frequentes 377. tabem inducunt
 ibid melle & balneo calido e cu-
 te provocantur ibid.
 Consensus partium unde 109. ma-
 trum cum foetu in utero 121
 Continuae febres Galliae populis
 frequentes cur 366
 Convulsiones in inflammatione
 ventriculi unde 453. a vermibus
 110
 Corpora exsiccata putredini non
 sunt obnoxia 57
 Corpus humanum est machina ar-
 tificiosissima 278
 Corruptio homini infensa est 296
 Cremer in Hungaria quinam mor-
 bus 376
 Crisis a veteribus iam notata 257.
 258. quid ipsis sit 259. natura
 eiusque rationalis explicatio 275.
 causa efficiens 277. non est a-
 nima sed mechanismus 280. sa-
 lutaris signa 261. cum evacuati-
 one & remissione symptomatum
 fit 260. 281. non omnis remissio
 & evacuatio est crisis 283. excre-
 tionum causa 283. non sunt so-
 lutionis causae sed causae morbi-
 ficæ victæ. 283. 284. quibus die-
 bus solennis 259. an statim den-
 tur ib. fit exacerbatio sæpe in his
 272 a quo tempore computandi
 271. de quibus morbis dicatur
 258. usus in praxi 284. perfectæ
 magis in calidioribus regionibus
 sunt 273. imperfecta quæ 262.
 fit per abscessus 263. non est tur-
 (Hoffm, opusc. patholog.)

banda 233. turbatur sæpe per
 imprudentem medicationem 284
 per anni tempus & intemper-
 em aeris. 273
 Cutis structura practico scitu neces-
 saria 90. eius officium 87. poris
 obstructis quid faciendum 87. sq.
 Cynanche eius signa funesta 303.
 suffocatione perimit. ibid.
 Demonstratio in medicina ex
 quibus principiis desumi debe-
 at 52. seq.
 Dentes quid 138. eorum substantia
 generatio & nutritio 442. seq.
 numerus 146. figura indeque e-
 orum orta divisio 148. seq. sen-
 satio unde 144. instituta cum
 ipsis experimenta 138. inciso-
 rum proruptio quando 141. ca-
 ninorum & molarium 147. in
 pueris facile possunt eximi cur
 149. caninorum dolor in pueris
 unde 157. eius symptomata ibid.
 candor quando pereat 148. stu-
 por dentium quid & unde 159.
 mutatio quid 151. defectus re-
 stitutio 170. extractio quomodo
 instituenda & cautelæ 161. seq.
 quando necessaria 163. 170. va-
 cillatio unde & cura 169. tartarus
 unde 153. quæ ipsis sunt infensa
 recensentur 171. seq.
 Dentitionis difficilis causa 156. cura
 168
 Dentrificii pulveres circa hos cau-
 telæ 173
 Diarrhoea sal acre in ea peccat 43.
 44. mortui anatome 539. me-
 thodus medendi generalis 43. 44
 Dolor, eius in spina dorsi causa 97.
 222 dextri

Index rerum præcipuarum.

- dextri lateris circa ilei costam unde & ubi sit 95. eius medela generalis ibid.
- Dracunculi** unde 385
- Duodenum** ventriculus succenturiatus 316. eius initium & terminus 316. structura 104. distinctum præ reliquis intestinis habet officium 105. 315. caret viis lacteis 319. intimior in ipso fit ciborum solutio & elaboratio 320. multorum morborum causa est & quorum 105. seq. inflammatio in causo & febre ardente unde 197
- Dysenteria** exstinctorum anatomie 529. funesta eius signa 306. Londini frequens est 366
- Dyspnœa** mortui anatomie 530
- E**ffluvia ex aere attracta corpus varie alterant 417. sulphureorum metallicorum causa 422. effectus 414
- Elephantiasis** in Ægypto unde 384
- Emetica** in morbis ex prima regione sunt optima 335. quando usurpanda ibid. in forma liquida melius propinantur ibid. post iram valde noxia sunt 455
- Endemii morbi** quibus causis debentur 363
- Ephemeræ febris solutio** quando 268
- Epidemii morbi** communi aeris vitio debentur 363
- Epilepsia** spasmo duræ matris debetur 450. generationis causæ 18. ætate sæpe curatur & quando 17. sq. chronicam nonnunquam quartana solvit 235. ad fœtum non raro in utero propagatur 118. modus propagandi 131. infantilis causæ 10. curatio 23. variolarum vigori superveniens lethalis 270. signa in infantibus funesta 309. ea peremtorum anatomie 514
- Erosiones** in gonorrhœa & lue venerea unde 46
- Erysipelas** quando invadit & remittit 259. ventriculi indicatur febre leipiria 268. solutionis signa ibid.
- Exanthemata** repellentibus non sunt tractanda 91
- Excretiones** suppressæ sæpe sunt causæ morborum 81. ingestis debent esse proportionatæ 521
- Excrementa** hominum salibus sunt imprægnata & quibus 28
- Exessio** dentium unde 151. curatio optime per cauterium actuale fit 160. aut extractionem dentis 169. cautelæ circa hanc & præservatio ibid.
- F**æces infantum viridissimo colore sæpe tinctæ sunt 20. acres in hectica unde 28
- Febris** definitio 211. ortus & causæ 211. formalis spasmo debetur 213. 215. symptomatum & inprimis horroris explicatio rationalis 213. caloris 215. materia in spiritus nervorum & membranarum agit 211. solutionis signa 270. salutaris sæpe a veteribus & recensioribus habetur. 209. 234. in se non est salutaris 234. quo sensu habenda ib. 237. quæ salutares sunt 234. quandoque eam accendere iuvat 240. e-
- vacu-

- vacuationes legitimo tempore in ea succedentes morbos solvit 233. viscerum obstructions sæpe referat 236. apoplexiam quandoque discutit ibid. scabiem nonnunquam aufert 234. epilepsiam chronicam interdum tollit 235. hinc in initio non est reprimenda 238. in ipso die accessus remedia sunt propinanda & quæ 239
- Hungariæ ortus symptomata & causæ 376
- Femellæ nondum menstruatae gravibus obnoxia sunt passionibus cur 23
- Fermentationis & putrefactionis differentia 55
- Ferri & cupri exhalationes noxiae 434
- Flammulae sulphureae de nocte salientes unde 421
- Fluor albus, eius causæ 383. sedes 354. methodus medendi 335. Londini est morbus endemius 366
- Fœtor dentium unde 163
- Fontium soteriorum in hepatis affectibus usus 490. virtus eorum in quo consistat ibid.
- Fœtus in utero nutritio non est immediate a sanguine 126. per os nutritio adhuc dubia est 125 imbecillis signa 132. morborum causæ sæpe sunt aer præsertim hiemalis 133. 134. ciborum defectus ibid. acidorum abusus 135. animi pathemata ibid.
- Frigus arcet putredinem 57. in febribus unde 213
- Fulguris & fulminum in aere productio 27. materia sulphuri minerali similis est ibid.
- Fuligo sal vere urinosum volatile per destillationem fundit 28
- G**Enarum fistula unde 152. cura & cautela circa hanc 163. seq.
- Gibbositatis & luxationis in pueritia facilis proventus unde 11
- Gingivarum officium 146. consumptarum causæ & cura 169. hæmorrhagiæ quomodo sistendæ 170
- Glandularum duodeni textura & officium 318
- Gravidæ sæpe hydrope laborant 352. exempla & cura 353. cautela practica circa gravidas & puerperas 316. seq.
- H**æmoptysis unde 529. non facile necat 528. defuncti anatome ibid.
- Hæmorrhagia spontanea in se non est salutaris 228. nimia magnorum morborum causa est 65. sedes & principium sæpe in primis viis est 104. signa funesta 309
- Hæmorrhoides qua ætate incipiant 13. qua subsistant ibid. iis affecti acida fugere debent 41. fœminæ etiam iis vexantur 360. venetiis sunt endemiæ 308
- Hæreditarii morbi causam habent in solidis probatur 6. 7.
- Hæctica febris consistit in lentius procedente putrefactione 71. difficilis sanationis est ibid.
- Hemiplexia quibus morbis se adsociet 524. infantes non invadit

Index rerum præcipuarum.

14. ea mortuorum anatome 524
 Hepar quid 474. eius situs ibid. figura 475. structura 98. 475. vasa 476. diaphragmati annexum 100. vasa 476. lymphaticis quoque gaudet 477. nervi 478. sensu exquisito caret 481. omnibus animalibus est 188. tardissimus in eo sanguinis circulus 186. bilem secernere primum officium est 61. 98. 178. 478. secundarium ventriculum calore fovere 479. quibus morbis pateat 98. 484. rara eius est inflammatio 483. signa lethalis corruptionis 310. cura & præcautio 98, 488. seq.
 Hernia umbilicalis in fœtu unde 126
 Holsati non longævi cur 376. febribus malignis & petechialibus maxime obnoxii 377
 Horror in febribus spasmo debetur 213. 215
 Humida stagnantia facilem putredinem subeunt cur 58. quomodo possint servari ibid.
 Humores quatuor veterum in corpore qui 88
 Sitten-Rage quid 430. symptomata ibid.
 Hydatides in hepate unde 487. in utero ibid.
 Hydragryum est venenum 427. vapor maxime aurifabros adfcit ibid.
 Hydrocele Narbonensibus familiaris cur 366
 Hydrops ex utero sæpe oritur 534. ex asthmate diuturno & palpitatione cordis 310. 534. post paracenthesin sæpe lethalis 533. eius funesta signa ibid. pericardii unde 130. in utero fœtum sæpe adfligit 130
 Hypochondriaci mali symptomata unde 109
 Hysterica passio uteri potissimum vitio debetur 395. acidi abusus sæpe remota causa est 41. humi prostratio in ea unde 111. curatur sæpe per concubitum 21
Icterus, eius generatio causæ & symptomata 196. in hystericis & hypochondriacis unde 197. venenis adsumtis sæpe se adsociat 397. præcedit nonnunquam inflammationem ventriculi 465. fœtum non raro in utero adfcit 115. propagationis eius modus 130
 Iliacæ passionis sedes 95. causa 449 frequens est in Græcia 96
 Impotentiam & sterilitatem inducentia an dentur 406. quæ pro iis habentur ibid.
 Infantes quando loqui & incedere incipiant 8. quam maxime capite patiuntur 10. morbi illorum qui 10. causæ, 24
 Inflammatio quid 441. in partibus membranaceis periculiosior reliquis 440. in sphacelum transitus signa 302.
 Inflammatoriæ febris signa salutari solutionis 168. frequens est Apuliæ incolis 369
 Intermittentium febrium sedes in duodeno 325. 331. paroxysmi in illis unde 202. causæ 332. genera

Index rerum præcipuarum.

- neralis medendi methodus ibid.
 sæpe a matre ad fœtum deducun-
 tur 116. signa & causæ 129.
 Galliæ populis endemiæ 366.
 vid. febris.
- I**nstitutum rectum ex anatomia co-
 gnitu est necessarium 96. con-
 nexio cum vesica ibid.
- I**ra varia inducit mala 335. dolo-
 rem in scrobiculo cordis 94. icte-
 rum 455. gravissimas sæpe et-
 iam tollit passiones 455. reme-
 dia 335
- I**nventutis periodus 12. ad morbos
 pectoris proclivis ibid.
- L**Ac præcipua morborum infan-
 tum causa 39
- L**æsio absolute lethalis quæ 392.
 non ex tempore, quod supervivit
 vulneratus, iudicanda 399. prop-
 ter accessum denegatum quan-
 doque absolute lethalis 395. per
 accidens lethalis quæ 393. ab
 ignorantia aut defectu chirurgi
 sæpe fit 397. pericranii quando
 lethalis 394
- L**ethargus quibus morbis se adfoci-
 et 524. eo adfecti serosa extra-
 vasatione in cerebro moriuntur
 ibid.
- L**entorum febrium ex intermitten-
 tibus ortarum sedes 329. signa
 & cura 330. mortuorum anatome
 335. Galliæ genti endemiæ
 366.
- L**ienis structura 101. officium ib.
 obstructionis noxa ibid. dolo-
 rum in eo situs 95. gravativi &
 fixi cur ibid. remedia 102.
- L**igna in vase clauso cremata aci-
 dum stagna & oleum fundunt 38
- L**ithargyrii virulentia unde 428.
 spiritu metallico gaudet ibid. pa-
 themata inde 429. a fumo eius
 incommoda 437. curatio 438
- L**ochia suppressa eorum causæ ex-
 ternæ 356. a spasmodicis nimis sæ-
 pe oriuntur 357. signa funesta
 303
- • nimium fluentia, signa funesta
 308. male venæsectione in ma-
 nu & adstringentibus sistuntur
 348
- L**ongævitæ hominum ante diluvi-
 um unde 6. quibus præsidii ac-
 quiratur 84. seq.
- L**ues venerea in utero sæpe ad fœ-
 tum transit 129. Constantino-
 poli exulat 379
- L**umbrici in pueritia unde 11. Gal-
 liæ genti familiaris 365
- L**ympha ab arteriis separatur 106.
 eius officium ibid. gastricæ & in-
 testinalis usus 30. ex anatomia
 cognitu est necessaria 107. pro-
 gressus eius quomodo facilitatur
 107. morbi ex vitio & retar-
 dato cursu qui ibid. cur curatu
 difficiles ibid.
- M**alignæ febres in phlegmaticis
 & cachecticis unde 237. Gal-
 liæ populis endemiæ 366. ex-
 stinctorum anatome. 533
- M**echanismus quid 4
- M**edicinæ necessitas 81. rationalis
 requisita 82. scopus 517
- M**edicus longam vitam præstare
 debet & quomodo 62. eius re-
 quisita 472. circa criminalia of-
 ficiū 388. testimonium de vul-
 nera-

Index rerum præcipuarum.

nerato mortuo a se curato nihil valet	402	præservatio & cura 436. seq. cur suffocatione pereant 422. cœruleus color in antris suffocatorum unde	423
Melancholia hypochondriaca Hispanis familiaris	370	Metastasis morborum acutis familiaris 270. lethalis sæpe	ibid.
Melicerides unde	487	Molæ unde 349. sunt vel nutritionis vel generationis ibid. explicatio 350. an in virginibus inveniuntur	350
Membranaceæ corporis partes quæ 103. structura ibid. ad spasmos & inflammationes proclives ibid.		Montium incolarum longævitas unde	6
Menses quando primum erumpunt 9. causæ 11. 342. quæ ætate cessent 9. sæpe morbos solvunt	20	Morbus niger Hippocratis quid 68 quomodo mortem inferat ibid.	
- - suppressi circa eos ad quod respiciendum 343. ob prægressos morbos sæpe retinentur 342. fontibus & balneis salutariter revocantur 343. interna quæ profunt ibid. pellentia sæpe nocent & quando ibid. fontes foterii in his salutes & qui	348	Morbi a Galeno a fluidis derivantur 3. sed falso 7. 321. sæpe a defectu sanguinis veniunt 65. it. ab abundantia 64. ipsi & morbos effectus distinguendi	228
- - nimium fluentes unde 344. feminae præ virginibus iis obnoxie 345. fontibus foteriis eos sæpe in ordinem rediguntur 348. male venæsectione in manu & adstringentibus sistuntur	ibid.	- - Ægyptiis frequentes qui	384
Mercurialia scorbuticis infensa cur	46	- - castrenses unde	66
Mercurius gravitate pollet 429. fossoribus est infensus 427. noxii inde effectus 429. dentium firmitati nocet.	158	- - contagiosi unde	202
Metalla omnia sulphur recondunt 420. eorum natura 421. quæ prima materia 420. in aqua crescentia præstant terrenis ibid. menstruum universale est æthereum	421	- - maligni qui 69. causæ 48. alios inficiunt ibid. præservatio 70	
Metalli fossorum morbi 419. seq.		- - metallici in pulmonibus habent initia.	418
		Mordechi Indis frequens morbus 379. causæ	380
		Mordexyn morbus Goæ incolis peculiaris	382
		Mors quid 86. 292. 522. est necessaria 5. 84. causæ præcipue sunt quatuor & quæ 86. 540. ex anatomia variis morbis extinctorum desumi debent 293. quomodo præscindendæ 296. in acutis quæ 86. in senibus ab abusu fructuum horæorum. 537. ab emeticis & purgantibus sæpe accersitur.	306

Motus

Index rerum præcipuarum.

- M**otus quid 79. in corpore animanti unde 211. 250. species quot 503. arteriarum est continuus 498. sanguinis duplex 230. uterque ad febrium salutarem solutionem requiritur ibid. vehemens quando dicatur 501. localis veterum requisita 496
- M**ucus falsædinis manifestæ expers est 28
- N**atura veteribus quid 226. morborum est medicatrix 81. 200. mechanica necessitate agit 229. qualem ordinem servet 227. 281. non sufficit ad morbos curandos 81. intensiori motu morbos sanat 229. 232.
- N**ervorum consensus cognitu est necessarius 109. 144
- N**itri generatio 26
- O**culorum vitia in Armenia frequentia 382. Japonensibus communissima 381.
- O**besi præ gracilioribus morbis patient 509
- O**dontalgia nonnunquam a decubitu feri acris venit 154. 155. aut sæpe a dente carioso 160
- O**vulum foemininum omnia linimenta hominis continet 123. 124
- P**alpitatio cordis sæpe polypo debetur 529. sub incurvatione corporis sæpe cohibetur ib. defunctorum anatome 530
- P**ancreaticus succus a Sylvio acidus habetur 314
- P**aralytis infantes non invadit 16. quibus morbis se adsociet 524. ea exstinctorum anatome ibid.
- P**artus a nimia strictura uteri difficilis quibus remediis facilitandus 356. sæpe post mortem matris fit 307. funesta gravioris signa ibid. facilis est in Æthiopia 394.
- P**etialis qui 406
- P**ediculorum copia in Hungaria unde 375
- P**eripneumonia mortuorum anatome 528. in Westphalia frequens 376. causæ ibid.
- P**estis quid 372. essentia consistit in putrefactione 69. quomodo hominem iugulet ibid. defunctorum anatome 538. in calidissimis regionibus frequens 372. Constantinopoli endemia 378. quo anni tempore ibi invadat & causæ 379. 383. in insula Formosa periculosissima 381
- P**etechiarum essentia consistit in putrefactione 69. curatio generalis 70. signa solutionis. 268
- P**hantasia ac imaginatio unde 375
- P**hiltra pharmaca non dantur 411. quænam pro iis venditantur 411. vera quæ 412
- P**hrenitis quando in variolis funesta 290. signa funesta 301
- P**hthisis unde 532. signa funesta 305. 310. 532. mors in hac facilis 533. defunctorum anatome 591. Londini frequens est 367
- P**ilorum in pube proventus quando 9. 11.

Index rerum præcipuarum.

- Placentæ uterinæ structura 126. vicem gerit pulmonum ibid.
 Plethora est causa obstructionum 33. imminutio sæpe a natura fit. 63. circuli sanguinis tardioris est ibid. sæpe causa mortis & pinguedinis 64
 Plica Polonica quid 374. causa 375
 Pleuritidis signa solutionis 268
 Plumbi mechanica textura 432. promte in auras avolat 430. adsumti noxa 431. fumus quid 430. deglutiti incommoda 410. 432. seq.
 Podagra in Persia rara 385. in Armenia frequens 383
 Podagrici doloribus ventriculi & anxietatibus vexantur 204. mitigatio quomodo fieri debeat 204
 Polypus quid 526. in iuvenili & virili ætate frequens 12. signa 12. 310. plerumque in dextro ventriculo invenitur 526. sæpe causa mortis evadit 62
 Potus frigidus in calefactum corpus ingestus venenum 67. 466. infusis calidis ex herbis antispasmodicis curatur 68
 Præcordiorum anxietates in ventriculi inflammatione 450. tumor ibi 453
 Prognosis famam medico conciliat 286. ad artis finem proprie non spectat ibid. est ex difficillimis 287. causa est observationum defectus ibid. seq. veterum est empirica 288. distinguenda pathemata, corpora & tempora 289. seq. quæ in acutis ferenda 299. pulsus in his tangendus 300. in morbis pectoris quæ 303. cautelæ generales circa eam 311. 312
 Pubertatis periodus 11. morbi 11. 24
 Pueri & infantes præ iuvenibus morbis obnoxii 509
 Pulmonum structura 98. in praxi eius usus ibid. subsidentes in aqua infanticidii sunt signum in insufficiens 403. vulnera lethalia quæ ibid.
 Pulsus quid 495. ad motum localem a veteribus refertur 496. mechanice explicatur 495. seq. variat pro subiectorum varietate 508. item anni temporum 509. it. pro tempore febris 512. quando ille tangendus 510. in utroque carpo quandoque scrutandus 509. facit ad diagnosin & prognosin 506. 513. per experientiam addiscendus ibid. Galenus nimis multas finxit species 502. Sylvius ad tres tantum reduxit 503. revera tamen quatuor sunt & quæ 504. quænam possint invicem coniungi 505. in capitis interiori parte in continuis & malignis febribus delirium prænunciat 514. in hypochondracis in hypochondrio sinistro unde 513. in partibus incongruis denotat inflammationem aut suppurationem 514. plane cessans cum sudore frigido mortem prænunciat 514. usus circa medicamentorum exhibitionem 515. seq.

Pul.

Index rerum præcipuarum.

- | | |
|--|---|
| <p>Pulsus æqualis qui 540. sanitatem indicat 506</p> <p>- - caprizans inæqualis species 305</p> <p>- - in acutis periculosus ibid.</p> <p>- - celer Sennerto quid 469. qui dicatur 504. ex frequentia iudicandus 224. 499. copiam virium an indicet 225. separatim percipi nequit 499. est in cholericis ac cholerico sanguineis 508. post purgantia vehementiora idem tangitur 515</p> <p>- - - & frequens cum caloris augmento febrem indicant 499. sine errore unus pro altero ponitur 499. 501</p> <p>- - creber ac mollis in infanti ac puerili ætate est 509</p> <p>- - debilis quid 501. 504</p> <p>- - dicrotus inæqualis species 508. pessimum corporis statum indicat ibid.</p> <p>- - durus quid 505. inflammationem in membranaceis partibus indicat 514. aut dolores, spasmos & convulsiones 508. in senibus est unde 509.</p> <p>- - frequens Sennerto aliisque quid 497. non est de essentia pulsuum ibid. causa & rationalis explicatio 512. 513. ex numero & tempore determinato diiudicandus 504. febrium signum pathognomonicum 510. seq. non sine celeritate est 499. 505.</p> <p>- - - debilis & parvus languidum circulum sanguinis indicat 512</p> <p>- - - parvus & inæqualis terrore adfectorum est 510</p> | <p>- - - inæqualis & languidus in pectoribus adfectibus & palpitatione cordis est 514</p> <p>- - formicans inæqualis species 505. in acutis periculosus ibid.</p> <p>- - inæqualis quid 504. non boni ominis 507</p> <p>- - - & debilis in crassi turbatum sanguinem & inordinatum spirituum influxum denotat 507. nihil boni præfagit ibid.</p> <p>- - intermittens infausti præfagii est 508. sine exitio quandoque observatur ibid.</p> <p>- - - debilis & celer iunctus plerumque mortem prænunciat 508</p> <p>- - irregularis pessimam corporis conditionem indicat 508</p> <p>- - magnus Sylvio quid 503. qui recte dicatur 504</p> <p>- - moderatus sanitatem indicat 506</p> <p>- - mollis quid & unde 505. in infantibus deprehenditur 509</p> <p>- - parvus Sylvio quid 503. qui dicatur 504. progressum sanguinis languidum & virium debilitatem indicant 507</p> <p>- - - debilis & frequens virium languoris & diu persistens malignitatis index est 707</p> <p>- - - languidus & tardus tristitum est 510</p> <p>- - rarus Sylvio quid 503. tarditatis signum 504</p> <p>- - ferratus inæqualis species 505. in acutis periculosus ibid.</p> <p>- - tardus qui 504. sanguinis visciditatem indicat. 507</p> |
|--|---|

Index rerum præcipuarum

- - - & magnus virium roboris
& visceris sanguinis signum
est 507. in senibus pletho-
ricis & melancholicis est
503
- - - parvus ac languidus dor-
mientium est 509
- - tremulus inæqualis species 505
in acutis periculosus ibid.
- - vehemens quid 501. 504
- - - & celer febriculofam in-
temperiem indicat. 507.
cholericis & cholerico san-
guineis familiaris 508
- - - - magnus intensiorem
sanguinis æstum signi-
ficat 507
- - undosus inæqualis species 505.
in acutis periculosus ibid.
vermicularis idem ac undosus
505
- Purgantia validiora nocent & quæ
88. inflammationem ventriculi
sæpe concitant 458. veteres cur
in propinandis peccaverint 89
- Purpura in Misnia frequens mor-
bus 377. quale sal in eo peccet
49. signa & causæ 377. præter
alios puerperas maxime invadit
377. 203. facile aliis iungitur
morbis inclinatis 333. methodus
medendi 203. 334
- - alba acutis superveniens letha-
lis 305. signa ibid.
- Putredo quid 55. semper comitem
habet foetorem 55. causæ sæpe
sunt venena 66. sanguinis boni
copia 64. defectus 65. a corpo-
re quomodo arcenda 56. seq dif-
fert a fermentatione 53

Quartana febris æstate facile cu-
ratur 231. foetum in utero
sæpe adficit 118. emetico in ini-
tio curatur 332. diuturna huic
non cedens quid faciendum ibid.
epilepsiam sæpe tollit 235
Quies quid 97

Rachitis in Anglia morbus in-
quilinus 367
Remedia diætetica chymicis in
morbis rebellibus sunt antefe-
renda. 2
Renum officium 61. 102. qualia
salia secernant 32. motus est ibi
celerrimus 102. morbi ex iis
ibid.
Rheumatismi a sale acri oriuntur
experimento probatur 43
Rigor febrilis spasmo debetur 416
Roseolæ in Italia frequentes 368

Sal, primogenium est acidum in
aere 26. est necessarium ad vi-
tam 29. generatur per motum
25. causticum unde 46. indoles
vis & effectus in corpore 47.
est in venenis 46. generatur sæ-
pe in corpore ex fordibus 46
Salis falsi in corpore generatio 42.
ad quos morbos disponat ibid.
- - volatilis in animantibus gene-
ratio 28. productio ex iis 56
Salia quæ in corpore sano sint 38.
non omnium morborum sunt
causæ 48. probatur rationibus 49.
causæ & morbosa diversa in cor-
pore unde 32. 42. generantur ab
humorum copia 33. defectu 34.
febris ardentibus 35. tertianis
con-

Index rerum præcipuarum.

- continuis ibid. ab æstu intenso
 intestino 33. 35. a spirituosus 36.
 ab alimentis nimium salitis ibid.
 Saliva aerem in se continet 418.
 usus 30
 Salivantia in lue venerea ubi ap-
 plicanda 93
 Sanguis crassus ad hepar fertur 478.
 in eo facile stagnat 482. tardus
 progressus unde 481. color coc-
 cineus unde 417. calor 218. præ-
 ternaturalis non testis de circu-
 lo citato 219. copia quæ produ-
 cat mala 33. itidem defectus 34.
 eius restitutio 66
 Sanitatis fundamentum in quo
 consistat 62. 86
 Sarcocoele Narbonensibus familia-
 ris 366
 Scabies humida adolescentibus
 familiaris 42. sicca phlegma-
 tica ibid. methodus medendi
 generalis ibid. nimium salina
 remedia nocent 3. in West-
 phalia frequens 376. rara in Hi-
 pania 370
 Schleiser-Krankheit quid 434
 Schiptio morbus in insula Formosa
 qui 382
 Scorbutus quid 73. salia in eo pec-
 cant 45. adfecti in sphacelum
 sunt proclives 73. mercuriali-
 bus non est tractandus 48. rarus
 est in Hispania 370. maris Bal-
 tici accolis frequens 371. signa
 ibid.
 Semen quando fecerni incipiat 11.
 Semitertiana febris, Romanis fre-
 quens 368. quos ibi invadat
 ibid.
 Sensuum instrumenta sunt partes
 membranaceæ 440
 Senectutis periodus 13. causæ &
 morbi 13. 44.
 Senes a vermibus sunt immunes 16.
 a peste ibid. ad spacelum pro-
 clives 73
 Singultus ventriculi inflammatio-
 ni superveniens lethalis 452
 Situs erectus noxius a veteribus iam
 cognitus 243. in acutis 244. cau-
 sæ 248. seq. observationes & ex-
 empla 243-247. quæ phænome-
 na sequantur 255. quæ profint
 256
 Simultæ confectio 426. eam trac-
 tantium morbi. ibid.
 Solidorum structura diversa est
 causa diversitatis operationum
 in corpore 7
 Spasmus quid 212. indoles 453.
 omnium morborum fundamen-
 tum 213. homini infensus est
 297. nimii ante & in partu quo-
 modo compescendi 357
 Sphacelus in hepate unde 486
 Spinæ dolores unde 97
 Spirandi difficultas unde 94. ab in-
 flatione ventriculi sæpe fit ibid.
 Spiritus fumans ex quibus confici-
 endus 56. experimenta curiosa
 414
 Sputum falsum in hectica unde 35
 Stranni exhalationes noxiæ 434
 Steatomata in hepate unde 487
 Strint in Hungaria quinam mor-
 bus 376
 Sudoriferorum noxa post excan-
 descentiam 91
 Sulphur in fulgure & fulmine un-
 de 27.

Index rerum præcipuarum.

- de 27. inflammabilis ex resinis
productio 43. præparatio ex mi-
nera prope Goslariam 424. no-
xa in corpore ibid. odor in ca-
pitis dolore ex ebrietate aut levi
obstructione prodest. 424
Syncope unde 522. lethalis causa
526
- T**Abaci fumus an profit in odon-
talgia 173
Tarantulæ morsus Apuliæ genti
endemiæ 370. symptomata ib.
Transpiratio ad vitam & fanita-
tem est necessaria 330. suppres-
sa concitat mala 33
Temperamentorum mutationis
rationalis explicatio 7. seq.
Terror gravidis noxius. 120
Topica ubi applicanda 92. in fe-
brium spasmodicis ibid. in debilitate
nervorum ibid. in morbis capi-
tis 108
Tussis Londini familiaris. 366
- U**lceræ cacoethica senes sæpe in-
vadunt 15
Ureterum situs 97. structura 96.
calculus sæpe ipsis infidet 97
Urina in scorbutis quæ 45. rubi-
cunda in hæctica unde 35. mictio
cur potum calidum brevi sequa-
tur 102. suppressa per topica
provocatur 93. mingendi difful-
tas cum tenesmo iuncta 96
Uterus vi elastica gaudet 338.
substantia est fungosa 340. mag-
nitude extra graviditatem 354.
innumera habet vasa 339. quæ
per anastomasin connectuntur
334. in gravidis distenduntur 339
- venæ hypogastricæ ibi latiores
sunt, quam arteriæ hypogastricæ
340 alit consensum cum intestino
recto 359. 360 multorum morbo-
rum matrix est 101. 103. nimia
strictura facit partum difficilem
356. vaginæ prolapsus in tenes-
mo unde 360. hæmorrhagia post
& ante partum aut abortum est
periculosa 340. seq. flatus in eo
quid indicent 358. hydatidum &
hydropis causa & exempla 359.
Vapores in metalli fodinis varia
producunt mala 435
Vaporosa cerebro non conveniunt
108
Variolæ quando invadant & remit-
tant 269. materia est sal tenue
causticum & acre 47. 129. signa
funesta 305. in utero sæpe ad
fœtum propagantur 115. quo-
modo & unde 129. Londini fa-
miliares sunt 384. itidem in in-
sula Formosa 382. & in Malaba-
ria 381
Vegetabilia coacervata facile pu-
trescunt 58. causa coloris ac vir-
tutis unde 25
Venæ cavæ officium & cursus 477
Venæ portæ structura & officium
476
Venæsectio longævitas est reme-
dium 85. in pulmonum morbis
prodest 98. usus duplex est 88
Venena vera quæ 407. actio in cor-
pus 67. 407. necatorum anatome
ibid.
Venti boreales quomodo ad mor-
bos faciant 43. quale sal secum
vehant 26

Ventri-

Index rerum præcipuarum.

- Ventriculus eius structura 441. substantia ib. situs 94. officium 445. consensu & exquisito sensu gaudet 443. 450. orificium dextrum & sinistrum maxime sensibile cur 104. in praxi cognitu est necessarius 93. exulcerati signa funesta 311. vulnera absolute lethalia sunt 448. seq.
- Ventriculi inflammatio raro apud auctores allegatur 447. frequens tamen in praxi observatur 441. signa pathognomonica 446. subiecta 467. symptomata 110. 111. 453. signa funesta 361. differt a cardialgia 448. præ reliquis inflammationibus periculosa ibid. in se spectata non est causa mortis 449. 454. defunctorum anatomicæ 337. 467. hanc sæpe produciunt animi pathemata 454. vomitoria præsertim post iram 455. purgantia fortiora 457. venena caustica 470. pestis 459. febres petechiales retrocedentes ibid. podagra retropulsa ibid. variolæ & morbilli retrogressi 461. bilis 462. seq. frigidus potus post calefactum corpus 465. vermes 466. præcavetur venæsectione 468. 471. purgantia minus conveniunt 468. anodyna ac opiata sunt periculosa 469. opime infusis calidis ex antispasmodicis & demulcentibus curatur 471
- Ventris torminibus defunctorum anatomicæ 539
- Vermes generantur ab acido 39. senes non vexant 16. dantur quoque in dentibus 152. per totum corpus in Guinea frequentes 384. signa & symptomata 385.
- Vertigo sedem sæpe habet in duodeno 328
- Vesicæ situs 96. textura ibid. felleæ situs 177. structura 178. valvula in cervice caret ibid. officium ib.
- Virilis ætatis periodus 12. morbi 13
- Vita quid 84. 520. non in conservatione mixti a putredine consistit 519. nec in excretionibus 61. 86. nec integritate structuræ 282. sed circulo sanguinis iugis ac æquabili 59. 188. requisita 188. veterum de ea obscuræ sunt notiones 83
- Vitriolum quid 424. sulphureæ indolis est ibid. abunde in monte Rammelio provenit 425. fossiores nudi colligunt ibid. quibus morbis pateant. ibid.
- Vomendi conatus post iram perperam pro naturæ motu salutari habetur 457. optime antispasmodicis curatur ibid. in inflammatione ventriculi unde 451. sq.
- Vomitibus cruentis in malo hypochondriaco & lienis obstructione unde 104
- Voracium dispositio ad morbos 65.





